

釋宗金書



禪宗全書

史傳部四

(4)

藍吉富 主編

北京圖書館出版社



解題

一、建中靖國續燈錄

編譯組

全書三十卷。宋、法雲寺住持佛國禪師惟白編。本書是承繼「景德傳燈錄」及「天聖廣燈錄」而來的傳燈錄，故名「續燈錄」。「建中靖國」一是編者呈書給徽宗皇帝時的年號。

本書依禪門法脈相續的次第，集錄師資略歷、機緣語句、古則公案及偈頌等，而特別偏重雲門宗禪者語錄的揭載。全書凡分正宗、對機、拈古、頌古、偈頌五門。大要如下：

- 一、正宗門：敘述印度、中國五十一位師祖的契悟緣由。
- 二、對機門：記述臨濟、雲門兩宗諸師應機說法的情形。
- 三、拈古門：集錄雪竇重顯以下二十八師所拈舉的古則公案。
- 四、頌古門：編錄雪竇重顯以下十九人的頌古詩偈。
- 五、偈頌門：收錄法泉佛慧以下三十九人的唱道偈頌。

二、禪林僧寶傳

陳垣

「禪林僧寶傳」三十卷，宋釋惠洪撰。簡稱「僧寶傳」。「晁志」闕本著錄傳記類，袁本及陳氏、「通考」均著錄釋氏類。清「四庫」著錄惠洪書，此書及「林間錄」入釋氏，「冷齋夜話」入雜家，「石門文字禪」入別集，又有「天厨」禁衛，附詩文評存目。

惠洪生平

惠洪又名德洪，字覺範，自號寂音尊者，事蹟見「文字禪」二十四寂音自序，及祖琇撰「僧寶正續傳」卷二。江西人，與黃山谷善，又習其鄉歐陽、王、曾諸公之緒，故雖出家，而才名籍甚。惟性粗率，往往輕於立論，故生平毀譽參半。王明清「玉照新志」卷三云：「洪本筠州高安人，嘗爲縣小吏，黃山谷喜其聰慧，教令讀書爲浮屠，其後海內推爲名僧。韓駒作「寂音尊者塔銘」，即其人也。」

此外如葉夢得「避暑錄話」、胡仔「漁隱叢話」、吳曾「能改齋漫錄」、陳善「捫蝨新話」、俞文豹「吹劍外錄」等，對之均有微詞，胡吳二家斥其繆妄，尤不止一次。然惠洪要爲伉爽有才氣，聰明絕世，同時僧中無兩也。其居平評詩之語最多，以非本題，不具論，論其評史，爲舉一例，亦足見其立論之大略。

「宋僧傳」十八唐泗州「僧伽傳」云：「葱嶺北何國人也，自言俗姓何氏，亦猶僧會本康居國人，便命爲康僧會也。詳何國在碎葉東北，是碎葉附庸耳。」洪撰「冷齋夜話」九，乃力斥其說，謂：「僧伽龍朔中遊江淮間，其迹甚異，有問之曰：『汝何姓？』答曰：『姓何』。又問：『何國人？』答曰：『何國人。』李邕作碑，不曉其言，乃書傳曰：『大師姓何，何國人。』此正所謂對癡

人說夢，李邕遂以夢爲眞，眞癡絕也。贊寧以其傳編入僧史，又從而解之，此又夢中說夢，可掩卷一笑。」

夫洪去僧伽五百年，何由知僧伽之「何國」非國名，不過偶爾觸機，覺何爲代名耳。羌無故實，以理想爲故實，作一假設，未爲不可，乃過甚其詞，至詆前賢爲夢中說夢，既自暴其不學，復自暴其寡養，其憎茲多口固宜。「東坡志林」一二嘗注意及此，曰：「泗州大聖『僧伽傳』云：『和尚何國人也。』又世云莫知其所從來，故云不知何國人。近讀隋史西域傳，乃有何國云云。豈特『隋史』，『通典』並載其武德、貞觀中皆曾遣使來貢也。則僧伽之爲何國人，有何可笑乎，惜東坡知之，而洪未之知也。」

「晁志」別集類著錄洪「筠溪集」，云：「洪著書數萬言，如『林間錄』、『僧寶傳』、『冷齋夜話』之類，皆行於世，然多夸誕，人莫之信。」夫評詩，人不之信，其害小，作史人不之信，則可信者亦將爲不可信者所累，豈不與作史初心相背哉！

祖琇爲洪鄉人，對洪時致不滿，然其爲洪傳贊，獨深恕之，曰：「覺範少歸釋氏，長而博極羣書。觀其發揮經論，光輔叢林，孜孜焉手不停綴，而言滿天下。及陷於難，著縫掖，出九死而僅生，垂二十年，重削髮，無一辭叛佛而改圖，此其爲賢者也。」是真平情之論矣。

洪卒於建炎二年，年五十八。「冷齋夜話」九有紹興初曾子宣在西府紀事，曾布卒於大觀元年，此紹興當是紹聖，「四庫本夜話」未加訂正也。

「僧寶傳」之體製及得失

「僧寶傳」爲傳記體，然與以前僧傳不同，以前僧傳，統括十科，此則專羣禪者。又與「燈錄」不同，「燈錄」詳載語言，此則兼載行事。然同載行事，其文體又有不同，一則類聚衆文，裁剪而成傳，其作用爲物理的；一則鎔化衆說，陶鑄以成文，其作用爲化學的。二者優劣，誠未易言，然洪則主張後說者也。

「文字禪」二十五有「題修僧史」一首云：「僧史自惠皎、道宣、贊寧而下，皆與『史記』、『兩漢』、『南北史』、『唐傳』大異，其文雜煩重，如戶婚門訟按檢，昔嘗憎之，欲整齊使成一體之文，依倣史傳，立以贊詞，使學者臨傳致贊詞，見古人妙處，不亦佳乎！於是仍其所科，促十四卷爲十二卷。」

所謂僧史，未指何書，以卷數推之，當爲「皎傳」。十四卷促爲十二卷，所促幾何，何必多此一舉。且一代有一代之文體，若以宋人之文，施之六朝，是猶飾古人以今服，豈非滑稽之甚。幸而其書不傳，即傳亦未必足觀也。惟撰近代僧傳則不然，儘可以近代文體行之，「僧寶傳」其嘗試成功者也。

「文字禪」二十六有「僧寶傳」題詞十二首，皆洪書成時，諸禪人鈔寫誦讀，請洪題記者也。其第一首有曰：「禪者精於道，身世兩忘，未嘗從事翰墨，故唐宋僧史，皆出於講師之手。道宣精於律，而文詞非其所長，作禪者傳，如戶婚按檢；贊寧博於學，然其識暗，又聚衆碣之文爲傳，故其書非一體，予甚悼惜之。」

所謂一體者，即鎔衆說以成文，此文家之法也；所謂聚衆碣之文爲傳者，此史家之法也。二者不同道，洪旣以文家之法成書，故其書琅琅可誦。

其第三首有曰：「予初游吳，讀贊寧僧史，怪不作雲門傳，有耆年曰：嘗聞吳中老師言，尚

及見寧，以雲門非講學，故刪之。又游曹山拜澄源塔，得斷碣，曰『耽章號本寂禪師。』於是喟然念雲門不得作傳，曹山名亦失真，始有撰敘之意。」

今「僧寶傳」既託始於曹山、雲門，運用其斬新史料，凡得八十一人。然曹山名耽章，前此未聞，後亦無人信用，此與皇甫謐謂漢高父名執嘉，王符謂漢高父名端、同其不易取信也。至「宋僧傳」之不立雲門傳，自是採訪未周，與講學不講學何涉。且「宋僧傳」六百餘人，講學者有幾，此真不值一駁者，而洪公然著之書，無怪識者之譏評矣。

祖琇「僧寶正續傳」末，附代古塔主「與洪覺範書」，有曰：「嘗聞足下有撰次僧史之志，某喜爲之折屐。及足下成書，獲閱之，方一過目，憫然華麗，及再三伸卷，考覈事實，則知足下樹志淺矣。夫文所以紀實也，苟忽事實，而高下其心，唯騁歆艷之文，此楊子所謂從而綉其顰，君子所不取也。」

淳熙末，者菴惠彬撰「叢林公論」，亦數攻擊此書，以爲「傳多浮誇，贊多臆說」。「漁隱叢話後集」三七亦云：「『僧寶傳』，洪覺範所撰，但欲馳騁其文，往往多失事實。至於作贊，又雜以詩句，此豈史法示褒貶之意乎。」當時縑素對「僧寶傳」之批評如此，其書之內容可知。

明初恕中無愠撰「山菴雜錄」上云：「覺範『僧寶傳』，始名『百禪師傳』，大慧初見讀之，爲別出一十九人焚之。厥後覺範致書黃檗和尚云：『宗杲竊見吾『百禪師傳』，輒焚去一十九人，不知何意。』覺範雖一時不悅，彼十九人者，終不以預卷」云。

杲少洪十八歲，於法系視洪爲從祖，竟貿然焚其初成之史稿，不知師子兒果有是事否，又不知其何所見而爲此也。今此八十一人中，除未詳所屬者數人外，屬青原者十一人，曹洞十人，臨

濟十七人，雲門、黃龍各十五人，法眼五人，滄仰一人，楊岐四人，足見當日雲門、臨濟之盛。洪黃龍下二世，杲楊岐下四世也。惟「晁志」衢本袁本均作八十七人，「通考」引「晁志」亦然，知是晁氏原稿錯誤，非後人傳寫之譌矣。

「僧寶傳」板本

「僧寶傳」最初刊本有宣和六年侯延慶序，今存。「文字禪」卷二十三有「僧寶傳」序，今刊本俱無之。寶慶三年，杭州刻本有張宏敬序，洪武六年，明州刻本有戴良序。

今通行者有嘉興續藏本，影印續藏經本，南京刻本，皆三十卷。「四庫」著錄者三十二卷，蓋末有舟峯菴僧慶老補傳三人，作一卷，又附「臨濟宗旨」，亦作一卷也。「晁志」衢本及「通考」作三十二卷，袁本及陳氏作三十卷。

「四庫」所據者，即明州刻本，卷首應有戴良序。「提要」只見寶慶三年張宏敬序，稱錢塘風篁山僧廣遇鋟梓，而卷末題明州大慈山比丘寶定刊，疑爲四明重鋟本，是也；特因未見戴序，故不能定爲何時重刻，不知戴序見「九靈山房集」二十一。洪武初，戴良游鄞，故爲寶定作序，或書估去之，欲以洪武本充宋本耳。

舟峯菴在泉州，曉瑩撰「雲臥紀談」上云：「泉州北山之頂，有橫石如舟，世以舟峯名之。大比丘諱慶老，字龜年，結茅山麓，號舟峯菴主。大慧遷徑山，舟峯爲掌記室，詞章華瞻，殊增叢林光潤，紹興十三年癸亥委順」云云，即此書卷末撰補傳之人也。「提要」以爲北宋人，尙未大誤。「宋詩紀事慶老傳」乃不著一字，可以此補之。

三、補禪林僧寶傳

編譯組

本書實僅係三篇傳記，顧名思義，其書係在補「禪林僧寶傳」之不足。作者爲舟峯庵沙門慶老。書中三篇傳記所載者爲五祖法演、雲巖悟新、石頭懷志等三位禪師。

四、僧寶正續傳

編譯組

全書七卷。宋、石室祖瑋撰。著作年代不詳。本書是宋代禪家的名僧傳，主要集錄羅漢系南至黃龍悟新間之二十八位禪師，以及德山木上座、臨濟金剛王等三十人的傳記。卷末附有「代古塔主與洪覺範書」，批評覺範「僧寶傳」的闕失。寫本現藏於京都大學。

目次

解題

壹、建中靖國續燈錄

一、原書目錄

二、御製序

三、卷一（正宗門）

摩訶迦葉——善昭

四、卷二（對機門至卷二十六）

澄遠——宗盛

五、卷三

明覺——日芳

六、卷四

慈明——寶情

七、卷五

一

三

四〇

四一

五二

六四

七七

九〇

義懷——明教

八、卷六……

大覺——應圓

九、卷七……

惠南——自能

十、卷八……

淨照——淨端

十一、卷九……

圓照——用機

十二、卷十……

圓通——旺

十三、卷十一……

佛慧——仲豫

十四、卷十二……

照覺——契雅

十五、卷十三……

佛陀——德滋

十六、卷十四……

一〇二

一一五

一三一

一四四

一五七

一六九

一八四

一九七

二一一

眞如——震

十七、卷十五……………二二四

大通——崇新

十八、卷十六……………二三六

證悟——楚長

十九、卷十七……………二四九

惠炬——佛國

二十、卷十八……………二六四

白（自？）——齡——期

二十一、卷十九……………二七六

應乾——眞覺

二十二、卷二十……………二九〇

智本——智明

二十三、卷二十一……………三〇一

佛印——普印

二十四、卷二十二……………三一四

祖璿——普能

二十五、卷二十三……………三二二

從悅——宗（菴？）什

二六、卷二十四……………三二九

寶鑑——普明

二七、卷二十五……………三三八

寶覺——德宗

二八、卷二十六……………三五三

義青——仲顏

二九、卷二十七（拈古門）……………三六二

明州雪竇山重顯明覺禪師二十則等

三〇、卷二十八（頌古門）……………三七六

明州雪竇山重顯明覺禪師二十則等

三一、卷二十九（偈頌門）……………三八八

蔣山法泉佛惠禪師三十四首等

三二、卷三十（偈頌門）……………四〇二

明州雪竇山重顯明覺禪師十首等

三四、上皇帝書等四篇……………四一一

貳、禪林僧寶傳……………四一七

一、序引……………四一九

二、原書目錄……………四二一

三、卷一……………四二三

曹山本寂

四、卷二……………四二七

雲門文偃

五、卷三……………四三一

延昭（又作沼）——善昭

六、卷四……………四三六

師備、文益

七、卷五……………四四一

慶諸——無殷

八、卷六……………四四五

道膺、元安

九、卷七……………四四九

德韶——本先

十、卷八……………四五四

緣德——自巖

十一、卷九……………四五七

居遜——道簡

十二、卷十……………四六二

智暉——慧忠

十三、卷十一……………四六六

曉聰——義懷

十四、卷十二……………四六九

薦福承古

十五、卷十三……………四七四

惟善、警延

十六、卷十四……………四七七

洪謹——圓照

十七、卷十五……………四八二

谷泉、全舉

十八、卷十六……………四八六

元璉、守芝

十九、卷十七……………四九〇

法遠——道楷

二〇、卷十八……………四九四

懷璉、紹銑

二二、卷十九……………四九六

餘杭政、西余端

二三、卷二十……………四九八

言法華、道隆

二四、卷二十一……………五〇二

慈明

二五、卷二十二……………五〇六

惠南、文悅

二六、卷二十三……………五一〇

祖心、真淨

二七、卷二十四……………五一四

行偉、常生

二八、卷二十五……………五一七

慕喆——守智

二九、卷二十六……………五二二

居訥——法安

三〇、卷二十七……………五二六

契嵩——曇穎

三〇、卷二十八……………五三〇

倚遇——守端

三一、卷二十九……………五三五

善本——了元

三二、卷三十……………五四一

洪英——惟清

叁、補禪林僧寶傳……………五四七

法演——懷志

肆、僧寶正續傳……………五五三

一、原書目錄……………五五五

二、卷一……………五五六

系南——惟照

三、卷二……………五六三

文準——惠懃

四、卷三……………五七二

清遠——德逢

五、卷四……………五八一

克勤——法順

六、卷五……………五八八

善清——正賢

七、卷六……………五九五

士珪——道震

八、卷七……………六〇三

德山木上座——臨濟金剛王——代古塔主與洪覺範書

建中靖國續燈錄

宋・惟白禪師

編

建中靖國續燈錄上帙目錄

〔宋刻〕

東京法雲禪寺住持傳法佛國禪師臣惟白集

建中靖國續燈錄卷第一

一日正宗門

西天此土諸祖相傳契悟因緣直叙宗要

二日對機門

諸方師表啐啄應機數唱宗欲發明心要

三日拈古門

具大知見拈提宗教抑揚先覺開鑿後昆

四日頌古門

先德淵奧頌以發揮詞意有規宗旨無貳

五日偈頌門

古今知識內外兼明唱道篇章錄爲龜鑒

正宗門

本師釋迦牟尼佛

第一摩訶迦葉尊者

第二阿難尊者

第三商那和修尊者

第四優波鞠多尊者

第五提多迦尊者

第六彌遮迦尊者

第七婆須蜜尊者

第八佛陀難提尊者

第九伏駄蜜多尊者

第十脇尊者

第十一富那夜奢尊者

第十二馬鳴尊者

第十三迦毗摩羅尊者

第十四龍樹尊者

第十五迦那提婆尊者

第十六羅睺羅多尊者

第十七僧迦難提尊者 第十八伽耶舍多尊者

第十九鳩摩羅多尊者 第二十闍夜多尊者

第二十一婆修盤頭尊者

第二十二摩拏羅尊者 第二十三鶴勒那尊者

第二十四師子尊者

第二十五婆舍斯多尊者

第二十六不如蜜尊者

第二十七般若多羅尊者

第二十八達磨大師

第二十九正宗普覺禪師

第三十鏡智禪師

第三十一大醫禪師

第三十二大滿禪師

第三十三大鑑禪師

南嶽懷讓禪師

廬陵清原行思禪師

江西道一禪師

南嶽石頭希遷禪師

洪州百丈懷海大智禪師

澧州天皇道悟禪師

筠州黃蘗希運禪師

澧州龍潭崇信禪師

鎮州臨濟義玄禪師

鼎州德山宣鑑禪師

魏府興化存獎禪師

福州雪峰義存禪師 汝州南院惠願禪師

韶州雲門文偃匡真禪師

汝州風穴延昭禪師 汝州首山省念禪師

汾州太子院昭禪師

已上五十一祖見錄

建中靖國續燈錄卷第二

對機門

廬陵清原山行思禪師第八世

韶州雲門文偃匡真禪師法嗣二人見錄

成都府香林遠禪師 饒州薦福承古禪師

廬陵清原山行思禪師第九世

成都府香林澄遠禪師法嗣四人三人見錄

隨州智門光祚禪師 灌州羅漢禪師

隨州雙泉瓊山主

東川觀禪師一人未見機緣語句

饒州薦福承古禪師法嗣八人三人見錄

洪州觀音選禪師 和州淨戒守蜜禪師

潭州開福從受禪師

潭州開福璉禪師

潭州石霜瑋禪師
桂州壽寧智源禪師

潭州淨衆契珠禪師

泉州清果德陵禪師

已上五人未見機緣語句

鼎州德山緣密圓明禪師法嗣二人

象州白芙蓉山濟禪師 舒州龍門乾明禪師

已上二人未見機緣語句

潞府妙勝臻禪師法嗣二人見錄

潭州大潯山承禪師 西川雪峰欽山主

襄州洞山守初宗慧禪師法嗣三人見錄

潭州報慈嵩禪師 荊南府福昌賢禪師

蘄州黃梅龍華祥禪師

金陵奉先道琛融照禪師法嗣四人三人見錄

廬山蓮華峰祥庵主 廬陵西峯豁禪師

江州崇勝卸禪師 鳳翔府乾明德禪師一人未見機緣語句

隨州龍居山明教寬禪師法嗣三人見錄

桂州壽寧善義禪師 明州岳林賢禪師

邛州西林義琛禪師

郢州林溪脫禪師法嗣二人見錄

西劍州鳳凰山智廣禪師

舒州投子通禪師

南嶽般若啓柔禪師法嗣一人見錄

藍田縣真禪師

韶州披雲智寂禪師法嗣二人見錄

廬山開先照禪師 金陵天寶禪師

洪州泐潭山謙禪師法嗣一人見錄

處州了山宗盛禪師

筠州洞山清稟禪師法嗣一人

新州廣教惠定禪師

無機緣語句

建中靖國續燈錄卷第三

對機門

廬陵清原山行思禪師十世

隨州智門光祚禪師法嗣二十七人十六人見錄

明州雪竇明覺禪師 黃州護國壽禪師

韶州南華慈濟禪師 邵武軍靈泉曉禪師

洪州百丈寶月禪師 福州慈雲山誡禪師

復州青山好禪師 鄂州黃龍汝禪師

桂陽芙蓉文喜禪師 鼎州德山僧可禪師

鼎州彰法澄泗禪師 澧州藥山宣禪師

明州廣忠清順禪師 筠州九峯勤禪師

潭州雲蓋繼鵬禪師 泉州雲臺省因禪師

鼎州大龍山德宣禪師 常州廣福允恭禪師

宣州廣教義嵩禪師 洪州百丈寶賢禪師

明州天童山寶堅禪師 新羅口詮禪師

益州長松靈禪師 清溪山省華禪師

洪州翠巖奉鸞禪師 蘇州翠峰覺顯禪師

太平潛禪師

已上十一人未見機緣語句

蘄州五祖山師戒禪師法嗣三十五人十八人見錄

筠州洞山妙圓禪師 無爲軍西禪文岫禪師

蘄州十王懷楚禪師 舒州海會通禪師

蘄州義臺祥禪師 復州北塔思廣禪師

明州天童懷清禪師 越州寶嚴寂芝禪師

蘇州翠峰惠顯禪師 台州瑞巖珪禪師

蘄州五祖山秀禪師 襄州白馬辯禪師

蘄州四祖山端禪師 蘇州定惠道海禪師

韶州舜峰蒙正禪師 温州靈峰文吉禪師

潭州雲蓋志顯禪師 隨州水南智昱禪師

婺州景德寶禪師 揚州靈巖德興禪師

台州瑞岩圓禪師

新州三角幽禪師

洪州舍利諤禪師

眞州六合脩已禪師

鼎州德山文瑩禪師

鼎州梁山了奇禪師

舒州龍門禪師

潭州龍牙山遜禪師

袁州中宮登禪師

筠州大愚達禪師

新州五祖昉禪師

新州十王清禪師

杭州功臣慈應圓禪師

蘇州永安圓禪師

蜀州大明院明禪師

已上十七人未見機緣語句

潭州報慈嵩禪師法嗣一人見錄

郢川與陽山遜禪師

東川乾明居信禪師法嗣三人_{二人見錄}

澧州藥山發肅禪師

益州西禪垂白禪師

青城保唐寺無約禪師

一人未見機緣語句

江陵福昌重善禪師法嗣十一人_{八人見錄}

鼎州德山文捷禪師

湖州上方齊岳禪師

明州育王常垣禪師

江陵福昌詢禪師

越州四明山贊禪師

福州靈峰顯英禪師

西劍州元封政禪師

潤州金山瑞新禪師

澧州夾山惟俊禪師

開聖道如禪師

公安智殊禪師

已上三人未見機緣語句

新州北禪廣教懷志禪師法嗣一人見錄

舒州四面懷清禪師

南嶽福嚴良雅禪師法嗣三人見錄

潭州北禪智賢禪師

南嶽衡岳寺振禪師

福州衡山了實禪師

鼎州德山惠遠禪師法嗣八人_{六人見錄}

興元府大中辯禪師

益州菩提桂芳禪師

廬山開先善暹禪師

廬陵禾山禪智禪師

秀州資聖盛勤禪師

潭州鹿苑圭禪師

澧州欽山悟勤禪師

郴州王氏山普禪師

已上二人未見機緣語句

鄧州廣濟通禪師法嗣二人

韶州南華知度禪師

池州九華山勳禪師

已上二人未見機緣語句

岳州乾明穆禪師法嗣一人

楚州勝因燈禪師

未見機緣語句

江陵開福昌賢禪師法嗣三人_{二人見錄}

鄧州大陽山昱禪師

日芳上座

洪州雙溪生禪師

建中靖國續燈錄卷第四

一人未見機緣語句
對機門

南嶽懷讓禪師第十一世

汾州太子禪院善昭禪師法嗣九人見錄

潭州興化慈明禪師 筠州大愚山守芝禪師

澧州瑯琊廣照禪師 舒州法華齊舉禪師

潭州石霜法永禪師 湖州天聖皓太禪師

舒州投子圓修禪師 唐州龍潭圓禪師

蜀州羅漢興禪師

一人無機緣語句

汝州廣教歸省明壽禪師法嗣七人見錄

舒州浮山圓鑑禪師 汝州寶應演教禪師

唐州大乘惠果禪師 汝州廣教海仙禪師
汝州廣慧懷慶禪師

霽州石門守進禪師 泉州承天遇猛禪師

已上四人未見機緣語句

襄州石門山慈照禪師法嗣二十二人見錄

唐州大乘德遵禪師 湖州景清明照禪師

潤州金山達觀禪師 杭州龍華寶覺禪師

蘇州洞庭惠月禪師 明州杖錫修己禪師

洪州雙林已禪師 襄州谷隱可琮禪師

撫州疎山古禪師 越州雲門顯欽禪師

湖州上方新禪師 處州仁壽嗣珍禪師

杭州承天晉元禪師 蘇州翠峰普禪師

泉州栖隱自然禪師 蘇州泗州秘禪師

楚州廣教同禪師 襄州廣德遠禪師

杭州安樂山嚴禪師 東京褒親園惠禪師

越州雲門靈教禪師 常州福聖集禪師

已上七人未見機緣語句

汝州廣惠居蓮真慧禪師法嗣五人見錄

東京華嚴圓明禪師 臨江軍慧力慧南禪師

汝州廣惠德宣禪師 泉州雪臺已親禪師

已上二人無機緣語句

劍門關慈雲重謐禪師法嗣一人

襄州谷隱法全禪師

未見機緣語句

潭州神鼎山鴻護禪師法嗣十四人見錄

澧州夾山子英禪師 隨州善光山蘭禪師

天台妙智光雲禪師 潭州龍興禹禪師

江陵開聖寶情山主

鼎州德山懷省禪師
彭州靈芝子政禪師

彭州濠陽希譽禪師

衡州慈口政禪師

潭州龍興惠孜禪師

興化軍高田法明禪師

福州枕峯清契禪師

靈巖文智禪師

岳州永康延超禪師

已上九人未見機緣語句

建中靖國續燈錄卷第五

對機門

廬陵清原山行思禪師第十一世

明州雪竇山明覺禪師法嗣七十八人
二十九人見錄

越州天衣義懷禪師

信州廣教景先禪師

饒州妙果自政禪師

舒城東禪賢禪師

蘇州薦福知一禪師

越州天衣山在和禪師

湖州海會擇芝禪師

越州稱心省倬禪師

明州上山德隆禪師

越州稱心清演禪師

明州岳林宗善禪師

杭州證聖守環禪師

杭州承天傳宗禪師

鼎州乾明知應禪師

天台寶相蘊歡禪師

蘇州萬壽惠照禪師

潭州龍興傳禪師

漢陽軍鳳棲仲卿禪師

温州寶慶子環禪師

温州靈巖德初禪師

眞州長蘆祖印禪師

越州稱心守明禪師

眞州香積孜禪師

處州南明日慎禪師

舒州投子法宗道者

信州地藏賞禪師

長州鳳凰崇禪師

澧州藥山恭禪師

潭州玉池希白禪師

蘇州橫金顯禪師

連水軍萬壽德禪師

明州廣慈用舒禪師

梓州化城德運禪師

廬州資福肇禪師

南嶽勝業文政禪師

永安元楚禪師

岳州君山顯昇禪師

泉州承天洞源禪師

白衣宗朴禪師

湖州報本有蘭禪師

廬山湯院守思禪師

信陽軍乾明則禪師

南山雲峰元益首座

明州啓霞忠宣禪師

福州靈山蒙禪師

越州眞如雅禪師

越州西禪罕禪師

越州雲門毅禪師

越州雲巖元度禪師

秀州鹿苑顯冲禪師

潤州因房惟政禪師

越州報恩政禪師

興元府道滿禪師

明州白雲德宣禪師

鼎州德山宣禪師

澧州君山筠禪師

泉州水陸瑞雲禪師

白衣智萃禪師

蘇州報恩宗秘禪師 湖州建福可樂禪師
 福州西方岫禪師 福州大桑院禪師
 明州啓霞崇梵禪師 明州杖錫懷秀禪師
 蘇州報恩道能禪師

已上四十九人未見機緣語句

韶州南華寶緣慈濟禪師法嗣十四人

見錄

韶州甘露自緣禪師 廣州興化延慶禪師
 韶州永泰宗寶禪師 韶州寶壽行德禪師

韶州白虎守昇禪師 韶州佛陀山崇欽禪師
 韶州雙峯法崇禪師 韶州寶林海月禪師

韶州延祥法迎禪師 韶州舜客惠寶禪師
 韶州翁山丈白禪師 鼎州延壽法牟禪師

廬山羅漢清顯禪師 興元府青銓山智靜禪師
 已上四人未見機緣語句

襄州洞山普樂子榮禪師法嗣二人 一人見錄
 江州圓通居訥禪師 襄州延慶法崇禪師

洪州百文智映寶月禪師法嗣二人見錄
 杭州惠因祥禪師 杭州慧因義寧禪師

潭州雲蓋山繼禪師法嗣三人 一人見錄
 趙州報恩禪師 潭州法鈞真禪師

白雲安禪師

已上二人未見機緣語句

潭州石霜節誠禪師法嗣一人

潭州嶽麓珪禪師

未見機緣語句

筠州洞山曉聰禪師法嗣五人

見錄

筠山大愚曉舜禪師 潭州大鴻山宥禪師
 杭州契嵩明教禪師 洪州百丈山遠禪師

已上二人未見機緣語句 筠州建山堅禪師

建中靖國續燈錄卷第六

對機門

廬陵清原山行思禪師第十一世

洪州潯潭山懷澄禪師法嗣三十三人 十四人見錄
 東京淨因大覺禪師 天台赤城用良禪師

臨江軍慧力文禪師 福州雪峯象敦禪師
 杭州靈隱慈覺禪師 明州金鵝靜旻禪師

雲居山守億禪師 婺州西塔殊禪師
 婺州承天惟簡禪師 杭州臨安鑒禪師

洪州壽聖普訓禪師 筠州洞山永孚禪師
 金陵廣惠通新禪師 令迢首座

金迢首座

彭城會初慶誠禪師

池州青陽忠禪師

益州南禪居靖禪師

婺州智者岳禪師

遂州靈泉子象禪師

湖州壽聖志明禪師

杭州臨安惠和禪師

蘇州未安道昇禪師

明州啓霞和禪師

湖州天聖道禪師

蘇州永安智禪師

杭州南蕩利勤禪師

洪州雙巖處賢禪師

潭州大僞智明禪師

澧州藥山紹新禪師

洪州元亨禪師

廬山歸宗守輪禪師

衡嶽永恩禪師

已上十九人未見機緣語句

筠州洞山自寶妙圓禪師法嗣七人

見錄二人

筠州洞山鑒遷禪師

筠州洞山清辯禪師

韶州月華海林禪師

韶州月華慶雲禪師

南嶽南臺丈禪師

衡州華光海禪師

大陽長慶惠恩禪師

已上五人未見機緣語句

舒州海會通禪師法嗣一人

見錄一人

隨州水南文秀禪師

南嶽承天和禪師

復州北塔思廣禪師法嗣三人

見錄一人

荊門玉泉承皓禪師

北塔從穩禪師

已上二人未見機緣語句

蘇州翠峰慧願禪師法嗣二人

見錄一人

杭州廣果擇能禪師

鼎州德山廣禪師

蕪州四祖端禪師法嗣一人

見錄

福州廣明常委禪師

潭州雲蓋志願禪師法嗣一人

見錄

雲居山文慶海印禪師

湖州上方齊岳禪師法嗣一人

見錄

越州東山順宗禪師

明州育王山常坦禪師法嗣一人

明州育王澄遠禪師

未見機緣語句

潤州金山瑞新禪師法嗣四人

見錄三人

湖州天聖楚祥禪師

溫州極樂用基禪師

湖州天聖守道禪師

湖州上方守能禪師

澧州夾山惟俊禪師法嗣一人

見錄一人

澧州夾山遵禪師

未見機緣語句

衡州北禪智賢禪師法嗣六人

見錄二人

潭州興化宗辯禪師

洪州法昌倚遇禪師

安州白兆垂素禪師

南岳勝業子群禪師

潭州興化禪禪師

衡州北禪須禪師

已上四人未見機緣語句

廬山開先善暹禪師法嗣十三人六人見錄

雲居山佛印禪師 東京智海正覺禪師

廬山萬杉善爽禪師 越州天章寶月禪師

洪州九僊元舜禪師 筠州洞山惠圓禪師

金陵廣惠文深禪師 廬山開先海淵禪師

常州法濟善禪師 湖州上方義全禪師

饒州安國思皎禪師 江西鵝湖恭禪師

廬山長慶紹新山主

已上七人未見機緣語句

廬陵禾山楚才禪智禪師法嗣五人三人見錄

衡州北禪昇禪師 澧州報恩紹端禪師

撫州曹山雄禪師 饒州薦福守機禪師
泉州新峯全湛禪師

已上二人未見機緣語句

秀州資聖盛勤禪師法嗣二人

秀州本覺省文禪師 秀州資聖子璋禪師

未見機緣語句

澧州欽山悟勤禪師法嗣一人見錄

鼎州梁山應圓禪師

建中靖國續燈錄卷第七

對機門

南嶽懷讓禪師第十二世

潭州興化慈明禪師法嗣四十六人二十四人見錄

洪州黃龍慧南禪師 洪州翠巖可真禪師

袁州楊岐方會禪師 潭州道吾悟真禪師

明州天童清遂禪師 金陵蔣山保心禪師

金陵蔣山覺海禪師 婺州太平載休禪師

筠州武泉政禪師 明州香山蘊良禪師

蘇州南峯惟廣禪師 湖州報本澄說禪師

杭州淨慈志堅禪師 南嶽雙峯省回禪師

洪州兜率道寬禪師 福州古田資福善禪師

潭州大潯德乾禪師 全州靈山本言禪師

湖州羅漢居奉禪師 澧州壽聖景韶禪師

澧州藥山義銑禪師 湖州廣法源禪師

洪州百丈政禪師 南岳谷泉大道

杭州淨慈簡程禪師 杭州菩提光用禪師

金陵壽寧真禪師 蘇州藏院行原禪師

杭州靈隱章禪師 陸州烏龍應光禪師

蘇州泗州源祿禪師 蘇州泗州善集禪師

蘇州翠峰澤禪師 興化軍石室應禪師

泉州大羅永寧禪師

杭州雲際信安禪師 廬州興化得一禪師
廣州慕阜慶餘禪師 泉州羅山仁徽禪師
常州承天了文禪師 蘇州普門洪澤禪師
泉州羅山惟慎禪師 泉州法石德雅禪師
永樂悅禪師 清素侍者

已上二十二二人未見機緣語句

滁州瑯琊山廣照禪師法嗣二十四人 十五人見錄

洪州泐潭月禪師 蘇州永安海印禪師

福州白鹿端禪師 越州姜山方禪師

杭州上天竺月禪師 證聖長禪師

滁州瑯琊智遷禪師 廬山崇勝志珂禪師

袁州崇勝文捷禪師 江陵公安子和禪師

滁州瑯琊海月禪師 荊門軍玉泉悟空禪師

安州九峻仁益禪師 泉州涼峯洞淵禪師

真州真如方禪師 洪州黃龍有新禪師
處州法海亭禪師

和州褒禪用孫禪師 和州開聖院嚴禪師

潤州甘露禪師 和州褒禪忠禪師

宣州興教坦禪師 湖州西余山忠禪師

鄂州黃鵠可惠禪師

已上九人未見機緣語句

湖州景清禪院居素明照禪師法嗣四人見錄

湖州何山日儉禪師 杭州承天雪岑禪師

興化軍翠峰淵禪師 杭州承天自能禪師

唐州大乘山德遵禪師法嗣二人

襄州雙池龍禪師 漢州竹林用淳禪師

已上二人未見機緣語句

襄州石門山乾明院了同禪師法嗣四人

襄州雙池智常禪師 襄州含珠洞禪師

襄州普寧常登禪師 南嶽南臺善圓禪師

已上四人未見機緣語句

舒州法華齊舉禪師法嗣六人

舒州海會文禪師 舒州興化規禪師

桂州龍潭顯禪師 桂州覺華康禪師

舒州海會海禪師 衡州衡陽永慶文禪師

已上六人未見機緣語句

汾州太子院道一禪師法嗣一人

汾州太子同慶禪師

未見機緣語句

建中靖國續燈錄卷第八

對機門

南嶽懷讓禪師第十二世

舒州浮山法遠圓鑒禪師法嗣十八人 十四人見錄

東京淨因淨照禪師 廬州興化仁岳禪師

新州白雲景雲禪師	廬江西禪繼圖禪師
宿州定林慧琛禪師	秀州本覺若珠禪師
荊門軍玉泉芳禪師	廬山歸宗鴻式禪師
東京華嚴普孜禪師	舒州甘露法眼禪師
廬山歸宗普安禪師	南康軍清隱湜禪師
舒州浮山洪璉禪師	衡嶽奉能禪師
舒州浮山曉雲禪師	廬山萬杉浩脩禪師
復州東禪仁照禪師	舒州太平賢禪師
已上四人未見機緣語句	
筠州大愚山守芝禪師法嗣十二人	見錄
潭州開福守義禪師	南嶽雲峰文悅禪師
饒州承天應禪師	越州大禹簡南禪師
郢州褒陽啓珊禪師	郢州興陽啓舟禪師
筠州洞山子圓禪師	南嶽法輪聰禪師
潭州龍王師進禪師	南嶽承天守勣禪師
信州龜峰光應禪師	懷安軍雲頂繼闍禪師
已上五人未見機緣語句	
潭州石霜山法永禪師法嗣八人	見錄
金陵保寧承泰禪師	南嶽福嚴保宗禪師
南嶽勝業智增禪師	郢州大陽如漢禪師

廬山圓通文溥禪師	安州興國惠秀禪師
潭州石霜皓詮禪師	潭州大光玉圓禪師
已上四人未見機緣語句	
湖州天聖皓太禪師法嗣六人	見錄
湖州西余寶實禪師	泰州知文禪師
蘇州常熟令然禪師	袁州中禪顯玉禪師
秀州福嚴處成禪師	蘇州常熟栗珍禪師
已上五人未見機緣語句	
汝州寶應法照禪師法嗣二人	見錄
潞州瑯琊方銳禪師	郢州興陽希隱禪師
潤州金山曇穎達觀禪師法嗣十八人	見錄
湖州上方希元禪師	潤州普慈崇珍禪師
太平州瑞竹和禪師	潤州金山圓通禪師
太平州隱靜觀禪師	常州南禪自聰禪師
越州石佛祖印禪師	杭州淨住眞淨禪師
宣州廣教文鑑禪師	湖州西余拱辰禪師
常州承天了素禪師	越州法性用章禪師
越州法性紹明禪師	蘇州崑山善端禪師
明州五峰仲熙禪師	太平州瑞竹惟悟禪師
明州雪竇道詮禪師	潤州因勝如道禪師
已上四人未見機緣語句	

蘇州洞庭慧月禪師法嗣三人見錄

蘇州薦福亮禪師
蘇州瑞光嵩禪師

常州承天世珍禪師

荊南竹園法顯禪師法嗣二人

廣安軍牛心山道珍禪師

蜀州香水守真禪師

已上二人未見機緣語句

洪州雙林已禪師法嗣一人

蘇州楓橋來禪師

未見機緣語句

明州杖錫山修已禪師法嗣二人見錄

台州黃巖保軒禪師
明州雲巖志禪師

明州石門山進禪師法嗣一人見錄

明州瑞巖智才禪師

杭州龍華齊岳禪師法嗣二人見錄

湖州吳山端禪師
明州翠巖顯壽禪師
一人未見機緣語句

建中靖國續燈錄卷第九

對機門

廬陵清原山行思禪師第十二世

越州天衣義懷禪師法嗣上三十七人
人見錄二十三

東京慧林圓照禪師
東京慧林覺海禪師

眞州長蘆廣照禪師
廬山棲賢智遷禪師

和州襄祿圓智禪師
無爲軍鐵佛因禪師

蘇州吳江法存禪師
歙州開化惠圓禪師

處州永泰智覺禪師
蘇州禹壽和禪師

和州開聖棲禪師
明州雲岳洞偕禪師

福州衡山惟禮禪師
杭州顯明善孜禪師

明州啓霞惠安禪師
越州雲門靈侃禪師

天台太平元坦禪師
杭州佛日文祖禪師

蘇州薦福明因禪師
沂州望僊山宗禪師

岳陽墨山有琦禪師
舒州桐城詮禪師

筠州五峰用機禪師
池州延福思禪師

興化軍西臺其辯禪師
蘇州薦福惠洪禪師

常州無錫應禪師
越州寶林光寂禪師

杭州南山長耳相禪師
杭州法雨惠源禪師

蘇州感慈道賓禪師
建州顯親順宗禪師

華嚴全詠禪師
寶林神禪師

建中靖國續燈錄卷第十

蘇州泗州宗尚禪師
舒州龍門宗貢禪師
已上四人未見機緣語句

對機門

廬陵清原山行思禪師第十二世

越州天衣義懷禪師法嗣下三十七人_{二十二人見錄}

東京法雲圓通禪師 杭州佛日智才禪師

北京天鉢文惠禪師 洪州上藍達禪師

洪州觀音啓禪師 台州瑞巖子鴻禪師

越州天章元善禪師 眞州長蘆圓鑑禪師

杭州龍華文喜禪師 處州永泰自仁禪師

饒州景德普俊禪師 汀州同慶智珣禪師

汀州開元智孜禪師 泉州資壽捷禪師

蘇州澄照惠慈禪師 秀州崇德智澄禪師

蘇州淨慧可證禪師 泉州棲隱有評禪師

蘇州定惠雲禪師 汀州開元智譚禪師

靈峰崇化珣禪師 建州乾符旺禪師

蘇州報恩如寶禪師 處州慈雲瑤禪師

福州白塔晦禪師 蘇州報恩應譚禪師

福州芙蓉資禪師 兖州法海來山禪師

蘇州泗州惠洪禪師 福州報恩和禪師

漢州無爲山楚仙禪師 建州白雲有禪師

福州偃峰簡諸禪師 南嶽上峰眞禪師

茶亭能禪師 潭州道吾元太禪師

越州淨衆擇言首座 已上十五人未見機緣語句

建中靖國續燈錄上帙目錄

建中靖國續燈錄中帙目錄 〔宋銘〕

東京法雲禪寺住持傳法佛國禪師臣惟白集

建中靖國續燈錄卷第十一

對機門

廬陵清原山行思禪師第十二世

筠州大愚曉舜禪師法嗣十四人_{六人見錄}

金陵蔣山佛慧禪師 虔州慈雲圓照禪師

建州崇梵餘禪師 衡山澄信禪師

杭州長耳相良禪師 建州開元瑩禪師

明州天童淡交禪師 西禪懷義禪師

信州祥符曉儒禪師 洪州觀音元隱禪師

信州祥符法周禪師 南劍州開平處良禪師

東京褒親疎禪師 善果懷演庵主

已上八人未見機緣語句

越州天衣山在和禪師法嗣一人見錄

杭州菩提志專禪師

饒州安國偉禪師法嗣一人見錄

彭州慧日堯禪師

杭州承天傳宗禪師法嗣九人五人見錄

饒州崇福了禪師

杭州承天守明禪師

湖州護國從利禪師

鼎州大龍德全禪師

蘇州海印法安禪師

蘇州崑山曇玉禪師
潤州因勝師俊禪師

湖州鳳凰山有從禪師

杭州法雨重俊禪師

已上四人未見機緣語句

真州長蘆祖印禪師法嗣六人一人見錄

金陵清涼和禪師

金陵壽寧楚韶禪師

金陵保寧真成禪師
真州長芦法海禪師
真州資福文雅禪師

舒州三祖慈雲禪師

已上五人未見機緣語句

漢陽軍鳳棲仲卿禪師法嗣一人

漢陽軍鳳棲通禪師

未見機緣語句

湖州報本蘭禪師法嗣一人見錄

湖州中際可遵禪師

越州稱心守明禪師法嗣一人見錄

洪州上藍光寂禪師

江州圓通居訥禪師法嗣三人

南州興國智昱禪師

新州四巖遠禪師

舒州三祖文鏡禪師

已上三人未見機緣語句

永安元楚禪師法嗣一人

蘇州隰山重秀禪師

未見機緣語句

南嶽上峯真禪師法嗣二人

南嶽雲峰齊覺禪師

南臺紹鑒禪師

已上二人未見機緣語句

潭州大灣山懷宥禪師法嗣四人三人見錄

廬山歸宗惠通禪師

安州興教慧憲禪師

饒州崇福清雅禪師

饒州崇福貴安禪師
一人未見機緣語句

東京淨因大覺禪師法嗣二十一人五人見錄

杭州徑山維琳禪師

杭州臨平勝因資禪師

杭州佛日戒弼禪師

福州天宮慎微禪師

温州彌陀正彥庵主

潤州金山寶覺禪師
明州安巖崇海禪師

明州廣慧利和禪師

太原府明仙道信禪師

湖州鳳凰山文喜禪師

杭州佛日道榮禪師

明州萬壽洪德禪師

福州精嚴同定禪師

明州寶雲有聲禪師 福州東禪智華禪師
 福州東禪智賢禪師 福州極樂興嗣禪師
 明州普光處忠禪師 明州石門希仲禪師
 明州解空清瑞禪師 明州五磊山智環禪師
 越州顯聖院宗利禪師
 已上十七人未見機緣語句
 福州雪峯象敦禪師法嗣一人
 福州雪峯善譽禪師
 無機緣語句
 杭州靈隱慈覺禪師法嗣二人一人見錄
 杭州靈隱正童禪師 福州雪峯守超禪師
 一人未見機緣語句
 婺州寶林顯殊禪師法嗣一人見錄
 婺州寶林用明禪師
 温州靈峯文吉禪師法嗣一人見錄
 温州淨光為覺禪師
 婺州承天惟簡禪師法嗣二人見錄
 婺州智者山元禪師 温州壽聖僧印禪師
 明州九峯鑑韶禪師法嗣一人見錄
 明州大梅祖鏡禪師
 越州東山國慶順宗禪師法嗣一人見錄
 建州定峯曉宣禪師

荊門軍玉泉承皓禪師法嗣一人一人見錄
 鄧州林溪文慶禪師 利州北禪希肇禪師
 一人未見機緣語句
 澧州夾山遵禪師法嗣一人見錄
 江陵福昌信禪師
 潭州興化紹銑禪師法嗣三人
 衡州花藥常選禪師 南臺以謂禪師
 崇壽玢禪師
 已上三人未見機緣語句
 雲居山了元佛印禪師法嗣二十人十二人見錄
 杭州慶善悟禪師 常州善權惠泰禪師
 洪州翠巖慧空禪師 饒州密岩德薄禪師
 饒州崇福德基禪師 雲居真如仲和禪師
 廬山同安幼宗禪師 婺州寶林真覺禪師
 信州鵝湖德延禪師 廬山萬杉子章禪師
 洪州龍泉宗誘禪師 袁州龍興居岳禪師
 漢陽大別宗禪師 雲居山思文禪師
 鼎州文殊道用禪師 饒州龜峰祖康禪師
 饒州安國以愉禪師 遂州東禪圓同禪師
 復州北塔惠琦禪師 鄧州香嚴開禪師
 已上八人未見機緣語句
 東京智海本逸正覺禪師法嗣七人三人見錄

筠州黃蘗志因禪師

福州大中德隆禪師

福州白鹿伸豫禪師

饒州薦福重言禪師
福州白雲教敏禪師

福州興福知正禪師

福州鳳山世如禪師

已上四人無機緣語句

廬山萬杉善爽禪師法嗣一人

江陵法華德尚禪師

無機緣語句

建中靖國續燈錄卷第十二

對機門

南嶽懷讓禪師第十三世

洪州黃龍惠南禪師法嗣上三十八人_{二十四人見錄}

廬山東林照覺禪師

洪州黃龍寶覺禪師

筠州黃蘗真覺禪師

袁州仰山行偉禪師

洪州勸潭洪英禪師

潭州大潯懷秀禪師

南岳福嚴慈感禪師

湖州報本惠元禪師

蘄州四祖法演禪師

潭州石霜琳禪師

蘄州開元琦禪師

福州玄沙明惠禪師

潭州雲蓋守智禪師

潭州寶蓋子勤禪師

廬山圓通圓發禪師

安州九峻法明禪師

桂州登雲超及禪師

福州昇山正覺禪師

隨州水南智秘禪師

南岳勝業惟亨禪師

袁州清泉崇雅禪師

廬山清隱源禪師

鼎州彰法覺吉禪師

安州興國契雅禪師

成都府寶勝燈甫禪師

台州涌泉臣禪師

蘇州惠日普覺禪師

懷安軍雲頂清泰禪師

江西禾山普禪師

池州乾明超登禪師

明州吉祥有臻禪師

台州景德本隆禪師

越州雲門希晏禪師

信州鵝湖崇堅禪師

洪州翠岩寶覺禪師

太平福禪師

信州普寧惠因禪師

信州西峯正信禪師

已上十四人未見機緣語句

建中靖國續燈錄卷第十三

對機門

南嶽懷讓禪師第十三世

洪州黃龍山慧南禪師法嗣下三十八人_{四十人見錄}

見錄

東京惠林佛陀禪師

洪州勸潭眞淨禪師

雲居山元祐禪師

廬陵隆慶閑禪師

舒州三祖法宗禪師

洪州黃龍元肅禪師

齊州靈岩正覺禪師

潭州大潯穎詮禪師

虔州廉泉曇秀禪師

韶州南華清桂禪師

南岳高臺佛印禪師
衡州華光元恭禪師
揚州建隆昭慶禪師
蘄州三角惠澤禪師
蘄州五祖曉常禪師
潭州大光應犀禪師
洪州興化法澄禪師
南岳法輪文昱禪師
郢州芭蕉仁珂禪師
積翠永菴主
洪州黃龍自慶禪師
信州靈鷲惠覺禪師
蘄州石鼓洞珠禪師
舒州靈隱滋山主
洪州上藍順禪師
廬山惠日富禪師
廬陵爲湖聰禪師
泉州佛道昱禪師
南岳勝業子夔禪師
潞府承天愍禪師
泉州大羅智高禪師
廬陵隆慶利微禪師
漳州淨衆啓蒙禪師
秀州金粟惠英禪師
明州雪竇行緣禪師
袁州仰山和禪師
廬山歸宗進首座
積翠霞庵主
已上十四人未見機緣語句

建中靖國續燈錄卷第十四

對機門

南岳懷讓禪師第十三世

洪州翠巖可眞禪師法嗣三人見錄

東京智海眞如禪師
南嶽西林崇奧禪師

建州永安普善禪師

一人未見機緣語句

袁州楊岐山方會禪師法嗣十人見錄

舒州海會守端禪師
金陵保寧仁勇禪師
岳州長慶顯瓊禪師
岳州君山守巽禪師
澧州欽山智因禪師
潭州石霜守孫禪師
漳州崇福善燈禪師
南岳法輪雅一禪師
泉州清果行銓禪師
泉州法石皓端禪師
已上四人未見機緣語句

明州天童山清遂禪師法嗣六人見錄

福州乾元了覺禪師
南嶽萬壽應城禪師
福州大中立志禪師
杭州千頃守志禪師
常州薦福梵圓禪師
杭州安隱惠中禪師
已上三人未見機緣語句

金陵薦山覺海禪師法嗣六人見錄

衢州石門雅禪師
信州龜峯子瓊禪師
金陵蔣山可政禪師
舒州甘露宗黃禪師
舒州甘露德微禪師
蘇州普明道彥禪師
已上三人未見機緣語句

潭州開福寺守義禪師法嗣一人見錄

廬州澄慧惟炳禪師

南岳雲峯文悅禪師法嗣六人見錄

桂州壽寧齊曉禪師

廬州澄慈咸詡禪師

潭州龍牙如水禪師

鼎州大龍守真禪師

揚州雍熙有惠禪師

秀州福嚴繼式禪師

已上四人未見機緣語句

南岳福嚴保宗禪師法嗣二人見錄

衡州華嚴義然禪師

南岳承天智昱禪師

東京淨因道臻淨照禪師法嗣六人見錄

福州長慶文慧禪師

福州棲勝維超禪師

澄州香嚴洞敷禪師

西京少林元訓禪師

潭州白鹿宗海禪師

潭州北禪紹宣禪師

已上二人未見機緣語句

廬州興化仁岳禪師法嗣三人見錄

潭州定林景芳禪師

潭州興化紹清禪師

汝州首山處珪禪師

荊門軍玉泉謂芳禪師法嗣四人見錄

安州延福智興禪師

臨江軍惠力周禪師

韶州南華重辯禪師

福州聖泉紹禪師

廬山歸宗普安法眼禪師法嗣二人

廬山慈雲有規禪師

洪州同安宗一禪師

已上二人未見機緣語句

南嶽雙峯回禪師法嗣四人見錄

金州靈山彥文禪師

閩州光國文贊禪師

南岳勝業仲祥禪師

衡州雲陽惠然禪師

已上三人未見機緣語句

杭州鹽官善提用禪師法嗣一人見錄

杭州淨土善思禪師

蘇州定惠超信海印禪師法嗣六人見錄

杭州南蕩智圓禪師

潭州啓寧處門禪師

秀州鹿苑契存禪師

蘇州明因懷果禪師

蘇州惠日如禪師

已上五人未見機緣語句

荊門軍玉泉悟空禪師法嗣一人見錄

江陵護國齊月禪師

洪州勸潭山曉月禪師法嗣五人見錄

洪州上藍居晉禪師

廬山開先慈覺禪師

饒州薦福宗海禪師

洪州勸潭道律禪師

洪州永安脩玉禪師

已上四人未見機緣語句

澧州洛浦景韶禪師法嗣三人

澧州洛浦密詢禪師

興化軍仁王道圓禪師

已上三人未見機緣語句

潤州金山懷賢圓通禪師法嗣一人

江州圓通知愼禪師

未見機緣語句

新州烏崖暹禪師法嗣一人

復州西禪希用禪師

未見機緣語句

洪州太寧道寬禪師法嗣二人

洪州兜率無證禪師
袁州揚岐脩廣禪師

已上二人未見機緣語句

郢州興陽啓舟禪師法嗣一人

隨州智門惠禪師

無機緣語句

汾州太子院同廣禪師法嗣一人見錄

西京龍門清照禪師

襄州谷隱山德遵禪師法嗣二人見錄

新州龍山景淨禪師

隨州智門智常禪師
未見機緣語句

筠州武泉政禪師法嗣一人見錄

杭州慶善宗震禪師

蘇州常熟稟珍禪師法嗣一人

潤州金山惠滿先禪師

未見機緣語句

福州白鹿巖瑞禪師法嗣一人

興化軍法海戒諸禪師

未見機緣語句

建中靖國續燈錄卷第十五

對機門

廬陵清原山行思禪師第十三世

東京惠林圓照禪師法嗣上九十七人

人見錄
二十九

東京法雲大通禪師
潤州金山法印禪師

潤州甘露傳祖禪師
福州太平守恩禪師

衢州靈耀佛慈禪師
台州瑞巖有居禪師

明州天童可齊禪師
秀州資聖崇信禪師

蘇州瑞光眞覺禪師
蘇州萬壽普勲禪師

宣州水西山軻禪師
明州香山正覺禪師

明州雪竇法藏禪師
明州啓霞惠章禪師

壽州資壽圓澄禪師
睦州廣靈佛印禪師

東京褒親慈濟禪師
越州石佛密印禪師

湖州道場山惠印禪師
處州仁壽善道禪師

杭州妙慧文義禪師
西京韶山杲禪師

汝州香山法畫禪師
福州靈應本嵩禪師

處州壽寧梵仁禪師
秀州福巖仲孚禪師

處州靈泉山一禪師

南岳馬祖崇新庵主

通州狼山法印禪師

江州壽寧成務禪師
 常州無錫法平禪師
 潤州因勝法海禪師
 越州羅漢用誠禪師
 常州宣興顯常禪師
 明州廣教了澄禪師
 湖州仁王安德禪師
 明州象山靈贖禪師
 壽州寶琛禪師
 建州大中子榮禪師
 婺州華藏希聲禪師
 福州香城言惠禪師
 福州白龍希祖禪師
 越州五峯祖印禪師
 明州雲岩道聲禪師
 舒州四面唯義禪師
 福州鷲峯疊清禪師
 福州龍興自端禪師
 杭州千頃宗應禪師
 福州西院宗戒禪師
 福州甘泉立生禪師
 杭州淨土法惠禪師
 湖州西余山安德禪師
 江陰壽寧惠真禪師

蘇州靈岩慧雲禪師
 湖州道場山長演禪師
 杭州功臣宗範禪師
 蘇州蠡口法榮禪師
 明州廣惠道亨禪師
 具州資福機清禪師
 青州法海禪師
 壽州大安文湛禪師
 越州寶林義崇禪師
 秀州福嚴智悅禪師
 蘇州感慈惠端禪師
 池州乾明可久禪師
 福州光化仁遜禪師
 福州崇壽智海禪師
 揚州上方可鑑禪師
 福州昭慶守嚴禪師
 蘇州壽聖自英禪師
 潤州因勝圓明禪師
 蘇州練塘惠滿禪師
 福州永安簡玉禪師
 西京龍門普順禪師
 潭州清修省方禪師
 安州興國重寧禪師
 蘇州惠日道祥禪師
 明州瑞岩永利禪師
 福州瑞龍普規禪師

建中靖國續燈錄卷第十六

對機門

廬陵清原山行思禪師第十三世

東京慧林圓照禪師法嗣下九十七人
 舒州投子證悟禪師 東京淨因佛日禪師
 泗州普照真寂禪師 太平州隱靜儼禪師
 蘇州定惠圓義禪師 舒州投子普聰禪師
 秀州本覺法真禪師 湖州報本常利禪師
 揚州石塔惠禪師 杭州廣法法光禪師
 明州瑞岩永覺禪師 睦州資福道芳禪師
 舒州太平惠登禪師 岳州乾明惠覺禪師

蘇州薦福福照禪師 福州廣濟用乾禪師
 處州多福太素禪師 汀州靈峯自和禪師
 福州白蓮愈康禪師 福州寶岩西杲禪師
 漢陽軍大別法滿禪師 青州廣濟深禪師
 潤州因勝觀禪師 處州法會子昇禪師
 秀州禪悅惠日禪師 饒州安園子詠禪師
 處州報恩志明禪師 秀州崇德智悅禪師
 洪州大寧永賢禪師 杭州功臣惠周禪師
 處州永泰有澄禪師 福州靈峯首座
 已上六十八人未見機緣語句

處州法海世長禪師

筠州米山崇僊禪師

蘇州妙覺顯禪師

明州岳林元亨禪師

安州九峻圓明禪師

廬州清惠善珂禪師

蘇州寶華悟本禪師

饒州淨土惠旻禪師

廬州澄惠師冕禪師

潭州石霜山能禪師

汀州同慶自鑒禪師

荊南萬壽有聚禪師

宣州永良禪師

壽州文殊惟芳禪師

福州光化楚長禪師

溫州淨光法空禪師

常州南禪智覺禪師

福州真隱純潔禪師

杭州安樂有捷禪師

杭州龍華行慶禪師

蘇州天平惠真禪師

杭州法相用先禪師

湖州上方法廣禪師

福州神光合紹禪師

蘇州資福瑞珍禪師

福州龍溪圓照禪師

常州大芦奉堅禪師

杭州偏福心印禪師

蘇州靈岩用芳禪師

台州護國靈祐禪師

處州南明善通禪師

婺州承天了宗禪師

處州壽寧可機禪師

福州安國子志禪師

處州多福太素禪師

青州仰天契達禪師

杭州惠日德惠禪師

華嚴惟素禪師

西京法王法海禪師

信州圓明禪師

壽州善德禪師

連水萬壽義誥禪師

福州秀峯真懿禪師

福州白泉智迪禪師

福州報恩重真禪師

福州招慶宗滿禪師

婺州善淨法英禪師

東京神崗則軻禪師

新州道齊禪師

潤州焦山義深禪師

福州支提洪占禪師

蘇州崑山希祖禪師

溫州護國祖印禪師

福州靈峯永松禪師

福州南澗智靜禪師

溫州湖心義阜禪師

蘇州澄照守仁禪師

常州無錫志圓禪師

蘇州練唐清悟禪師

福州延慶德清禪師

福州保福惠臣禪師

蘇州南祥中簡禪師

舒州永明道淵禪師

杭州徧福惟賢禪師

宣州廣教法海禪師

福州崇福惟善禪師

福州天王道肱禪師

蘇州寶華寶月禪師

杭州廣覺法中禪師

杭州安樂山道思禪師

湖州施水守淳禪師

福州虛泉景仁禪師

杭州龍興如應禪師

福州靈泉智深禪師

蘇州淨惠從善禪師

福州文殊尚月禪師

處州壽寧宗一禪師

福州資聖以遜禪師

明州啓霞惠章禪師

紹州南華得明禪師

福州地藏清德禪師

溫州崇德省子首座

已上六十八人未見機緣語句

建中靖國續燈錄卷第十七

對機門

廬陵清原山行思禪師第十三世

東京法雲圓通禪師法嗣五十五人

人見錄

金陵蔣山惠炬禪師

廬山開先心印禪師

潭州廣惠寶琳禪師	金陵保寧子英禪師
撫州明水法遜禪師	興元府慈濟聰禪師
安州白兆山珪禪師	壽州福昌歸才禪師
廬州淨名法因禪師	太平州吉祥訥禪師
廬州廣惠沖雲禪師	浮槎山福嚴初禪師
昇州德山仁繪禪師	澧州壽聖用旻禪師
筠州瑞相子來禪師	廬州真空從一禪師
廬州承天目禪師	南京安福子勝禪師
舒州甘露德顒禪師	金陵正覺道清禪師
金陵天禧惠嚴禪師	襄州乾明廣禪師
饒州安國自方禪師	廬州澄惠義端禪師
廬州北天王益禪師	衛州元豐燈禪師
廬山棲賢智柔庵主	鼎州德山妙湛禪師
潭州石霜山居晦禪師	筠州大愚如照禪師
廬州興化淨覲禪師	舒州興化當禪師
蘄州三角山清禪師	澧州欽山繼明禪師
漢陽軍大別道常禪師	潭州時雍親禪師
壽州安豐法信禪師	鄧州芭蕉宗諒禪師
岳州永慶惟簡禪師	南岳雲峯文月禪師
汀州寶持惠月禪師	渝州覺林遂禪師
	廬州天王義安禪師

筠州崇德僊禪師	金陵興教濟禪師
長安薦福永堅禪師	羅浮山齊德禪師
溫州護國淳禪師	處州普照有明禪師
信州靈鷲惠明禪師	常州開和法顯禪師
蘇州天峯佛印禪師	福州神光道芳禪師
越州禪惠法欽禪師	廬山兜率景常禪師
已上二十八人未見機緣語句	

東京法雲禪寺惟白佛國禪師向下語句已
建中靖國續燈錄卷第十八
對機門

廬陵清原山行思禪師第十三世

杭州佛日智寸禪師法嗣九人 <small>一人見錄</small>	杭州千頃允良禪師
澧州夾山白齡禪師	潭州廣教有金禪師
信州龜峯重仁禪師	越州寶嚴靈禪師
杭州龍興如遠禪師	蘇州惠日道祥禪師
常州善權瑠禪師	杭州千頃省孜禪師
已上八人未見機緣語句	

東京惠林覺海禪師法嗣八人四人見錄
東京華嚴佛慧禪師 常州廣福法照禪師
眞定永泰智航禪師 常州壽聖子邦禪師
楊州石塔戒禪師 壽州福昌義端禪師
潭州白鹿仲豫禪師 池州景德元泰禪師

舒州王屋山燈禪師

彭州惠日禿師法嗣一人

彭州大隄山道開禪師

未見機緣語句

廬山歸宗通禪師法嗣五人見錄

襄州資福廣照禪師 郢州嗣陵辯禪師

廬山崇勝慶通禪師 廬山羅漢法送禪師
開聖道彰禪師

已上二人未見機緣語句

江陵福昌信禪師法嗣三人見錄

安州法興期禪師 荊南善慶楚昇禪師
歙州均慶清暉禪師

已上二人未見機緣語句

福州雪峯善譽禪師法嗣三人

福州寶林奉琛禪師 福州圓明重彥禪師

福州鷲峰重道禪師

已上三人未見機緣語句

建中靖國續燈錄卷第十九

對機門

南嶽懷讓禪師第十四世

廬山東林照覺禪師法嗣五十八人見錄

洪州泐潭應乾禪師 廬山開先廣鑑禪師

廬山萬杉紹慈禪師 東京褒親佛海禪師

南岳福嚴惟鳳禪師 南嶽衡山道辨禪師

廬山圓通可僊禪師 臨江軍惠力可昌禪師

廬陵禾山志傳禪師 黃州栢子德嵩禪師

廬山東林思度禪師 蘄州廣教德方禪師

泉州雙林道基禪師 江州無相繼才禪師

東京褒親宗諭禪師 潭州鹿苑景深禪師

饒州妙果法喜禪師 安州壽寧成則禪師

明州岳林圓明禪師 眞州資福懷寶禪師

洪州興化以弼禪師 泉州清化璉禪師

洪州西山夢禪師 襄州萬壽智圓禪師

建州護國康禪師 建州景福惟潔禪師

廬州兜率志恩禪師 福州興福康源禪師

泉州崇福德徽禪師 泉州開元眞覺大師

洪州上藍希肇禪師 廬州隆慶志琛禪師

廬陵祥符智先禪師 蘇州普門子淵禪師

秀州法雨元證禪師 筠州洞山永邦禪師

台州勝光清有禪師 信州仁王智誠禪師

西京蘆岩崇禪師 饒州安國慶常禪師

饒州安國子詠禪師 成都府長松山錦禪師

眉州慈母諒禪師 漢州東禪道極禪師

蜀州太平普禪師 瀘州青城山清傳禪師

福州雙峯省琮禪師 遂州靈泉仁美禪師

建中靖國續燈錄卷第二十二

對機門

南嶽懷讓禪師第十四世

舒州海會守端禪師法嗣十人四人見錄

潭州雲蓋智本禪師 新州五祖法演禪師

潞州瑯琊永起禪師 英州大溶殊禪師

泉州崇勝珙禪師 柳州香山惠常禪師

舒州天柱處凝禪師 舒州浮山鴻建禪師

潭州谷山廣潤禪師 舒州甘露歸善禪師

已上六人未見機緣語句

金陵保寧仁勇禪師法嗣十人六人見錄

鄂州月掌智淵禪師 湖州壽聖楚文禪師

信州靈鷲宗映禪師 越州寶嚴道倫禪師

洪州景福日餘禪師 湖州海會日益禪師

杭州靈鳳允咸禪師 襄州洞山文英禪師

金陵華藏寶禪師 金陵崇因宗襲禪師

福州羅漢省賢禪師 福州承天德綬禪師

福州報恩明昌禪師 南岳衡山善孜禪師

臨江軍幕山能禪師 洪州分寧洞微禪師

南嶽法輪才禪師 潭州興化愈先禪師

南岳勝業有遠禪師 新州斗方慶禪師

已上二十八人未見機緣語句

已上四人未見機緣語句

洪州黃龍寶覺禪師法嗣二十八人十五人見錄

洪州黃龍如曉禪師 洪州雙嶺化禪師

泗州龜山曉津禪師 韶州雲門寶宣禪師

澧州夾山曉純禪師 鄂州延禧智融禪師

杭州顯明道昌禪師 漳州淨衆本權禪師

南岳雙峯齊禪師 杭州慈雲道清禪師

洪州景德惠英禪師 洪州翠嚴悟新禪師

廣州集福寶嚴禪師 舒州興國惟清禪師

鄂州黃龍智明禪師 信州大龜山惟益禪師

南岳雙峯如穎禪師 洪州興化法海禪師

潭州鹿苑思齊禪師 鄂州勝緣居智禪師

洪州雲蓋師肇禪師 鼎州大龍世和禪師

吉州顯親如鑒禪師 洪州觀音覺勤禪師

意禪上座 桂州南臺法安禪師

已上十一人未見機緣語句

建中靖國續燈錄中帙目錄

建中靖國續燈錄下帙目錄

〔宋碻〕

東京法雲禪寺住持傳法佛國禪師臣惟白集

建中靖國續燈錄卷第二十一

對機門

南嶽懷讓禪師第十四世

雲居山元祐禪師法嗣二十人見錄

東京智海佛印禪師

廬山羅漢系南禪師

潭州慈雲彥隆禪師

鄧州子陵山瑜禪師

舒州海會守從禪師

洪州景福省悅禪師

台州寶相元禪師

泉州長興德寶禪師

泉州南峯永程禪師

撫州石鞏戒明禪師
汀州太平嘉叢禪師

撫州羅漢募評禪師

郡州承承慈禪師

舒州北臺行新禪師

漢州馬溪山禾禪師

臨江軍天長崇教禪師

安州延福脩嚴禪師

吉州祥符有通禪師

衢州紫湖道淵禪師

福州靈峰雅禪師

已上十一人無機緣語句

福州玄沙明慧合文禪師法嗣一人見錄

福州大中廣慧達杲禪師

湖州報本惠元禪師法嗣七人見錄

蘇州永安傳燈禪師

湖州鳳凰山得享禪師

湖州鳳凰山德亮禪師

台州景德十方證禪師

蘇州高峯文縱禪師

蘇州高峯圓脩禪師

湖州報本宗澄禪師

已上五人無機緣語句

楊州建隆昭慶禪師法嗣三人見錄

荊門軍玉泉超禪師

蘇州泗州用元禪師

常州薦福岑禪師

無機緣語句

洪州黃龍山肅禪師法嗣十人見錄

袁州仰山清簡禪師

筠州百丈維古禪師

澧州洛浦觀通禪師

漢州清泉道慶禪師

綿州法教疑禪師

信州西峯元弼禪師

嘉州月殊神鑒禪師

彭州永寧信詮禪師

邛州鳳凰山有璩禪師

興元府垂洪法滿禪師

已上八人無機緣語句

衢州南禪雅禪師法嗣四人見錄

衢州璩源普印禪師衢州龍游清讓禪師
衢州石門永照禪師

福州禪林永覺禪師

已上三人無機緣語句

建中靖國續燈錄卷第二十二

對機門

南嶽懷讓禪師第十四世

潭州大瀉山懷秀禪師法嗣七人五人見錄

潭州大瀉祖瑤禪師 南嶽福嚴文演禪師

南嶽西林常賢禪師 南嶽方廣有達禪師

南嶽南臺允恭禪師 韶州雲門懷素禪師
福州上生有常禪師

已上二人無機緣語句

袁州仰山行偉禪師法嗣七人四人見錄

襄州谷隱靜顯禪師 潭州龍王山善隨禪師

筠州黃蘗永泰禪師 廬山慧日明禪師

彬州王氏山惠先禪師 鄂州寒溪子和禪師

隨州聖果永聰首座

已上三人無機緣語句

洪州潞潭洪英禪師法嗣十人七人見錄

南嶽法輪齊添禪師 潭州大瀉齊恂禪師

袁州仰山友恩禪師 南嶽方廣懷紀禪師

泉州惠明雲禪師 潭州寶蓋自俊禪師

南嶽上封行瑜禪師 新州北烏崖垂義禪師
金陵華嚴叔聰禪師

潭州石霜子高禪師

已上三人未見機緣語句

東京智海慕喆真如禪師法嗣十二人六人見錄

潭州道吾汝能禪師 興國軍永安妙喜禪師

潭州羅浮希聲禪師 潭州中峯山智源禪師

安州大安山淳禪師 舒州靈泉道堅禪師

果州清居山文詰禪師 南嶽萬壽子昇禪師

金陵崇因正禪師 廬山雲霧首座

馮山齊榮首座 潭州馮山永菴主

已上六人未見機緣語句

廬陵隆慶閑禪師法嗣三人一人見錄

潭州安化閑一禪師 荊南府資福普慈禪師
廬陵龍鬚聰禪師

已上二人未見機緣語句

新州開元琦禪師法嗣五人二人見錄

饒州薦福道英禪師 廬山雙溪允光禪師

江州承天禧寶禪師 洪州雙溪先禪師

新州三角如璇禪師

已上三人未見機緣語句

黃蘗積翠永庵主法嗣一人見錄

廬陵清平楚金禪師

南嶽高臺佛印禪師法嗣六人一人見錄

潭州龍興師定禪師 綿州富樂德彰禪師
漢州承天逢原禪師

漢州十地文用禪師 嘉州月殊壁禪師

梓州廣化素禪師

已上五人未見機緣語句

杭州慶善宗震禪師法嗣一人見錄

杭州慶善普能禪師

建中靖國續燈錄卷第二十三

對機門

南嶽懷讓禪師第十四世

洪州潞潭山眞淨禪師法嗣十七人見錄

洪州兜率從悅禪師 潭州報慈進英禪師

桂州壽寧善資禪師 永州太平安禪師

廬山歸宗泉禪師 南嶽上封慧和禪師

衡州超化靜禪師 筠州五峯淨覺禪師

筠州洞山梵言禪師 筠州黃蘗道全禪師

南安軍嘉祐贊禪師 成都府嘉祐道用禪師

眉州北禪惟孝禪師 筠州九峯希廣禪師

梓州雍熙道光禪師 眉州象耳山惟古禪師

益州曹山惠言禪師

已上九人未見機緣語句

新州五祖山曉常禪師法嗣三人見錄

新州月頂倫禪師 新州烏崖楚清禪師

新州照化希紹禪師

一人未見機緣語句

筠州黃蘗山惟勝禪師法嗣十五人

成都府照覺紀白禪師 遂州廣利文易禪師

潭州石霜允眞禪師 成都府普通了如禪師

邛州太平齊禪師 懷安軍雲頂表奇禪師

漢州馬溪惟廣禪師 漢州天王居岸禪師

漢州承天處幽禪師 雅州西禪燈禪師

資州寧國希則禪師 東州望川山道古禪師

遂州靈泉悟傳禪師 嘉祥峨嵋居約禪師

南嶽馬祖懷嚴庵主

已上十五人未見機緣語句

洪州上藍寺順禪師法嗣三人

洪州祐聖雲智禪師 永康軍方廣繼通禪師

彭州金顯逸禪師

已上三人未見機緣語句

洪州上藍寺晉禪師法嗣一人

洪州雙溪如奎禪師

未見機緣語句

江陵護國月禪師法嗣一人見錄

江陵護國惠本禪師

潭州興化紹清禪師法嗣一人

南嶽高臺德基禪師

未見機緣語句

福州大中誌禪師嗣一人

蘇州虎丘文湛禪師

未見機緣語句

信州靈鷲慧覺禪師法嗣一人

信州靈鷲有琦禪師

未見機緣語句

杭州淨土思禪師法嗣二人見錄

杭州靈鳳山詮禪師 杭州慶善守隆禪師

潭州石霜山琳禪師法嗣三人一人見錄

鼎州德山宗什庵主 夔州臥龍思願禪師
鼎州慶和懷懷禪師

已上二人未見機緣語句

建中靖國續燈錄卷第二十四

對機門

南嶽懷讓禪師第十四世

南嶽福嚴慈感禪師法嗣八人六人見錄

明州育王寶鑒禪師 成都府南禪光澡禪師

梓州望川契宣禪師 漢州醴頭清岸禪師

彭州定山修學禪師 彭州定山交普禪師

福州禪林善從禪師 峽州雲蓋子思禪師

已上六人未見機緣語句

南嶽懷讓禪師第十五世

廬山羅漢系南禪師法嗣二人見錄

南嶽雲峯惠昌禪師 舒州浮山德宣禪師

江陵護國本禪師法嗣一人見錄

岳州君山普淨禪師

洪州潯潭山應乾禪師法嗣七人三人見錄

廬州興化可都禪師 潭州道吾楚方禪師

袁州崇勝密禪師 洪州景福良玉禪師
衡州開福德筠禪師

興化軍高田有需禪師 潁州薦福真禪師

已上四人未見機緣語句

廬山圓通可僊禪師法嗣三人二人見錄

溫州淨居佛日禪師 冀州明招文慧禪師

澧州浮山法真禪師

一人未見機緣語句

東京褒親有瑞佛海禪師法嗣二人一人見錄

安州壽寧完禪師 安州興國禪師
一人未見機緣語句

潭州雲蓋山智本禪師法嗣四人見錄

南嶽承天自賢禪師 南嶽承天惠連禪師

廬陵香山惟德禪師 南嶽草衣慶時禪師

洪州兜率從悅禪師法嗣六人二人見錄

洪州兜率惠照禪師 袁州楊岐山圓禪師

撫州永安了常禪師 處州慧雲明鑒禪師

洪州兜率惠宜禪師 舒州投子道勝禪師

已上四人未見機緣語句

黃州栢子山德嵩禪師法嗣一人見錄

黃州東禪惟資禪師

澧州夾山純禪師法嗣二人見錄

澧州欽山普初禪師澧州洛浦惟昉禪師一人未見機緣語句

東京智海院智清佛印禪師法嗣二人見錄

蘄州四祖仲宣禪師泉州乾峯圓惠禪師

南嶽福嚴鳳禪師法嗣三人

泉州北巖法融禪師興化軍龍祀以定禪師

袁州護法安祐禪師

已上三人未見機緣語句

臨江軍惠力可昌禪師法嗣四人見錄

臨江軍惠力源禪師袁州福聖常極禪師

潭州雲溪文慶禪師臨江軍慧燈擇英禪師

已上二人未見機緣語句

廬山開先行瑛禪師法嗣一人見錄

廬山開先海評禪師

洪州上藍希肇禪師法嗣一人見錄

洪州大寧文廣禪師

南嶽法輪齊添禪師法嗣一人

鄂州靈竹德宗禪師

未見機緣語句

襄州洞山文英禪師法嗣一人

成都府正法無照禪師

未見機緣語句

廬山萬杉紹慈禪師法嗣一人

蘄州德章山楚當禪師

未見機緣語句

饒州薦福道英禪師法嗣五人見錄

福州等覺普明禪師

饒州妙果德圓禪師饒州密巖善忠禪師

舒州鶴林智瑤禪師饒州崇寧慶舒禪師

已上四人無機緣語句

蘄州五祖法演禪師法嗣三人

舒州海會慧宗禪師蜀州大明院明禪師

峨嵋牛心山延福達禪師

已上三人未見機緣語句

成都府昭覺白禪師法嗣二人

邛州鐵像崗禪師成都府安像禪師

已上二人未見機緣語句

潭州大溈山祖瑋禪師法嗣一人

建州乾元希式禪師

未見機緣語句

建中靖國續燈錄卷第二十五

對機門

廬陵清原山行思禪師第十四世

東京法雲寺大通禪師法嗣四十九人見錄十四人

婺州寶林寶覺禪師 杭州淨慈寶印禪師

越州承天滋須禪師 蘇州吳江法晏禪師

越州天衣惠通禪師 湖州天聖齊月禪師

鄭州資福寶月禪師 杭州徑山常悟禪師

越州延慶可復禪師 温州雙峯佛海禪師

彬州圓明希古禪師 越州五峯子琪禪師

通州狼山惠禪師 西京韶山雲門信禪師

杭州鹽官諡禪師

越州天章澄濟禪師

福州報慈有聰禪師

福州瑞峯慧清禪師

杭州華藏利聰禪師

越州天衣辨禪師

常州感慈廣悟禪師

婺州涵碧道安禪師

杭州萬壽海仙禪師

撫州黃山悟先禪師

婺州明招子卿禪師

越州西院用騷禪師

越州明覺惠皇禪師

越州寶嚴子鑑禪師

高郵醴泉慧初禪師

宜州南陵有明禪師

福州龜洋法海禪師

福州西方可宏禪師

福州靈巖智常禪師

睦州廣靈德行禪師

漢陽軍丈別實相禪師

秀州崇德淳禪師

處州水西達禪師

越州雲門用昇禪師

處州曇慧禪師

越州長憂思政禪師

筠州蘊茂禪師

越州資慶印禪師

越州羅漢交禪師

衢州太平普志禪師

處州報恩懷立禪師 明州大梅智華禪師

婺州承天普安禪師 袁州崇勝希聖禪師

處州治平子微禪師

已上三十五人未見機緣語句

舒州投子山修頤證悟禪師法嗣五人見錄三人

壽州資壽灌禪師 西京白馬江禪師

鄧州香嚴智月禪師 壽州文臺法聰禪師
鄭州資壽明禪師

已上二人未見機緣語句

潤州金山善寧法印禪師法嗣六人見錄三人

秀州禪悅知相禪師 婺州普濟圓濟禪師

秀州鹿苑道齊禪師 衢州仙居有露禪師
温州太平簡才禪師

蘇州勝法道綱禪師

已上三人未見機緣語句

廬山開先心印禪師法嗣一人見錄

廬州延昌詠禪師

金陵保寧子英禪師法嗣三人見錄二人

南康軍承天勤禪師 廬山羅漢善修禪師

豫州吉祥齊果禪師

一人未見機緣語句

太平州隱靜山守儼禪師法嗣二人

明州廣惠宗賢禪師 明州吉祥法顯禪師

已上二人未見機緣語句

常州南禪智覺慧禪師法嗣二人

越州寶林道方禪師 越州蕭山法詮禪師

已上二人未見機緣語句

秀州本覺守一法真禪師法嗣七人二人見錄

福州越峯粹珪禪師 福州壽山本明禪師

越州福果奉華禪師 明州西峯懷辨禪師

常州法濟元斌禪師 福州牛頭翌先禪師

秀州本覺欽禪師

已上五人未見機緣語句

台州瑞巖有居禪師法嗣一人

天台護國元瑞禪師

未見機緣語句

睦州廣靈希祖佛印禪師法嗣三人見錄

睦州烏龍廣堅禪師 處州仙巖懷義禪師

睦州清溪智誠禪師

壽州資壽圓澄巖禪師法嗣二人見錄

鼎州彭法嵩禪師 婺州寶山公遠禪師

岳州乾明覺禪師法嗣二人見錄

岳州平江應圓禪師 岳州寶積清及禪師

天台護國靈祐禪師法嗣一人

台州資聖則圓禪師

未見機緣語句

滁州瑯琊誠禪師法嗣一人

復州北塔善初禪師

一人未見機緣語句

真定府洪濟清滿禪師法嗣一人見錄

相州長興宗朴禪師

東京法雲惟白佛國禪師法嗣八人見錄

潤州金山佛鑑禪師 興元府乾明永因禪師

婺州智者山紹光禪師 泗州普照法最禪師

和州慧濟普虔禪師 楚州勝因崇愷禪師

沂州福聖仲易禪師 磁州元符二祖果禪師

廬陵清原山行思禪師第十五世

婺州寶林果昌寶覺禪師法嗣二人見錄

袁州興化德觀禪師 天台護國妙機禪師

杭州淨慈楚明寶印禪師法嗣三人一人見錄

温州靈巖德宗禪師 楚州資應法照禪師
湖州常樂本然禪師

已上二人未見機緣語句

建中靖國續燈錄卷第二十六

對機門

廬陵清原山行思禪師第九世

鄧州大陽山警延明安禪師法嗣十人二人見錄

舒州投子義青禪師 西川雲頂鵬禪師

益州覺城道齊禪師 越州雲門運禪師

天台太平惠空禪師 新州四祖處仁禪師

鄧州大陽山祈禪師 襄州洞山存禪師

安州延福禪師 越州雲門實印禪師

已上八人未見機緣語句

廬陵清原山行思禪師第十世

舒州投子山義青禪師法嗣七人三人見錄

鄧州大陽楷禪師 西京少林恩禪師

除州龍蟠山廣禪師 沂州洞山雲禪師

兗州光化祥禪師 長安福應文禪師

已上四人未見機緣語句

廬陵清原山行思禪師第十一世

鄧州大陽山楷禪師法嗣二人一人見錄

西京龍門南禪師 西京招提寶禪師

雲居山道齊禪師法嗣三十七人五人見錄

蘇州翠峯洪禪師 明州金鵝虎白禪師

洪州山藍普禪師 杭州承天義海禪師

廬山萬杉廣智禪師

揚岐居蓮禪師 與國洪恩行思禪師

玄寂義勳禪師 信州鵝湖令新禪師

蘇州慶思禪師 清化智聰禪師

饒州仁鑒禪師 撫州保壽禪師

西蜀義詮禪師 安德玄遠禪師

雲龍子才禪師 九峰子玄禪師

化土會平禪師 舒州三祖岳禪師

上方子澄禪師 越州永雅禪師

楊岐惠海禪師 南岳彥登禪師

建山智果禪師 明州雪竇遇新禪師

湖州報本義海禪師 越州象田德圓禪師

岳麓永柔禪師 湖州報本義圓禪師

明州智達禪師 郴州文靜禪師

江州圓通利柔禪師 明州育王居素禪師

饒州薦福臻禪師 化城自顯禪師

已上三十二人未見機緣語句

南康軍羅漢行林祖印禪師法嗣八人六人見錄

福州靈峰道誠禪師 眞州長蘆贊禪師

袁州崇勝道珍禪師 綿州富樂智靜禪師

越州天衣昭愛禪師 袁州仰山擇和禪師

廬山羅漢齊因禪師 廬山萬杉懿宣禪師

已上二人未見機緣語句

廬山棲賢澄誼禪師法嗣五人三人見錄

湖州西余山榮禪師

南岳福嚴省賢禪師

袁州仰山智齊禪師

廬山棲賢智通禪師
越州石佛崇禪師

已上二人未見機緣語句

杭州臨安功臣覺軻心印禪師法嗣一人

蘇州寶華懷古禪師

未見機緣語句

廬陵清原山行思禪師第十二世

杭州靈隱文勝禪師法嗣十五人見錄

杭州靈隱慧照禪師

杭州南院清禪師

江寧府保寧宗禪師

江寧府清涼慈化禪師

越州石佛有梵禪師

杭州興教保威禪師
杭州妙嚴洪禪師

杭州廣果隆禪師

秀州永安錫禪師

杭州廣法歸穆禪師

杭州佛日子昇禪師

秀州永安紹禪師

杭州安樂照禪師

温州護國和禪師

鄞州圓寂修慶禪師

已上十人未見機緣語句

杭州能華悟乘禪師法嗣一人見錄

温州靈巖宣密禪師

明州瑞巖山義海禪師法嗣三人見錄

明州大梅文慧禪師

明州翠巖嗣元禪師

湖州報本拙禪師

未見機緣語句

明州大梅保福禪師法嗣一人見錄

婺州智者嗣如禪師

洪州章江昭達禪師法嗣一人見錄

蘇州萬壽法印禪師

廬陵清原山行思禪師第十三世

婺州智者山嗣如禪師法嗣四人見錄

婺州華藏虎外禪師

婺州淨土可嵩禪師

婺州承天澄月禪師

婺州寶林文慧禪師
一人未見機緣語句

廬陵清原山行思禪師第十四世

婺州承天澄月禪師法嗣二人見錄

婺州承天仲顯禪師

天台護國介豐禪師
一人無機緣語句

婺州寶林文慧禪師法嗣二人

信州祥符瓦度禪師

湖州宣化德濟禪師

已上二人無機緣語句

建中靖國續燈錄卷第二十七

拈古門

明州雪竇重顯明覺禪師二十則

洪州黃龍慧南禪師三則

東京淨因懷璉大覺禪師三則

滁州瑯琊慧覺廣照禪師四則
 雲州山曉舜禪師三則
 婺州承天惟簡禪師五則
 洪州翠巖可眞禪師一則
 東京智海慕詰眞如禪師二則
 廬山東林常總照禪師一則
 南岳雲峯文悅禪師五則
 潭州大瀉懷秀禪師一則
 越州天衣義懷禪師三則
 廬山開先善暹禪師二則
 湖州上方齊岳禪師二則
 江寧府蔣山法泉佛慧禪師三則
 雲居山了元佛印禪師一則
 杭州佛日智才禪師二則
 東京智海本逸正覺禪師三則
 杭州承天傳宗禪師二則
 東京慧林德遜佛陀禪師一則
 台州瑞巖子鴻禪師二則

東京法雲法秀圓通禪師四則
 衡州元豐清滿禪師二則
 東京淨因惟岳佛日禪師一則
 秀州資聖盛懃禪師二則
 廬山棲賢智遷禪師三則
 江寧府清涼和禪師一則
 澧州夾山自齡禪師三則
 廬山開先心印禪師一則
 建中靖國續燈錄卷第二十八
 頌古門
 明州雪竇重顯明覺禪師二十則
 潭州石霜楚圓慈明禪師三則
 洪州黃龍慧南禪師三則
 東京智海慕詰眞如禪師二則
 筠州洞山眞淨禪師一則
 舒州海會守端禪師二則
 廬山東林常總照覺禪師一則
 江寧府保寧仁勇禪師五則

蘇州定慧超信海印禪師七則

東京慧林德遜佛陀禪師二則

舒州投子義青禪師四則

東京智海本逸正覺禪師六則

太平州隱靜山守儼禪師二則

雲居山了元佛印禪師四則

處州慈雲修慧圓照禪師二則

東京淨因惟岳佛日禪師二則

福州大中寺德禪師四則

岳州乾明慧覺禪師二則

越州天章元善禪師一則

湖州上方日益禪師四則

建中靖國續燈錄卷第二十九

偈頌門

金陵蔣山法泉佛慧禪師三十四首

越州天衣義懷禪師三首

東京淨因淨照臻禪師十五首

舒州浮山法遠圓鑑禪師一首

福州地藏顯端禪師十首

東京法雲法秀圓通禪師六首

金陵蔣山贊元覺海禪師三首

東京法雲善本大通禪師五首

南岳谷泉大道八首

東京智海本逸正覺禪師十二首

潭州道林智本禪師一首

石霜楚圓慈明禪師六首

蘄州白雲山景雲禪師二首

北禪慧雲昇禪師八首

洪州龍安山從悅禪師六首

廬山萬杉紹慈禪師六首

廬州興化仁岳禪師十首

饒州薦福承古禪師一首

東京淨因惟岳佛日禪師四首

饒州薦福道英禪師十首

秀州資聖盛勤禪師五首

潤州金山曇穎達觀禪師五首

荊門軍玉泉承皓禪師一首

蕪州雙林果昌寶覺禪師一首

建中靖國續燈錄卷第三十

偈頌門

明州雪竇重顯明覺禪師十首

廬山東林常總照覺禪師八首

東京慧林德遜佛陀禪師七首

泉州資壽捷禪師十首

潤州金山曇穎達觀禪師四首

洪州黃龍祖心寶覺禪師三首

蘄州四祖法演禪師四首

蘇州崑山元禪師四首

東京知海智清佛印禪師五首

益州甘露舒禪師八首

雲居山了元佛印禪師四首

安州圓明寺著禪師四首

潤州金山瑞新禪師四首

劍門關慈雲重證禪師一首

福州法海明惠禪師十首

隨州大洪山恩禪師四首

建中靖國續燈錄目錄下帙終

詳對經弟子黃端

都勾當藏主沙門靈璧

都勸首住持傳法沙門普明

證會靈應侯王

御製建中靖國續燈錄序

〔宋刻〕

昔釋迦如來之出世也。受燃燈之記。生淨飯之家。分手指乎天地。而真機已露。遊門觀於生死。而幼緣頓寂。及手倡道。鷄園騰芳。鷲嶺無邊。刹境遂現。一毫之端。大千經卷。畢出微塵之裏。西被竺土。東流震旦。編葉而書。則一時聖教。雖傳於慶喜持花。而笑則正法眼藏。已付於飲光。自達磨西來。寔爲初祖。其傳二三四五。而至於曹溪。於是双林之道。逾光一滴之流。浸廣自南嶽清原。而下分爲五宗。各擅家風。應機訓對。雖建立不同。而會歸則一。莫不箭鋒相拄。鞭影齊施。接物利生。啓悟多矣。源派演迤。枝葉扶疎。而雲門臨濟二宗。遂獨盛於天下。朕膺

天寶命。紹國大統。恭惟

藝祖闢度門於縣寓。

太宗闡秘義於敷天。

章聖傳燈於景德。

永昭廣燈於天聖。皆宏暢真風。協助

神化。以成無爲之治者也。於皇

神考尤鄉空宗。元豐三年。詔於大相國寺創二禪刹。關惠林於東序。建智海於右廡。逮壬戌之歲。以今越國大長公主及集慶軍節度觀察留後駙馬都尉張敦禮之請。復建法雲禪寺於國之南。於是祖席輝光。叢林鼎盛。天下之襲方袍慕禪悅者。雲集於上都矣。今敦禮以其寺住持僧佛國禪師惟白所集建中靖國續燈錄三十卷來上。且以序文爲請。惟白探最上乘。了第一義。屢入中禁。三登高座。宣揚妙旨。良愜至懷。昔能仁說法。華經放眉間白毫相光。照東方萬八千世界。而彌勒發問。文殊決疑。以謂日月燈明。佛本光瑞如此。持是經者。妙光法師。得其證者。普明如來。今續燈之名。蓋燈燈相續。光光涉入。義有在於是矣。噫。圓澄覺海。本含裹於十方。生滅空徧。遂沉淪於三有。因明立所。由塵發知。纖妄相成。轉入諸趣。良可悲也。若迴光內照。發真歸元。則是錄也。直指性宗。單傳心印。可得於眉睫。可薦於言前。舉手而擎妙喜之世界。彈指以現莊嚴之樓閣。神通運用。眞不可得而思議哉。嘉興有衆。締此勝緣。俱離迷津。偕之覺路。斯朕

之志已建中靖國元年八月十五日賜序

建中靖國續燈錄卷第一

東京法雲禪寺住持傳法佛國禪師臣惟白集

正宗門

爾時世尊種智圓成。熏修示迹。悲深願廣。應現受生。性潔霜花。心馳雪嶺。逾城午夜。習想六年。沐尼連河。詣菩提樹。陞金剛座。敷吉祥芽。諸定遍修。明星現悟。頓成正覺。等念含生。四十九年。三乘顯著。拈花普示。微笑初傳。對大眾前。印正法眼。囑行教外。別付上根。蓮目普觀。華偈親說。

法本法無法

無法法亦法

今付無法時

法法何曾法

爾時摩訶迦葉尊者。分坐傳衣。因花悟道。巖間石室。演法度生。世尊示滅。結集聖教。斥出阿難。未盡諸漏。畢鉢巖前。磐陀石上。坐至中夜。便證道果。即現神通。透石而入。於是迦葉付正法眼。而說偈言。

法法本來法

無法無非法

何於一法中

有法有非法

爾時阿難尊者。坐石悟道。結集聖言。一唱我聞。三疑頓息。大事既辦。將求宗嗣。詣常水河。化為金地。集諸聖衆。顯得道弟子。商那和修。付正法眼。而說偈言。

本來付有法

付了言無法

各各須自悟

悟了無無法

爾時商那和修尊者。著自然衣。而爲示生。作大商主。忽悟無常。聞佛入滅。投阿難出家。而證道果。一日見長者子優婆塞多。而問曰。汝年幾耶。多曰。我年十七。師曰。汝身十七。汝性十七。多視師問曰。師髮白耶。心白耶。和修曰。我但髮白。非心白耳。多曰。我身十七。非性十七。和修遂與授戒。傳正法眼。藏而說偈言。

非法亦非心

無心亦無法

說是心法時

是法非心法

爾時優婆塞多尊者。十七出家。二十證果。廣度有情。壽盈石室。有長者子。名曰香象。投師出家。師乃問曰。汝身出家。汝心出家。答曰。我所出家。非爲身心。師曰。

不爲身心復誰出家。答曰：夫出家者，無我。我故心不生滅，心不生滅，卽是常道。既是常故，諸佛亦常。本來心相，其體亦然。師曰：汝今大悟，心自明了，豁然顯證。易名提多迦，付正法眼藏，而說偈言：

心自本來心

本心非有法

有法本有心

非心非本法

爾時提多迦尊者，金日出照，甘泉泛涌，應瑞而生。實亦希有。出家得道，傳法度人，有彌遮迦尊者，見師慈相，便省夙因。棄本仙術，而求聖果。殷懃問曰：我於仙道，更無進趣。唯守虛靜，不達至理。師曰：佛言修仙，敬學小道，似繩牽汝，可自知之。若棄小流，頓歸佛法大海，便證無生。彌遮迦聞語，頓證妙道，卽付正法眼藏，而說偈言：

通達本法心

無法無非法

悟了同未悟

無心亦無法

爾時彌遮迦尊者，棄仙投佛，出家悟道，行化北天。祥雲現相，有婆須蜜多者，身體嚴淨，手執酒器，而問師曰：何方而來？欲往何所？師曰：從自心來，欲往無處。曰：

◆諸論

識我手中物。否師曰：此是觸器，而負淨者，曰：還識我否？師曰：我卽不識，識卽非我。汝當稱名，吾卽知矣。曰：姓煩羅，墮名婆須蜜。師曰：佛記於汝，當紹禪祖，卽捨酒器，頓悟夙因。出家受具，深入覺道。彌遮迦付正法眼藏，而說偈言：

無心無可得

說得不名法

若了心非心

始解心心法

爾時婆須蜜多尊者，自省夙緣，置器出家，遊行諸國，廣作佛事。有佛陀難提，曰：我今欲與尊者，諸義師曰：義卽不論，論卽不義。若擬論義，終非義論。難提卽自悟心，便卽敬伏求師出家，願可濟度。師知傳法時至，付正法眼藏，而說偈言：

心同虛空界

示等虛空法

證得虛空時

無是無非法

爾時佛陀難提尊者，頂有肉珠，光明瑩徹，智慧淵冲，辯捷無礙。有伏獸蜜多，而問曰：父母非我親，誰是最親者？諸佛非我道，誰是最道者？師曰：汝言與心親，父母非可比。汝行與道合，諸佛心卽是外求，有相佛與

汝不相似欲識汝本心非合亦非離伏臥聞是妙偈
頓入佛道五體投地深自慶躍即與剃度付正法眼
藏而說偈言

虛空無內外

心外亦如此

若了虛空故

是達真如理

爾時伏臥蜜多尊者生五十年唯坐一床口不曾言
足不履地聞偈得道傳法利人有難生者求師出家
即與剃度親磨之際祥光上燭仍感舍利顯為瑞應
長坐不臥習常精進通達法性便證道果付正法眼
藏而說偈言

真理本無名

因名顯真理

受得真實法

非真亦非偽

爾時鵝尊者處胎六十年神珠夢應而遂誕生滿室
光明非謂凡兆既得道果利物為先至一林中地變
金色有富那夜奢至師前合掌而立師問曰汝從何
來答曰我心非往問曰汝何處住答曰我心非止問
曰汝不定耶答曰諸佛亦然問曰汝非諸佛答曰諸
佛亦非師知是法器傳正法眼藏而說偈言

真體自然真

因真說有理

願得真真法

無行亦無止

爾時富那夜奢尊者心明博達性無所求遇鵝尊者
得法化導游行有馬鳴大士問曰我欲識佛何者即
是師曰汝欲識佛不識者是曰佛既不識焉知是乎
師曰汝既不識焉知不是曰此是鋸義師曰彼是木
義曰鋸義者何曰與汝平出曰木義者何師曰汝彼
我解馬鳴豁然開悟因付正法眼藏而說偈言

迷故如隱顯

明暗不相離

今付隱顯法

非一亦非二

爾時馬鳴尊者以有作無作諸功德勝聞木義得法
轉妙法輪有大魔王與師搦力即現本身禮拜悔過
師曰汝名誰耶答曰我名迦毗摩羅師曰盡汝神力
變化若何曰我化大海不足為難師曰汝化性海得
否答曰何謂性海我未曾知師曰性海者山河大地
皆依建立三昧六通由茲發現迦毗摩羅聞言忽然
悟入性海遂付正法眼藏而說偈言

隱顯即本法

明暗元不二

今付了悟法

非取亦非離

爾時迦毗摩羅尊者。本習外道。歸心佛乘。游西印土。至一深山。有龍樹尊者。出迎問曰。深山孤寂。龍麟所居。大德至。聖何枉神足。師曰。我非至聖。來訪賢者。龍樹默念曰。此師得決定性。明道。否。是大聖。繼真乘。否。師曰。汝雖心語。吾已意知。但辦出家。何慮不聖。龍樹聞已。悔謝。卽與度脫。付正法眼藏。而說偈言。

非隱非顯法

說是眞實際

悟此隱顯法

非愚亦非智

爾時龍樹尊者。具大智見。無所不通。弘闡宗教。古今希有一日。提婆相訪。師令侍者。將滿鉢水。示之。提婆投一針。欣然契會。師意。卽延語道。又現圓月。相示之。復契妙旨。付正法眼藏。而說偈言。

爲明隱顯法

方說解脫理

於法心不證

無瞋亦無喜

爾時迦那提婆尊者。幼而博識。才辯縱橫。遐邇名播。諸國所推。自顧胸懷。殊無所愧。投針契道。廣利群生。有羅睺羅多者。以木耳因緣。問師。師以頌示之。感悟。

前因投師出家。卽證道果。付正法眼藏。而說偈言。

本對傳法人

爲說解脫理

於法實無證

無終亦無始

爾時羅睺羅多尊者。出家傳法。隨處利生。至室羅筏城。金水河上。有僧伽難提。安然入定。伺候七日。方從定起。師問曰。汝身定。耶。心定。耶。曰。身心俱定。師曰。身心俱定。何有出入。曰。雖有出入。不失定相。師曰。旣不失定相。何物動靜。曰。動靜非物。物非動靜。師曰。此義不然。往反徵問。詞折義屈。心意豁然。稽首歸依。頓領玄旨。因付正法眼藏。而說偈言。

於法實無證

不取亦不離

法非有無相

內外云何起

爾時僧伽難提尊者。寶莊嚴王子也。生而能言。常讚佛事。令母信向。後習禪定。繼祖時。至遂傳心印。廣化衆生。有一童子。手持寶鏡。投師出家。俾爲給侍。因風吹殿上。銅鈴響。師問曰。風鳴耶。鈴鳴耶。曰。非風。鈴鳴。我心鳴耳。師曰。心復誰乎。曰。俱寂靜故。師曰。善哉。善哉。眞達佛理。遂付正法眼藏。而說偈言。

心地本無生

因地從緣起

緣種不相妨

華果亦復爾

爾時伽耶舍多尊者持鏡出家聞鈴證道遂游諸國觀氣求嗣有鳩摩羅多見而問曰師是何人師曰我佛弟子羅多聞語神識悚然却復還家閉于門戶師即徐至扣門羅多應曰此舍無人師曰道無者誰羅多忽悟必是智人開門禮敬辨狗驗金遂得道果付正法眼藏而說偈言

有種有心地

因緣能發萌

於緣不相礙

當生生不生

爾時鳩摩羅多尊者為自在天聞法利根繼祖時至降生人間驗金得果濟度群品有闍夜多問曰我家信佛常榮疾苦隣舍旃陀所作如意彼何幸而我何辜師曰何足疑乎且善惡報應有三世焉見仁天暴壽逆吉義凶便亡因喪果虛招罪咎殊不知影響相應毫釐靡忒經百千劫亦不磨滅闍夜多聞語頓釋所疑深悟業理志求出家於寶塔前剃髮授戒佛放光明即付正法眼藏而說偈言

性上本無生

為對求人說

於法既無得

何懷決不決

爾時闍夜多尊者智慧淵沖化導無量羅閱城中廣興佛事有婆修盤頭常一食不臥六時禮誦師見而問曰汝如此精進與道遠矣設經塵劫皆虛妄本曰師蘊何德而讚於我師曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希故名曰道婆修聞師示誨發無漏智叙陳夙因傳正法眼藏而說偈言

言下合無生

同於法界性

若能如此解

通達事理竟

爾時婆修盤頭尊者在胎過記必為世燈生長苦行而獲道果遊行至那提國國王摩摩羅投師出家得大神力頓悟心宗當紹祖位傳正法眼藏而說偈言

泡幻同無礙

如何不了悟

達法在其中

非今亦非古

爾時摩拏羅尊者捨王宮樂出家證道信香爲瑞往月氏國有鶴勒那問龍子何聰鶴衆何感師論其夙因心卽開悟又復問曰我今當修何業令鶴衆轉得人身師曰佛有無上法寶展轉相傳我今付囑汝宜信受無令斷絕廣度有情鶴衆因此而得解脫付正法眼藏而說偈言

心隨萬境轉

轉處實難幽

隨流認得性

無喜亦無憂

爾時鶴勒那尊者生時天花散綵金錢布地收養王宮廣現神變後出家傳法隨處指迷有師子比丘問曰我欲求道當何用心師曰汝若求道無所用心師子曰旣無用心誰作佛事師曰若有用心卽非功德若無用心卽是佛事師子聞說心卽開悟付正法眼藏而說偈言

認得心性時

可說不思議

了了無可得

得時不說知

爾時師子尊者問道傳法問誘五衆名聞遐邇人天欽服有長者携一子拳一手而禮拜師問曰可還我

珠其子卽開子獻珠衆皆驚異師具說前因卽度出家名婆舍斯多師將還夙債預付正法眼藏而說偈言

正說知見時

知見俱是心

當心卽知見

知見卽于心

爾時婆舍斯多尊者母夢神劍卽覺有孕旣誕遇師子尊者顯發夙因密傳心印至南天竺國摧伏外道國王太子不如蜜多投師出家師問曰汝欲出家當爲何事太子曰我今出家不爲其事師曰不爲其事因何出家太子曰我所出家卽爲佛事師曰若爲佛事當何所作太子曰無所作者卽眞佛事師嘆曰太子智慧天至必諸聖降迹卽與授具大地震動靈異頗多付正法眼藏而說偈言

聖人說知見

當境無是非

我今悟眞性

無道亦無理

爾時不如蜜多尊者捨太子位投尊者出家傳法利生至東印土有婆羅門子街巷游行無定師問曰汝行何急答曰師行何緩師曰汝今何姓答曰與師同

姓師曰。汝憶前事否。答曰。我念遠劫與師同居。師曰。共爲何事。答曰。師演摩訶般若。我轉甚深修多羅。師曰。今日所談深契。夙因卽度出家名般若多羅。付正法眼藏而說偈言。

眞性心地藏

無頭亦無尾

應緣而化物

方便呼爲智

爾時般若多羅尊者。既得法已。行化南印國玉太子。共所欽敬。因以寶珠爲施。師復示問各陳所見。唯菩提多羅曰。此是世寶未足爲上。於諸寶中法寶爲上。此是世光未足爲上。於諸光中智光爲上。此是世明未足爲上。於諸明中心明爲上。此是世珠未定爲上。於諸珠中心珠爲上。師有其道。其寶卽現。師復問曰。於諸物中何物爲相。答曰。於諸物中不起無相。師曰。於諸物中何物最高。答曰。於諸物中人我最高。師曰。於諸物中何物最大。答曰。於諸物中法性最大。旣見問答精妙。卽與落髮。感白日月現地三震動。便證聖果。付正法眼藏而說偈言。

心地生諸種

因事復因理

果滿菩提圓

花開世界起

爾時唐土初祖菩提達磨尊者。南天竺國王第三太子也。施珠辨義。發明心地於諸法性。頓得通量傳法。時至遠來此土。梁帝不契。面壁少林。有神光法師立雪斷臂。堅求諸佛要道。師爲易名慧可。一日問曰。諸佛法印可得聞乎。師曰。諸佛法印匪從人得。可曰。乞師安心。師曰。將心來與汝安。可曰。覓心不可得。師曰。與汝安心竟。師又誨曰。汝可內息諸慮。外息諸緣。可忽頓證而告曰。弟子已息諸緣。師曰。莫落空否。可曰。不落空。師曰。以何所證言不落空。可曰。明明了了。無覺無知。師曰。如是如是。師將歸西天。示門人曰。汝等各陳所見。吾欲付西天衣鉢。以爲表證。道副曰。我所見不執文字。不離文字。而爲道用。師曰。汝得吾皮。尼總持曰。如我所見。如慶喜見阿閼佛國。一見更不再見。師曰。汝得吾肉。道育曰。如我所見。四大空五蘊非有。無一法可得。師曰。汝得吾骨。慧可最後禮拜依位而立。師曰。汝得吾髓。遂付正法眼藏而說偈言。

吾本來茲土

傳法救迷情

一花開五葉

結果自然成

爾時二祖惠可正宗普覺禪師立雪斷臂傳鉢授衣。繼聞玄風博求法嗣。有一居士。聿來說禮。問曰。弟子久纏風恙。乞師懺罪。師曰。將罪來。與汝懺。居士良久曰。覓罪性不可得。師曰。與汝懺罪。竟宜依佛法。僧性居曰。今日已知是僧。未審何名。佛法師曰。是心是佛。是心是法。法佛無二。僧寶亦然。居士曰。弟子始知罪性不在內。不在外。不在中間。如其心然。佛法無二也。師深器之。曰。汝是吾寶也。宜名僧璨。即與落髮。付正法眼藏。而說偈言。

本來緣有地

因地種花生

本來無有種

花亦不曾生

爾時三祖僧璨。鏡智禪師。懺罪得道。落髮傳衣。任緣利人。居無常處。有沙彌道信。見師。問曰。乞與解說。法門。師曰。誰縛汝。答曰。無人縛。師曰。既無人縛。何求解脫。信於言下大悟。侍奉九載。付正法眼藏。而說偈言。

花種雖因地

從地種花生

若無人下種

花地盡無生

爾時四祖道信大覺禪師。生而超異。頓悟空宗。入解脫門。宛如夙習。既續祖風。將來嗣法。於黃梅路上。見一小兒。骨相奇秀。異乎常童。師見。問曰。汝何姓。答曰。姓卽有。不是常姓。師曰。是何姓。答曰。是佛性。師曰。汝無佛性。答曰。佛性空故。所以言無。師識其法。譽傳爲侍者。後付正法眼藏。而說偈言。

花種有生性

因地花生性

大緣與性合

當生生不生

爾時五祖弘忍大滿禪師。童兒得道。乃裁松道者。後身居黃梅東山。大振玄風。有盧居士。遠來。師曰。汝什麼處來。答曰。嶺南來。師曰。來作什麼。答曰。來求作佛。師曰。汝嶺南人。無佛性。答曰。人有。南北佛性。豈有南北。師叱曰。着槽廠去。卽入碓坊。服勞杵。臼腰間。墜石。晝夜不息。傳衣時。至。遂命入室。乃謂曰。諸佛出世。爲一大事。無上妙法。眞實圓明。今付於汝。汝善護持。無令斷絕。而說偈言。

有情本下種

因地果還生

無情既無性

無性亦無生

爾時六祖慧能大鑑禪師賣樵聞經頓悟心印遠至黃梅求其密證遂傳衣鉢隱于懷集因辨風幡發揚大事道俗皈依龍天瞻仰演無上乘度無量衆當機開悟密契潛符猶如時雨普潤一切將欲歸真遂告衆曰汝等信根純熟決定無疑衣鉢不傳各任大事依吾行者定證聖果普告大衆而說偈言

心地含諸種

普雨悉皆萌

頓悟花情已

菩提果自成

南嶽懷讓禪師到曹溪祖師問曰從什麼處來師曰從嵩山安國師處來祖曰什麼物與麼來師八年後一日忽省而告祖師曰說似一物即不中祖曰還假修證否師曰修證即不無只是不污染祖曰只這不污染諸佛所護念汝今如是吾亦如是西天二十八祖亦如是唐土六祖亦如是般若多羅識汝足下一馬駒子踏殺天下人去在汝善護持後居南嶽傳正法眼

廬陵清原山行思禪師到曹溪參禮祖師問曰當

何所務即得不落增級祖師曰汝曾作什麼來師曰聖諦亦不爲祖曰落何增級師曰聖諦尚不爲何增級之有祖曰如是如是汝善護持曹溪學衆雖多師居第一後歸清原山弘揚此事傳正法眼

江西道一馬大師在菴中坐次讓和尚問曰在菴裏作什麼師曰坐禪讓曰坐禪圖什麼師曰圓作佛讓有問取輒於庵前磨師曰磨輒作什麼讓曰磨輒作鏡師曰磨輒豈得成鏡讓曰磨輒既不成鏡汝坐禪豈得成佛師悚然起立問曰如何即是讓曰汝若坐禪禪非坐臥汝若坐佛佛非定相譬人駕車車若不行打車即是打牛即是師忽頓悟侍奉十年日益敬奧後在江西隨處傳正法眼

南岳石頭希遷禪師投六祖落髮稟旨尋思三年方悟其意逕往清原思和尚問曰子什麼處來師曰曹溪來思曰汝到曹溪得箇什麼師曰未到曹溪亦不曾失思曰若恁麼何用到曹溪師曰若不到曹溪爭知不失思曰象角雖多一驢足矣後居南岳傳正法眼

洪州百丈懷海大智禪師一日隨馬大師遊田中見野鴨子大師問是什麼師云野鴨子少須鴨子飛去大師云什麼處去也師云飛過去也大師扭師鼻師作忍痛聲大師云又道飛過去師因有省後住百丈傳正法眼

澧州天皇道悟禪師初參徑山國一禪師次至馬大師宗席皆契心要後到石頭問曰離却定慧以何法示人石頭曰我遮裏無奴婢離箇什麼師曰如何明得石頭曰汝撮得虚空麼師曰恁麼即不從今日去也石頭曰汝早晚從那邊來師曰道悟不是那邊人石頭曰我已知汝來處師曰何以賊誣於人石頭曰汝身見在師曰雖然如此畢竟如何示於後人石頭曰誰是後人師從茲頓悟後住天皇傳正法眼
筠州黃蘗希運禪師初參百丈問曰師參馬祖有何因緣百丈舉再參因緣師不覺吐舌百丈云作什麼師云今日因師見馬大師大機之用百丈云子已後莫承嗣馬大師麼師云我不識馬大師我若嗣他恐喪我兒孫百丈曰如是如是後師資機感非一住黃

藥山傳正法眼

澧州龍潭崇信禪師一日問天皇和尚曰弟子久事於師未蒙指示天皇曰每日無不指示師曰什麼處是指示天皇曰汝擎茶來吾爲汝受汝若和南吾便起手師因開悟後住龍潭傳正法眼

鎮府臨濟義玄禪師初參黃蘗問佛法的大意三度發問黃蘗打六十拄杖至大愚舉此因緣愚云黃蘗得恁麼老婆心師忽頓悟便歸侍奉黃蘗後往河北闡化傳正法眼

鼎州德山宣鑑禪師侍立龍潭夜深下去既黑龍潭點紙燭與師師纔接潭即吹滅師忽大悟作禮龍潭曰子見什麼道理師曰從今日已去不疑天下老和尚舌頭龍潭次展示衆曰可中有箇漢牙如利劍眼似流星口若血盆面生黑漆一棒打不回頭他時後日向孤峰頂上盤結草庵呵佛罵祖去在師即焚却文字便行後住德山傳正法眼

魏府興化存獎禪師初參臨濟發明後遇大覺打二十棒因悟臨濟參黃蘗因緣後出世住興化繼嗣臨

濟傳正法眼

福州雪峯義存禪師。九上洞山。三到投子。尋到德山。師資緣契。一日問曰。從上諸聖。以何法示人。山打一棒云。道什麼。師忽悟。如桶底脫。因至鼇山巖頭作證。自己曾襟流出。可以蓋天蓋地。後歸雪峯。傳正法眼。汝州寶應南院慧顥禪師。參興化和尚。大悟玄旨。密契宗風。啐啄應機。主賓互換。當鋒誦敵。蜀冠諸方。居南院道場。傳正法眼。

韶州雲門文偃禪師。初參睦州陳尊宿。發明心地。尋入嶺參雪峰。一日遇陞堂僧問。如何。佛峰云。蒼天蒼天。師聞忽釋所疑。契會宗要。後廣主劉氏。請居雲門。傳正法眼。

汝州風穴延昭禪師。初參鏡清。發明祖意。後參南院。師纔至。門院云。入門須辨主。師云。端的請師分。院以左手拍膝。師便喝。院以右手拍膝。師又喝。院舉左手云。遮裏即從汝舉。右手云。那裏作麼。生師云。瞎院拈拄杖。師云。奪却拄杖打和尙。莫言不道。院云。三十年住持。今日被黃面浙子鈍致。師云。和尚大似持鉢不

得。詐道不飢。院云。曾到此間否。師云。是何言。歟。院云。端的問汝。師云。也不得放過。院云。且坐喫茶。師即展禮。後嗣宗風。應鴻仰。懸記大振祖機。傳正法眼。

汝州首山省念禪師。遍參知識。常誦法華經。到風穴會中。一日遇陞堂。風穴示衆云。世尊不說。說迦葉不聞。聞良久。便下座。師曰。此頓悟心。宗遂入室。具陳所證。風穴再問曰。世尊不說。說迦葉不聞。聞汝作麼。生會師曰。動容揚古路。不墮悄然機。風穴然之後。住首山。傳正法眼。

汾州太子院善昭禪師。太原人也。積習熏聞。孤標異俗。去師受具。杖策遊方。所至少留。隨機扣問。歷參知識七十餘員。最後受印。汝州念禪師。由是名聲頗聞。緇素嚮慕。前後八請。皆不一諾。淳化四年。道俗千人。迎至西河方止。斯院門庭峻捷。玄機莫湊。所印可者。皆爲道器。德譽洋洋名播。上國都尉李侯。請居潞府。承天彼方士民。灑涕遮留。師謂專使曰。暫赴廚饌。食畢取書。既而詣之。不起于座。已趣圓寂。闍維後。收舍利起塔。師平生閱大藏經六遍。提綱宗要一十策。

其餘應物機緣具如本傳

同心地未安時如何師曰誰亂爾僧曰爭奈這箇何師云自作自受問學人未悟時如何師云誰言未悟僧曰悟後如何師云莫詐明頭問祖意教意是同是別師云巖高松冷澗曲水流遲問如何是祖師西來意師云青絹扇子足風涼問如何是學人著力處師云嘉州打大像問如何是學人轉身處師云陝府灌鐵牛問如何是學人親切處師云河西弄師子問如何是第一玄師云親囑飲光前僧曰如何是第二玄師云絕相離言證僧曰如何是第三玄師云明鑑照無偏僧曰恁麼則三玄已超今古外九天皆唱太平歌師云杲日舒光無不照幽冥盡耀豁乾坤上堂云夫參學者須具本分眼目臨機別取邪正不受人謾不被佛祖所滯不隨言語所轉不被諸法所惑不依一切神妙解會凡有來者盡皆驗破何故伊倚會解展弄機鋒求覓知見問佛問祖向上向下自意祖意皆可打伊直饒一切不依恰好點罰萬水千山恰好喫棒到恁麼時是箇漢始得凡有編辟言句

每卷有題
言今存初一
附錄其他

或蓋或覆將來辨主眼目或呈知見擊頭戴角一識得盡好打也或只當面識破或則貶之辱之狀似軒鏡臨臺有何魑魅可現乎何故狐狸能隱本狀者也珍重

建中靖國續燈錄卷第一

福州等覺禪院住持傳法沙門普明收印經板頭錢恭爲今上皇帝祝延 聖壽圖郡官僚同資 祿位彫造

續燈錄印板一部計三函 時崇寧二年十月

日謹題

建中靖國續燈錄卷第二

〔宋刻〕

東京法雲禪寺住持傳法佛國禪師臣惟白集

對機門

廬陵清原山行思禪師第八世

韶州雲門山文偃匡眞禪師法嗣

成都府香林澄遠禪師姓上官氏漢州縣竹人也投

成都眞相院出家十六歲。具後離蜀入秦。登青峰驛。子陵旋之荊湘。參後龍牙有發機之地。尋過嶺。擢衣雲門。匡眞禪師請益祖意。大豁所疑。侍奉十有八載。日探玄旨。復歸成都。請住導江水。請宮吳將軍院甲子歲。嘉王奏請師住香林禪院。雍熙四年丁亥二月。知府密學宋公瓚請至普安院。安下十二日。徧辭衆官。曰。老僧行脚去。通判曰。遮僧風狂。八十歲行去。那裏密學曰。大善。知識去住自在。至十三日。示衆云。老僧四十年來不能打得成一片言。訖坐逝。府主爲師作喪主。十六日歸葬香林院方丈之北。烏。

誠當作威

同聲回

心處問三乘十二分教。即不問如何。是宗門中事。師云。檀特羅浮僧曰。學人未省乞師垂示。師云。幸不去遠。問大肯底人更有疑也。無師云。冥冥獨語。問大了底人如何決擇。師云。驚過多少。問如何是祖師西來意。師云。觀面相呈。更無餘事。僧曰。十二時中如何履踐。師云。不用氣力。問如何是三身佛。師云。狐非師子。類僧曰。如何是三身中人。師云。燈非日月。明門佛法兩字爲什麼轉說轉新。師云。與天下人作勝。僧曰。直得句下無私時如何。師云。進道有門。問滅音王已前是什麼人。先悟師云。名流天地。問如何是西來的意。師云。坐久成勞。僧曰。便回轉時如何。師云。墮落深坑。問如何是地獄中人。師云。瞥然多劫。僧曰。修何行業。即得如是。師云。不改舊時容。僧曰。畢竟如何。師云。千里不同頭。問如何是祖意。師云。靈機自照。僧曰。如何是教意。師云。遮裏是什麼所在。僧曰。祖意與教意相去多少。師云。速禮三拜。問生死海中出頭不得者如何。提接師云。酌然不虛。問教法未來時如何。師云。闍羅天子。僧曰。來後如何。師云。大宋國裏。問不出。

門而知天下時如何師云大海裏藏身問不犯日前
 事來機何辨的師云十字路頭華表柱問一舉便及
 第時如何師云蹀跳上天走過東海僧曰恁麼則撒
 手那邊去也師云蝦跳不出斗問如何是心出家師
 云牛頭旃檀僧曰意旨如何師云熏天炙地問如何
 是諸佛心師云妄想中注脚僧曰如何是和尙心師
 云向閻梨道什麼問三界茫茫如何止息師云妙機
 在掌僧曰更有用心處也無師云事不重言問諸佛
 從何證得師云莫虛此問僧曰得證後如何師云百
 草頭上問真妄俱泯時如何師云閻梨善問香林善
 對僧曰還得祖意也無師云適來問什麼問本來無
 一物將何指示人師云黑底黑白底白僧曰意旨如
 何師云一人纔了一人來問起坐相隨爲什麼不覷
 其容師云圖他一粒米問如何是和尙方便門師云
 更無別說僧曰便與麼去還合道否師云千江萬水
 問如何是諸佛本源師云所問端的僧曰究竟如何
 師云前後際斷問一子出家九族解脫目連爲什麼
 母入地獄師云囉問古鏡未磨時如何師云清機不

可一作合

在掌僧曰磨後如何師云歷歷在當人問如何是平
 常心師云早朝不審晚後珍重問一塵含法界九世
 利那分未審一塵從何起師云起也問格外之談什
 麼人得聞師云須彌山問抱璞投師請師一鑑師云
 靈龜曳尾僧曰未審是真作假師云剗利者可知
 師云是汝諸人盡是擔鉢囊向外行脚還識得性也
 未若識得試出來道看儒若識不得祇是被人熱瞞
 將去且問儒諸人是儒參學日夕用心掃地煎茶遶
 山翫水爾且釘釘喚什麼作自性諸人且道始終不
 變不異無高無下無好無醜不生不滅究竟歸於何
 處諸人還知得下落所在也未若於這裏知得所在
 是諸佛解脫法門悟道見性始終不疑不慮一任橫
 行一切人不奈爾何出言吐氣實有來處收得元本
 契書如人買田尙乃須得元本契書若不得他元本
 契書終是不穩遮莫經官判狀亦是不得其奈不收
 得元本契書終是被奪却爾等諸人參禪學道亦復
 如是還有人收得元本契書麼試拈出看爾且喚什
 麼作元本契書諸人試道看若是剗利底纔聞與麼

說著便知去處。若不知去處。向外邊學得千般巧妙。記持解會。口似傾河。終不究竟。與爾自己。天地差別。且去衣鉢。下體當尋覓。看若有箇見處。上來這裏。老僧與爾證明。若覓不得去。且依行隊。

上堂云。諸上坐。古往今來。祇是一箇無事人。不造作。不攀緣。無所得。一念相應。不受後。有不見病惱逼迫。四大本空。五蘊虛假。起心動念。有少疑慮。盡屬魔民。皆落妄想。若得實地。順逆皆通。實際理地。無法當情。凡有施設。不住前塵。物物當體。都無所得。本來解脫。不假功成。故曰一切法常住。且無爾加減處。盡十方法界。一塵一剎。頭頭並是一真人。體皆是受由門。庭若離此外。別有何見。並是捏目生花。三頭二首。外道邪魔鬼神群隊。且不編入本性。與爾自己。了無交涉。上堂云。諸人還見有衆生界麼。還見有上來下去麼。還見有諸佛境界麼。還見有世間出世間麼。還見有苦樂貴賤麼。還見有生死去來種種等事麼。且爾諸人妄認。凡夫爾還實識得。凡夫性麼。你一箇身假借父母胞胎。地水火風五穀氣味資持。隨陰陽成長。有

一箇形體。百年五十年還歸四大。去什麼處。是爾凡夫性。又作麼生知道。聖人自別將片身心。擬入聖位。爾作麼生入什麼處。是爾去處。還實有來去麼。還實有捨凡夫位。入聖人位麼。若言實有。頭上安頭。若言實無。斬頭覓活。爾箇箇出來。言語分明。叉手並足。不可是精魅鬼神來助。爾各各好生體取。莫慙癡雲門先師道。我舉一則語。教爾直下承當。早是撒尿著。爾頭上直饒拈一毫頭。盡大地一齊明得去。也是剎肉作瘡。然雖如是。亦須到這田地。始得莫。掠虎每日祇爲爾諸人心不休歇。切切爲爾。祇教爾自省。去箒。爾不是別人受屈。作麼香林且不嫌你。諸人實無法傳授與你。亦不曾說著一字。信即便信。不信自家停騰。莫向這裏看老僧口。爲爾得徹。困猶自不用心。且莫殍我。

上堂云。悟了底人。見一切境。各不別。竹是竹。木是木。山河大地。不礙眼。睛。爾諸人還見拂子麼。衆無語。便下座。

饒州薦福承古禪師。操行高潔。稟性虛明。參大光敬。

玄禪師乃曰。祇是箇草裡漢。遂參福嚴雅禪師。乃曰。祇是箇脫洒衲僧。由是終日默然。深探先德洪規。一日。覽雲門禪師對機。忽然發悟。乃曰。却較此子自此韜藏。不求名聞。栖止雲居山弘覺禪師塔中。四方學者奔湊。因曰。古塔主也。景祐四年冬。范公仲淹出守鄱陽。聞師道德。遣使請居薦福。開闢宗風。慶曆五年仲冬四日。陞堂說偈云。天地本同根。鳥飛空有跡。雪伴老僧行。須彌撼金錫。乙酉冬至。四靈光一点。赤珍重。會中人般若。彼羅蜜言畢。坐逝。

開堂日上首白。搥罷師云。適來如是否白。大眾還甘也。無若據大眾分上。假饒諸佛出世。猶是自護祖師。西來誑惑庸小。自餘之輩。不在形言。若也談禪說要。大似含血喫人。問答往來。如同魔燒。禪德大眾面前。作麼生下口。雖然如是。事無一向理出。百途曲爲下機。有疑請問。問如何是薦福境。師云。莫僧曰。如何是境中人。師云。莫問。知師久蘊囊中寶。今日當筵略借看。師云。莫僧曰。和尚豈無方便。師云。莫問。大善。知識將何爲人。師云。莫僧曰。怎麼則有問有答去也。師云。

莫有僧編擬伸問

師云。問話且止。直饒問得答得。與道差殊。大眾以此問話。數箇閣梨。總未有箇出家眼目。一萬里外有善知識。出世洗耳。攢眉拂袖。遠去爭肯來遮裏。五體投地。問箇如何。若何仁者。還知大眾各各自已分上。是箇什麼門風。是箇什麼體格。直得諸佛仰望不及。天下祖師鎖口。有分若能如是。明得見得佛之與祖。如同夢幻。空華聞甚深法門也。似風聲各響。自己顛脫。獨拔猶閑法界有情。齊成正覺。豈不是丈夫漢。眞出家兒。將此開堂所生鈞社上祝。今上皇帝山嶽爲壽。日月齊明。珍重。

問青青翠竹。盡是眞如。鬱鬱黃花。無非般若。如何是般若。師云。黃泉無老少。僧曰。春來草自青。師云。聲名不朽。僧曰。若然者。碧眼胡僧也。皺眉師云。退後三步。僧曰。若師云。吽吽。問臨濟舉拂。學人起爭。是同是別。師云。訛言亂衆。僧曰。怎麼則依令而行也。師云。天涯海角。問曲調已成。還許學人繼和也。無師云。官不容針。僧曰。果是伯牙師云。自家看僧拈掌三下。師云。三。

上堂云。雲門。匡真大師。如今現在。諸人還見麼。若也見得。便是山僧同參。見麼。見麼。此事直須諦聽。始得。不可自謾。且如往古黃蘗。聞百丈和尚舉馬大師下喝。因緣。他因大省百丈問。子向後莫承嗣大師否。黃蘗云。某雖識大師。要且不見大師。若承嗣大師。恐喪我兒孫。大衆當時。馬大師遷化未得五年。黃蘗自言。不見。當知黃蘗見處不圓。要且祇具一隻眼。山僧卽不然。識得雲門大師。亦見得雲門大師。方可承嗣雲門大師。祇如雲門入滅。已得一百餘年。如今作麼生說箇親見底道理。會麼。通人達士。方可證明。眇之徒。心生疑劣。謗見得不在言之未見者。如今看取。不請久立珍重。

上堂云。行脚人面前說箇什麼。卽得何以十語九中。不如一默。然雖怎麼。道大似斧斫了手。摩挲若更待。山僧開口。可謂灸瘡癰上。更著艾炷各自下去。

成都府香林澄遠禪師法嗣

隨州智門光祚禪師久參香林大悟心印出爲師表
緇素咸宗。啐啄迅機。應酬飛辨。門下嗣法。悉世宗匠。
都尉李侯奏賜章服。坐滅雖遠。道風益揚。法子法孫。
愈久愈盛。

上堂良久云。莫有作家禪客出來。雖然如是風不來。樹不動時。有僧問如何。是佛師云。抱賊卧。問如何。是祖師云。來意。師云山雲野雉。問如何。是禪師云。最苦。是黃連問如何。是道師云。甜底。是甘草問蓮花未出水時如何。師云。蓮花僧曰。出水後如何。師云。荷葉。

問師子返躑卽不問虎頭生角時如何師云生得幾箇僧曰恁麼則退身三步也師云龍頭蛇尾問古人拈起拄杖意旨如何師云看樓打樓僧曰放下拄杖意旨如何師云百雜碎問魚游陸地時如何師云取死不遲僧曰却下碧潭時如何師云鑽泥刺土問諸法寂滅相不可以言宣時如何師云好箇問頭僧曰恁麼則普天匝地師云更是一堆問如何是無縫塔師云四楞著地僧曰如何是塔中人師云鼻孔三斤稱不起問威音王已前是什麼人先悟師云何不問露柱僧曰便恁麼會時如何師云二頭三手問大用現前不存軌則時如何師云爾爲什麼趨破脚指頭問金剛眼中著得箇什麼師云一把沙僧曰爲什麼如此師云非公境界問絕功勳處如何履踐師云更買兩緇草鞋僧曰恁麼則退步也師云太少在問國師三喚侍者意旨如何師云憐兒不覺醜僧曰國師孤負侍者意旨如何師云美食不中飽人食僧曰侍者孤負國師意旨如何師云粉骨碎身未足酬問三身中那身說法師云闍梨鼻孔捨僧曰因什麼如此

◆加羅北

師云謗斯經故獲罪如是問作麼生是和尙歇人一句師云闍梨不恁麼來卽得僧曰祇如恁麼來還得休歇也未師云驢年問盡大地人各置一問問各別未審和尙如何祇對師彈指一下僧曰未審還副他問也未師云隨州紙貴問如何是不變異句師云變也僧曰畢竟如何師云鳬脚長鶴脚短問如何是般若體師云蚌含明月僧曰如何是般若用師云鬼子懷胎問未有世界時還有佛法也無師云少一時不生剎一時不死問如何是透法身句師云獼猴繫露柱問空王殿主以何爲侍者師云樓至佛問如何是清淨法身師云滿眼是塵埃問如何是色空師云薤園裏賣葱問古鏡未磨時如何師云也祇是箇銅片僧曰磨後如何師云且收取問學人有一問未審還答也未師云南地鵠如地狐僧曰意旨如何師云三身裏看師云汝若進一步卽迷其理若退一步又失其事若也寂然又同無性作麼生免得此過所以古人道明知恁麼故不犯正當恁麼時切忌傾朴著

上堂云。諸上坐。還有疑情出來對衆大家共你商量。理長處。就所以趙州八十尙自行脚。祇是要飽叢林。又且不擔板。若有作者。但請對衆施呈。忽有歧路。察辨呈中藏鋒。忽棒忽喝。或施圓相。或象王回施。師子返嚙。或拗折拄杖。或推倒禪床。但請施呈。還有麼衆無對。又云。若是宗門中兒孫。須瞻祖師。機方可是祖師。苗裔不可喫却祖師飯。著却祖師衣。趣古困切過日。便道我是行脚僧。遮箇祇喚作名字。比丘徒。消信施。閻羅王久後索備草鞋錢。有日在莫道我得便宜。忽然一日眼光落地。入地獄如箭。又圖箇什麼。各自著便宜。又不是慙漢也。久立。

示衆云。山僧記得在母胎中。有一則語。今日舉示大衆。諸人不得作道理商量。還有人商量得麼。若商量不得。三十年後不得錯舉。

灌州羅漢禪師問如何是佛。師云。牛頭阿房僧曰。如何是法師。云。劍樹刀山。問利竿頭上風車子。意旨如何。師云。不撥自轉。問臘月火燒山。意旨如何。師云。寸草不生。問如何是道。師云。家家問口通長安。問如何

是本來心。師云。路過了也。問如何是爲人一句。師云。拖泥帶水。僧曰。意旨如何。師云。郎當不少。

隨州雙泉山瓊山主上堂云。欲識双泉道。縱橫迥自幽。山連韶石峻。水接蜀江流。北顧平原淺。南瞻岐路稠。審思眞諦理。月照叩峰頭。

饒州薦福承古禪師法嗣

洪州觀音選禪師問。朝蓋親臨於法會。請師提唱答。皇恩師云。雲卷星當漢。僧曰。猶是學人疑處。師云。風停月在池。僧曰。恁麼則風雲會處。千尋直日月。中時八面明。師云。莫錯認。問。千聖共傳無底鉢。師曰。今得法嗣何人。師云。壁立千萬仞。花開三四枝。僧曰。恁麼則古師嫡子。雲門兒孫。師云。劍利人難得。問。如何是觀音境界。師云。煙篆透出碧霄去。青山螺髻隔江來。僧曰。如何是境中人。師云。金仙扶寶位。鐵柱鎖蛟龍。問。佛未出世時如何。師云。靜僧曰。出世後如何。師云。風僧曰。何異孟春猶寒。師云。打折驢腰。僧曰。路逢劍客須呈劍。也師云。猶自猶自。

上堂云。擬而不擬。挂人唇齒。瞪目長江。徧觀海水。寒

山道兮不知底寒山性兮天下美坐枯木兮有終有始似孩童兮降伏魔鬼入市忘歸兮清風自起擬寒山兮白雲千里萬里

上堂拈拄杖云。山僧一條拄杖。卓在孤峰頂上。採來摩捋多時。曲直自有模樣。拈起橫亘十方。放下群魔膽喪。說甚古佛釋迦。擬議也須喫棒。擊禪牀一下。和州淨戒守密禪師問揚眉瞬目。早是紛紜。不涉言詮。請師答話。師云。肯認鷺鷥爲野鶴。難將楊柳比青松。僧曰。漁翁歌。帝德樵父樂昇平。師云。定州梨子江南價。問如何是清淨法身。師云。青蓮華香。僧曰。如何是法身向上事。師云。白蓮華香。問如何是佛。師云。稽首稽首。僧云。學人有分也。無師云。頓首頓首。僧作舞而去。師云。似似恰恰。似是卽不是。

上堂云。祖師心印。無痕無狀。歷劫分明。未嘗間斷。拈輕負重。處處無妨。退後進前。亦不欠少。然雖如是。有意卽錯。無言卽差。況諸佛天真之性。天真之道。本來清淨。與虛空同壽。

上堂云。大道廓然。本無迷悟。不落是非。聖凡同路。若

元當作九

對一作待

言卽心卽佛。如鬼有角。若言非心非佛。如羊無角。上士聞之一悟。千悟下士聞之如痴。如亞何故如此。譬如醍醐上味。爲世所珍。遇斯之人。應難信受。久立潭州開福禪院。從受禪師示衆云。少室九年。不可論無風特地起波痕。西來的旨。不能慎直到如今。累子孫。

潞州妙勝臻禪師法嗣

潭州大潁山承禪師問達磨未來時如何。師云。浮雲籠太嶽。僧曰。來後如何。師云。明月落千溪。問梁王爲什麼不識達磨。師云。彼彼丈夫。問九年面壁意旨如何。師云。一人傳虛。萬人傳實。問如何是古佛家風。師云。蒲團草座。僧曰。若遇客來。將何祇對。師云。喫茶去。僧曰。昔日趙州。今日和尚。師云。錯問。如何是無底簍子。師云。少人用得。問一花開五葉。結果自然成如何。是一花。師云。芬芳直至今。

西川雪峰欽山主上堂云。昨日一今日二。不用思量。快須管地不管地。蹉過平生。勿巴鼻咄。

襄州洞山普樂寺初禪師法嗣

潭州報慈嵩禪師問如何是佛師云頭戴天脚踏地問北斗藏身意旨如何師云百歲老人入漆甕

荆南福昌德賢禪師問去離不得時如何師云子承父業僧曰如何是衲僧活計師云甘裡種田問如何是古佛心師云簇花簇錦問承師有言隔河招手意旨如何師云被裡張帆僧曰怎麼則南山起雲北山下雨也師云蹈不著

新州黃梅龍華禪師問如何是佛師云銀髮朱尾僧曰學人不曾師云兩眼似鸞鈴

金陵奉先道琛融照禪師法嗣

廬山蓮華峰祥庵主問如何是雪嶺泥牛吼師云聽僧曰如何是雲門木馬嘶師云響師臨示疾時舉拄杖問衆云汝道古佛到遮裡爲什麼不肯住衆無對師云爲他途路不得力復云作麼生得力去乃橫肩拄杖云柳標橫擔不顧人却入千峯萬峰去言畢圓寂

廬陵西峯豁禪師問金烏未出時如何師云東西不辨南北不分僧曰出後如何師云好醜難逃問和風

習習春日遲遲學人上來願聞法要師云隨分有春色一枝三四花僧曰百紅千紫纔觀了不羨靈雲老古錫師云備具什麼眼僧曰一枝巖畔笑春風師云也祇道得一半

江州崇勝卸禪師問羚羊未掛角時如何師云尋溪過澗僧曰挂角後如何師云鼻孔透天問如何是學人受用三昧師云橫擔拄杖僧曰意旨如何師云步步踏實上堂云寒時寒熱時熱古德重重成漏泄智者無榮名不遷迷者飄云底時節底時節真不徹時寒各請歸堂歇

隨州龍居山明教寬禪師法嗣

桂州壽寧善義禪師一日去辭寬禪師寬問甚麼處去師云大安山去寬云不涉途程道將一句來師云九九八十一寬喝云亂走作麼師乃有省上堂良久舉拂子示衆云祇麼會得不妨省力雖然如是比上不足比下有餘時有僧問鼓聲譚罷人皆聽未審如何密領之師云祇恐闍梨不問僧曰此問還當否師云靜處薩婆訶

明州岳林賢禪師本住洪州香城引退後遊山至潞潭禮馬祖禪師真忽然悟道乃曰今年五十五遊山見馬祖低頭禮三拜目前無可觀自此稱為水牯牛往諸方索闢遂徧遊禪席勸諸知識皇祐初入京謁都尉李侯請相見即便坐逝

邛州西林義琛禪師問如何是和尙家風師云井中紅焰月裏浮漚問如何是古鏡師云老僧怕他僧曰爲什麼怕他師云慚惶慚惶問佛未出世時如何師云風調雨順僧曰出世後如何師云國泰民安問如何是大道師云不障往來人僧曰如何是道中人師云要作什麼問如何是向上事師云黃鸞樹上一枝華師於明道二年五月望日辭衆至十八日沐浴端坐而逝荼毗收舍利建塔于鶴山之北

郢州林溪脫禪師法嗣

西劍州鳳凰山智廣禪師問萬法本閑時人自闢如何是萬法師云利利塵塵問靈松無異色時如何師云方顯歲寒心問如何是學人一卷經師云說因說果上堂云秋山疊疊秋水澄澄秋風凜凜秋月亭亭

此時獨倚高樓望揜掌臨風笑數聲

舒州投子通禪師問達磨未來時如何師云兩岸唱漁歌僧曰來後如何師云大海涌風波問般若經金剛是喻學人上來請師垂示師云一槌兩當蓋覆將來僧曰謝師指示師云備作麼生會僧曰一槌兩當蓋覆將來師云學語之流問如何是孤峰頂上節操長松師云能爲萬象主不逐四時凋問如何是和尙遮裏佛法師云東壁打西壁師云早是老婆心也雖然如是也不易會祇如達磨未來且道此土還有也無若有何用更來此土上坐且作麼生理論有無且道達磨甚麼時來而今又向何處去也達磨若有箇省覺許上坐具一隻眼若也未會久立上堂云朝朝相似日日一般更有新奇也拈不出至於諸聖出來且不敢誑於上坐因甚如此蓋爲上坐是行脚人如今共上坐在遮裏聚集少時早是欺屈諸人了也更若停騰是非鋒起不如且歇珍重

南嶽般若禪師法嗣

藍田縣真禪師問如何是竺土大仙心師云是誰傳

來問如何是露地白牛師云莫教喫人苗稼問如何是無情說法師云還見香臺麼問如何是不二法門師云一亦不是問如何是大定門師云拈柴擇菜問如何是千年石上古人蹤師云移易不得問如石含玉時如何師云合如是問求之不得時如何師云用求作麼僧曰如何即得師云幾時失來問諸佛未出世時如何師云爾問我答僧曰出世後如何師云我問爾答問如何是向上關捩子師云蹈不著僧曰未審踏著後如何師云賺却人師云成山假就於始簣脩途託至於初步上坐適來從地爐邊來還與初步同別若言同即不會不遷若言別亦不會不遷上坐作麼生會還會麼遮裡不是那裡那裡不是遮裏且道是一處兩處是遷不遷是來去不是來去若於此顯明得便乃古今一如初終自爾念念無常心心永滅所以道觀方知彼去去者不至方上坐適來恁麼來却請恁麼去參

韶州披雲智寂禪師法嗣

廬山開先照禪師問向上宗乘乞師垂示師云白雲

斷處見明月僧曰猶是學人疑處師云黃葉落時聞搗衣問如何是禪師云十語九中不如一默僧曰恁麼則少林曾面壁千古播徽猷師云爾分上又作麼生僧曰相對無言好消息不須更去問南能師云莫亂統問如何是和尙家風師云一條寒澗木得力勝兒孫僧曰用者如何師云百雜碎上堂云叢林規矩古佛家風一參一請一粥一飯且道明得箇甚事祇爲諸人心心不停念念不住若能不停處停念處無念自合無生之理與麼說話笑破他人口參

洪州泐潭山謙禪師法嗣

虔州了山宗盛禪師問古人面壁意旨如何師云爲爾要問問如何是衣裡明珠師云切宜保借問如何是沙門端的事師云不要問別人問如何是解脫門師云從遮裏入上堂云鐘聲清鼓聲響早晚相聞休

忘想薦得徒勞別問津。莫道山僧無伎倆。咄

建中靖國續燈錄卷第二

建中靖國續燈錄卷第三

〔末刻〕

東京法雲禪寺住持傳法佛國禪師臣惟白集

對機門

廬陵清原山行思禪師第十世

隨州智門光祚禪師法嗣

明州雪竇山資聖寺明覺禪師諱重顯。姓李氏。遂州大寂九世之孫也。興國五年四月八日生。始誕旦夕。瞑目若寐。幼卽異。常不慕遊戲。或見沙門。挽衣大喜。長依普安院。仁銑上人出家。受具之後。橫經講席。究理窮玄。詰問鋒馳。機辯無敵。咸知法器。僉指南遊一造智門。卽伸問曰。不起一念。云何有過門。召近前。師卽趨進。門以拂子擊之曰。會麼。師欲對。次門又擊之。豁然開悟。情量頓脫。次涉江湖。道業益著。宗匠器重。緇徒悚服。演法洞庭。學者雲集。學士曾公會。欽其德。

望召居雪竇。大啓祖闢。洞示玄奧。都尉李侯遵勗。特奏章服侍中賈公昌朝。尋乞美號。由是四方翹楚。皆臻法席。陞堂入室。悉馳道譽。化緣將畢。一日遊山。四顧周覽。謂侍者曰。何日復來。於此者。哀乞道偈。師曰。平生唯思語之多矣。翌日出杖屨。衣孟散。及徒衆。乃曰。七月七日復相見耳。盥沐攝衣北首而逝。雲門議曰。二百年後。吾道重顯。卽師之名也。豈虛然哉。開堂日。於法座前。顧視大眾。乃云。若論本分。相見不必高陞。法座遂以手指云。無量佛土。一時現前。各各子細觀瞻。其或涯際未知。不免拖泥帶水。便陞座上。首白槌罷。有僧方出。師乃約住云。如來正法眼藏。委在今日。放開則瓦礫生光。把住則真金失色。權柄在手。殺活臨時。其有作家。共相證據。問遠離翠峯。祖席已臨。雪竇道場。是一是二。師云。馬無千里。謾追風。僧曰。恁麼則雲散家家。月師云。龍頭蛇尾。問德山。臨濟棒喝已彰。和尚如何爲人。師云。放過一著。僧擬議。師便喝。僧曰。恁麼則別有在。師云。射虎不真。徒勞沒羽。問次。大法螺擊。大法鼓朝。宰臨筵如何。卽是。師云。清

風來未休。僧曰：「恁麼則得遇於師也？」師云：「一言已出，驢馬難追。」

師復顧大眾云：「人天普集，合發明箇甚事焉？」可互分賓主。馳騁問答，便當宗乘。此門廣大，威德自在，輝騰今古。把定乾坤，千聖紙言自知。五乘莫能建立，所以聲前悟旨，猶迷顧鑑之端。言下知宗，尚味識情之表。諸人要知真實相爲麼？但以上無攀仰，下絕已躬，自然常光現前，箇箇壁立千仞，還辨明得也。無未辨辨取，未明明取。既辨明得，便能截生死流，踞佛祖位，妙圓超悟，正在茲時。堪報不報之恩，以助無爲之化。珍重。

問：「如何是佛法大意？」師云：「祥雲五色。」僧曰：「學人不曾。」師云：「頭上漫漫問達磨，未來時如何？」師云：「猿啼古木。」僧曰：「來後如何？」師云：「鶴唳青霄。」僧曰：「卽今事作麼生？」師云：「一不成，二不是，有僧出禮拜。」起云：「請師答話。」師便棒僧曰：「豈無方便？」師云：「罪不重科，復有一僧出禮拜。」起云：「請師答話。」師云：「兩重公案。」僧曰：「請師不答話。」師亦棒問古人道：「北斗裏藏身，意旨如何？」師云：「千聞。」

不如一見。僧曰：「此話盛行。」師云：「老鼠嚼鐵。」問古人道：「皎皎地，絕一絲頭，祇如山河大地，又且如何？」師云：「面赤不如語直。」僧曰：「學人未曉。」師云：「徧問諸方，問如何是實學底事？」師云：「針割不入。」僧曰：「乞師方便。」師云：「水到渠成。」問：「如何是教外別傳？」一句師云：「看看臘月盡。」僧曰：「恁麼則流芳去也？」師云：「癡子喫瓜。」問：「如何是學人自巳？」師云：「乘槎斫額。」僧曰：「莫祇遮便是。」師云：「浪死。」盧生問：「如何是緣生義？」師云：「金剛鑿鐵。」僧曰：「學人不曾。」師云：「鬧市裏牌。」僧曰：「恁麼則行到水窮處，坐看雲起時？」師云：「列下問四十九年，說不盡底。」請師說。師云：「爭之不足。」僧曰：「謝師答話。」師云：「鐵棒自看。」問：「如何是把定乾坤？」師云：「拈却鼻孔。」僧曰：「學人不曾。」師云：「一喜一悲。」僧擬議。師云：「苦問如何是脫珍御服？」掛弊垢衣。師云：「垂手不垂手。」僧曰：「乞師方便。」師云：「左眼挑筋，右眼抉肉。」問：「龍門爭進舉？」那箇是登科？師云：「重遭點額。」僧曰：「學人不曾。」師云：「退水藏鱗。」問：「學人乍入叢林，諸事不會，還拯濟也無？」師云：「蘇州紙貴。」僧曰：「和尚豈無方便？」師云：「腦後拔楔。」問：「寂寂忘言，誰是得者？」師

云卸帽穿雲去。僧曰如何。領會師云披蓑帶雨歸。僧曰三十年後此話盛行。師云一場酸澁。問坐斷毗盧底人。師還接否。師云殷勤送別。瀟湘岸。僧曰恁麼則學人罪過也。師云天寬地窄太愁人。問生死到來如何。回避師云定花板上。僧曰莫便是他安身立命處也。無師云符到奉行。師云大眾前共相誦唱也。須是箇漢始得。若也未有奔流度刃底眼。不勞拈出。所以道如大火聚。近著則燎。却面門亦如按太阿寶劍。衝前則喪身失命。乃云太阿橫按。祖堂寒千里。應須息萬端。莫待冷光輕閃爍。復云看看便下座。

上堂問如何是維摩一默。師云寒山訪拾得。僧曰恁麼則入不二之門。師云噓復云維摩大士去。何從千古令人望莫窮。不二法門休更問。夜來明月上孤峯。上堂云大眾遮一片田地。分付來多時也。爾諸人四至界畔。猶未識在。若要中心樹子。我也不惜良久云。爲祥爲瑞。師云兩重公。按復云雪覆蘆花欲暮天。謝家人不在。漁船白牛放却無尋處。空把山童贈鐵鞭。黃州護國院壽禪師問如何是一路涅槃門。師云寒

松青有千年色。一徑風飄四季香。問如何是靈山一會師。云如來纔一顧。迦葉便低眉。

韶州南華寺寶緣慈濟禪師問如何是祖師西來意。師云青山淥水。僧曰未來時還有意也。無師云高者高低者低。上堂舉拄杖云拈起也峯巒失色。放下也祖佛迷蹤。作者當頭光臨背上。猶是買帽相頭看風使帆。若向衲僧門下。千山萬水。

邵武軍靈泉曉禪師問如何是西來意。師云第一到屯門。僧曰學人不曾。師云末後藏熊耳。

洪州百丈山智映寶月禪師問師唱誰家曲。宗風嗣阿誰。師云罕堵那叱掌。上擎僧曰恁麼則北塔嫡子。韶石兒孫。師云斫額望新羅。問如何是佛。師云梵王前引帝釋。後隨僧曰謝師答話。師云龍蛇易辨。衲子難護。

福州慈雲山紹說禪師問如何是佛。師云額頭上汗出。問如何是慈雲山。師云徒勞仰面看。僧曰如何是慈雲水。師云急。

復州青山好禪師問師唱誰家曲。宗風嗣阿誰。師云

昔日靈山親授記今朝汝水令方行僧曰恁麼則雷布雲門洞雨灑景陵城去也師云九宮八卦

鄂州黃龍海禪師問如何是黃龍家風師云看僧曰忽遇客來如何祇待師以拄杖點之問如何是最初一句師云掘地討天

桂陽芙蓉山文喜禪師問祖祖相傳傳祖印師今得法嗣何人師云從地涌出僧曰畢竟是誰家之子師云特地罔措

鼎州德山僧可禪師問如何是佛師云頭長面短僧曰意旨如何師云手纖脚大

鼎州彰法澄泗禪師問如何是佛法大意師云多少人摸不著僧曰忽然摸著看又作麼生師云堪作什麼

澧州藥山宣禪師問如何是道師云東西南北僧曰如何是道中人師云有貴有賤

明州廣慧清順禪師問師唱誰家曲宗風嗣阿誰師云不可埋没人僧曰恁麼則北塔嫡子師云牆壁有耳問如何是佛師云水到渠成僧曰爭奈不會師云

却較些子

筠州九峯勤禪師問如何是道師云逢春無綠草僧曰如何是道中人師云南來北往問方便門中請師垂示師云佛不奪衆生願僧曰恁麼則謝師方便師云却須喫棒上堂云口羅舌沸千喚萬喚露柱因什麼不回頭良久云美食不中飽人喫便下座

潭州雲蓋山繼鵬禪師問如何是佛法大意師云舌頭無骨問如何是祖師西來意師云湯煮火裏燭問佛未出世時如何師云天僧曰出世後如何師云地上堂云高不在絕頂富不在福嚴樂不在天堂苦不在地獄良久云相識滿天下知心能幾人

泉州雲臺省因禪師問如何是和尙家風師云喫拳不打笑面僧曰如何施設師云天台則有南嶽則無問如何是佛師云月不破五僧曰意旨如何師云初三十一問如何是佛法大意師云今日好曬麥僧曰意旨如何師云問取磨頭問如何是佛師云眼大鼻頭尖上堂云菩薩子不在內不在外不在中間且遺落在什麼處良久云南瞻部州北鬱單越

新州五祖山師戒禪師法嗣

筠州洞山妙圓禪師諱自寶壽州人也。峽石寺受業。頭陀苦行。糲食垢衣。參戒禪師。發明心地。天人密護。神鬼莫測。所至叢林。推爲導首。出世三十年。居四大。利道風遐布。朝野欽聞。都尉李侯遵勗。特奏章服師名。以嘉德望。問如何是佛師。云頭腦相似。問師唱誰家曲。宗風嗣阿誰師。云言猶在耳。僧曰。恁麼則五祖嫡子雲門兒孫師。云曰。馳五百。

無爲軍西禪文岫禪師問如何是和尙爲人。一句師云。路逢劍客須呈劍。僧曰。學人未會。師云。不是詩人莫獻詩。

新州十王懷楚禪師問如何是佛師。云巍巍堂堂。問如何是透法身句。師云。大有人問了。僧曰。意旨如何。師云。靜處薩婆訶。

舒州海會通禪師問如何是和尙爲人。一句師云。清光滿目。僧曰。學人不曾。師云。茶灰抹土。問如何是佛法大意。師云。柿桶蓋巖笠。僧曰。學人不曉。師云。行時頭頂戴。坐則掛高閣。

新州義臺子祥禪師問如何是義臺境。師云。路不拾遺。僧曰。如何是境中人。師云。桀犬吠堯。問如何是龜師西來意。師云。曾問幾人來。僧曰。卽今問和尙。師云。且莫當頭。

復州北塔思廣禪師問如何是衲僧變通事。師云。東涌西沒。僧曰。變通後如何。師云。地肥茄子嫩。問如何是和尙家風。師云。左手書。右手字。僧曰。學人不曾。師云。歐頭拗脚。

明州天童山景德懷清禪師問如何是祖師西來意。師云。眼裏不著沙。僧曰。如何領會。師云。耳裏不著水。僧曰。恁麼則禮拜也。師云。東家點燈。西家暗坐。上堂云。西湖隱出山。峰秀樓櫓參差若。盡成禪流。共在祇園住。莫教虛度一平生。便下座。

越州寶嚴叔芝禪師問如何是佛師。云。土身木骨。僧曰。意旨如何。師云。五彩金裝。僧曰。恁麼則頂禮去也。師云。天台柳標。

蘇州翠峰慧顯禪師問師唱誰家曲。宗風嗣阿誰師。云。門開東嶺上。僧曰。恁麼則五祖嫡子也。師云。猿嘯。

老松枝

台州瑞巖瑯禪師問祖印卽提於此日未審宗風嗣阿誰師云黃梅東嶺山偏秀白蓮池畔水分流僧曰恁麼則蓮峯親授旨瑞巖繼敷揚師云依希南嶽髣髴天台

新州五祖山秀禪師問無法可說是名說法既是無法可說又將何說師云霜寒地凍僧曰空生不解巖中坐惹得天花動地來師云日出冰消僧擬議師云何不進語僧又無語師云車不橫推理不曲斷襄州白馬辯禪師問如何是佛師云水來河漲僧曰如何是法師云風來樹動

新州四祖山端禪師法身頌云燈心刺著石人脚火急去請周醫博路逢龐公相借問六月日頭乾曬却蘇州定慧道海禪師問諸佛出世已涉繁辭作麼生是的旨師云逢人不得錯舉僧曰不因一事不長一智師云怪之不及

韶州舜峯蒙正禪師問師唱誰家曲師云孫賓長嘯僧曰五祖嫡嗣師云一任針鋒

松一作青

温州鴈蕩山靈峯文吉禪師問祖祖相傳傳祖印師今得法嗣何人師云無角鉄牛眠少室生兒石女老黃梅僧曰恁麼則韶陽兒孫祖峯嫡子師云鴈蕩天台僧曰祖意已蒙師指示爲人一句又如何師云兩重公案問昔日靈山分半座飲光對面被茶糊今朝此席亦如是還有完全句也無師云一步兩步僧曰金風吹落葉玉露滴青松師云緊悄草鞋僧曰一回舉著一回新師便打

潭州雲蓋山志願禪師問豹巖霧卷鳥道雲開海衆咸臻潮音願振師云月映千江白僧曰恁麼則五雲嶺秀三井風清師云雲開萬里新問如何是雲蓋境師云山角金屏掩松蘿玉帳垂僧曰如何是境中人師云紫袍公子少雪頂野僧多問如何是祖師西來意師云古寺碑難讀僧曰未審意旨如何師云讀者盡攢眉問如何是和尙家風師云遮天蓋地僧曰忽遇客來如何祇待師云趙州道底師顧視大眾喝一喝云諸禪德莫是賓主歷然麼莫是先照後用麼莫是照用同時麼若恁麼會臨濟宗風平沉苦海既不

怎麼會作麼。商量良久。喝一喝。拍繩牀一下。上堂云。昨日三。今日四。把斷要津。放開。捏聚無限禪。徒特地。罔措咄。

隨州水南智昱禪師上堂云。欲識解脫道。今日參較早。唯念路行難。水深魚不少。參上堂云。欲識解脫道。鷄鳴已天曉。趙州庭前柏。打落青州棗。咄。

潭州報慈嵩禪師法嗣

鄧州興陽山遜禪師問。如何是佛師。云。髮白面皺。僧曰。如何是法師。云。寒來暑往。問。如何是三界外事。師云。洛陽千里。餘不得舊時書。

東川乾明居信禪師法嗣

澧州藥山尋肅禪師問。佛未出世時。如何。師云。大樹大皮。裹僧曰。出世後。如何。師云。小樹小皮。纏問。如何是不動尊師。云。四王擡不起。

益州郫縣西禪垂白禪師問。香煙纔起。大眾雲臻。祖師西來。請師垂示。師云。心光自照。僧曰。怎麼則一句。於師親領得。永鎮郫城。萬古傳。師云。是人。有分。

江陵福昌重善禪師法嗣

鼎州德山文捷禪師問。盡令提綱。人亡海竭。一棒一喝。看落化門。學人上來。請師舉唱。師云。禮拜頭著。地。僧曰。怎麼則。吉日良時。師云。兩腳向空。

湖州上方齊岳禪師問。如何是上方境。師云。碎雲點出。千峰秀。進石泉流。萬古清。僧曰。如何是境中人。師云。紅蓮座上。江南客。白玉池邊。碧眼胡。僧曰。人境已蒙師指示。臨機一句。又如何。師云。葛藤休得也。未問蓮華未出水。時如何。師云。應是乾坤。惜不教容易開。僧曰。出水後。如何。師云。香透碧波。敷水面。葉鋪金。沼覆鴛鴦。問。牛頭未見。四祖爲什麼。百鳥啣花。獻師云。從苗辨地。因語識人。僧曰。更有向上事也。無師云。有。僧曰。如何是向上事。師云。在舍只言爲容易。臨筌方覺取魚難。問。如何是函蓋乾坤句。師云。春英紅爛熳。僧曰。如何是截斷衆流句。師云。孟女泣長城。僧曰。如何是隨波逐浪句。師云。水長船高。問。如何是祖師西來意。師云。少林空夜。月僧曰。未審意旨。如何。師云。誰聽老猿啼。問。如何是學人一卷經。師云。甚處得來。僧曰。如何受持。師云。胡人不點頭。問。佛未出世時。如何。

師云花須連夜發。僧曰出後如何。師云莫待曉風吹。問如何是和尙家風。師云枯澹傳千古。僧曰若遇客來將何祇待。師云精麤隨衆等。問如何是菩提師云。乾頭瓦子。僧曰意旨如何。師云苦。

問如何是諸佛本源。師云深僧曰如何是深。師云淺。問如何是奪人不奪境。師云永夜明堂空有月。僧曰如何是奪境不奪人。師云詞清越席談。今古僧曰如何是人境俱奪。師云山河萬類沉滄海。僧曰如何是人境俱不奪。師云少年公子捲珠簾。僧曰人境已蒙師見答更有尖新意也。無師云平原青草合富貴。幾人休問如何是先照後用。師云臨濟先鋒德山殿後。僧曰如何是先照後用。師云德山先鋒臨濟殿後。僧曰如何是照用同時。師云臨濟德山歸路。僧曰如何是照用不同。師云君向瀟湘我向秦。僧曰離四照用外還有奇特事也。無師云年高春睡晚病久出山遲。

師云人境照用是臨濟家風。筭來吾門祖道甚處有多般先人格調。粗有所歸。凡百應用事在當人善知。

識無間不從無機不應若不是上方也大難祇當何故如此。諸人總是外方降不下底。禪客便到遮裏側。聆若也一句參差宗門喪矣。然雖如此。偏遮一隊漆桶子眼中滴血有日去在。

上堂云山青水碧。頗稱修真。白雲澹泞。實堪養道。遮裏若能了得。是汝善知識。儻若未能明得。也不易消遣。何故如此。每日見山被山。見水被水。流直饒一句下承當。也是三家村裏漢。久立。

上堂云旄收黃葉。燒青煙。竹榻和衣。半夜眠。粥後放參。三下鼓。孰能更話祖師禪。便下座。

上堂云恁麼貼貼地。多少次第多少。或現未開口。已前光明動地。何不回顧些子。須要三箇五箇近前問。一兩則話待老和尚開兩片皮。一時近前聽佛聽法。到恁麼時。是非競起。葛藤滿地。堪作什麼。諸仁者若據宗乘理。論直是三世諸佛。到遮裏頭。破作七分。然雖如此。水長即船高。擊禪牀下座。

明州育王山常坦禪師問如何是有中有。師云金河峰上僧曰如何是無中。無師云般若堂前。問古鏡未

磨時如何師云千年松栢下僧曰磨後如何師云一年一度春問如何是文殊師云木馬嘶空人不顧鐵牛東畔笑呵呵僧曰如何是普賢師云隱隱玉樓紅日照巍巍金殿白雲封問如何是諸佛機師云羣魔外道不能移僧曰如何是諸佛用師云萬象森羅非別共僧曰機用相去多少師云十萬八千問如何是諸佛出身處師云來年開選場僧曰不會師云五月裏看取

上堂云千花競發百鳥啼春是向上句諸佛出世知識與慈是向下句作麼生是不涉二途句若識得頂門上出氣若識不得土牛耕石田以拄杖擊禪床下座

江陵福昌詢禪師問如何是佛師云華開金谷暖柳拂玉墀香僧曰怎麼則春令既行萬方道泰師云開口迷全體無言露半身

越州四明小贊禪師問萬水朝宗即不問直截根源事若何師云水急如箭僧曰意旨如何師云風雪滿衣僧禮拜師云頭上戴天華側耳尋岐路

福州靈峰顯英禪師問如何是諸佛向上人師云白雲覆青山僧曰莫便是和尚爲人處也師云添沼養長渠

西剎州元封文政禪師問萬法歸一一歸何所師良久云會麼僧無語師云兩箇也

潤州金山瑞新禪師問梵王請佛蓋爲群生學士請師復談何事師云泥牛飲盡三江水木屬寒嘶一夜風僧曰更有向上事也無師云佳人雖解罷言語聽不分明一似空僧曰三十年後專爲流通師云到老惺惺問如何是佛師云面黃不貼金僧曰意旨如何師云八風吹不動

蘄州北禪廣教懷志禪師法嗣

舒州四面山懷清禪師初往蘄口與化問臨濟三玄似石女向波中作舞雲門關棖閃爍如鷄子過新羅去此二途與化當行何令師云道什麼僧曰怎麼則和尚與古人出氣師云再犯不容僧應備師以拄杖打禪床云若不點破將謂山僧瞌睡

南嶽福嚴長雅禪師法嗣

衡州常寧北禪智賢禪師問師唱誰家曲宗風嗣阿誰師云。擲鉢峰巒秀名高。海外傳僧曰。昔日福嚴親得旨。今朝此地化迷徒。師云。終是飽叢林。問如何是佛師云。匙挑不起僧曰。如何是道師云。嶮路架橋上。

堂云。年窮臘盡無可與大衆分歲。老僧烹一頭露地白牛。炊土田米飯。煮野菜羹。燒槽樁火。大衆圍爐唱村田樂。何以如此。免見倚他門戶。傍他牆。致使時人喚作郎珍。重上堂良久云。冤苦冤苦。作什麼百丈不在。老僧今日困下座。上堂呵呵大笑云。爭怪得老僧便下座。

南嶽衡岳寺振禪師示衆云。阿呵呵。瘦松寒竹鎖清波。有時獨坐磐陀上。無人共唱太平歌。朝看白雲生洞口。暮觀明月照婆娑。有人問我居山事。三尺杖子攪黃河。

福州衡山禪院了實禪師問權機棒喝且放一邊不耻家風。便請相見。師云。禮拜頭著地。僧曰。莫便是和尚爲人處也。無師云。點。

鼎州德山慧遠禪師法嗣

松作相

興元府大中仁辯禪師問如何是焦崖境。師云。庭前寒松。老祖意不西來。僧曰。如何是境中人。師云。胡僧碧眼深。跳足躡階行。

益州菩提桂芳禪師問諸佛出世。梵王前引帝釋後隨和。尙出世有何祥瑞。師云。三春物象妍。僧曰。學人未曉。師云。溪花紅似錦。岸柳翠如藍。僧曰。便怎麼去時。如何。師云。未曾騎竹馬。切忌跨金龍。

廬山開先善運禪師。臨江軍人也。操行清苦。知識明悟。徧參宗匠。機辯迅捷。禪林目曰。海上橫行道者。一日。遠禪師陞堂。顧視大衆云。師子嘯。象王回顧。師忽有省。入室陳解。遠曰。子作麼生。會師回顧云。後園驢喫草。遠然之。自此道風愈播。後出世。開先住十八年。大振祖風。聯其芳者名耀一時。

開堂日上省白。罷罷。師云。千聖出來也。祇是舊首讚歎諸代祖。師提掣不起。是故始從迦葉。迄至山僧。二千餘年。月燭慧燈。星排道樹。人天普照。凡聖齊榮。且道承甚麼人恩力。老胡也祇道明星出現時。我與大地有情。同時成道。如是則彼既丈夫。我亦尊執爲不。

可良由諸人不肯承當自生退屈所以便推排一人半箇先遠出來遞相開發也祇是與諸人作箇證明今日人天會上莫有久遊赤水夙在荆山懷袖有珍頂門有眼到處踐踏覺場底衲僧麼却請爲新出世長老作箇證明還有麼時有僧出師云象駕蟬蟻護進途誰信螳螂能拒轍問靈山一會何異今日師云莫妄想僧曰作家宗師師云三十年後自有人知問說佛說祖雪上加霜如何是默默之機師云口邊喫棒僧擬議師便喝問一棒一喝猶是葛藤瞬目揚眉拖泥帶水如何是直截根源師云速僧曰恁麼則祖師正宗和尚把定師云野渡無人舟自橫問如何是祖師西來意師云洛陽城古僧曰學人不會師云少室山高問達磨未來時如何師云清貧長樂僧曰來後如何師云濁富多憂問如何是露地白牛師云瞎問妙峰頂上卽不問半山相見事如何師云把手過江來僧曰高步出長安師云脚下一句作麼生道僧便喝師云山腰裏走問一雨所潤爲什麼萬木不同師云羊羹雖美衆口難調問年窮歲盡時如何師云

依舊孟春猶寒問更深夜靜時如何師云老鼠入燈籠問警噉警喜時如何師云適來菩薩面如今夜叉頭

師云選佛選祖今正是時莫祇恁麼懷疑終日如似有解已過平生幸逢勝集對衆決擇然則此事亦非在爭鋒唇舌所以道屏却咽喉唇吻道將來如此則便可以忘懷自得取定方寸自然常光現前各各孤運其照山河大地不礙見聞萬象森羅尋常顯發還有於此承當得底麼既然各自孤運更教阿誰承當草衣輪野客木食屬山人珍重

上堂云一若是二卽非東西南北人不知休話指天象指地青山白雲徒竊爲以拄杖擊香臺一下廬陵禾山禪智禪師諱楚才臨江軍人也僧儀挺拔蘊德異常心契德山名聞江國大丞相劉公沅一見問道遂有發明爲方外交敬以師禮請居禾山兼住顯親特奏章服師號仍不許別遷法席聖旨批允崇重若此同佛令祖令諸方並行未審和尚如何師云山僧退後僧曰恁麼則諸方不別也師云伏惟伏

惟如何是道師云十字街頭看僧曰如何是道中人師云南頭賣貴此頭買賤問古鏡未磨時如何師云乾坤藏不得僧曰磨後如何師云照破萬家門問如何是離凡聖底句師云山河安掌上僧曰恁麼則迥超今古外師云展縮在當人問一毫未發時如何師云海晏河清僧曰發後如何師云徧界無知已問如何是和尙說法底口師云放一線道問抱璞投師請師雕琢師云不琢僧曰爲什麼不琢師云弄巧翻成拙問如何是無縫塔師云須彌頂上僧曰如何是塔中人師云梵王帝釋

上堂云太虛無繫任運昇騰古鏡當臺不言自顯群生迷妄逐境千差取捨難忘於斯遠矣要得省力麼情忘所覺見絕功勳體露真常卽如如佛亦山恁麼道笑殺衆中衲僧雖然如是若解笑我者共我同參且道參見什麼人珍重
上堂云禾山家風諸方奚同言食無味觸處皆通不把格尺遇緣卽宗十方利土普印其中禪徒買賣豈在忽忽擊香臺下座

秀州資聖院盛勤禪師問法會光揚於此日師今得法嗣何人師云逢人莫錯舉僧曰未審如何舉似師云自然春到來問如何是正法眼師云山青水綠問如何是佛師云泥龜塑像僧曰如何是法師云春寒秋熱問機鋒轉處作者猶迷學人上來乞師垂示師云南有雪峰北有趙州僧曰恁麼則澄江流皓月江流月不流師云雲在青天水在瓶問如何是爲人一句師云入泥入水僧曰莫便是也無師云孤負殺人問世尊拈花迦葉微笑意旨如何師云當陽花易發背日雪難消僧曰雪峰觀毬玄沙斫碑又且如何師云春深日漸暖人多跳足行問四威儀中如何履踐師云鶯鷲立雪僧曰恁麼則聞鐘持鉢日上欄干師云魚躍千江水龍騰萬里雲僧曰畢竟又如何師云山中逢猛獸天上見文星
上堂云多生覺悟非干衲一點分明不在燈拈拄杖云拄杖頭上祖師燈籠脚下彌勒須彌山腰鼓細卽不問爾作麼生是分明一點爾若道得無邊利境總在爾眉毛上爾若道不得作麼生遇得羅刹橋良久

云水流千派。月山鎖一谿。雲卓一下。

上堂云。依經解義。三世佛冤。離經一字。還同魔說。既然如是。請僧家十二時中。以何爲據。拈拄杖云。彌山笠子。志公席帽。擊香卓下座。

上堂云。諸佛說教。說文顯理。指色明空。語必徇俗。理必明真。或權或實。應人天機。若向衲僧分上。又隔一重山。久立。

潭州鹿苑圭禪師。桂州臨桂人也。姓熊氏。幼年穎悟。志趣異常。投西峰山蒙禪師出家。府帥宋公一見異之。策經得度。便慕參尋。內外該博。至德山遠禪師法席。命爲侍者。大悟心宗。丞相劉公。洗見如夙契。請住鹿苑。大振祖風。後與時忤。遂隱。京都問如何是禪。師云。風飮露。僧曰。意旨如何。師云。諦聽。諦聽。問如何是道。師云。吳頭楚尾。僧曰。如何是道中人。師云。騎馬踏鐙。不如步行。問朕未分時如何。師云。庭草深三尺。僧曰。分後如何。師云。清溪釣明月。僧曰。如何是向上一路。師云。波旬仰面看。問如何是佛師。云。頂上放毫光。問如何是第一義諦。師云。胡人讀漢書。上堂。

中採一作採

云。凡有因緣。須曉其宗。若曉其宗。無是無不是。用則波騰海沸。全真體以運行。體則鏡靜水澄。舉隨緣而會寂。且道。兜率天宮。幾人行。幾人坐。若向遮裏。辨得清濁。許爾諸人。東西南北。如雲似鶴。於此不明。踏破草鞋。未有日在。參上堂云。雲門抽顧。衲僧問。措月落星沉。茫茫無數。釋迦當關。然燈回路。市地風雲。悉喇蘇。噓上堂。拈拄杖云。斷崖抹處。鬼神號出。雲便指南山。高橫按膝上。異吹毛。敢待諸方。擁毳袍卓一下下座。

江陵府開福德賢禪師法嗣

鄂州大陽山文昱禪師。問如何是佛師。云。額廣平正。僧曰。怎麼則瞻禮有分。師云。鼻竇圓長。日芳上座。問如何是函蓋乾坤句。師舉拄杖。僧曰。如何是截斷衆流句。師橫按拄杖。僧曰。如何是隨波逐浪句。師擲下拄杖。僧曰。三句外。請師道。師便起。讚賢禪師。真清儀瘦。兮。可瞻可仰。仰之非親。妙筆圖兮。可擬可像。像之非真。非親非真。秋月盈輪。有言無味。兮。的的。既往如在。兮。覓焉覓。當機隱顯。兮。絲髮散亂。

金烏卓牛兮迅風霹靂

建中靖國續燈錄卷第三

建中靖國續燈錄卷第四

〔宋刻〕

東京法雲禪寺住持傳法佛國禪師臣惟白集

對機門

南嶽懷讓禪師第十一世

汾州太子禪院善昭禪師法嗣

潭州興化禪院慈明禪師諱楚圓。姓李氏。全州人也。童稚神悟。迥與衆殊。依隱靜寺出家。受具。攝衣遊方。徧參知識。最後訪汾陽昭禪師。昭預謂首座曰。非久當有異僧至。傳持吾道。一日遂率首座遊山。座曰。何往。昭曰。接待者去。座曰。老和尚顛倒作什麼。昭曰。但去遊山。遂步林間。果逢師至。乃曰。此真吾侍者矣。卽與同歸。令造丈室。一言玄契。洞徹心源。執持巾瓶。經于一紀。後欲辭行。昭乃謂曰。子之法器。吾已久知。吾在首山。先師處親證三昧。王研窮的要。今付於汝。

善護持。宜往南方。大興吾道。師受囑已。徑造江西筠州洞山寶禪師法席。終日壁坐。寶卽異之下。而問曰。達磨九年面壁。意旨如何。師云。空腹高心。翌日寶陞座。推爲導首。師出世四十年。五坐道場。都尉李侯遵勗奏賜章服。師號

開堂。日上首白。罷罷師云。會麼。昔曼殊大士於靈山會上。十萬衆前。將末後一槌。以爲第一義句。今日上首倒行此令。且道與昔是同是別。若乃斷得。不用揚眉。其或未明。有疑。請問。問那侯動。重請法駕。渡湘江。擲鉢峰前。事請師爲舉。揚師云。風不來。樹不動。僧曰。忽遇作家。祇與麼還。當不當。師便喝。僧曰。氣急殺人。師云。三十年後來與爾二十棒。問如何。是難思之法。師云。山僧今日敗闕。僧曰。與麼則。昔日五千增上慢。今朝大衆息疑情。師云。被此一問。直得冰消瓦解。僧曰。學人罪過。師云。知過必改。問如何。是奪人不奪境。師云。神會曾磨普寂。碑僧曰。如何。是奪境不奪人。師云。須信壺中別有天。僧曰。如何。是人境兩俱奪。師云。裏中天子。塞外將軍。僧曰。如何。是人境俱不奪。師云。

明月清風任去來。問如何是佛師。云面如滿。月目如蓮。天上人間咸恭敬。問古人面壁。意旨如何。師云。有年無德。問師登四處花王座。隻履西歸。事若何。師云。虛空無障礙。南北任昇騰。僧曰。謝和尚答話。師云。閑者閑。忙者忙。問三門不閉。即不問枯木堂前事。若何。師云。也好消息。僧曰。一人有慶兆。民賴之。師云。千古有知音。僧禮拜。師便喝。問如何是和尙家風。師云。有錫降龍。虎僧曰。忽遇上上人來。又如何。師云。無心伏鬼神。問海上雲遊。時如何。師云。苦師云。五峰岌岌。岌獨露太虛之中。布水滔滔。冷瀉碧霄。巖畔龍潭幽僻。遊魚透即無門。天柱山高。水雲進而無路。垂鈎四海。少遇憐龍。一句當鋒。罕逢知己。所以三玄權設。應病施方。四揀開遮。觀根逗誘。過去諸佛。悲願難窮。西祖東流。不忘付囑。河沙知識。善巧多方。萬派同源。皆歸大海。且道水不洗水。一句作麼生。道還有人道得麼。試出來。道看設個。道得個。儻分別也未。夢見衲僧脚跟。在卓拄杖下座。

上堂云。諸佛放光明。助發實相義。拈拄杖云。遮箇是

南源拄杖子。阿那箇是實相義。儻若見去。被見聞所轉。若也不見。行脚眼在什麼處。喝一喝下座。

上堂良久云。有時先照後用。有時先用後照。有時照用同時。有時照用不同時。所以道有明有暗。有起有倒。乃喝云。且道是照是用。還有人繩索得麼。若有試出來。呈醜拙看。若無。山僧今日失利。

上堂云。摩竭提國水泄不通。少室峰前親行此令。作麼生。是此令。還有道得底麼。和泥合水道。將來有麼。良久云。遊子乍聞征袖濕。佳人纔唱翠眉低。一喝。

上堂云。說佛說祖。和泥合水。向上向下。衲僧破草鞋。總不恁麼。無繩自縛。且道獨脫一句。作麼生。道還有人道得麼。試對衆道。將一句來。有麼。有麼。良久云。塚上更加泥。喝一喝。

上堂云。吾有一言。絕慮忘緣。巧說不得。祇要心傳。更有一語。無過直舉。且道作麼生。是直舉一句。良久以拄杖畫一畫。喝一喝。

上堂云。靈山一會千聖共臻。釋主瞬眸。飲光微笑。衲僧門下。猶在半途。且道全提一句。作麼生。道良久云。

憐兒不覺醜卓拄杖一下

上堂云。昨日作嬰孩。今朝年已老。未明三。八九難踏。古皇道。手掩黃河乾。脚趂須彌倒。浮生夢幻身。人命夕難保。天堂與地獄。皆由心所造。南山北嶺松。北嶺南山草。一雨潤無邊。根苗壯枯槁。五湖參禪人。可問虛空討死脫。夏天衫。生披冬月襖。分明無事人。特地生煩惱。唱一喝。

上堂云。萬機遊刃終日弘。道豬肉按頭事。作麼生道。還有人道得麼。若也道得。倒道將一句來。良久云。金鎖連環刀。挑不出喝一喝。

上堂云。昨夜漫天總雪。大地一時皎潔。今朝庭際無人。莫道山僧不說。

上堂云。鉢孟麤饍。許運切子細匙筯短長無。一截有時

應供與誰論。嗟嘆文殊與彌勒。久立聖衆珍重。

上堂云。太陽昇南北。走夜月圓天。未曉鼻孔裡藏身。一句即不問。爾諸人脚跟下一句作麼生道。還有道得底麼。良久云。相識滿天下。知心有幾人。喝一喝。師室中插劒一口。以草鞋一對。水一盆。置在劒邊。每

見入室。即云。看看有至。劒邊擬議者。師云。嶮喪身失命了也。便喝出。

筠州太愚山興教守芝禪師問。如何是祖師西來意。師云。天寒日短。問馬師未見。讓師時。如何。師云。緊僧。曰。見後如何。師云。切問如何。是洪州境。師云。藤王閣下。千江秀。孺子庭前。薄霧生。僧曰。如何是境中人。師云。出入敲金鐙。朱衣對錦屏。問一切有爲法。如夢幻泡影。眞實事。請師舉。師云。兩段不同。向下文。長問滿身是眼口。在什麼處。師云。三跳不過。僧曰。學人不肖。特伸請益。師云。章底詞。秋罷歌韻。向春生。

上堂云。翠巖路嶮。舉步涉千溪。更有洪源水。滔滔在嶺西。擊禪床一下。云。久立珍重。上堂云。槌鐘擊鼓。聚集禪徒。上來下去。子承父業。賺多少人。擊禪床一下。上堂云。端然踞坐。度脚買鞭。左顧右視。不準一錢。打禪牀云。珍重。上堂云。火生於木。非自佗來。青出於藍。不同受染。人人共喫一莖葢。若更覓一莖喫。入地獄。如箭射。上堂云。法鼓纔動。大衆雲集。三世諸佛。二十八祖。還來參麼。如有一人不到。各與二十棒。何故。

如是得人一牛還人一馬上堂大衆集定師云現成公按也是打撲不辨擊禪床下座上堂擊起香合示衆云明頭合暗頭合道得一任橫行道不得且合却使下座上堂云沙裏無油事可哀翠巖嚼飯餓嬰孩佗時好要智端的始覺從前滿面灰珍重上堂云雲收霧卷江山皎日擬話多途又拈不出打禪牀下座上堂云十地心驚二乘罔測衲僧門下銅頭鐵額擊禪牀下座上堂云大洋海底排班位從頭第二鬢毛斑爲甚不到第一鬢毛斑要會麼金藥銀絲成玉露高僧不坐鳳凰臺擊禪牀下座上堂云德山入門便棒臨濟入門便喝翠巖卽不然三門前好與三十棒何謂如此棒喝齊施已早賒古今皆贊絕周遮二途不涉憑何說南海波斯進象牙擊禪牀云珍重滁州瑯琊山開化廣照禪師諱惠覺西洛人也父爲衡陽太守因疾傾喪師扶襯歸洛過澧陽藥山古刹宛若夙居緣此出家遊方參問得法汾陽應緣潞水與雪竇明覺同時唱道四方皆謂二甘露門也迨今淮南遺化如在問如何是佛師云銅頭鐵額僧曰意

旨如何師云鳥觜魚腮問阿難結集卽不問迦葉微笑事如何師云剋時剋節僧曰自從靈鷲分燈後直至支那耀古今師云點朱點漆問如何是賓中賓師云手攜書劍謁明君僧曰如何是賓中主師云捲起珠簾無可觀僧曰如何是主中賓師云三更遇孟津僧曰如何是主中主師云獨坐鎮寰宇問蓮華未出水時如何師云貓鼠戴紙帽僧曰出水後如何師云狗子著鞵行問如何是無縫塔師云永鎮紅霞裏僧曰如何是塔中人師云常伴白雲眠問一塵纔起大地全收時如何師云李廣射落雲中鴈僧曰龍吟霧起虎嘯風生師云驚得胡兒走似煙問拈槌舉拂卽不問瞬目揚眉事若何師云趙州曾見南泉來僧曰學人未曉師云今冬多雨雪貧家爭奈何問如何是沙門行師云左手畫方右手畫圓僧曰天台石橋窄南嶽坐具寬師云背上負七星口裏念真言上堂云欲知常住身當觀爛壞體欲知常住性當觀拄杖子拄杖子吞却須彌須彌吞却拄杖子衲僧到遮裏若也擬議劍梁落膊輪降欵鐵作胸襟到海隅

擊禪牀一下

上堂云。奇哉。十方佛元是眼中花。欲識眼中花。元是十方佛。欲識十方佛。不是眼中花。欲識眼中花。不是十方佛。於此明得過。在十方佛。於此未明。聲聞起舞。獨覺臨粧。珍重。

上堂云。見聞覺知。俱爲生死之因。見聞覺知。正是解脫之本。譬如師子返躑。南北東西。且無定止。汝等諸人。若也不會。且莫孤負釋迦老子咄。

上堂云。山僧今日爲汝諸人說破。明眼衲僧。莫去泥裡打坐。珍重。

上堂云。天高莫測。地厚寧知。白雲片片。嶺頭飛。淅水潺潺。下急東流。西沒一句。卽不問爾生前殺後一句。作麼生道。良久云。時寒喫茶去。

上堂云。林間鳥叫。嶺上猿啼。萬法凝然。將何顯露。良久云。擬議更思量。箭過新羅國。

上堂拈拄杖云。三世諸佛。在火燄裏。轉大法輪。天下老和尚。在百草頭上。轉大法輪。山僧在拄杖頭上。轉大法輪。還會麼。若也未會。拄杖子重說偈言去也。擊。

禪牀一下

上堂云。阿呵呵。是什麼。開口是合口。過輕舟。短棹。泛波心。蓑衣。笠笠。從佗破曉。

上堂云。十方諸佛。是箇爛木。椽三賢。十聖。是箇第頭。籌子。汝等諸人。來到遮裏。作麼。良久云。欲得不招無間業。莫謗如來正法輪。

舒州法華禪院齊舉禪師問師唱誰家曲。宗風嗣阿誰。師云。藏頭白。海頭黑。僧曰。汾陽嫡子。師云。莫亂針。錐。問如何。是佛。師云。蘆芽穿膝。問如何。是祖。師西來意。師云。唇紅齒白。問如何。是奪人。不奪境。師云。白菊作開。紅日暖。百年翁子。不逢春。僧曰。如何。是奪境。不奪人。師云。大地絕消息。翛然獨任真。僧曰。如何。是人境。兩俱奪。師云。草荒人變色。凡聖兩齊空。僧曰。如何。是人境。俱不奪。師云。清風與明月。野老笑相親。

潭州石霜崇勝院法永禪師問六國未寧時。如何。師云。銅柱。永標蠻子。國僧曰。寧後如何。師云。鐵旗吹盡。未灰心。問如何。是和尙家風。師云。摘破香囊。熏大國。鑿開天竅。吼真風。問如何。是佛。師云。臂長衫袖短。問。

如何是祖師西來意。師云布衲膝頭穿。

上堂云。霜華臺上翠色回。環枯木堂前。猿啼虎嘯。諸人到。遮裏立地觀取。便好休去。歇去。其或疑情未息。狂解崢嶸。更看山僧遮一解。以拄杖卓一下。

湖州天聖皓太禪師問如何是佛。師云黑漆聖僧。僧曰如何是佛法大意。師云看牆似土色。問寶劍未出匣時如何。師云寒光輝北斗。僧曰出匣後如何。師云群魔萬里摧。

舒州投子山圓修禪師問曹溪一曲。師親唱。藥忌相投事。若何。師云快人一言快馬一鞭。僧曰此話三十年後盛行。師云莫亂統問。達磨未來時如何。師云出口入耳。僧曰來後如何。師云叉手並足。

唐州龍潭圓禪師辭汾陽。汾陽云別無送路與子。一條拄杖一條手巾。師云手巾與和尚受用。拄杖不用得。昭云但將去有用處。在師便收。昭云又道不用。師喝一喝。便下去。昭云已後不讓臨濟。師云正令已行。昭來日送出三門。云汝介丘逢尉遲時如何。師云一刀兩段。昭云被現那吒又怎生。師便拽拄杖。昭喝。

云遮回全體分付。問如何是介山境。師云七賢行得穩。僧曰如何是境中人。師云稚子昔遭傷。問昔日窮經今日參禪。此理如何。師云兩彩一賽。僧曰作麼生。領會。師云去後不留蹤。僧曰如何是佛。師云火燒不然。問古殿無佛時如何。師云三門前合掌。

汝州葉縣廣教歸省明壽禪師法嗣

舒州浮山圓鑒禪師諱法遠。鄭州人也。投三交嵩禪師出家。幼爲沙彌。見僧入室。請問趙州。庭柏因緣。嵩詰其僧。師傍有省。後遊諸方。遍歷叢席。知識堂奧。步武軒昂。禪林命曰遠公虎子。葉縣省老。汾陽昭師大陽明安。瑯琊廣昭。悉延前席。爲衆領袖。開堂拈香語云。汝海枯木上生。花別迎春色。由是道風大扇。德望愈馳。祖印高提。點慧資俗。因又目之錄公名耳。緣盡化終。坐滅本山。

開堂日示衆云。看風使帆。卽不可。若教山僧舉揚宗旨。據令全提。三世諸佛。盡乃平沈。法堂階前。草深一文。然雖如是。且向建化門中。事無一向。問師唱誰家曲。宗風嗣阿誰。師云八十翁翁。覩繡毬。僧曰一句迴。

然開祖曹三玄戈甲振叢林師云李陵元是漢朝臣問大善知識須具出人眼如何是出人底眼師云黃河九曲僧曰真善知識師云陝府鐵牛僧曰如何是清淨法身師云寸絲不掛問如何是佛師云大者如兄小者如弟問如何是祖師西來意師云平地起骨堆問蓮華未出水時如何師云焦輒打著連底凍僧曰出水時如何師云洋瀾左裡無風浪起問周行七步猶涉繁詞指天指地意在於何師云當鋒不點的旌旗兩路分僧曰法海之中自得其用師云不因子置問憶得富樓那問祖師門下壁立千仞正令當行十方坐斷和尚將何表示師云寒猫不捉鼠僧曰莫便是爲人處也無師云波斯不繫腰問新歲已臨舊歲何往師云目前無異怪不用貼鐘爐僧曰畢竟事如何師云將謂目前無僧以手畫云爭奈遮箇何師便打師與待制王公論道畫一圓相問曰一不得匹馬單槍二不得衣錦還鄉鵲不必喜鴉不必殃速道速道公問措師云勘破了也

上堂云昨日拈香擬爲汾陽和尚又緣孤佗葉縣老

人既爲葉縣老人又乃孤負佗汾陽和尚然雖如是一客不煩兩主一鳥不棲二林於此二途須至一決何故成山假就於始實脩途託至於初步如斯更不向汾陽浪裏競棹孤舟却向汝海枯木上生花別迎春色

上堂云靈山會上蟲被欺謾少室峯前知而故犯胡言易會漢語難明澤廣藏山理能伏豹且道不負時機作麼生道拈拄杖云星河秋一鴈砧杵夜千家

上堂云更莫論古話今祇據面前事與爾諸人定奪區分僧便問如何是目前事師云鼻孔僧曰如何是向上事師云眼睛

師云若是論宗舉要須是本色衲僧始得其或皮肉之流心眉之侶身遭影射病在藥端迹浪分岐難諧湊泊何謂也龍象蹴蹋非驢驘所堪然雖如是大樹大皮裹小樹小皮纏

上堂云若論此事如兩家著碁相似何謂敵手知音當機不讓若是綴五饒三又通一路始得有一般底祇解閉門作活不會奪角衝關硬節與虎口齊彰府

破後徒勞綽幹。所以道肥邊易得瘦。肚難求私行而往往失黏心。蠶而時時投撞。休誇國手。謾說神仙。羸局輸籌。卽不問且道黑白未分時。一著落在甚處。良久拈拄杖云。從前十九路迷悟幾多人。

上堂。大衆纔集。師云。不鼓自鳴。好與三十棒。上堂云。我有一句子待無舌人問我。卽道下座上堂云。闍梨知有處。老僧道不得。老僧知有處。闍梨道不得。良久云。道不得處。切須道取。臘月三十日。憑欄鴈南飛。珍重上堂云。未徹底人。參句不如參意。大徹底人。得意不如得句。以拄杖一卓下座。

汝州寶應禪院法昭演教禪師問如何是人法本來。齊師云。白牛耕大地。觸目是全真。問如何是趙州東院西。師云。超然無間斷。密印付長空。問佛未出世時如何。師云。虛空無筋骨。僧曰。佛出世後如何。師云。大地起紅塵。問如何是大自在。正眼師云。大洋海內獨橫身。僧曰。恁麼則知難而退。師云。禍福無門。人自召。問如何是佛法大意。師云。燈和夜月連。天照僧曰。意旨如何。師云。火飛嶽面紅。塵起問如何是祖師西來。

意師云。少林巖畔千峰秀。僧曰。如何委悉。師云。汝海東流耀古今。問如何是法王法。師云。長三尺。僧曰。用者如何。師云。關市看青天。問如何是本來心。師云。頭大尾小。僧曰。如何得見。師云。地深三尺餘。問如何是隨色摩尼珠。師云。逢場作戲。僧曰。作家相見時如何。師云。換手槌胸。問如何是古佛心。師云。殺人放火問本自湛然時如何。師云。喫棒。僧曰。未審過在甚處。師云。再犯不容。問如何是和尙妙用。底心。師云。踏地槌胸。僧曰。不會。請師別道。師云。大衆齊合掌。一時念彌陀。問達磨面壁九年。意旨如何。師云。大地白如銀。僧曰。恁麼則觸處罷真。空師云。汝海任東流。問師子吼時。全意氣文殊。仗劍意如何。師云。三春花爛熳。萬古看巖崖。僧曰。塵劫永罷。師云。巧說千般計。一失更難回。問文殊贊善財。卽不問維摩默然。事如何。師云。槌胸三下。僧曰。向上事如何。師云。休鬼語。問擬伸一問。卽爲影草。時如何。師云。截舌三分。僧曰。意旨如何。師云。莫遣異人聞。問一言合道時如何。師云。七顛八倒。僧曰。學人禮拜。師云。教休不肯休。直待雨霖頭。

上堂云。湛寂之機。超然物外。達本無生。含融萬有。靈山會上。事已周遮。寶應今朝。爲蛇盡足。禪德。爾若信得徹去。便超凡越聖。與祖佛同途。爾若覓言覓句。覓佛覓祖。展轉勿交涉。賺爾珍重。

上堂云。寒松千尺。瑞鶴難棲。月冷潭澄。遊魚不現。若到寶應門下。直須具眼。定動之間。喪却身命。見箇甚麼參。

上堂云。十二時中。許備一時絕學。卽是學佛法。不見阿難多聞第一。却被迦葉擯出。不得結集。方知聰明博學。記持憶想。向外馳求。與靈覺心。轉勿交涉。五蘊殼中。透脫不過。順情生喜。違情生怒。蓋覆深厚。自纏自縛。無有解脫。流浪生死。六根爲患。衆苦所逼。無自由分。而被妄心。於中主宰。大丈夫兒。早構取好喝。喝云參。

上堂良久云。無事不要生事。冬寒夏熱參。

上堂云。若論此事。從古至今。未曾有人舉唱得。若有舉唱得。盡大地人。失却性命。如無孔鐵鎚相似。一時亡鋒結舌。去猶較些子。會麼。我若假立箇賓主。動遮

兩片皮。舉指頭拈拂子。顛倒顛倒。便教爾有箇問處。遇明眼人前。拈掇不出。見佗魯祖和尚。纔見僧來。便面壁被長慶道。怎麼接人。驢年也接箇不得。我如今看魯祖。祇是箇不識羞漢。諸人行脚。合自肯重取好。唐州大乘山慧果禪師問。如何是道。師云。寬處寬窄。處窄。僧曰。如何是道中人。師云。苦處苦樂。樂處樂。僧曰。道與道中人。相去多少。師云。十萬八千。問。如何是祖師西來意。師云。天晴日出。僧曰。意旨如何。師云。雨下雲生。

襄州石門山蘊聰慈照禪師法嗣

唐州大乘山德遵禪師問。慈照古人。索火意旨。如何。照云。任佗滅。師云。滅後如何。照云。初三十一。師云。正好時節。照云。見什麼道理。師云。今日好困。因而有頌。索火之機。實快哉。藏鋒妙用。少人猜要。會我師親的旨。紅爐火盡。不添柴。問。如何是佛。師云。及時供養。僧曰。如何是祖師西來意。師云。鼻大口方。師云。上來又不問下去。又不疑不知。是不是。是卽也大奇。良久云。參。

湖州景清禪院居素明照禪師。問卽此見聞非見聞。爲什麼法身有三種病。二種光師云。填凹就缺。問。如何是觀音入理之門。師云。鴉鳴鵲噪。問。見聞覺知。曾受用爲什麼。無眼癡人却不肯。師云。堪笑胡僧暗點頭。

潤州金山達觀禪師。諱曇顯。錢唐人也。姓丘氏。於龍興寺投師出家。受具。通貫竺書。博涉儒典。復參知識。體究眞乘。後依慈照禪師法席。密契宗旨。三十餘年。五遷大刹。道譽益崇。縉素忻仰。丞相王文康公。曙夏文莊公。竦節度使李公。端懿。端愿。咸扣玄關。敬以師禮。時錄其語。目曰登門集。嘉祐五年正月旦日。陞堂辭衆。復歸丈室。趺坐而滅。

開堂日。有僧出衆。擬欲伸問。師喝云。汝擬奪我法席。那僧擬議。師云。出去。良久云。重開佛日。再扇祖風。還有不落照。臨者。致將一問來。問。優曇花易見。善知識難逢。朝宰親臨。請師提唱。師云。當初比望鈞靈鼈。今日何期得跛鼈。僧曰。且請領話。師云。俊鷄已過海。鈍鳥猶挨離。僧曰。當機一句。迥然峭拔。師拍手云。叱叱。

問。塞却咽喉。唇吻請師道。師云。是我咽喉。唇吻汝作麼。生塞得。僧曰。恁麼則學人罪過。師喝云。若不是藏院和尚在此。爛槌一頓。問經文最初兩字。是什麼字。師云。以字。僧曰。有什麼交涉。師云。八字。僧曰。好賺人。師云。謗此經。故獲罪。如是問一百二十斤鐵枷。教阿誰擔。師云。老僧。僧曰。自作自受。師云。苦苦問和尚。還曾念佛也。無師云。不曾念佛。僧曰。爲什麼不曾念佛。云。怕汚人口。問馬大師。一喝百丈。三日耳。響意旨如何。師云。我一生不曾著人喝。一生耳。響。僧曰。如何。會師云。近來又眼暗。僧禮拜。師云。眼昏書字大耳重。語聲高。問淨地上死人。卽不問荊棘林過後。又如何。師云。波斯合梵。讚僧曰。善。法堂前也要問過。師云。契丹舞番曲。僧曰。待將達觀今朝語。舉向諸方作者看。師云。此地無通事。終須問大鄉僧。出禮拜。師云。遮僧却曾同參來。僧無語。師云。若不同床臥。爭知被裏穿。上堂云。纔涉唇吻。便落意思。並是死門。故非活路。直饒透脫。猶在沈淪。莫教孤負平生。虛度此世。要得不孤負平生麼。拈拄杖云。須是莫被拄杖。謾始得看看。

拄杖子穿過汝諸人髑髏。踣跳入鼻孔裏去也。卓一下。

上堂。衆集定。首座出禮拜。師云。好好問著。首座低頭問話。次師云。今日不答話。便歸方丈。

上堂云。山僧門庭別。已改諸方轍。爲文殊。拔出眼裏楔。教普賢。休嚼口中鐵。勸人放開路。蛇手與汝斫却繫驢。擬駐意。擬思量。喝云。捏捏參。

上堂云。山僧平生。意好相撲。祇是無人搭對。今日且共首座搭對。捲起袈裟。下座。索首座相撲。首座纔出。師云。平地上喫交。便歸方丈。

上堂云。三世諸佛。是奴婢。一大藏教。是淨睡。良久云。且道。三世諸佛。是誰奴婢。乃將拂子畫一畫云。三世諸佛。過遮邊。且道。一大藏教。是誰涕唾。師乃自唾一唾。

上堂云。秤槌井底。忽然浮老鼠。多年變作牛。惠空見了。拍手笑。三脚胡孫。差異猴。

上堂云。五千教典。諸佛常談。八萬塵勞。衆生妙用。猶未是金剛眼睛。在如何。是金剛眼睛。良久云。瞎。

上堂。大衆集定。有僧纔出禮拜。師云。欲識佛性義。當觀時節。因緣。僧便問。如何是時節。師因緣。師便下座。

杭州龍華寺齊岳寶覺禪師問師唱誰家曲。宗風嗣阿誰。師云。鳳凰當丙案。漢水向東流。僧曰。谷隱。嬪子臨濟兒孫。師云。白雲橫谷口。樵子問蹤由。問如何是佛。師云。鼻修額。廣僧曰。意旨如何。師云。柳目楊眉。

蘇州洞庭山慧月禪師問。如何是翠峯境。師云。山高月先照。湖近水浮光。僧曰。如何是境中人。師云。凭欄看遠棹。策杖指前峯。問俱胝一指意如何。師云。月落三更穿市過。

明州杖錫修已禪師問。如何是無縫塔。師云。四楞著地。僧曰。如何是塔中人。師云。高枕無憂。問如何是祖師。西來意。師云。舶船過海。赤脚回鄉。

洪州雙林寺已禪師問。師唱誰家曲。宗風嗣阿誰。師云。鳳凰林下好商量。僧曰。怎麼則汝水東流。臨濟宗派。師云。咫尺隔天涯。問如何是祖師。西來意。師云。青松相對起悲風。問如何是佛法大意。師云。人平不語水平。不流問。如何是雙林境。師云。紅霞生碧嶠。綠竹。

引清風僧曰。如何是境中人。師云。前三三後三三。問單刀直入時。如何。師云。據令而行。僧應諾。師便打。襄州谷隱山可琮禪師。問師唱誰家曲。宗風嗣阿誰。師云。山連嵩嶽秀。水接漢江流。問如何是佛。師云。積薪放火。問如何是祖。師西來意。師云。日出東方光臨西戶。

撫州疎山古禪師。問師今登寶座。祖道嗣何人。師云。獨秀山高鳳凰嶺。峻僧曰。恁麼則石門嫡子。臨濟兒孫。師云。一手不獨拍。

越州雲門山顯欽禪師。上堂良久云。好箇話頭。若到諸方。不得錯舉。便下座。

湖州安吉上方新禪師。問色心不二。彼我無差。離此二途。師意如何。師云。廓落無依。青嶂外。僧曰。未曉端的。師云。白雲不到紫霄峰。僧曰。恁麼則見月休觀指。師云。作麼生。是月僧擬議。師便喝。

處州仁壽嗣珍禪師。問知師已得禪中旨。當場一句爲誰宣。師云。土鷄瓦犬。僧曰。如何。師云。門前不與山童掃。任意拙。釵滿路岐。問如何是南明境。師云。

心拙一作松

亭臺千界。月花木四時。春僧曰。如何是境中人。師云。身披穿破衲。背負斷絃琴。上堂云。明明無悟有。法即迷日上。無雲麗天。普照眼中。無翳空本。無花無智人前。不得錯舉。良久云。但恁麼。

杭州承天誓元禪師。問蓮華未出水時。如何。師云。水底不見僧。曰。出水後如何。師云。馨香滿路上。堂云。春風膏雨。霽寒食。四隣清若。話西來意。迢迢十萬程。蘇州翠峰山普禪師。問昔日梵王請佛。蓋爲群生今朝。王臣請師。如何爲衆。師云。言前道斷。無方外意。外全提有象。先僧曰。大衆證明。學人有賴。師云。莫謂壺中別有天。

泉州棲隱院自然禪師。問老胡出世。目顧四方。和尚出世。如何表示。師云。清氣爲天濁氣爲地。僧曰。恁麼則信手拈來草。師云。有甚交涉。

汝州廣慧院居璉真惠禪師法嗣

東京華嚴院道隆圓明禪師。問有情之本。依智海以爲源。含識之流。總法身而爲體。離此二途。請師別道。師云。木馬盡嘶。泥牛夜吼。僧曰。恁麼則一言纔出四。

衆雷恩師云莫埋沒大衆問如何是道師云高高低低僧曰如何是道中人師云脚瘦草鞋寬師云有問還遭點無言又被呵再爲通消息蟾桂葉婆娑蓋爲衆生浩浩逐本末以何歸處世茫茫據生死而何託自是業塵繫絆意網懷遮不能反已回光心源自照名相分別與道差殊建立乖真非干造化若乃盡令提綱真金也須失色久立珍重

臨江軍慧力院慧南禪師問師唱誰家曲宗風嗣阿誰師云鐵牛不喫欄邊草直上須彌頂上眠僧曰恁麼則昔向汝陽親得旨臨江今日大敷揚師云禮拜了退問如何是佛師云頭大尾小僧曰學人未曉師云眉長三尺二僧曰人人皆頂戴見者盡攢眉師長嘯一聲僧拍手一下便禮拜師云一任蹉跳

汝州廣慧德宣禪師問祖祖相傳傳祖印師今得法嗣何人師云仲氏吹壩吁圓伯氏吹篴除奇切僧曰恁麼則廣慧嫡子首山之孫師云切莫錯商量

潭州神鼎山鴻護禪師法嗣

澧州夾山靈泉子英禪師問如何是夾山境師云舉

世盡聞猿抱子有誰曾見鳥銜花僧曰如何是境中人師云牧童歌曠野樵父笑深雲問久負沒絃琴請師彈一曲師云擔版漢僧曰一堂風冷澹千古意分明師云是什麼曲調問如何是正法眼師云日出扶桑照大千上堂云梅天霖雨任沉暝困倦難教昧鶴形不睡眠開心不異非聞朝暮更惺惺大衆睡底自有睡底道理不睡自有不睡底道理忽有人出問如何是不睡底眼良久云日月不行切利天下座

隨州善光山蘭禪師問玄機歷掌人皆嚮今日當筵願指南師云海門橫鐵柱僧曰恁麼則神鋒不露頂師云陸地釣魚舟僧曰且禮三拜師便打師云一見一切見處處皆成現龍門透過時口裏無釣線參

天臺妙智寺光雲禪師問如何是祖師西來意師云東籬黃菊僧曰意旨如何師云九月重陽上堂拈拄杖云看看祖師來也汝等諸人於此薦取若薦得便請丹霄獨步若薦不得不免少林冷坐卓一下

潭州龍興禹禪師問郡僚僉請師登座爲人一句望宣揚師云海晏河清僧曰玄關已剖人皆聳物外高

奇鳥道分師云四海歌謠賀太平上堂云大道不遠至理非遙動靜卷舒無非佛事怎麼說話笑殺傍觀且道如何得相應去良久云千言萬語無人會又逐流鶯過短牆吐

江陵開聖院寶情山主問如何是開聖境師云三鳥引路僧曰如何是境中人師云二虎巡山

建中靖國續燈錄卷第四

建中靖國續燈錄卷第五

〔宋刻〕

東京法雲禪寺住持傳法佛國禪師臣惟白集

對機門

廬陵清原山行思禪師第十一世

明州雪竇山重顯明覺禪師法嗣

越州天衣山義懷禪師姓陳氏温州樂清人母因夢星殞于庭祥光滿室已而誕師幼寡言笑出語異衆投誠出家其受業師預夢神人告曰明日法王來也翌旦師至卽異待之受具後聞講經云應無所住而

告一作報

生其心微有省悟發問詰難衆莫能對及遊諸方徧參知識印可雖衆未罄宗旨後抵都下遇言法華拈師背曰雲門臨濟也遂造蘇州翠峰明覺禪師法席因汲水次擔簞于地豁然大悟顯卽印可後住鐵佛投子坦林廣教景德杉山天衣薦福道化盛行嗣法者悉世龍象學士蘇解吏部蘇注皆以師敬問如何是佛師云布髮掩泥橫身臥地僧曰未審意旨如何師云任是波旬也皺眉僧曰恁麼則謝師指示師云西天此土問如何是祖師西來意師云泛杯千頃浪登嶺萬重山問如何是不動尊師云一手提不起僧曰未審意旨如何師云進上聖明君問門庭肅靜賓主歷然不落化門請師便道師云陽氣發時無硬地僧曰猶是建化門中請師別道師云枯木無花莫怨春問止止不須說我法妙難思作麼生是難思底句師云與人作勝樣僧曰恁麼則人天奔浪也師云偏到他處作麼生舉僧曰大家要分明師云德山臨濟權且寄庫問投子下禪床意旨如何師云前頭是三門中間是佛殿僧曰忽遇客來如何看待師云水

到渠成。隨後便打問一言相契時。如何師云。喫棒了。退僧曰。三十年後。不忘師恩。師打一棒。問學人上來。請師說法。師云。林間鳥噪。水底魚行。問。三界無家。師歸何處。師云。竹密不妨流水過。山高豈礙白雲飛。僧曰。莫便是和尚安身處也。師云。日出東方。夜落西。問。舊店新開時。如何。師云。汝不是南番舶主。僧曰。開後如何。師云。還我話頭來。僧曰。遇舶主來時。如何。師云。想君不是金牙作。僧擬議。師便喝。僧亦喝。師云。齊後鍾。

上堂云。雲生谷口。水滴懸崖。猿嘯孤峯。鴈橫碧落。眼晴定動。鼻孔遶天。箭發離絃。新羅國裏。便下座。

上堂良久云。物境蕭條。寒風刮地。渡水胡僧。泛杯道士。築著磕著。稽首不審。若問彼彼來。由各各隨浪逐浪。

上堂云。閻王殺父。圓悟無生。善星出家。生陷地獄。彼亦丈夫。各自退屈。通身是眼。見處偏枯。截斷衆流。正是隨波逐浪。諸仁者。要會麼。冬瓜長。瓠子曲彎彎。

◆一無將字

上堂云。波澄鏡靜。魚龍可觀。手內絲綸。復將何用。東西浩渺。南北茫然。一笛橫吹。長天萬里。

上堂云。須彌頂上。不扣金鐘。畢鉢巖中。無人聚會。山僧倒騎。佛殿諸人。反著草鞋。朝遊檀特。暮到羅浮。拄杖針筒。自家收取。

上堂云。衲僧橫說豎說。未知有頂門上眼時。有僧問。如何是頂門上眼。師云。衣穿瘦骨。露屋破看星。眠問。如何是古佛機。師云。得僧無語。師云。盡乾坤大地人。總解書總識字。且道是那箇得字。試定當看。若定當得。許備具正法眼。

上堂云。林間翠竹。陌上黃花。主伴交參。共談斯事。不用南詢。諸友東見文殊。一時向目前參取。行脚事畢。上堂大衆集定。云上來打箇不審。能消萬兩黃金。下去打箇珍重。亦消得四天下供養。若作佛法話。會滴水難消。若作無事商量。眼中著屑。且作麼生。即是良久云。還會麼。珍重。

上堂云。夫爲宗師。須是奪耕人之牛。飢人之食。遇賤卽貴。遇貴卽賤。奪耕人之牛。令他苗稼豐登。奪飢人之

之食令他永絕飢渴。遇賤卽責。握土成金。遇貴卽賤。變金成土。老僧亦不奪耕人之牛。飢人之食。何謂耕人之牛。我復何用。飢人之食。我復何餐。我也不握土成金。也不變金作土。何也。金是金。土是土。玉是玉。石是石。僧是僧。俗是俗。古今天地。古今人倫。古今日月。雖然如此。打破大散。關幾箇迷逢達磨。

上堂云。一鉗一鎚。抽釘拔楔。大唐鼓鑪。新羅打鐵。諸仁者。盡乾坤大地。是箇鎚。且道。栖在什麼處。若更問。懶麼。鉗與山僧。一時敗闕。參。

上堂云。鴈過長空。影沈寒水。水無沈影之心。鴈無遺蹤之意。若能如是。方解向異類中行。不用續鳬截鶴。夷嶽盃。壑放行也。百醜千拙。收來也。學拳拳用之。則敢與八大龍王鬪。富不用都來。不直半分錢。參。

上堂云。觸體當于世界。鼻孔摩觸家風。芭蕉聞雷開。葵花隨日轉。諸仁者。芭蕉聞雷。開還有耳。麼。葵花隨日轉。還有眼。麼。若也會得。西天卽是此土。若也不會。七九六十三。取。

上堂云。雲籠古殿。迦葉攢眉。露滴堦墀。空生淚泣。森

羅舉唱。孰是知音。水乳難分。鴉王善別。忽然頂門眼開。莫道山僧壓良爲賤。下座。

上堂云。夫宗師提談祖道。有自受用。三昧。他受用。三昧。若論自受用。三昧。三世諸佛。立在下風。文殊提鞋。普賢挈杖。未爲分外。放一線道。說他受用。三昧。一塵一佛土。一葉一釋迦。重重樓閣。無盡善財。眠底是眠底。彌勒立底是立底。釋迦所以病有千差。藥與萬種。二千年前。靈山會上有五百比丘。得四禪。定具五神通。以宿命智。各各見過。去殺父殺母。殺阿羅漢。及諸重罪。於自心內。各懷疑怖。於是文殊手握利劍。以逼如來。世尊謂文殊曰。住住。不應作逆。句得害我。我必被害。爲善被害。文殊師利。從本已來。無有我人。但以內心見有我人。內心起時。我必被害。卽名爲害。於是五百比丘。各各自悟本心。如夢如幻。於夢幻中。無有父母能生。所生乃至殺阿羅漢等。五百比丘。異口同音。乃讚文殊云。文殊大智士。深達法源底。自手握利劍。持逼如來身。如劍佛亦爾。一相無有。二無相。無所生。是中云。何殺諸仁者。作麼生說箇如劍佛亦爾。拈。

拄杖云看看文殊菩薩變作柳條拄杖在山僧手裏良久云。爾若近前却變作金剛寶劍。爾若退後却變作德山臨濟。蔡州箇箇瓦解冰消。擊禪床下座。

上堂云。靈源絕跡。普現色身。法離斷常。有無堪示。所以道。塵塵不見佛。刹刹不聞經。要會靈山親授記。晝見日夜見。星良久云。若到諸方。不得錯舉參。

信州廣教景先禪師問師唱誰家曲。宗風嗣阿誰師云。有水皆含月。無山不帶雲。僧曰。不覩雲中鴈。焉知沙塞寒。師云。胡言易會。漢語難明。

饒州妙果院自政禪師問。香風滿路人皆委。一朶蓮開事若何。師云。相識滿天下。僧曰。一堂風冷澹千古。意分明。師云。祇恐不是玉僧。曰。適來已蒙師指示。人天一會盡霑恩。師云。切忌盈虛。

舒州東禪院賢禪師問。說佛說祖。魔魅家風。演妙談真。未爲極則。去此二途。請師別道。師云。放汝三十棒。僧便喝。師云。罪不重科。僧以手畫一畫。師云。野狐精。僧曰。且禮和尚三拜。師云。一任蹉跳。蘇州薦福知一禪師問。知師久唱韶陽曲。北斗藏身。

事若何。師云。片帆離古岸。僧曰。恁麼則雲門重孫。雪竇嫡子。師云。風送過滄洲。上堂云。雪嶺泥牛吼。雲門木馬嘶。巨靈分大華。嚴子隱深谿。

越州天衣在和禪師問。祖祖相傳。傳祖印。師今得法。嗣何人。師云。人將語試水。將杖探僧。曰。廓周沙界。師云。一夜歌開盡。百花猶未知。

湖州海會擇芝禪師問。師唱誰家曲。宗風嗣阿誰。師云。寶鏡當臺。僧曰。恁麼則雪竇嫡子。師云。窺天鑒地。越州稱心省。儵禪師問。已赴稱心。將離雙湖。如何是不動尊。師云。上馬見路。僧曰。恁麼則動而常寂。師云。千里萬里。問五葉香風。清宇宙。師今得法。嗣何人。師云。言前打當。句後分明。僧曰。恁麼則黃河清。有日雪嶺木人。懽師云。且喜勿交涉。問如何是祖師西來意。師云。行人念路。僧曰。學人不會。師云。緊峭草鞋。問學人未識佛性。乞師指箇入頭。師云。一雨普霑。千山秀色。僧曰。未審如何。保任。師云。退身三步。問如何是道。師云。縱橫十字。僧曰。如何是道中人。師云。相逢不下馬。各自有前程。上堂云。佛種從緣起。是故說一乘。拈。

拄杖云。拄杖是緣。那箇是佛。種拄杖是一乘法。那箇是緣。遮裡參見釋迦老子了。却買草鞋行脚。不得向衲僧門下。過打折汝腰。且道。衲僧據箇什麼。良久云。三十年後。莫孤負人卓一下。

明州上山德隆禪師問師。唱誰家曲。宗風嗣阿誰。師云。有時直上孤峰頂。月下披雲嘯一聲。僧曰。乳峰一枝。此日獨秀。師云。龍蛇易辨。衲子難瞞。僧曰。謝師方便。師云。一撥便轉。

越州稱心清演禪師問知師。久蘊囊中寶。今日當筵略借看。師云。紅日一輪。僧曰。學人不曾。師云。清風四起。僧曰。恁麼則雪竇嫡子。師云。莫亂道。

明州岳林藏院宗善禪師問。如何是道。師云。深耕淺種。僧曰。如何是道中人。師云。田舍奴。問。如何是末上消息。師云。獨掌不浪鳴。僧禮拜。師便打。

杭州證聖守環禪師問。金輪示跡。玉甍垂芳。古路坦然。如何舉唱。師云。千年常住。一朝僧。僧曰。恁麼則雲生嶺上。師云。更有奇特。麼。僧便喝。師亦喝。僧曰。兩重公案。師噓一聲。

杭州承天傳宗禪師開堂。日上首白槌。罷。師云。機輪纔轉。千眼頓開。智刃一揮。十方肅靜。有何俊士。不避死生。剔起眉毛。出衆相見。問。如何是諸佛本源。師云。千江流白月。僧曰。如何領會。師云。三十年後。問我。按指海印發光時。如何。師云。平地起波瀾。僧曰。請師按指。師云。風前聲已急。一曲過楊州。問。如何是宗門中事。師云。文殊有勅。僧曰。學人請益。師云。西天令嚴。問。祖意教意。是同是別。師云。胡馬嘶北風。越鳥巢南枝。問。如何是鳳凰家風。師云。龍行虎步。僧曰。客來將何祇待。師云。盤裡明珠。問。遠遠相投。請師一接。師云。碧波千萬丈。僧曰。乞師方便。師云。直釣巨鰲。歸問久負勿絃琴。請師彈一曲。師云。徒勞側耳。僧曰。與麼則得聞於未聞。師云。又被風吹別調。中問大用。現前不存軌。則時如何。師云。承天今日高豎。降旗。僧便喝。師云。臨濟兒孫。僧又喝。師便打。問。如何是般若體。師云。雲籠碧嶠。僧曰。如何是般若用。師云。月在清池。師云。人天普集。賓主交馳。問者雄辯滔滔。若百川之流水。答者峻機疊疊。若圓器之傾珠。去古佛前。總使不

著何謂廣大門風威德自在不用彈指樓閣門開便見祖風與堯風並。扇佛日與舜日齊明。截生死流。踞祖佛位。還會麼。久立珍重。

上堂云。上青水碧。文殊常現於目前。雨灑雲舒。普賢周徧於法界。風鳴鳥語。觀音時演於圓通。葉落花開。毗盧全示於眞要。忽若騎驢入轡。鼻孔裏牽牛入轡。眼睛中又作麼生商量參。

上堂云。聞聲悟道。猶是聽響之流。見色明心。何異眼中著屑。眞如佛性。要且未出苦源。行布圓融。恰似無繩自縛。若是衲僧家。喝散白雲。衝開碧落。橫身三界。獨步大方。若不如是。徒爲丈夫。喝一喝下座。

上堂云。春風颺鷗。春鳥啁啾。綠柳溪邊。半舞桃華嶺。上闌開。翻思昔日靈雲老直。至如今不見來拈拄杖云。來也來也。與他穿過鼻孔。

上堂云。大衆前出來相見也。須是箇本分作家。始得應時如鋒應機。如電點著。不來新羅國裏珍重。

上堂云。衲僧門下。不在多端。達士相逢。非存目擊。始知拈匙舉拂。眼裏塵沙。瞬目揚眉。猶是鈍漢。直下明。

得無孔鐵鎚。擬欲尋思。千里萬里。卓拄杖一下。鼎州乾明知應禪師問。蓮華未出水時。如何師云。擗天拄地。僧曰。出水後如何。師云。填溝塞壑。上堂云。馬祖陞堂。百丈捲席。火動煙生。雲擎雨色。覲面相呈。一何輕擲。重賞三千。輕酬八百參。

天台寶相蘊歡禪師問。如何是學人自己。師云。曾問幾人來。問如何是佛。師云。堂堂八尺餘。

蘇州萬壽神初惠照禪師問。祖祖相傳。傳祖印。師今得法嗣。何人師云。乳竇峰高。翠倚天。僧曰。恁麼則雪竇嫡子也。師云。休向水中撈寶月。且於身上認衣珠。潭州龍興智傳禪師。桂州陽朔人也。姓莫氏。圓頂遊方。久參雪竇。出世三湘。道歸四衆。治平中。示滅。平生行住坐臥。處悉涌舍利。禪徒唱得衣物者。至今舍利日生。有於眞前志誠求者。隨心示應。問久處湖湘。擬伸一問。師還答否。師云。何得拖泥帶水。僧便喝。師云。一陣雨。一陣涼。僧禮拜。師云。有頭無尾。

漢陽軍鳳棲仲卿禪師。道性超拔。學行和光。唱導鳳棲嗣法。雪竇嘉祐中。以大藏經因緣入京謁諸朝士。

相國韓魏公頗深器之由是翕然而就問古佛出世爲大事因緣和尚出世當爲何事師張口吐舌僧曰祇遮箇別更有在師云朝三千暮八百問百骸俱潰散一物鎮長靈如何是一物師云苦哉佛陀耶僧曰和尚還有爲人處也無師云弄精魂漢僧曰何必如此師云諱人道著上堂云道無前後達者由人雖然根性利鈍差殊究竟實元無有異所以三乘教法接引迷途執相滯名卒難造入是故過去諸佛於此涅槃現在諸佛於此成道未來諸佛於此修行不見達磨大師道吾本來茲土傳法救迷情一花開五葉結果自然成拈拄杖云會麼彼一時此一時嵩山果熟也一任諸人採摘卓拄杖一下上堂云巍巍堂堂三界無雙磊磊落落十方寥廓擬議則喪身失命思量則千錯萬錯喝一喝下座

温州平陽寶慶子環禪師問大施門開請師一決師云風行草偃僧曰一句截流又作麼生師云水到渠成僧曰華蓋山上雲幘江江裏水師云郎中在此問古鏡未磨時如何師云清風來不盡僧曰磨後如何

師云。明月照重城。僧曰。太守臨筵請師。一照師云。是何面孔。僧曰。三十年後。師云。賺殺人。師拈拄杖云。朝到西天暮歸東土。卽且致把斷要津。一句作麼生道。若也道得。不出門知天下。若道不得。拄杖子笑。僂擊禪牀一下。

溫州鴈蕩靈巖寺德初禪師問大衆。臨筵如何舉唱。師云。謝塘青草。年年長。甌浦潮來。日日新。僧曰。莫便是爲人處。師云。且莫錯認。問。捧喝齊收。請師相見。師云。老僧不如汝。僧曰。專爲流通。師云。堪作什麼。問。心生種種法生。如何是種種法生。師云。我與汝葛藤。僧曰。今日已見於師也。師云。且喜勿交涉。僧禮拜。師云。孤負殺人師。云。問得須彌峯。峯海水騰波。祖道門中。未有少分。何故從門入者。不是家珍。本自圓融。何須特地。便乃人人踞妙峰。孤頂箇箇徹諸法根源。不假慈氏閣中。今日一時明取還。明得也。無若也。明得故。號丈夫。不孤千聖深恩。亦答國王大化珍重。

眞州長蘆崇福禪院祖印禪師諱智福。江州人。夏文莊之系族也。出家圓具。遂參雪竇發明祖意。道行才

眞州長蘆崇福禪院祖印禪師諱智福江州人夏文莊之系族也出家圓具遂參雪竇發明祖意道行才

智。灑然超邁。四處住持。勝緣畢集。三十年間。衆盈五百。豫章郡王宗諤。稔聞道風。遙伸師禮。奏賜章服。師名開堂。日上首白。龜罷。師云。適來。龜下。早落第二義門。敢問大衆。作麼生。是第一義諦。儻或縑素未明。却請當場問過。問如何是教外別傳。一。句。師云。問不著。僧曰。爲什麼。問不著。師云。白雲千萬里。僧曰。學人退身三步。師云。更待何時。問。寶劍未出匣時。如何。師云。遊僧曰。出後如何。師云。利。問如何是第一機。師曰。不爲龜鼠。僧曰。豈無方便。師云。靜處。薩婆訶。師云。問在答處。答在問宗。一。任諸人點頭。忽若問不在答處。答不在問宗。又且作麼生。摸捺乃展手云。無遺絲髮。一時分付。請諸人各各仔細觀瞻。甚生門風。甚生標格。儻一念回光。千聖共徹。不歷僧祇。豈勞修證。截生死河。踞祖佛位。便乃高超。二界永出。四流萬德。圓明十方。獨步可不同酬。佛恩共顯。王化

揮空事。若何。師云。脚下看。僧曰。脚下且致。向上事。又且如何。師云。天晴日出。雨下雲興。問法本無說。當說何明。師云。水中鹽味。色裏膠青。僧曰。便恁麼時。如何。師云。三十年後。師云。衣中至寶。何假披沙。各自持來。復將何用。交光互入。不隱不彰。達磨九年。不敢動著。恐屈兒孫。報本不惜眉毛。普示大衆。拈起拄杖。大衆擬議。一時打殺。上堂云。大無方小。無所半。合半開未。可相許。嶺梅初拆。花榮微雨。微晴春力。普春力。普到頭莫問曹溪祖。上堂云。法無有爾。理見非常。至道無當。剎塵應物。直得風行草偃。響順聲和。無纖芥可齊。是卓牌闊市。要得不傷和氣。閑與露柱商量。苟能自契。點頭莫謂山僧多口。便下座。

越州稱心守明禪師。問如何是佛。師云。道什麼。僧曰。如何是法。師云。道什麼。僧曰。如何是僧。師曰。道什麼。僧曰。謝師重重相爲。師云。道什麼。

廬山湯院守恩禪師。問學人上來請師說法。師云。花開媚景。僧曰。恁麼則言不虛發。師云。玉葉芬芳。

真州六合香積菴禪師。問四山相逼。則不問六合門。

開事若何師云七通八達僧曰怎麼則妙用任縱橫
 師云三脚蝦蟇跳上天問如何是坐禪僧師云萬事
 總無能僧曰如何是入定僧師云四海本澄澄僧曰
 如何是行道僧師云六合勢騰騰僧曰如何是應供
 僧師云三輪等性空上堂云菩薩之道不可圖度萬
 法本無四空寧有假無爲爲宗無相爲本量包沙界
 德洽乾坤或演一乘或垂三句或令悟本悉使返源
 究竟之中必無是事了得本心心了山河大地亦
 閑閑上堂云本有之心絲毫不隔因茲錯念遂致邪
 非垢盡遇人使明已見作麼生是已見四海洪波靜
 一輪天地明

信陽軍乾明則禪師問師唱誰家曲宗風嗣阿誰師
 云片雲生海嶠一鴈過寒空僧曰與麼則雪竇嫡子
 也師云一嶺英英六花皎皎問如何是祖師西來意
 師云清風生碧落僧曰意旨如何師云明月映長江
 問如何是海印三昧師云但向已求僧曰學人不曾
 師云莫從他覓問如何是日用道師云一箭到西天
 僧云到後如何師云周徧法界

處州南明日慎禪師問師子未出窟時如何師云稍
 風滿地僧曰出窟後如何師云群狐腦裂問祖意與
 教意是同是別師云水天影交碧僧曰畢竟是同是
 別師云松竹聲相寒師云設使問似傾瀉倒嶽東西
 踞地南北知方逆順無拘出沒自在盡大地草木叢
 林悉爲智刃且於建化門中猶較些子若據本分相
 見可謂十萬八千

南嶽雲峰元益首座李林宗居士問意欲出塵今未
 出請師今日決疑情座云作麼生是出塵意士惘然
 座云還會麼士忽然省悟有頌云心鏡從來瑩洪河
 本自深祗因師問後沙石化爲金座云正趨地獄士
 曰人我無相胡爲地獄座云汝今何在士曰見今對
 答座曰祗此是黃金

舒州投子山法宗道者問如何是道家風者云袈
 裟裹草鞋僧曰意旨如何者云亦脚下桐城

韶州南華寶緣慈濟禪師法嗣

韶州甘露山自緣禪師問祖意西來乞師垂示師云
 青山綠水長柏對僧曰畢竟如何師云還我話頭來

廣州興化延慶禪師上堂云言前薦得孤負平生句後投機全乖道體離此二途。祖宗門下。又且如何。良久云。眼裏瞳兒吹木笛。

韶州永泰宗寶禪師問如何是和尙家風。師云。千年松柏僧曰忽遇容來。將何祇待。師云。萬載一條新。

韶州寶壽行德禪師在南華受請。恰遇新冬。師示衆云。新冬新寶壽。言是舊時言。若會西來意。波斯上舶船上堂。云。雲散長空。月生天際。有眼者辨取。

韶州白虎山守昇禪師問如何是佛。師云。有眼無鼻孔。

韶州佛陀山宗欽禪師問如何是和尙直截爲人一句。師打一拂子。云。會麼。僧云。不會。師云。逢人莫錯舉。韶州雙峰山法崇禪師問不露圭角。句未語。先分付如何。是先分付。師云。道什麼。僧曰。恁麼。則謝師指示。師云。汝作麼。生會。僧無對。師云。賺却人。

韶州樂昌縣寶林山海月禪師問如何是佛。師云。十相具足。僧曰。莫祇遮便是。師云。少一不可。

韶州延祥法迎禪師問牛頭未見四祖時如何。師云。

拄杖拂子。僧曰。見後如何。師便打。僧曰。今日親見和尚。師云。再犯不容。

韶州舜峰惠寶禪師問步步登高時如何。師云。嶮僧曰。不進不退時如何。師云。喪僧曰。如何。卽是師云。蘇嚕蘇嚕。

襄州洞山普樂子榮禪師法嗣

廬山圓通祖印禪師諱居訥。漢州蹇氏子也。十三受具。十五開講。一揮談麈。千人而坐。器宇冰清。心源海湛。敏惠冠絕。行解超倫。出語成章。落筆盈卷。忽捨所學。遠參禪宗。見榮禪師。頓悟祖意。後出世住。歸宗未幾。遷上圓通。又移四祖。後還圓通。陽文忠公修一見。深仰風規。每問南來士人。曾見訥禪師否。由是朝野望重。皇祐中。仁宗皇帝詔居京城淨因。堅讓不赴。就賜章服。師號熙寧三年中。一日辭江牧。劉公述及諸僚屬。歸院沐浴。端坐示滅。劉公率緇俗數千。送至茶毗。燄中白氣上貫太陽。衆皆驚仰。問如何。是和尙家風。師云。紫霄峰畔。歸宗寺。僧曰。忽遇客來。將何祇待。師云。遊山翫水。問祖利重。與時如何。師云。人在。

之一無後字

破頭山僧曰一朝權在手師便打師云三乘十二分教還曾道著麼良久云喫茶去

洪州百丈山智映寶月禪師法嗣

杭州惠因祥禪師問師唱誰家曲宗風嗣阿誰師云天圓地方僧曰端的請師一言師云若到諸方分明舉似師云南山高北山低日出東方夜落西白牛上樹覓不得烏鷄入水大家知且道覓得後又如何良久云堪作什麼

杭州慧因義寧禪師問佛未出時如何師云摩耶夫人僧曰出世後如何師云悉達太子上堂云澄停識浪水清影現悟無念體寂滅現前東弗于代西瞿耶尼許汝恁麼會三十年後且莫顛預參

潭州雲蓋山繼鵬禪師法嗣

越州諸暨鍾山報恩禪院譚禪師問善法堂中師子吼利人一句又如何師云重疊關山路僧曰與麼則紫隣巖畔千花秀白玉堂前萬姓歌師云念話杜家問至道無難唯嫌揀擇如何是不揀擇師云作日初三今日初四僧曰此猶是揀擇師云龍蛇易辨衲子

難滿問一問一答猶落建化門庭未審第一義中如何舉唱師云簷前雨滴雪滿長空僧曰若然者到頭霜夜月任運落前谿師云作家禪客僧曰和尚莫瞞人好師云却是瞞我問如何是祖師西來意師云隻履已歸葱嶺久而今休更問來端僧曰得與麼去時如何師云南山起雲北山下雨問杖錫已居於此日請師一句利人天師云鼻孔大頭向下僧曰向上還有事也無師云有僧曰如何則是師云欲窮千里目更上一層樓

上堂云法身無象應物現形諸禪德作麼生說箇應物現形底道理拈拄杖示衆云世尊身長丈六遮箇拄杖子亦長丈六彌勒身長千尺遮箇拄杖子亦長千尺方圓任器隱顯從他大包天地細入塵蘆如驢觀井如井觀驢得之者運籌帷幄把斷要津失之者杳杳忽忽虛生浪死得失二途一時放却敢問諸人且道山僧拄杖子畢竟長多少良久云笑指客從何處來擊香臺一下

上堂顧視大衆云若未能如是且須俗機宜所以仲

冬嚴寒人人盡賀日南長至禪人到此直須眨上眉
毛莫學東村王老夜來失了巴鼻參

筠州洞山曉聰禪師法嗣

雲居曉舜禪師筠陽人也少年猛忽悟浮幻投師
出家乃修細行參聰禪師一日入室聰問云古鏡未
磨時如何曰黑似漆聰云磨後如何曰照天照地聰
云我即不恁麼師便問古鏡未磨時如何曰此去朗
州不遠師云磨後如何曰黃鶴樓前鸚鵡洲師忽有
省由是道譽遠布禪徒依之後住筠州大愚廬山棲
賢治平中一日召大眾云本來無事臨行何語片時
片時便去便去言畢而逝問師唱誰家曲宗風嗣阿
誰師云雲有出山勢水無投澗聲僧曰新豐一箭直
射大愚師云今日幾遭雨水問如何是爲人一句師
云晴天日出僧曰與麼則從此無疑師云雨下雲陰
問千里特來即不問舊店新開事若何師云偏要買
箇甚麼僧提起坐具云還有遮箇麼師云東行不見
西行利僧曰有錢堪作好兒郎師云咩爾誰我問承
師有言不談玄不說妙去此二途如何指示師云蝦

蟬起鷄子僧曰全因此問師云老鼠弄猴孫

上堂云唯一堅密身一切塵中現蝦蟇蚯蚓各有窟
穴烏鵲鳩鵲亦有窠巢正當與麼時爲甚麼人說法
良久云方以類聚物以群分上堂云學道莫生分別
分別便成解會但信自心是佛歷劫更無迷昧久立
上堂云三峽道無別朝朝祇麼說僧繇會寫真鎮府
出鑲鐵珍重上堂云不長不短不小不大此箇道理
是誰境界咄上堂云盡力提不起放下絕無蹤借問
諸禪者此理若爲通上堂云言不假繁道不假修若
人會得任性隨流久立

潭州大潯山密印寺懷宥禪師問人將語試金將火
試未審將僧將什麼試師云拄杖子僧曰畢竟如何
師云退後著僧應諾師便打云教休不肯休直待雨
霖頭

杭州佛日山明教禪師諱契嵩藤州東山人也俗姓
李氏七歲出家十三得度十九遊方徧參知識得法
于洞山聰禪師常居永安蘭若披尋內外典籍樂於
著撰力扶宗教嘉祐中以所述禪門傳法正宗記定

祖圖輔教編上進 仁宗皇帝勅頒天下附入大藏
賜號明教熙寧四年六月四日示滅於靈隱寺壽六
十有六是月八日茶毗眼舌男三根不壞頂骨上出
舍利紅白晶瑩師平生頂戴觀音口誦名號木槵數
珠亦燒不壞其如解行高潔性智虛明宋代高僧鮮
有如師具在陳賢良行業記

建中靖國續燈錄卷第五

建中靖國續燈錄卷第六

〔末刻〕

東京法雲禪寺住持傳法佛國禪師臣惟白集

對機門

廬陵清原山行思禪師第十一世

洪州泐潭山寶峰院懷澄禪師法嗣

東京十方淨因禪院大覺禪師諱懷璉姓陳氏漳州
龍溪縣人也誕生之夕夢僧伽降室因小字泗州既
有異兆僉知祥應齟齬出家耶角圓頂督志道學寢
食無廢一日洗面潑水于地微有省發即慕參尋遠

造泐潭澄禪師法席投機印可次歷叢林衆嚮道譽
年過不惑名動 仁御奉 詔住淨因禪院三 宣
內苑對 聖敷揚開悅 宸衷賜號大覺并製讚頌
須許廣訓 天眷日深頗若師友其磨納金鉢寶珠
皆 上旨批賜晚以高年乞身林下 勅從所請隨
意住持因止育王山雲徒復湊道合 聖心名重當
世本朝宗匠未如榮幸師皇祐二年十二月十九日
仁宗皇帝宣入後苑化成殿令一依開堂時儀範陞
座說法宣左街副僧錄慈雲大師清滿啓白清滿謝
恩罷乃曰 帝苑春光皇家啓會萬乘既登於
舜殿兩街獲奉於堯眉爰當和育之辰正是闡揚之
日宜談祖道上副 宸衷謹白
師遂陞座拈香祝 聖畢敷坐華嚴禪師白槌云法
筵龍象衆當觀第一義師云邇來白槌甚好消息還
有證據者麼出來對聖人前試通吐看時有宣教大
師問滿目盡觀銀世界未審普賢在什麼處師云猶
似對面不識僧曰六牙白象空中立 萬乘君王坐
寶臺師云帝網重重向此開師復云古佛堂中曾無

異說流通句內誠有多談得之妙用無虧失之觸途成滯。所以溪山雲月且處處以同風水鳥樹林亦頭頭而顯道。若於迦葉門下直得堯風蕩蕩舜日明明。野老謳謳漁人鼓舞當此時節純樂無爲久瀆。聖聰伏惟珍重。問諸佛出世利濟群生。倪座師登將何拯濟師云。山高海闊。僧曰。花發無根。樹魚跳萬仞。峰師云。新羅國裏。僧曰。慈舟不棹。清波上劍峽。徒勞放木鷄。師曰。脫却衣裳。臥荆棘。僧曰。人將語試師云。慣得其便。僧拈掌。師云。更踉蹌。問。觸棹不停時。如何。師云。清波箭急。僧曰。恁麼則移舟。諸水勢舉。棹別波瀾。師云。濟水過新羅。僧曰。古佛位中。留不住。夜來依舊宿蘆花。師云。兒童不識十字街。問聖君御。項親頒賜和尚。將何報此恩。師云。兩手托地。僧曰。恁麼則一人有慶兆。民賴之。師云。半尋拄杖攪黃河。問坐斷毗盧頂。不稟釋迦文。猶未是學人行業。如何是學人行業。師云。祈願望明月。僧以手便拂。師曰。作什麼。僧忙然。師云。賺却一船人。師云。若論佛法。兩字是加增之辭。廉纖之說。諸人向遮裏承當得盡。是二頭三手。譬如金

屑雖實眼中著一點不得。若是本分衲僧。纔聞舉著此事。便一擺擺斷不受纖塵。塵獨脫自在。最爲親的。然後便能在天同天。在人同人。在僧同僧。在俗同俗。在凡同凡。在聖同聖。一切處出沒自在。並拘檢他不得。名邈佗不得。何也。爲渠能建立一切法。故一切法要且不是渠。渠既無背面。第一不用妄與安排。但知十二時中。平常飲啄快樂。無憂祇此相期。更無別事。所以古人云。放曠長如癡兀人。佗家自有通人愛。

上堂云。文殊寶劍得者爲尊。乃拈拄杖云。淨因今日恁麼直得千聖路絕。雖然如是。猶是矛盾相攻。不犯鋒銳。如何運用。良久云。野蒿自發。空臨水江鷺初歸。不見人參。

上堂云。太陽東昇。襟破大千之暗。諸人若向明中立。猶是影響相馳。若向暗中立。也是藏頭露影。漢到遮裏作麼生吐露。良久云。逢人祇可三分語。未可全拋一片心參。

上堂云。世法裏面迷却多少人。佛法裏面醉却多少人。祇如不迷不醉。是什麼人分上事。

上堂云。言鋒纔擊。義海交深。若要徑截一路。各請歸堂。

上堂云。應物現形。如水中月。遂拈起拄杖云。遮箇不是物。卽今現形也。且道。月在甚麼處。良久云。長空有路。還須透潭底。無蹤不用尋。擊香臺一下。

上堂云。白日東上。白日西落。急如投壺。閑寥廓。神龍一舉透無邊。纖鱗猶向泥中躍。靈燄中休湊泊。三歲孩童。豎四角參。

上堂良久。舉起拳頭云。握拳則五嶽倒卓。展手則五指參差。有時把定佛祖。關有時托開千聖。宅今日遮裏相呈。且道。作何使用。拍禪牀一下云。向下文長。付在來日。

天台赤城山用良禪師問三門與自己。是同是別。師云。八兩移作半斤。僧曰。怎麼則秋水泛漁舟。師云。東家點燈。西家覓油。僧曰。山高月上遲。師云。道什麼。僧曰。莫瞌睡。師云。入水見長人。

臨江軍有文禪師。上堂云。建山寂寞。坐倚城郭。無味之談。七零八落。以拄杖敲香臺下座。

福州雪峯象敦禪師問。如何是佛。師云。火照魚行。僧曰。如何是法師。云。唐人譯不出。僧曰。佛法已蒙師指示。未審畢竟又如何。師云。臘月三十日。

杭州靈隱山雲知慈覺禪師問。一佛出世。各坐一華。和尚出世。有何祥瑞。師云。白雲橫谷口。僧曰。光前絕後。師云。錯。僧曰。大眾證明。師云。點問。如何是道。師云。什麼道。僧曰。大道師云。欲行千里。一步爲初。僧曰。如何是道中人。師云。西天駐泊。此土都監。僧禮拜。師云。咩咩。問。如何是佛。師云。筇州九節杖。僧曰。如何是向上事。師云。向上卽且致。佛話作麼生。會僧擬議。師云。幾合放過。

上堂云。日月雲霞爲天標。山川草木爲地標。招賢納士爲德標。閑居趣寂爲道標。乃拈拄杖云。且道遮箇是什麼標。會麼。拈起則有文。有彩。放下則纈纈。磕磕。直得不拈不放。又作麼生。良久云。扶過斷橋水伴。歸明月村。

上堂云。秋風起。庭梧墜。衲子紛紛看祥瑞。張三李四。竇瞞虛。拾得寒山爭賤貴。覲面相。訓更無難。易四衢。

道中棚欄瓦市。富塞虛空。普天大地。任是臨濟赤肉團上。雪老南山。鼉鼻玄沙。見虎俱胝。舉指一時拈來。當面布施。更若擬議。千山萬水。復云過。

明州金鵝山靖旻禪師問禪客相逢合談何事。師云。德山令行。僧曰。早知今日。事悔不愼。當初師云。人無遠慮。

雲居山守億禪師上堂云。馬祖纔陞堂。雄峰便卷席。春風一陣來。滿地花狼藉。

婺州西塔殊禪師問知師已受請家風。略借看。師云。風搖寒木。僧曰。怎麼則石上橫筇。坐茶餘看日。低師云。葉落秋江。

婺州承天惟簡禪師問佛與衆生。一是二。師云。花開滿木。紅花落萬枝。空僧曰。畢竟是一是二。師云。唯餘一朵在。明日恐隨風。問。如何是吹毛劍。師云。星多不當月。僧曰。用者如何。師云。落僧云。落後如何。師云。觀世音菩薩問。如何是和尙家風。師云。理長。卽就僧曰。如何領會。師云。輪雉不成。鷄問。開口卽失。閉口卽喪。未審如何。說師云。舌頭無骨。僧曰。不會。師云。對牛。

彈琴問山河大地與自己同。別師云。灸病不得。穴僧曰。畢竟是同。是別。師云。買帽相頭。師云。夫遮那之境界。衆妙之玄門。知識說之而莫窮。善財酌之而不竭。文殊體之而寂寂。普賢證之以重重。若也隨其法性。如雲收碧漢。本無一物。若也隨其知用。似花開春谷。應用無邊。雖說徧恒沙。乃同遵一道。且問諸人作麼生。是一道。良久云。白雲斷處見明月。黃葉落時聞擗衣參。

上堂云。頭不戴天。足不履地。鼻不嗅香。舌不了味。塞却咽喉。何處出氣。良久云。寒來向火。困來眠。誰言總別兼同。異參上堂云。莫離蓋纏。莫求佛祖。去此二途。以何依怙。江淹夢筆。天龍見虎。古老相傳。月不踰五。參上堂云。一刀兩段。埋沒宗風。師子驪身。拖泥帶水。直饒坐斷十方。不通凡聖。脚跟下。好與二十拄杖。上堂云。拈一放一。妙用縱橫。去解除。玄收。凡破聖。若望本分草料。大似磨礪。作鏡。請僧家合作麼生。良久云。寔上堂云。順也是逆。也是逆。順交參。眞至理。若人於此。擾休功。猶指化城爲寶地。參。

杭州臨安九峰淨土鑒韶禪師問承聞和尚是勸潭嫡子。是否。師云是。僧云還記得當時得力句麼。師云記得。僧曰請舉看。師云左手握拳右手把筆問承師有言君子可入意旨如何。師云披衣入市去刺髮上山來問羶羊未挂角時如何。師云雄喚雌鳴。僧曰挂角後如何。師云一文兩箇。僧曰此莫是和尙見處也。無師云不用禮拜問藥山不許看經意旨如何。師云夜半點燈毬。

上堂云山僧說禪恰似虵蟻吐油捏著便出若不捏著一滴也無何以故。祇爲不曾看讀得古今因緣及預先排疊勝妙見知等候陞堂便磨唇縮背將粥飯氣熏炙諸人。凡有一問一答蓋不得已。豈獨山僧看佗大通智勝如來默坐十劫無開口處後因諸天梵天及十六王子再三勤請方始說之却不是秘惜祇爲不敢埋沒諸人。山僧既不埋沒諸人不得道山僧會陞座參。

洪州壽聖普訓禪師問朝蓋已臨於法會還有西來意也。無師云上士由山水間說佛說法殃及兒孫演

妙談玄野狐群隊離此二途如何爲人師。云一箇不得兩箇又多。僧曰一葉落天下秋。師云谷秀花鋪錦。僧曰不因舉棹爭見漁人。師云將謂胡鬚赤。筠州洞山永孚禪師上堂云棒頭挑日月木馬夜嘶鳴拈拄杖云雲門大師來也卓一下云炊砂作飯看井作袴。

金陵廣慧遇新禪師問師是誰家嫡子甚處兒孫。師云將謂是仙陀。僧曰親見勸潭來。師云更請問傍人問如何是道者家風。師云看樓打樓。僧曰爲什麼東行不見西行。利師云拈頭作尾拈尾作頭還我第三段來。僧禮拜。師云昨昨問佛未出世時如何。師云脚前脚後。僧曰出世後如何。師云恰似不齊。

令滔首座參勸潭懷澄禪師。澄一日問祖師西來畢傳心印直指人心見性成佛子作麼生。會滔云某甲不會。澄却問子未出家時作箇什麼。滔曰牧牛。澄曰作麼生。牧滔曰早朝騎出去晚後復騎歸。澄曰子大好不會。滔於言下忽然大悟遂成頌云放却牛繩便出家剝除鬚髮著袈裟有人問我西來意拄杖頭挑

蘇哩囉

筠州洞山自寶妙圓禪師法嗣

筠州洞山鑒遷禪師問如何是新豐一曲師云自歌自詠深雲裏僧曰誰是知音師云閑坐閑行古洞中問王侯請而不去和尚去時如何師云官差不自由僧曰終是涉廉纖師云棒頭有眼僧曰便請師云慣釣長鯨耻看跛鱉

筠州洞山清辯禪師問百丈得大機黃蘗得大用未審和尚得箇什麼師便喝僧亦喝師便打僧曰爭奈大眾眼何便歸衆師噓噓

舒州海會通禪師法嗣

隨州水南太平興國文秀禪師問如何是祖師西來意師云拄杖子問如何是水南境師云隨峯山色秀遍地百花開僧曰如何是境中人師云迦葉擎拳阿難合掌

復州北塔思廣禪師法嗣

荊門軍當陽縣玉泉景德禪院承皓禪師姓王氏眉州丹稜人也依大力院出家登具遊方參復州北塔

廣禪師發明心要得大自在三昧製赤牘鼻書歷代

祖師名而服之曰唯有文殊普賢猶較些子且書於帶上自是諸方曰皓布褐初住郢州大陽師在谷隱受大陽請上堂云山僧在谷隱十年不曾飲谷隱一滴水嚼谷隱一粒米汝若不會來大陽與汝說攜拄杖下座僧入室次狗子在室中師叱一聲狗子出去師云狗却會爾不會問如何是佛師云截斷脚跟僧曰如何是法師云掀爾腦蓋師云晷運推移布褐赫赤莫怪不洗無來替換下座上堂云粥稀後坐牀窄先臥耳聾愛聲高眼昏宜字大珍重師於元祐六年十二月二十八日示寂門人圍遶師笑曰吾年八十一老死昇屍出兒郎齊著力一年三百六十日言畢而逝

蘇州翠峯慧顯禪師法嗣

杭州廣果擇能禪師問師是誰家嫡子甚處兒孫師云適來拈香了也僧曰怎麼則親見翠峯來師云相悉人難得

蘄州四祖山端禪師法嗣

福州廣明常委禪師問知師久蘊囊中寶今日當場
略借看師云看僧曰恁麼則謝師指示師云等閑垂
一鈞容易上鈞來

潭州雲蓋山志願禪師法嗣

雲居山文慶海印禪師問雲門一曲師親唱北斗藏
身事若何師云險僧曰學人未曉請師再指師云仰
面看青天問如何是祖師西來意師云少林一隻履
問如何是函蓋乾坤句師云合僧曰如何是隨波逐
浪句師云闊僧曰如何是截斷衆流句師云窄問佛
意祖意卽不問如何是和尙家風師云上拄天下拄
地僧曰莫祇遮便是麼師云錯上堂云隨波逐浪舉
世皆是知音截斷衆流天下罕逢作者遂拈拄杖擊
香臺一下云大衆還會麼若向遮裏透得石壁山河
不相隔礙十方刹土廓爾皆通舉目則覩破三十三
天颯然粉碎動步則踏翻金剛水際消滴不留向葛
藤窠裏橫身且無繫絆於荊棘林中擺手不挂鋒銳
叱起陝府鐵牛耕破坤維大地喚取嘉州大像把住
日月星辰輓轉太虛橫鋪世界以東爲西將南作北

釋迦性命尙自不存祖師眼睛那堪更用如今忽有
箇衲僧出來慕口一搥掀倒禪牀觸道雲居還肯佗
也無肯與不肯一切分付德山臨濟遂喝一喝以拄
杖卓一下上堂云道本無爲法非延促一念萬年千
古在目月白風恬山青水綠法法現前頭頭具足祖
意教意非直非曲要識廬陵米價會取山前麥熟以
拂子擊禪牀下座上堂云馬師卽心卽佛大似埋轡
釘橛牛頭橫說豎說宛如枝上生節欲識佛祖性義
會取春寒秋熱拍繩牀下座

明州上方齊岳禪師法嗣

越州東山國慶順宗禪師問師唱誰家曲宗風嗣阿
誰師云一人傳虛萬人傳實僧曰恁麼則大梅嫡子
也師云重言不當吃師云心生則種種法生心滅則
種種法滅拈起拄杖云此箇是法那箇是滅底心若
人道得許備頂門上具眼其或不然雲暗不知天早
晚雪深難辨路高低參

潤州金山瑞新禪師法嗣

湖州天聖楚祥禪師問芙蓉堂上已焚海岸之香師

子座前願聽胡家之曲師云風來金殿冷僧曰今日得聞於未聞師云雪覆玉堦寒僧曰恁麼則淵明空負勿絃琴宋玉徒勞誇白雪師云休言千歲竹將比萬年松師云天地爲橐籥動而有應故春則和融夏則煩熱秋則微涼冬則凝結以至群類人倫各徇其性蓋一氣之所致然雖如此賢者太賢愚者愚温州極樂用基禪師問如何是太平境師云幾竿翠竹侵雲漢一派清流入慎江僧曰如何是境中人師云左眼半斤右眼八兩

湖州天聖守道禪師問騎虎頭把虎尾中間事作麼生師云喫棒僧曰三十年後有人舉著在師云鈍致殺人師云日月繞須彌人間分晝夜南閩浮提人祇被明暗色空留礙且道不落明暗一句作麼生道良久云柳色黃金嫩梨花白雪香參

衡州北禪智賢禪師法嗣

潭州興化崇辯禪師諱紹銑泉州人也生有奇相遂捨出家受具遊方徧趨禪室罷歷江表遠入湘川參北禪賢禪師深蒙印決一住興化四十餘年提唱祖

道建立佛事海量包納大度規模福慧兼濟近世希有大丞相章公惇昔安撫荆湖見師器重特奏神宗皇帝賜棧服師名及隨身度牒其旌異如此問如何是瀟湘境師云會春園裏遊春會明月池邊玩月明僧曰如何是境中人師云錦袍公子猶嫌冷更有樵夫跣足行僧曰人境已蒙師指示向上宗乘事若何師云勸君不用鑄頑石路上行人似碑師拈拄杖云一大藏教是拭不淨故紙超佛越祖之談是誑說閭閻漢若論衲僧門下一點也用不得作麼生是衲僧門下事良久云多虛不如少實擊香臺一下江州法昌倚遇禪師黃龍南禪師經過師上堂拈拄杖示衆云若向遮裏會去是頭上安頭若也不會又是斬頭覓活汝等諸人且作麼生承當雖然如是法昌今日恁麼舉唱也是看人祇揖觀馬提鞭本分宗匠面前是何言歟且道本分宗匠具何高見良久云雲開山色秀雨過澗流清

廬山開先善暹禪師法嗣

雲居山佛印禪師諱了元姓林氏饒州浮梁人也至

道壬申六月六日誕生祥光上燭鬚髮爪齒宛然具體風骨爽拔孩孺異常發言成章語合經史閭里先生稱曰神童年將頂角博覽典墳卷不再舒洞明今古才思俊邁風韻飄然志慕空宗投師出家試經圓具感悟夙習卽徧參尋遠造廬山開先暹禪師法席投機印可叢林拔萃出爲宗匠三十餘年九坐道場四衆傾向搢紳碩儒咸欽道望名動朝野神宗皇帝宣賜高麗磨納金鉢以旌師德元符元年元正七日寫偈坐滅本山餘如知院大尉蔣公之奇塔記問祖意教意卽不問靈山微笑意如何師云知時別宜僧曰恁麼則國清才子貴家富小兒嬌師云因逢桃李樹憶著故園春僧曰不因漁父引爭得見波濤師云且莫錯會問如何是諸佛說不到底法師云蟻子解尋腥處走蒼蠅偏向鼻邊飛僧曰學人未曉請師再指師云九萬里鵬從海出一千年鶴遼天歸問如何是佛師云木頭雕不就僧曰恁麼則皆是虛妄也師云梵音深遠令人樂聞問如何是城裏佛師云倚門倚戶僧曰如何是村裏佛師云食麻食麥僧曰如

何是山裏佛師云依草附木問如何是祖師的意師云不出此問問如何是不方不圓底句師云上不到天下不到地僧曰如何是句中玄師云村人弄駱駝僧曰如何是意中玄師云唯佛與佛乃能知之僧曰如何是用中玄師便打問達磨九年面壁意旨如何師云閉口深藏舌僧曰學人未曉師云一言已出驢馬難追無畏居士問師借楞伽經師云經涉文字不如一棒一喝便了去好士云雖然棒喝猶是第二月師云今日遭人點檢問大修行人還入地獄也無師云在裏許僧曰大作業人還上天堂也無師云毆跳不出斗僧曰恁麼則鑊湯爐炭吹教滅劒樹刀山喝使摧師云自作自受師云適來禪客出衆禮拜各以無量珍寶布施大衆又於面門上放大光明照耀乾坤令諸人普得相見於此明得可謂十方諸佛各坐其前常爲勞生演說大法豈假山僧重重注破如或未然不免橫身徇物乃按拄杖云萬般草木根苗異一得春風盡放花

上堂云徧十方周法界無相光中常自在更無絲髮

可商量。彌勒文殊。閑買賣。釋迦慳迦葉。富黃金白玉。
如泥土。善財不識樓閣門。忽拈拄杖云。撞著燈籠象。
露柱擊禪牀。下座。

上堂云。人間寒食。洞裏花開。遊蜂與胡蝶。爭飛鷺子。
共黃鸝對語。玄沙老漢却道。深談實相善說法。要好。
熱杜撰。雲居則不然。一翳在目。空花亂墜。久立。

上堂云。時當孟夏。節屆朱明。山花結子似垂珠。巖樹。
成陰張翠幄。鷲狂陌上。斷送殘春。鶯語梁間。留連過。
客。是田父移苗之日。乃禪流禁足之辰。休將拄杖向。
肩挑盡。把鉢囊高挂起。而況閻浮路上。須知生死劫。
長。天宮快樂。易輪迴。地獄煎熬。多苦楚。筭來萬事。祇。
在寸心。今日與諸人。一時休歇。作麼生。是上座休歇。
處。良久云。雲滿諸峯。雨未收。牧童吹笛倒騎牛。曲中。
便是昇平樂。世上千般逐水流。

上堂云。江湖本靜。因風而波浪。俄生日月長存。觸霧。
而光明。遂昧諸人欲得風恬水湛。霧卷天空。各請歸。
堂。不用久立。

上堂云。寒風撼竹聲。乾水凍魚行。蒞林疎鳥宿。難。

早是嚴霜威重。那堪行客衣單。休思紫陌山千朵。且。
擁紅爐火一攢。放下茱萸空中竹。檣倒却迦葉門前。
刹竿直下更云。不會筭來也大無端。參。

東京大相國寺智海正覺禪師諱本。逸姓彭氏。福州。
人也。九歲出家。遇普度不受後。比試爲僧。志慕游方。
卽造開先暹禪師法席。入室。暹舉達磨傳法偈。因而。
開悟。初住饒州薦福。雲徒臻集。神宗皇帝詔住智。
海。賜號正覺。朝中搢紳益欽道望。開堂日。神宗皇帝。
遣中使降香師謝恩。畢登座拈香祝延聖壽。
罷乃敷坐。淨因淨照禪師白。槌竟師普視大眾云。龍。
樓與鳳闕。巍峨瑞氣同。祥雲鬢鬢於是觀得十方佛。
土不行而至。百千三昧無作而成。苟不然也有疑請。
問問。慧林纔盛。巾地垂陰。智海旣通。將何接引。師云。
言猶在耳。僧曰。爭奈學人未曉。師云。不妨剎利。問入。
門問諱。卽且致入國觀光事。若何。師云。一逢天子。
聖總。是太平年。僧曰。太平後如何。師云。梯山航海。納。
壁獻琛。僧曰。皇風蕩蕩。帝道平平。師云。老僧不如上。
座。問三千里外蒙丹。詔未審將何報。國恩。師云。

作驢作馬。僧曰：粉骨碎身未足酬一句了然超百億。師云：牽犁拽杷。僧曰：石人嶺上呵呵笑。木女谿邊屢點頭。師云：不知是不是。若是也大奇。師云：諸菩薩子，欲識佛性義，當觀時節因緣。何也和風習習，揭開細柳之眉；春日遲遲，烘轉黃鸝之舌；庭花似錦，汀草如茵；蝶舞蜂吟，漁歌樵唱，鐘梵與管絃合雜，儒流同釋子相參。古今一致，左右逢原。如是則窺一塵而十方俱現，聆一音而沙界齊聞。談玄演妙而靡異，凡倫千變萬化而不離真際。頭頭有據，物物無私，不假躊躇，炳然自著。直饒於斯見得，個儻分明如晝。見日若向衲僧門下，天地懸殊。所以道：不要二乘要祖宗，三乘不要爲君通。君今要出三乘，學後夜緩啼在衆。峯臣僧奉勅開堂，舉揚宗旨。伏願皇帝陛下位齊北極，壽比南山。邦歌有道之君，民賀無私之化。久立衆慈，伏惟珍重。問：如何是佛師？云：東涌西沒。僧曰：如何是道師？云：七顛八倒。僧曰：如何是法師？云：備問我答。僧曰：如何是禪師？云：不方不圓。僧曰：便恁麼會時？如何師云：剗利人難得。問：祖意西來如何？舉唱師云：風

吹黃葉落，片片覆庭莎。僧曰：竹密不妨流水過，山高豈礙白雲飛。師云：反蟻難尋穴，歸禽易見窠。僧曰：便恁麼會時？如何師云：鷄子過新羅，問十方同聚會，箇箇學無爲。如何是無爲？師云：飢喫飽，喜僧曰：遮箇是有爲。師云：山僧年邁，僧曰：也有些。子師云：略略問如何是佛法大意？師云：鹿野苑中談四諦，僧曰：未審意旨如何？師云：末頭先度五俱輪，問古鏡未磨時如何？師云：青青河畔草，僧曰：磨後如何？師云：鬱鬱園中柳，僧曰：磨與未磨是同是別？師云：同別且致，還我鏡來。僧擬議，師便喝。師云：開口是合口，是合口是，跟下無妨。更著鼻開口，錯合口，錯眼與鼻孔都拈却。佛也打祖也打，真人面前不說假佛也安祖也安，衲僧肚皮似海寬，此乃一出一入，半合半開。是山僧尋常用底，敢問諸禪德：利竿因甚，頭指天？力士何故，揜起拳？良久云：參上堂云：我有遮一著，人人口裏嚼，嚼得破者速須吐却，嚼不破者翻成毒藥。乃召諸禪德，作甚滋味？試請道看。良久云：醫王不是無方義，千里酥香象不回。上堂云：春雨微微繼日以時，庭花欲發未發，原草將

披未披嶺上泥牛頻吼林間木馬長嘶堪笑老盧無
志氣貪佗衣鉢夜奔馳自從龍朔星霜後殃及兒孫
知不知喝一喝下座

上堂云翻手爲文覆手爲武且執單刀堵礙伏事不
翻不覆文武雙全坐籌帷幄之間決勝千里之外無
明羅刹活捉生擒生死魔軍冰消瓦解直得 皇風
蕩蕩 帝道平平統三界以爲家作四生之恃怙正
當此時且道功歸何處良久云大勳不立賞柴扉草
自深

上堂拈拄杖云遮拄杖在天也與日月並明在地也
與山河同固在王侯也以代蒲鞭在百姓也防身禦
惡在衲僧也畫橫肩 upper 度水穿雲夜宿旅亭攢門拄
戶且道在山僧手裏用作何爲要會麼有時放步東
湖上與僧遙指遠山青擊繩牀下座

廬山萬杉善爽禪師問如何是萬杉境師云萬株杉
下千尋竹僧曰如何是境中人師云老僧叉手對闍
黎問佛法大意請師指示師云崑崙頭戴華山尖師
云古卽今卽古家家窻下有諸祖文殊示現滿山

川自是時人不能悟大衆且道悟箇什麼咄晚參侍
者度拂子與師師云百丈昔因拈起悟始覺蒸餾是
麪做禪人到此莫商量向道僧堂對厨庫復云經有
經師論有論師律有律師教老僧說箇什麼良久云
春因歸堂打睡

龍州天章寺元楚寶月禪師問如何是佛師云番人
不著袴僧曰學人未曉師云道士却簪冠僧曰向上
更有事也無師云有僧曰如何是向上事師云月似
彎弓少雨多風問如何是祖師西來意師云南人性
獠僧曰意旨如何師云北海浪麤問如何是佛法大
意師云一年三百六十日僧曰便恁麼會時如何師
云還道十萬不足遠僧曰畢竟如何師云飯來開口
困展脚問祖師西來卽不問蠟人輕重事如何師云
八兩依前是半斤僧曰學人未審以何爲驗師云瞎
師云煥然善法堂巍然師子座或問天章具什麼眼
便踞此位天章答曰無它也三十年前向無寸草處
逢箇無舌底漢授得一無生寶丹大包天地細入無
間雖有萬婁之明視之不能見其形雖有師曠之聰

聽之不能聞其聲。嗅之莫辨其香。舐之莫識其味。半合半開。成團成塊。一吞于腹。亦三十年不歷漸次。不由地位。直坐毗盧之頂。下視十方國土。若菴摩勒果。指于掌中。更說什麼善法之堂。師子之座。可不可乎。然雖如此。猶是建化門庭。若據衲僧門下一點也用。不著且道。衲僧有什麼長處。良久云。臘雪消未盡。春風依舊來上堂。云。鼓聲錯落。山色崔嵬。本既不有。甚處得來。良久云。高著眼。

洪州壽聖元舜禪師問魚未成龍時如何。師云。生風起浪。僧曰。成龍後如何。師云。興雲致雨。僧曰。般若無根。如何掘鑿。師云。鐵樹生花。

筠州洞山慧圓禪師問遠離廬阜將屆新豐不涉程途。請師便道。師云。山僧今日倦。僧曰。知識方便在什麼處。師云。瞎僧便喝。師云。猶未省在。師云。學非稽古道。媿當時。俛仰無門。乃隨衆意。古人道。無事上山行。一轉借問時人會也。無抵如老僧與諸人從廬阜來。遇夜便宿。逢曉便行。直至此間。一脚在前。一脚在後。如今各各高挂鉢囊。閣却拄杖。更有什麼事可會。然

雖如是。若不登樓望焉。知滄海深。

廬陵禾山楚才禪師法嗣

衡州北禪慧雲禪院昇禪師問四衆已臨申請命。願師爲衆便敷揚。師云。道什麼。僧曰。得遇作家。師云。山僧未曾答話。僧噓噓。師云。龍蛇易辨。衲子難瞞。問師離顯親。爾若來居北禪道場。如何是不動尊。師云。今日行十五里。僧曰。恁麼則三轉法輪。師云。有什麼交涉。僧曰。畢竟如何。師云。緊峭草鞋。僧禮拜。師云。眞師子兒。師云。三伏炎。炎。日輝。少林密意。露囊雖於茲未曉。重提撥。鷲雀梁間語。細微此意。知音同道。契泐流禪客。若爲知。山僧如此。葛藤語。碧眼胡僧笑。皺眉參上堂。云。猿啼碧嶂。雀噪簷間。秋風乍扇。於長天暑氣漸消。於郊野庭莎露滴。溪草含煙。堯年而禾稼豐登。野老而相逢共唱。諸高德。既然如是。山僧更不可重說。偈言上堂。咄。超佛祖。拈禪牀。一下云。聖凡絕與麼會。猶未徹。大衆畢竟如何。三冬將欲盡。未若有霜雪參。

澧州報恩禪院紹端禪師問如何是禪。師云。一僧曰。

百丈巖前還有路也。無師云。有僧曰。蒙師指示。師云。雲生嶺上。師云。若論祖師玄旨。可謂平地起堆。更問如何。箭過新羅。久立。

撫州曹山寶積院雄禪師問。如何是佛師。云。寒猫不捉鼠。問。一塵一佛國。一葉一釋迦。學人如何。下足師云。大地草漫漫。僧曰。謝師答話。師云。明眼人難瞞。僧曰。大衆一時記取。師云。曹山今日失利。問。法雷一震。龍象四來。如何。行令師云。清風不會儂家意。吹散白雲。撥亂飛僧曰。學人還有安身立命處也。無師云。脚踏實地。

上堂云。善應群方。萬機叢湊。相逢相見。卽不問。偏拈匙把。爲什麼道不得。良久云。曹山今日失利。上堂云。山不青。水不滌。南北東西無下足。白雲片片嶺頭飛。夜來却入蘆花宿。參上堂云。千江競湊。萬派同源。寶月騰輝。光分沙界。山河大地。明暗自殊。坐臥經行。何人分上。其中莫有言語道斷。函蓋相應底。衲僧麼。出來與曹山相見。時有僧出。方禮拜。次師云。大衆分明記取話頭。

澧州欽山悟勤禪師法嗣

鼎州梁山應圓禪師問。如何是佛師。云。寸步千里。僧曰。便與麼時。如何。師云。江山重疊。問。如何是超佛越祖之談。師云。喫粥喫飯。

建中靖國續燈錄卷第六

建中靖國續燈錄卷第七

〔宋刻〕

東京法雲禪寺住持傳法佛國禪師臣惟白集

對機門

南嶽懷讓禪師第十二世

潭州興化禪院慈明禪師法嗣

洪州黃龍山崇恩惠南禪師。姓章氏。信州玉山縣人。也。生而神異。童稚不群。道蘊夙機。發言駭衆。長依懷玉寺出家。受具。徧歷叢林。皆推上首。雲徒仰慕。領衆遊方。晚造慈明禪師法席。投誠入室。明拒之。三四方諾。咨參。遂問。十二時中。喫粥喫飯。卽不問。汝拈匙把筴。一句作麼。生道師卽語。對不契。其旨明。遂喝出師。

玉上一有寶字

擬跨門豁然大悟。尋以趙州勘婆子因緣成頌呈明。明爲印證。益契玄旨。請住同安。歸宗黃蘗黃龍臨濟宗枝大盛。

開堂日上首白槌罷。師云。噫。好箇第一義。幸自完全。剛被維那打作兩橛。有人接得麼。顧視大眾云。若接不得。山僧拈頭作尾。切須著眼。問寶座已登於鳳嶺。宗風演唱嗣何人。師畫一圓相。僧曰。石霜一派流入江西。師云。杲日當天。盲人摸地。問如何是同安境。師云。看不得。僧曰。如何是境中人。師云。無面目。問作家不啐啄。啐啄不作家。大眾臨筵。請師作家相。見師垂一足。僧曰。談裏尋冰。雪水下火。燒天師乃收足。僧曰。大眾證明。直善知識。師云。同安不著便。闍梨不著便。僧曰。此猶是兩家共用。掣鼓奪旗。事作麼生。師擲下拂子。僧曰。同安今日瓦解冰消。師呵呵大笑云。有輪有贏。問如何是佛師。云。向汝道。汝不信。僧曰。請師指示。師云。合取狗口。問不求諸聖。不重已靈。未是衲僧分上事。如何是衲僧分上事。師云。三十年來罕逢此。問僧曰。孤負諸聖去也。師云。話也未答。何言孤負僧。

拈掌一下。師吽放過。卽不可問。儂家自有同風事。如何是同風事。師良久。僧曰。恁麼則起動和尚去也。師云。剎利人難得。

有僧纔出禮拜。師云。未得問話。其僧乃退。師云。將謂是打陳將軍元來是行間小卒。不見個過好好問來。問無爲無事人。猶是金鎖難未審有什麼過。師云。一字入公門。九牛拔不出。僧曰。學人未曉。乞師方便。師云。大庾嶺頭笑。却成哭。問滴水滴凍時如何。師云。未是衲僧分上事。僧曰。如何是衲僧分上事。師云。滴水滴凍。問牛頭未見四祖時爲甚。百鳥銜花。歎師云。釘根桑樹。闊角水牛。僧曰。見後爲甚麼不銜花。師云。襯無襠袴。無口。

師云。未登此座一事也。無纔登此座。便有許多問答。敢問大眾。一問一答。還當宗乘也。無答言當去。一大藏教。豈無問答。爲什麼教外別行。傳上根輩。若言不當。適來許多問答。圖箇什麼。行脚人當自開眼。勿使後悔。若論此事。非神通修證之能到。非多聞智慧之所談。三世諸佛。祇言自知。一大藏教。詮註不及是故。

靈山百千萬衆獨許迦葉親聞黃梅七百高僧衣鉢分付行者豈是汝等貪淫愚執勝負爲能夫出家者須秉丈夫決烈之志截斷兩頭歸家穩坐大開門戶運出自已家財接待往來賑濟孤露方有少分報佛恩德若不然者無有是處以拂子擊禪牀下座

上堂云橫吞巨海倒卓須彌衲僧面前也是尋常茶飯行脚人須是荊棘林內坐大道場向和泥合水處認取本來面目且作麼生見得遂拈拄杖云直饒見得未免山僧拄杖

上堂云擬心卽差動念卽乖不擬不動土木無殊行脚人須得轉身一路遂拈拂子云遮箇是山僧拂子汝等諸人作麼生轉若也轉得一爲無量無量爲一若轉不得布袋裏老鴉雖活如死

上堂云未到鷺峯一事全無泊到鷺峯便有進前將虎鬚之客退後把虎尾之人殊不曉未行已行之令故大覺禪師唯得徧行一著臨濟德山祇是互用二機便云法道周流大似拗曲作直所謂棒喝截斷猶若以金博鎗直饒東注要流南唱北和亘古亘今且

未有當頭道著作麼生是當頭一句良久云割

上堂云山僧有時正路行或時草裏走汝等諸人莫見錐頭利失却鑿頭方不見古者道開不能遮勾賊破家當斷不斷返遭其亂

上堂云聖凡情盡體露眞常拈起拂子云拂子踣跳上三十三天扭脫帝釋鼻孔驢唇先生拊掌大笑道盡十方世界覓箇識好惡底入萬中無一擊禪牀一下

上堂云山僧今日在汝諸人眉毛上坐轉大法輪還有人見麼見與不見是什麼說話好好參堂去莫築著露柱

上堂拈拄杖云橫拈倒用撥開彌勒眼睛明去暗來敲落祖師鼻孔當是時也目連鷺子飲氣吞聲臨濟德山呵呵大笑且道笑箇什麼咄

上堂云洪波浩渺白浪滔天截流到岸之人端然忘慮短棹孤舟之客進退攢眉且道風恬浪靜一句作麼生道還有人道得麼若無人道得山僧布施個諸人良久云漁人閑自唱樵者獨高歌

德道此事如爆龜文爆卽成兆不爆成鈍爆與不爆直下便捏上蓋卽不然無固無必虛空走馬旱地行船南山起雲北山下雨遂拈拄杖云拄杖子變作天大將軍巡歷四天下有守節不守節有戒行無戒行一時奏與天帝釋乃喝一喝云丈夫自有衝天氣莫向如來行處行卓一下

上堂云捫空無迹追響無聞釋迦達磨謫向他方文殊普賢權爲小使汝等諸人向甚麼處安身立命所以道也有權也有要也有明也有暗也有照也有用也有賓也有主放過一著何不道取乃喝一喝卓拄杖一下

上堂云臨陣抗敵不懼生死者將軍之勇也入山不懼兇虎者獵人之勇也入水不懼蛟龍者漁人之勇也作麼生是衲僧勇拈拄杖云遮箇是拄杖子拈得把得動得觀音勢至一時搖動若拈不得把不得動不得文殊自文殊解脫自解脫參

袁州楊岐山普通禪院方會禪師袁州宜春人姓冷氏落髮於潭州瀏陽道吾山參慈明禪師頓悟祖意

出世楊岐次遷雲蓋大振臨濟宗風切授法衣乃拈起示衆云會麼若也未會今日無端走入水牯牛隊裏去也還知麼筠陽九岫萍實楊岐便陞座時有僧出師云漁翁未擲釣錦鱗衝浪來僧便喝師云不信道僧拈掌歸衆師云消得龍王多少風

開堂日上首白槌罷師云大衆落二落三了也諸人何不負丈夫志氣若不然者有疑請問如何是佛師云三脚驢子弄蹄行僧曰莫祇遮便是師云湖南長老問師唱誰家曲宗風嗣阿誰師云隔江打鼓不曾聞僧曰興化嫡子臨濟兒孫師云因齋慶讚問欲免心中開應須看古教如何是古教師云乾坤月明碧海波澄僧曰未審作麼生看師云脚跟下僧曰忽遇洪波浩渺時如何師云十字縱橫僧便喝拈掌一下師云看遮一員禪客僧曰打草蛇驚師云也要大家知問人法俱遣未是衲僧極則佛祖雙亡猶是學人疑處未審和尚如何爲人師云祇要勘破新長老僧曰恁麼則旋斫生柴帶葉燒師云七九六十三問古人面壁意旨如何師云西天人不曾唐言問如何

是祖師西來意。師云。人心隔肚鉢。口向天。

上堂云。霧罩長空。風生大野。百草枯木。作師子吼。演說摩訶大般若。三世諸佛在。爾諸人脚跟下。轉大法輪。若也會得。功不浪施。若也不會。莫道楊岐山勢險。前頭更有最高峯。上堂云。春雨普潤。滴滴不落。別處拈拄杖卓一下。云。會麼。九年空面壁。年老轉心孤。上堂云。不見一法是大過患。遂拈拄杖云。穿却釋迦老子鼻孔。作麼生。道得脫身一句。良久云。向道莫行山下路。果聞猿叫斷腸聲。上堂云。舉古人一轉公案。布施大衆。良久云。口祇堪喫飯。

上堂云。拍禪牀一下。云。祇箇心。心是佛。十方世界最靈物。釋迦老子說夢。三世諸佛說夢。天下老和尚說夢。且問諸人。還曾作夢麼。若也作夢。向半夜裏道將一句來。良久云。人間縱有真消息。偷向楊岐說夢看。上堂云。阿呵呵。是甚麼。僧堂裏喫茶去。上堂云。踏著錚錚硬似鐵。啞子得夢。向誰說。須彌頂上浪滔天。大洋海裏遭火。燕參上堂云。楊岐一要千聖同妙布。施大衆拍禪牀一下。云。果然失照。參上堂云。楊岐一言。

隨方就圓。若也擬議。十萬八千。上堂云。楊岐一語。呵佛叱祖。明眼人前。不得錯舉。上堂云。楊岐一句。急著眼。覷長連牀上。拈匙把筯。上堂云。楊岐無旨的。種田博飯喫。說夢老瞿曇。何處覓蹤跡。喝一喝。拍禪牀一下。

潭州道吾山興化悟真禪師問如何。是佛師云。洞庭無盡。問如何。是祖師西來意。師云。夜行人更多。僧曰。未審。意旨如何。師云。天曉路旁邊。師云。山前麥熟。廬陵米價。鎮州蘿蔔。更有一般。良久云。時挑野菜和根煮。旋斫生柴帶葉燒。

明州天童山清遂禪師問。叢林振譽久。仰師名祖裔。西來何人門下。師云。霜花披石秀。僧曰。昔日霜峯今朝鳳嶺。師云。別是一家春。僧曰。謝師指示。師云。一言已出。

金陵蔣山太平興國寺保心禪師問。月未圓時如何。師云。順數將去。僧曰。圓後如何。師云。倒數將來。問如何。是吹毛劒。師云。黑漆露柱。問聲色兩字如何。透得。師云。一手吹。一手拍。問如何。是道。師云。穿山蔣嶺。問。

如何是密室師云四通八達僧曰如何是密室中人師云南來北往上堂云夫鐘阜名壑龍蟠勝槩平川一帶游客尙迷絕壑千尋時人罕到若也到得去坐斷毗盧頂不稟釋迦文若也未到一任徧天台南嶽空腹高心喝一喝下座上堂云火裏蓮生海中塵起維摩默然文殊歡喜惹得天花徧地來空生淨虛彈指卓拄杖一下

金陵蔣山覺海禪師諱贊元婺州義烏縣傅氏子乃傳大士之裔也夙修種智隨願示生父母感祥閭里稱異頂角受具冠歲遊方遠造石霜陞於丈室慈明一見云好好著槽廠師遂作驢鳴慈明曰眞法器耳俾爲侍者二十年中運水般柴不憚寒暑悉已躬親求道事師少有如此後出世蘇臺天峯龍華白雲府帥請居志公道場提綱宗要機鋒迅敏解行相應諸方推伏大丞相王公安石重師德望特奏章服師名及有俸餘悉置物產供給禪衆公又堅辭鼎席樂遊鍾山約師蕭散林下清談終日此亦明世希有事也坐滅本山問大事顯揚於此日師將何物報君恩

師云玉樹果香千載端金輪光燭萬年輝僧曰不虛出世也師云青山饒得白雲多問如何是道師云南通州北入縣僧曰如何是道中人師云驢前馬後問如何是佛師云眼皮拖地僧曰如何是諸佛出身處師云驢胎馬腹問離却咽喉脣吻請師道師云波斯鼻孔不通風問魯祖面壁意旨如何師云住持事繁問路逢達道人不將語默對未審將什麼對師云前三後四問如何是大善知識師云屠牛剝羊僧曰爲甚麼如此師云業在其中問如何是和尙家風師云東壁打西壁僧曰客來如何祇待師云上樵井中水問摩騰西來即不問少林面壁意如何師云火中巢翡翠水上畫丹青僧曰還有向上事也無師云萬年松色轉宜霜

上堂云雲鎖千峯樵子迷出身之路風颺四海漁人尋回棹之津鴈過吳天遠人來信猿啼巴峽遊侶何傷而今勿謂行路難雪上加霜君好看毗上堂云久默斯要不務速說釋迦老子不惜手脚山僧擬欲說破筭來家配不可外揚

上堂云般若玄妙本自無生大用現前不論時節昨夜露柱現三頭六臂拈了須彌踏翻大海四天門王走向諸人眼睫裏藏身還知麼若也知去正是瞌睡知解若也不知拄杖子平生熟肺腸爲爾點開不睡底眼卓一下

上堂云瑠璃殿上唱出彌高碼碯堦前和來彌寡豈免舟橫野水棹殘孤煙雲月古今共同溪山南北各異是知雲門臨濟法眼洞山放去疆界倏然收來絕無矛盾頂門之眼切莫遲遲差之毫釐龍華會裏喝一喝上堂云遮箇若是如虎戴角遮箇若不是喚作什麼良久云餒餒餒馬珍重

上堂云風息浪平雨餘山翠樵歌越嶺漁唱湘灣聲聲互答韻清閑一曲中含千古意拍手一下大丞相荊國公證師重賢哉人也行厲而容寂知言而能默譽榮弗喜辱毀弗戚弗矜弗克人自稱德有緇有白來自南北弗勾弗逆弗抗弗抑弗觀汝華唯食已實孰其嗣之我有遺則

婺州太平興國禪寺載休禪師問師唱誰家曲宗風

嗣阿誰師云理長卽就僧曰怎麼則石霜嫡子師云且低聲問如何是祖師西來意師云一人傳虎萬人傳實問如何是道師云朝看東南暮看西北僧曰如何是道中人師云兩兩三三

筠州武泉山政禪師問如何是佛師云槍刺不入僧曰如何是佛法大意師云衣成人水成田問如何是前照後用師便喝僧曰如何是前用後照師亦喝僧曰如何是照用同時師又喝僧曰如何是照用不同時師隨後便打師云黃梅席上海衆千人付法傳衣確坊行者是則紅日西昇非則月輪東上參

明州香山蘊良禪師問馬祖陞堂百丈捲席意旨如何師云蚊子上鉄牛僧曰畢竟如何師云烏龜倒上樹僧曰古之今之師云放懶三十棒問如何是佛師云面赤不如語直問如何是透法身句師云利竿頭上舞三臺僧曰如何是接初機句師云上大人僧曰如何是末後句師云雙林樹下箇垂絲千尺意在深潭離釣三寸請師速道師云我道不得僧曰爲甚麼道不得師云謝子證明僧曰早知今日事悔不悞

當初師云龍生龍子。問百年暗室一燈能破時如何。師云撞牆撞壁。僧曰豈無方便。師云透七透八。問兩陣交鋒時如何。師云一得一失。問如何是學人轉身處。師云磨坊裏。師云曹溪浩渺。魚龍無處優游。多子峰高。鳥獸不能棲泊。且向江西路上。兩兩三三。韶石門前。出口入耳。不免分張遐邇。適莫親疎。可其旨者。麟角猶稀。乖其事者。稻麻非衆。到遮裏便是。氣衝牛斗。眼放電光。也是秦時轆轤。鑽咄上堂。良久呵呵大笑。云箇甚麼。笑佗鴻鵠冲天飛。烏龜水底逐魚兒。三箇老婆六隻爛金剛。背上爛如泥。阿呵呵。知不知。東村陳大耆。參上堂。云清淨法身無定度。走入蘆花深處去。箇中遇著王老師。無問無答亦無據。參蘇州南峯惟廣禪師。問如何是南峰境。師云嵯峨出群嶽。僧曰如何是境中人。師云分明領話。僧曰便是爲人處也。無師云弄潮須是弄潮人。師云一問一答。如鐘合響。似谷應聲。蓋爲事不獲已。且於建化門中放一線道。若據衲僧門下。天地懸殊。且道衲僧有甚麼長處。良久云盡日覓不得。有時還自來咄。

湖州報本澄說禪師。問師唱誰家曲。宗風嗣阿誰。師云石鼓振時。天地響。僧曰英靈之者已。囑師機味。識之流如何。領會師云玉峰危聳碧霄間。僧曰恁麼則霜溪嫡子。汾陽玄孫。師云人無遠慮。必有近憂。問如何是佛師。云寶殿豁開全體現。僧曰如何領會。師云玉爐香起大家看。

杭州淨慈志堅禪師。問如何是佛師。云慧日峯高。問向上一路。千聖不傳。達磨西來。當爲何事。師云爲不會者。僧曰恁麼。則今日小出大遇。師云果然。

潭州南嶽雙峯寺省回禪師。問如何是和尙家風。師云鳥道人歸後。雲生雨過時。僧曰今日親見雙峰。師云特地一場愁。僧退身拍一拍。師云記取話頭。師云青山疊疊。綠水滔滔。入理深談。如何話會。良久云伯牙雖會彈。須是子期聽。拍一拍上堂。云寒山把糞箕。拾得拈掃帚。寺主不知機。豐干笑破口。大衆還會麼。見月休觀指。歸家罷問程。拍禪牀下座。上堂云。南番人泛船。塞北人搖橈。波斯入大唐。須彌山作舞。是甚麼說話。師元豐六年九月十七日沐浴淨髮辭衆寫。

偈云九十二光陰分明對衆說遠洞散寒雲幽窻度殘月言訖坐逝焚化齒頂皆不壞上有五色異光洪州兜率道寬禪師問平常心是道如何是平常心師云左出右入僧曰爲什麼人人不曉師云旋風千帀尙有不周僧曰周遍本然爲什麼不周師云日月雖明不照覆盆之下問如何是前三三後三三師云數九不到九問如何是佛法大意師云點茶須是百沸湯僧曰意旨如何師云喫盡莫留滓問一塵纔起大地全收如何是一塵師云水不洗水問衆生本來成佛爲什麼有煩惱菩提師云甘草甜黃連苦僧曰却成兩段師云不妨會得好問既是一眞法界爲什麼有千差萬別師云根深葉盛僧打圓相云出得遮箇也無師云弄巧成拙問有相身中無相身如何是無相身師云舌不出口問如何是無明路上無生路師云關市裏打磬僧曰教中爲什麼道永斷無明方成佛道師云方入圓圓入方師云向上提綱盡轉無盡向下舉唱事屬多端覲面相呈何人知有若向遮裏透得七通八達自在遨遊若透不得滿目青山自

生障礙喝一喝

上堂云少林妙訣古佛家風應用隨機卷舒自在如拳作掌開合有時似水成漚起滅無定動靜俱顯語默全彰萬用自然不勞心力到遮裏喚作順水放船且道逆風舉棹誰是好手良久云弄潮須是弄潮人喝一喝云珍重上堂云法不可說言語道斷有念乖眞用心失本倚天神劒光燦四方日月讓明雲霞散彩正當與麼時祖佛出來也須乞命良久喝一喝上堂云山高水冷松老雲閑枕石漱流隈巖養性塵機自盡佛事長新彌勒釋迦時時出現大衆且道什麼處出現良久云石頭大底大小底小喝一喝福州古田資福善禪師問如何是佛師云腳踏實地僧曰意旨如何師云仰面看天潭州大潯山密印寺德乾禪師問如何是祖師西來意師云水從山上出僧曰意旨如何師云溪澗豈能留問如何是佛師云身長丈六僧曰意旨如何師云足觀雙蓮師云山花似錦文殊撞著眼睛幽鳥綿蠻觀音塞却耳際諸仁者更思量箇甚麼昨夜三更睡

不著翻身捉得普賢。貶向無生國裏一覺。直至天明。今朝又得與諸人相見說夢。噫。是甚麼說話。以拄杖卓一下。

全州靈山本言禪師問如何。是佛師云。誰教爾恁麼問。僧曰。今日起動和尚也。師云。謝訪。及師云。不用愛聖。聖是虛名。不用厭凡。凡是妄立。若得聖凡情盡。便乃大智現前。卽如如佛。還信得及麼。若信得及。去與釋迦不別。若信不及。且止宿草庵三十年。後鼻孔遼天。不得錯怪人。拂子擊禪牀一下。

湖州羅漢居奉禪師問如何。是最初一句。師云。未問已前。僧曰。如何。是末後一句。師云。一言已出。師云。最初末後句。諸僧皆罔措。更擬問如何。嚴冬發和氣。卓拄杖。

澧州壽聖院景韶禪師問師登丈室如何。指南師云。上來下去。僧曰。流通於世也。師喝一喝。僧禮拜。師云。靜處薩婆訶。上堂云。法本無涯際。毫端現十方。直饒玄會得。未免雪加霜。喝一喝。

澧州藥山義銑禪師問擬心卽差。動念卽乖。如何。卽

是師云。兵隨印轉。將逐符行。問文殊。問疾維摩。默然。意旨如何。師云。鼻孔遼天。問八風吹不動。底人是何境界。師云。須彌山上堂云。山僧活計。日日一般雲橫碧岫。松柏嶢嶢。清風滿戶。明月盈堂。有眼者。辨取無眼者。顛頂且道。不落見聞。一句作麼。生道良久云。木人夜半穿鞋去。石女天明戴帽歸。咄。

湖州廣法禪院源禪師問如何。是祖師西來意。師云。輓頭瓦片。問如何。是佛師云。火燄裏出頭。僧曰。意旨如何。師云。頭紅面赤。問行脚不逢人時如何。師云。千年桃核。僧曰。逢人時如何。師云。根生土長。問如何。是無縫塔。師云。掘不得。僧曰。如何。是塔中人。師云。無面目。問關市取靜時如何。師云。冤不可結。僧曰。如何。是吹毛劒。師云。竹片。問師子未出窟時如何。師云。事持牙爪。僧曰。出後如何。師云。抖擻衣毛。僧曰。謝師答話。師云。撥不轉。問塵中如何。辨主師云。短簷帽子長脚。幞頭問如何。是正法眼。師云。眉毛下。僧曰。便與麼會時如何。師云。睡兒笑點。頭問如何。是向上事。師云。日月星辰。僧曰。如何。是向下事。師云。地獄饅湯。問如何。

是究竟事。師云：秋風黃葉落。僧曰：莫便是和尚見處。師云：春來依舊生。問：萬里無雲時如何。師云：獼猴忍餓。僧曰：乞師拯濟。師云：什麼火色。問：古人拈槌舉拂，意旨如何。師云：白日無閑人。僧曰：如何承當。師云：如風過耳。問：握劍當何時。師云：老鴉成隊。僧曰：正是和尚見處。師云：蛇穿鼻孔。僧拂袖便出。師云：大眾相送，問從上諸聖向什麼處行履。師云：十字街頭。僧曰：與麼則敗闕也。師云：知爾不到遮田地。僧曰：到後如何。師云：家常茶飲。問：祖意教意是同是別。師云：乾薑附子。僧曰：與麼則不同也。師云：冰片雲團。

上堂云：春雨微微，簷頭水滴。聞聲不悟，歸堂面壁。上堂云：若論大道，直教杼山無開口。處，爾諸人試開口看。僧便問：如何是大道。師云：擔不起。僧曰：爲什麼擔不起。師云：大道師云：若論此事，切莫道著。道著即頭角生。有僧出衆云：頭角生也。師云：福事。僧曰：某甲罪過。師云：龍頭蛇尾，伏惟珍重。師壽八十一歲。元豐八年十月十二日晚，無疾淨髮沐浴，書偈云：雪鬢霜髭，九九年半肩。義請書諸緣，廓然笑指浮雲散。玉兔流。

光照大千，擲筆趺坐而逝。

洪州百文惟政禪師開堂曰：陞座拈香云：大眾會麼。南源嶺上石笋抽條，枯木堂前霜花吐藥。非常之事，豈敢囊藏。學無常師，理長卽就。遂趺坐問師：唱誰家曲。宗風嗣阿誰。師云：已在言前。僧曰：恁麼則臨濟兒孫石霜嫡子。師云：莫亂卜度。僧曰：爭奈石笋抽條，霜花吐藥。師云：一任流通。

南嶽谷泉大道師參慈明，續至寢堂。慈明問曰：白雲橫谷口，遊人何處來。師顧視左右云：夜來何處火燒出古人墳。慈明曰：未在。更道。師作虎聲。慈明打一坐具。師接住，推向禪牀上。慈明却作虎聲。師呵呵大笑。慈明揖云：且坐喫茶。師乃云：吾參七十一員善知識，唯師有巴鼻。臨濟一宗在師行矣。

滁州瑯琊山惠覺廣照禪師法嗣

洪州勸潭山曉月禪師，豫章人也。性若天資，聰如神授。六經百子，三藏五乘，凡一舒卷，洞明淵奧。參瑯琊廣照密傳心印，五百雲衆推爲上首。後出世四十餘年，每日三時發揮宗教，略無少怠。其訓學徒若此坐。

滅道濟庵問師唱誰家曲。宗風嗣阿誰。師云望月臺前雲霧白。龍泉畔水潺潺。僧曰與麼則。瑯琊嫡子臨濟兒孫。師云聽事不真。喚鍾作盃。問修多羅教如標月指。未審指箇什麼。師云請高著眼。僧曰曙色未分。人盡望及乎天曉也。尋常師云。年衰鬼弄人。

蘇州永安定慧院起信海印禪師問如何是佛法的大意。師云湘源斑竹枝。僧曰不會。師云枝枝帶淚痕。問如何是平常句。師云三脚蝦蟆背巨鼈。僧曰如何是玄妙無私句。師云白雲覆青山。僧曰如何是體明無盡句。師云須彌頂上浪滔天。僧曰三句外還有向上事也。無師云天台南嶽問覲面相呈時如何。師云好箇問頭。僧曰何不領話。師云我不識倆話頭。問如何是第一句。師云那吒忿怒。僧曰如何是第二句。師云衲僧閑措。僧曰如何是第三句。師云西天此土上堂云。摩竭掩室計校未成。毗耶杜詞伎倆俱盡。一棒一喝。未稱衲僧。舉拂揚眉。殘羹餽飯。諸仁者。山僧與麼說話。爲佗閑事長無明。且道不傷物義句作麼生。道良久云。常愛嶺南深臘裏。雪中初綻一枝梅。

一無之字

上堂云。春風乍回。春景相催。枯夢欲發。未發柳眼似開不開。堪羨漁家。江上景數峯如畫。碧崔嵬。諸仁者。且道於佛法中是何時節。良久云。欲得不招無間業。莫謗如來正法輪。

上堂云。泥蛇敲石。鼈露柱嗽嗽。呌須彌打一棒。閻老呵呵笑。參上堂云。若識般若。即被般若縛。若不識般若。亦是般若縛。識與不識。拈放一邊。却問諸人。如何是般若體。參堂去。上堂云。有時一喝。壁立千仞。有時一喝。四楞搭地。遂喝一喝云。且道落在什麼處。爾若辨得也好。與一喝。拍禪牀一下。上堂云。鶯聲闌。蟬聲急。入水烏龜頭不濕。鷺鷥飛入蘆花叢。雪月交輝俱不及。咄。

福州白鹿山顯端禪師。姓周氏。本州閩清縣人也。受具之後。遊歷江淮。始到廬山。祖印林禪師法席。迨餘一紀。未息疑情。晚扣滁陽廣照禪師之室。一見動容。卽悟其旨。後歸止甌閩。命住地藏道行大。播知府密學蔡侯。聞師德譽。遷居白鹿。兩住大刹。四十六年。壽八十四。元豐七載七月十二日。集衆說偈云。來說生。

兮去說滅二人證龜成一鼈。悟心禪客若爲論。水裏銀蟾天上月。言畢而逝。

問佛佛授手。祖祖相傳。傳得底事。請師指示。師云。家有千金之筭。不自知非僧。曰。也知師得親承。旨還許學人授也。無師云。車無一尺之輪焉。能到遠。問如何。是教意。師云。楞伽會上僧。曰。如何是祖意。師云。鰲耳山前僧。曰。祖意教意相去幾何。師云。寒松連翠竹。秋水對紅蓮。問如何是不動尊。師云。長安路上來。往。懂懂僧。曰。猶是動底。師云。徒消人食。浪費人衣。問。魯祖面壁意旨如何。師云。睡不著。問如何是道。師云。九州百越僧。曰。如何是道中人。師云。乘肥衣錦。問如何是大善知識。師云。持刀按劍。僧曰。爲什麼如此。師云。禮防君子問。如何是異類。師云。鴉巢生鳳。問寒暑到來如何回避。師云。千株松下僧。曰。意旨何如。師云。倒臥橫眠。問如何是佛。師云。商州客。問如何是祖。師云。嶺南僧。僧曰。如何是法師。云。村歌社舞。僧曰。如何是學人行履處。師云。左腳踏衡山。右腳踏北海。上堂云。摩騰入漢。肉上剌瘡。僧會來。吳眼中添屑。建曆九年面

壁鬼魅之由。二祖立雪求心。翻成不肖。汝等諸人到遮裏。如何吐露。若也道得。海上橫行。若道不得。林間獨臥。以拄杖擊禪牀一下。

越州姜山方禪師。問師。唱誰家曲。宗風嗣阿誰。師云。鐵牛背上書千字。僧曰。瓊瑯嫡子也。師云。彌勒堂中。壽普賢僧。曰。三十年後。此話盛行。師云。馬到江邊。船行千里。問如何是佛。師云。留髭表丈夫。上堂云。金苞乍吐。籬邊菊。玉露初垂。葉上珠。祇此明明箇消息。不須南北問真遠。良久云。好。

杭州天竺智月禪師。問摩竭陀國水泄不通。鹿野苑中。如何垂示。師云。棒打石人開鐵眼。僧曰。一句流通也。師云。劍揮牛斗動金星。僧曰。謝師方便。師云。晴乾不肯去。

證聖禪院良禪師。問寶座既登。將何指示。師云。嶺上梅方拆。僧曰。怎麼則徧天徧地。師云。堤邊柳漸榮。上堂云。若論此事。如鴻鍾待扣。聲應長空。若寶鑑當臺。影臨萬象。天不能蓋。地不能載。賢愚共處。聖凡同之。不得與麼道。大有人笑去。在佗笑我笑。誰知此竅三。

十年後更笑一笑

滁州瑯琊山開化智遷禪師問如何是瑯琊境師云松因有限蕭疎老花爲無情取次開僧曰如何是境中人師云髮長僧貌醜問如何是和尙爲人句師云眼前三尺雪僧曰莫便是也無師云腦後一枝花上堂云慧山屹屹高則有頂難量法海滔滔深則無涯莫測故我祖師西邁禪祖東流一燈始耀於曹溪六葉徧芳於蘭若撮其樞要直了心源出沒卷舒縱橫妙用備均奧旨頓見如來達境智以雙亡了是非而俱泯所以前不接後後不別前前後續斷中間自孤當體湛然應時消滅旣如是矣亦有何事隨時應用野老謳歌四海晏清八方無事堯風遠扇舜日高明且道恁時上將軍在什麼處良久云不許將軍見太平

廬山圓通崇勝志珂禪師問德山棒臨濟喝未審崇勝如何師云五老雲開千峯聳翠僧曰還許學人通一線道也無師云作麼生僧便喝師云作家僧擬議師却喝上堂云上不在天下不在地中不在人不在

外不在中間二邊俱不立中道不須安三箇合頭語聞者自家看山僧今日和泥合水且恁麼三十年後莫顚顛喝一喝

滁州瑯琊山開化院繼詮海月禪師問知師久蘊囊中寶今日當筵略借看師云志公剪刀僧曰巖花爭競發澗水淙如藍師云黃蘗拂子問拈槌舉拂即不問瞬目揚眉事若何師云海枯終見底人死不知心僧曰學人不曾師云大海雖然闊不宿死人屍僧曰畢竟如何師云禮拜了去上堂云瑯琊峯上嵯峨山色如藍庶子泉中激灑水澄如鏡遂使汾陽慧炬烜赫而橫徧十方臨濟玄風壁立而上窮三際泥中哮吼木馬嘶鳴大用現前徒勞佇思箭穿黃葉誰敢當鋒有不惜身命者試出來看良久云三十年弄馬騎今日却被驢子撲

荊門軍玉泉山務本悟空禪師問如何是玉泉境師云前臨紫蓋後枕清溪僧曰如何是境中人師云脚踏海眼身坐覆船僧曰學人今日得遇於師師云去袁州崇勝文捷禪師問如何是諸佛出身處師云長

連牀上僧曰未審如何履踐師云飢餐渴飲問和尚見瑯琊時得箇甚麼師云不欠少僧曰不藉師承去也師云老僧今年七十五堂云因來即睡飯來餐貴賤賢愚總一般要會祖師端的旨寒山拾得禮豐干諸仁者千般求法莫若求心萬種多知不知禁口百不知百不會誰知自得真三昧一任傍人笑道癡却笑傍人無見解山僧今日漏泄拖泥帶水總爲說了也還委悉麼良久喝一喝

江陵公安萬壽子和禪師問如何是佛師云燒香瞻仰上堂云將領雄兵出塞行匣中寶劍迴光生有人若問家風事荊水滔滔已太平師忽一日召衆喫茶衆未散端然示化茶毗獲五色舍利千餘粒安州九嶼山圓明仁益禪師問如何是佛師云祇備是僧曰不會師云會取不會底上堂云若論此事如鍾合響扣即發聲似谷藏音呼之必應向微塵裏坐大道場於一毛頭演無量義十二時中無一絲毫間隔言談戲論行住坐臥於此會得不妨省力然雖如是未免爲蛇盡足且作麼生得脫灑去良久云前村

深雪裏昨夜一枝開

泉州涼峯山洞淵禪師問如何是涅槃師云刀斫斧劈僧曰如何是解脫師云衫長袴短問諸聖不到處師還知也無師云老來無力下禪牀問離四句絕百非時如何師云柴門草自深問狗子還有佛性也無師云松直棘曲問如何是佛師云金沙照影問如何是道師云玉女拋梭僧曰佛與道相去幾何師云龜毛長一丈兔角長八尺問如何是露地白牛師云水草不會虧僧曰還守護也無師咄云阿誰守護汝問如何是真實相師云石不藏玉僧曰如何是方便門師云泥裏洗土僧曰謝師方便師云迴頭看不見問心生種種法生心滅種種法滅如何是心師云古渡無人過孤舟終日橫僧曰如何是種種法師云汝適來問箇什麼上堂云幸自非言何須割嚙若是鑽天鷄子身帶網羅若是透網金鱗眼看波浪裁長補短未稱衲僧平高就低未是好手到遮裏作麼生涼峯今日不可壓良爲賤以拄杖卓一下

眞州定山方禪師參瑯琊廣照禪師唯看栢樹子話

每入室陳其所見。不容措詞。常被喝出。忽一日大悟。直入方丈云。我會也。廣照曰。汝作麼生。會云。夜來牀薦暖。一覺到天明。廣照可之。由是道望傳播。諸方上堂云。今日與衆評章。共立叢林。保社入門。須辨主賓。起坐常存高下。寮舍語笑低聲。佗家筆硯。莫把點茶。喫了添湯。田地汚須掃灑。萬事一切尋常。不用彊生。苟且吾門。無種不有。切莫傳歸俗舍。是非長短。誰無信士。聞以爲差。如來大藏教言。好向人前說打待伊。懽喜上心。萬種千般。肯捨得了。修造供僧。福利全歸。施者輒莫別作閑緣。果報牽犁。拽把三塗地獄辛酸。莫待臨時懼怕。此乃略說大綱。看者莫生驚訝。不信但看古伽藍堂。堂粉壁分明畫。

湖州景清院居素明照禪師法嗣

湖州何山日儉禪師問達磨。西來人盡委。未審向上事如何。師云。空中種竹。猶自可。石上栽蓮。物外鮮。僧曰。恁麼則。謝師指示。師云。汝道我意如何。僧曰。白雲綻處。瑞花開。師云。靜處薩婆訶。

杭州承天岑禪師問鳳凰山迥秀。摘出一枝新不。

問三玄旨。得法嗣何人。師云。雲藏巖竇窄。水闊玉峯低。僧曰。恁麼則。鎮府宗枝。師云。一任鑽龜打瓦。問如何是道。師云。稱尺斗量。僧曰。如何是道中人。師云。蘆葦花邊。蓼叢岸下。

興化軍翠峯子淵禪師問師。唱誰家曲。宗風嗣阿誰。師云。海雲生嶽面。山月落堦前。僧曰。恁麼則。承天嫡子。師云。孫賓恰在市。

杭州承天白能禪師問倚天長劒。卽不問袖裏藏鋒事。若何。師云。看僧以手畫一畫。云。遮裏作麼生。師云。收僧拈掌。師彈指一下。

建中靖國續燈錄卷第七

建中靖國續燈錄卷第八

〔宋刻〕

東京法雲禪寺住持傳法佛國禪師臣惟白集

對機門

南嶽懷讓禪師第十二世

舒州浮山法遠圓鑑禪師法嗣

東京十方淨因禪院淨照禪師諱道臻福州古田人也俗姓載氏父夢偉冠裳者導從至舍母黃氏遂娠復夢幢幡梵唄引厯眉碧眼僧至乃誕生也十四歲投上生院出家持頭陀行十九落髮粗習經論後遂遊方參諸知識道契圓鑑禪師出世開堂英宗皇帝遣使降香繼而苗貴妃奏賜襪袍都知蘭元振又奏賜覺照師名周國大主表乞禪號神宗皇帝宣諭執政曰道臻素有名德宜擇一美號進呈乃賜淨照禪師京城創諸禪刹選請宗匠皆出師舉悉稱詔旨元祐八年八月十七日陞堂辭衆寫偈坐滅元豐三年春慈聖光獻皇后上仙百日建齋于慶壽殿會千法師是日神宗皇帝賜坐宣問長老將何追薦太皇師對曰臣僧得面天顏卽詔陞座時有僧問太皇仙遊今在何處師云月落不離天問颺駕既遠仁孝何追祖意西來乞師方便師云軒輝雖掩北風教自存南僧曰聖君詞句宣傳去寶海慈民捧誦來師曰剎利衲僧問勅宣千法師入內並賜襪袍未審得何福報師云水長船高

僧曰皇圖永固長興不二之門師云淨因道處不及闍梨僧曰三邊肅靜民安泰五穀豐登賀太平師云不妨道著僧曰聖人當殿對答分明三十年後此話盛行師云恰是問天賜六銖師已掛將何報答我皇恩師云雪峯道底僧曰睿澤已蒙師指示太皇仙馭往何方師曰天濶地濶僧曰一旦功成去三祇果已圓師云眞師子兒僧云恁麼則可謂師子窟中師子師曰不得鈍致山僧師云至道本無言說何須問答去來蓋爲太皇太后感一人之至德集萬善之鴻因式薦仙遊證無生理敢問諸人今日種種佛事時人道得更有末後一句還有人道得也無良久云一人有慶兆民賴之切念臣山野常僧行業無取此日伏蒙聖慈特賜舉揚宗旨言詞荒拙冒犯天威但臣仰荷宸恩無任驚悚久瀆聖聽伏惟珍重問師唱誰家曲宗風嗣阿誰師云有錢使錢無錢守貧僧曰月華嫡子臨濟兒孫師曰放爾三十棒問如何是淨因境師云法廣殿牌仁宗親寫僧曰如何

是境中人師云。六代祖師天下聞問。如何是道。師云。古今行不盡。僧曰。如何是道中人。師云。萬家烟火外。一枕水雲間。問。如何是佛。師云。朝粧香暮換水。問。如何是觀音妙智力。師云。河南犬吠。河北驢鳴。問。如何是祖師西來意。師云。拄杖橫擔不到肩。僧曰。謝師答話。師云。錯認定盤星。師云。一問一答。無有盡時。古人呼作無盡藏。海亦呼爲方便門。於衲僧面前。遠之遠矣。何故。權柄在手。縱奪自由。坐斷毗盧。壁立千仞。善財樓閣。孰肯優遊。華藏琅函。未之足拾。丈夫猛利。本合如然。過後思量。成第二月。除茲投機。徇器止宿。草庵就下。平高曲成。萬物周流。無滯觸處。皆通。苟不盡毫毛。自取其咎。如斯談說。笑殺衲僧。且道。誰是解笑者。良久云。看。

上堂。拈拄杖云。柳標木杖子。善能談佛。祖師人既得聞。啞人亦解語。指白石爲玉。點黃金爲土。便恁麼會去。他家未相許。不相許。莫弄鹵。南街打鼓。北街舞。廬州興化仁岳禪師。泉南人也。挺秀江淮。禪林拔萃。圓鑒宗席。首演說法。於龍舒後。傳燈於淝水。熙寧十

年秋一日。書頌云。金雞抱玉卵。玉兔長鳳兒。馬頭青。瞻部飛過西耶尼。遂趺坐而逝。茶毗。獲舍利千餘。建塔于郡西。問。如何是祖師西來意。師云。河裡木頭船。問。鼓聲纔罷。倪座高登。朝蓋臨筵。合談何事。師云。天清地寧。僧曰。大衆證明。師云。寒山拈掌。拾得呵呵。問。和尚如何爲人。師舉拂子。問。如何是和尙家風。師云。曲纒禪床。僧曰。客來如何。祇待師云。拄杖子。問。如何是佛。師云。頂上螺紋。問。昔日祖師。伸三拜。歸位端然。事如何。師云。金剛朝合。掌泥人。夜點頭。僧曰。未審意旨如何。師云。五十六日月相逐。僧曰。更深方見。把針人。師云。且莫錯認。問。如何是大道之原。師云。黃河觀底流。僧曰。學人未曉。師云。貫注新羅國。問。不看澄潭月。不守枯木巖。是什麼人。師云。潦倒漁翁。躍踵樵子。僧曰。究竟如何。師云。相逢鼓腹。拍手謳謠。問。如何是佛法大意。師云。臨濟問黃蘗。僧曰。學人不曾。師云。三回喫棒來。問。一花開五葉。結果自然成。如何是那。一花師云。不堪供養。佛僧曰。摘向什麼處。師云。十字糞堆頭。問。一大藏教。盡是名言。離此名言。如何指

示師云。癩馬揩枯柳。僧曰。學人不。會師云。駱駝好喫鹽。僧曰。畢竟如何。師云。鐵鞭指處。馬空嘶。問。佛處深宮時。如何。師云。著珍御服。僧曰。踰城出家時。如何。師云。掛弊垢衣。僧曰。出不。處時。如何。師云。一刀兩段。上堂云。當今一句。已在言前。未舉先聞。早彰醜陋。更待。揜腰捺膝。跬步向前。擬動舌端。紛然失緒。若據。諸僧分上。豈落今時。建立宗乘。隨機應副。所以拈鎚。舉拂。瞬目揚眉。談古陳今。一斯方便。更乃看風辨的。照冉當懷。捧喝全提。豈同容易。蓋是事不獲已。曲爲今時到遮裡。若是久曾淘汰。回首高流。歷涉長波。自知冷暖。若遇初機。禪客縑素。未分權展。機鋒豁明。大智要伊回光自照。直於指外。明機返本。歸源莫向途中。受用。變通。衲子不用踟躕。關捩動時。新羅。渤海。久立珍重。

蘄州白雲山廣教景雲禪師。陝府夏縣人也。姓李氏。生不葷茹。親族異之。投西京靈山院臻上人出家。二十落髮。遊方參問。得法於圓鑑禪師。後。蘄守喬侯。聞師道譽。命住是山。問如何是佛法的大意。師云。

棒打石人開鉄眼。僧曰。卽此便是也。師云。有甚交涉。問。師唱誰家曲。宗風嗣阿誰。師云。須彌頂上撞金鐘。問。如何是無縫塔。師云。任是僧繇誇好手。教君圖繪也無門。僧曰。如何是塔中人。師云。揚眉招手喚對面。少人逢。許內翰。問。如何是廣教境。師云。一片白雲橫嶽頂。翰曰。如何是境中人。師云。今日尊官入院。

上堂云。雲籠玉殿。風掃金沙。靈苗得地。徧野開花。遊人賞玩。禪子嘆嗟。咄。不悟少林真端的。背却彌陀討釋迦。上堂云。紅爐焰上金雪花。開白雲堂中木人拈掌。直得天垂甘露地。涌珊瑚。無情日夜談真諦。不知誰是契如如。擊禪牀。一下上堂云。道道箇中無紫皂。禪禪門與白雲連。向上一路千聖不傳。胡家曲子如何唱。會麼。清風明月夜。浪打釣魚船。咄。上堂云。了了人人道。好妙妙馨香。誰曉曉兮獲圓通。好兮談妙道。無限清風座下生。身中悟得無生老。無生老報君知。一片無瑕萬古輝。咄。

無爲軍廬江西禪繼圖禪師。問。如何是祖師西來意。師云。枯木巖前僧云意。旨如何。師云。抽條石笋上堂。

云。青山青鬱鬱。淥水淥依依。物物尙如此。禪人作麼知。若乃知得觸目面真。更無別事。一一法上。一如來。一一塵中。一彌勒。若也不知。且向三條椽下。六尺單前。快須究取。良久云。自是心源不調。伏祖師元是世間人。喝一喝。

宿州定林惠琛禪師。問千百億化身。未審那箇是。如來身。師云。應物現形。僧曰。恁麼則普現群生前。師云。倒退三千問。如何是道。師云。祇在目前。僧曰。爲什麼不見師云。瞎。

秀州本覺若珠禪師。福州人也。姓卓氏。母懷妊時。常感異夢。及生。祥光照室。七歲出家。恩度受具。後慕遊方。到蘇州天平圓鑑禪師法席。鑒問父母未生時。那箇是汝本來面目。師於言下。忽然有省。遂執侍巾瓶。至舒州浮山。每入室時。運石一轉。自後遁迹。日誦蓮經三帙。常坐不臥。後住橋城法道大播。元祐元年十月十日。命元照律師結大界相畢。翌日沐浴淨髮。召衆曰。吾世緣將謝。汝善護持。言畢。趺坐而逝。七日身不傾側。茶毗得五色舍利塔。葬本山。問如何是道師。

●何下一有
法字

●一無宗字

舉起拳。僧曰。不會。師云。拳頭也不識。問師唱誰家曲。宗風嗣阿誰。師云。一音剖出塵沙界。豁達靈通副萬機。僧曰。恁麼則葉縣親孫。浮山嫡子。師云。何不領話。僧曰。話道什麼。師云。十萬八千上堂云。說佛說祖。埋沒宗乘。舉古談今。淹留衲子。撥開上路。誰敢當頭。齊立下風。不勞拈出。無星秤子。如何辨得斤兩。若也辨得。須彌抵重半銖。若辨不得。拗折秤衡。向日本國裡與諸人相見。

荊門軍玉泉山景德謂芳禪師。問從上諸聖。以何示人。師拈起拄杖。僧曰。學人不會。師云。兩手分付。僧擬議。師便打問。如何是和尚家風。師云。針鋒頭上。鬚筋斗。僧曰。意旨如何。師云。紅爐焰上。碧瑠璃。問如何是一乘法。師云。的當塵毛。現上堂云。天駒未運。賓主照用。齊行毒鼓。一鳴瞎祖。盲賢失宗旨。或高提神杖。或副類千端。影草竿頭。火炬輝寶劍。刃中金毛吼。在主則离南坎。北據賓。乃卯東西。風雲合會。交光八面。全收應用。同時函蓋。陣圖齊剪。雙開雙掩。令在當人。正按正提。藏鋒出袖。他亡此滅。猶懷組繡。香囊獲印。

回戈始見文班武列。須分勝敗。豈許東西。火燄七星。光射須知。百花競發。金針未舉。鋒露山河。玉印未開。光舒大野。曉色纖毫。不犯暗中。眉目須分。白牛殿下。非藏金鳳。幽庭豈鎖。君臣合會。舞蹈無門。浩意融懷。蜜移一步。頭角未現。布異類以周流。玉線關開。盡屬利生遮畔。大地都虛無的。止萬古澄潭。月耀騰荒田。野戰眉不開。午夜陣圓。宜豹變。正則龍銜。異寶偏乃。鶴宿銀籠。正偏巨意。若支離失。曉手中珠落地。異中見異。猶尺璧而胡分出。語不曉。似空中而赴倒。敵則大夜消忘。唱乃長天免運。放曠淋漓。雨不傷。猶是夜明簾外。客師一日沐浴。淨髮書頌云。三更打破。無巴鼻。午夜敲開大道機。二千年前。石人髓不以露布報人知。乃擲筆安坐而逝。

廬山歸宗承天鴻式禪師問如何。是歸宗境。師云。右軍墨池。僧曰。若不張帆。焉知海濶。師云。想汝不知。落處。師於熙寧二年七月十九日上堂。辭衆云。須彌倒卓。海水逆流。石人破浪。棹孤舟。拍手呵呵。誰是侶。大千沙界。任遨遊。咄。言畢。趺坐而逝。

◆溪一作淨

東京華嚴普孜禪師。建州建陽謝氏子也。幼習儒老。復看佛經。至識自心。源夙根。啓發深投。太平興國西律院。僧可崇出家。得度。具戒。遊方。參道。詣龍舒浮山圓鑑禪師。法席入室。扣請。頓悟祖意。舒人請居甘露太平二利道。譽大播。後退居淨因。元豐五年左右。街僧錄定居華嚴。再整禪規。京城內外。翕然歸向。八年四月十日。詔入禁中說法。天子錫賚甚厚。是月十四日。辭衆坐逝。茶毗。飲骨。塔于開封林家村。師性澄止。水語灑寒冰。解達宗乘。見超情識。繼唱臨濟三玄九帶。深造曹洞五位十玄。故湊泊者。望其津涯而已。問如何。是賓中。賓師云。客路似天遠。僧曰。如何。是賓中。主師云。侯門似海深。僧曰。如何。是主中。主師云。寰中天子勅。僧曰。如何。是主中。賓師云。塞外將軍令。師云。賓中問主。互換機鋒。主中問賓。同生同死。主中辨主。飲氣吞聲。賓中覓賓。白雲萬里。故句中無意。意在句中。於斯明得一雙孤鴈。撲地高飛。於斯未明一對鴛鴦。溪邊獨立。知音禪客。相共證明。彰響異流。切須子細。良久云。若是陶淵明。攢眉却歸去。

舒州甘露法眼禪師諱慶餘姓黃氏建州建安人也。本州大中寺出家。試經得度。遊歷江淮。宗席參圓鑑禪師。授機印。可出世。甘露人天瞻仰。退居京師。華嚴王公貴人皆來諮道。都尉曹公見。謂此真吾師也。朝夕扣請。奏賜章服。師名元豐。六年八月五日示衆云。浮世幻身。安能久寄。索筆書頌。投毫而逝。問如何是意中玄師。云千思萬想。僧曰如何是句中玄師。云七步成章。僧曰如何是玄中玄師。云百發百中。師云三玄三要。大道直衝活。捉生擒奪人。奪境直得把。斷要淨聖凡路絕。一似倚天長劍。誰敢當頭擬議。之間喪身失命。正當恁麼時。何人出來定當良久云。須是王索仙陀婆始得。

廬山歸宗承天普安禪師問學人上來請師一接。師云。陽氣發時無硬地。僧曰。莫便是爲人處也。師云。下和之。壁難遇。良工僧曰。不因一事不長一智。師云。賣金難遇。買金人上堂云。金風乍扇。黃菊初開。泉鳴山谷。月照樓臺。門門顯煥。物物全彰。還有薦得者麼。良久云。令人轉憶龐居士。天上人間不可階。上堂云。桃

花紅李花白。堪羨靈雲最高格。覲面相逢頃刻間。鷄子已過新羅國。

南康軍南山清隱院惟提禪師問達磨未來時如何。師云。三更月到窓。僧曰。來後如何。師云。平旦日頭出。僧曰。還有西來意也。無。師云。一片海雲遮不得。舒光直透水晶宮。問如何是佛。師云。罵著不嗔。僧曰。如何是法師。云。喚著不應。僧曰。佛法兩字如何。理論。師云。我不喜聞。問諸聖說不及處。請師說。師云。暗裡皺眉。僧曰。大眾側聆也。師云。天明合掌。僧呵呵大笑。師云。切忌切忌。問如何是道。師云。斜街曲巷。僧曰。如何是道中人。師云。百藝百窮。上堂云。南山峭峻。登者還稀。後靠萬丈洪涯。猿鳥不絕。前臨千尺洪波。舟機難渡。中流渺漠。休駐蘭舸。彼此岸頭。不須繫纜。且道向什麼處安泊。良久云。有時因好月。特地過滄洲。上堂云。一念不生。伎倆俱盡。一法未有。計較不成。便請高掛鉢囊。橫擔拄杖。出一叢林。入一法席。踏著稱匙硬似鐵。豈是古佛心。青絹扇子足風涼。不是西來意。一任驢鳴狗吠。風吹日炙。

△洲一作溪

舒州浮山太平洪璉禪師問楞伽四卷從何得莫是當初錯下言師云蔣白元來是秀才問達磨西來教外別傳爲什麼將往隨後師云錦上添花師云教外別傳直指人心見性成佛敢問諸人作麼生說箇見性底道理良久云遠觀山有色近聽水無聲

潭州南嶽衡嶽寺奉能禪師上堂云宗風纔舉萬里雲收法令若行千峯寒色須彌頂上白浪滔天大海波中紅塵滿地應思黃梅昔日少室當年不能退已讓人遂使椿穉答志斷臂酬心何以衡嶽這裡山畚粟米飯一桶勿鹽羹苦樂共住隨高就低且不是南頭買貴北頭賣賤直教文殊稽首迦葉攢眉龍樹罵鳴吞聲飲氣目連驚子且不能爲什麼如此諦觀法王法法王法如是

筠州大愚山興教守芝禪師法嗣

潭州開福守義禪師問如何是佛師云撲不破僧曰秋來黃葉落師云速禮三拜上堂云瀟湘岸上總似今日風恬浪靜是人過得不妨奇特忽遇蓮花潭內洪波浩渺白浪滔天又作麼生過良久云行船由在

把梢人

南嶽雲峯文悅禪師洪州人也少出家圓具參大愚芝禪師頓悟心印遂徧歷禪室到泐潭澄禪師法席遇南禪師遂爲道契一日謂南曰觀吾師法器異常何滯於此南不喜師語師從容曰吾師若去參慈明他日必爲臨濟下宗主也南遂諾之遙往慈明果然發悟南師出世同安師卽領衆助揚宗風後洪師請居西山翠巖次移南嶽法輪雲峯治平中坐滅龕中常涌舍利問如何是道師云路不拾遺僧曰如何是道中人師云草賊大敗僧禮拜師嘯一聲問萬法歸一一歸何處師云黃河九曲僧曰如何是第一句師云垂手過膝僧曰如何是第二句師云萬里崖州僧曰如何是第三句師云糞箕掃帚問如何是深山巖崖佛法師云糊糰倒上樹問如何是無縫塔師云四楞著地僧曰如何是塔中人師云香風吹萎花更雨新好者問如何是衲衣下事師云皮裏骨間不涉廉纖請師速道師云須彌山問如何是般若體師云箭穿楊葉僧曰如何是般若用師云蛇穿鼠穴問如何

是清淨法身師云柴場荻草

上堂云諸佛出世平地陷人。祖師西來承處接響。一
大藏教誑謾閭閻。明眼衲僧自救不了。諸人到遮裡。
憑何話會。良久云爲衆竭力。禍出私門。擊禪牀一下。
上堂云聲色不到處。病在見聞。言詮不及處。過在唇。
吻。離却咽喉一句。作麼生道。若道得。坐斷天下人舌。
頭。若道不得。法輪門下有粥有飯。

上堂云語不離窠窟。焉能出蓋纏。片雲橫谷口。迷却
幾人源。所以道言無展事。語不投機。承言者喪。滯句
者迷。汝等諸人到這裡。憑何話會。良久云欲得不招
無間業。莫謗如來正法輪。

饒州承天應禪師問如何是芝山境。師云三月野花
遊不歇。更深猶插滿頭歸。僧曰如何是境中人。師云
五湖雲水客到此罷追尋。

越州大禹山簡南禪師上堂云湖邊山邊太平道。馬
公賀公前後意。青山屹屹變洪波。洪波渺渺成平地。
不是邀君傲名利。盡爲蒼生垂巨庇。萬頃良田千古
中兒孫不識法王記。其中有利崇來久。雪庭籌室誰

知有翠竹黃花。歲已深。陶令遠。師空執手。昨夜南星
回北斗。良久云看。

鄧州興陽山啓珊禪師問祖意教意是同是別。師云
百尺竿頭開口笑。僧曰風高月冷。乾坤靜直。下無私
暢殺。人師云謔謔滿路。僧禮拜。師便打上堂云。霧籠
山色。雨灑長空。日月雖昇。遊人不見。這箇葛藤。且致
泥水不分一句。作麼生道。良久云爲爾諸人注破以
拄杖擊一下。

鄧州興陽山慧光院啓舟禪師上堂云遠山岌岌春
夏如然。涓水滔滔四時無間。平川眺望。廓落乾坤。坐
對孤峯咫尺。日月觀此時景。便合歇去。說箇什麼。天
台南嶽。義眉五臺。盡是塵是。未妄向他人口中作。則
既不如此。又作麼生商量。良久云睫在目前。長不見。
道非物外。更何求。

筠州洞山子圓禪師上堂有僧出拋下坐具。師云一
釣便上。僧拈起坐具。師云弄巧成拙。僧曰自古無生
曲。須是遇知音。師云波斯入唐土上僧。大笑歸衆。

潭州石霜山法永禪師法嗣

金陵保寧承泰禪師問師唱誰家曲。宗風嗣阿誰。師云。無角鐵牛。生意氣。僧曰。未審的嗣何人。師云。瀟湘月上碧天明。

南嶽福嚴保宗禪師上堂云。世尊周行七步。舉足全乖。目顧四方。觸途成滯。全欄授去。殃及兒孫。玉偈傳來。掛人唇吻。風幡悟性。未離色塵。鉢水投針。全成管見。祖師九年面壁。不見纖毫。盧公六代傳衣。圖他小利。江西一喝。不解護初。德嶠全施。未知護末。南山鼈鼻。謾指蹤由。北院枯松。徒彰風彩。雲門顧鑒。落二落三。臨濟全提。錯七錯八。若說君臣五位。直如紙馬過江。更推賓主交參。恰似泥人澡洗。獨超象外。且非捉兔之鷹。混跡塵中。未是敲楮之狗。何異越坑墮壑。正是避溺投宜。如斯之解。正在常途。出格道人。如何話會。豈不見陶潛俗子。尚自觀事見機。而今祖室子孫。不可皮下無血。喝一喝。

南嶽勝業智增禪師問如何是南嶽境。師云。音聲鳥。娑羅花。僧曰。如何是境中人。師云。山間坐。林下行。僧曰。向上事。又作麼。生師云。萬年松色拂雲高。

郢州大陽山長慶如漢禪師問如何是佛。師云。未離兜率天。波旬眼。滴血僧曰。畢竟成得什麼邊事。師云。後生雖可畏。年老得人嫌。問如何是敲磬底句。師云。檻外竹搖風。驚起幽人睡。僧曰。觀音門大啓也。師云。師子殿人上堂云。聞聲悟道。失却觀音。眼睛見色。明心昧了。文殊巴鼻。一出一入。半開半合。泥牛昨夜遊滄海。直至如今不見回咄。

湖州天聖皓太禪師法嗣

湖州西余山寶實禪師問世尊。道我四十九年。不曾說一字法。和尚因何列衆。陞堂。師云。不容我抵對。僧擬進語。師云。十萬八千。上堂云。無風起浪。井底烟生。剎利衲僧。切忌蹉過。參。

汝州寶應法昭禪師法嗣

潞州瑯琊山方銳禪師問。一佛出世。各坐一花。和尚出世。有何祥瑞。師云。月中仙桂生。林野海底珊瑚秀。碧峯僧曰。恁麼則紫金剛座。重新出優鉢羅花。依舊開師云。玉鳳夜銜花。不許時人得。僧曰。不因水漲。不見船高。師云。放過一著。上堂云。造化無生物之心。而

底始是作家。如何是殺佛祖。底劍師云。不斬死漢。僧曰。如何是和尙。劍師云。令不重行。問古人道。一大藏教。盡是魔說。作麼生是佛說。師云。是佛則不說。僧曰。爭奈五千卷。何。師云。不是汝分上事。僧曰。未審是誰分上事。師云。止。止。不須說。我法妙難思。問如何是相。生師云。山河大地。僧曰。如何是想。生師云。兔子望月。僧曰。如何是流注。生師云。無間斷。僧曰。如何是色空。師云。五彩屏風。上堂云。咄咄咄。海底魚龍盡枯渴。三脚蝦蟆飛上天。脫殼烏龜火中活。上堂云。點時不到。皂白未分到時。不點和泥。合水露柱。踉跳入燈籠裡。卽且從他。汝眉毛。因什麼却拖在脚跟下。直饒於此明得。也是獼猴戴席帽。於此未明。何異蚰蟥穿靴。然雖如此。笑我者多。哂我者少。

杭州淨住院居說眞淨禪師。師參達觀。遂問云。某甲經論粗明。禪直不信。願師決疑。觀云。旣不信禪。豈可明經。禪是經綱。經爲禪網。提綱正綱了。禪見經。師云。爲某甲說禪。看觀云。向下文長。師云。若恁麼經與禪。乃一體。觀云。佛及祖。非二心。如手搦拳。如拳搦手。師

因而有省。乃成頌云。二十餘年用意猜。幾番曾把此心灰。而今潦倒逢知己。蔣白元來最秀才。

宣州廣教院繼眞文鑑禪師。師參達觀。遂問云。某甲自講說外。究尋諸佛所說。廣大如何得見。邊際去。觀云。子尋常。憑何講說。師云。依教解義。觀云。依教解義。三世佛怨。師云。離教一字。如同魔說。觀云。不問子教義。講說者何人。師云。但見動靜語言。不可觀其形相。觀云。祇此無形相。便是廣大。若悟此心。便見邊際。師自此有省。上堂云。夫欲爲宗師。須了明暗。勾半夜裏貼眼。渾成空路布多事。釋迦文生時。強四顧點胸。獨稱尊。又周行七步。明復阿誰。知暗使何人。悟自後百千年。屈指河沙數。一盲引衆盲。衆盲相扶舉。他日見闍老。努目空相覷。是時休叫道。鑊湯無冷處。休空腹高心。但回盤轉筋。寄語後世人。莫被徐六語。湖州西余山拱辰禪師。問四衆雲。臻於此日。請師方便展家風。師云。語不虛發。僧曰。全因此日。師云。功不浪施。問如何是向上事。師云。赫日高懸。僧展兩手。師云。作麼生。僧禮拜。師云。猶較三十棒。上堂云。靈雲見

花眼中著翳。立沙蹙指體上。遭迤不如且恁麼過時。自然身心安樂。上堂云。理因事有心。逐境生事。境俱忘。千山萬水作麼生得恰好去。良久云。且莫剋肉成瘡。上堂云。登高萬丈。先以一步爲初。窮海千尋。實乃一滴爲本。若也如此。從微至著。以淺涉深。超越門風。斷定可便起。

常州承天了素禪師問師唱誰家曲。宗風嗣阿誰。師云。語言驚子怕。動靜馬鳴驚。僧曰。達觀之道。從此盛行。師云。說箇什麼。無著與天親。師舉拂子云。諸仁者。且道這箇還有法嗣也。無衆無對。師云。披衣過孟津。擊禪床下座。

越州法性院用章禪師問師唱誰家曲。宗風嗣阿誰。師云。金烏出海人皆仰。僧曰。達觀嫡子。慈照兒孫。師云。已是昇天際。流光散百川。僧曰。浩瀚法才驚四衆。群賢皆羨震雷音。師云。歡君休舉目。射汝觸髅乾。越州法性紹明禪師問如何是法性境。師云海潮生。戶外寶塔從雲中。僧曰。如何是境中人。師云。半凡半聖。僧曰。向上宗乘事。若何。師云。六六三二十六。

蘇州崑山般若善端禪師問有生有滅。盡是常儀。無生無滅時如何。師云。崑崙著靴空中立。僧云。莫便是爲人處也。無師云。石女簪花。火裡眠。僧曰。大衆證明。師云。更看泥牛鬪入海。

蘇州洞庭惠月禪師法嗣

蘇州薦福亮禪師問不假言詮。請師示誨。師云。大衆總見汝恁麼問。僧曰。莫祇這便是也。無師云。罕逢穿耳客。上堂云。雲收天際日。到階前。景色如斯。禪流著眼參。

蘇州瑞元嵩禪師問明月當天。爲什麼不臨暗室。師云。爭奈何。僧曰。慈悲何在。師云。用不得上堂云。三度喫棒。卒無一言。累他子孫。分疎不下。直道過在什麼處。試請辨看參。

常州承天世珍禪師問師唱誰家曲。宗風嗣阿誰。師云。一輪皎潔輝沙界。萬仞青山壓太湖。僧曰。恁麼則洞庭嫡子。師云。一任杓卜。問如何是佛。師云。印手分明。僧曰。言顯理幽。乞師方便。師云。人人合掌。

明州杖錫修已禪師法嗣

台州黃巖保軒禪師問佛如何是佛法大意師云千日斫柴一夜燒問不效無言略過施設時如何師云知而故犯僧禮拜師便打

明州雲巖志禪師問有問有答蓋是尋常無問無答時如何師云貪觀白浪失却手撈僧曰未審意旨如何師云前頭猶自可

明州石門山進禪師法嗣

明州瑞巖山智才禪師問如何是截斷衆流句師云好僧曰如何是隨波逐浪句師云隨僧曰如何是函蓋乾坤句師云僧曰句蒙師指如何辨古今師云向後不得錯舉師云通來應僧所問因緣也須是箇荷負重擔底漢始得不可闢如花似錦言句以當宗乘若知見者直學到拂石劫盡也末有了日何故豈不見古人自兩口一無舌卽是吾宗旨諸禪者還會麼不是詩人莫獻詩上堂云天平平等故常覆地平等故常載日月平等故四時常明涅槃平等故凡聖不二人心平等故高低無諍拈拄杖卓一下云諸禪者這拄杖子晝夜爲諸人說平等法門還聞麼苦

聞去敢保諸人行脚事畢苦言不聞亦許諸人頂門上眼正何故是法平等無有高下是名阿耨多羅三藐三菩提良久笑云向下文長

杭州龍華齊岳禪師法嗣

湖州吳山淨端禪師本州人也一參宗匠頓悟全藏解不存立見量顯脫遷法席衆少投嚮退隱本山。上堂云吳山山裡師子却來雲間啼吼別無佛法商量不如打箇筋斗便趨下法座

建中靖國續燈錄卷第八

建中靖國續燈錄卷第九

〔末刻〕

東京法雲禪寺住持傳法佛國禪師臣惟白集

對機門

廬陵清原山行思禪師第十一世

越州天衣義懷禪師法嗣

東京大相國寺慧林禪院圓照禪師諱宗本姓管氏常州無錫人也依蘇州永安禪院昇上人出家披剃

具戒卽募參遊詣池州景德懷禪師法席入室扣請示以彌勒內宮說什麼法云說遮箇法曉夕心無間念體究未明偶於境中見高木上有一黃梅而智士原曰五月梅子熟時當有發明如斯忽然頓悟心印洞入微奧服勤十餘載日探玄旨後出世蘇州瑞光次遷淨慈學衆常盈半千尋奉詔住慧林神宗皇帝召對賜圓照禪號未幾乞歸靈巖元符二年十二月二十八日沐浴更衣召門人付囑歸逝門人曰既不住世何不留偈師曰吾四十年無時不說何必今日重說偈言遂端坐委化次年正月盡日全身塔于本山世壽八十僧臘五十有三四十年垂手三住大利嗣法傳道者不可窮數名揚一時者百有餘人

開堂日神宗皇帝遣中使降香師謝恩畢登座拈香祝延聖壽罷乃敷坐淨因淨照禪師白槌竟師云還有五湖上士達法高流出衆當前共揚佛事問昔日靈山勝集隨機大轉法輪今朝選佛場開垂手願揚佛事師云爐煙起處大眾同觀僧云法雨普霑

沙界潤群生皆賴一人恩師云向後不得錯舉僧曰可謂得聞於未聞也師云聞底事作麼生僧曰憑師一滴曹溪水四海爲霖報我皇師云伶俐衲僧問聖皇垂拱巖廊上憶得靈山佛囑時今日詔師揚般若願開方便釋群疑師云截流之句祇麼分付僧曰一言迴出威音外翹足徒勞贊底沙師云三十年後不得錯會問昔爲林下客今作帝都人未審是同是別師云一月在天影合衆水僧曰未離兜率已降王宮未出母胎度人已畢師云真不掩僞曲不藏直問九重城裏無非觸處菩提明月堂前已現龍華之相不昧當時請師一接師云六街鐘鼓韻寥寥卽處鋪金世界中僧曰更不覺城東畔始發初心師云爐煙透處巾地風生僧曰可謂聖恩霑萬里喜氣動千門師云禮拜了退僧曰也知上苑花難採不得馨香未肯休師云道了也問葱葱嘉氣黃金闕拂拂霜風玉露秋正當恁麼時禪客相逢如何話會師云師子嘯呻象王哮吼僧曰龍樓鳳閣觸目光輝寶鐸金鍾咸歌帝德師云大施門開一時參取僧曰恩大

不知何以報一爐香篆祝。堯年師云且聽說看師云。盥承聖旨來。踞慧林遠涉長途三千餘里。既到皇都。精神豁爾。何也。樓臺聳翠。殿塔交光。廣陌通衢。朱門華宇。不異善財登慈氏閣。滿目殊勝。徧處莊嚴。華藏圓明。交羅主伴。塵沙法門。一毫頓證。無邊刹境。驗在目前。敢問諸禪德。目前事作麼生。乃顧大眾云。還會麼。若也於此明得。相共證明。若也未知。涯際正法眼藏。覷面分付。良久云。雞足峯前路不遙。飲光得底在今朝。

開堂演法上祝。皇帝陛下聖躬萬歲伏願。堯天永覆。舜日崇明。福海等於滄溟。壽山高於嵩華。護持三寶。安御萬方。彌增玉葉之昌。益廣蘿圖之茂。久立衆慈。伏惟珍重。問牛頭未見四祖時爲什麼。百鳥銜花獻師云。六六三十六。僧曰。見後爲什麼。不銜花師云。六六三十六。僧曰。非師不委。師云。西天此土。問古人道。捲簾除却障。閉戶生得礙。未審意旨如何。師云。踏著稱鎚硬。似鐵僧曰。便與麼去。時如何。師云。錯僧便喝。師便打。問古者道言無展事。語不投機。承言者

喪滯句者迷和尚如何爲人師云。金鳥急玉兔速。僧曰。便與麼去。時如何。師云。後五日看。

師云。言無展事。語不投機。承言者喪滯句者迷。衲僧到此。又且奚爲。何如戴笠笠披蓑衣。垂直釣泛輕舟。訪尋知識。未能休。自從援子。皈青嶂。拋却釣。覆却舟。從教湘水幾清秋。咄。

上堂云。洪音一剖。該羅八紘。一令施行。清風萬里。豁開宗要。廣演門風。撒向目前。光流大海。威擁三界。德被四方。高聳人天。虛懷應物。無內無外。洞徹十方。圓通現前。縱橫佛事。簷頭水滴。觀音妙門。雨灑長空。文殊境界。休問補陀。近遠覺城。東際樓閣。門開請高著眼。咄。

上堂云。好諸禪德。一問一答。俊哉快哉。問處如石裏迸出。答處似青天霹靂。忽然而有。瞥爾而亡。若非頂門具爍迦羅眼。底衲僧到遮裡。不免拈頭作尾。所以道。汝生我亦生。汝殺我亦殺。生殺輪王機。交馳如電掣。

上堂云。頭圓象天。足方似地。古貌稜層。丈夫意氣。趯

倒須彌。蹈躑躅。海水帝釋與龍王。無著身處。乃拈拄杖云。却來拄杖上。回避咄。任汝神通變化。究竟須遮裏。以拄杖卓一下。

上堂云。姑蘇臺畔。不話春秋。衲僧面前。豈論玄妙。祇可著衣喫飯。翫水看山。夜見星。晝見日。兩手扶犁。水過膝。靈山授記。祇如斯。塵劫何曾異。今日

上堂云。一句截流。直機頓削。得失是非。一時放却。與麼會得。便請歸堂。

上堂云。看看燦燦。瑞光照大千。界百億微塵國。土百億大海。百億須彌山。百億日月。百億四天下。乃至微塵刹土。皆於光中。一時發現。諸仁者。還見麼。若也見得。許汝親在。瑞光若也不見。莫道瑞光不照。好參。

上堂云。於一毫端。現寶王刹。坐微塵裏。轉大法輪。拈起拄杖云。拄杖子是。塵作麼生。說箇轉法輪底道理。山僧今日。不惜眉毛。與汝諸人。說破拈起也。海水騰波。須彌巖峇。放下也。四海晏清。乾坤肅靜。敢問諸人。且道拈起。卽是放下。卽是當斷。不斷。兩重公案。以拄杖擊禪床一下。

上堂云。千般樣。都來祇在絲頭上。乃拈起拄杖云。還會麼。一爲無量。無量爲一。十方如來。同此超出。若也會得。參學事畢。若更不會。何必自抑擊禪床。

上堂云。涼風吹紅日照。一境蕭然。誰不要。觀音大士。爲宣揚。九衢寶買。爭頭叫脚。不住手不停。毗盧界內。用分明。千聖從來。祇遮是。莫生退屈。自相輕參。

上堂云。季冬寒節。去來無別。千山萬山。唯積殘雪。禪客相逢。將何演說。各請歸堂。隨緣憩歇。若作迷途達磨。大似眼中添屑。

東京大相國寺惠林禪院覺海禪師諱若冲。姓鍾氏。江寧府句容人也。母初娠師。屢夢一僧端坐于寢。遂不輟茹。其父固問。卽告以夢。父曰。若果生男。當捨爲僧。及卅歲。母攜至鍾山禮志公像。師卽涕泣不肯歸去。母悟前事。乃許就寺。僧懷義上人出家。後依保心禪師圓具。卽造池陽懷禪師法席。令看情。未生時。因緣乃獲開。悟巾侍數年。深達玄旨。初住常州薦福。次住宜興善權。又還薦福。後住北京福勝。西京法王相國韓公絳。太師文公彥博。嘗加師仰。晚奉詔住慧

林開堂曰。哲宗皇帝遣中使降香師謝恩畢登座。拈香祝延。聖壽罷。乃敷坐法雲圓通禪師白槌竟。師云。一人人面相對。大似少林看壁。一箇箇眼眼相顧。何異靈山囑付。諸仁者。實爲密密堂堂。昭然獨露。會中莫有證據底。衲僧麼。時有僧出問爲。國開堂願聞法要。師云。三乘光佛祖一句定乾坤。僧曰。麗天杲日當軒。市地清風滿座。師云。目前無異草。不礙往來觀僧。曰。若非頂門眼開。誰知此恩難報。師云。酌然問鶯嶺傳芳。東震雲門列派。皇都今朝大啓覺場。請師再垂方便。師云上。機言下悟。大道目前。觀僧曰。與麼則圓照始離金色界。相藍又見覺花開。師云。不得錯看問如何。是皇都境界。師云。巍巍雙闕侵霄漢。拂拂祥雲罩九重。僧曰。如何是境中人。師云。兩宮無事。安磐石萬國歸心。有老臣問祖闡宏。啓大集群賢。法令旣行。請師一振師云。匣裡青蛇吼。僧曰。學人退身卽是也。師云。天際白虹高。師云。詔令臣僧爲國開堂流通至道。開發人天。夫至道者。不可以思而測。不可以想而求。精勤者。未能見之。辯慧者。酌然不

識。若也明得。方知佛佛道同。古今不異。何是何非。孰邪孰正。不有而示有。杳若夢存。無成而似成。倏如幻住。依空源而起。盡法法無知。隨化海以分形。緣緣絕待。如是會得。堪報不報之恩。用助無爲之化。諸仁者。無爲之化。闔國知聞。且如何是報恩底。句良久云。三乘有旨。難彰則一句無私。賀太平。此日流通般若。普集妙善。上祝。皇帝陛下。聖躬伏願寶圖永固。鳳曆長新。同日日照臨。若乾坤覆載。位隆北極。壽等南山。伏惟珍重。

上堂云。碧落淨無雲。秋空明有月。長江瑩如練。清風來不歇。林下道人幽。相看情共悅。諸仁者。適來道箇清風明月。猶是建化門中事。作麼生是道人分上事。良久云。閑來石上觀流水。欲洗禪衣未有塵。參上堂云。無邊義海咸歸顧。眄之中萬象形容盡。入照臨之內。備諸人策著。磕著。因什麼却不知。良久云。莫怪山僧太多事。光陰如箭急。相催珍重。上堂云。日出連山。月圓當戶。不是無言。不欲全露。乃云。遮裡莫有全露底麼。良久。衆無語。乃拈拄杖云。擬

議則穿腮過擊香臺下座

上堂良久云。萬機喪盡體何如。一點靈光混太虛。塵劫未曾經變易。禪人休枉廢工夫。却召大衆云。省力處。道將一句來。衆無語。師云。歸堂喫茶去。

上堂良久云。淨地上切忌拋沙撒土。金屑雖貴。爭奈眼裏著不得。還知麼。直饒解齊龍樹。辯若馬鳴。智過驚子。到遮裡一點用不著。何故如此。卞玉本無瑕。相如誑秦王參。

上堂橫按拄杖云。摩竭迦文親行是。令山僧今朝不可更向土上加泥也。擊香臺下座。

上堂云。目淨青蓮。光含白玉。若向遮裡參得。不若神珠四照。洞徹十方。寶鑒無私。娉妍自異。然雖如是。龍蛇易辨。衲子難瞞。

上堂良久云。還委悉麼。嘉雨時來。暑氣收。禪堂宴坐。恰如秋勞。生心火何時息。祇向無心便好休。

上堂云。神機迅發。觀面相呈。電光難越。石火莫停。恁麼薦得。未是英靈。以拄杖畫一畫云。天下衲僧。倒退八百。擬議之徒。看燎著面門。擊香臺一下。

眞州長蘆崇福禪院廣照禪師諱應夫。姓蔣氏。滁州

清流人也。依江寧府保寧禪院承泰禪師出家。圓具

遠造。天衣山懷禪師法席。入室開悟。深造宗旨。初住

潤州甘露次。移長蘆晚奉詔。旨住智海禪院。堅辭

弗受。問如來禪。卽許老兄會祖師禪。未夢見在。未審

如來禪與祖師禪。是同是別。師云。一箭過新羅。僧擬

議。師便喝。問識得衣中寶時。如何。師云。爾試拈出看。

僧展一手。師云。不用指東畫西。寶在什麼處。僧曰。爭

奈學人用得。師云。爾試用看。僧拂坐具一下。師云。大

衆笑。爾問如何。是佛師云。面如滿月。僧曰。意旨如

何。師云。徧照寰中。問如何。是隨處道場。師云。性似白

雲。舒復卷。縱橫應物。不能羈。僧曰。恁麼則澗松清冷

澹曉月。照長川。師云。心到靜中。千慮息。性澄方外。一

燈明。僧擬議。師云。迢迢十萬餘。

上堂云。握驪珠於掌上。納萬彙於胷襟。全法界於目

前。指大千於身際。混融一體。圓鑑無窮。包括二儀。含

容萬有。如斯之法。窮之則妙。究之則玄。玄妙之理。現

前。凡聖之情。頓泯。圓融無礙。洞耀無私。個儻分明。古

今無間任是然燈先聖大覺能仁說法利生難忘斯旨如斯話會埋沒宗風何謂也直須南山起雲北山下雨

上堂云雲卷千山塵清萬里長空獨露法界洞然諸人還見麼如實未到且莫龜心忽若頂門放光方信普通年遠事不從葱嶺付將來珍重

上堂召大眾云至道蕩蕩無偏無黨或卷或舒或指或掌放曠任緣靈明獨朗普覆河沙光含萬象乃顧大眾云千聖靈蹤後人標榜

上堂召大眾云江山遶檻宛如水墨屏風殿閣凌空麗若神仙洞府森羅萬象海印交參一道神光更無遮障諸人還會麼良久云寥寥天地間獨立望何極參

上堂顧大眾云遮箇爲什麼擁不聚撥不散風吹不入水洒不著火燒不得刀斫不斷是箇什麼衆中莫有釘背鐵舌底衲僧試爲山僧定當看還有麼良久云若無山僧今日失利久立

廬山棲賢智遷禪師姓高氏錢唐人也性純志澹心

敏言訥參天衣懷禪師一日見匠者拽木喝聲因而開悟遂獲印可出世龍舒法華次移棲賢於元祐元年正月十九日辭衆沐浴更衣坐化獲舍利五色問如何是和尙爲人一句師云好僧曰謝師指示師云且道我答汝話也無僧曰專爲流通師噓一聲問一問一答盡是建化門庭未審向上更有事也無師云有僧曰如何是向上事師云雲從龍風從虎僧曰恁麼則龍得水時添意氣虎逢山色轉威憐師云雲致雨又作麼生僧即喝師云莫更有在僧擬議師咄云念話杜家問如何是本來心師云折東籬補西壁僧曰恁麼則今日齋晏師云退后著問天衣一曲師親唱未審何人和得齊師云颯颯霜風緊看看冬到來僧曰恁麼則寒山拈掌拾得呵呵師云普賢化錦水文殊旺五臺僧曰好事不如無師云打折驢腰上堂云山僧無佛法任運且延時朝朝日東出夜夜轉山西雲收山谷靜雨過遠峯低三年逢一閏鷄到五更啼參

上堂云聞佛法二字早是污我耳目諸人未跨法堂

門脚跟下好與三十棒。雖然如是。山僧今日也是爲衆竭力珍重。

上堂云。拈提要妙。露柱皺眉。出格之談。烏龜向火。平實無事。褒貶古今。豈能自救。諸禪德。離此外。還別有商量麼。離此作麼生。是商量。莫是三年逢一閏。九月重陽麼。莫是大盡三十日。小盡二十九麼。莫是春來草自青麼。若如斯見解。棲賢門下。喚作驢前馬後漢參。上堂云。是什麼物。得恁頑。頑。鷺鷥。睺睺睺。睺睺睺。睺掌。呵。呵。大笑云。今朝巴鼻。直是黃面瞿曇。通身是口。也分疎。不下久立。

上堂云。山僧久不與大衆道話。何故。幸有佛殿三門。溪山松竹。每日喃喃地。爲汝說破了也。山僧贏得作無事人。說卽說了。且道遮箇是什麼法。已後忽有人問。且莫落七落八。

上堂云。井底紅塵生。高峯起波浪。石女生石兒。龜毛寸寸長。若欲學菩提。看取此勝樣。參。

上堂云。德山道與懶脫却。籠頭卸却角。駝教懶作箇好人去。三界不收六道不攝。懶諸方學得底。豈不是

籠頭角。駝德山棒。臨濟喝。豈不是籠頭角。駝懶諸人被諸方老。棍過教壞了也。學得一堆骨董。蘊在胸襟。便道我會禪。懶皮下還有血麼。被他熱謾了也。山僧今日與麼道也。似爲佗閑事長。無明珍重。

舒州山谷三祖會禪師。錢塘臨安師之生緣也。山谷裏山師之住處也。沖會師之法名也。圓智師之禪號也。天衣老懷師之嗣法師也。超悟猛利師之妙性也。直語拂情師之爲人也。圓照圓通師之道友也。如此則師之道可知也。吏部侍郎賈公易以師禮敬之。年七十餘。灑然真隱。

開堂日。問如何。是第一義諦師云。百雜碎僧曰。恁麼則褒禪一會不異靈山師云。將糞箕掃帚來問。師登寶座。壁立千仞。正令當行。十方坐斷。未審將何爲人。師云。千鈞之弩。僧曰。大衆承恩。師云。量才補職。問未見天衣時如何。師云。聞名不如見面。僧曰。見與不見。是同是別。師云。西天此土。問理雖頓。悟事假漸。除漸除卽不問。如何是頓悟底道理。師云。言中有響。僧曰。便恁麼。又且如何。師云。金毛師子。問如何是佛。師云。

描不就。僧曰：未審意旨如何？師云：任是僧絲也，皺眉問住相布施，即不問如何？是無爲實相門。師云：開眼覷不見。僧曰：爲什麼如此？師云：東西不辨。僧曰：畢竟如何？師云：墮坑落澗，問生也，猶如著衫死也。還同脫袴，未審意旨如何？師云：譬如閑僧曰：爲什麼如此？師云：因行不妨掉臂。問如何？是天堂？師云：大遠在。僧曰：如何？是地獄？師云：放爾不得。僧曰：天堂地獄相去多少？師云：七零八落。問如何？是函蓋乾坤？師云：海晏河清。僧曰：如何？是隨波逐浪？師云：摩斯吒落。水僧曰：如何？是截斷衆流？師云：水泄不通。問如何？是透脫一路？師云：上是天下，是地。僧曰：怎麼則明月堂堂，清風皎皎？師云：且緩緩。問白雲綻處，樓閣門開，善財爲什麼從外而入？師云：開眼即瞎。僧曰：未審落在什麼處？師云：填溝塞壑。問如何？是不動尊？師云：寸步千里。

上堂云：無常變易遷謝不停正眼，纔觀纖毫不易。諸禪德作麼生說箇纖毫不易底道理？良久云：金烏東出，玉兔西沈。參。

上堂。顧視大眾云：智周不鑑塵累，何容舉目千山迢迢萬頃清風樓上赴官齋？即不問爾捲起簾來，且放一邊雲。雲在什麼處？藏身露影，良久云：心不負人面無慚色。

上堂云：青山隱隱，極目遼遼，浪靜風恬，漁舟舉棹，森羅海印，帝網交光，主伴互分，重重無盡，但效普賢一時參畢，狂心頓息，不用巡遊，既不如然，付與龍華樹下參。

上堂云：大隱居鄺，小隱居山，去聖逾遠，切莫攀緣，皆明道眼，俱出心源，苦海之中，撈撈迷魂，報佛恩德，各無間然。薦拈拄杖云：諸禪德作麼生？是無間然底道理？良久云：時時示時人，時人俱不識參。

上堂云：雪應時應節，大地山河盡皆銀屑，拾得當前，勤步成拙，杲日處空，寒山欣悅，忽爾消鎔，川流不絕，法爾常規，孫賓善別，若便怎麼？西天相接，下座。

無爲軍鐵佛因禪師問如何？是和尙家風？師云：一尋寒木自爲隣，三事秋雲更誰識？僧曰：和尙家風，蒙指示爲人消息，又如何？師云：新月有圓夜，人心無滿時。

問取不得捨不得。不可得中祇麼得。未審得箇什麼。師展兩手。僧禮拜。師云。不要詐明頭。

湖州報本法存禪師。杭州巨豪陸氏子也。生而明敏。博覽群籍。雅爲篇章。尤樂至道。因閱華嚴。發悟智性。遽捨塵累。歛身緇門。欽慕祖風。遠依宗席。天衣懷禪師。深爲印可。初住蘇州吳江。壽聖。問一佛出世。諸佛讚揚。和尚出世。什麼人讚揚。師云。九天垂雨露。萬物盡霑恩。僧曰。祇遮便是讚揚也。無師云。枯木不抽條。莫怨陽和力。僧曰。大衆證明師云。惱亂春風。卒未休。問無味之談。塞斷人口。作麼生。是塞人口底。句師以拄杖便打。僧曰。怎麼則一句流通。人天。聳耳。師云。祇恐不是玉。是玉也太奇。僧曰。專爲流通。師云。一任亂道。師在天衣。受請上堂云。吳江壽聖。見召住持。進退不遑。且隨緣。分此皆堂頭。和尚提耳訓育。終始獎諭。若據今日。正令當行。便好一棒打殺。那堪更容立。在座前。雖然如是。養子方見父慈。下座。

歙州開化惠圓禪師。問成山。儼就於始。質修途。託至於初步。未審如何。是初步。師云。攜錫下孤峯。僧曰。恁麼則松江一派。入新安也。師云。莫錯認定盤星。僧曰。人天有賴。師云。十萬八千。

處州縉雲縣永泰智覺禪師。問少林。一去無消息。今日殷勤爲舉揚。師云。月華自照。三千界。雲水空隨。十萬程。僧曰。九年面壁。當爲何事。師云。還提隻履。自西歸上堂云。金風漸瀝。玉露淒清。菊解香苞。稻懸嘉穗。時清物泰。野老謳謠。處處登高。人人歡樂。諸禪德。祇如林間。衲子豈不知時。若也燕嘿忘形。昧佗光景。翠微深處。不逐四時。一炷旃檀。無恩不報。拍禪牀下座。蘇州萬壽和禪師。問佛未出世時如何。師云。象懸藏牙。浦人負賣子。鄉僧曰。出世后如何。師云。一不成。二不是。僧曰。出與未出。又作麼生。師云。同道方知。僧曰。堤邊柳綻。嶺上花開。師云。句裡明機。問不著佛。求不著法。求相去幾何。師云。失錢遭罪。僧曰。草賊大敗。師云。放備三十棒。僧便喝。師云。作家僧。禮拜師更打上堂云。聲前密布。句後全收。同死同生。雙明雙暗。不是俊流。若爲湊泊。宗乘舉唱。契理忘言。不是神通。無非智達。三賢尚昧。十聖猶疑。釋迦已往。彌勒未生。正當

今日未免隨時說佛說祖。所以向大眾前權行正令。拈拄杖云。諸人眼在山僧。拄杖頭上良久云。盡法無民。

和州開聖禪院棲禪師開堂日。示衆云。選佛場開。人天普會。莫有久歷覺場。罷參禪客。出來相見時。有僧出師云。作家作家。僧曰。莫著忙。師云。元來不是作家。僧提起坐具云。看看摩竭陀國親行。此令師云。卽今作麼生。僧禮拜。師云。龍頭蛇尾。問世尊善說般。若和尚提唱。宗風未審。是同是別。師云。皇天無親。唯德是輔。僧曰。今日得聞於未聞也。師云。聞底事。作麼生。僧曰。曲終人不見。江上數峯青。師云。猶較些子。問靈山。一會迦葉親聞。開聖一會什麼人得聞。師云。進前三步。僧曰。進前三步。又作麼生。師云。退後三步。問韶陽。曲調人皆委祖。令當行。又若何。師云。西天斬頭截臂。遮裏自領出去。僧曰。忽若泥牛哮吼。木馬嘶鳴。又作麼生。師云。罕逢穿耳客。多是刻舟人。問東西不辨。南北不分。學人上來乞師。一接師云。不接。僧曰。爲什麼。不接師云。爲爾東西不辨。南北不分。僧曰。將謂胡鬚。

赤更有赤鬚。胡師云。蘇嚕蘇嚕。問如何。是道師云。放汝三十棒。僧曰。爲什麼。如是。師云。殺人可恕。無禮難容。

上堂云。道不浪埒。隨功涉位。拈拄杖云。或七尺或丈二。握在手中添意氣。有時用。有時致。魍魎邪魔絕妖氣。海晏河清歸去來。家家樂業民。皆喜卓一下。上堂云。好風飄飄。綽金鐸。好鳥關關啼寶閣。數片閑雲海上來。一卮流水天邊落。參上堂拈拄杖云。大眾急著眼看。須彌山畫一畫。百雜碎。南瞻部洲打一棒。東傾西側不免且收在開聖手中。教伊出氣不得。卓一下。明州雲巖旌教院洞偕禪師。前住江陰壽聖。一日云。兩處住持。實四十年。凡陞堂語句。都無一箇元字脚。十二時中。但以波羅羯諦。菩提薩婆訶。以爲常課。別無所長。珍重坐逝。

福州衡山惟禮禪師。問諸佛出世爲一大事。因緣和尚出世如何。爲人師。云。古之今之。僧云。便怎麼承當。去時如何。師云。伶俐人難得。問如何。是祖師西來意。師云。穿雲渡水。問如何。是佛。師云。眼放電光。僧曰。意。

旨如何師云。照天照地。問如何是和尙爲人一句。師云。一。二。三。四。五。六。僧曰。意旨如何。師云。碧眼胡僧。數不足上堂云。若論此事。直下難明。三賢問。測十聖不知。到遮裏。須高提祖令。橫按鎧鎗。佛尙不存。纖塵何立。直教須彌粉碎。大海焦枯。放一線道。與諸人商量。且道商量箇什麼。良久云。鹽貴米賤下座。

杭州北山顯明院善孜禪師。問如何是祖師西來意。師云。九年空面壁。懺懺又西歸。僧曰。爲什麼如此。師云。美食不中飽人喫。問如何是無情說法。師云。燈籠掛露柱。僧曰。什麼人得聞。師云。牆壁有耳。

明州啓霞惠安禪師。問諸佛出世。蓋爲群生和尙出世。當爲何人。師云。不爲闍梨。僧曰。怎麼則潭深波浪靜。學廣語聲低。師云。捧上不成龍。問師唱誰家曲。宗風嗣阿誰。師云。任汝歌揚。僧曰。天衣嫡子也。師云。速退。速退。僧曰。爲什麼如此。師云。養子方知父慈。

越州雲門山靈侃禪師。問諸佛出世。當表何事。師云。白雲覆幽谷。僧曰。如何領會。師云。紅日正當天。問諸方法道。何似遮裏。師云。處處人風好。山山折野花。問

十二時中如何用心。師云。佛殿裏裝香。僧曰。學人不會。師云。三門頭合掌。上堂云。塵勞未破。觸境千差。心鑑圓明。絲毫不立。靈老皎皎。獨露現前。今古兩亡。凡聖路絕。到遮裏。始能卷舒自在。應用無虧。出沒往還。人間天上。大衆雖然如是。忽被人把住。問且道。拄杖子。放什麼處。著。又如何祇對。卽是還有人道得麼。出來道看衆。無對。拍禪床一下。

天台太平元坦禪師。問法本無相。如何甄別。師云。流水盡歸東海去。僧曰。學人不會。師云。白雲長向嶽前來。僧曰。便怎麼會。時如何。師云。錯。師云。是法無宗。隨緣建立。聲色動靜。不昧見聞。舉用千差。如鐘待扣。向此薦得。且隨時著衣喫飯。若是德山臨濟。更須打草鞋行脚參。

杭州佛日文祖禪師。問峭峻之機。請師垂示。師云。十字街頭八字立。僧曰。祇如大洋海底行。船須彌山上走。馬又作麼生。師云。烏龜向火。僧曰。怎麼則能騎虎頭。善把虎尾。師以拄杖點一下。云。禮拜著。

蘇州薦福明因禪師。問一點分明。不是燈。祇如一點

未明時如何師云爭怪得老僧僧曰明後如何師云
輝天燦地僧曰未審向上更有事也無師云有僧曰
如何則是師云天上有星

沂州望仙山宗禪師問四時八節卽不問平常一句
事如何師云禾山打鼓僧曰莫是學人著力處也無
師云歸宗拽石僧無語師云真箇納僧問如何是不
生不滅師云長河凍結僧云如何是不生不滅師云
兩重公案問如何是世間相師云進前退後問如何
是清淨法身師云口裏喃喃道不著問三乘十二分
教卽不問如何是般若一句師云喚又喚不得僧曰
莫祇遮便是也無師云教歸不肯歸問如何是真經
師云露柱放光僧曰怎麼則日日看讀師云不得思
量問韶湯一句卽不問如何是和尙一句師云千光
那照僧曰還許學人趣向也無師云許僧曰怎麼則
飢來喫飯寒來向火師云且莫亂統問如何是親切
處師云會則不非僧曰進前退後莫是否師云非卽
不會問禪林振譽久嚮師名上上之機請師指示師
云不是峯前客僧曰莫壓良爲賤師云多是莫徭人

問如何是生老病死苦師云都道了也僧曰如何是
學人下手處師云黃檗未是苦問湛水澄波卽不問
觀面相呈事若何師云見麼僧曰青山隱隱師云何
曾觀面

上堂云南北東西四維上下虛空爲體法王爲身既
是虛空爲體大衆向什麼處安身立命還道得麼道
得出來對衆商量若道不得各自歸堂參上堂云南
台烏藥北海天麻新羅附子神錦朱砂良久云大衆
會麼久立上堂云諸佛到處還有道無道大衆現前
還有祖無祖老僧卽不然良久云露柱喜笑燈籠惡
發諸人會麼會則對面商量不會則歸堂向火珍重
上堂云儺等諸人還肯放下麼若不放下且擔取去
下座

岳陽墨山禪院有琦禪師問師登祖席頻發潮音師
云華嶽三峯雲澹澹僧曰學人未曉師云黃河九曲
浪滔滔問古佛家風卽不問途中一句事如何師云
春來和氣暖僧曰專爲流通也師云脚跟下一句又
作麼生僧曰點師云果然踏不著師云宗師路陌莫

問東西剔起眉毛祇在遮裡更若周遮迢迢十萬
舒州桐城金繩詮禪師問垂鈎三尺意在深潭離鈎
三寸師意如何師云清平世界僧曰也要問過師云
有頭無尾

筠州五峯淨覺院用機禪師問如何是道師云十字
街頭踏不著僧曰便恁麼去時如何師云且緩緩上
堂云清平過水投子賣油一年三百六十日不須頻
向數中求擊拂子一下

建中靖國續燈錄卷第九

建中靖國續燈錄卷第十

〔宋刻〕

東京法雲禪寺住持傳法佛國禪師臣惟白集

對機門

廬陵清原山行思禪師第十二世

越州天衣山義懷禪師法嗣

東京法雲寺圓通禪師諱法秀秦州隴城人本姓辛
氏母夢麥積山誦經老僧至舍即誕生也應乾寺魯

大師者夙受訓曰竹鋪坂下相尋既聞斯異即住視
之觀神骨挺特取養俗舍三歲攜歸出家遂從師姓
曰魯氏也十九試經圓具勵志講肄習因明唯識百
法金剛圓覺華嚴妙入精義爲衆發揮因聞南宗傳
心印法逕造天衣懷禪師法席天衣問曰座主講什
麼經論曰華嚴經天衣曰華嚴以何爲宗曰法界爲
宗天衣曰法界以何爲宗曰以心爲宗天衣曰心以
何爲宗師遂無語天衣曰毫釐有差天地懸隔汝當
自看必有發明後十七日聞僧舉白兆參報慈情未
生時如何曰隔師忽大悟直詣方丈陳其所證天衣
曰汝眞法器吾宗異日在汝行矣後遊江淮住龍舒
四面移居廬山棲賢相國王公安石聞師道風請居
鍾山又遷鳳臺保寧尋奉詔住長蘆崇福元豐甲
子越國大長公主太尉張候敦禮奏請居法雲寺爲
第一祖神宗皇帝上仙兩宮宣就神御前說
法賜圓通禪號開堂曰神宗皇帝遣中使降香并
賜磨納袈裟仍傳聖語云物雖微表重法故師謝
恩畢登座拈香祝延聖壽罷是日荊國大王親侍

法筵淨以淨照禪師白槌竟師云還會麼遮箇是諸
 万事。例今古同儀。諸人若也於此不明。便見落二落
 三。且道第一義諦在什麼處。久參上士。必共證明。晚
 學初機。有疑請問。問世尊出世。梵王前引和尚開堂。
 大王侍座。是同是別。師云不得鑽龜打尾。僧曰恁麼。
 則祥雲生。宇宙瑞氣滿。乾坤師云法雲即得。禪僧分
 上有恁麼光輝。僧曰且待別時。舉似和尚。師云吽吽。
 問法雲初建。當明代磨。禪高提荷。聖恩時如何。師
 提起衲衣角云。還見麼。僧曰忽遇銅頭鐵額。眼放電
 光。底人來又作麼。生師云。祇得瞻之仰之。僧曰吹毛
 匣裏冷光生。外道羣魔皆斷首。師云。惜取好僧。曰鶴
 有九臯難翥翼。馬無千里漫追風。師云。倒退二千。即
 不無進前一句。作麼。生道。僧曰且待別時。師云。同坑
 無異土。問我皇御宇。德合乾坤。遊刃萬機。護道終
 日未審。還有佛法道理也。無師云。大似不曾將得。問
 來僧曰。恁麼則心隨萬境轉。轉處實能幽。師云。須彌
 山在爾頭上。僧曰深領和尚此語。師云。識甚輕重。僧
 曰知恩方解報恩。師云。果然轉不得。師云。問得亦好。

不開最親何也。道出古今。非言所及。設使問處如普
 慧雲。與答處若普賢。餅瀉祇益多聞。於道轉遠。況諸
 人分上。各各總有遮一段事。可謂輝天鑑地。耀古騰
 今。設使祖佛齊興。焉敢錯誤。而今前佛已去。後佛未
 生。正當空劫。六合冥然。荷聖主賢臣。令山僧爲法
 雲宗主。且道山僧似何爲主。薦拈拄杖云。還會麼。放
 行把住。總由遮裏。放行也。八面風生。把住也。羣魔失
 色。敢問諸人。放行好。把住好。還有人斷得麼。非但德
 山臨濟不肯。便是法雲拄杖子也。自未甘。且道法雲
 拄杖子。有甚麼長處。擊禪床一下云。卽此舉揚。上扶
 帝祚。仰冀聰明元首。芬芳萬國之春。忠節股肱
 弼輔。千年之運。伏惟珍重。

師於元豐八年四月初十日。宣入神宗皇帝靈
 駕前。陞座。師拈香云。還會麼。天高地厚。時人知有。且
 道遮箇甚麼處。得來識得。辨得已報。皇恩其或未
 然。不得錯怪臣僧。乃燒香陞座。問昔日靈山勝會。今
 日帝苑法筵。未審是同是別。師云。龍樓鳳閣。寶鐸
 金鈴。僧曰。恁麼則靈山一會。宛爾而存。師曰。眼見耳

聞有誰通曉僧曰恩深轉無語懷抱自分明師云爾將甚報恩僧曰唯焚香篆祝堯年師云大少在僧禮拜師云莫孤負人好問中天降旨御藥領符大施門開當爲何事師云天高不可問地厚不可陳僧曰恁麼則上嚴先帝超三界次祝今 皇壽萬春師云眞不掩僞曲不藏直僧曰唯將一摘曹溪水四海爲霖報 我皇師云休要隨波逐浪僧以手面前畫一畫云爭奈路頭在遮裏師云若不是老僧幾被子惑使喝師云休休諸佛子遊涉聖門勿妄宣傳苟能心契宗乘何必要於言說故知此事理越常情亘古亘今欲人自信直饒微塵諸佛諸大祖師競出頭來各各異口同音縱歷長劫讚歎也讚歎不及便是山河大地草木叢林盡作邪魔外道邪見之人毀滅也毀滅不得且道是何道理向遮裏明得未有衲僧氣息直饒德山棒似雨點爭如鬪賓國王一刀兩段而今莫有效古者麼若有法雲性命難存良久云臣僧早竊傳燈今蒙 睿旨陞此廣座舉揚般若上嚴 神宗皇帝仙駕伏願 神遊淨域不昧正因爲帝爲王隨

方化物久瀆 聖聰伏惟珍重

問如何是佛法大意師云踏著稱鎚硬似鐵僧無語師云吽賺殺人問不離生死而得涅槃不出魔界而入佛界此理如何師云赤土茶牛爛僧曰謝師答話師云爾話頭道什麼僧擬議師便喝問陽春二三月萬物盡生芽未審道芽還增長也無師云自家看取僧曰莫便是指示處麼師云芭蕉高多少僧曰野火燒不盡春風吹又生師云遮箇是白公底爾又作麼生僧曰且待別時師云看爾道不出問久嚮法雲法卽不問如何是雲師云蓋覆一切僧曰普爲霖雨去也師云來風深辨

上堂云看風使帆正是隨波逐浪截斷衆流未免依前滲漏量才補職寧越短長買帽相頭難得恰好直饒上不見天下不見地東西不辨南北不分有什麼用處任是純剛打就生鐵鑄成也須額頭汗出總不恁麼如何商量良久云赤心片片誰知得笑殺黃梅石女兒參

上堂云山僧不會巧說大都應箇時節相喚喫碗茶

湯亦無祖師妙訣。禪人若也未相諳。踏著稱鎚硬似鐵參。

上堂云。山僧葛藤甚多。欄路絆倒禪和。大都田地未穩。到頭總不柰何。良久云。慚惶殺人。

上堂云。說得盛水不漏。未免納僧取笑。向上更有一竅。無孔鐵鎚不到。良久云。爲什麼不到。可知禮也。

上堂云。分明好箇消息。祇是口吐不出。擬欲舉似諸人。恐使傍觀氣急。且道是什麼消息。良久云。龍頭蛇尾去也。

上堂云。山僧爲人。渾無巴鼻。四海禪人。盡參不入。銅頭鐵額。有誰知。且聽箇頭吹簫。簫吹簫。吹得十聲九不出。縱然吹得一聲出。不如吹不出。何故如此。知音者少參。

上堂云。秋雲秋水。青山滿目。遮裏明得。千足萬足。其或未然。道士倒騎牛參。

上堂云。寒雨細朔風。高吹沙走石。拔木鳴條。諸人盡知。有且道。風作何色。若識得去。許儂是眼。若不識。莫怪相瞞參。

上堂云。少林九年冷坐。却被神光覷破。如今玉石難分。祇得麻纏紙裹。還會麼。笑我者多。晒我者少。

師於庚午歲八月二十九日。謂門人曰。老僧六處住持。有煩諸知事。首座大衆。今來四大不堅。火風將散。各宜以道自安。無違吾囑。乃云。來時無物去時空。南北東西事一同。六處住持無所補。師良久。監寺僧惠當進云。和尚何不道末後句。師云。珍重珍重。端坐而逝。

杭州佛日山智才禪師。台州人也。竹馬辭俗。金園投師。既已具戒。稟儀異常。聽習台教。深達觀旨。尋慕參遊。徧扣禪叢。至天衣懷禪師法席。入室陳解。未蒙印可。懷知法器。不以常待。設其異見。執以爲得。懷拈棒打出。師忽然大悟。懷曰。棒頭薦得。是真悟道。由是見量超卓。問優曇花。開大衆同觀。學人上來。請師垂示。師云。知音者少。僧曰。古人方便。又作麼生。師云。量才補職。僧曰。泥牛哮吼。滄溟上石。鼓喧轟透碧霄。師云。爍爍龍門。過不得。依前和雨落滄溟。問如何是佛日境界。師云。山高水冷。僧曰。如何是境中人。師云。虎嘯風生。

問三乘十二分教。卽不問如何是衲僧家事。師云。逢人不得錯舉。僧曰。古之今之。師云。汝是師子。身中蟲何故食師子身中肉。僧云。和尚幸是大人。師云。又不得放過。問文殊仗劍擬殺何人。師云。打水魚驚。僧曰。有損有益。師云。風寒徹骨。問如何是道。師云。水冷生冰。僧曰。如何是道中人。師云。春雪易消。僧曰。如何談論。師鳴指一下。問如何是無爲。師云。山前雪半消。僧曰。請師方便。師云。水聲轉鳴。噫。問千峯寒色。卽不問。雨滴龍華事。若何。師云。荒地生青草。僧云。恁麼則龍吟霧起。虎嘯風生。師云。滴滴在眼前。僧曰。碧眼胡僧笑點頭。師云。記取問話。問敲空作響。擊木無聲。學人上來請師敲擊。師云。春霜損百花。僧曰。若然者。百發百中。師云。退身三步。僧曰。大眾證明。謝師敲擊。師云。逢著衲僧。分明舉似。問東西密相付爲什麼。諸人皆知。師云。春無三日晴。僧曰。特伸請益。師云。拖泥帶水。僧曰。學人到遮裏。却不會。師云。賊身已露。上堂云。城市喧繁。空山寂靜。然雖如是。動靜一如。死生不二。四時輪轉。物理湛然。夏不去而秋自來。風不

涼而人自爽。今也古也不改絲毫。誰少誰多。身無二用。諸禪德。旣身無二用。爲什麼龍女現十八變。君不見弄潮須是弄潮人。珍重。

上堂云。風雨蕭蕭。塞汝耳根。落葉交加。塞汝眼根。香臭叢雜。塞汝鼻根。冷熱甘甜味。塞汝舌根。衣綿溫冷。塞汝身根。顛倒妄想。塞汝意根。諸禪德。直饒汝翻得轉。也是平地骨堆參。

上堂云。一錐一劊。心眼琢磨。把定商量。便知死活。死之者。依諸法智。逼塞心間。不能灑落。活之者。出人眼目。獨耀無私。似日輪卓午。洒落者。如中秋月。夜羣星掩色。百界分明。禪德。恁麼時節。輪陀收釣者。載取月明歸久立。

上堂云。黃金殿上。少遇知音。地獄天堂。隨處會合。雖新明鏡。當臺要且胡漢不來。直饒鑑象分明。也是溫生漚滅參。

上堂云。嚴風刮地。大野清寒。萬里草離衰。千山樹黯。鷲蒼鷹得勢。俊鶻橫飛。頗稱衲僧鉢囊高掛。獨步還方似猛。將出荒郊。臨機須扣。敵今日還有麼。良久云。

匣中寶劍袖裏金。幸遇太平挂向壁上參。

上堂云。諸禪德。還知麼。山僧生身父母。一時喪了。直是無依倚處。以手槌胸云。蒼天蒼天。復顧大眾良久云。爾等諸人。也是鉄打心肝參。

上堂云。雨洒羣芳雲披樹蔭。聖凡不到。亘古亘今。乃顧大眾云。好諸禪德。可惜善財。守樓閣。開身逢聖境。眼染塵埃。苦哉苦哉。出來出來。拈起拄杖云。與汝拄杖子。四維上下。南岳天台。擲下云。參。

上堂云。秋風緊。秋雲陰。一溪秋水碧沉沉。自是絲綸不到底。莫怨金鱗泊處深。

上堂云。山堂涼冷。頗會禪流。彼既丈夫。山僧也不相違背。直須坐却。報化佛頭。截斷釋迦語路。提唱也。法震人天。舉動也。道芳諸聖。若能如是。且向如來行處行參。

北京天鉢寺文慧禪師諱重元。姓孫氏。青州千乘人。母夢於像前吞一金果。後乃誕師。相儀殊特。迥異群童。十七出家。冠歲圓具。初遊講肆。頗達教宗。嘗宴坐於古窰。忽聞空中有告。師學上乘者。驚駭出視。杳無

人迹。翌日客至。出寒山集師一覽之。即募參玄。至天衣懷禪師法席。遇衆請益。豁然大悟。懷爲陞堂。舉揚印可。歎曰。此吾家千里駒也。清獻公趙抃參師。聞雷悟道。諫議劉公。請主仰天紫微會。公羣命徒靈岩。資政陳公。升之移之。廣濟太師文公彥博。召居天鉢。凡四住。名蓋十方。仰重河朔宗乘。由斯再振。緣終示滅。正盛暑中。清風透室。異香馥郁。茶毗烟燄。若鎔白臘。舍利五色。焦樹芬芳。太師文公以。上賜白瑠璃瓶。貯之。藉以錦褥。躬葬于塔。居士何震所獲額骨牙。齒舍利。別剏浮圖。問如何。是佛師云。迦葉摩拏僧曰。如何。是法師云。唵。啍。啍。啍。僧曰。如何。是僧師云。口念彌陀。僧曰。謝師。答話。師云。不天堂入地獄。問如何。是禪師云。入籠入檻。僧拈掌。師云。跳得出。是好手。僧擬議。師云。了。問如何。是觸目之機。師云。摩斯吒落水。僧曰。謝答話。師云。鼻孔不存。問如何。是教外別傳底。句。師云。聽僧曰。學人未會。師云。鈍。問如何。是道師云。不道。僧曰。因什麼。不道。師云。爲是私商客僧。便喝。師云。山僧被汝一喝。僧擬議。師便打。問如何。是透法身句。師

云上是天下是地問如何是函蓋乾坤句師云一漚
虎後衆遍虎僧曰如何是截斷衆流句師云金粟對
文殊僧曰如何是隨波逐浪句師云昨夜打出三門
去問父母未生時如何師云尼乾不歷僧曰生後如
何師云孫賓皺眉僧曰畢竟如何師云三十年後問
昨夜雨今日晴於曹溪路上成得什麼邊事師云昨
日雨今日晴問半滿之教卽不問如何是觸目菩提
師云觸目菩提卽且致備作麼生會半滿之教僧曰
須還和尚始得師云爲什麼亂走僧曰諱人道著師
云情知汝不會僧曰幸得不會師云有什麼救處師
云若據宗乘正令莫不動用全威如聖王輪寶劍飛
空誰是不賓之者是以王道平平和風扇物使群邦
貢獻萬里梯航六合澄清狼烟永息於是四魔絕跡
九類亡機且作麼生說箇動用全威底道理驚拈拄
杖橫按云休休動不如靜靠却拄杖便起

上堂云多時寒近方暖伶俐衲僧高著眼直得通身
是眼鼻孔遼天驚拈起拄杖云不消一穿鑿香臺下
座上堂云冬不受寒夏不受熱身上衣口中食應時

應節既非天然自然盡是人人膏血諸禪德山僧恁
麼說話爲是世法爲是佛法若也擇得分明萬兩黃
金亦消得喝一喝上堂良久云看看照也功成萬德
寂也蕩無纖塵遮裏薦得獨露圓明衲僧聞舉掩耳
退身總似遮一般底直須喚回來打參上堂云福勝
一片地行也任爾行住也任爾住步步踏著始知落
處若未然者直須退步脚下看取叱

洪州上藍文達禪師本州人也道性淳和德行脩潔
久參天衣懷禪師發明宗眼給事程公師孟請居上
藍一住十年道行大播熙寧元年辭衆坐滅焚化及
收舍利目睛宛然如生今塑本院郡人傾仰問如何
是豫章境師云落霞孤鶩飛秋水長天色僧曰如何
是境中人師云徐孺亭前月陳蕃榻下明僧曰向上
宗乘事若何師云人心難滿溝壑易填問如何是心
師云心問如何是和尙家風師云風吹不入僧曰恁
麼則把定乾坤眼綿綿不漏絲師云水洒不著問壘
鹿成羣如何射得師云看箭

洪州觀音啓禪師問如何是道師云水聲爭瀉碧僧

曰。學人不曾。師云。山色亂堆青。問。如何是無縫塔。師云。不曾動著。僧曰。如何是塔中人。師云。灰頭土面。問。如何是祖師西來意。師云。松長栢短。僧曰。意旨如何。師云。葉落歸根。

台州瑞巖子鴻禪師。姓吳氏。本州人也。受業于情峯資聖院。初住太平瑞巖。二利晚退老息庵。問法者。愈於曩日。兜率寺革律爲禪。堅命師主云。不數年間。復謀退隱。德行孤高。始終如一。問。如何是道。師云。開眼覷不見。問。如何是祖師初來意。師云。拂衣瞻漢月。飛錫遠中天。僧曰。意旨如何。師云。熊耳崔嵬千古色。少林蒼翠幾流芳。僧曰。謝師答話。師云。師子獸人韓獪逐塊。隨後便打。問。如何是垂手底句。師云。不得春風花不開。僧曰。如何是不垂手底句。師云。花開又被風吹落。僧曰。離此二途。如何是學人轉身處。師云。背斗望南星。僧擬議。師云。彈琴須對賞音人。問。法爾不爾。如何指南。師云。話墮也。僧曰。乞師指示。師呵呵大笑。問。如何是真實體。師云。針割不入。僧曰。如何是真實用。師云。清風在掌。僧曰。離此二途。如何是向上一路。

師云。欠汝一問。問。月圓當午時。如何。師云。千里同風。僧曰。欲言言不及。林下好商量。師云。千里不同風。問。如何是瑞巖師。云。千峰環列翠。僧曰。觀者如何。師云。舉目即遺蹤。僧曰。還許學人登也。無師云。地平宜進步。壁峻莫回頭。僧曰。方便門中更乞指南。師云。鷓鴣雲外樹。瀑瀉枕前聲。僧禮拜。師云。路遙知馬力。歲久見人心。問。普通已後。人人知有普通。已前如何。剖路師云。穿得胡僧鼻。僧曰。若與麼。不從人得也。師云。南雪峯北趙州僧。曰。何得龍頭蛇尾。師云。拄杖教誰喫。僧曰。學人遭貶剝。師云。酌海持蠡。一場困苦。

上堂云。法爾不爾。建立乖宗。堂堂現前。雕琢成僞。妙圓越悟。頭上安頭。頓獲法身。枷上添杻。若不爾。則靈山畫餅。曹溪指梅。過犯彌天。放過則不可。更有一箇誰檢點。得出薰拈拄杖云。今日不著便下座。

上堂云。一不守。二不向。上下四維無等量。大洋海底飛鉄船。須彌頂上翻鯨浪。臨濟縮却舌頭。德山關却拄杖。千古萬古。獨巍巍留與衲僧。作勝樣。急著眼。上堂云。夜來好雨。點點是衲子眼睛。衲子不惜分付。

與春風吹散普滋三草二木悉得敷榮若是敗種各須自甘莫道春風不著力好上堂云瑞岩是巖四面凝嵐花開幽徑水瀉寒潭牧童更歌樵客執詣相呼相喚溪畔掬流戲沙共笑山鳥底事喃喃或云瑞巖非巖惟寂惟寞無禪與君參無道與君學來者無拘去者非縛唯有門前千朶萬朶山帶月和雲倚寥廓師於紹聖三年八月示疾十五日寫遺戒付囑弟子後六日復留頌云志公釣得鼈僧伽手烹戮寒山不知味拾得飽盈腹木人惆悵弔又歌石女懽忻慰復哭言畢危坐而逝

越州天章元善禪師問大無外小無內既無內外畢竟是什麼物師云開口見膽僧曰學人未曉師云苦中苦僧曰無衆竭力禍出私門師云教休不肯休須待雨霖頭便打問古人橫說豎說知有向上關楸子也無師云何不向下問將來僧曰學人不會特伸請益師云向下不會說什麼向上關楸子僧曰大衆霑恩師云雖上堂云把定也滴水滴凍江河絕流放行也日暖風和山川競秀且道把定好放行好把定放

行盡在遮裏若也把定直須佛來祖來喪身失命若也放行七縱八橫蝦蟇蚯蚓同死同生上堂云霜鋪四野同居銀色光中鷗呌長天共在補陀影下高高處坦然平正低低處孤迥巍巍塵刹徧遊不離足下普門大啓祇在目前平原列朶朶之山曲澗流清清之水登山者誰知紫胡爲意臨水者誰知船子用心投綸擲線則且致離鈎三寸道將一句來以拄杖擊禪床下座上堂云夜雨初霽燒雲四開水聲滴瀝山色崔嵬可憐無限迷途者背却文殊禮五臺參

眞州長蘆崇福院體明圓鑑禪師開堂日上首白槌罷師顧視大衆云槌聲未作玄路早彰更顯鋒銳離牙劈齒到遮裏直得懸崖撒手便肯承當猶是藉草眠雲更須知有八面當風千波競涌截生死流離斷常見縱橫三界出沒卷舒應用無虧兵隨印轉然雖如是未入虎口焉得虎牙先達之者非在於斯後學初機有疑請問問昔日世尊善說般若帝釋爲啓請之人今朝師演宗乘府主是證明之者未審是同是別師云木鷄向曉啼殘月僧曰恁麼則靈山一會儼

然存也。師云：儼然一句作麼生？道僧曰：相識滿天下，知心能幾人？師云：非公境界。問：聖朝太后崇因地法王真諦若爲宣師？云：此問不虛。僧曰：憑師一句玄中妙上祝。丕圖萬萬年。師云：謝汝證明。問：府命開堂於此日，師將何法報？君恩。師云：將此身心奉塵刹，是卽名爲報。我皇僧曰：報恩旣乃若斯，祖令又如何話會？師云：臨濟德山權且鎮庫。僧曰：慈雲普潤法雨遐霑。師云：閑言語問世尊出世三轉法輪。師今出生當爲何事？師云：一天初過雨，萬里始歸雲。僧曰：一法偏含春雨潤，羣生皆悟海潮音。師云：念得不濟事。上堂，顧視左邊云：師子之狀，豈免頓坤。顧右邊云：象王之儀，寧忘回顧。取此逃彼，上士奚堪。議變知機，野狐窠窟。到遮裏須知有凡聖，不歷處古今不到處。且道是什麼人行履？良久云：丈夫自有衝天志，莫向如來行處行。上堂云：上士相逢休論日，擊祖佛門中如何受用。古往今來新新無間，雖然如是，猶在荊棘林中。衲僧家須向鑊湯爐炭上，成等正覺。刀山劍樹上說法度人，方有少分相應。良久云：茯苓祇在松根下。

用意追尋事轉遙

杭州龍華文喜禪師後住陸蓮菴，問：如何是陸蓮境？師云：一徑階前草數株，霜後松僧云：如何是境中人？師云：拏開凡聖路，踏破畫門來。僧曰：向上宗乘事若何？師云：一條柳標杖，萬里作風威。師云：諸仁者，且道答伊境不答伊境？若道答伊境，山僧眼在什麼處？若道不答伊境，又道一徑階前草數株，霜後松還相委。悉麼？良久云：時時明祖意，日日起清風。珍重。處州永泰自仁禪師問：如何是露地白牛？師云：大難看守。僧曰：看守卽易，未審將何爲用？師云：得用卽用。僧曰：學人借用得也。無師云：直饒用得，也是別人底。師云：松風凜凜敗葉紛紛，柳帶衰頽猿啼遠岫，若也善觀時節，方與諸聖相隣。未出得衲僧活計，諸仁者當此之際，正好橫擔拄杖，高掛鉢囊，到處撞開方丈門，且與老胡相見。若也一言不契，坐具拂開，便行豈不快哉？山僧自行脚已來，未曾逢著一箇半箇，何故如此？良久云：土曠人稀，相逢者少。珍重。上堂云：金風乍扇，松竹交陰。水月分明，遊人罔措。還會麼？若有人

會出來。箇箇消息。山僧爲備證據。良久云。布袋裡雖
子不出頭者。是好手下座。師世壽八十四。僧臘六十
一。於元符元年六月初九日。澡浴更衣辭衆而趺坐
逝。

饒州景德普俊禪師。問諸佛出世。蓋爲群生太守。請
師當爲何事。師云。尊官在此。僧曰。一雨所滋。羣生普
潤。師云。欠少什麼。問如何是主人。公師云。一朝。在
手看取。令行時。僧曰。若不上來。焉得如是。師云。將謂
衲僧。問依稀似半月。傍像若三星。乾坤收不得。師於
何處。明師云。人人具足。僧曰。學人便怎麼時。如何師
云。箭發離絃。新羅國裏。

汀州同慶禪院智珣禪師。上堂云。法無別法。心卽此
心。直下承當。不爲分外。更若別求。巧妙闔釘。語言於
達磨西來。天地遼遠。何也。幸自可憐生。何勞強雕琢。
參。

汀州開元智孜禪師。開堂日。陞座云。黃金爲地。白玉
爲城。十方繚繞。百寶莊嚴。大衆還見麼。還信麼。若也
信得。人人分上。各各如斯。十方國土。不隔毫端。亘古

亘今。都在一念塵沙。諸佛同此一途。從上祖師。更無
別路。若信未及。有疑請問。問學人上來。請師說法。師
云。嶺上白雲閑。蕩蕩僧曰。莫便是和尚爲人處也。無
師云。澗中流水急。茫茫問師唱誰家曲。宗風嗣阿誰。
師云。明眼人前。莫錯舉。僧曰。天衣的旨。師親唱雲門。
祖派轉光輝。師云。聽事不真。喚鍾作甕。師云。諸佛不
出世。擾擾世界。無依怙。祖師不西來。茫茫衆生。無本
據。諸佛出世。祖師來。遂使人人皆得。所上則見皇天。
下則履厚土。君聖臣賢。十方得路。父慈子孝。草率有
序。衲僧要去。便去。要住。便住。大衆此。猶是世諦之談。
出世間一句。作麼生。道良久云。雲橫疊嶂。月上晴空。
上堂云。衲僧家。向針眼裏藏身。稍寬大海中。走馬甚
窄。將軍不上。便橋勇士。徒勞掛甲。晝行三千。夜行八
百。卽不問不動步。一句作麼生。道若也道得。觀音勢
至。文殊普賢。祇在目前。若道不得。直須攪起。布裙緊
帽草鞋。參。

上堂云。雲行蕩蕩。鳥語嚶嚶。頭頭垂示。非色非聲。便
怎麼會。落盡塵坑。不怎麼會。孤負平生。閉門造車。出

門合轍人人知有觸龍鱗履虎尾大衆作麼生體會。若體會得便能光輝日月閃爍星辰若未能體會僧堂中有粥有飯夏月日長林下取涼珍重。

上堂云寒空落落大地漫漫雲生洞口水出高原若也把定卽十方世界恍然若也放行卽東西南北坦然茫茫宇宙人無數一箇箇鼻孔遼天且問諸人把定卽是放行卽是還有人斷得麼若無人斷得三門外有兩箇大漢一箇張眉握劍一箇努目揮拳參。

泉州資聖捷禪師問如何是佛法大意師云鉄牛生石卵問如何是接人句師云三門頭合掌問如何是大用句師云腦門著地問如何是無事句師云橫眠大道問如何是出三界句師云野狐窟裏問如何是奇特句師云的問如何是平實句師云泥中洗土。蘇州澄照慧慈禪師問了然無所得爲什麼天高地濶師云窄問如何是佛師云巍巍堂堂問如何是道師云目前看取問如何是和尙家風師云七零八落。上堂云若論此事眨上眉毛早是蹉過那堪進步向前更要山僧說破而今說破了也還會麼昨日雨今。

日晴

秀州崇德智澄禪師上堂云覲面相呈更無餘事若也如是豈不俊哉山僧蓋不得已曲爲諸人若向禪僧面前一點也著不得諸禪德且道禪僧面前說箇什麼卽得良久云深秋簾幕千家雨落日樓臺一笛風下座。

蘇州淨慧可證禪師問達磨未來時如何師云天涯地角僧曰來後如何師云四海五湖師云龍宮海藏盡屬葛藤教外別傳起模畫樣當人分上平地風波若到遮裏如何得出乃云毗婆尸佛早留心直至如今不得妙參堂去。

泉州棲隱有評禪師問如何是平常道師云和尚合掌道士擎拳問如何是無位真人師云渠無面目問十二時中如何趣向師云著衣喫飯僧曰別還有事也無師云有僧曰如何則是師云齋餘更請一甌茶上堂云爲體也鏡淨水澄爲用也光生滿目十二時中有何妨礙恁麼說話笑破人口。

蘇州定惠雲禪師問如何是爲人一句師云見之不

取僧曰學人未曉師云思之千里問學人上來乞師
一接師云云問月雨后山青僧曰學人今日功不
復施聖師云更須了細問如何是親切爲人處師云
縮却舌頭僧曰學人便怎麼會去也師云切莫卓卓
問如何是向上人師云脚下看取僧曰如何是向
下爲人師云腦門著地

汀州開元智禪師問如何是無私底句師云片月
流輝光含萬象僧曰謝師指示師云指示箇什麼僧
曰爭奈言猶在耳師云是什麼言僧曰片月流輝光
含萬象師云學語之流問如何是道師云亘古亘今
僧曰目前無異路達者共途師云爾作麼生會僧
曰踏著稱踏硬似鏡師云猶較些子問如何是佛法
大意師云春寒秋熱僧曰學人不曾師云秋熱春寒
問如何是占佛家風師云讚歎不及問如何是無縫
塔師云風吹人僧曰如何是塔中人師云鼻孔大
頭向下上堂云物我冥契頭露真機法法靈通心心
獨耀卷舒自在隱隱無拘有時闌爾無礙有時廓周
沙界般若光中悉皆應現塵塵既爾念念皆如說什

麼目運驚子具大神通到這裏作麼生摸樣參
靈峯崇化珣禪師問知師久蘊囊中寶今日當延略
借看師云人逢好事精神出馬遇寒霜氣力生問如
何佛法大意師云山深水凍僧曰如何趣向師云雪
冷霜寒問驗人端的處下口便知音學人上來請師
不恡師云好事不出門

建州乾符大同院旺禪師問師唱誰家曲宗風嗣阿
誰師云鉄牛橫渡海僧云恁麼則天衣嫡子乳竇兒
孫師云石角夜穿山問如何是祖師西來意師云入
市爲龜僧曰意旨如何師云得縮頭時且縮頭

建中靖國續燈錄卷第十

建中靖國續燈錄卷第十一

〔宋銘〕

東京法雲禪寺住持傳法佛國禪師臣惟白集

對機門

廬山清原山白忠禪師第十一世

筠州大愚曉舜禪師法嗣

蔣山佛慧禪師諱法泉。姓時氏。隨州隨縣人也。少嘗業儒。才器明敏。金依龍居山智門院。信記禪師出家。記預夢法堂泉。涌翌日師至。因而名之。後習經業。比試圓具。遠造雲居舜禪師法席。因示二祖禮拜因緣。擬答次舜掩師口。從茲頓悟。初住大明千頃靈巖南。明蔣山五刹左丞蔡下承旨蔡京景仰問道。晚奉詔旨住大相國寺智海禪院。師問衆曰。赴智海留蔣山去。就孰是衆皆無對。師乃索筆爲偈云。非佛非心徒擬議。得皮得髓護商量。臨行珍重諸禪侶。門外千山正夕陽。書畢坐逝。問達磨九年冷坐未遇知音和尚。今日開堂當爲何事。師云。雲生巖上。僧曰。學人未曉。師云。杲曰。當天問祖。祖相傳傳祖印。師今得法嗣何人。師云。了角女子戴席帽。僧曰。恁麼則雲居嫡子韶石兒孫。師云。多將甕響作鐘聲。問古人道。日面佛。月面佛。意旨如何。師云。馬祖在江西。僧曰。若不上來焉。知如是。師云。麤餐易飽。僧展兩手。師云。弄影藏頭。問三級浪高如何。一透師云。莫遭點額。僧曰。恁麼則風雷連四海。師云。浪裏看桃花。問古人說不到處。請師

說。師云。夫子入太廟。僧曰。學人未曉。師云。春暖柳條青。問如何是和尙家風。師云。山前栢子吾親種。僧曰。恁麼則雲散家家月。春來處處花。師云。嶺上樵人跣足行。問如何是西來的意。師云。揭衣過水。僧曰。學人未會。師云。拄扶橫擔。問如何是學人自己。師云。一倒一起。僧曰。莫抵遮箇便是也。無師云。大眾笑。爾問祖師未來時如何。師云。月明東嶺上。僧曰。來後如何。師云。黃河觀底流。問祖師面壁意旨如何。師云。撐天拄地。僧曰。便恁麼去時如何。師云。落七落八。問如何是賓中賓。師云。去魏來秦。僧曰。如何是賓中主。師云。更無伴侶。僧曰。如何是主中賓。師云。少喜多嗔。僧曰。如何是主中主。師云。放過一著。問二祖立雪意旨如何。師云。三年逢一閤。僧曰。爲甚付法傳衣。師云。村酒足人沽。問停機罷棹時如何。師云。寒沙翹白鷺。僧曰。到岸後如何。師云。屏水漫驚鷺。問如何是道。師云。不道。僧曰。爲什麼不道。師云。恐爾會去。僧曰。是何心行。師呵呵大笑。問如何是諸佛本源。師云。金轆轤玉鐙。問如何是佛。師云。眉目分明。問如何是急切一句。師

云火燒眉毛。問如何是不犯鋒銑句。師云秤鎚落井。師云諸仁者。問話住得也。相挨相拶。進前退後。口裡喃喃。地圖箇甚麼。將謂宗門合有恁麼事。諸人敗闕。猶可帶累山僧。亦無分雪處。何故。諸人未發問時。猶較些子。纔始出來。便知勿交涉。不見摩竭國內土。曠人稀少。室巖前風高。月冷到遮裏。豈假三寸方解。辨明。所以道諸佛不出世。祖師不西來。龍樹馬鳴不敢論。量海藏龍宮。不能詮註。雖然如是。若是明眼漢一點也瞞他不得。后學初心。卒難摸揅。今日幸因判府侍郎爲佛法主。山僧得與諸人相見。大衆如今忽有人問相見底事。向他道什麼。若有道得底。出來吐露箇消息。看山僧爲備證明。若也未知。今日已是藏隱不得爲諸人。一時說破。乃壁開胸云。分明記取。上堂云。春雪晴。春山青。白雲散處啼鳥數聲。諸禪德還知麼。聽著則塞却。偏耳。眾覷著則瞎却。偏眼睛。莫怪蔣山無意智。大家林下過。餘生上堂云。來不來。去不去。脚下須彌山。腦后擎天柱。大藏不能宣。佛眼不敢覷。諸高德。漸老逢春解惜春。昨夜飛花落無數。上

堂畫一圓相。以手托起云。諸仁者。還見麼。迢迢從海出。漸漸入雲衢。諸人若也未見。莫道南明長老措大相。却於寶花王座上。念中秋月詩。若也見得。此夜一輪滿。清光何處無。上堂顧左右云。南天台北五臺莫錯會。上堂云。要去不得。去要住不得。住打破大散關。脫却孃生袴。諸仁者。若到臘月三十日。旦道用箇什麼。良久云。柳絮隨風自西自東。虔州慈雲院修惠圓照禪師問牛頭。未見四祖時。如何。師云。青山藏不得。僧曰。見後如何。師云。明月合相容。問古鏡未磨時。如何。師云。分明雖對容。僧曰。磨後如何。師云。好醜不藏人。問上根人來。師還接否。師云。接僧曰。未審如何。接師云。教伊爲下下根人。僧曰。爲什麼。如是。師云。量才補職。僧曰。如何。是爲人一句。師云。無言不當啞。問如何。是和尙接人一句。師云。真金不混水。僧曰。乞師再接。師云。展手卽迷源。問祖意教意。是同是別。師云。海深龍臥穩。僧曰。未審意旨如何。師云。桐長鳳巢高。上堂良久云。若論此事。唯佛與佛。乃能知之。諸人還

知麼。慈雲今日爲爾諸人開大智門。入總持藏。示爾諸人無價珍。諸人還識麼。遂拈拄杖云。遮箇豈不是無價珍。一人有一箇。自是諸人不肯承當。若承當得去。頭頭應用。取捨由已。十二時中。使之不竭。用之不盡。若也用之不得。一任懷寶迷邦。向外馳求。踏破草鞋。虛生浪死。卓一下上堂云。上士一決一切了。中下多聞多不信。大衆上士一決決箇什麼。中下不信不信箇什麼。不須信。不須決。今朝又是季秋月。看看離下菊花黃。待到重陽與君折。轆山茶大家啜。何須更要趙州說。久立上堂良久云。大衆會麼。五月十五日。卽不問爾。且道。葫蘆裡走馬。一句作麼生。道直饒聖得。也是渴鹿逐陽燄。上堂云。菩提達磨口能招。翻聖諦議中。梁王勘破。皈到少林。九年壁坐。退已讓人。萬無一箇珍。重上堂云。片月浸寒潭。微雲滿空碧。若於達道人。好箇真消息。還有達道人麼。微雲穿過。爾觸骸片月。觸著爾鼻孔。珍重。

建州崇梵餘禪師。先住郭巖。問臨濟喝少遇智音德。山棒難逢作者。和尚今日作麼生。師云。山僧被爾一

問。直待退身三步。脊背汗流。僧曰。作家宗師。今日還遇師云。一語傷人。千刀攪腹。僧以手畫一畫云。爭奈遮箇何。師云。草賊大敗。問。恁麼來。底人師還接否。師云。孤峯無宿客。僧曰。不恁麼。底人來師還接否。師云。離峻不留船。僧曰。恁麼不恁麼。則且致穿過觸骸一句。作麼生。師云。堪笑亦堪悲。問。如何是郭巖家風。師云。密室寂寥。無一物。生涯祇在鉢盂中。僧曰。忽遇客來。如何祇待師云。百味珍羞。無過一飽。僧曰。大衆承師供養也。師云。食飽傷心。師云。老僧尋常與諸人說。禪說道。說佛說祖。祇有末後一句。從來不曾動著。今日不惜兩莖眉毛。爲諸人舉。良久云。大衆。鷄子已過新羅。荒草覓甚。歎。鳩上堂云。直須向黑豆未生芽時。搆取。良久召大衆云。劒去遠矣。上堂云。煙雲澹蕩。草木蕭疎。白蓮已謝。寒塘紅蓼。正開古岸。籬邊黃菊。白露凝珠。巖桂飄香。清風雨地。諸人到遮裡。且作麼生商量。良久云。高著眼。

衡山澄信禪師。問師唱誰家曲。宗風嗣阿誰。師云。甚處得此消息。僧曰。棲賢一箭。直射衡山。師云。飽叢林

杭州南山長耳相子良禪師問六門休歇時如何師云坐家致仕僧曰忽遇客來如何祇待師云爛嚼清風細餐明月僧曰學人有分也無師云無下口處師云鶯啼綠柳鵲喜花枝於斯薦得觸處光輝更有一般道理防萌杜漸居安慮危咄是何言歟

建州開元瑩禪師上堂云有一面鏡到處懸挂凡聖不來誰上誰下遂拈拄杖云遮箇是拄杖子那箇是鏡良久云萬古碧潭空界月再三撈攬始應知上堂云倏倏忽忽東涌西沒無害無傷穿皮透骨平等應用非心非拂拶破面門箇是何物古人無端謂遠天鵲具眼者看取力口希咄咄以拂子擊禪床下座

越州天衣山在和禪師法嗣

杭州護國善提志專禪師問遠離嘉禾勝境已屆海昌道場如何是不動尊師云此去嘉禾不遠僧曰恁麼則往復無際師云剎利衲僧便喝師云捧上不成龍問朝蓋已臨於法座請師直下演吾宗師云平田萬頃當春色僧曰學人未曉師云野老謳歌正好聽僧曰聽後如何師云領前話上堂云說卽天地懸

且字
領上一有

殊不說卽眼睫裡藏身眉毛上踣跳說與不說拈放一邊舉起拄杖云且道遮箇是什麼良久云盡月冷光現卓地計初成卓一下下座

饒州安國倥禪師法嗣

彭州慧日堯禪師問如何是第一義師云祇備問底僧曰了了時無可了師云更說什麼僧曰不虛此問師云師子敲人問如何是如來禪師云海日輝光僧曰如何是和尙禪師云且領前話問古者道我有一句待無舌人來卽向汝道未審意旨如何師云無影樹下好商量僧禮拜師云瓦解冰消師云松風颯颯細雨微微紅日銜山冰輪出海照古照今未嘗有間目前無法日用分明法爾熾然絲毫不立人人具足各各圓明向諸人前更說箇什麼卽得良久云參師於元祐七年十二月十七日示衆曰祇恁麼祇恁麼好時節言畢趺坐而逝茶毗悉聞異香斂骨得舍利五色舌根不壞

杭州承天傳宗禪師法嗣

饒州崇福禪院了禪師問大衆雲臻請師說法師云

青蓮不惜親分付。罕遇知音會。破顏僧曰。一句無
群心有賴。師云。箇中端的旨。沙界共流通。僧曰。若不
臨滄海焉。知波浪寬。師云。一派曹源水。時人被陸沈。
上堂云。遲日和風。柳陂桃綻。萬物發生之際。是般若。
流運之時。草木芬芳。園林秀媚。且道無影樹子。抽條
也未。遂拈拄杖云。看看築著梵王鼻。孔拶破帝釋眼。
晴盡大地。全是山僧。諸人無分若也。薦得盡大地。全
是諸人。山僧無分。如或未然。打鼓普請。看上堂云。雲
擁奇峯。水盈巨壑。橫扁舟於古岸。釣皓月於波心。紅
尾錦鱗。農家末事。曬珠荊璞。未足爲珍。直饒撮土爲
金。何似轉凡成聖。大眾凡聖賢愚。古今條例。作麼生
轉。良久云。瑠璃盞子人皆有。無著當時祇爲麤。
杭州承天寺守明禪師問布鼓當軒。擊家風略借看。
師云。眨上眉毛。僧曰。與麼則展陣開旗。師云。伏惟伏。
惟。師云。劒輪飛處。好定綱宗。石火電光。眼中著屑。所
以曹溪拈拂。已涉痕瑕。雪嶺輞毬。急須著眼。若是行
脚上士。本分禪流。縱教喝散白雲。衝開碧落。如斯受
用。又屬建化門中。若也正令提綱。任是三頭六臂。底

出來也須倒退三千里參

湖州鳳凰山護國仁王有從禪師問曇花已現人天
仰願開金口副羣機師云白雲垂碧落無處不爲霖
僧曰便與麼會時如何師云裂轉鼻孔僧曰不因伸
請問爭辨我師機師曰用不著問箭鋒相拄笑殺衲
僧啐啄同時千山萬水不涉程途請師速道師云一
二三四五僧曰便是和尚爲人處也師云隨坑落壑
僧曰作家宗師師云放爾三十棒問師今已受公侯
命知將何法報君恩師云南山雲北山雨僧曰金
枝永茂千年葉寶祚長興萬萬春師云買石得雲饒
師云宗乘一舉海辯難詮祖令當行要津無路真如
凡聖皆是夢言佛及涅槃並爲增語據此誠實之言
還可舉揚也無既陞此座不可徒然方便門中放一
線道與諸人商量且道十二時中如何趣向若向遮
裡薦得行住坐臥任運施爲見聞覺知隨緣應用塵
塵彌勤刹刹善財山河大地自己家風妙明真心非
增非減若能如是方稱丈夫久立

鼎州大龍山德全禪師問如何是法身師云聲前柏

不散僧曰。學人便恁麼時。如何。師云。句後覓無蹤。
蘇州崑山慧嚴海印禪師問。柳垂堤畔。花發林間。如
何。顯道師云。兩彩一賽。僧曰。自從一見桃花後。直至
而今更不疑。師云。備向什麼處見。靈雲僧曰。花開樹
滿。花落枝空。師云。放爾三十棒。

眞州長蘆智福祖印禪師法嗣

金陵清涼廣惠和禪師問。如何是祖師西來意。師云。
須彌山北。問。如何是學人自己。師云。鐵圍山南。問。如
何是學人親切處。師云。黑處看曆。日問。如何是清淨
法身。師云。須彌頂上。擊金鎚。問。如何是活人句。師云。
馬角換牛角。僧曰。學人不會。師云。牛蹄似馬蹄。問。如
何是和尙家風。師云。白玉池邊。金色花開。問。如何是佛
法大意。師云。鑊子兩頭搖。問。祖祖相傳。祖令師。今
得法嗣。何人。師云。孔子元來是仲尼。問。一切賢聖。皆
以無爲法。而有差別。如何是無爲法。師云。今日有風。
兼有雨。僧曰。如何是有爲法。師云。一年還有一年春。
問。霜風乍扇。祖令當此之時。合談何事。師云。翠
竹竿竿翠。僧曰。一句已分於黑白。祖令如何和得齊。

師云。青山點點。青上堂云。達磨大師無端將一杓惡
水潑在天下。老宿頭上。直得天下老和尚說禪說道。
南北紛紛。續燄聯芳。亘今亘古。山僧今日親遭一杓。
醒于此座。擺脫無門。揚千古之玄風。振一時之今範。
良久云。看看山僧將一杓惡水潑向諸人頭上去也。
還覺也。無如或不知。更看一杓。祖佛家風。孰與知西。
來消息。若何爲殷勤爲報。未歸客月滿秋天霜冷時。
參上堂云。一日復一日。日日催人老。寒則且圍爐。困
乃和衣倒奉報。往來人家中。元有寶家內。不曾尋挂
棒。緣門討任使。討過年。辛苦生煩惱。不如歸去來。去
却門前草。復云。諸禪德。盡十方世界。是草作麼。生去。
飯堂喫茶上堂云。多日天晴。今朝下雨。大地山河。無
不皆普。三時打鐘。二時打鼓。處處分明。頭頭薦取。復
拈拄杖云。諸禪德。還會麼。三世諸佛。盡在裡許。拍禪
牀一下。

湖州報本蘭禪師法嗣

福州中際可遵禪師示衆云。禾山普化忽顛狂。打鼓
搖鈴戲一場。劫火洞然宜煮茗。嵐風大作好乘涼。四

蛇同篋看他弄。一鼠侵藤不自量。滄海月明何處去。
廣寒金殿白銀牀。咄。下座上堂云。昨夜依稀春夢中。
可。遵慧可忽相逢。臂疼脚冷雙眉皺。遂喝云。山僧夢。
見祖師過犯彌天汝等諸人還曾夢見麼。又喝。一喝。
便下座上堂云。咄。咄。咄。井底嗽嗽。是何物。直饒三千。
大千也。祇是箇鬼窟。咄。上堂云。昨夜四更起來呵呵。
大笑不歇。幸然好一覺。睡霜鐘撞作兩橛。

越州稱心山守明禪師法嗣

洪州承天上藍院光寂禪師問爲國開堂有何施。
設師云。旃檀林秀。薝蔔花香。僧曰。雷音一震。萬物生。
芽。師云。飽足觀光。上堂橫按拄杖云。大衆還識上藍。
老漢麼。眼似木突。口如匾擔。無間精麤。不知醎澹。與。
麼住持。百千過犯。諸禪德衆中。還有人爲山僧懺悔。
底麼。良久云。氣急殺人。卓拄杖下座。

潭州大潯山密印宥禪師法嗣

廬山歸宗慧通禪師問師唱誰家曲。宗風嗣阿誰師。
云。今日新授請僧曰。畢竟如何。師便打問。如何是函。
蓋乾坤句。師云。日出東方夜落西。僧曰。如何是截斷。

衆流句。師云。鐵山橫在路。僧曰。如何是隨波逐浪句。
師云。船子下揚州。問。如何是塵塵三昧。師云。灰飛火。
亂。僧曰。如何是佛法大意。師云。黃河水出崑崙崙。問。
十二時中。如何履踐。師云。鐵牛步春草。問。隻履西歸。
當爲何事。師云。爲緣生處。樂不是。厭他。鄉僧曰。如何。
是當面事。師云。眼下鼻頭。垂問。如何是祖師西來意。
師云。過後思君子。師云。心隨相起。見自塵生了。見本。
心。知心無相。卽十方刹海。念念圓明。無量法門。心心。
周匝。夫如是者。何假覺城。東際參見文殊樓閣。門開。
方親彌勒。所以道。一切法門。無盡海。同會一法道場。
中。拈起拄杖云。遮箇是一法。那箇是道場。遮箇是道。
場。那箇是一法。良久云。看看。拄杖子。穿過諸人。髑髏。
須彌山。拶破諸人鼻孔。擊香臺一下云。且向遮裡會。
取。上堂云。從無入有。易從有入。無難有無。俱盡處。且。
莫自顛預。不顛預。舉來看。寒山拾得禮。豐干珍重。上。
堂云。鐘鼓聲不到。不到聲。不知不知。聲不會。不會不。
思議。上堂云。春雲黯黯。春雨霖霖。沼沚陂池。悉皆盈。
滿。沂流者少。隨浪者多。萬派千江。奔歸大海。且道作。

麼生是大海。自云不讓衆流爲什麼。不讓衆流復云深。

安州大安興教慧憲禪師問師唱誰家曲。宗風嗣阿誰。師云雲團石。筍峯前水瀉香巖溪。畔僧曰。恁麼則。潯山嫡子也。師云湖南一水向西流。問今日陞堂。願聞舉唱。師云細柳迎風舞。巖花向日開。僧曰。便恁麼會時如何。師云十萬八千上堂云。我有一條拄杖。尋常將何比。況採來不在南山。亦非崑崙西嶂。拈起滿目光生。放下。驪龍縮項。同徒若也。借看卓出。人中之上。擊香臺一下。師臨遷化。辭衆云。衲僧家生死事大。去來是常。去去實不去。途中好善爲來。來實不來。路上莫虧危。無縫合子。盛將去無底籃子。盛將來。頭不用剃身不用浴。脚下盤旋二七宿。大唐撒向掌中擎。鐵牛夜透新羅國。杲日當空掣電機。雲愁霧慘是常儀。言畢趺坐而逝。

饒州崇福清雅禪師問如何是崇福境。師云磬敲寒月夜。香爇白雲朝。僧曰。如何是境中人。師云僧是僧俗是俗。僧曰。向上更有奇特事也。無師云毗盧頂上。

金冠子僧曰。重重蒙指示。千古爲流芳。師云笑殺傍觀。

東京十方淨因懷璉大覺禪師法嗣

杭州臨安徑山維琳無畏禪師初住大明。問師唱誰家曲。宗風嗣阿誰。師云不在然燈前。亦非釋迦後。僧曰。莫便是育王兒孫也。無師云神岳風高。湍澗水急。問如何是大明家風。師云神鸞頂上。軒眉坐黃鸝。蚶中昂首行。僧曰。未審意旨如何。師云會即便會。覓甚意旨。僧珍重。便去。師云聽取一偈。桴拈火殘飛白灰。老僧身上白如雪。地爐冥坐人不知。蒼狄山西叫明月。久立。

杭州臨平勝因資禪師問知師久蘊囊中寶。今日當場略借看。師云方圓無內外。醜拙任君嫌。僧曰。心月孤圓。光含萬象。師云莫將黃葉作真金。問菩提不可以心得。未審和尙從何而得。師云觀漢師云。若論此事。譬如日月麗天。八方普照。盲者不見。盆下不知。非日月不明。乃當人障隔。若據祖師正令。擬議千差。直須打透金鑊玄關。一任縱橫妙用。久立。

杭州佛日淨惠戒禪師問如何是毗盧印師云草鞋踏雪僧曰學人不會師云步步成蹤問如何是清淨法身師云疥癩癰疽僧曰意旨如何師云不可道三身四智問師唱誰家曲宗風嗣阿誰師云韶石木分千界月鄮峯花發一枝春僧曰恁麼則大覺嫡子也師云千聞不如一見僧曰專爲流通師云一任摸捺師云祖宗門下水泄不通放去收來隨機應用把定則綿綿不瀾放行則雨驟雲奔若向本分事中未曾動著絲毫且問諸人作麼生是本分事良久顧視大眾云高著眼

一無礙字

福州天宮慎微禪師問故歲已去新歲到來還有不受歲底也無師云有僧曰未審是什麼人師云門外金剛問如何是古佛家風師云鐘鳴鼓響僧曰便是也師云朝三千暮八百問如何是佛師云九竅常流僧曰未審意旨如何師云色香味觸問如何是琴臺一曲師云木人臺畔立囉哩不曾聞師云五四三二一胡僧數不出泥牛笑點頭木馬生嗽唧何也桃花紅李花白春山疊亂青春水涵虛碧相逢休問趙州

關水裏金烏天上日師云八萬四千波羅密門門長開三千大千微塵諸佛佛說法不說有不說無不說非有非無不說亦有亦無何也離四句絕百非相逢舉目少人知昨夜霜風漏消息梅花依舊綴寒枝

温州彌陀庵正彥菴主一日禮拜雪竇良禪師師云備是有主沙彌無主沙彌主云有無且致和尚是有主禪師無主禪師師云却被胡蘆倒繞藤主云道什麼師擬議主拂袖出云見面不如聞名師呵呵大笑至晚入室師不允主乃有頌金刀剃落青絲髮求佛求法亦非眞黃梅分付盧行者師今授手與何人

杭州靈隱雲知慈覺禪師法嗣

杭州靈隱山正童圓明禪師問皇風蕩蕩帝道平平爲國開堂將何祝聖師云無出此問僧曰學人叉手當胸退身三步師云不知何處謝無私僧禮拜師云知恩者少問如何是道師云夜行莫蹈白僧曰如何是道中人師云黃張三黑李四

婺州寶林顯珠禪師法嗣

婺州寶林用明禪師問世尊三昧迦葉不知和尚三昧什麼人知師云泥牛穿海去木馬透雲歸僧曰恁麼則學人請益師云未敢相許僧無語師云真箇衲僧

温州鴈蕩靈峯文吉禪師法嗣

温州淨光爲覺禪師問雲門一曲師親唱未審西來意若何師云道什麼僧曰恁麼則是和尚爲人處師云錯師云淨光紺字古佛祇園聞名者塵心頓息目觀者宛若昇天面臨郭郭背靠林泉處處盡歌皇化何須演妙談玄向上一竅千聖不傳敢問諸人作麼生是向上一竅薰拈拄杖卓一下云鴛鴦繡了從君看莫把金針度與人

婺州承天惟簡禪師法嗣

婺州智者山壽聖利元禪師問如何是佛師云三人證龜成鳖僧曰意旨如何師云身貧方覺濟人難師拈拄杖云大用現前不存軌則東方一指乾坤肅靜西方一指瓦解冰消南方一指南斗作竄北方一指北斗潛藏上方一指築著帝釋鼻孔下方一指穿過

金剛水際諸人面前一指成得什麼邊事良久卓一下云路上指奔鹿門前打犬兒

温州瑞安壽聖僧印禪師問如何是法身師云頭長耳小僧曰如何是法身用師云南原耕罷耆耆耨負樵歸僧曰恁麼則三身不分也師云大蟲看水磨師云將心問佛如天遠以佛求心道轉踈若遇雲門行正令須教棒下識龍蛇良久云具眼者辨取師於熙寧十年九月十三日沐浴更衣留偈云倚空靈劍冷光浮佛祖魔兵一刃收帶月吼風歸寶匣鐵牛驚散曲江頭言畢跌坐而逝茶毗歛骨獲舍利五色

明州九峯韶禪師法嗣

明州大梅山祖鏡禪師諱法英姓張氏本州鄞縣人也投師出家十三圓具威儀清雅性介不群博究古今樂手述作學問超卓見量穎悟參九峰韶禪師頓悟宗旨初住襄陽白馬次居大梅判宗留後仲爰一見道契奏賜棋服師名開堂日問徧知已具今成佛賢宰殷勤請住持住持即不問徧知事若何師云舉起分明僧曰恁麼則不惜祖燈長夜照奉酬明主

太平時師云。賊是。小人僧曰。真師子兒。作師子吼。師云。兩重公案。問。昔日靈山一會。今朝白馬是同是別。師云。分明更舉。僧拍一拍。師云。作什麼。僧曰。未審意旨。如何。師便打。僧曰。如何。是和尙家風。師云。猶自口喃喃。師云。至道無在。豈無在也。至言無窮。豈無窮也。得之則皎。若目前失之則毫釐有隔。是故雖一大藏教。不爲多言一默。毗耶豈曰無語。須知佛祖人天殊非本有好惡。長短亦非本無直下薦得。猶在半途遮箇事。須遇明眼人證據。貧道今日可謂功不浪施。將此舉揚上祝。皇風情與無情得無生。忍上堂云。春山笋蕨正蒙茸。好把黃梁徹曉春。莫謂西來無此意。祖師渾在鉢盂中。參上堂云。祖師不會禪。諸佛不會道。學道與學禪。諸方開浩浩。或以玉爲塵。或認石爲寶。參得一肚皮。特地生煩惱。不煩惱解會。那如入荒草。寄語參禪學道人。頭邊白髮年年新。何如來與大梅相共。開田博飯喫。一生參學事畢珍。重上堂云。末後一句。如藤倚樹。向上一竅。演若失。照細大法門。是何緊要。爲君唱箇菩薩蠻。也是人間閑曲調。參上堂。

云三十六句之始。七十二候之初。末後句則且致。祇如當頭一句。又作麼生。道拈拄杖云。歲朝把筆。萬事皆吉。急急如律令。大衆山僧。恁麼提唱。且道還有祖師意也。無良久云。記得東村黑李。四年年親。寫在門前。卓拄杖下座。

越州東山國慶順宗禪師法嗣

建州定峯曉宣禪師問。如何是祖師西來意。師云。雲收千嶽翠。僧曰。如何。領會。師云。雨洗百花鮮。問。學人上來請師垂示。師云。江澄秋夜月。風掃曉天霞。僧曰。一句纔流通。萬古師云。爾作麼生。會。僧便喝。師便打。

荊門玉泉山景德承皓禪師法嗣

郢州林溪興教文慶禪師一日云。六六三十六。東方甲乙木。嘉州大像出關來。陝府鐵牛入西蜀。參。

豐州夾山遵禪師法嗣

江陵福昌寺信禪師問。一花開五葉。如何是第一葉。師提起坐具。僧曰。雲生片片雨。點霏霏。師云。不痛不知傷。僧曰。遮箇猶是風生雨意。如何是第一葉。師將。

坐具撼一撼僧拍掌師云一任踈跳問師子未出窟時如何師云更問看僧曰出窟後如何師云龕龕露窗問達麼未來時如何師云大地盡漫漫僧曰來後如何師云雲散家家月問如何是佛師云東家兒郎西家織女僧曰學人不會師云擲筆拋梭問如何是道師云天蓋地載僧曰恁麼則盡在裏許也師云阿哪哪阿哪哪問如何是祖師西來意師云在偏腦後僧曰某甲不會師云好彩汝不會若教會去帶累老僧上堂云時寒起動大衆不爾者法席有疎宗風何振三門草深往還絕跡不如且與諸人作箇素筵宰露地白牛供養諸人大家圍爐唱無生曲子良久云諦聽諦聽上堂云大衆大衆舉頭師云南山風色緊便下座上堂云朝登猊座蓋爲尋醫禪人上來盡被鼓聲吞了也還有識病者麼良久云豈不是患聾卽今汝各歸堂聲消病瘥

雲居山佛印了元禪師法嗣

杭州百丈山慶善院淨悟禪師問如何是佛師云問誰僧曰特問和尚師云鷄子過新羅問如何是新年

朝佛法師云問著便知僧曰上大人從頭起也師云陽氣發時無硬地僧曰有信來還去無私古到今師云大家回首謝東君問古佛與露柱相交是第幾機師云韶陽老漢也曾說著僧曰學人今日有分也師云大似勞而無功上堂云說則搖唇行則動脚直饒不說不行時錯錯拍禪牀一下上堂云因果一言到處隨緣若人卜度十萬八千參

常州善權山廣教慧泰禪師問供養百千諸佛不如供養一無心道人百千諸佛有甚過無心道人有何福師云花從愛惜落草逐棄嫌生僧曰未審是一是二師云一二且致鼻孔因什麼在老僧手裏僧擬議師云蒼天蒼天師云諸佛出世廣演三乘達麼西來密傳大事上根之者言下頓超中下之流須當漸次發明心地或一言唱道或三句敷揚或善巧應機遂成多義撮其樞要總是空花一句窮源沈埋祖道敢問諸人作麼生是依時及節底句良久云微雲澹河漢疎雨滴梧桐參

洪州西山翠巖廣化慧空禪師問如何是道師云荒

田不揀僧曰莫便是和尚爲人處麼師云量才補職師云昨日雨霖霖今朝日杲杲又殊與普賢全身入荒草賴得王老師夜來遣出早拈起拄杖云來也來也不見道春無三日晴下座

饒州密巖山淨土德溥禪師問如何是密巖境師云芙蓉頂上清風起僧曰如何是境中人師云雨露壇前野老歌問向上宗乘如何指示師云新聲調古曲那箇是知音

饒州崇福德基禪師問向上宗乘請師舉唱師云多少分明僧曰更垂方便師云來風深辨僧曰學人禮謝師云不得錯會師云若於遮裏會得便能入一佛國坐一道場水鳥樹林共談斯要樓臺殿閣同演眞乘續千聖不盡之燈照八面無私之燄所以道在天同天在人同人還有知音者麼良久云水底金烏天上日眼中瞳子面前人

雲居山眞如院仲和禪師問如何是佛師云問處分明僧曰夜來松竹起清風吹散白雲三兩片師云且莫磕著露柱僧禮拜歸衆師噓噓

廬山同安崇勝幼宗禪師上堂拈拄杖召大衆云拄杖子是體擊禪牀云遮箇是用直得高低普見遠近皆聞正當恁麼時且道是分不分良久云柳橫橫挑華藏界維摩掌上未爲多

婺州寶林懷吉眞覺禪師問德山棒臨濟喝未審是同是別師云將諸是袞僧僧曰學人未曉特伸請益師云不妨剎利問如何是和尙爲人句師云有問有答僧曰得聞於未聞也師云聞底事作麼生僧曰六耳不同謀師云也是師云善慧遺風五百年雲黃山色祇依然而今祖令重行也一句流通徧大千大衆且道是什麼句莫是函蓋乾坤截斷衆流隨波逐浪底麼昨有甚交涉自從有佛祖已來未曾動著今日不可漏泄眞機去也顧視大衆云若到諸方不得錯舉

信州鵝湖山仁壽德延禪師問如何是鵝湖境師云一泓湖水春來滌數隻仙鷄天外歸僧曰如何是境中人師云松聲來客座山翠上人衣師云衆口咸來發問端當空一點欲酬難而今大義重宣也剔起眉

毛覲面看久立

廬山萬杉子章禪師問道。秦不傳天子令。時清盡唱太平歌。如何是太平歌。師云。雲盡日月正。雪消天地春。僧曰。恁麼則雨灑千峯秀。風動萬年枝。師云。星江水闊連天碧。五老山橫宇宙寬。問師資未相見時如何。師云。定光金地遙招手。智者江陵暗點頭。僧曰。見後如何。師云。父子親其居。尊卑異其位。

洪州資福宗誘禪師上堂云。唱彌高和彌寡。九載少林有口如啞。眨上眉毛。蹉過了也。山僧今日從空放下。爲什麼如此。盡法無民。上堂云。龍泉今日與諸人說些葛藤。良久云。枝蔓上更生枝蔓。

袁州龍興山居岳禪師問師唱誰家曲。宗風嗣阿誰。師云。自從達磨分流後。萬派都歸是一家。僧曰。學人未曉。請師直指。師云。集雲峯下四藤條。

東京智海正覺本逸禪師法嗣

筠州黃蘗山志因禪師問。不如坐禪人。一念超佛地。如何是佛地。師云。舍衛國中僧曰。未審意旨如何。師云。側布黃金。問如何是得力句。師云。脚僧曰。學人不

會。師云。一步進一步。師云。靈鷲峰前。杉松滴翠。雲霞影裏。水石清虛。盡是古來門館。舊日家風。何故道無避寒暑處。良久云。爭怪得別人上堂云。歸根得旨。隨照失宗。東是厨庫。西是僧堂。皆是隨照。歸根得旨。一句作麼生。道良久云。參上堂云。四十九年說。恩潤禽魚。十萬程途來。警悟人天。遮二老漢。各人好與三十棒。何故一箇說長說短。一箇胡言漢語。雖然如是。且放過一著。

福州大中寺德隆禪師。圓具遊方。參逸禪師。深悟宗趣。溫公左丞堅請師出世。入室。摠衣。徒衆八百。開堂日。示衆云。摩竭陀國水泄不通。毗耶離城親行。此令豎窮三際。橫亘十方。坐斷報化。佛頭盡斷。自他世界。是以如來大師二千年外。乘悲願力。示現受生。降誕王宮。修行雪嶺。成等正覺。轉大法輪。離文字語言。人心直旨。古今一致。殊途同歸。乃顧左右云。人天交接。賓主歷然。復召大衆。何似生。舉不顧。卽差互。擬思量。何劫悟。久立珍重。

福州白鹿山伸豫禪師。師初開堂。日上首白縫云。法

筵龍象衆當觀第一義師云華嶽三峰黃河九流還有人於此觀得麼若此觀得何假冒題萬字足步祥蓮菩提場中始成正覺然此事莫非知方之者共相證明晚進初機有疑請問僧問師登高廣座乞示少林機答云紅霞穿碧漢白日遶須彌進云恁麼則人天盡側聆也答云徒勞佇思進云誰知遠煙浪別有好思量答云閑言語僧問雲馭既登於法席曇華一句請師宣答云金風朝布野玉露夜垂珠進云恁麼則龍吟霧起虎嘯風生答云天高難側耳進云若不登樓焉知海闊答云何曾夢見師乃云問話且止設使言中辨的句裏藏機意思交馳並同流浪何故吾祖之道豈其然乎若是上根作者獨步丹霄臨機大用把住則涓滴不漏放開乃浪湧千江踞地全威壁立千仞得不英靈自已荷負宗門直饒恁麼未稱衲僧且道衲僧有甚奇特良久云深秋簾幕千家雨落日樓臺一笛風

建中靖國續燈錄卷第十一

建中靖國續燈錄卷第十二 (末銘)

東京法雲禪寺住持傳法佛國禪師臣惟白集

對機門

南嶽懷讓禪師十三世

洪州黃龍山慧南禪師法嗣

江州東林興龍禪寺照覺禪師諱常總姓施氏延平人也母夢梵僧授白蓮華因而誕生長依寶雲寺出家受具遊方造南師法席三扣其室南師乃問是何宗旨豁然大悟服勤數載推爲導首初住潞潭次遷東林應遠公懸記衆盈五百神宗皇帝詔住大相國寺智海禪院堅讓不赴得請林下徐國大王特奏賜照覺禪號緣盡坐滅全身瘞于鴈門塔左開堂日上首白槌罷師左各顧視良久云槌聲未落祖令已行何況擊動鍵椎告衆云觀早落第二上根之者如目睛虛中下之流有疑請問問爲國開堂於此日師將何法報君恩師云白雲封嶽頂明月映天心僧曰帝王之恩師已報祖意西來事若何師云休於言下覓莫向意中求僧曰方信如來曾有

語黃梅今日始知心。師云誰不承恩力。問移風易俗。卽不問。祖宗門下。以何爲極。則師云橫按鑊鄒全體。露僧曰。此猶是側儻之詞。當頭一句。請師速道。師云。箇中誰是出頭人。僧曰。眞善知識。師云。別處卽不放過。僧曰。是何言歟。師云。正令已行。問祖意。西來卽不問。改律爲禪事。若何。師云。壺中日月。物外山川。僧曰。遠師不虛授。記師云。若是陶淵明。攢眉却歸去。僧曰。泊不問。過師云。齋後鐘。問寶堂。擊動承天鼓。請師爲唱。太平詞。師云。香煙起處。清風引。僧曰。四衆盡聞於高韻。不知誰是和歌人。師云。飄使胡人笑。更新僧曰。猶是第二機。師云。那箇是第一機。僧曰。錯。師云。大衆有眼。僧出衆。便提起坐具。曰。請師話。答師云。放下著。僧又作展勢。師云。取僧曰。昔年尋劍客。今朝遇作家。師云。遮裏是什麼所在。僧便喝。師云。喝。老僧。那僧又喝。師云。放過。又爭得。便打。問不於句後。明立旨。休向言前。定祖宗。少室九年。端的處。神光三拜。若爲通。師云。大地載不起。僧曰。祇如細泉通海脉。高檣入雲層。又作麼。生。師云。別是一家春。問如何是不動尊。師云。

下坡不走快。便難逢。問無生曲調。卽不問。勿絃琴韻。請師彈。師云。指閑湘水。遠孤月。夜堂深。僧曰。一堂風冷淡。千古意分明。師云。又被風吹別調。中間乾坤之內。宇宙之間。中有一寶秘。在形山。如何是寶。師云。白月現黑月。隱僧曰。非但聞名。今日親見。師云。且道寶在什麼處。僧曰。古殿戶開。光燦爛。白蓮池畔。社中人。師云。別寶還他。碧眼胡。問如何是祖師。西來意。師云。風吹日炙。僧曰。且禮三拜。師云。莫動著。師云。問得亦妙。不問更奇。直饒問極西旨之源。答盡南宗之要。猶是化門。未爲臻極。何謂至道淵曠。大法冲虛。非言象之所詮。非文墨之能解。彌綸三有。囊括大千。性一切心。印諸法相。蓋衆生迷。不自覺。至人惑。此出。契于世。張皇教網。四十九年。三藏圓修。五乘頓備。功成果滿。欲致言詮。乃告人天。大衆云。吾有正法眼。藏涅槃妙心。付囑摩訶迦葉。後五百歲。西天二十八祖。唐土六祖。佛佛授手。祖祖傳燈。曹溪老盧。法道盛行。天下遂有五宗之說。若乃統宗會元。飲光悟拈花而微笑。慶喜倒刹竿以忘言。神光斷臂傳心。盧老春糠爲道。蓋

投機自得。遇緣卽宗。殃及子孫。迄今扶持不已。便謂道無南北。法非古今。正令全提。殊忘凡聖。如李相國遇藥山。明佛祖向上事。裴左丞逢斷際。見父母未生前。始得方忘已。解然妙則妙。已未免挂人齒牙。殊不知向上一路。千聖不傳。學者勞形如猿捉影。且道向上一路。是什麼人行履。若也見得。今日人天一會。不異靈山。若也未明玄關。從此更重遊。復顧大衆云。古今禪律一兼該。豈謂伊予應識來。先覺權與眞佛祖。後賢更始必劉雷。皇書已降輝千嶂。法令當行振九垓。欲識此時香社意。昔年池藕白蓮開。

上堂云。乾坤大地常演圓音。日月星辰每談實相。觀憶先黃龍道。秋雨霖灑連宵。徹曙點點無私不落。別處復云。滴穿汝眼睛。浸爛汝鼻孔。東林老漢卽不然。終歸大海作波濤。擊禪牀一下。

上堂云。高高山上雲。豈爲閑極悠悠瀾。下水未是清。流豈不見雪山衲子。祖室禪人。用則毗盧頂上高揖。釋迦不拜彌勒。不用則德山臨濟。是什麼閑家具。且道畢竟成得什麼邊事。良久云。一鉢千家飯。孤身萬

里遊

上堂云。老盧不識字。頓明佛意。佛意離文墨。故白兆不識書。圓悟宗乘。宗乘非言詮。故如此老婆心。分明入泥水。今時人猶尙抱橋柱澡洗。把纜放船。良久云。爭怪得老僧。

上堂云。太平聖世有道明時。蕩蕩皇風。遲遲春日。可謂香嚴竹綠。雲花紅。甚是親切。何曾蓋覆。誰不分明。誰不曉了。若也如是。方信雪嶺泥牛。夜夜吼。月雲門木馬。日日嘶風。且道德山臨濟。又作麼生。咄。上堂云。天啓聖嗣。祥開慶時。紫蓋盈庭。神光照室。見感眞人之應運。爰丁大聖以臨民數。越堯年道光。舜日萬邦樂業。四海謳謠。此乃十地滿心。大乘菩薩之所應現。爲人王帝王之寶位。且道有何表證。良久云。是處山呼萬歲聲。

上堂云。劉德山臨濟。何敲磕。喚文殊普賢。弄土泥。佛祖病急。須醫無情。解說不思議。咄。是什麼識見師。於元祐六年九月晦日。鳴鼓集衆。趺坐說偈曰。北斗藏身未是真。泥牛入海。何奇特。箇中消息報君知。撲落

虛空收不得言畢而逝

之一無妄字

洪州黃龍山寶覺禪師諱祖心俗姓鄔氏南雄州人。受具後遍歷諸方參尋知識。末後到黃蘗扣南禪師。法席乃屢陳已見。南皆不譚。云子且去。將來須會。一日傾湯誤滴于手。忽然驚省。求其印證。南纔見入門。便云汝會也。南後示滅。令續住持。道化普洽。都尉王誅敬以師禮。開堂日大衆集。定良久微笑云。便恁麼休去。已是欺謾。還相委悉麼。有則便好。乘時如無。且莫錯向水中拈月。遂趺坐。拈起拂子云。若喚作拂子。達磨一宗拂土而盡。不喚作拂子。平地生波。瀾到遮裏。一似倚天長劍。誰敢當鋒。擬議即喪身失命。而今還有擊不碎底漢麼。時有僧出禮拜。師云。不知是不。是僧曰。也不得放過。師云。不信。道問草偃。風行即不問。法身向上事如何。師云。鳥啼無淚。濕花笑不聞聲。僧曰。一句迥起千古。外師云。須是眼中聞。僧曰。文殊不坐金臺殿。自有逍遙九萬程。師云。言多道遠。問達磨九年面壁。意旨如何。師云。身貧無被。蓋僧曰。莫孤負他先聖也。無師云。闍梨見處。又作麼生。僧打一圓。

相師云。驚雀不離窠。僧禮拜。師云。更深猶自可。午後始愁人。問言詮不到處。請師垂示。師云。雲盡日月正。雪晴天地春。僧曰。便恁麼去時如何。師云。落在什麼處。僧提起袈裟角。師云。放過一著。問但得本。莫愁末如何。是本師云。但譚琴中趣。不勞絃上尋。僧曰。如何是末師。云。青山不礙白雲飛。僧曰。日本末祇如是。宗乘事若何。師云。夜深方見把針人。

上堂云。虎頭生角。人難措石。火電光須密布。假饒烈士也。應難瞋底。那能善回互。手擎日月。背負須彌。擲向他方。其中衆生。不覺不知。其中衆生。騎驢入諸人眼裏。諸人亦不覺不知。會麼。良久云。鐵牛吼處。三冬暖。木馬嘶時。九夏寒。

上堂云。愚人除境不除心。智者忘心不忘境。不知心境本如。如觸目遇緣。無障礙。遂舉拂子云。看。拂子走過西天。却來新羅國裏。知我者爲我。拖泥帶水。不知我者。贏得一場怪誕。上堂云。敲空作響。誰是知音。擊物無聲。徒勞側耳。不是目前法。莫生種種心。起滅不相知。箇中無背面。象王行處。狐兔絕蹤。水月現時。風

雲自異到遮裏乾坤收不得。宇宙不知名。千聖立下風。誰敢當頭道。諸仁者。應是從前活計。所作施爲。會與不會。一時掃却。不如策杖歸山去。長嘯一聲煙霧深。

筠州黃蘗真覺禪師諱惟勝。俗姓羅氏。梓州中江人也。十五歲落髮。卽趨講席。推爲翹楚。一日因將扇子戲歷臆儒。若然作聲。遂卽省悟。頓捨舊習。卽慕參尋。到南禪師法席。呈昔所見。卽爲印之。推爲上首。後繼住黃蘗道行大播。因遊輦下。駙馬都尉王誥咨問法要。敬以師禮。遂還蜀中。坐滅于雲頂山。問明鏡高懸。於此日。願灑醍醐。壯祖宗師。據坐僧曰。八方誦道。泰一國賀。無私師云。重言不當吃。問大衆盡臨於座側。眞乘一句。請師宣。師云。白雲橫谷口。僧曰。如何趣向。師云。淩水迸清流。僧曰。若不上來。伸此問焉。知明月掌中。觀師云。我早入荒草子。又踏蒺藜。問一塵纔起。大地全收。未是衲僧極則。如何是衲僧極則。事師云。老僧到遮裏。却不會。僧曰。學人更不會。師云。爾不妨會得。好問。不用拈槌舉拂。瞬目揚眉。離却咽喉唇吻。

請師速道。師云。道不得。僧曰。恁麼則截斷千古路。無人敢出頭。師云。是僧曰。劒閣路巖嶮。夜行人更多。師云。轉遠也。問久嚮黃蘗。事作麼生。師云。峽吼地。僧曰。露柱證明。師云。大衆笑。爾問如何。是祖師西來意。師云。高臺無古鏡。囊裏有眞珠。問文殊。卽不問。觀音在什麼處。師云。聞鼓聲。麼。僧禮拜。師云。遮靈漢。

上堂云。羅漢書字仰山。白槌禾山。打鼓清平。蹈泥四老人。祇管一向婆。母不知泄漏。眞機然。雖泄漏。眞機要且。後人不知良久云。選佛須是英靈漢。敵祖還他師子兒。

上堂云。臨濟喝德山棒。留與禪作人模範。歸宗磨雪峯毬。箇門庭接上流。若是黃蘗。卽不然也。無喝也。無棒。亦不推磨。亦不輓毬。前面是案山。背後是主山。塞却倆眼睛。拶破倆面門。於此見得。不退轉地。盡未來際。不向他求。若見不得。醍醐上味。翻成毒藥。上堂云。寂兮寥兮。蟾蜍皎皎。下空谷。寬兮廓兮。曦光赫赫。流四海。曹溪路上。勦絕人行。多子塔前。駢闐如市。直饒遮裏。薦得個儻分明。未是衲僧活計。大丈夫。

漢須是向黑園獄中敲枷打鎖。餓鬼隊裏放火。奪漿推倒慈氏樓。折却空王殿。靈苗瑞草和根拔。任他滿地生荊棘。

袁州仰山行偉禪師。河朔人也。東京大佛寺受具。聽習圓覺。微有所疑。挈囊遊方。專扣祖意。至南禪師法席。六遷星序。一日扣請尋蒙喝出。足擬跨門。頓省玄旨。出世仰山。道風大著。問如何是密密意。師云。爾問不密。僧曰。如何是出現身。師云。更添一重。問毗盧藏中有大教典。如何是教典。師云。在爾面前。僧曰。莫祇遮便是也。無師云。錯。僧曰。如何得不錯。師云。重言不當。吃問釋迦。掩室淨名。默然未審。和尚如何。說師云。少人聽。僧曰。唯佛與佛。乃能知之。師便喝。上堂云。大眾會麼。古今事掩不得。日用事藏不得。既藏掩不得。則日月現前。且問諸人。現前事作麼生。參上堂云。大眾見麼。開眼則普觀十方。合眼則包含萬有不開不合。是何模樣。還見模樣麼。久參高德。舉處便曉。後進初機。識取模樣。莫祇管貪睡。睡時眼見箇什麼。若道不見。與死人何別。直饒丹青處。士筆頭上畫出青山。

是下一有相字

綠水夾竹桃花。祇是相似模樣。設使石匠。雖頭鑽出群羊走獸也。祇是似模樣。若是真模樣。任爾處土石匠。無爾下手處。諸人要見。須是著眼。始得。良久云。廣則一線道。狹則一寸半。以拂子擊禪牀上。堂云。鼓聲纔動。大眾雲臻。諸人上觀山。僧下觀上觀。觀箇什麼。下觀觀箇什麼。良久云。對面不相識。

洪州泐潭山寶峯禪院洪英禪師。俗姓陳氏。邵武人也。頂角自誓出家。父母不能奪志。圓具後。遊歷宗席。至南禪師會中。累入室。未契其旨。一日因取經函。忽失手響聲。遂有發悟。逕造方丈。陳其所解。南曰。汝乃我家英雄。具正眼者。由是禪衆奔湊。問逢場作戲時。如何。師云。紅爐爆出鐵烏龜。僧曰。當軒布鼓。師親擊百丈竿頭事。如何。師云。山僧不信。遮活計。僧擬議。師云。不唧。啍。漢僧禮拜起。便垂下袈裟。角曰。脫衣卸甲時。如何。師云。喜得狼煙息。弓弣壁上懸。僧却攬上袈裟。云。重整衣甲時。如何。師云。不到烏江畔。知君未肯休。僧便喝。師云。驚殺我。僧拍一拍。師云。也是死中得活。問黃龍一曲。師親唱。佛寺驢脚略借看。師云。腦後。

三斤鐵僧便喝師云驚殺老僧僧拍一拍師云老僧打退鼓僧禮拜師云龍頭蛇尾問臨濟栽松卽不問百丈開田事若何師云深著鋤頭僧曰古人猶在師云更添鋤頭僧禮拜師扣禪床一下師顧視大眾云青山重疊疊添水響潺潺遂拈拄杖云未到懸崖處擡頭子細看卓一下上堂云寶峯高士罕到巖前雪厭枯松倒嶺前嶺後野猿啼一條古路清風掃禪德雖然如是且道山僧拄杖子長多少遂拈起云長者隨長使短者隨短用卓一下上堂良久顧視大眾云石門巖嶮鐵關牢舉目重重萬仞高無角鐵牛衝得破毗盧海內作波濤且道不涉波濤一句作麼生道良久云一句不邊無著問迄今猶作野盤僧

潭州大潯山懷秀禪師信州貴溪人姓應氏仕儒族也聰明穎悟出世弘揚問昔日潯山水牯牛自從放去絕蹤由今朝幸遇師登座未審時人何處求師云不得犯人苗稼僧曰頭角已分師云空把山童贈鐵鞭問莫將佛法以當人情人情卽不問佛法請師舉唱師云不可更作人情僧曰大哉宗匠宛爾不同師

云徒勞讚歎問如何是潯山境師云鳳凰展翅煙霄外僧曰如何是境中人師云大底大小底小師云佛祖心印唯證乃知靈山嘉會聖衆雲臻法付王臣護持心傳最上根輩直至如今二千餘載真風不墜祖道聯綿幸遇 聖朝遭逢 明世正是王臣護法潯山出世敷揚且道敷揚什麼法遂拈袈裟角示衆云卽此薦得慶快平生 皇恩佛恩一時報足輒莫依他作解終是塵緣絲髮未忘結成生死勞他河沙佛祖出來東道西說搖唇鼓舌今朝山僧與諸人決破還信得及麼休去得麼如今休去便休去若覓了時無了時是什麼說話喝一喝下座

南嶽福嚴慈感禪師梓州杜氏子乃讓禪師宗裔也儀相挺特意氣高閑人所見者莫不驚異得法黃龍南禪師出世于江州承天德風大扇勳節遠聞潭師請居嶽頂大寺潛韜密行殊應頗多問師唱誰家曲宗風嗣阿誰師云驚峯山畔澗水東流僧曰畢竟黃龍之子汾陽之孫師云看取令行時問人天高座說法當途如何遊戲師云逢人舉似僧曰未審如何爲

人師云買帽相頭僧曰。怎麼則天上有星皆拱北。人間無水不朝東。師云。且莫錯認。僧曰。眞善知識。師云。遮賊上堂云。擲鉢峯前。春風浩浩。湘江江水。裏白浪滔。滔是法無私顯。露動著。不然而然。邂逅指南。不遇。祇管鼻孔。遼天南泉頭頭垂示。大顛默爾無言。毗耶長啓一室。誰人敢共齊眉。咄。以拂子擊禪床云。參上堂云。古佛心。祇如今。若不。會苦沈吟。秋雨微微。秋風颯颯。乍此乍彼。若爲。酬答。沙岸蘆花。青黃交雜。禪者何依。良久云。割。

湖州報本慧元禪師。潮州倪氏子。比試得度。遊方參道。至南禪師法席。一言相契。侍奉七年。出世于蘇臺。吳江聖壽。次遷崑山惠嚴城中。萬壽後。移報本元豐中。一日沐浴畢。陞堂告衆云。五十五年夢幻身。東西南北孰相親。白雲散盡千山外。萬里秋空片月新。言畢而逝。肉身不壞。見存本院。問未離兜率。已降王宮。未出母胎。度人已畢。今日意作麼生。師云。守株待兔。枉用心。神僧曰。向上之機。蒙師指中下之流。又如何。師云。祇聞人作鬼。不見鶴成仙。僧曰。不因入水爭見。

長人師云。未問已前。猶較些子。問如何是西來意。師云。天輪左轉。地軸右旋。問文殊。請不二之門。維摩默然而對。此理如何。師云。昔年座主。今日禪人。問黑白未分時。如何。師云。天高地厚。僧曰。分後如何。師云。日暖月涼。僧曰。便怎麼會還得也。無師云。須彌山倒。卓問如何是佛法大意。師云。昨日立春。今日暖。百花未綻。柳先開。僧曰。如何是教意。師云。自家飛絮。猶無定。休把長條絆別人。問諸佛不出世。達磨不西來。正當怎麼時。未審來不來。師云。撞著。偏鼻孔。僧出禮拜曰。學人有一問。和尚還答否。師云。昨日答汝了也。僧曰。今日作麼生。師云。明日來。又僧出禮拜起曰。請和尚答話。師云。答話了也。僧曰。再請師云。記取話頭。僧曰。話頭道什麼。師云。念汝是初機。

師云。白雲消散。紅日東昇。仰面看天。低頭觀地。東西南北。一任觀光。達磨眼睛。斗量不盡。演若何曾。認影善財。不往南方。衲僧鼻孔。遼天到此。一時穿却。上堂云。擊大法鼓。演大法義。未打鼓已前。文殊大士。向諸人眉毛眼睫上。出沒卷舒。作大佛事。及至擊動。

法鼓觀音菩薩。又向諸人耳上轉妙法輪。諸人還問。麼直饒見得。得早是不著便。若也真箇不知。自是無枝葉。莫怨太陽春。咄。

上堂云。般若無知。無所不知。作麼生說箇無知道理。若謂杜絕視聽。何異斷見外道。其或忘知遺照。正是背境。凡夫諸人。還知麼。釋迦老子終日向燈籠露柱。隨有道有。隨無道無。雖不即於有。亦不離於有。無如斯話會。鈍致祖師明眼。禪僧輒他冷笑。且問。偏笑箇什麼。喝一喝。

新州四祖山法演禪師。桂州人也。受業本州永寧寺。少年受具。壯歲遊方。湘楚叢林。江淮禪席。所至知識。無不異待。道契南師。他遊遂息。一住四祖三十餘年。行解堅密。人天景仰。開堂日上。首白槌罷。師云。吽。誰敢措口。更談何事。諸人還知麼。問如何是。第一義師云。雙峯祖。惡。僧曰。和尚豈無方便。師云。幸自可憐。生僧曰。當陽一句。蒙師指。謝家人。本在漁船。師云。放過。卽不可問。如何是祖師西來意。師云。飢噉飽喜。問如何是心。相師云。山河大地。僧曰。如何是心。體師

云。汝喚什麼作山河大地上堂云。雲颺颺雨。漚漚漚。是諸人日用。力直饒於此。便明得。二十拄杖。教誰喫。上堂云。葉辭柯。秋已暮。參玄人。須警悟。莫謂來年更有春。等閑蹉了。巖前路。且道作麼生。是巖前路。良久云。嶮上堂云。主山吞却案山。尋常言論。拄杖子。普該塵刹。未足爲奇。光景兩亡。復是何物。良久云。劫火洞然。毫末盡。青山依舊。白雲中。上堂云。佛祖之道。壁立千仞。擬議馳求。還同點額。識不能識。智不能知。古聖到遽裏。垂一言半句。要備諸人有箇入處。所以道。低頭不見地。仰面不見天。欲識白牛處。但看觸髅前。如今頭上是屋脚下。是地面。前是佛殿。且道白牛在什麼處。乃召大眾。衆舉頭。師叱之。

潭州石霜山崇勝禪院琳禪師。問拈槌舉拂。拈放一邊。請師答話。師云。高著眼。僧曰。作家宗。師師云。脚下蹉。過僧以坐具。畫一畫。師云。自領出去。問法王出世。請施法令。師云。一二三四五。僧曰。法令施行。師云。瀟湘船子。問慈雲。靈靈惠日。輝輝。大眾欣然。乞師一接。師云。好僧曰。不言含有象。何處謝無私。師云。石女溪。

邊笑點點。問石霜枯木重生時如何。師云。海底金龜走天邊。玉兔明僧曰。恁麼則覺花開有地。果熟自然香。師云。須彌頂上面。南行上堂云。霜花一境極目蕭然。枯木堂前。風行草偃。流水滔滔。無盡白雲。合而還開。往來禪客。飽足觀光。林下相逢。呵呵大笑。且道笑箇什麼。良久云。煙村三四月。別是一家春。上堂云。或談玄。或說妙。德山臨濟把手笑。更言無說是菩提多年。梁上生芝草。喚師元豐七年三月初八日。淨髮沐浴。至夜小參云。平生行脚方始。見人平生參禪。始終得力。成佛作祖。不離方寸。鑊湯爐炭。抵在而今。遮箇消息。如人飲水。冷暖自知。聽吾一頌。大幻一段。見明燦爛。苦惱衆生。早晚分散。夜半端然。示寂闍維。得舍利葬于本山。

新州開元琦禪師問芥子納須彌。卽不問微塵裏轉大法輪時如何。師云。一步進一步。僧曰。恁麼則朝到西天暮歸唐土。師云。作客不如歸家。僧曰。懷州牛喫禾。益州馬腹脹。又作麼。生師云。人心似等閑。問有佛處不得住。無佛處急走過。離此二途。請師直道。師云。

但得雪消去。自然春到來。僧曰。恁麼則截斷兩頭歸家穩坐。師云。不動一句。又作麼。生僧曰。大羅山頂依青嶂。挂月峯。前看白雲。師云。心不負人。面無慚色。問久嚮道風。請師相見。師云。雲月是同。溪山各異。上堂云。文彩未生一物也。無文彩。既生萬事。縱橫明來暗謝。暗去。明來樓閣門開。誰覩善財。喝一喝。拍一拍。下座上堂云。虛空無內外。事理有短長。順則成。菩提逆則成。煩惱。燈籠常瞋睡。露柱亦懊惱。大道在目前。更去何處討。擊禪床一下。上堂云。四面亦無門。十方無壁落。頭髮耳卓。朔箇男兒大丈夫。何得無繩而自縛。且道透脫一句。作麼。生道良久云。踏破草鞋赤脚走上堂。以拂子擊禪床一下云。作什麼。良久云。因風吹火。用力不多。

福州玄沙明惠合文禪師問如何是佛。師云。舌不從口出。僧曰。從什麼處出。師云。切忌耳根尋。僧曰。吽。師云。鈍致殺人。問如何是正眼。師云。銀盤著火煮。問如何是道。師云。私通車馬。僧進一步。師云。官不容針。問如何是佛法大意。師云。九峯藏夏雪。僧曰。乞師方便。

師云一洞起清風問如何是祖師西來意師云五里三歇僧曰意旨如何師云飲雪吞霜問驪珠未見時如何師云泥餅藏水馬僧曰見後如何師云菜飯祭狸奴問十里松聲如何浪響師云耳裏遭釘僧曰乞師答話師云眼中添屑問從上諸聖以心傳心心未審和尚如何爲人師云泉聲含太古問頂門無照心外有心如何是心外心師云問取路行人僧曰如何是心內心師云金剛提不起上堂云滄海闊青山高兔無角龜無毛向此薦得鷄子過新羅若有方便門路一任來來去去石門難掩通南北一路樵歌兩岸山咄上堂云恁麼恁麼脚跟難踞萬寺千僧三山七塔玉露草頭垂金風天下雨更上一層樓朝雲開未合向此不明纔成流擡^{上音電}_{下音載}上堂云春山春水春雨春風蝶舞花紅鶯啼柳綠又道魚蹤鳥跡兔角龜毛火裏蠅螬竿頭進步當恁麼時應現法門宣無盡意咄是底物檢點得來蝦爲子屈上堂云三十五瀉山水結二六十二雪峰鼉鼻雖是向上關棧誰到恁麼田地更有絕品醍醐誰識舌頭滋味智不到處切

忌切忌爲報南閩諸大士鼻孔近來多失利咄上堂云雲橫天際雨出龍心草木承恩山川得主樵者唱兮汝打鼓漁者譟兮汝作舞夜來天地動春風笑問春風一無語擊禪床一下

潭州雲蓋山海會寺守智禪師問實際理地不受一塵佛事門中不捨一法如何是一法師云拈三放一僧曰某甲鼻孔在什麼處師云雲蓋無鼻孔問法爾不爾如何契得師云露柱挂燈籠僧曰少遇知音師云三門頭合掌問鼓聲纔罷大衆臨筵祖意西來請師舉唱師云雨過路頭乾僧曰祖意既是家風事若何師云腦後合掌僧曰全因今日師云謝汝到來問大海有珠如何取得師云無心者得僧曰到處有明月在處有清風師云祇爲爾有心僧曰別寶須還碧眼胡師云少賣弄問遠別五峯卽不問近居靈蓋事如何師云門外三蛇并孤峯五色雲僧曰恁麼則千星中一月師云鈍致殺人上堂云雲蓋並無長處二時粥飯略以相待同時喫粥同時喫飯同坐喫茶是事相隨更覓什麼奇特事若要奇特事除是西來

達磨伏惟珍重。上堂云。昨日高山看釣魚。步行騎馬。大却驢。有人拾得駱駝去。重賞千金一也。無乃云。若向遮裏薦得。不著還草鞋錢。昨參上堂云。把斷命根。拽脫舌頭。驢身倒坐。走馬騎牛。若也不會。隨流入流。喝一喝。

潭州寶蓋山子勤禪師問師。今已唱胡家曲。更將何法示來。徒師云。一字兩頭垂。僧曰。威光分此夜。照用出何門。師云。頭上光明。炷赫脚下黑漆。顛預僧曰。入水見長人。師云。傍觀者醜。上堂云。溪山雖異。雲月是同。順應方圓。任自西東。大衆法不離色。響不離聲。到遮裏。明明聲色。顯露如何。透得還有透得底麼。良久云。鐘鳴鼓響。相交應。青山不礙白雲飛。咄。

廬山圓通圓幾禪師問。更深夜靜。正好商量。且道商量箇什麼。師云。達磨西來底。僧曰。約有商量底道理也。無師云。千江有水。千江月。萬里孤舟。萬里身。問生死到來如何迴避。師云。堂中瞌睡寮裏抽解。僧曰。便恁麼時如何。師云。須知有轉身一路。僧曰。如何是轉身一路。師云。傾出倆腦髓。拽脫倆鼻孔。僧曰。便從今日。

無疑去也。師云。作麼生。會僧曰。但知行好事。不用問前程。師云。須是怎麼問。一問一答。盡善言。證不涉言。證請師速道。師云。縮却舌頭。僧曰。幾合一生。疑難。師云。碧眼胡僧。上堂云。春雨微微。百事皆宜。禾苗發秀。蔬菜得時。阿難如合掌。迦葉亦攢眉。直饒靈山會上。拈花微笑。筭來猶涉難微。爭似三家村裏老翁。深耕淺種。各知其時。有事當面便說。誰管瞬目揚眉。更有一般奇特事。末後一著。更須知。擊拂子下座。上堂云。雲生嶺上。爲瑞爲祥。月落寒潭。有明有暗。千丈瀑布。舉世皆知。華藏玄關。何人會得。良久云。善財不彈指。彌勒自門開。參。

安州九峻山圓明院法明禪師問寶座。既登於此日。請師一句。露尖新。師云。言中有響。僧曰。阜鶴連天叫。金烏遶木飛。師云。識取話頭。問得到寶山空手回時。如何。師云。用力者失。僧曰。途中用盡意。懷懼却回歸。師云。切忌道著。上堂云。心本絕塵。衆生自昧。猶如澄清大海。浪起風生。亦如皎潔太虛。雲興雨作。諸仁者。風未興。雲未起。寒山拾得。賀太平。九峻山嶺松高翠。

寺前流水古今清明眼。衲僧須子細。乃笑云。久立珍重。

桂州登雲山超及禪師問。未審雲如何。登師云。柳檣橫擔。不顧人。僧曰。山高巖峻如何。上師云。直往千峯萬峯去。僧曰。便是爲人處也。師云。看脚下。僧曰。謝師指示。師云。巖師云。登雲山巖峻良久。云山。僧今日平地。上喫交下座。

福州昇山紹南正覺禪師上堂拈拄杖云。荷擔如來盛作吾宗嫡裔。捻著攪大海兮。魚龍奔騰。指長天兮。星辰交錯。履昏衢兮。爲炬爲明。治疾苦兮。爲良爲藥。於父子兮。如龍如鳳。處昆仲兮。如棣如萼。思少林兮。徹皮徹髓。憶黃梅兮。胡穿亂鑿。不見進人以禮。退人以禮。春風和暢。巖泉清泚。鄉雲澹蕩。幽蘭旖旎。花開花合。龍眠龍起。金毛出林。靈龜曳尾。隱顯齊彰。各得其旨。琴不張絃。曲調高流。入千人萬人耳。大衆更有一著。還知落處麼。以拄杖卓一下。云。穿開幽鳥道。敲遍野僧門。

隨州水南太平興國智秘禪師問。如何是水南境。師

云。檜栢與翠竹交參。山色共野花鬬彩。僧曰。如何是境中人。師云。對面不相識。上堂云。朝朝相似。日日一般。上來下去。應用無虧。泊乎說著佛法。又却特地多端。諸人到這裏。如何說得箇平常底道理。良久云。任從滄海變。終不爲君通參。

南嶽勝業寺惟亨禪師問學人。乍入叢林。乞師指示。師云。欲行千里。一步爲初。僧曰。十二時中。如何履踐。師云。白雲無心。青天有日。上堂云。有利無利。莫離行市。王老師賣身。卽不問。且道廬陵米。有人酬價麼。若無人。老僧自買。自賣去。良久云。東行不見西。行利以拄杖卓一下。

遠州清泉崇雅禪師問。如何是清泉。師云。一滴也無。僧曰。還有龍也無。師云。有。僧曰。忽有金翅鳥時。如何。師云。無下背處。僧擬議。師云。酌然。

廬山清隱源禪師問。向上宗乘。請師指示。師云。僧是僧。俗是俗。僧曰。如何趣向。師云。遇茶喫茶。遇飯喫飯。僧曰。便是爲人處也。無師云。是上堂云。寒風激水成冰。杲日照冰成水。冰水本自無情。各各應時而至。世

間萬猶如然不用強生擬議以拂子擊禪床

鼎州彰法禪寺覺言禪師上堂譙居士問長老年多
少師云與太虛同壽居士云好好借問師云來風深
辨居士呵呵大笑師云知上堂云無弦有韻孰知音
朗月虛堂一片心太古莫言非祖意正聲寥廓至而
今且道是何曲調咄

安州興國禪院契雅禪師問請師不於語默裏答話
師以拄杖卓一下僧曰和尚莫草草忽忽師云西天
斬頭截臂僧禮拜師云墮也墮也上堂云心如朗月
連天靜遂打一圓相云寒山子懶性似寒潭徹底清
是何境界良久云無價夜光人不識識得又堪作什
麼凡夫虛度幾千春乃呵呵大笑云爭如獨坐明窓
下花落花開自有時下座

建中靖國續燈錄卷第十二

建中靖國續燈錄卷第十三 〔宋刻〕

東京法雲禪寺住持傳法佛國禪師臣惟白集

對機門

南嶽懷讓禪師第十三世

洪州黃龍山慧南禪師法嗣

東京大相國寺慧林禪院佛陀禪師諱德遜姓楊氏
福州侯官人也少習儒業學問該博忽厭塵紛乃慕
入道長依東京天清寺慧照上人出家試經披荆徧
扣知識遠造南禪師法席投機開悟復遊講席聽習
大經首住汾陽淨土次遷太原白雲常坐不臥緇素
欽服齒頰彌高道行益固晚奉 詔旨住慧林 哲
宗皇帝百日入內特賜佛陀禪號師於建中靖國元
年二月十七日 大行皇太后五七奉 聖旨就
慈德殿陞座師拈香云此一瓣香恭爲 大行皇
太后上薦 仙游願早登正覺便敷座褒親旌德禪
院佛海禪師白槌云法筵龍象衆當觀第一義師顧
視左右云二月桃花依舊開於此觀得龍樓鳳閣崢
嶸玉殿金門烜赫塵塵利盡是不思議境界若觀

不得有疑請問問一大藏教盡涉言詮教外別傳請師舉唱師云水底黃金鏡天中素月輪僧曰一音普演周沙界無限勞生盡得聞師云爾聞底事作麼生僧曰處處彌陀佛家家觀世音師云休於言下覓莫向句中求僧曰劒閣路雖險夜行人更多師云莫便是闍黎安身立命處麼僧曰欲言言不及林下好商量師云商量卽錯僧曰恁麼則學人退身禮拜去也師云禮拜卽得問但離妄緣卽如佛未審佛在什麼處師云萬乘登龍座千官列寶塔僧曰學人今日得聞於未聞也師云汝聞底事作麼生僧曰仁孝之君道齊堯舜師云路上行人口似碑僧曰九州和氣如三月四海歡呼似一家師云逢人不得錯舉問臨濟宗風龍山大布三關壁立願師垂示師云大海纖塵起紅爐片雪飛僧曰汾陽浪裏競棹孤舟枯木生花別迎春色師云罕逢穿耳客多是刻舟人僧曰宗旨已蒙師指示祇如大行皇太后卽今仙馭生何佛土師云花開花合分晝夜龍眠龍起定春秋僧曰恁麼則却歸兜率陀天上慈氏宮中快樂人師

云却被闍黎道著問慈德殿上般若門開聖主簾前願聞法要師云雨晴金殿冷風暖帝城春僧曰天人群生類皆承此恩力師云塞北千人帳江南萬斛舟僧曰若然者皇恩佛恩一時報了師云定光金地遙招手智者江陵便點頭僧曰祇如皇太后卽今在什麼處師云紫蓮臺上瞻毫相白藕花心聽妙音僧曰已得真人好消息人間天上更無疑師云不如速禮拜師云一問一答一敲一唱要且未爲究竟假使普惠雲興二百問普賢瓶瀉二千酬到遮裏也用一點不著然雖如是於建化門中事無一向是故惠林今日不說重說偈言諸仁者靈山一會宛若今日今卽是自古卽是今古今通始終同上至聖天子下至宰輔文武百官長者居士庶民等亦復如是雖富貴貧賤之有殊而嗜欲好惡之無異無異之性卽是佛性在聖賢而不增在凡夫而不減不增不減性相如如卽無生如卽無滅如卽無去如卽無來所以去來者乃是緣會緣離之一時耳恭惟大行皇太后母儀天下子育萬方扶持社稷之靈

禪贊 聖明之化。故得闔門肅睦。中外叶和本。謂日月齊明。山河等固。何期電光不久。薤露非堅。華胥一夢。何長蓬嶠三山。莫問流光不住。五七斯臨。徒增風木之悲。難報丘山之重。是日 皇帝陛下。祥延義侶共就 靈幃。作諸種種佛事。及令臣僧德遜。四神長老。陞座舉揚。般若集此殊因。上資 仙馭。皇太后伏願 鳳輦凌虛。上昇於兜率。金蓮映水。坐證於菩提。今上皇帝陛下。孝思在念。仁愛不忘。修德以來。遠人垂衣。而安萬國。慈悲喜捨。方便權輿。利益安樂。一切衆生。不令一物失所。乃至海隅蠻貊之邦。咸受其賜。豈不謂之 仁君也。然而幻化無常有生。必滅此古今之常理。陛下初登寶位。纔及周星。方撒去於凶幃。又復丁於憂惱。更冀 自勉。少抑哀懷。以存禮制。設 號天扣地。苦已勞神。而無益於生死者。唯是 存心妙道。護念宗乘。使法輪再轉於閻浮道。光重映於千載。如是功德。不可以世求亡者。乘此善緣。得生勝處。此乃爲至孝也。自古 帝主明王。無不歸崇三寶。若三寶興隆。卽 皇基永固。帝祚綿長。

茲爲至禱。卽將此日無盡功德。並用回向。今上皇常陛下伏願 金輪統御。踵三代之淳風。寶曆開祥。享萬年之景運。皇太妃 皇后 皇太子殿下諸王闔宮天眷。並願輔翼 皇家。冥符佛記。壽禧永秀。並月桂以聯芳。福海彌深。與 天源而益濬。臣僧德遜叨蒙 聖旨。特賜舉揚。退省庸虛。實增感愧。臣無任瞻 天荷 聖激切之至。塵職 聖聰。伏惟珍重。開堂日 哲宗皇帝遣中使降香師謝 恩。畢登座拈香祝延 聖壽。罷乃敷坐。法雲大通禪師白。趙竟師顯視大眾云。金爐香裏。寶殿風清。如是觀得處處彌陀佛。家家觀世音。若觀不得有疑。請問問覺花纔綻。瑞氣凝空。爲 國開堂。願聞法要。師云天寒日短。露冷風高。僧曰一句。迥超千古。外人天無不盡。雲恩師云。情知備與麼。會僧曰觸目對揚。眞般若山河共顯。法王機師云。不得錯舉。問宸恩已降。選佛場開。學人上來請垂科目。師云點僧曰不折月中桂。心空及第歸。師云是什麼科目。僧曰絕妙好辭。難以加此。師云習氣不除。問王舍城中說法。 仁王特降寶香。今

日達士相逢。未審如何舉唱。師畫一圓相。僧曰。是何宗旨。師云。多少分明。僧曰。憑師一句。曹溪旨上。祝吾皇萬萬年。師云。謝汝證明。師云。傳持此事。豈以搖唇鼓舌。馳騁言鋒。而可議哉。然於方便門中。事無一向。是故文殊以無住爲本。曹溪以無念爲宗。無念之宗。爲萬法之宗。無住之本。爲萬法之本。衆生棄本逐末。背覺合塵。一失其源。迷而不復。故我祖師西來。不立文字。特唱宗乘。祇教諸人明見自性。與佛同儔。歌則菩提。不從人得。佛言。我於然燈佛所。無一法可得。然燈方與我授記。若有一法可得。然燈佛即不與我授記。如是舉唱。猶是化門。且道不落化門。一句作麼生道。冬無寒臘。下看諸仁者。道非隱顯。遇緣即宗。法無去來。因時而會。若緣時之未會。雖佛祖亦何爲。且恢張祖席。創立叢林。豈一僧之能耳。必假國王大檀越。與之護助。佛日乃可光揚。自昔京城。未聞是道。適因先帝首建法幢。延四海之高流。爲一時之大事。故今日如此之盛。皇帝陛下。少踐丕圖。早聞妙法。不忘佛記。克紹前芳。遂令山野之人。獲預朝廷。

之命。得不夙興夜寐。補報恩休。即將此日。開堂少善上祝。皇帝陛下。伏願舜日與佛日。高明堯風共祖風。並扇萬方。無事時。當熙盛之年。四海晏清。人樂昇平之化。久立珍重。

洪州泐潭山寶峯禪院眞淨禪師諱克文。關右人也。受業于復州北塔院。性行敏實。饒相淳古。聽教造義。參禪顯悟。黃龍南禪師昔所印可。筠陽出世。道價遠聞。相國王公安石。延居報寧。奏章服師名。

開堂日上。首白。罷罷師良久云。會麼。少室峯前。曾示此高安灘上。復誰傳會。中若有仙陀客。莫學神光廢九年。咄。有疑請問。問有一人欲出。長安有一人欲入。長安未審那箇先。師云。多少人疑著。僧曰。不許夜行。師云。蚊子咬鐵牛。僧曰。山頂老猿啼。古木渡頭新鷺下。平沙師云。長安人已入。欄合作麼生。僧曰。春日華山青。師云。遮僧雖後生。却可商量問新豐。古利古佛道場。侯伯請師。願垂方便。師云。耀古騰今。僧曰。莫便是和尚爲人處也。無師云。將謂古佛道中人。僧曰。洞山景色。重添翠悟。本玄風復振。請師云。有甚了期。問

江西佛手驢脚接人和尙如何接人師云鮎魚上竹竿僧曰全因今日師云烏龜入水問聲前薦得未是作家喝下承當猶爲鈍漢學人上來請師相見師云家寓小兒嬌僧曰也是說道理師云與爾一文錢僧曰今日不著便師云養子之緣問鐘聲纔動大衆臨筵禁足已臨如何指示師云大家在遮裏僧曰莫便是和尙爲人處也無師云多是言中轉却僧曰一堂風冷澹千古意分明師云莫亂道問如何是佛師呵呵大笑僧曰何哂之有師云笑爾隨語生解僧曰偶然失利師云不要禮拜僧便歸衆師復笑云果然問如何是趙州關師云過問前三三卽不問如何是後三三師云的僧曰進前三步師云關問不離當處常湛然覓卽知君不可見如何是不離底事師云傾心吐腹師云大衆今日一會要知麼是大衆成佛時節淨緣濟會大丞相荊國公及判府左丞施宅捨園林爲佛刹禪門故請山僧闡揚西來祖意諸人還會麼直指大衆卽心見性成佛大衆信得及麼若自信得及卽知自性本來成佛縱有未信亦當成佛但爲迷

來日久。一乍聞說誠難取信。以至今天下善知識。一切禪道。一切語言。亦是善知識。自佛性中流出。建立而流出者。是末佛性。是本近代佛法。可傷多棄本。逐末。背正投邪。但認古人言句。爲禪爲道。有甚干涉。直是達磨西來。亦無禪可說。祇要大眾自悟自成。佛自建立。一切禪道。況神通變化衆生。本自具足。不假外求。如今人多。是外求。蓋根本自無所悟。一向客作。數佗珍寶。都是虛妄。不免生死流轉。大眾今二相公。特建此大道場。作大佛事。出大衆生。生死流轉。況此事。本來廣大寂滅妙心。開發本來神通大光明正法眼藏。但迷則長居凡下。悟則卽今聖賢。大眾言多去道轉遠。笑佗明眼道人。衆中莫有明眼者麼。今時佛法。渾蓋要分邪正。使大眾不隨邪見。作人天正眼。有麼。良久云。我終不敢輕於汝等。汝等皆當作佛。下座上堂云。洞山門下。八凹九凸。交加屈曲。曲曲崎嶇。崎嶇嶺嶺。午結切。吼吼水雲掩映。煙嵐重疊。一道直路。觀者遊者。十人九人。舉步早是迷却路頭也。其中莫有不迷者麼。咄。且道路頭在什麼處。

頭足可以施展家風。向無佛處稱尊。便乃指點三界。
目視四維。偃仰堯天。高誦舜日。舉威音三調。唱菩薩
蠻奏。勿絃琴含太古意。當是時。文殊休悵惆。普賢護
沈吟。任是千聖出頭來。異口同音。也不消一剎久立。

上堂云。達磨九年面壁。二祖斷臂得安心法。泊後花開五葉。今古異同。便有德山棒臨濟喝。龍潭吹燈。烏窠布毛。五位君臣。三玄三要。盡是古人用不盡底。殘羹餽飯。道林都不拈動。恐壞佗人腸肚。且道尋常將什麼供養十方聖衆。四海禪流。直須自有現前三昧。驚召大衆云。茶堂內喫茶去。

上堂云。道林一語。千聖齊舉。字字無差。不敢相許。正當劫火洞然。但看鵝王擇乳。

上堂云。凡見聖。見春雲掣電。眞說妄說。空花水月。翻憶長髯見石頭。解道紅爐一點雪。擊禪牀下座。

上堂云。天色晴。乾曬眼皮草。若言見山。是山。山不自山。見水。是水。水不自水。見僧。是僧。僧不自僧。見俗。是俗。俗不自俗。是故聽不出聲。見不超色。便向日本國。

裏著衣。香積界中喫飯。擊禪牀下座。

師於壬申年七月七日夜子時方丈敷坐示衆云三處住持不傳一法火風聚散物理常情吾滅後不得隨世禮厚葬纔經哭泣當稟我佛西竺法火化歸塔遂示偈云今年六十六三處因緣足夜半火燒山跳入火中浴言畢示寂闍維得五色舍利塔建于雲居山

廬陵仁山隆慶禪院慶閑禪師姓卓氏福州古田人也。母夢胡僧授以明珠。覺卽有孕。誕時白光照室。親戚驚異。長依建州昇山。慶禪師出家。圓具未幾。乃慕參遊投機黃龍南師法席。遂獲開悟。行解堅密。操蘊自如。唱道一時心歸四衆。元豐五年十一月內沐浴淨髮。寫偈云。露寶浮生。掩寶浮滅。五十三歲六七八月。南岳天台松風澗雪。珍重知音。紅爐優鉢。言畢跌坐而逝。茶毗煙飛四十里內草木砂磔皆獲舍利。舌目數珠晶瑩如故。塔于仁山。師再參黃龍南禪師。侍立次南問向後得坐披衣如何。爲人師云。遇方卽方。遇圓卽圓。南云。爾怎麼說話。尙挂人唇齒。在。師云。慶

閑抵恁麼和尚如何。南云：近前來。向汝子細說。師拈掌云：三十年用底。今日捉敗南阿。呵大笑云：一等是精靈師。拂袖而去。問鋪席新開不可放過。師云：記取話頭。僧曰：請師高著眼。師云：蹉過了也。問達磨西來單傳心印。印卽且致如何。是心師云：長者長短者短。僧曰：如何。是印師云：白者黑。赤者黃。師云：拋輕負重。脫珍御服。著弊垢衣。笑破衲僧口。然雖如是。靈龜未兆之際。萌芽未發。已前若有人道得。可謂無師智。自然智。若道不得。便乃舉古舉今。盡是汲胡種族。且向上一路。千聖不傳。學者勞形如猿捉影。諸仁者。但自回光無第二著。舉措施爲不虧實相。噫。與麼說話。或有明眼高流。跳上禪牀。拽翻地下。爛槌一頓。喝一喝云：爲什麼向人天衆前。謗佛謗祖也。許伊具半隻眼。如今恁麼通相鈍。故有什麼了期。喝一喝云：且莫錯笑人。好上堂云：夫行脚人。大凡擇師求友。須遇奇人。始得。若遇本分師匠。終是不費心力。若不遇人。臘月二十五。贏得觜頭光咄。

舒州三祖山法宗禪師問蓮華未出水時如何。師云：

節氣未至。僧曰：出水後如何。師云：去年相似。問如何是善知識。所爲底。心師云：十字街頭一片輒。僧曰：如何。是十字街頭一片輒。師云：不知。僧曰：既不知。却恁地說。師云：無人踏著。問優曇花出。大衆同觀。學人上來。請師直指。師云：水不離濕。僧曰：恁麼則雲開日月正。雪消天地春。師云：吾猶昔人。僧曰：一種勿絃琴。唯師彈得妙。師云：水上卓紅旗。問：身生智昧時如何。師云：山僧被閹梨一句道盡。僧曰：是何言。歟。師云：斯言不妄。問：如何是佛。師云：喫鹽添得渴。問：如何是禪。師云：少叢林。問：如何是無縫塔。師云：十字街頭。僧曰：如何。是塔中人。師云：勾三攬四。問：如何是道。師云：十里雙牌五里單。瑛僧曰：如何。是道中人。師云：少避長賤。避貴。問：如何是佛法大意。師云：臨河不買水。僧曰：意旨如何。師云：恃驪作。師云：五五二十五。時人盡解數。倒拈第二籌。茫茫者無據。爲什麼無據。寒乞一縷。失却一端。上堂云：明晃晃活鱖鱖。十方世界一毫末。拋向面前。知不知。莫向意根上拈。撥拍一拍。上堂云：舉道須是決烈。憎愛是非。徒絕。生佛任自紛紜。虛空。

如何著楔

洪州黃龍山元肅禪師問祖意西來誰家嫡嗣師云面南觀北斗。僧曰黃龍密印親傳得百丈今朝一派流師云聽事不真喚鐘作甕僧曰人天有賴師云七穿八穴問祖意西來願垂開示師云泥牛吞巨浪僧曰中下之機如何體究師云木馬踐紅塵僧曰怎麼則法輪再轉祖道重光師云土上加泥上堂云文殊在諸人眼睫上放光普賢在脚跟下走過且道觀音大士在什麼處行履夜聞風水響日見嶺猿啼上堂云春去秋來始復終。花開花謝幾時窮。唯餘林下探玄者。了得無常性自通。復云亘古邁今包天括地豈去來之所易。何新舊之所遷。嶺梅發。崖岸柳含煙。榮衰互換前後交。參諸禪者會麼。法爾非爾。然而然上堂云道源不遠性海非遙。但向已求莫從他覓。大眾既向已求。又作麼生求。不可向思量計較中求得。麼不可向心想分別中求得。麼不可向文字語言上求得。麼不可守空閑坐求得。麼不可造作施爲求得。麼既怎麼求不得。又作麼生求。遂拈拄杖云雄峯有

箇拄杖子。布施諸人。擲下云。一任途中受用上。堂云。動則應用無窮。靜則虛明寥廓。動靜無二物。我如如。出家人到遮裏。阿誰無分。雖然如是。苦瓠連根苦甜瓜。徹蒂甜。

齊州靈巖山重耀正覺禪師先住善光次住黃蘗後住靈巖奉聖旨就十方淨因院開堂問聖上降香於此。日利人一句請師宣師云彩鳳翱翔下九霄。台星影散臨清汴。僧曰恩深轉無語師云報人須報徹僧曰若不上來伸此問焉知師答我皇恩師云誰把千鈞背手彎問諸佛出世爲一大事和尚陞堂此意如何師云王法無親僧曰可能同出四生共超三界師云和我不得惺惺僧曰若然者地無私載師云又須焦賴打著連底凍僧無語師云向道不得惺惺師云問傾巨海答出奔星祇恐時人明辨不破大眾見須實見悟須實悟若言百味般般爭似麤餐一飽何也實際理地纖芥不存真微妙門言詮何立是以布慈雲而潤物揭智炬以燭幽示忘言之言爲無說之說怎麼說話祇知淚出痛腸不覺舌在口外若是

摩竭令行難通不犯良久云國清才子貴家富小兒
嬌拍禪牀一下臣僧今日舉唱恭爲皇帝陛下曩
承佛記示作人王化被無疆功歸有截明明舜日
常祛覺海之昏浩浩堯風每濟慈航之便久立衆慈
伏惟珍重上堂云祖師心印狀似鐵牛之機針挑不
出匙挑不上過在阿誰緣雖千種草香祇一株蘭上
堂云不方不圓不上不下驢鳴狗吠十方無價拍禪
牀下座上堂云此方眞教體清淨在音聞街頭人叫
吉州針無人還價至如今蝦蟇蚯蚓向春歌襦子茫
茫錯會多

潭州大溪山頴詮禪師問古鏡未磨時如何師云黑
漫漫地僧曰磨後如何師云爍破頂門問如何是祖
師西來意師云廣州上船僧曰意旨如何師云少林
面壁僧曰學人不會師云歸去西天上堂云山高水
冷游人罕到牧牛坡下禪客縱橫出出入入莫教落
草恁麼說話還有佛法道理也無良久云却憶仰山
曾有語一回入草一回牽

虔州廉泉禪院曇秀禪師問法筵大啓於斯日正令

提綱事若何師云兩條章貢水風起浪如山僧曰見
聞無不荷師恩師云船子下楊州問如何是玄妙之
機師云羊頭車子到長安僧曰某亦如是去時如何
師云備草鞋跟新問千醜百拙時如何師云去道不
遠僧曰今日得遇和尚也師云鼻孔遼天問如何是佛
師云席帽峯何高問如何是道師云水透三江問年
窮歲盡時如何師云凍把城根雪問滿口道不得時
如何師云話墮也問不與萬法爲侶時如何師云自
家肚皮自家畫問如何是學人轉身處師云掃地澆
花僧曰如何是學人親切處師云高枕枕頭僧曰總
不恁麼時如何師云鶯啼嶺上花發巖前問如何是
微妙之機師云隔嶺聞猿呌問今古不墜時如何師
云如石落落如玉珠珠問如何是廉泉一曲師云緊
緩相和問如何是衲僧口師云殺人不用刀問如何
是苦切之言師云銅舌鐵嘴上堂云亦無難亦無易
行盡天涯無處避百衲禪僧走似烟到頭不離舊行
市三文買箇大饅頭兩人一箇不得擘破上堂云無
孔笛無鼻牛阿誰放阿誰收良久云定光金地遙招

手智者江陵暗點頭上堂云鶯啼嶺上花發岩前漁舟放溜牧笛高吹達磨無成懽懽西歸師乃呵呵大笑云懽懽禪翁更道失却鈎錐上堂云廉泉一脉百味具足若人不曾山青水綠

韶州南華清桂禪師問一大藏教打頭一句如何師云如是我聞僧曰末尾一句如何師云信受奉行師良久云會麼僧曰不會師便下座無疾而逝

南岳高臺寺宣明佛印禪師問正法眼藏涅槃妙心便請拈出師直上覲僧曰人天有賴師云金屑雖貴問如何是祖師西來意師云杖林山下水多愛輓底流僧曰學人不曾師云九月是重陽師云動則隨波逐浪不離步步道場靜則把定封疆未有慈悲之手二邊不涉正在鬧林到此進則是退則是良久云竹影掃塔塵不動月輪穿海浪無痕

衡州花光寺元恭禪師問如何是道師云通身無障礙僧曰如何是道中人師云來往任縱橫問蓮華未出水時如何師云枝葉甚分明僧曰出水後如何師云一任衆人觀僧曰天地若教出地塘焉敢藏師云

莫妄想問兆象未生時如何師云波斯讀梵書僧曰生後如何師云胡僧笑點頭僧曰欲生未生時如何師云洗足上漁船僧曰全因今日也師云梳頭不洗面

楊州建隆禪院昭慶禪師上堂云臨濟於東勝身洲喝一喝直至西衢耶尼人頭痛腦裂東勝身洲人不知不覺德山於南瞻部洲棒一棒直至北鬱單越人渾身痛癢南瞻部洲人不知不覺何故如此臨濟之喝太速德山之棒太長遂拈拄杖云且道山僧拄杖子長多少試請定當看上堂云始見新歲倏忽早是二月初一天氣濃談百物和融也擬舉箇時節因緣與諸人商量却被帝釋與梵王在門外柳眼中努出頭來先說偈言裏裏颺輕絮且逐風來去相次走綿毬休言道我絮當時撞著阿修羅把住云任爾絮忽逢西風吹渭水落葉滿長安一句作麼生道於是帝釋縮頭入柳眼中良久云參

新州三角山慧澤禪師問師登寶座大衆矚瞻師卓拄杖一下僧云答即便答又卓箇什麼師云百雜碎

新州五祖曉常禪師問如何是宗乘中事。師云。動唇吻得麼。問如何是正法眼。師云。揀擇得麼。問如何是法身。師云。道汝不會得麼。問蓮華未出水時如何。師云。看不見。僧曰。出水後如何。師云。清香滿路上。堂云。一念信心。一念佛念。更非是別物。六門出入。豈神通一道。光明無軌。則行亦行。坐亦坐。或語或笑。非兩箇。目下若也認得。渠青山萬里無寸草。

潭州大光應犀禪師問學人。擬展拳雲手。未審師還許也。無師云。清風搖翠栢。綠柳撼階前。僧曰。若然者。千山鎖夜月。照破萬家門。師云。明眼衲僧。僧曰。打麪。還佗州土。夢唱哥。須是帝鄉人。師云。分明記取。僧曰。放過一著。師云。呌。

洪州興化法澄禪師上堂云。雲籠碧嶂。雨灑長空。百草開青。千山競翠。遮那境界。華藏門開。處處善財。重重勸教。交參主伴。更互敷揚。大悲無窮。度生不倦。大眾。遠見彌勒麼。良久云。長憶江南三月裏。鷓鴣啼處百花香。

南嶽去輪文昱禪師問如何是學人自己。師云。兩脚。

蹈地。僧曰。意旨如何。師云。是爾自己。僧禮拜。師云。令人疑著。上堂以拄杖卓一卓。喝一喝。云。雪上加霜。眼中添屑。若也不會。北鬱單越。

郢州芭蕉山仁珂禪師上堂。拈拄杖云。凜凜威風。誰敢正觀。畫斷葛藤。向什麼處。出氣到遮裏。放開捏聚。把定放行。說什麼。德山臨濟。直教齊立下。風若是影響。異流且去。尋言逐句。終無了日。衆中莫有知音者麼。出來證據。若無看山僧。遮一解。遂拋下拄杖。黃蘗積翠永庵主示衆云。山僧住此庵來。無禪可說。無法可傳。亦無差珍異寶。祇收得續火柴頭一箇。留與後人。令他烟燄不絕。火光長明。遂以拂子擲下。時有僧就地拈來。向口邊吹一吹。師便喝云。誰知續火柴頭。從遮漢邊煙消火滅去。乃拂袖歸庵。僧吐舌而去。

洪州黃龍山自慶禪師問。深臥白雲。即不問祖意。西來事。若何。師云。昨日今朝。事不同。僧曰。今朝得聞於未聞。師云。語是。心苗。問臨濟行喝。德山行棒。和尚如何。師云。二俱不用。僧曰。龍得水時。添意氣。師云。透龍。

門事作麼生。僧曰。虎逢山色長威。獐師便喝。

信州靈鷲慧覺禪師問禪客相逢。祇彈指。此心能有幾人知。如何是此心。師云。誰教恁麼問。僧曰。新長老不可莽鹵。師云。放爾三十棒。問如何是桃花境。師云。石上仙蹤千古在。檻前山水四時流。僧曰。如何是境中人。師云。羽客不知何處去。靈雲依舊獨徘徊。師云。大眾百千三昧。無量妙義盡在諸人脚跟下。各請自家回互取會。麼。回互不回互。認取歸家路。智慧爲橋梁。柔和作依怙。居安則慮危。在樂須知苦。君不見。龐居士黃金拋却。如糞土。父子團圓頭共說。無生語。無生語。仍記取。九夏雪花飛。三冬汗如雨。

蘄州石鼓洞珠禪師上堂云。問答既多。去道轉遠。何也。道不屬知。知是妄覺。道不屬見。見是眼睛。眼睛不明。觸事崢嶸。聯環不斷。爲生死根。若不直向太虛之外。自然情念頓忘。真心獨露。如斯說話。俯爲下根道友相逢。無可不可。坐則十方俱隱。行則六趣隨緣。語則出口成言。默則三災不撓。然雖如是。須知有轉身一路。衆中莫有轉得身者麼。出來證據。若無山僧。今

日失利

舒州宿松靈隱寺德滋山主蜀人也。自住院二十年。每日獨自上堂云。朝朝相似。日日一般。祇遮便是。更莫別求。元豐六年十月四日。陞堂集衆。良久云。會麼。衆無語。師儼然而逝。

建中靖國續燈錄卷第十三

都勾當藏主沙門靈堅

都勸首住持傳法沙門普明

同勾當住聖泉寺傳法沙門紹登

勸首應賢良方正能直言極諫科陽賜

朝請丈夫知福州軍州兼管內勸農事

兌福建路丘馬鈴轄柱國借柴王祖道

請主參知政事元絳

證會靈應侯王

建中靖國續燈錄卷第十四

〔宋銘〕

東京法雲禪寺住持傳法佛國禪師臣惟白集

對機門

南岳懷讓禪師第十三世

洪州翠巖山可眞禪師法嗣

東京大相國寺智海禪院眞如禪師諱慕詰姓聞氏。撫州臨川人也。紹興依建昌軍永安院圓覺大師出家。受具後弊衣糲食。介然不群。勵志遊方。遍參宗匠。晚造翠巖眞禪師法席。投機去契。推爲上首。始住岳麓。大瀉晚奉詔旨。住智海禪院。開堂日。哲宗皇帝遣中使降香師謝。恩畢登座。拈香祝延。聖壽。罷乃敷坐。法雲大通禪師白槌。竟師召大眾云。龍樓鳳閣。瑞氣凝空。五路三街。和風習習。如未相悉。流布去也。禪師西來直指人心。見性成佛。況在會四衆。盡是祖師。指出底人。還信得及麼。若信得及。天上天下。隨處建立。隨處利生。出沒卷舒。縱橫應用。其或未然。何妨致問。問香煙馥郁。海衆雲致。爲國開堂。如何。舉。唱師云。皇風蕩蕩。僧曰。青山藏不得明月。却

相容師云。帝道平平。僧曰。憑師一滴曹溪水。四海爲霖報。我皇師云。眞箇問大法。從來倚聖明。此日遭逢有道君。如何是有道君。師云。坐致太平。僧曰。八方無一事。四海有謠謠。師云。不妨道著。問太平一曲。四海咸聞。不落宮商。如何。舉。唱師云。一二三四五。僧曰。木人嶺上輕吹處。石女溪邊暗點頭。師云。罕遇知音。僧曰。爭柰瑞氣流沙界。和風滿帝城。師云。劍利禪僧。師云。若論此事。豈在如斯。一問一答。以順機。器諸祖妙道。卽不然也。何故輝騰世界。迥絕見知。函蓋相應。絲毫不漏。當人分上。各自圓成。亘古亘今。無增無減。有佛無佛。性相常如。以此舉揚上答。皇恩久立衆慈。伏惟珍重。問趙州庭栢意旨。如何。師云。夜來風色緊。孤客已先寒。僧曰。先師無此語。又作麼生。師云。行人始知苦。僧曰。十載走紅塵。今朝獨露身。師云。雪上加霜。問如何。是城裏佛。師云。萬人叢裏不插標。僧曰。如何。是村裏佛。師云。泥猪疥狗。僧曰。如何。是山裏佛。師云。絕人往還。僧曰。如何。是教外別傳。師云。翻譯不出。問牛頭未見四祖時。如何。師云。寒毛卓豎。

僧曰見後如何師云額頭汗出

上堂拈拄杖云智海拄杖或作金剛王寶劍或作踞地師子或作探竿影草或不作拄杖用諸人還相委悉麼若也悉去如龍得水似虎靠山出沒卷舒縱橫應用如未相悉大似日中逃影

上堂云捫空追響勞汝心神夢覺覺非竟有何事德山老人在爾諸人眉毛眼睫上諸人還覺麼若也覺去夢覺覺非若也未覺捫空追響終無了日直饒向遮裏個儻分明猶是梯山入貢還有獨遊方外者麼良久云且莫詐明頭參

上堂云山僧本無積畜且得粥足飯足困來即便打睡一任東卜西卜

上堂云看風使帆諸人盡知斬釘截鐵要在當機且道不傷物義一句作麼生道良久云舉頭天外看誰是箇中人參

師於紹聖二年十月初八日寫偈云昨夜三更風雷忽作雲散長空前溪月落偈畢坐逝茶毗燼餘睛目爪齒堅然如故分葬于京譚二塔餘如大丞相曾公

布塔銘

南岳西林崇奧禪師問一問一答賓主歷然不問不答如何辨別師云坐底坐立底立僧曰便恁麼會時如何師云舌拄齟齬禮拜師云不得諱却師云南斗六北斗七波斯眼睛黑似漆堪笑峰前檜與松被風吹動鳴鑼鑼更有一灣流水清接竹引來開啾啾啾啾啾啾觀音普賢共相揖共相揖日日從東畔出因是什麼說話良久云波斯鼻孔長三尺

袁州楊岐山方會禪師法嗣

舒州白雲山海會院守端禪師衡陽周氏子也生而異相遂捨出家篤志參玄勤詢學問法悟楊岐名播宗席語要頌古諸方盛傳今也雖亡道風益扇開堂日上首白槌竟師顧視左右云便恁麼散去自古自今如麻似粟若言更有如何若何曹溪一路平沉從上諸聖皆向火焰裏垂手祇要諸人眼橫鼻直衆中莫有垂手者麼出來辨看問欲行千里一步爲初如何是最初一步師云過遮邊來僧曰謂言侵早起更有夜行人師云未敢相許僧便喝師云喚問二師相

見合談何事。師云：六耳不同謀。僧曰：謝師答話。師云：聽事不真。上堂云：入林不動草，入水不動波。遮箇是把纜放船，手脚且道。衲僧分上，又作麼生。良久云：掀翻大海求知己，道合乾坤見太平。上堂云：運用與去來，何曾有間隔。山僧數日出山行，履每日折旋俯仰。瞞諸人一點不得。諸人在院折旋俯仰，瞞山僧一點不得。山僧爲什麼見似不見，要會麼？是處有芳草，何山無白雲。咄。

金陵保寧仁勇禪師，俗姓竺氏，明州人也。受具遊方，始參泐潭，迨逾一紀，疑情未息。次扣雲蓋，會禪師發明心印，出世保寧二十餘年，唱揚祖道，問如何是佛。師云：鐵鎚無孔。問如何是道。師云：泥裏有刺。僧曰：如何是道中人。師云：切忌蹈著。問如何是祖師西來意。師云：雪上加霜。問知師解把無星稱，無角鐵牛重幾多。師云：頭輕尾重。僧曰：此猶是對面相瞞。師云：與天下人作勝樣。僧曰：恁麼則人平不語水平，不流師云：猶較些子。問靈山如指月，曹溪如話月，未審保寧門下如何。師云：瞞僧曰：有花當面貼，師便喝。問摘葉尋

枝，卽不問如何是直截根源。師云：蚊子上鐵牛。僧曰：直截根源人已曉，中下之流如何指示。師云：石人脊汗通流。問如何是塵中自在底人。師云：因行不妨掉臂。僧曰：如何是佛法大意。師云：鑊湯無冷處。

上堂云：釋迦出世弄假像，真達磨西來將長就。短德山棒臨濟喝，陽燄充飢，梅林止渴，清平世界不妨夜行。如今莫有吞却佛祖打破化城者麼。良久云：今日被大眾勘破。上堂云：來也來也，良久云：去也去也。上堂云：滿口是舌，都不能說。碧眼老胡，當門齒缺。上堂云：看看山僧入拔舌地獄去也。以手拽舌云：阿哪阿哪。上堂云：相罵無好言，相打無好拳。大眾直須恁麼始得。一句句切害，一拳拳著實。忽然打著箇無面目漢，也不妨暢快殺人。上堂侍者燒香罷，師指侍者云：侍者已爲諸人說法了也。上堂云：百川異流，同歸於海。萬途差別，皆入此宗。卓拄杖云：醫得眼下瘡，剗却心頭肉。上堂云：曹溪路上野老謳，哥古佛堂前行人舞。腳踏實地，天下人知。鼻孔遶天，作麼生辨。乃云：無孔笛吹玄外曲，五湖何處覓知音。乃拍一下上堂。

云山僧二十餘年挑囊負鉢向寰海之內參善知識。十數餘人自家並無箇見處。有若頑石相似。參底尊宿亦無長處。可相利益。自此一生祇作箇百無所解底人。幸自可憐生。忽然被業風吹到江寧府。無端被人上當。推向十字路頭。住箇破院子。作粥飯。主人接待南北事。不獲已。隨分有鹽有醋。粥足飯足。且與麼過時。若是佛法。不曾夢見。

岳州幕阜山長慶顯瓊禪師問如何是佛。師云泥龕塑像。僧曰如何是法師。云黃卷赤軸。僧曰如何是僧。師云更問阿誰。僧曰如何是向上事。師云幕阜山高。僧曰畢竟如何。師云高繫布裙。

岳州君山守巽禪師問山高水深。卽不問如何是君山。境師云山高水深。僧曰如何是境中人。師云漁翁鼓棹。僧曰宗乘事若何。師云岳陽樓望洞庭湖。

澧州欽山乾明智因禪師問如何是道。師云步步踏著。僧曰如何是道中人。師云眼眼相覷。問如何是和尙家風。師云錦繡銀香囊。僧曰客來如何祇待。師云硬餬餅。爛餬飴。僧曰佛法事如何。師云人情濃厚道。

情微

潭州石霜山守孫禪師問生也不道。死也不道。爲什麼。不道。師云一言已出。僧曰從東過西。又作麼。生師云。驢馬難追。僧曰學人總不與麼。師云。易開終始口。難保歲寒心。師云。秋風颯颯。秋雨微微。敗葉紛飛。嶺雲繚繞。於此明得。善財入彌勒樓閣。帝網重重。互相涉入。於此未明。且莫迷頭認影。止宿草庵。如斯話會。曲爲初機。明眼高流。共相證據。噫。什麼說話。良久云。雲在嶺頭。閑不徹。水流澗下太忙。生參。

明州天童山清遂禪師法嗣

福州乾元寺了覺禪師開堂日上首白槌。竟師良久云。直饒阿那律。天眼未解。諦觀便是。千手大悲。焉能提掇。衆中莫有不甘者麼。出來掀倒禪床。約散大衆。然雖如是。未是作家。且於第二門中。與衲僧出氣。問少林九年。垂一語。直至如今。賺舉欲得不賺。便請師舉。師云。噉僧曰。摩噠哩。伽摩噠哩。智又作麼。生師云。放爾三十棒。問尊者證果。超越聖流。不涉重修。請師速道。師云。落花簷外。朶青柳檻前梢。僧曰。一雨周沙。

界群心永夜。蘇師云。水不洗水。一句作麼生。道僧曰。應知松栢操不改歲。寒心師云。且信一半。問未離兜率已降王宮。未審是什麼人。師云。牛頭出馬頭。回僧曰。未審是法身報身。師云。牽犁拽杷。師顧視大眾云。還相委悉麼。若不相。悉山僧今日指鹿爲馬。唱九作十。瞞諸人去也。摩竭正令水泄不通。少室真規風吹不入。聖凡情盡。體露真常。迥絕見知。輝騰今古。良由情存聖量。隨在見知。所以聽不出聲。見不超色。縱滅一切見聞。覺知內守。幽閑猶爲法塵。分別影事。造種種業。輪回異趣。往而不返。真可悲哉。若能回光返照。有何佛道可成。衆生可度。便能向火燄裏藏身。東涌西沒。於微塵上走馬。同死同生。若向遮裡見得。徹參得透。切忌認驢鞍橋。作阿爺下領。

南岳應天萬壽應城禪師。師初參淨慈遂禪師。遂問上人從何而來。師云。毗陵來。遂云。我聞毗陵出好草。蟲扇子帶得來否。師作一圓相。師云。大善。知識又要遮箇作什麼。遂云。祇遮箇此間。亦要得師於言下大悟。上堂云。山花狼藉。孤負空生。山草離披。拈起室利。

驚得岳神稽首。土地和南。陝府鐵牛無放處。嘉州石像露全身。如斯說話。錯會者多。敢問諸人。不涉春緣一句作麼生。道良久云。不得春風花不開。花開又被風吹落。咄。

福州大中立誌禪師。問握驪珠於掌上。鑒十方於目前。學人上來請一師鑒。師云。草賊大敗。僧云。學人今日失利。師云。自知較一半。僧便喝。師云。疆惺惺。問遠超丈室。仰慕宗風。學人上來請師一接。師云。高挂鉢囊。僧曰。便是爲人處也。無師云。盲人摸地。僧曰。莫厭良爲賤。師云。短販樵人。徒誇書劍。問馬祖陞堂。百丈捲席。未審古人意旨如何。師云。官馬相踏。僧云。學人今日小出。大遇師云。拄杖未曾拈著。上堂云。猿嘯鳥山之畔。衆獸潛藏。雲生螺渚之間。群峰失色。太阿寶劍耀日爭輝。樵父船柴。醫王辨價。還有不顧賓主者。出來道看良久云。水凍魚難躍。天寒草發遲。以拄杖打香臺一下。上堂云。法不見法。法不行法。法不知法。大眾遮箇是香爐子。如何是不見不行不知。百億恒沙世界。諸佛盡在香爐上。放光動地。說法度人。諸人。

還見麼直饒見得也。涉踟躕。咄。師於紹聖元年三月十一日集衆沐浴淨髮。寫偈云。麒麟掣斷黃金鎖。玉兔衝開白玉關。好是無雲中夜後。一輪明月照躡山。偈畢。趺坐而逝。茶毗。獲舍利塔葬本山。

金陵蔣山贊元覺海禪師法嗣

衡州江山縣石門羅漢禪院雅禪師問。雷音一震。龍象咸臻。學人上來請師舉喝。師云。蓮目瞬時千界靜。金顏笑處一花新。僧曰。人天盡入羅峰境。今日親聞端的音。師云。百萬茫茫人不知。問佛未出世時如何。師云。東宮玉殿無遺影。僧曰。出世後如何。師云。毗藍園畔雨天花。僧曰。與麼則逾春城於八夜。棲雪嶺於六年。師云。威音王已前作麼生。僧曰。且待別時。師便打問。如何是祖師西來意。師云。熊耳塔開空寂寂。唯留隻履冒輕埃。問。如何是和尙家風。師云。一條筇竹杖。三事衲邊衣。僧曰。客來將何祇待。師云。酌泉醺點祖師茶。上堂云。茱萸鮮。菊花香。暢殺陶家醉酒郎。我輩泛觴雖絕分。東籬閑詠也無妨。大眾閑詠。卽不無。且道。眼在什麼處。知有底。眉毛眼上橫。未諸者紅。

黃裏亂走阿呵呵。今日元來九月九。咄。下座。

信州龜峰瑞相子瓊禪師問。如何是博山境。師云。澗流淥水路。出松門。僧曰。如何是境中人。師云。身著紅綃衣。肚中黑如漆。僧曰。向上宗乘事。若何。師云。利竿頭。指天問青春。已過夏景喧繁時。節因緣。請師爲說。師云。臘月二十五。未是拜年時。僧曰。學人未曉。乞師再指。師云。石人身上不生毛。

金陵蔣山可政禪師問。如何是道。師云。不許夜行。僧曰。如何是道中人。師云。投明須到。問。如何是向上事。師云。一人泉在最高峰。

潭州開福守義禪師法嗣

廬州澄慧惟兩禪師問。向上宗乘。請師舉唱。師云。有問有答。僧曰。如同昔日空生問。一似當初善逝誦。師云。無問無答。僧曰。一句蒙師指。三拜謝師恩。師云。靜處薩婆訶。問。踏破澄潭月。穿開碧落天。不顧危亡乞師指示。師云。齋後鐘。僧曰。青山無異路。智辨在當人。師云。直須子細。僧應諾。師云。跽跳。

南岳雲峰文悅禪師法嗣

桂州壽寧齊曉禪師問大衆雲臻合談何事師云波

斯入關市僧曰恁麼則草偃風行師云萬里望鄉關

問如何是佛師云著衣喫飯僧曰又手當胸還身三

步師曰醉後漆盃上堂云觸目不會道猶較些子運

足焉知路錯下名言諸仁者山僧今日將錯就錯汝

等諸人見有眼聞有耳鼻有鼻味有舌因什麼却不

會良久云武帝求仙不得仙王喬端坐却昇天咄

廬州澄惠咸詔禪師問德山入門便棒萬古宗風臨

濟入門便喝古今勝樣去此二途請師拈撥師云我

總不與麼僧曰一言啓口別是家風師云賴遇拄杖

不在手問有問有答善巧分張向上宗乘請師別道

師云閤梨問得最親僧曰學人會也師云會箇什麼

僧舉起坐具師云畢竟作麼生僧便喝師云作家僧

禮拜師便喝師云如來秘旨豈涉辭鋒祖師心印徒

勞穿鑿若舉宗乘一字海水逆流須彌倒卓若說佛

說祖三界平沉四生何有若向下商量枯木生花寒

灰發燄然雖如是若向衲僧門下白雲千里萬里且

道衲僧有什麼長處良久云更有一般堪羨處長連

牀上帶刀眠

南岳福嚴保宗禪師法嗣

衡州花藥山崇勝義然禪師問臨濟血脉請師直道

師云虛空裏揚眉默地裏點頭僧曰莫祇遮便是師

云是卽是作麼生會僧却點頭師云遮賊好喫棒僧

連聲道賊賊歸衆師云三十棒也較不得上堂云心

心心青山綠水深若人識得遮山水相對事法總平

沉是爾諸人總識得爲什麼七十二峯儼然依舊試

爲說看若說不出大似不曾行脚參

南嶽承天智昱禪師問如何是佛師云髮長僧貌醜

僧曰意旨如何師云腦門後合掌問如何是祖師西

來意師云石廩峰高僧曰意旨如何師云遊人罕到

問如何是和尙家風師云紙帳禪林僧曰客來如何

祇待師云山中石耳師於元豐八年四月內沐浴淨

髮趺坐而逝茶毗齒舌眼睛不壞

東京十方淨因道臻淨照禪師法嗣

福州長慶寺慧暹文慧禪師問離上生之寶刹登延

聖之道場如何是不動尊師云孤舟載明月僧曰忽

遇艣棹俱停。又作麼生。師云。漁人偏愛宿蘆花。問長
期進道。西天以臘人爲驗。未審此間以何爲驗。師云。
鐵彈子。僧曰。未審意旨如何。師云。大底大小底小。問。
德山臨濟。卽不問傳衣付法事。如何。師云。爾向什麼
處見德山臨濟。僧便喝。師云。還曾夢見也。未僧拈掌。
入衆。師云。果然果然。師云。坐斷要津時。見處黑如漆。
放開一線道。處處見彌勒。而今放則放了也。且道彌
勒在什麼處。衆中還有見得者麼。便請出來對衆道。
看良久。云。有麼。有麼。善財不知何處去樓閣門。開獨
往還喝云。各請歸堂。

福州棲勝繼超禪師上堂拈拄杖良久云。三世諸佛。
盡在遮裏。踈跳大衆。還會麼。過去諸佛說了。未來諸
佛未說。現在諸佛今說。敢問諸人。作麼生是說底事。
卓一下云。蘇嚧蘇嚧。

鄧州香巖山慧照禪師洞敷本福州人生於范氏幼
而氣韻清敏。長慕空宗。依東京景惠寺圓明大師爲
師。試經落髮。愛具後遍參江淮叢席。迨見淨因淨照
臻禪師。一言頓契。如箭鋒直加以學談。今古名動京

師遂膺 朝旨。住鄧之香巖幾十載。次旋故里。受
請龜山壽山神光。凡更三刹。皆閩中上游。厥後又未
可量也。師初開堂。日僧問師唱誰家曲。宗風嗣阿誰。
師云海底泥牛吼。雲中木馬嘶。僧曰。學人未曉。乞師
再指。師云。一經聲徹九重天。問。朝命旣臨於此。日師
將何法報。君恩。師云。皇天無親。唯德是輔。僧曰。如
何是德。師云。一人歌有道。萬姓樂無私。問。祖意與教
意是同是別。師云。鳳闕摩空。汴河瀉碧。

師復云。西乾四七道絕語言。東土二三法無文字。唯
傳一印。直指人心。心了則天地全該。印定則絲毫
不漏。嚧嚧絕待。法法融虛。方乃契聖根源。始曰。入佛知
見。如斯薦得。落二落三。本色衲僧。如何話會。還道得
麼。箇中消息。若爲傳鳳闕。龍樓峭倚。天要會。覺城東
際事。寥寥千古尙依然。

僧問。遠辭香巖丈室。近屈龜山道場。如何是不動尊。
師云。千手大悲提不起。僧曰。如何是動尊。師云。玉殿
曾遊歷。金門屢往還。問。如何是龜山境。師云。千峰來
有路。八極淨無塵。僧曰。如何是境中人。師云。有時聞

眼有時合。問如何是佛法的大意。師云。山寒露骨。水淺見沙。

師云。窮經窮論。正如入海算沙。覓法覓心。大似捫空求響。故我佛出世。爲一大事因緣。洎諸祖傳衣。亦乃廣開方便。發揮教外之正法指示。涅槃之妙心。作筏度人。應病與藥。故善說法者。說無所說。而善傳心者。傳無所傳。縱饒一棒一條痕。一摑一手血。未見拖泥帶水。豈能點瓦成金。大衆祇如今日。爲國開堂。還有奇特底事也。無良久云。疊疊青山與流水。舊時顏色舊時聲。

上堂云。春無三日晴。風雨時時作。巖下見蟠桃。自開還自落。飄憶靈雲得處。親迄今底事。何蕭索。非蕭索。春山春水四寥廓。鷓鴣啼處。百花香。好薦聲前這一著。咄。

上堂云。炎風匝地。畏日流空。奇雲當戶。任長舒白藕。飄香來不斷。林間達士。了無寒暑之變遷。塵裏游人。但見光陰之迅速。直得燈籠合掌。露柱攢眉。一年又將半。幾箇知音。知不知。路上行人。口是碑。

一無更字

西京少林禪院元訓禪師。問囊錫已露。至寶難藏。海衆臨筵。請師一接。師云。嵯峨疊萬仞。僧曰。學人不曾。師云。水出鳳嶺關。問達磨西來。爲接群迷。和尚出世。當爲何事。師云。祇有照壁。月僧曰。學人便恁麼時。如何。師云。更無更。吹葉風上堂云。隨機設教。應病與藥。百千妙門。不離方寸。有病無病。病瘥卽除。州南州北。月團圓。廣教一衆。都無分咄。趙州石橋。思量好笑。近來學得。筭子法。兩箇九百。是千八。以拂子擊禪牀一下。

廬州興化院仁岳禪師法嗣

潭州智度山定林景芳禪師。問師唱誰家曲。宗風嗣阿誰。師云。初出紅爐金彈子。僧曰。還許學人接也。無。師云。筵破閣梨鐵面皮。問七十二峰。卽不問。如何是法輪境。師云。岢嵒峰尖。神禹碑。僧曰。還許學人識也。無。師云。石青字亦形模。奇僧曰。今日得遇去也。師云。吏部當時尙莫窺。僧曰。端的在什麼處。師云。何時得汝不狐疑。

潭州興化紹清禪師。問不觸波瀾。如何趣向。師云。得。

宜須舉棹莫待打頭風。僧曰：猶是湛水之波。忽遇拏雲霧。又且如何。師云：道泰不傳天子令。師云：問來答去祇益繁詞。於道則遠之遠矣。祖令既行。要津坐斷。十方諸佛。瓦解冰消。三藏教乘。掃土而盡。到遮裡誰敢正眼觀。著所以釋迦有竭世之樞機。尙掩室於摩竭。淨名騁窮天之詞辯。猶杜口於毗耶。豈況小根小智者哉。何也。龍象蹴踏。非驢騾所堪。上堂云：祖師門下佛法不存。善法堂前仁義休說。然雖如是。事無一向。竊聞哀哀父母。生我劬勞。欲報深恩。昊天罔極。髮膚身體弗敢毀傷。此曾仲尼之孝也。輪轉三界中。恩愛不能脫。棄恩入無爲。眞實報恩者。故我大覺世尊雪山苦行。摩竭成道。往忉利天爲母說法。此釋迦之孝也。得大解脫。運大神通。手擎金錫。掌托龍孟。詣地獄門。卓然尋省。見其慈母。悲泣無量。此目連之孝也。作麼生是興化之孝。良久云：興化今日不上天堂。不入地獄。於善法堂中。登王座上。爲母說法。以答劬勞。且道我母親今在什麼處。乃云：我母生前是善緣。無勞問佛定生。天人間上壽。古今少九十春秋。滅一

年下座。敢煩大眾燒一炷香。以助山僧報孝。既是山僧之母爲什麼却煩諸人燒香。不見道東家人死。西家助哀。以手槌胸云：蒼天蒼天。

汝州首山乾明處珪禪師問如何是首山境。師云：白雲片片時來往。汝水潺潺流向東。僧曰：如何是境中人。師云：寒山逢拾得。拍手笑呵呵。僧曰：向上宗乘事。若何。師云：虛空藏鳥迹。風過樹頭鳴。僧曰：便是爲人處也。師云：曹溪水急。

荊門軍玉泉謂芳禪師法嗣

安州延福禪院智興禪師。西川人。出家受具。後卽造玉泉芳禪師法席。豁然大悟。初住漸源。次遷黃梅龍華。晚住延福。師語不談立行。不修潔身。不稟儀衆。不喜見逝後。應報有徵。緇素追仰。遺體塑飾。祈禱尤盛。臨江軍惠力善周禪師上堂云：遼天鶴萬重雲。祇一突是什麼。咄。師於元祐元年十二月望日沐浴淨髮。說偈云：山僧住瑞筠。未嘗形言句。七十三年來。七十三去。言畢。趺坐而逝。三日後。髮變再生。韶州六祖南華真經禪師。問祖意。西來卽不同。最初

一句請師宣。師云龍嶺黑寶離滄海。鶴側霜領下玉
塔。僧曰一輪明月照四海。盡分明。師云夜半拆開無
縫塔。天明智積抱頭回。師云會麼。五大未開。二儀無
跡。威音王覩不見。大悲手摸無蹤。且道爲復神通妙
用。爲復法爾如然。於斯明得。便乃高步毗盧頂上。坐
斷報化佛頭。於斯未明。祇知事逐眼前過。不覺老從
頭上來。嘆。

福州望泉寺紹登禪師。本郡古田縣臨水人也。俗姓
陳母李氏。一夕夢神僧入。與授以明珠。覺而有娠。降
誕之辰。異香滿室。紫帽覆首。幼不葷茹。乃七歲。資性
英敏。自厭塵世。喜觀佛事。好聽佛書。十歲辭親出家。
往禮潭州開福寺。璉長老爲師。精通法華。試經應度。
受具之後。瓶錫遊方。造于謂芳禪師法席。一見針水。
相投筌蹄。頓忘水月。孤筵遂還鄉。晦迹林泉。郡牧丁
公。嚮師道德。請住陀嶺塔院。緇素敬忽。一日索浴。
更衣。鳴鼓昇座。四方檀信。湊集如市。師廻舉頌云。吾
年五十三。去住本無貪。臨行事若何。不用口喃喃。冥
目兩宵儼然如示寂。偶聞鐘聲忽然而醒。四大輕安。

續後舍利身常頻現。元豐中本郡大旱。府主孫公嚮
師道德。請而祈雨。次日甘澤大霑。孫公欽仰。遷住文
殊前後郡。邑亢旱。府主許公察院王公。左司葉公。累
請祈雨。有應。察院王公遷住聖泉。師住三道場。隨利
革故而新矣。上堂僧問。如何是聖泉境。師云。目前無
異草。僧曰。如何是境中人。師云。往來無罣礙。僧曰。人
境已蒙師指示。向上宗乘事。若何。師云。驢事未去。馬
事到來。師復云。般若門中。縱說百千妙義。不增一毫。
直饒結舌銛鋒。豈減少分。若論玄中。又玄終非妙門。
鳥道魚蹤。早傷途轍。何也。蓋爲出此入彼。去者不至。
其方來者。不到其所。舉一明三。莫窮幽趣。更不用續。
鳧鷖鶴夷。岳盈壑。霄壤相望。去道轉遠。正當與麼時。
衲僧門下。作麼生商量。良久云。昨夜三更月到窓。參。

南岳雙峯省回禪師法嗣

金州靈山彥文禪師。問如何是祖師西來意。師云。缺
齒胡僧笑。不言僧曰。學人不曾。師云。隻履返西天。問
如何是佛。師云。問得最親。上堂云。山青青。水綠綠。風
吹南嶺雲。露滴東籬菊。更添松竹歲寒聲。盡是無絃。

琴上曲。琴上曲。碧眼胡僧拍不足。拍不足。一二三四五六。嘆拍一拍下座。

閬州光國文贊禪師問如何是佛法大意。師云。禍不單行。問。諸法寂滅相。不可以言宣。脫座既登。師如何說。師云。因風吹火。用力不多。僧曰。恁麼則佛佛道同。師云。貓兒戴紙帽。問不二之法。請師速道。師云。領僧曰。恁麼則人人有分也。師云。了。僧曰。錦屏天下少。光國世間稀。師云。退。

杭州鹽官菩提用禪師法嗣

杭州臨安淨土善思禪師上堂云。咄咄。臨濟德山盡該抹棒頭。薦得不作家。喝下承當。未奇。絕野僧宗旨。不恁麼。覲面相呈。辨賢哲。聲前一句早遲疑。語後持來底時節。勸禪人休饒舌。神龍尙自不知源。豈況盲龜跛鼈。不看神光傳祖位。纔見老胡心。便歇眞妙訣。堂堂自己。已可憐生。直下承當。第二月大丈夫。須勸絕。見成公案。早多端。莫學癡人被摩捋。傷嗟末法有多途。邪黨成群。安可遏。初機入門。并道眼。佛手生緣。徒施設。禪流學得。遍狂遊。問著元來打不迭。古人

開口便知音。尙言弄巧。翻成拙。那堪看話得心通。正是虛空裏釘橛。自慚道薄整顏綱。飲氣吞聲共誰說。特將鄙句報同風。本分禪人能辨別。大地山河盡放光。南無觀世音菩薩。

蘇州定惠超信海印禪師法嗣

杭州南陽山慶善智圓禪師問如何是玄中玄。師云。兩箇圈。攀一串穿。僧曰。如何是妙中妙。師云。鷹生三子。一名鷄。僧曰。如何是要中要。師云。寒山逢拾得。拈掌呵呵笑。僧曰。謝師答話。師云。今日失利。

荊門軍玉泉愜空禪師法嗣

江陵護國齊月禪師問。壁立千仞。水泄不通。還許學人請益也。無師云。汝待問什麼。僧曰。向上事。師云。維那不在。僧曰。觸忤和尚。師云。正令已行。上堂云。窮外無方。究內非裏。應用萬般。無可比擬。分明向汝諸人。道佛性精魂。總不是。

洪州泐潭寶峯曉月禪師法嗣

洪州上藍居晉禪師上堂。有二僧出禮拜。一僧拜起。問奪人不奪境。卽今事如何。師云。金燈當面照。須在

敏手者僧曰不因一事不長一智師云君子三思再斯可矣一僧禮拜了便歸衆師云是則也大奇

汾州太子院同廣禪師法嗣

西京龍門山勝善清照禪師問變凡作聖卽不問點鐵成金事若何師云直下無私處觸目盡光輝僧曰清光生掌上喜氣發眉間師云既能知此理何用苦切切問天高地厚萬物皆從未審和尙從與不從師云春來爛熳僧曰金鷄迺立兔走長空師云同道方知僧曰學人今日承恩師云且莫錯認

襄州谷隱山德遵禪師法嗣

新州龍山國恩景淨禪師問臥龍山上千花秀師子巖前萬里燈時如何師云靈鷲昔年親得旨臥龍今日遇知音僧曰四百餘年選佛場金毛師子又當揚師云不妨道著僧曰一炷清香資大國優鉢羅花物外春師云雪堦立久心無倦壽室內茲道轉光問師唱誰家曲宗風嗣阿誰師云黃蘗山中心未惺大愚肋下築三拳僧曰與麼則臨濟重興師云也須子細師云新開爐冶世應知烹鍊身心絕是非幸有法財

堪取採禪人到此莫空歸直是敲空作響扣寂知音知其妙理何勞作十地之因悟此玄門不假證三身之果超聖要路成佛頓門總慈悲心攝顛倒想如斯話會正落教乘且道教外別傳一句又作麼生良久云一氣不言含有象萬靈何處謝無私

筠州武泉政禪師法嗣

杭州慶善震禪師師於熙寧五年八月十一日集衆云我佛世尊示化將終有正法眼藏涅槃妙心付摩訶迦葉自茲祖祖相傳分枝列派至于今日吾今世緣將謝聽吾偈曰諸法本無生皆隨信心起千聖密相傳展轉無終始言畢趺坐而逝壽八十七茶毗収舍利舌根不壞

建中靖國續燈錄卷第十四

建中靖國續燈錄卷第十五

〔宋銘〕

東京法雲禪寺住持傳法佛國禪師臣惟白集

對機門

廬陵清原山行思禪師第十三世

東京惠林宗本圓照禪師法嗣

東京法雲寺大通禪師諱善本姓董氏潁州人也。白衣素行清修勵節。聽習大經。頓入妙義。遂依東京顯聖寺輯上人山家。試經披荆。尋慕祖風。造蘇州瑞光寺圓照禪師法席。照預感夢見。卽器之入室。扣發豁然契悟。道如夙蘊。性若天資。徧歷江淮。益廣宗趣。初住務州雙林。次遷杭州淨慈。奉詔旨住東京法雲。越國大長公主奏賜大通禪號。三住大刹。衆盈七百。道化廣洽。縑素蟻慕。今退老於杭州南山開堂日。哲宗皇帝遣中使降香并賜磨衲袈裟。師謝恩畢。登座拈香祝延聖壽。罷乃敷坐。慧林覺海禪師白。槌竟師良久云。還觀得麼。適來白槌告報。已是周遮。更若論量千里萬里。雖然。如是不可徒然。今日大施門開。有疑請問。問寶香天降瑞氣。凝空睿旨。既臨

法輪當轉。師云。分明記取。僧曰。金色頭陀笑更新。萬古山河共晴日。師云。謝汝證據。僧曰。四海晏清時雨足。何妨野老賀昇平。師云。不用切切問。鸞峯九會大轉法輪爲國開堂。願聞舉唱。師云。滿庭嘉氣合。巾地覺花開。僧曰。若然者。爐爇寶香。凝瑞利祝延睿筭等南山。師云。百千年後與人看。僧曰。國清民肅歸皇化。佛道昭隆續我師。師云。却信得及。問名傳清禁。恩降九重磨衲。既披將何報答。師云。天高不可極。僧曰。帝網重重無間斷。交光全布目前機。師云。地厚載無窮。師云。達磨西來傳最上乘。言中便薦不假思。惟句下該明。頓超情識。得之則頭頭有據。昧之則句句成非。大用現前。風行草偃。所以上根之士。目擊知機。中下之流。卒難構及。軒皇鑑內。不立纖塵。迦葉峯前。徒煩指注。放行則風清萬字月。印千溪。利刹塵塵輝騰無盡把。定則二乘罔措。三藏絕詮。獨脫無私。超然世表。如斯理論。猶涉言詮。苟能一念回光。始信不從人得。恭惟國家承平。既遠。美化方隆。普率群機。大興三教。所以甚深般若。久住於斯。金口誠言。故不

誣矣。即將開堂。少善上福皇基。所冀玉葉金枝共協。無爲大化珍重。問寶塔元無縫。如何指示人。師云。煙霞生背面。星月繞簷楹。僧曰。如何是塔中人。師云。竟日不干清世事。長年占斷白雲鄉。僧曰。向上更有事也。無師云。太無厭生。問一稱南無佛。皆已成佛道。未審如何是道。師云。膏雨未抽新歲筍。和風先拆舊時花。僧曰。學人恁麼會時如何。師云。也須子細問。若論此事。譬如兩家看碁。學人上來請師一著。師云。早見輸了也。僧曰。錯。師云。是。僧曰。進前無路也。師卓拄杖一下云。爭柰遮箇何。僧曰。祇如黑白未分時。又作麼生。師云。且饒一著。問如何是空手把鋤頭。師云。霜風飄巨野。僧曰。如何是步行騎水牛。師云。凍木鎖寒雲。僧便喝。師云。蝦蟆叫。問涅槃心易曉。差別智難論。如何是差別智。師云。燈籠吞露柱。僧曰。學人未委。師云。佛殿出三門。問如何是末後句。師云。適來却道得。僧曰。卽今事如何。師云。問取露柱好。問法王法令。請師速道。師便喝。僧曰。莫便是否。師云。瓦解冰消。問如何是祖師西來意。師云。懶行脚。來圖箇什麼。僧曰。學人

不會。師云。且待驢年問達磨。未來時如何。師云。雲收三島淨。僧曰。來後如何。師云。雨過百花鮮。僧曰。來與未來相去幾何。師云。掉穿輕靄去。帆逐暮煙歸。問百尺竿頭如何進步。師云。嶮僧曰。便恁麼去。又作麼生。師云。百雜碎。問三乘秘藏人皆委。祖意西來事若何。師云。金錫不搖葱嶠月。蘭舟獨泛海門風。僧曰。旣欲拯物導迷。爲什麼九年冷坐。師云。守株延歲月。千古累兒孫。問把定乾坤眼。綿綿不漏絲毫末。審此理如何。師云。舌根裏藏身。僧曰。謝師指示。師云。也好露箇消息。僧曰。無人知此意。令我憶南泉。師云。幾合放過。問如何是道。師云。進前三步。僧曰。恁麼則分明在目。前師云。莫教落井。問如何是般若體。師云。合僧曰。如何是般若。若用師云。有問有答。

上堂。顧左右云。洪機未剖。觸處彌綸。朕兆纔生。翻成特地。若據祖宗正令。豈有多途。直下無私。輝騰今古。若也心光未透。見惑仍存。縱饒辯瀉。懸河辭同炙輠。句句風馳電卷。言言玉轉珠回。到此門中。皆爲戲論。何也。且聲前一路。已涉塵蹤。句後千差。復成何事。是

以少林九年冷坐。始遇知音。欲得萬古流芳。真風不墮。今日人天市坐。盡是知音。且道什麼處是不墜處。若也道得。便乃親見。碧眼胡僧。如或落辭。不免爲蛇。盡足良久。云。瓊林凝瑞氣。寶刹鎖飛煙。

上堂。云上士聽法。以神聽。中士聽法。以心聽。下士聽法。以耳聽。且道更有一人來。將什麼聽。乃拈拄杖卓。禪牀一下。云。高也。著低也。著落。落圓音。徧寥廓。十方內外更無他。不用無繩而自縛。

上堂。云。案山說法。主山聽。主山說法。案山聽。案山主山一時說。且道教什麼。聽諸人若也善聽。三世諸佛所說妙法。皆悉現前。還有麼。鐵鎚無孔。猶閑事。笑殺毗耶老古錘。

上堂。云。納僧見處。逆順難該。倏然獨往。應物還來。或高栖於世表。或抗迹於塵埃。把定則永生水面。放行也。錦上花開。盧老不知何處去。白雲影裏笑哈哈。喝一喝下座。

上堂。云。花心未放。柳眼初開。鴈回鳴咽之聲。水瀉潺湲之響。森羅舉唱。法爾常規。更言縛脫同源。大似龍

頭蛇尾

上堂。良久。云。會麼。祖佛妙旨。祇在目前。慧日峰前。雲生足下。澄湖浪闊。迴接遙天。晚唱漁舟。夜泛蓼葭。之月。歡遊盡。初時聞絲竹之音。更說聞聲悟道。見色明心。大似拋却甜桃樹。尋山摘醋梨。

潤州金山龍游寺法印禪師諱善寧。江州人也。甘露院受業。挈囊遊方。徧參祖室。志氣高邁。性行耿介。至圓照法席。師資機感。緣如夙契。勳力贊弼。以揚法化。出世萬壽。規制嚴肅。躬已力行。衆無不稟。百丈禪式。近世遵承。在師振領。問天皇也。恁麼道。龍潭也。恁麼道。未審和尚作麼生。道師云。手握白玉鞭。驪珠盡擊碎。僧曰。退身有分。師云。知過必改。問如何是祖師西來意。師云。稱尾無星。僧曰。未審此意如何。師云。斗方有底。問如何是佛師。云。眉如初月。眼似流星。僧曰。如何是法師。云。義列交羅。星分大野。僧曰。如何是僧師。云。古貌稜層。丈夫意氣。問竿木隨身。逢場作戲。今朝選佛場開。請師方便。師云。文不加點。僧曰。可謂今古罕聞。師云。且道是什麼題目。僧擬議。師便打。

上堂顧視左右云。古人道在眼曰見。在耳曰聞。在鼻曰嗅。在舌談論在身覺觸。在意攀緣。雖然如是。祇見錐頭利。不見鑿頭方。若是萬壽卽不然。有眼覷不見。有耳聽不聞。有鼻不知香。有舌不談論。有身不覺觸。有意絕攀緣。一念相應六根解脫。敢問諸禪德。且道與前來是同是別。莫有具眼底衲僧出來通箇消息。若無復爲諸人重重注破放開。則私通車馬捏聚則毫末不存。若是飽戰作家一任是非貶剝。

上堂云。撮玄機於掌上。挂古鑑於臺前。有何妖孽。誰敢當禦。可謂昭昭法界。自佗而境智全收。歷歷眞源。彼此而聖凡俱寂。以此而推。僧堂佛殿對現色身。厨庫三門共揚斯事。但請拗折拄杖。向目前參取。上堂云。若也談禪說道。便見有生有滅。更乃舉揚。今古大似不觀時節。昨夜風雨蕭蕭。今朝順除煩熱。到此善能參詳達磨。迷時不別。

上堂云。盡大地未嘗有一人眞正舉揚宗教。若有一人舉揚宗教。盡大地人並須銑鋒結舌。莫是教諸人杜絕兒聞契合斯道也。無如此見解。譬如聚火燒須。

彌山經塵沙劫。終不能著殊。不知古聖垂示。祇要後人眼正。達者實謂今古罕聞。光前絕後。放行言言見諦。句句明宗。收來眼眼從方。明明側立。向什麼處見古人良久云。須知海岳皈明主。未信乾坤別有天。潤州甘露寺傳祖禪師諱仲宣。姑蘇謝氏子也。幼歲辭親投師。受具深稟律儀。聽習經要。風姿肅雅。容止異常。參圓照禪師發明祖意。問佛放眉間光現。諸希有事。如何是希有事。師云。和風颭颭。春日遲遲。僧曰。學人便怎麼會時。如何。師云。日月易流。僧曰。一言當宇宙。千古播清聲。師云。來年更有新條在。問設華王座。談不二門。大衆側聆。願垂指示。師云。青山遙對目。僧曰。學人未曉。師云。芳草綠如茵。僧曰。一句無私應之。萬里師云。作麼生是無私句。僧曰。堪對暮雲歸未合。遠山無限碧。層層師云。猶較些子。問不涉廉纖。請師指示。師云。一字不著。畫上堂云。建立宗乘。群魔屏迹。播揚大事。三藏忘言。況阿逸多。未離兜率。黃面老已滅。拘尸大唐國裡。無禪師。天下衲僧。味糟粕。衆中莫有英靈。禪子變豹。作家出來。掀倒禪床。喝散大衆。

豈不快哉。良久云。瑞獸藏頭角。珍禽惜羽翰。上堂云。雨過山青。雲橫水碧。寶陀巖上。瑞草將敷。王舍城中。幽花欲綻。空生宴坐。帝釋奔馳。彼此一時。今古易異。良久云。萬般施設。不如常上堂。云。住住。百千妙門。同歸一路。青山常在。知識難逢。爭如識取。主人公。高聲召云。主人公。復云。今日自買自賣。上堂。顧視云。楊子江心。無風起浪。石公山畔。平地骨堆。會得左右逢原。爭似寂然不動。良久云。堪笑寒山。忘却歸十年。不識來時道。

福州太平禪師。守恩。禪師。本州福清人也。姓丘氏。受圓照禪師心印。初出世住地藏提刑程公遵彥。嚮師道風。移住龜山。師堅辭不受。復請主太平禪刹。師乃隨緣赴感。大振宗乘。學者摠衣常滿。數百餘人。由是四方歸仰。德望益隆。凡兩處住持。皆重建寺宇一新。其功績不可勝紀。問庵內人爲什麼不見庵外事。師云。却許閨梨具眼。僧曰。久嚮和尚。師云。暗中拌繩。誰辨曲直。問如何是超佛越祖之談。師云。三日一風。五日一雨。僧曰。向上更有事也。無師云。月明三島靜。樵

子大平歌師。乃豎起拳。復開云。或時爲拳。或時爲掌。若遇諸僧。有功者。賞遂放下云。直是土曠人稀。相逢者。少上堂云。雨後鳩鳴。山前麥熟。何處牧童兒。騎牛笑相逐。更把短笛橫吹。風前一曲。兩曲。參上堂云。山僧今日。略通一線。不用狐疑。夢中有麪。上堂云。青青翠竹。搖風當檻。一聲幽鳥。敢問明眼。諸禪人。祖師鼻孔。重多少。上堂云。雲岩弄師子。普化打筋斗。叢林將爲向上關。未免笑破衲僧口。休休。沒來由。却是象骨古錐。能覘毬上堂云。衲僧現前三昧。釋迦老子不會住世。四十九年。說得天花亂墜。爭似飢寒渴飲。展脚堂中打睡。上堂拈拄杖。擊禪床一下云。有智若聞。則能信解。無智疑悔。則爲永失。三十年後。不得道。山僧今日上堂。祇念法華經。參問如何。是古佛心。師云。驚啼處處。同僧曰。學人不會。師云。牛羊自傍山間。如何是沙門行。師云。多虛少實。僧曰。和尚何得謾人。師云。實無諱處。問如何是本來人。師云。皮枯骨瘦。僧曰。中下之機。如何體悉。師云。豎臥橫眠。僧曰。古佛今佛。皆無別理。師云。更夢見什麼。師乃云。諸人知處。山僧盡

知山僧知處諸人不知。今日不免布施諸人。良久云。頭上是天。脚下是地。參。

衢州靈耀寺佛慈禪師諱晉良。姓吳氏。饒州人也。幼習儒學。就試輦下。將戰。文圃乃厭塵紛。即依景德寺無惑大師出家。圓具遊方。參圓照禪師。發明心地。乃述投機頌曰。祇遮一箇文殊罔測。眨起眉毛百千萬億。即蒙印可。清獻少保趙公抃重師道。行請爲宗師。住越州福果。衢州超化海會靈耀。四利問三變。禪林四回出世。於和尚分上。成得什麼邊事。師云。鉢孟口向天。僧曰。三十年來關棧子。而今流落五湖傳。師云。那箇是山僧。關棧子。僧曰。一言超影象。不墜古人風。師云。惜取眉毛。問靈山一會。分付飲光。今日法筵當爲何事。師云。畫地爲牢。僧曰。直得學人進退無門。師云。軒鑑分輝。僧曰。百千年後。如何舉得。師云。拔山力盡。問不施寸刃。建立太平時。如何。師云。皇天無親。僧曰。一人有慶也。師云。知恩報恩。僧展兩手。師拍膝一下。問如何是衢州境。師云。桑榆影占柯山。野荳管聲調。澣水濱。僧曰。如何是境中人。師云。謝安無箇事。聊

起爲蒼生。僧曰。向上宗乘事。若何。師云。急著眼。僧曰。截斷衆流也。師云。山疊不知重。上堂云。大衆知則同。知見則同見。毫釐絲髮不相謾。昧且道。不謾。箇什麼。乃以拄杖指云。風柯月渚。並傳本心。煙島雲林。皆提妙印。然雖如是也。似鏡盤上痕生。且道。陽鳥未啼。一句作麼生。良久云。好攜紫煙策。共倚南山暉。上堂。師卓拄杖云。鷺池鷺嶺。海甸菴園。三百餘會也。無遮消息。放過一著。與諸人共遊華藏。復指云。看看陌上桃花。朵朵現彌陀。實相庭前翠竹枝。枝爲甘露法門。菩提樹林寶陀境界。一時頓現。山僧今日撒沙向諸人眼裏。且道。迦葉門下。事作麼生。良久云。若不得流水。還應過別山上堂云。不知時分之延促。不知日月之大小。灰頭土面。且與麼過。山僧每遇月朔。特地闌釘家風。抑揚答問。一場笑具。雖然如是。因風撒土。借水獻花。有箇葛藤路布。與諸人共相解。摘看。薰拈拄杖。擊香臺一下云。參堂去。

台州瑞巖有居禪師。上堂云。採得葛藤成路布。縱橫十字上高機。通身是眼。無人識。唯有山僧識得。伊長

久云今日呈似大眾且道何似趙州底還相委悉麼袖頭打領

明州天童山景德寺齊禪師姓應氏台州人也依天台國清寺道才上人出家圓具初遊講肆晚造瑞光圓照禪師法席卽獲開悟請住安樂山晚遷天童問寶花王座今日師登祖意西來如何垂示師云花開巖畔千枝秀僧曰便是和尚爲人處也師云水瀉簷前一樣清僧曰空生不解巖中坐惹得天花動地來師云笑破佗人口僧曰晚來雲散後不見別山高師云吽吽問如何是道師云踏不著僧曰踏著後如師云七穿八穴師云一問一答一撈一捺千眼頓開澄潭皎月隨機施設縱奪臨時縱之則句句攢花簇錦處處釋迦道場奪之則一法不留千聖絕迹雖然如是須知有向上一竅還會麼良久云莫謂春殘花落盡峯前昨夜一枝開

秀州資聖崇信禪師廬州慎縣人姓高氏十三依本州承天用成上人爲師二十受具策錫南遊造杭州淨慈圓照禪師法席投機印證問如何是道師云家

家門底通長安僧曰如何是道中人師云上座自何來僧曰莫祇遮箇便是也無師云碧眼胡僧笑點頭僧曰畢竟如何師云禮拜了退上堂云淒清大野物景蕭條露滴枯枝煙籠遠墅長天極目列萬象以昭然霜月流輝映千江而普現如斯舉唱帶水拖泥若也盡令提綱直須祖佛側立放過一著別有清規毗蘇州瑞光守琮真覺禪師姓顧氏本州人也依圓照禪師削染復悟宗猷乃獲印可出世闡揚爲衆所仰問作是思惟十方佛現今思惟了佛在甚麼處師云當風一句起自何來僧曰恁麼則頭頭撞著彌勒步步踏著釋迦師云西天與此土不同上堂云宗門妙訣豈在多說一言括盡便須頓歇明眼衲僧祇自知金色頭陀善分別冬去春來夏有熱若遇寒山拾得時傳語豐干莫饒舌

蘇州萬壽普懃禪師姓施氏婺州人也依本州開元寺岳上人出家圓具首習教觀深造淵微晚至圓照法席投機印可問爲國開堂願聞舉唱師云爐爇寶香凝瑞刹祝延睿筭等南山僧曰祇如滿筵嘉

氣合偏地覺花開。又作麼生。師云。好音在耳。人皆委。僧曰。恁麼則有意氣時添意氣。師云。放過一著。問學人上來請師說法。師云。清風滿座。僧曰。高峯日月充寰宇。大振洪音唱祖歌。師云。腳跟下看。僧曰。門前流水朝滄海。檻外孤峯走太虛。師云。兩重公案。僧曰。觸目對揚真般若。若山河重顯法王機。師云。莫妨別人問。上堂云。物外無堪老便休。乾城夢質兩悠悠。如何幻事臨相逼。却使閑身不自由。然則出家之士。利物爲初稟先祖之洪規。續惠燈於千古。唯一心法。號總持門得之者。不歷階梯。頓齊諸聖。失之者。塵劫不復。徒自勞形。或得失兩忘。凡聖情盡。正當恁麼時。不是心。不是佛。不是物。敢問諸禪德。且道畢竟是箇什麼。若向遮裏。個儻分明。便能獨步大方。橫身三界。握金剛寶劍。破生死魔軍。良久云。劄。

宣州水西山軻禪師問我手佛手。是同是別。師云。人。人有分。僧曰。任有千般巧。終無兩樣風。師云。且莫錯認。問真金須假爐中試。一鎚便成時。如何。師云。切忌道者。僧便喝。師云。遮漆桶上堂云。憶得靈山會上末。

後句今日舉似諸人。良久云。會麼。任是歡光出來有理也。無伸處。參上堂云。雷聲遠震。廣布慈雲。甘澤纔晴。普天春色。柳開青眼。花吐芳容。鳥噪幽林。魚遊水面。更說迷逢遠磨。大似剗肉作瘡。若言法本如斯。正是天然外道。恁麼說話。倘若無人明眼。納僧一任檢點參。

明州香山智度院正覺延泳禪師問祖意西來。卽不問和尚家風事。若何。師云。眼深鼻大。僧曰。學人便恁麼履踐時。如何。師云。手長袖短。師云。心隨境現。境逐心生。心境兩忘。是箇什麼。拈起拄杖云。且道遮箇甚處得來。若道是拄杖。瞎却汝眼。若道不是拄杖。眼在什麼處。是與不是一時拈却。且騎拄杖出三門去也。明州雪竇山資聖寺法藏禪師諱守卓。姓李氏。姑蘇人也。依圓照禪師出家。入室投機。遂蒙印可。宗猷博達。道譽遠聞。問如何是賓中主。師云。進前無路。僧曰。如何是主中賓。師云。退不容身。僧曰。如何是賓中賓。師云。對面是何人。僧曰。如何是主中主。師云。有理無說處。僧曰。賓主已蒙師指示。向上宗乘事。若何。師云。

仰面貪看鳥回頭。錯應人師云。好大衆龍種上尊王。佛爲諸人現銀色世界瓊林玉宇。剎剎交光。寶殿銀城。輝輝相映。又色卽是空空。卽是色色。空空色色。休擬議。空色色。空成智慧耳。聞眼見。徧河沙。盡是如來眞實地。不得已。向諸人道。生是苦受。是業滅。可證道。可修。以四諦十二因緣。知苦斷集。證滅修道。復云。有生可知。有業可斷。有滅可證。有道可修。皆是謗佛。謗法。盡同魔說。正當恁麼時。且作麼生。會雪竇不免與諸人說。破千峯積寒雪。萬徑人跡絕。壞衲擁枯槎。是說如何。說參上堂云。陽回幾次到新冬。衲壞爐寒世不同。白日靜聽天外影。紅顏偷送耳邊風。是非未起名何在。物我兼忘景自空。記取雪巖巖上語。莫教孤負主人公。

明州啓霞山崇梵院慧章禪師問如何。是佛師云。爾問我僧曰。如何。是法師云。我答。僧曰。如何。是僧師云。方袍圓頂。僧曰。如何。是向上事。師云。且待別時。僧曰。卽今便請師云。蹉過也。

壽州資壽院圓澄巖禪師問大藏教中。還有奇特事。

也無師云。祇恐汝不信。僧曰。如何。卽是師云。黑底是墨。黃底是紙。僧曰。謝答。話師云。領取釣頭意。莫認定盤星。師乃云。雲生谷口。月滿長川。樵父斫深園。漁翁釣沙島。到遮裏。便是吳道子。張僧繚。無備下手。處良久云。歸堂。問取聖僧。參上堂云。乾坤肅靜。海晏河清。風不鳴條。雨不破塊。春生夏長。秋收冬藏。遮箇是世間法。作麼生。是佛法。良久云。欲得不招無間業。莫謗如來正法輪。珍重上堂。良久云。宗乘妙訣。卽今爲說。山高水深寒風凜冽。祖師西來。道箇休歇。敢問諸人。作麼生。是休歇處。還會麼。寒則圍爐坐。閑餘任性眠。睦州廣靈佛印禪師諱希祖。姓周氏。處州人也。年將卅歲。便陟霜臺。志學有方。慕道無廢。參圓照禪師。了明已見。出世弘揚。遂彰道譽。問登法空座。演海潮音。大衆寂然。願聞舉唱。師云。日月光天。德山河壯。帝居僧曰。恁麼則得聞於未聞也。師云。一人歌有這天下樂。無爲問如何。是睦州境師云。越嶂遠分丁字水。臘梅遲見二年花。僧曰。如何。是境中人。師云。面帶七星。人不識。芒鞋高掛少知音。師乃云。靈光鑑徹。物我全

取體照獨存。前後自絕。由是無爲變化。應量千差。托質殊分。混同一性。故我元首。明哉股肱。良哉法以時遇。道在中興。建大法幢。作大佛事。足可稱揚。所以正觀絕迹。名相互分。寂聽非聞。圓音普應。霜鐘金鼓。主件交參。寶殿瓊臺。聽說斯顯。六街三市。徧處莊嚴。陌巷康衢。寅昏佛事。聖凡交會。士庶鏘鏘。帝網圓融。鑑燈互照。何必南方。獨邁徧扣。諸門歷涉。艱辛是非。未決而今。重重華藏。無盡法門。觸目見成。何須擬議。然雖如是。鈍致祖風。良久云。九年少室。誰知已。一句流通。萬古傳上。堂云。嚴陵臺畔。七里龍淵。直須釣鼈釣鯨。豈止撈鰕。鰕隨流放。曠任性漂。浮停舟月上。波心舉棹。風生水面。敢問大衆。不觸波瀾。作麼生會。良久云。時人祇看絲綸上。不見蘆花對蓼紅。參。

東京褒親旌德院慈濟禪師上堂云。梅花新綻。柳眼初開。雪散長空。風恬浪靜。文殊性海。普賢行門。直下分明。更無餘事。還會麼。良久云。莫錯認。

越州石佛寶相寺曉通密印禪師問如何是石佛師。云。頭戴天腳踏地。僧曰。向上更有事也。無師云。任經。

霜與雪不改舊時容。師乃云。至道冲虛。萬物何宰。眞空絕迹。法界如如。若能對境無心。觸目無非。是道。良久云。晝夜舒光照。有無癡人喚作波羅蜜。

湖州道場山慧印禪師示衆云。若論此事。如王按劍。把定乾坤。俠客縱多。誰當出手。問劍卽不問。如何是此事。師云。點僧曰。恁麼則欲來衝雪刃。不免露鋒鋦。師云。拽僧以手一畫云。爭奈遮箇何。師云。泥人眨眼。問達磨未來時如何。師云。鼻孔遼天。僧曰。來後如何。師云。頂門著地。僧曰。畢竟如何。師云。九年人不識。幾度過流沙。上堂云。韶石渡頭。舟橫野水。汾陽浪裏。掉撥孤煙。雲月無私。溪山豈異。一言合轍。千里同風。敢問諸人。作麼生是同風底句。良久云。八千子弟。今何在。萬里山河。屬帝家。

處州南明山仁壽院通禪師問如何是南明境。師云。泉飛一道。帶峯出半天。雲僧曰。如何是境中人。師云。策筇看鶴舞。坐石見雲歸。問如何是祖師西來意。師云。登山千里月。渡水一帆風。僧曰。未審意旨如何。師云。言前有路。句下無私。問龍未出洞時如何。師云。佛。

眼觀不見僧曰出洞後如何師云喫雲吐霧

杭州西湖妙惠院文義禪師上堂云隨機設化大關宗。截斷衆流不留朕跡。入一乘之闢域。踐向上之玄關。方便門開。分明看取。咄上堂云。會麼。已被熱護了也。今早起來無教可說。下牀著鞋。後架洗面。堂內展鉢喫粥。粥後打睡。睡起喫茶。見客相喚。齋時喫飯。日日相似。有什麼過。然雖如是。更有一般令我笑。金剛倒地一堆泥。拍禪床一下。

西京韶山杲禪師問祖意。西來未審傳箇什麼。師拈起拄杖。僧曰。怎麼則心外有法也。師云。心外心內。卽且致汝喚什麼。作法僧曰。天台標木。師云。也是第二月上堂云。七月孟秋。猶熱。古往今來。時節若作佛法商量。正是弄巧成拙。若作無事話會。又與外道何別。直饒總不如斯。敢保老兄未徹。如來言。祖師訣。無孔鐵鎚。重下楔。自家心地。亂如麻。却把指頭喚作月。莫思量。休解說。千年枯骨。休敲齧。從佗走鳥飛。飢來喫飯。困來歇。

汝州香山慈壽法菴禪師。姓徐氏。杭州人也。長依明

智寺元湛上人出家。圓具聽習經論。後造瑞光圓照禪師法席。投機開悟。先住北京天鉢。次遷香山。問天恩。忽降請住香山。國重師名。將何祝。聖師云。香煙起處。大衆同觀。僧曰。如何。領會師云。重言不當。吃僧曰。早知今日事。悔不愼當初。師云。禮拜了。退問山巖水壑。盡是舊日家風。拄杖淨瓶。拈起新來活計。古殿重開。願聞舉要。師云。擊大法鼓。演大法義。僧曰。怎麼則彌勒門開心。頓曉德雲峯峻道。何藏師云。彌向什麼處見彌勒。僧曰。雲散長天星斗現。月明沙界物難藏。師云。休要費力。師願視大衆云。皇都禪刹。惠林道場。今日暫借卑僧。陞陟實愧。非材於明眼人前。提綱佛祖。銜耀見知。直饒說得天雨四花。地搖六震。一點也用不著。蓋爲各各威光。動地人人不欠絲毫。然雖如是。更有向上一竅。三世諸佛不能宣。六代祖師提不起。且道是什麼物。得恁麼奇怪。還薦得麼。良久云。曹溪路坦。平休彊生荊棘。久立。

福州靈應嵩禪師。開堂日上首白。槌罷師云。好諸仁者。第一諦甚可憐。生祇麼會得。同匣有餘衆。中莫有

聞一以知十底。訥僧麼出來相見。問德山。棒臨濟喝。直至如今。少人拈。今日幸遇場開。請師拈看。師云。一朝權在手。看取令行時。僧曰。一雨普滋沙界外。群靈無不盡霑恩。師云。霑恩底事。作麼生。僧提起座。具云。爭柰遮箇何。師云。殘羹餽飯。不勞拈出。僧曰。若不上來。焉知如是。師云。彼此不著。便乃云。正法眼藏。普被含情。上至諸聖。下及群迷。一一情中。具同斯事。蓋由一念有異。迷悟岐分。逐浪忘源去。而莫返不見道。我佛如來。初成正覺。嘆曰。奇哉。我今普見一切衆生。具有如來智慧德相。但以妄想執著。而不證得。或開張教綱。或直指人心。令息妄緣。見性成佛。自後燈燈續發。祖祖傳心。利物無窮。法門無盡。既到遮裏事。合如何。祖令在手。須至提攜。正法既行。明當舉唱。廓一塵而遍周沙界。攝萬法而歸一毫端。縱奪卷舒。不離於此。雖然如是。盡乃諸人日之常分。應非別有玄微。若也情塵頓解。靈智當前。現大威光。快須薦取珍重。處州靈泉山壽寧梵仁禪師。問不問有言。不問無言。請師速道。師云。話墮也。僧曰。人天交集。乞師垂示。師

云。不如禮拜。問蓮華未出水時。如何。師云。雪霜凋不得。僧曰。出水後如何。師云。入地放教開。上堂云。天真靈徹。卽今一譯。上下四維。清風明月。寒則任寒。熱則任熱。也不休。也不歇。飯則餐。渴則啜。不見神光三拜。依位立。燈燈續燄。未嘗絕鼻孔。遼天任辨別。秀州福嚴仲孚禪師。問知師久蘊囊中寶。今日當場略借看。師云。觀面相呈。僧曰。下坡不走。快便難逢。師云。未欲行。令師乃云。問者如蛟龍戲於滄海。答者似彩鳳舞於長天。一合一開。一舒一卷。縱橫應用。啐啄同時。若遇本分。訥僧直須倒退三千里。參。

處州靈泉山宗一禪師。問鎮州蘿蔔卽不問。廬陵米作麼價。師云。可貴可賤。僧曰。小出大遇也。師云。君子愛財取之有道。僧曰。大衆霑恩。師云。有人案汝米錢在師乃云。美玉藏頑石。蓮華出淤泥。須知煩惱處。悟得卽苦提咄。通州琅山法印禪師。詳載儀。福州賢泥受業。禮戒珠和尚爲師。十八策試登具。預遊江浙。聽習經論。晚詣圓照禪師。大悟玄機。問祥雲布處。現千朵之危峯。執

建中靖國續燈錄卷第十六

〔宋銘〕

東京法雲禪寺住持傳法佛國禪師臣惟白集

對機門

廬陵清原山行思禪師第十三世

東京惠林宗本圓照禪師法嗣

扇搖時去九旬之炎熱正當恁麼時如何是到地頭一句師云一雨普潤僧曰未審如何履踐師云射虎須當機僧曰快便難逢師云要棒喫那問知師久蘊囊中寶今日當場略借觀師云莫是南番真舶主僧曰不獨學人有賴大衆亦乃霑恩師云元來祇是杜波斯師顧視大衆乃云好好可謂幽顯朗照物理虛通爲森羅之寶印作萬象之真宗其爲也形其寂也冥本淨非瑩法爾圓成所以道如何以無價之寶隱在陰入之坑大衆山僧今日敢對衆前特地拈出乃畫一圓相擎示衆云遮裏既放憨去亦要大家精鑑莫謂連城之價可以並輝徑寸之圓堪同其美直與龍女爭鋒無垢世界未當正覺縱使金輪獨步立功勳者權爲重賞且道是什麼寶得恁麼殊異良久云鬼神知貴不知價留與人間光照夜

南嶽馬祖崇新庵主一日語直庵人云今日齋時不用打食人曰爲甚麼不打食主云吾報緣將盡或人問曰主既臨行有何言句主乃拍手一下長嘯一聲山僧今日珍重諸人言訖而逝

卷第十五

舒州投子證悟禪師諱脩順姓梁氏晉州趙城人也幼同父不拜鄉祠不受書訓俄曰當爲人天師安慕此耶尋依本州霍山文廣上人出家圓具橫經講席洞曉佛意華嚴九會敷演三四遠造蘇州瑞光圓照禪師法席扣問禪宗因舉無著問天親彌勒說什麼法說遮箇法卽悟其旨初住壽州資壽西京少林舒州投子道譽大播京洛宗乘蓋師首唱大丞相富公弼敬以師禮一日陞堂時有僧出師云錯僧曰什麼處是錯師云不信道問是法平等無有高下爲什麼趙州三等接人師云入水見長人僧曰爭奈學人未會師云喚不回頭爭奈何問如何是祖祖相傳底心師云三星繞月宮僧曰便恁麼去時如何師云伯樂暫垂鞭驚駘誇八駿問如何是第一義師云百雜碎

師云楞伽峰頂誰能措足。少室巖前水泄不通。正當
恁麼時。黃頭老子張得口。碧眼胡僧開得眼。雖然如
是事。無一向先聖。幸有第二義門。足可共諸人東說
西話。所以道。春生夏長。秋落冬枯。四時遷改。輪轉長
途。愚者心生。彼此達者。一味無殊。良久云。陝府鐵牛
吞大象。嘉州佛向藕絲藏。

上堂云。春風鳴古木。曉露鎖寒波。頭頭皆顯露。顯露
又殺訛。看看直下。是怎奈何。明眼漢。沒白糞吐。不得
嚼不破。咄。

上堂云。巍巍少室。永鎮群峰。有時雲中捧出。有時霧
罩無蹤。有時突在目前。有口道不得。被人喚作壁觀。
胡僧諸仁者。作麼生免得此過。休休。不如且持課。良
久云。一元和二彌陀三釋迦。自餘是什麼。碗躋丘參
上堂云。露滴庭莎。風鳴古檜。皓月瀉千家。寒色清淮
流萬頃。波瀾此時薦得。與諸人截斷衆流。若也未然。
不免隨波逐浪。譬如河中水。湍流競奔逝。各各不相
知。諸法亦如是。遂拈拄杖云。拄杖子是諸法。是相知。
不相知。若相知。早被知縛。若不相知。憑何指註。卓一

下云。知之一字。衆妙之門。復云。錯。

東京十方淨因禪院佛日禪師諱惟岳。福州長溪陳
氏子也。七歲投西林院徹和尚出家。受具。習楞嚴諸
教。洞曉其旨。性行剛直。俊慧爽拔。遊涉禪林。遍扣知
識。參圓照禪師。因侍立。次舉劫火。洞然因緣。豁然有
省。後出世常州。承天次住。東京華嚴復遷淨因。官保
李侯端愿薦以章服。荆國大王奏賜法雨師名。哲
宗皇帝百日入內。特賜佛日禪號。師於建中靖國元
年二月十七日。大行皇太后五七奉 聖旨就
慈德殿陞座。師拈香云。率土之士。莫非 王土。且道
此一瓣香。產何土。宜若也。道得白石有消日。氤氲無
盡年。盡虛空徧法界。爲雲爲蓋。應現無窮上。薦 仙
游徑生。佛國遂歛衣坐云。見義不爲無勇。義有
勇底。衲僧出來相見。時有僧出。衆提起坐具云。明鏡
當臺。請師一鑒。師云。記取話頭。僧曰。莫便是和尚爲
人處也。無師云。蹉過了也。僧曰。曹溪一派。水石生光。
師云。酌然酌然。問未離兜率。已降王宮。未出母胎。度
人已畢。王宮則不問。如何是度人一句。師云。千江有

水千江月僧曰。怎麼則帝釋鏡中親得旨。靈山法會。宛然存師。云龍華三會。猶是後時。僧曰。可謂龍樓鳳閣。祥烟起玉殿。金階瑞氣生。師云。逢人不得錯舉。僧曰。四海盡霑天子澤。師將何法報。皇恩。師云。唯此一事。實餘二則。非真。僧曰。長將日月爲天眼。共指須彌作壽山。師云。已在言前。僧曰。作家宗師。天然猶在。師云。若不在。此三十棒一棒也。較不得問法。無定相。隨緣構集。有佛世界。以光明爲佛事。師云。坐朝問。嚴爲佛事。未審此佛世界。以何爲佛事。師云。坐朝問道。垂拱平章。僧曰。一人有慶。萬民賴之。師云。萬靈何處謝。無私僧曰。粉骨碎身未足酬。一句了然超百億。師云。作麼生。是一句。僧曰。芥城劫石。猶非筭坐斷。乾坤日月。新師云。金毛師子。問圓照。昔年光宇宙。今朝佛日又騰輝。學人上來請師鑑照。師畫一圓相。僧曰。萬丈白雲。藏不得一輪光。透照無私。師云。也是太陽門下金。借餘輝。僧曰。既然摩耶佛母生兜率。大行太后在何方。師云。花分晝夜。水遶棟梁。僧曰。古佛堂前。同已證瑠璃殿。上演眞空。師云。重說偈言。問昔日。

慈聖太皇月落不離天。淨照親承龍澤。今朝大行皇太后水流元在海。未審意旨如何。師云。滄溟浩渺孤帆小。消得長天幾許風。僧曰。千般有解。終難到一念無心在處。同師云。龍蛇易辨。衲子難瞞。僧曰。若然者。罷希運之開田。笑空生之持鉢。師云。誰言寸草心。報得三春輝。僧曰。且道今日資薦。皇太后畢竟居何報土。師云。雲屯雲散。天長淨。漚滅漚生。水本清。僧曰。已得眞人好消息。人間天上更無疑。師云。不妨。劍利問。佛授手則不問。葉葉相承事。若何。師云。龍生龍子。龍長龍孫。僧曰。怎麼則千子常圍遶。金輪御大千。師云。漁翁鼓舞。野老謳歌。僧曰。慶雲翔而和氣流。芝草生而嘉禾秀。師云。正好讚歎。師云。最初說法者。不知末後。句末後說法者。不知最初。句最初末後。句適來惠林禪師。已爲諸人說。則說了。且如何說。若約三乘十二分教。偏圓頓漸。半滿一音。不免執指爲月。入海算沙。直似澄潭月影。後夜鐘聲。隨扣擊以發音。逐波瀾而不散。猶是生死岸頭事。故乃菩提達磨觀象神州有大乘器。所以泛杯千頃。

浪登嶺萬重山。首造于梁。梁以因果有爲之法而垂問達磨。揭聖諦第一義而奉答。梁王未契遂之嵩少。九年面壁不立文字。迺出三乘直指人心。見性成佛。當時神光二祖立雪斷臂得髓。明心一花五葉結果。自成六代傳衣。後人得道自此東華。方信有正法眼藏。涅槃妙心中下隨根迷悟相半故。我大宋眞宗皇帝頌不云乎。初祖安禪在少林。不傳教法祇傳心。後人要悟眞如性。密印由來妙理深。大矣哉眞如妙理。至幽至深。非大機大器不能領悟。何以故。見聞覺知是法。法離見聞覺知。便乃火聚當岐。鐵山在路。自然少室峰前。壁立千仞。曹溪路上。水泄不通。於其中間。祖風不無陵遲。顏綱亦將委地。雖然如是。法無定相。道假時彰。建大法幢。演大法義。與此一大事因緣。利樂有情。不在佗時。所謂際會。大聖人而知之。出現于世。廣大流布。廓周沙界。實千載之一遇哉。至若堯舜禹湯。端拱垂衣。無爲之化。不爲不至。若以開方便門。示眞實相。十方嘉會。四衆同筵。闢古佛之家風。發含生之大本。未可與今日同時而語哉。何謂

也。釋提桓與善現發明般若。唯止眞空。波斯匿爲慶喜。特指不遷。猶存俗諦。特此教外別傳。向上一著。彰顯當今。豈非希有之緣。應乎昭且者也。然溪山各異。雲月是同。同聲相應。同氣相求。方知此事無古今。無彼無此。高而無上。廣不可極。淵而無下。深不可測。毛吞巨海。芥納須彌。在天同天。在人同人。在天則爲日。爲月。爲照。爲明。在人則爲君。爲臣。爲忠。爲孝。以此而推。百億日月。萬億須彌山。百億四大海。根身器界。情與無情。同一體性。莫不仁者見之。謂之仁。智者見之。爲之智。百姓日用而不知。其能會萬物爲已者。其唯聖人乎。由是燈燈續燄。葉葉相承。百千世而月點眞燈。光融三界。十萬里星排祖榦。涼蔭四生。是知法輪再轉於支那。帝曰。長輝於震旦。若然者。物無大小。法無適莫。皆被其光。皆蒙其澤。以至草木禽魚。無遠不及。祇如舍衛國王。欲往靈山。見佛勸諸臣僚。山河大地。草木叢林。並須同去。見佛若一草一木。不去。吾則不得見佛。大衆抵今乾坤之內。宇宙之間。山河大地。草木叢林。去亦不去。來亦不來。湛湛無

私巍巍不動。乃文乃武。乃禪乃律。同在九重天上。慈德殿前。同時見佛。諸仁者見。則不無且作麼生見。良久云。重瞳日月明。無盡隆準山河秀。有餘臣僧。惟岳伏奉。聖旨。今陞座。舉揚般若奉爲。大行皇太后。此土緣終。佗方報勝。屈于五七上薦。仙遊悉以皇太后淨惠本然。至神獨運來示。母儀之德。贊三朝去。酬法界之因果。圓十地伏願。兜率天宮。陪摩耶佛母一處。逍遙無垢世界。共娑竭龍女同成正覺。回耀休光。昌明宗社。竊以釋迦如來。臨般涅槃。以佛法奉囑。萬乘聖主。啓日月光明。永垂外護。廓天地覆載。長賜流通。臣等沙門慶幸。得近冀階。般若敷宣。莊嚴國祚。恭惟今上皇帝陛下。承祧七聖。天下鼓舞於唐虞明道。萬機教外。播揚於佛祖。此蓋伏遇皇帝陛下。夙泛般若之神舟。懷遠覺海。今揭軒皇之寶鑑。圓照禪叢。集此鴻因。上祝今上皇帝陛下。聖躬萬歲萬歲。萬萬歲伏願。福若大梵王。壽同天帝釋。金輪御三千大千之世界。玉曆紀百億萬億之年華。雨順風調。民安國泰。

皇太妃 皇后 皇太子伏願 福海壽山增千
千之載。金枝玉葉長榮萬萬之春。親王國族天眷
宮嬪萬善同資。千祥併集。不敢久瀆。聖聽伏惟
珍重
開堂日。師登座拈香祝延。聖壽罷。乃敷坐。智海佛
印禪師白。龍竟師云。堯天舜日。鳳闕龍樓。妙高孤峰。
浮幢香海。無二無二分。無別無斷。故主伴同時。一多
無礙。具眼衲僧出來。觀看爲國開堂。請師祝。
聖師云。雲破鼇峰。月生鯨海。僧曰。璇璣盤礴。三千界
睿筭延鴻。十萬春。師云。祇道得一半。僧曰。打麵還
佗州土。麥唱歌。須是帝鄉人。師云。金毛師子。問世尊
出世爲大事。因緣和尙。今朝當爲何事。師云。瑞雪滿
長安。僧曰。一人增壽筭萬里。盡謂謠師云。風行草偃。
僧曰。斬釘截鐵。須還本分。鉗鑊師云。也不消得。問蓮
花未出水時。如何。師云。清波無透路。僧曰。出水後如
何。師云。目前無異草。僧曰。恁麼則馨香滿大唐。師云。
非公境界
師云。此箇法門。不在筌蹄。豈干問答。直饒盡十方刹

土未爲微塵。一一微塵盡爲衲僧。各如滿慈。驚子窮天。立辯竭世。樞機到遮裏一點用。不著何以故。生佛圓融。自佗平等。人人鼻孔。遼天各各壁立。千仞蓋不知真隨妄轉。法逐緣遷。自昧靈光。狂投異趣。所以破有法王。運無緣慈。駕三乘舟。機渡五性波瀾。翻懸澄潭。月影靜夜鐘聲。故使懷州牛喫禾。廬陵米價長又不免勞佗。初祖達磨。逗器支那。教外菱花。不磨頓鏡。衣中驪頤。不數佗珍。未挂古帆。見成公案。由是悟取無悟底面目。迷取不迷底鄉關。三際無私。十方同暢。自家田地。枯木生花。古廟香爐。寒灰再煖。莫不一切語言文字。資生產業。皆與實相。不相違背。若然者。無影樹下。同船漁翁。鼓舞中有黃金。一國野老。謳謠共樂昇平。同躋壽域。大衆同躋壽域。自是地久天長。且道共樂昇平。作麼生樂。良久云。羅浮打鼓韶州舞。久立珍重。

泗州普照寺眞寂禪師諱處輝。滁州清流人也。姓趙氏。依江寧府保寧勇禪師出家。得度。紹聖四年。朝旨住持開堂。日問世尊出世地。涌金蓮和尚出世有

何祥瑞師云。掃却門前雪。

太平州隱靜山普慧寺儼禪師問摩騰入漢藏教分明達磨西來有何意旨。師云。我法妙難思。龍天盡歸向。僧曰。未審祖意教意是同是別。師云。兩彩一賽。僧曰。一言歸有道。萬象自無心。師云。猶較些子。問達士相逢如何話。會師云。罕遇作家僧。曰。若非朝宰知音和尙。焉肯拈出。師云。金鎚影動。寶劍光寒。師云。一法不通。萬緣方透。若也於斯明得。眼睛穿過鐵圍山。一口吸盡大海水。乃唱云。大海水已吸盡了也。魚龍向什麼處安身立命。衆中若有興慈運悲底衲僧。出來救取龍王。苟若不能氣急殺人。雖然如是。事無一向。山僧不免爲諸人說道理。不見先聖云。究竟涅槃。常寂滅相。終歸於空。一翳在眼。空花遍界。翳若不消。不出門知天下事。翳若消盡。始知庵內人不見庵外事。若能如是。方解穩坐地。十二時中。一任受用。如或未知久立珍重。上堂云。春雲春雨。萬物敷榮。暖日和風。巖花競秀。青山疊疊。澗水澄澄。達磨迷途。切忌說破。復云。若人檢點得出。山僧今日話墮以拄杖擊禪牀。

下座

蘇州定慧院圓義禪師諱遵式姓顧氏姑蘇人也童稚異衆慕道出家具戒未幾首學毗尼次習大經洞明淵奧緣契圓照傳道印心行解永霜宗教兼濟三遷叢席四衆歸依師範有規訓學無倦都尉張侯敦禮奏以師號問南泉斬猫兒意旨如何師便打僧曰猶是學人疑處師云十萬八千僧曰忽遇趙州時如何師云賣金須是買金人問如何是祖師西來意師云萬水千山僧曰便與麼去時如何師云千山萬水僧曰專爲流通師云南北行人口似碑問如何是禪僧眼師云針割不入僧曰何故如此師云向道禪僧眼

師云若夫宗旨豈在言詮況疊嶂巍峩層巖峭峻湖澄淥水風掃白雲松竹蕭蕭不若妙峰頂上烟雲杳杳何殊鷄足巖前到此各自回光不勞指注多言喪道多岐亡羊若是本分之人便乃息肩倚杖越聖超凡出入生死縱橫聲色果能如是方可續佛壽命報佛深恩無盡法門目前觀取珍重

上堂云我有真機絕毫絕釐明暗上下南北東西言之不及思之不知會麼東弗于逮西衛耶尼上堂云一月初圓百川沈影一燈發彩萬炷流輝月無留影之心燈無傳輝之念若得如是可以處于誼譁入于塵俗運大悲光於沙界開普門眼於生靈豈唯觀音大士三十二種妙應無方具縛凡夫一一皆能開正法眼然雖如是也須是斬釘截鐵漢始得其或不然靜處薩婆訶

上堂云青山鬱鬱水滔滔萬浪千波接海濤提得絲綸漾舟去鉤頭須要釣鯨鰲拈拄杖云貧命者上鉤來參

上堂云睡來合眼飯來餐佛祖從教說易難若問安心有何法太湖長浸洞庭山禪僧家人人盡道我八面四方縱橫無閼龍濟爲什麼道卷簾除却障閉戶生得閼若人辨得許汝向衣鉢下穩坐地上堂云天兮何高地兮何厚海潮之音師子哮吼瞻之不見其前迎之罔眺其首還會麼七七四十九上堂云我有一句祇今分付玉軸琅函同時頓具不

舒州投子山。勝因禪院普聰禪師上堂云。寂住峰頂。葉落歸根。明月堂前。金風玉露。且道深秋一句作麼生。良久云。古往不知何處去。後夜依前月到窓。

秀州本覺法眞禪師諱守一姓沈氏江陰人也生而
祥異性敏才逸齒未及冠頓慕緇門謝俗瑞光投師
圓照巾侍扣問更不它遊衆推明悟唱道攜城問選
佛選官應在我祖席登科事若何師云大鵬展翼天
路遙巨鼇轉身海水窄僧曰夫子家聲遺舊業法王
基緒得中興師云後五日看僧曰且道昔日今時是
同是別師云一言已出問春氣已隨紅雨散熏風初
度綠陰涼學人借問西來意乞師方便爲敷揚師云
分明舉似大衆僧曰可謂一句截流萬機頓削師云
築著磕著作麼生道僧曰落落清規今古同相逢會
有知音舉師云不妨剗利問離群師子踞地全威不
露爪牙願聞哮吼師云大家著力僧曰當年盧老曾
饒舌今日親聞第一機師云脚跟下事作麼生僧曰
寶杖撥開千聖眼當場辨取火中蓮師云果然作家

上堂云。諸人知有道不得。山僧道得。不知有。且道此兩語。是一理。是二義。若人定當得出。許儂頭門眼正參。

上堂云。本分相見。不在如何。據起便行。猶爲鈍漢。若也分賓分主。俱爲念話。杜家更乃說妙談玄。不當家。門苗裔。山僧恁麼道。已是雪上加霜。偏等諸人。更擬覓箇什麼。以拄杖一時趲下。

上堂云。山僧一無所解。祇是叢林冤害。選甚南來北來。誰能上載下載。一味拔楔抽釘。與爾平生慶快冷。

然作活自由蕩蕩無拘無碍隨緣任運騰騰從備九旬結制雖然放曠不羈亦要時中管帶良久云會麼此時若不究根源直待龍華第三會

上堂云折半列三人人道得去一拄七亦要商量正當今日雲門道底不要別作麼生露得箇消息良久云日月易流

上堂云化城不止寶所非安直饒蹈著本地風光便好拗折拄杖雖然如是忽然問備索著線袋針筒莫道不知落處

湖州報本禪院常利禪師姓卓氏福州古田人也總角之歲隨頂披緇即慕參遊問心有得大卿呂公請師出世提唱祖風道望益著問如何是大人相師云披毛戴角僧曰學人不曾師云紫磨金容問如何得作佛去師云煩惱裏薦取僧曰如何得離煩惱師云對面善提問如何是無相佛師云影臨四海僧曰如何是有相佛師云體絕毫釐僧曰畢竟是有是無師云常憶當年尋海客一聲羌笛過山南僧曰和尚不近道理師云從來祇與麼問古鏡未磨時如何師云

照僧曰磨後如何師云黑僧曰既是磨後爲什麼黑師云爲汝要磨問如何是無爲師云有作僧曰如何是有作師云無爲僧擬議師云漆桶遮裏不是無爲上堂云尋常不欲與諸人枝蔓今日未免枝蔓罪過彌天還有點檢得出底麼若點檢得出管取至道無難若點檢不出莫道無事好上堂云今日月望打箇餬餅供養大眾拈拄杖作圓相云還識此餅麼不但供養一人百千萬億人祇是一箇細嚼飽餐不得敲破然雖如是切忌麪生參上堂云大眾有一人無形無相無學無名不動人情能爲變化該羅群象洞攝大千截生死流居涅槃岸或諸佛菩薩乃至人與非人見今坐斷毗盧直至一生補處還識此人麼若識得伊共爲洪範若不識伊常爲冤對快識取好參楊州石塔惠照寺惠禪師問世尊出世地涌金蓮和尚開堂有何祥瑞師云雪滿長空僧曰纖塵不立師云剎利剎僧

杭州南山廣法光禪師問雪峰三上投子九到洞山爲什麼倒戈卸甲師云理長即就僧曰未審雪峰

得箇什麼師云一棒一條痕。問臘月火燒山。意旨如何。師云若不得流水。還應過別山。僧曰學人未曉。師云春來草又生。師云主賓問答未當宗。乘建化門中。一期施設。使言相副。句句投機。於衲僧分上。遠之遠矣。而今日明雲晴。山高水深。且作麼生會。舉揚底道理。還會麼。山僧不免土上加泥。更爲通箇消息。高低巖岫現重重。樓閣門開處處通。要會此中端的意。威光燦燦徧長空。伏惟珍重。

明州瑞巖山永覺禪師問久得韶陽旨。門中試爲通。師云聲前如迸鐵。句後若流星。僧曰古殿豁開光。燦爛水精宮裏聚真珠。師云點師云若提衲僧分上。四時不別八節安。知高樓巖上出沒。卷舒一任桑田海變。從佗兔走鳥飛。布衾暖處始知春。黃葉飄堆委秋色。如斯境界。方稱道懷。若據順俗之談。須知遮箇消息。乃顧大眾云。且道卽今是什麼時節。還知麼。玉漏聲將促。金烏影漸長。須臾春色裏。又見百花香。久立睦州資福道芳禪師問。德山臨濟以棒喝接人。和尚出世將何垂示。師云山僧無氣力。僧曰和尚豈無方。

便師云大眾笑。爾有僧出禮拜起云。請師答話。師云蹉過了也。僧曰甚麼處是蹉過。師云五里復五里。師云秋風清秋水。淙白鷺立寒汀。秋蟬噪幽谷。金風扇白蘋。玉露滋黃菊。流水奏伯牙之琴。涼颼動子猷之竹。聽也聽不盡。觀也觀不足。且作麼生會箇佛性義。良久云。解空不在離聲色。愛聽孤猿嶺上啼。舒州太平慧登禪師問如何是太平境。師云多年三級塔。未老萬株松。僧曰如何是境中人。師云一似不曾齋。師云太平知見。夢裏有麪厨。屋對僧堂三門對佛殿。咄。

岳州乾明慧覺禪師問如何是乾明境。師云脩竹四圍繞。凌松一帶寒。僧曰如何是境中人。師云手拈湘竹杖。目視楚山雲。僧曰人境已蒙師指示。向上宗乘事若何。師云綠竹滿軒庭。微雲生嶽面。問寶劍未出匣時如何。師云冷光生。僧曰出匣後如何。師云猶嫌鈍。問如何是請佛本源。師云野鶴連天叫。僧曰意旨如何。師云通宵徹夜。問如何是清淨法身。師云泥人合掌禮。西方問如何是佛。師云老僧不妄語。師云

濛濛微雨。滴滴階墀。萬木正秋色。歸根葉落時。曉清
颺吹散。斷山雲。孤月遼天說。向誰參上堂。云。寒風響
雁聲。急大啓圓通。何不入雪月交光。冷相照。鷺鷥飛
向蘆花立。休使空生雙淚。泣上堂。云。內視於心。心無
其心。外視於形。形無其形。遠視於物。物無其物。良久
云。三際求心心不得。元來祇遮古今人。咄上堂。云。三
界無家此箇人。十方周徧露全身。有時對面難尋覓。
忽爾相逢又却親。若要親山河大地。絕纖塵。久立上
堂。拈拄杖云。諸禪德。麼。山僧兩手分付與。爾諸人
尙不能會。放下拄杖云。吽。吽。驢年夢見參。

處州法海禪院世長禪師問法身三種病二種光如
何。透得師云。盡地爲牢。僧曰。和尙透得也。師云。退身
無路。僧曰。自起自倒。師云。腦門著地。問如何。是諸法
實相。師云。更舉一遍。僧曰。三世諸佛吐不出。六代祖
師吞不下。師云。猶在耳。師云。城市喧繁。空山寂靜。
雖然如是。動靜一如。彼我不二。四時輪轉。物理湛然。
夏不去而冬自來。風不寒而冰自冷。今也古也不假
絲毫。誰少誰多。身無二用。諸禪德。既是身無二用。爲

甚麼龍女現十八變。君不見弄潮須是弄潮人。卓拄
杖下座。

筠州米山崇僊禪師上堂。顧視大眾云。山河大地。被
山僧撮來。搗羅爲末。煉蜜爲丸。以淡薑湯吞却了也。
何處更有一絲毫。若道是有。卽爲謗法。諸人到遮裏。
合作麼。生話會良久云。參。

蘇州寶華妙覺顯禪師問機輪。曾未轉轉處。實能幽
如何。是轉處。實能幽。師云。白雲遼空谷。清風拂太虛。
僧曰。意旨如何。師云。劫火洞然。毫末盡。青山依舊白。
雲中問如何。是祖師西來意。師云。霜風落林葉。僧曰。
霜風落林葉。意旨如何。師云。逢春又却生。問久雨不
晴時如何。師云。綠毛龜出水。僧曰。晴後如何。師云。得
縮頭時。須縮頭。師顧視大眾云。日如箭。月如梭。靈源
本來瑩淨。何須特地揩磨。如今要得無餘事。學取城
東黑老婆。參上堂云。我眼本正。因師故邪。毗耶城老
亦周遮。浮雲收碧落。兮自寬廓。黑豆逢水土。兮自生
芽。恁麼會得也。好與三十棒。上堂云。涼颺生後夜。萬
木盡驚秋。金風碎剪白雲浮。莫問韶陽端的處。姮娥

新琢玉爲鈎

明州岳林元亨禪師上堂云。雲依依日遲遲。柳開河岸花發高枝。靈雲今日向什麼處安身立命。薰拈拄杖云。看看莫顛頂久。參高士舉目知歸。晚進之流。新羅國裏珍重。

安州九峯山圓明著禪師問大藏教中還有奇特事也。無師云。有僧曰。如何則是。師曰。展軸光千界。開函萬國春。問作家不啐啐。啐啐不作。家學人上來請師作家相見。師云。袖裏青蛇吼。僧曰。學人不曾。師云。腦後冷光生。僧曰。錯。師云。識甚痛痒。師云。烟凝葦岸黃。葉飄空。燕去雁來。古今常定。說生說滅。未爲極則之談。遣有排空。豈是格外之語。黃梅半夜少室九年。直顯真機。更無別理。所以道。直截根源。佛所印。摘葉尋枝。我不能敢問諸人。作麼生會箇直顯真機底道理。良久云。參上堂云。雲起高峰。水流澗下。喬松烟鎖古檜風生。且道。衲僧分上。成得什麼邊事。良久云。孫賓門下。切忌鑽龜。

廬州澄慧善珂禪師問。如何是澄惠境界。師云。千里清

風歸野外。一輪明月上。波心僧曰。如何是境中人。師云。肩橫柳。標目視烟霄。僧曰。如何是向上事。師云。葛藤得也。未師云。若論此事。高超三界。獨步大方。截生死流。踞涅槃岸。演無上法。使靈苗異葉。處處騰芳。鸞鳳麒麟聲相應。可謂將此身心奉塵刹。是則名爲報佛恩。諸高德如斯。舉唱未免周遮。若是出格道流。且待別相見參。

蘇州寶華山悟本慶禪師問。久居巖谷。卽不問入廊垂手事。如何。師云。弄花香滿手。穿竹粉盈衣。僧曰。便是爲人處也。師云。兩眼已隨青嶂合。雙眉猶帶野花顰。僧出衆提起坐具。師便喝。僧亦喝。師又喝。僧禮拜。師便打。問。休去歇去。古廟香爐去。未審意旨如何。師云。有耳鐵牛。穿半夜無條石馬走。春風僧曰。莫便是爲人處也。無師云。風急浪開魚自現。金鱗透入碧波中。師顧視云。看看桃花亂落如紅雨。風撼梨花白雪香。鸞轉玉琴。細柳垂金線。長古佛家風。在頭頭示顯揚。怎麼說話。也是事。隨物運法。逐時遷若。是格外顯根。不干文墨。直見自心。大用繁興。無非佛事。良久云。

大衆參堂去

饒州蜜巖淨土院惠旻禪師上堂云。道無動靜。法本隨緣。立處皆眞。隨方作主。在天地則覆載。在日月則照臨。在君臣則移風易俗。在釋氏則興慈運悲。且道衲僧分上。又作麼生。良久云。欲言言不及。林下好商量參。

廬州澄慧院冕禪師問。如何是澄慧境界。師云。前臨金斗城。後枕鳳舟浦。僧曰。如何是境中人。師云。歡愁語盡。江山窄。名利忘來。天地寬。師云。萬法攬然。何須自昧。大衆還見麼。風高凜冽正。嚴凝瑞氣祥。光滿寺庭。祖令已行。高著眼。寒光爍爍射文星。久立。

潭州石霜崇勝寺能禪師問。知師久。蘊囊中寶。今日當場略借看。師云。兩手分付僧。曰。小出大遇。師云。回眸子細看。

汀州同慶院自鑒禪師上堂云。釋迦密印。不出乎心。達磨真機。豈離當體。於茲見得。暢快平生。更若紛紜。自家埋沒。雖然如是。七穿八穴。一句又作麼生。路逢死蛇。莫打殺。無底籃子。盛將歸。

荊南府萬壽院有琛禪師。問上上之機。請師垂示。師云。鐵牛哮吼。木馬嘶鳴。僧曰。便怎麼會。時如何。師云。未敢相許。

宣州寶勝永長禪師問道。非物外。物外非道。如何是物外。道師云。目前可驗。僧曰。如何是道中人。師云。對面同千里。僧曰。向上更有事也。無師云。勘破了也。師乃云。大道舒光。十方周徧。及乞根源了。無所得。然雖如是。不出金峰窠裏。到遮裏合作麼生。良久。喝一喝下座。

壽州六安文殊惟湛禪師問。目前無法。意在目前。時如何。師云。看僧曰。片雲生脫谷。孤鶴下遙天。師云。莫錯認。師乃云。春至花開。秋來葉落。法法見前。不須穿鑿。咄。

福州光化楚長禪師開堂。日示衆生。昔年靈山會上。黃面老人。四十九年。三百餘會。該羅不著。底事。山僧今日。普示諸人。良久云。依稀越國。髯楊州僧。問皇道與佛道。相去幾何。師云。但請知時。僧曰。學人未曉。立言。師云。雷鳴天鼓。震聖語。勅文行。僧曰。混然先天。

地迫出希夷。問師云。寰中日應萬機。巧海外風光一樣。清僧曰。一是二師云。俯爲葛藤。問師唱誰家曲。宗風嗣阿誰。師云。胡風扇漢。祖月耀梁。僧曰。靈山印本不用揩磨。師云。也是欺我。唐土兒孫。僧曰。古今通途去也。師云。路出千山水。分八字。乃云。非君所議。以當宗乘。亦非寂寥。徒爲向上。何也。言無差別。句乃橫該。就馳言句。面目換了。是以參玄。上士仍當薦取。方解異類。共物推移。若不如是。未免情存。取捨。境緣好醜。迭遞更遷。威光失色。頭頭顯示。率爾嗟嘯。於是從上賢者。爲物之故。抑而爲之。互爲賓主。激揚斯旨。人天眼目。悟則爲准。上堂顧視大衆。還相委悉。麼良久云。從來風采理冠眞。乘不涉程途。非爾自然。人人已分實。乃無虧箇箇英靈。奇特現矣。是以諸門互顯。捷應無私。以無私之妙體。返照朗然之無窮。思盡還源。不眞何待。諸禪德還會麼。久遠與麼。今日如是。遵此法令。施行無畏。

建中靖國續燈錄卷第十六

建中靖國續燈錄卷第十七

〔末銘〕

東京法雲禪寺住持傳法佛國禪師臣惟白集

對機門

廬陵清原山行思禪師第十三世

東京法雲圓通禪師法嗣

江寧府蔣山太平興國寺惠炬禪師諱良策福州人也。比試圓頂遊方參尋。首見六合孜禪師。微有發明。詣圓通禪師席下。頓釋疑滯。既蒙印證。爲衆領袖。出世華藏大揚祖意。次遷鍾山左丞蔡公卞奏以章服。師名問諸佛出世。普爲群生和尙出世。又且如何。師云。拄杖未曾拈著。僧曰。與麼則人天獲利。師云。好。前話僧曰。喏。喏。師云。遮箇衲僧。猶較些。子上堂云。秋風索寞。秋景蕭條。鴈過長空。燕離大廈。遊方禪客。卜處安居。腰束輕囊。手攜短錫。水邊松際。去住無拘。雖然如是。忽有人問。作麼生。是行脚底事。明眼人前。如何祇對。若是所得之者。萬一無疑。後學初心。亦須子細。還會麼。要知江上路。須問渡頭人。參上堂云。雪將殘。分外寒。向火容易。涉道艱難。好是和衣打睡。任它。

日上欄干。祖師沒腰斷臂。吾徒莫作等閑光陰。在再人事多端。遮邊淥水。那裡青山。難難百年三萬六千。日看看。便見鬢毛斑。山僧與麼說話。拖泥帶水不少。然雖如是。養子方知父慈。

廬山開先心印禪師諱智珣。饒州人也。策試得度。便慕宗風。參圓通禪師。發悟心要。頓息佗遊推爲師表。請居合肥。延昌次。遷開先佛國禪師。回奏。簾賜章服。都尉張侯敦禮。奏以心印師名。問和尚出世將何爲。人師云。山形拄杖子。僧曰。刁刀相似。魚魯參差。師云。朝三千暮八百。問趙州三等接人。未審和尚幾等接人。師云。隨家豐儉。僧曰。向上之機。雖已曉。中下之根。又若何。師云。領取鉤頭意。莫認定盤星。問須菩提唱無說而顯道。未審和尚以何顯道。師云。山僧口似鐵。上堂云。擊鼓上來。大家覲見。法法現前。不勞鍛鍊。諸禪德爲什麼如此。彼彼大丈夫。爲君通一線。上堂云。動靜不禪去。來常定。萬派同源。海雲自異。可謂心境一如。有何不可。然雖如是。且道。衲僧分上。還得也無。良久云。天台榔櫟。木南嶽萬歲藤。上堂云。極目青天。

無片雲。萬象森羅全體露。若也擬議。更商量。終是翻成箇路布。不煩久立。歸堂喫茶去。上堂云。握須彌於掌內。鑑十方於目前。且道是什麼人。分上事。所以雲門大師云。三藏聖教在汝舌頭上。微塵諸佛在汝脚跟下。不知悟去好。忽若築著。磕著。東西不辨。南北不分。底又作麼生。良久云。存得五湖明月。在不愁無處下。金鉤上堂云。平旦寅扶桑日出。照何人箇中未了。奔南北。孰知大地一微塵。雖然如是。會得甚奇特。不會亦最親。上堂云。一法不通。萬緣方透。山河無隔礙。靈光觸處明。且道。爲甚麼不見眉毛。祇爲住處大。近未免衲僧取笑。既不恁麼。又作麼生。鉢盂無底。尋常事面。無鼻孔笑殺人。

潭州道林廣慧寺寶琳禪師。蘇州人也。東禪院受具。少習經論。妙通精義。遂扣禪室。發明祖意。圓通禪師常所印可。大丞相王公安石亦深器重。出世廣德。費教次。移池陽。景德。廬山。萬杉。潭師請居。道林學者歸仰。都尉張侯敦禮。奏以章服。問德山棒。臨濟喝。未審和尚如何爲人。師云。總不恁麼。僧曰。又作麼生。師云。

自領出去。僧便喝師云。迦顰漢僧無語。師云。非但患
顰。亦乃患啞。問。淺聞深悟。深聞不悟。雲門道了。和尚
作麼生。師云。頭戴天腳踏地。僧曰。學人未曉。師云。有
口不可閑。却。僧曰。若然者。飢來喫飯。困來眠。師云。不
妨。會得好。師云。揚眉瞬目。不當宗。乘舉古提。今殘羹
餽飯。一棒一喝。未稱衲僧。踞坐思量。傍觀者醜。且道
作麼生。是衲僧本分事。常憶江南三月裏。鷓鴣啼處
百花香。上堂云。近日稍春寒。寥寥宇宙寬。山河無隔
礙。世界掌中觀。無口盧行者。饒舌是豐干。三日不相
見。莫作舊時看。拈拄杖云。會麼。棒頭有眼。明如日。要
識真金火裏看。上堂云。今朝五月五。百草靈苗誰不
覩。善財採藥與文殊。殺活臨機互爲主。禪家流莫莽
鹵。眨上眉毛好看。取信手拈來。知不知。甜者甜。苦者
苦。上堂云。雲收嶽面日。上扶桑。颯颯寒風紛紛敗
葉滿湘江。內白浪滔天。廣惠門前地。平如掌。若也知
有底。衲僧穩坐太平基。或未然。不免撈天摸地。
江寧府保寧寺子英禪師錢唐人也。稟性介潔。儀範
清肅。撥草瞻風。尋師擇友。詣圓通禪師法席。師資緣

契針水相投。遂歷湘沅。荆楚。所至叢林。雲徒蟻慕。請
居夾山。次移二聖。廬山。羅漢。太平。隱靜。金陵鳳臺。都
尉張侯敦禮。聞師道風。奏賜章服。問如何。是夾山。境
師云。疊疊好山來。不盡滔滔泉水。濟無窮。僧曰。如何
是境中人。師云。柳標慣將衝鳥道。衲衣常挂五雲灘。
僧曰。祇如宗乘。若何指示。師云。鐵牛耕大地。問如何
是第一句。師云。俊鶻越不及。僧曰。如何是第二句。師
云。橫身該宇宙。僧曰。如何是第三句。師云。撈天摸地。
僧曰。三句已蒙師指示。目前一句。又如何。師云。孟夏
漸熱。問山河大地。不作眼見耳聞時。如何。師云。祇恐
不與麼。僧曰。便與麼時。如何。師云。山高水深。僧無語。
師云。幸自可憐生。剛被佗謾却。
師云。有大曠宅。不居門戶。靈靈常在。今古無虧。不問
路頭。誰人得入。善於中止。受用無窮。獲大安隱。周遊
無際。雖然如是。更須知有水不洗水一句。參。
上堂云。有一人。攪長河爲酥酪。變大地作黃金。握驪
珠於掌中。縱遊戲於目際。此人堪受四事供養。有一
人奪飢人之食。驅耕夫之牛。然後見山。是山。見水是

水此人亦堪瞻之仰之。有一人片帆不挂棹櫓俱停。獨宿沙洲。月明四海。此人亦堪頂戴奉行。一人在前。一人在後。一人居中。透關者試請辨看。

上堂拈拄杖云。日月不能並。明河海不能競。深須彌不能同。高乾坤不能同。圓聖凡智慧不及。且道遮箇有什麼長處。良久云。節目分明。生來條直。冰雪敲開。片片分白。雪點處承伊力。擊禪牀下座。

撫州明水法遜禪師問。向上宗乘。即不問。明水波濤。事若何。師云。探珠宜浪靜。僧曰。未審如何。趣向。師云。一任摸。擦問。如何。是明水。境。師云。百門路。嶮。僧曰。如何。是境中人。師云。口方四字。僧曰。未審更有事也。無。師云。遊子不知春。已去。誤聽黃鸝。作杜鵑。師云。萬法萬形。皆逐心成。孤光一照。萬慮俱清。隨方任器。逐晦隨明。芥納須彌。無寬窄。毛吞巨海。不虧盈。參上堂云。妙覺非遙。能仁不遠。出入不離。相隨動轉。若於今日。識渠不在當時。鹿苑參上堂云。沙門上士。道眼爲先。窮本明心。方爲究竟。森羅萬象。本有同源。廓落太虛。誰云有滯。塵劫來事。祇在如今。蓋是心迹不通。識情。

所礙。所以三世諸佛。盡在目前。諸人還見麼。良久云。一二三四五。各各面相觀參。

興元府慈濟聰禪師問。騎牛覓牛。即不問。天然脫灑。意如何。師云。卸却。趙臭布衫。僧曰。布衫已卸了。也。師云。脫灑事。即不問。牛在什麼處。僧曰。吽吽。師云。幾乎放過。問。如何。是道。師云。此去長安三十七程。僧曰。如何。是道中人。師云。撞頭磕額。問。不是。風動。不是。幡動。未審是什麼。動。師云。低聲低聲。問。如何。是隨色摩尼珠。師云。青青翠竹。鬱鬱黃花。僧曰。如何。是正色。師云。退後退後。問。釋迦已滅。彌勒未生。未審誰爲導首。師云。鐵牛也。須。汗出。僧曰。莫便是爲人處也。無。師云。細看前話。問。如何。是超佛越祖之談。師云。陝府鐵牛。師云。三乘教典。不是。直。徑。直指本心。未爲極則。若遇通心。上士。脫灑。高流出來。相見。乃顧視大眾云。休上堂云。終日孜孜。相爲。恰似。牽牛上壁。大眾何故如此。貪生。逐日。驅驅。去喚。不迴頭。爭奈。何。上堂云。一卽一二。卽二。把定要津。何處。出氣。乃拈拄杖云。彼自無。瘡。勿傷之也。卓一下。

安州白兆山通慧珪禪師。問諸佛出世。建立法門。和
尚出世。以何垂示。師云。雲收千嶂碧。雲霽八方明。僧
曰。朝遊羅浮暮歸檀特。師云。脚跟下。事作麼生。僧拈
掌一下。師云。作家禪客。僧曰。也不消得。師云。山僧失
利。問收來放去。卽不問古佛家風事。若何。師云。一回
舉著。一回新。僧曰。和尚豈無方便。師云。自是蒲繩短。
休嫌古井深。師云。幸逢嘉會。須探異聞。旣遇寶山。莫
令空手不可忙。時後日。門屢後壁角頭。自說大話也。
無利益。然則此事。問與不問。亦無得失。何也。窮天地
亘古今。卽是當人。一箇自性。於是中間。更無它物。諸
人每日。行時行著。臥時臥著。坐時坐著。祇對語言時。
滿口道著。以至揚眉瞬目。嗔喜愛憎。寂默遊戲。朱嘗
間斷。因甚。麼不肯承當。自家歇去。良由無量劫來。愛
欲情重生。死路長。背覺合塵。自生疑惑。譬如空中飛
鳥。不知空是家鄉。水裏遊魚。忘却水爲性命。何得自
抑却。問傍人。大似捧飯稱飢。臨河叫渴。諸人要得休
去麼。各請立地。定著精神。一念回光。豁然自照。何異
空中紅日。獨運無私。盤裏明珠。不撥自轉。然雖如是。

祇爲初機。向上機關。未曾踏著。且道作麼生。是向上
機關。良久云。仰面看天。不見天。
壽州霍丘歸才禪師。問如何是祖師密密意。師云。佛
眼覷。不見僧。曰。爲什麼覷不見。師云。密密意。問一言
相契時。如何。師云。丹霄顯露。僧曰。不假一言。時如何。
師云。帶水拖泥。問撥塵見佛時。如何。師云。眉長三尺。
師云。若於遮裏。悟去。迴脫根塵。不拘文字。便乃坐斷。
報化佛頭。高步毗盧頂上。頓超三界。物類無拘。妙用
也。變作金毛獅子。向須彌山頂。哮吼一聲。群魔膽裂。
驚拈拄杖云。休向清涼山裏睡。根且在霍丘城下拈。
出還見麼。若也以見見之。爲常見。若也無見見之。爲
斷見。前來葛藤。一時盡斷。見卽不見。還見麼。良久云。
前村深雪裏。昨夜一枝開。
廬州長安淨名法因禪師。問祖意西來。卽不問法。令
當行事。若何。師云。拄杖點頭。僧曰。要用卽用。師云。非
公境界。師云。天上月圓。人間月半。七八是數事。却難
算。隱顯不辨。卽且致黑白未分一句。作麼生。道良久。
云。相逢秋色裡。共語月明中。參上堂云。祖師妙訣。別

無可說直饒釘紫鐵舌未免弄巧成拙淨名已把天機泄珍重

太平州蕪湖縣吉祥禪師問昔日鳳凰臺畔已得圓通之機今朝坐斷要津頌唱西來之曲師云日出卯用處不須生善巧僧曰學人今日得聞於未聞去也師云心不負人面無慙色僧曰可謂清音通碧漢古曲盡咸聞師云逢人但恁麼流通師云諸佛不出世亦無有涅槃祖師不西來亦無所傳授若一向恁麼去釋迦老子飲氣吞聲放一線道過遮邊來便見有佛有祖有師有承山僧到遮裡進前不得退後無門不免露箇消息也要大家知委還相恁麼良久云霹靂一聲驚宇宙幾人猶在夢魂中師到隱淨上堂云五峯影裏雙湖聲中草木青葱烟雲澹泞風光溢目觸處可觀然雖如是祇如撞著道伴一句作麼生道還知落處麼良久云玲瓏八面自回合峭峻一方誰敢窺復云嘯月吟風水石間忘機贏得此心閑無端打破空狼籍羞對白雲歸舊山

廬州廣惠冲雲禪師問如何是廣惠境師云古栢含

烟翠喬松帶雪寒僧曰如何是境中人師云一瓶淨水一籠燭童子念經僧坐禪師云法界性海非三界可觀解脫法門絕一塵可示蓋由性靈不等根器差殊故諸佛出興隨緣設教或茶坊酒肆徇器投機或柳巷長街優游自在種種施爲盡入薩婆若海恁麼說話耻佗先聖不見古人道赤肉團上壁立千仞百尺竿頭如何進步良久云搬手到家人不識更無一物獻尊堂珍重

浮槎山福嚴守初禪師問如何是受用三昧師云桶匙放筯問如何是正直一路師云踏不著僧曰踏著後如何師云四方八面問學人便恁麼會時如何師云錯僧曰如何得不錯師云且看前話師云若論此事放行則曹溪路上月白風清把定則少室峯前雲收霧卷如斯語論已涉多途但由一念相應方信不從人得大衆且道從什麼處得良久云水流元在海月落不離天上堂云卽性之相一片晴空卽相之性千波競起若徹來源清流無阻所以舉一念而塵沙法門頓顯拈一毫而無邊利境齊彰且道文殊普賢

即今在什麼處下坡不走快便難逢便下座

鼎州德山仁繪禪師問如何是不動尊師云來千去萬僧曰恁麼則脚跟不點地師云却是汝會師云至道無難唯嫌揀擇但莫憎愛洞然明白山僧即不然至道最難須是揀擇若無憎愛爭見明白

澧州聖壽香積用旻禪師上堂云木馬衝開千騎路鐵牛透過萬重關木馬鐵牛即今在什麼處良久云驚起暮天沙上鴈海門斜去兩三行

筠州瑞相子來禪師師顧視云夫爲宗匠隨處提綱應機問答殺活臨時心眼精明那容妖怪若也棒頭取正喝下承當埋沒宗風耻佗先作轉身一路不在遲疑一息不來還同死漢大衆直饒到遮田地猶是句語埋藏未有透脫一路敢問諸人作麼生是透脫一路還有人道得麼若無人道得山僧不免與諸人說破良久云玉離荆岫寒光動劍出豐城紫氣橫廬州真空從一禪師問一請便來時如何師云快便難逢僧曰昨朝衲子今日禪師師云兩彩一賽僧曰雲門道南山起雲北山下雨意旨如何師云非公境

界僧擬議師便喝師云心鏡明鑒無礙遂拈起拄杖云喚遮箇作拄杖即是礙不喚作拄杖亦是礙離此之外畢竟如何要會麼礙不礙誰爲對大地山河廓然粉碎

廬州承天資福月禪師問如何是廬州境師云千里風威肅重城角韵清僧曰如何是境中人師云歌廉雖起袴襦詠借劍難留柱石材師云信知此事西竺首傳迦葉域中祖令剛行東土後付盧公教外真風不墜分燈列派徇器投機自古及今聖賢間出豈可以小根小智而能紹續祖宗發顯真猷稱揚斯事然雖如是事無一向豈不見先德道最初說法者不知有末後句末後說法者不知有最初一句最初一句即且致作麼生是末後一句還有人道得麼良久云珍重

南京寧陵安福子勝禪師問妙峯頂上即不問半山相見事如何師云草裡漢問若立一塵家國興盛不立一塵時如何師云有眼無耳朶六月火邊坐僧便歸衆師云三十六計走爲上計隨後便打師云問處

風馳電卷。答處海納衆流。檢點將來。有甚用處。何也。且大道虛曠。孰以言宣。法無去來。本非出沒。自古至今。何曾有異。靈光不昧。體露眞常。心本空寂。境自不生。境既不生。性本常住。可謂一切諸法。皆悉圓成。是故先覺有言。法本法無法。無法法亦法。今付無法時。法法何曾法。諸仁者。佗既怎麼告報。諸人何不直下承當。若也承當得去。能於般若光中。遊華藏世界。縱橫自在。妙用無邊。擬議思量。翻成路布。毫釐情念。事相不忘。往復輪迴。何有休息。殊不知凡之與聖。皆是虛名異相。種形本來幻色。若能自信。曠劫塵勞。冰消瓦解。如是則十方世界。一口吞盡。何處更有一絲毫爲隔。爲礙。雖然如是。敢問諸人。祇如達磨西來九年。冷坐徒箇什麼。良久云。不要疑。著上堂云。萬木蕭疎。群峯葉落。巖松古栢。四季長青。林下相逢。更說什麼。若也揚眉瞬目。又是鬼弄精魂。更或拈拂敲牀。大似隔鞞抓痒。築著磕著。頭漲面赤。到遮裏如何得恰好。良久云。借居一片閑田地。獨對高峯爲舉揚。參舒州甘露德願禪師問知師已得圓通旨。未審如何。

指示人師云。晝見日。僧曰。學人不曾。師云。夜見星。問如何是佛法大意。師云。謂須搖頭哭。須皺眉。問如何是最初一句。師云。梁王不識僧。曰。未審意旨如何。師云。獨自悽悽。師云。旃檀林中。更非佗木。並是根生土長。出現世間。花果枝條。悉皆茂盛。優鉢羅花。時一現耳。直得聖凡聚首。遠近同觀。觀則不無。且道承誰覆蔭。良久云。南山起雲。北山下雨。上堂云。早朝擊鼓。勞動諸人。古佛叢林。事不獲已。直饒德山一棒。似倚天長劍。臨濟一喝。如旱地爆雷。盡是倚勢欺人。無風起浪。山僧今日。過犯彌天。留與諸方檢點。

金陵正覺道清禪師問如何是佛法大意。師云。倉陳米飯。淡黃齋。問如何是切急處。師云。庫宇半成。方丈基足。

金陵天禧宗永慧嚴禪師問九年面壁圖箇什麼。師云。天蓋地。載僧曰。昔時達磨。今日天禧。師云。多年曆日。問正當恁麼時。佛法在什麼處。師云。鼻孔裏。僧曰。恁麼則氣急殺人。師云。也有些子。襄州鳳凰山乾明廣禪師上堂云。日頭東畔出。月向

西邊沒來去。急如梭。催人成白骨。山僧有一法。堪爲保命術。生死不相干。打破精靈窟。咄。咄。是何物。不是衆生。不是佛。參上堂云。今日中秋夜。月不是。僧時節。雖然十分圓。明來朝依舊還闕。人人有面古鏡照天照地。無別從來。一向圓明。且道是誰家風。月。禪人若暫回頭。演惹達多心自歇多。

饒州安國自方禪師上堂。普視大衆云。還會麼。一切見成。不用絲毫心力。但盡凡心。別無聖解。所以道。觀身實相。觀佛亦然。前際不來。後際不去。今則無住。無住之本。流出萬端。萬象森羅。一時驗取。

廬州澄慧義端禪師問如何。是佛師云。泥捏金裝僧。曰。如何。是法師云。海口難宣。僧曰。如何。是僧師云。剃頭洗鉢。僧曰。向上更有事也。無師云。不妨惺惺。師云。春山青春水碧。隨波逐浪。成虛擲。若能返究本來源。萬派分流。聲瀝瀝。問。備諸人識不識。忽若識。免效當年空面壁。

廬州北天王崇勝益禪師上堂云。宗門祖令。徒自緘言。坐斷妙峯。一口吞盡黃河。倒瀉崑崙鐵牛。橫身宇

宙。到邇裏。却須有出身一路。良久云。玉馬嘶時。金斗轉。金雞啼處。日光生。參上堂云。靈源湛寂。動靜一如。萬法本空。隨緣而照。方圓任器。應用無私。亘古亘今。了然自在。所以在天旋之不動。在江注之不流。寂而不凝。動而不亂。運用千般。隱無滯礙。然雖如是。爭奈祖宗門下。總不用著。敢問諸人。且道。禪僧家有什麼奇特處。乃拈拄杖橫按膝上云。會麼。七星光燦爛。舉動耀乾坤。卓一下。

衛州元豐院宗燈禪師開堂。日問梵王。請佛蓋爲群生。府主請師。當爲何事。師云。知恩方解報恩。僧曰。金粟不知何處去。裴公今日入山來。師舉拂子云。還見麼。問。選佛場開。如何。顯道師云。雲離山勢。從僧曰。學人未曉。師云。雷出地聲。高僧曰。更有奇特事也。無師云。有僧曰。如何。則是。師云。三尺冷光輝。夜月一條瀉。水迸人寒。

廬山棲賢智柔庵主投機頌曰。二十年來行脚走盡。東京西洛。如今却到棲賢。一步不曾移著。

東京法雲禪寺。惟白佛國禪師。向上下語句已元符三

年二月十六日 哲宗皇帝五七奉 聖旨就 福寧殿陞座拈香罷問 大行皇帝上仙未審即今居何報土師云不居兜率陀天上便在蓮花世界中僧曰恁則麼靈然一句超群象迥出三乘不假修師云須是恁麼人方能恁麼去僧曰還許學人露箇消息也無師云 聖明天子畔一任展宗風僧曰九品蓮間親見佛百千菩薩共遨遊師云不妨道著問奉勅陞堂於此日師將何法報 君恩師云雪嶺泥牛吼雲門木馬嘶僧曰恁麼則龍樓生瑞氣鳳閣鎖祥雲師云昨宵南斗上已現老人星僧曰可謂萬邦壽有道四海賀昇平師云人祝千年壽山呼萬歲聲僧曰若然者非但黎民陶聖化釋門從此轉光輝師云皇天無親惟德是輔問 仙遊忽遠鸞駕難追未審祖意西來如何舉唱師云到頭霜夜月任運落西山僧曰祖意已蒙扶往駕 大行神御化何方師云將此身心奉塵刹是則名爲報 國恩僧云諸佛出世天雨寶花 吾皇卽位有何祥瑞師云上苑百花發皇家萬事新僧曰若然者 帝日與佛日增輝

皇風並祖風永扇師云萬國已歡心師云人天正眼處處分明佛祖妙心堂堂顯露玉池春水澄湛法身金殿香氤含容妙體龍樓後殿普賢家鳳凰閣穹崇文殊寶界御溝柳絲盡顯真如上苑花紅全彰般若重重交映杳杳難思瑞氣凝空祥烟遍野毗盧花藏與此無殊慈氏園林何曾有異到斯境致各請觀瞻頓悟自心同音佛利還委悉麼 前佛已滅 今佛出現放無量光照無量國遇斯光者悉獲清涼所以對 御閣揚報 皇恩德使舜日佛日明徹乾坤堯風祖風均和法界敢問 皇恩佛恩如何卽是遂顧視大眾云如天普覆似地普擎有如是威權有如是覆載既然如是作麼生報良久云泥牛吼處山河靜木馬嘶時日月明臣僧惟白伏奉勅旨就 大行皇帝靈御前陞座舉揚般若上資仙駕恭想 大行皇帝出爲 聖主十有六年垂衣九重恩霑四海崇際三教子育萬方一旦 上仙闔國悲慟時光迅速五七俄臨今日廣集緇徒輿揚佛事伏願 大行皇帝睿性圓明千光顯著聖身自

在萬德莊嚴快樂土中蓮華捧足率陀天上銖衣遶身復振神威保祐邦國恭惟我皇帝陛下受如來記現如來身得如來智作如來事一登寶位萬國歡心天下生民忻逢瑞世域中禪律獲際昌時伏願統七聖靈基千千億歲踐百王功業萬萬餘春玉葉騰芳金枝挺秀皇太后力扶聖嗣同理政機伏願萬年松壽千歲鶴齡道贊明君功資帝業皇太妃皇后昔日靈山授記今朝同贊皇家伏願各悟本心卽如如佛親王國族宮禁嬪妃一聞般若正因同圓金剛種智久漬聖聰伏惟珍重

四月二十二日百日入內再奉

聖旨就福寧

殿大行皇帝靈御前陞座

聖旨令五院長老開

話師拈香云此香從

天降下因地所生非因象藏

龍宮宛勝雪山牛首今遇

國家興隆佛事焚向爐

中普熏法界遍爲祥瑞伏願

大行皇帝巍巍佛相

隨諸佛下生落落

天姿同天人自在遂敷座華嚴

長老出衆云

福寧殿上選佛場開幸對聖人前

不免通箇消息師云來風深辨問世尊三轉法輪於大千其輪本來常清淨今日追薦大行皇帝請師當轉法輪師云萬里浮雲消散盡一輪紅日正當軒老曰金輪與法輪齊轉帝道與祖道光輝師云三宮有道安盤石萬國歸心用老臣老曰言言斬釘截鐵句句玉轉珠回師云山河王國土水月佛家風老曰恁麼則觸目對揚眞般若山河共顯法王機師云且領前話老曰馮師一句語千古作流師云天下已知褒親長老問不省遮箇意修行徒苦辛如何是遮箇意師云言中須辨的老曰遮箇已蒙師指示未審那箇又如何師云句下自明機老曰恁麼則却於言外薦不向意中求師云何不當機問老曰未審大行皇帝祇今向什麼處去師云金烏已是明當午玉兔還須照別天老曰若然者翠栢風搖心地印日華光映舍那身師云直往鷺峯陪聖衆不來人世逐浮華淨因長老問雲從龍風從虎未審虛空從箇什麼師云目前驗取老曰莫將名利垢染汚祖師心師云驗人端的處下口便知音老曰不唯上達君王

耳四海如今已盡知師云一任流通慧林長老問相逢不拈出舉意便知有作麼生是知有底事師云動容揚古路不墮悄然機老曰遮箇箇是古人底師云長老作麼生長老擬議師喝云掣電之機徒勞佇思智海長老問香煙起處大施門開正令當行如何舉唱師云臨濟當機用雲門向上關老曰祇如今日一會又且如何師云用賢彰帝業崇佛見天心老曰未審大行皇帝生何報土師云去去西天路迢迢十萬餘老曰萬字光中同帝釋千花座上禮牟尼師云大家讚歎左街首座妙覺大師纔出云劒逢劒客須呈劒禪遇君王好問禪師云正好施設問帝里禪居昔日神宗之所建佛祖禪機今朝二聖之親聞向上宗乘分明舉唱師云三乘教法秋天迴一片禪心月色高座曰莫便是向上宗乘也無師云領取當機語不用別追求座曰若然者頭頭是道句句明心師云現成法爾普請承當座曰古者道天得一以清地得一以寧萬物得一以生二聖得一爲天下正如何是得一之道師云梧桐枝上看已產鳳凰

兒座曰高明繼照三邊肅聖得重光四海清師云已傳天子令萬國賀昇平

師乃云佛佛授手祖祖相傳且道傳箇什麼還相委悉麼蓮眸一顧正法眼藏流通寶鉢親持少室宗風大扇遂有竺乾四七震旦二三續談聯芳分枝列派不由異轍直指當人言下明心句中見性稱機稱理亘古亘今獨運靈光潛符密證捧頭薦得明月千溪喝下承當白雲萬里金鷄唱曉錫犬吠明石女投梭木人舞袖象王驟步師子奮威虎嘯風生龍吟霧起卷舒自在超越聖凡本無去來何有生滅既然如是且道大行皇帝祇今在什麼處良久云此去西天路迢迢十萬餘臣僧惟白恭想大行皇帝二十五歲現帝王身一十六年富有華夏忽棄四海顧捨萬民追仰聖容杳然何在向當五七已集僧徒今辰百日又與佛事臣僧惟白兩荷聖恩勅令演法此蓋今上皇帝陛下寶月智光如來示身爲金輪聖王登大寶位布大恩庥率土歡呼普天稱慶聰文睿武顧掩百王恭儉仁慈繼揚七聖蒸蒸

大孝。統御華夷。翼翼小心。撫安民俗。復遇。皇太后四十年間。母儀天下。四朝萬世。德冠宮中。道合無疆。功資有載。保佑。聖嗣。同理萬機。追念。先皇崇斯法會。皇太妃皇后共展孝心。用資報土。遂使禪流。則舉唱宗乘。法師則闡揚教義。集其殊利。上助。仙遊。伏願。大行皇帝。聖心明徹。神鑒昭然。天表如生。諦聞舉唱。觀音前引。勢至後隨。坐寶蓮華。遍登佛刹。放白毫瑞現金相。身運大慈悲。又安宗廟。不忘願力。普利生民。久瀆。聖聰。伏惟珍重。

師於建中靖國元年二月十七日。大行皇太后五七奉。聖旨就。慈德殿陞座。師拈香云。雞林貢到。枉涉於鯨波。驚嶺馳來。徒經於沙勒。蛇婆入進。未足於清芬。燕水遠投。不全於旃旒。爭如此香是。炎宋大國。現在佛心地。中生滿天馥。郁諸菩薩性海內。出遍界。氤氳今日對斯。玉陛焚向金爐。不唯助薦。大行皇太后。仙游亦乃上祝。皇圖永固。便焚香敷座。問慈德參天想。仁風而猶在。聖心至孝念。

親愛以何之。茲日薦嚴。憑何妙旨。師云。龍樓新燕語。御柳野鶯啼。僧曰。怎麼則不動步。而登夜摩天。不動步。而昇彌勒樓閣。師云。祖談續時光。燦燦覺花開。處葉重重。僧曰。一人有慶。萬古歡心。師云。九重城裏。千花秀。五鳳樓前。萬姓歌。僧曰。若不伸此問。爭顯我師機。師云。更進一句。方得話圓。問。少室峯前。壁立千仞。曹溪路上。水泄不通。未審法雲門下。又且如何。師云。芻犬吠時。天地合。木鷄啼處。祖燈輝。僧曰。可謂一句了然。超百億句。分明在目前。師云。龍吟春霧起。虎嘯暖風生。僧曰。圓音一剖。周沙界。佛國光中。轉更新。師云。讚歎又爭得。僧曰。分去直教。沙界廣收來。應是不容針。師云。何可當。機問。僧曰。請師當機。答。師云。且領前話。問。堯風遐布。舜日當天。道被萬方。德崇三教。敢問教外別傳一句。作麼生道。師云。龜毛長萬丈。兔角準千尋。僧曰。一句直超三教外。廓然全露祖師心。師云。萬里浮雲盡九衢。春色多僧曰。五七薦嚴。皇太后未知。仙馭往何方。師云。六宮遺訓。在一月下。遙天僧曰。步步金蓮。生極樂時。時寶界禮彌陀師。

云三朝爲聖后。千古作規模。僧曰。西祖之道。蒙師指南。山祝壽。又如何。師云。曾到祝融峰頂上。萬年松帶雪霜。青僧曰。七十二峰連碧漢。堪祝。吾皇萬萬春。師云。山僧卽不恁麼。僧曰。和尚又作麼。生師云。七聖崇基。歸有道。百王功業。合無爲。僧曰。學人則無計上酬。天子德。唯憑朝夕一爐香。師云。普請報皇恩。僧曰。拔萃優曇。唯佛國馨香。別是一家。春師云。不須人事。問三世諸佛。說不到處。六代祖師。講不著底。君王面前。請師施設。師云。祖月凌空。圓聖智。佛燈光照。宋山河。僧曰。飲光得處。曾微笑。少室騰芳。直至今。師云。但能踏得曹溪路。了知生死不相干。僧曰。一念不生。全體現。歸源無處不通津。師云。今日當機。又且如何。僧曰。祖意已蒙師指示。祝堯一句。望稱揚。師云。但看庭外栢。便是萬年枝。

師乃云。觀大海者。難爲水登。聖人門者。難爲言。且道今日登。聖人門。說箇什麼。卽得還委悉麼。適來惠林舉臨濟風規。淨因唱雲門機要。法雲到遮裏。試說見在佛家風。且作麼。生是見在佛家風。恭以

國朝以聖繼聖。安民養民。含育萬方。崇闡三教。所以窮孔子要道。則本仁祖義。潔行修身於國於家。盡忠盡孝。俯仰高堅之冥象。顧瞻前後之樞機。學老君之道。則收視旋聽。養氣怡神。閉智塞聰。解紛挫銳。跳壺中之日月。藏瓢裏之乾坤。究如來至道。則大智發明。真源澄湛。修因契果。悟法了人。入七覺之茂林。行八正之徑路。參祖師妙道。則頓悟自心。頓證本性。融和根境。透脫死生。卽於一念之中。超越千聖之表。是以登孔子之門者。文場選官。遊老君之門者。神府求仙。入如來之門者。覺場選佛。升祖師之門者。雪庭悟心。而龍象蹴踏。人天開覺。六通自在。三德圓明。且道今日六院禪師。百餘雲衆。登聖人之門。作箇什麼。良久云。共將西祖傳來印。同助仙遊上寶方。此日大行皇太后五七之辰。臣僧惟白伏奉聖旨。舉揚宗風。憑此禪機。上薦仙馭。恭惟國家百五十年。建立太平。三千國土。齊心克順。八聖繼統。四后臨朝。坤德相高。母儀各勝。且章獻明肅皇太后輔政。仁宗皇帝四十餘年。萬方寧肅。休牛歸馬。偃武

修文三代未可比擬兩漢何足所論 仁君仁心盡善盡美 慈聖光獻皇太后輔政 神宗皇帝一登寶位百度皆新啓聖道之淵源揚經術之旨義 聖明超於五帝 睿智掩於三皇大振禪宗廣崇佛刹有家有國未見未聞 宣仁聖烈皇太后輔政 哲宗皇帝十年保佑一物不私示天下以公正之明訓宮庭唯儉素之節撫綏萬姓鎮靜四夷天成地平遐安邇肅 大行皇太后輔政 今上皇帝陛下切掩百王德隆七聖一言定冊萬國歡心生民胥戴於明君夷夏喜逢於聖主含和坤道俾助乾儀雖周時三母未足比其勳謀漢朝二后詎可方其輔翼又能勇退宮中忽歸天上自古希有在今卽無恭想比德此恩何思何報 我皇帝陛下堯仁自得舜孝天資自 皇太后去冬服藥至於元正不出宮闈躬瞻侍奉吁食而春鶯已囀宵衣而更漏愈長藥餌親嘗晝夜忘寢凱風扇於區宇琴韻洽於普天昔聞有天子之大孝今見陛下如斯之能行所謂佛言得未曾有奈何 皇太后壽年已定數不可移掩質浮

華真歸佛土 皇帝陛下哀情篤厚聖孝始終深思定冊之功欲報生成之重度僧尼道精崇法會 勅選禪衆舉揚禪宗集斯勝緣上資 仙馭昔摩耶夫人生我佛如來升金剛之寶座踞菩提之道場作三界之人師爲四生之慈父摩耶夫人却還天宮與天自在今 大行皇太后立 今上皇帝陛下登金輪之寶位居重屋之明堂爲千界之獨尊作萬民之元首 皇太后亦還天宮與天自在若也如是今古同途相續無間如斯畢唱還相委悉麼其或未然臣僧不免重說偈言法筵龍象衆徘徊遠想仙游不可陪長樂宮中云逝去率陀天上見歸來七重欄欄隨雲步九品蓮花簇寶臺至竟要知何處是禪靈山色起崔嵬久瀆 聖聰伏惟珍重

開堂日問爲 國宣揚闢祖闢九重城裏顯光輝人等聽真消息未審如何贊萬機師云千歲鶴鳴華表柱萬年松在祝融峯僧曰恁麼則不忘昔日靈山記祖道重興出 帝心師云一爐香火僧家事此日將齋 聖主恩問梵王請佛蓋爲群生大主請師

合談何事。師云。昨日長空雨。今朝天地清。僧曰。喜氣
遠將和氣合。爐煙分作瑞煙。浮師云。須彌橫海上。卓
爾壽山高僧曰。願將此日興隆事。爲潤爲霖報主
恩。師云。恩深轉無語。懷抱自分明。

師乃云。鷲峯山頂。燄續千燈。熊耳巖前。花開五葉。燈
燈互照。葉葉騰芳。明徹古今。馨香遍界。所以闡揚宗
旨。各稟師承。談經者克明因果。詮顯真乘。秉律者洞
達開遮。堅持軌則。演論者研窮妙理。剖判淵微。習禪
者頓悟本心。提佛祖印。卽證解脫。透出根塵。然雖如
是本分衲僧。總不恁麼。還會麼。雲門木馬。日日嘶風。
雪嶺泥牛。時時吼地。吹無孔笛。韻出青霄。彈勿絃琴。
音聞碧落。綿綿不漏。杳杳彌綸。妙性靈機。言思路絕。
若能如是。是真大丈夫。轉妙法輪助聖明。化如斯舉。
唱誰爲證。明良久云。將此深心。奉塵刹今日。分明報
國恩。惟白生逢瑞世。出際昌時。遭逢皇帝陛下。
垂衣寶位。統御金輪。啓佛大智。日應萬機。運佛太慈。
澤及萬物。證佛妙心。含容萬法。明佛知見。統攝萬方。
故禪林講肆。繼祖傳宗。緬思自古。無如今日。天下禪

門孰不欣幸。卽將此日開堂。舉揚般若。勝利上延
皇帝聖筭。無窮玉葉。含春金枝。挺秀越國大長公主。
大尉留後發菩薩心。修菩薩行。淨菩薩慧。起菩薩願。
奏聞神宗皇帝。建此梵宇。十五餘年。三招宗匠。舉
揚大事。誠非小緣。授佛摩頂。遂致如斯伏願。道性
純明。真機濬徹。壽山增峻。福海汪洋。諸王天眷。內
外宰僚。各各運聖人籌策。佐天地權衡。永護祖
風。不忘佛記。在會檀那。隨喜法衆。一聞舉唱。永悟心
宗。不待龍華。便成佛果。久立衆慈。伏惟珍重。

建中靖國續燈錄卷第十七

建中靖國續燈錄卷第十八

〔末銘〕

東京法雲禪寺住持傳法佛國禪師臣惟白集

對機門

廬陵清原山行思禪師第十三世

杭州佛日山智才禪師法嗣

澧州夾山靈泉自齡禪師。姓周氏。宜興人也。受業於

本州福聖寺十八具戒志慕參遊。造佛日才禪師法席。悟明心要。乃爲執侍。才既遷化。復歷諸方。潭州大潯山真如禪師。請爲座元。初住興化。出世闡揚。問金雞啄破琉璃殿。玉兔挨開碧海門。此是人間光影。如何是祖師機。師云。針割不入。僧曰。祇如朕兆未生。已前作麼生。道師舉起拂子。僧曰。如何。師云。所願望扶桑。問混沌未分時。如何。師云。春風颺鷗僧曰。分後如何。師云。春日遲遲。僧曰。向上更有事也。無師云。一年三百六十日。問佛未出世時。如何。師云。撥開天眼。按下雲頭。僧曰。出世後如何。師云。四海波濤靜。一輪天地寬。問如何是時節。因緣。師云。秋池月寫樓臺影。滿檻風傳鼓角聲。僧曰。恁麼則嶽麓峰前雲鬢鬢。灤陽江內浪滔天。師云。一任鑽龜打瓦。

上堂良久云。不須辨妄求真。不用避喧取靜。人人果日當空。處處玄機獨迴。瞿曇不守本分。獨坐妙峰孤頂。廣說海藏言詮。一如擔雪填井。更云法眼衣。孟分付頭陀守領。西天四七綿綿。東土二三永秀。師拂拭塵埃。大似臨嫁。醫癩老盧。半夜三更。菩忙走過東。

嶺至今子子孫孫一半瞋睡未省

上堂云。儼老當頭。擊鼓沙彌。捧鉢作舞。南泉打破粥鍋。走了狸奴白牯參。

上堂良久。顧大眾云。日裏走金烏。誰云一物無。趙州東壁上挂箇大葫蘆參。

上堂良久。畫一圓相。云。大眾五千餘卷。詮不盡三世諸佛讚。不及令人却憶賣油翁。卽忙走下繩床。立參上堂云。列祖風規。毫釐靡虧。明明有據。落落無依。大眾竿頭直須進步。盡餅不可充飢。豈不見香嚴擲磤。頓發真機。可笑今年貧更殺。失却舊年錐參。

上堂云。便乃忘機守默。已被金粟占先。擬欲展演詞鋒。落在瞿曇之後。離此二途。作麼生是。將僧透脫一路。良久云。好笑南泉提起處。刈却錄子曲彎彎參。

上堂喝一喝云。是什麼時節。日暖風和三春二月。家家門戶大開。處處百花鬪發。王老擡眸。靈雲漏泄。師復舉起拳云。大眾。爾把取西瞿耶尼。還我北鬱單越。拍禪床一下。

東京惠林禪院若冲覺海禪師法嗣

東京永興華嚴佛慧禪師諱智明。姓史氏。常州人也。及冠爲僧。卽慕參遊。緣契慧林覺海禪師。衆請出世。哲宗皇帝上仙。百日入內。特賜佛慧禪號。開堂日。問知師久佩毗盧印。願開寶藏濟勞生。師云。舉頭若具金剛眼。無限清輝盡屬君。僧曰。今日小出大遇。師云。未開口已前作麼生。僧曰。却請和尚道。師云。鷄子過新羅。問如何是華嚴境界。師云。重重無盡。僧曰。如何是境中人。師云。覲面相呈。僧曰。向上宗乘事若何。師云。將謂是金毛師子。問魚龍難辨。玉石未分。祖意西來。如何指示。師云。點僧曰。點鐵爲金。一場富貴。師云。莫將庭際栢。喚作路旁蒿。僧曰。怎麼則迷來宛似蛾。投火悟去。還如鶴出籠。師云。莫將閑學解。埋沒祖師心。問彈指此心。卽不問知音相見事若何。師云。披蓑側笠千峯下。引水澆蔬五老前。僧曰。怎麼則泥牛弄月波濤裏。石女吹笙火燄中。師云。偏分上作麼生。僧曰。學人若也通消息。祇恐難爲碧眼胡。師云。山僧今日失和。問相逢不擊出。舉意便知有僧提起。坐具云。如今提起了也。和尚作麼生。師云。謝爾布施。僧曰。此

是學人底。那箇是和尙底。師云。將謂是衲僧。僧曰。不但宗眼分明。亦乃師承有據。師云。縮却舌頭。師云。此一大事。因緣非神通之所到。非智慧之所證。三世諸佛。祇言自知。一大藏教。譬喻不及。今人不了。妄涉塵勞。見惑由存。是非鋒起。殊不知法界融通。靈然不昧。包含萬有。觸處光輝。清風與明月交參。森羅共乾坤並秀。寒松古栢。不用思量。翠竹黃花。何須卜度。於斯薦得上報佛恩。亦資國祚。良久云。竟日不干清世事。一爐香篆祝堯年。珍重。

上堂云。春光燦燦。暖氣飄飄。萬木含烟。千花競秀。白雲散處。樓閣門開。碧霧收時。妙峰頂露。且道妙峰頂上一句作麼生。道良久云。共僧嚴上坐。見客海邊行。上堂云。若論此事。在天則列萬象而齊。現在地則運四時而發生。在人則出沒卷舒。六根互用。且道在山僧拄杖頭上。又作麼生。良久卓一下云。高也著。低也著。

常州廣福曇章法照禪師問如何是祖師西來意。師云。春來花自發。僧曰。學人未曉。師云。秋至葉先凋。問

如何是露地白牛師云頭角分明問如何是和尙爲人一句師云一二三四五六七僧曰意旨如何師云萬物皆從遮裡出

鎮府水泰管航禪師問靈山微咲卽不問天鉢親傳事若何師云花不亂墜石不點頭僧曰休說永嘉宿覺不若立雪神光師云鐵牛耕破嶺頭雲上堂云散爲器者乃道之漓適於變者爲法之弊靈機不昧亘古亘今大用現前何得何失雖然如是忽遇無孔鐵槌作麼生活會拈拄杖云穿過了也上堂云千將在手縱奪臨時主令全提群魔膽裂烟雲路斷凡聖絕蹤樓閣門開知音何在乃召大衆云高著眼上堂云龍騰碧漢變化無方鳳翥青霄誰知蹤跡可行則行不出百千三昧可止則止寧亡萬象森羅所以道取不得捨不得不可得中祇麼得且道得箇什麼良久云莫妄想

常州江陰壽聖子邦圓覺禪師問學人上來請師說法師云海底紅塵起僧曰乞師方便師云山頭白浪生問祖意教意拈放一邊如何得速成佛去師云有

成終不是是佛亦非眞僧擬議師叱云話頭道什麼眞州長蘆崇福應夫廣昭禪師法嗣

潞州瑯琊山宗初禪師問朝宰請師陞寶座如何方便示西來師云多少分明僧曰恁麼則法雨高霑了堂師云資無達士將金濟病有閑人說藥方僧曰雲散始知江月白座間方見老盧機師云別處人事問如何是瑯琊境師云紅日照成金色界秋烟染出碧瑠璃僧曰如何是境中人師云擡頭山萬朶伴手一枝筇師云若據祖宗門下舉目則千山萬水低頭乃十萬八千更若展露言鋒尋言究妙譬若敲冰求火緣木取魚徒費精神遠之遠矣如斯語話猶涉化門且問諸人不落化門一句作麼生道良久云一句無私應之萬里

潞州龍蟠山道成禪師問鎮海明珠初出水今日當場欲借看師云白雲收海面紅日上天心僧曰恁麼則一輪光彩照無窮師云爍破觸髅問聞師已得黃梅旨一法如何指示人師云花開千朶秀風動一江寒僧曰瘦竹有高節雲閑無定蹤師云一曲楚歌愁

數人問陽春已發覺木初榮寶座既登請師說法師云岸柳迎風舞僧曰學人未曉師云溪花向日開問如何是龍蟠境師云雲散千山翠烟深隔兩鍾僧曰如何是境中人師云柳樛一條衲衣三事僧曰向上更有事也無師云瞌睡漢師云信手拈來無非妙用靈知自性歷劫常如動靜隨緣猶谷答響分身百億曲徇群生灑甘露沃蕉芽布慈雲談實相咸歸至道今古湛然更須打辨精神分明看取諸仁者還見麼良久云秋水一泓長見底澗松千尺不生枝

眞定府洪濟禪院宗鑑禪師姓孫氏洛州永年人也少習儒業稟性超然滿禪師勉令奉佛投圓通禪師出家未幾祝髮披緇參廣照禪師屢扣宗猷未有開發足方躡塔忽然悟道投機頌曰舉足上瓶塔分明遮箇法黃楊木畔笑呵呵萬里青天一輪月遂陳其所悟照乃可之待制楊公畏命師出世曾魯公宅奏賜堪服問台星臨寶座祖意願宣揚師云萬里不挂片雲僧曰恩深轉無語師云唯有好風來席上更無閑語落人間僧曰千古淳風特地清師云眞師子兒

善師子吼問四衆臨筵請師說法師云須彌山大海水僧曰我聞一唱三聲息青蓮啓目親頭陀師云畢鉢巖中如何話會僧曰杲日當空清風滿座師云祇道得一半問如何是古佛家風師云祇覺春風吹我寒不知明月爲誰白僧曰學人特伸請益師云相逢秋色裡此意與誰同問達磨面壁此理如何師良久僧禮拜師云今日被遮僧一問直得口啞

上堂云冬去寒食一百單五活人路上死人無數頭鑽荆棘林將謂衆生苦拜掃事如何骨堆上添土唯有出家人不踏無生路大衆且道向什麼處去還會麼南天台北五臺參

上堂云鎮府蘿蔔頭聲名播天下雖則諸方老宿盡力提撕然而多口衲僧敲磬不破先住禪師放下又分付山僧如今劈拏將來奉爲普通供養良久云莫嫌冷澹無滋味聊表禪家一片心

上堂云金風澹蕩物景蕭條葉落庭臯雲飛嶺上不逃暑而暑自退無意涼而涼自來正當恁麼時若謂唯心境界正是頭上安頭若言一切平常大似斬頭

覓活

上堂云。新羅別無妙訣。當言不避截舌。但能心口相應。一生受用不淺。且道。如何是心口相應底句。良久云。焦額打著連底凍參。

歙州普滿明禪師問一佛出世各坐一花。師今出世爲什麼却陞此座。師云。一片紅雲起。千山地布金。僧拈起坐具云。且道遮箇是什麼。師云。不用皂絲麻線問。觀面相逢。即下問。腦後神光略借看。師云。不借看。僧曰。爲什麼不借看。師云。賊是小人。問還涉江山。師不問。西來祖意如何。師云。懔懔西歸。辭震旦。今猶自笑兒孫。僧曰。恁麼則諸聖入。師云。殊無利濟。師云。面壁九年空費力。皮得髓太無端。上堂。顧視大衆云。牙齒一把骨耳。朶兩片皮。從始至。于今。禪人猶未知諸仁者。祇恁麼會得。便是出塵羅漢。英靈丈夫。若也未然。江北江西問王老。一狐疑了一狐疑。參上堂云。吾祖家風。豈涉途失宗。隨照用心。靈一言爲報。知音者。近日南能不姓盧。上堂。顧視云。鐵牛不喫欄邊草。丫角牧童互相報。放在高坡臥白雲。任渠七顧與

八倒。阿呵呵。債有頭。冤有主。拾得要打。寒山老參上堂。顧視大衆云。一佛手。二驢脚。生緣各自斟酌。日出東方。夜落西頭。太厚瓦子。薄錯錯。前三三與後三三。莫道文殊對無著參。

和州褒禪溥禪師問。幸遇今朝登祖位。師將何法示迷情。師云。獨耀無私。對揚有準。僧曰。曇花纔綻。徧界馨香。師云。爾分上作麼。生僧曰。巨靈擡手無多子。打破華山千萬軍。師云。且緩緩問。如何是祖師西來意。師云。牡丹須是三春拆。僧曰。學人未曉。師云。黃菊還他九日開。僧曰。恁麼則便是和尚爲人處也。師云。錯上堂云。洪機纔剖。大施門開。輝慧日於鋒前。啓驪珠於句後。全開寶藏。特決群疑。徑截千途。心隨萬化。現自在力。闡大威光。使一燈分照於十方。現片月流光於萬水。爲凡聖之根本。作迷悟之源。由演唱一音。頓除疑網。包含萬有。密付群機。心眼既開。圓明自顯。智窮幽鑑。應用千差。舒卷現前。無非妙用。諸仁者。向遮裡薦得。吼師子之音。奮象王之勢。祛差別之異。見了縛脫之殊。途爲苦海之津梁。掌法王之寶印。權衡在

手明鏡當臺可以摧邪輔正可以去僞存真現一道而清虛僻邪而體妙圓光匪外顯出一靈豁開萬化之源直示眞空之理諸仁者還會麼良久云皎然天地無私照一道光明處處通珍重

滁州寶祿禪院輝禪師丹丘人也幼歲從師早登具戒首依講肆聽習台宗續參長蘆廣照禪師心眼通明遂獲印證問如何是祖師西來意師云大海道底僧曰爲什麼燈燈相續師云遞相鈍致問水出高原如何解會師云古今流不竭僧曰學人未曉師云界破青山色僧曰海底紅塵生山頭白浪起師云淹殺欄問淺聞深悟尋常事達磨迷逢意如何師云頭戴天腳踏地僧曰忽遇三家村裏人如何祇對師云憂則共感樂則同歡僧曰若不上來焉知如是師云不得草草問牛頭未見四祖時如何師云湯餅僧曰見後如何師云水罐僧曰學人未會師云世情看冷暖人事逐高低問和尚未見長蘆時如何師云雲生古嶠僧曰見後如何師云水出高原僧曰見與未見相去多少師云水流終到海雲起必爲霖問刀山劍樹

上戒等正覺時如何師云劈腹剜心僧曰和尚何得如此師云心不負人

上堂云步步登高納僧意氣心心放下達士忘懷意氣不居佛祖之位忘懷常遊悲智之門有念盡成功無知方大和良久云瑞草生嘉運林梅放早春參上堂云智水瑩清心珠獨輝萬象煥然十方朗照眼見無影樹子耳聽沒絃琴調若是本分衲僧不覺低頭吟笑且道笑箇什麼無孔鐵鎚

眞州靈巖山志願禪師問山間林下頗稱道人風綠水庭邊還他了事衲子此猶是無風起浪不涉波瀾請師答話師云雲橫遠岫雨滴懸崖僧曰數聲清磬是非外一箇閑人天地間師云石人拊掌木女呵呵僧曰高臥虛堂無別事任他今日與明朝師云四海晏清王道泰何須更用苦切切問六六三十六春風動脩竹新籟勿絃琴請師彈一曲師云不落宮商角徵羽僧曰一聲鳴歷歷十指起清風師云若不鍾卽鑒還同野舍薪僧曰怎麼則不聞聞底事大衆皆聞師云知音者少

上堂云。看看雲山疊疊同。萬卉以青蒼。烟渚依依共孤舟。而聞寂樓臺聳峻。殿塔交光。法法無私。古今冥實。正當恁麼時。還相委悉麼。良久云。不在低頭思量難得參。

上堂云。山家活計無多事。直下分明不用猜。敷座豈容知與見。任他烏兔去還來。諸人還委悉麼。若委悉得。去心猿。罷跳性海。無波白雲。青嶂之內。任運惺然。紫陌紅塵之中。隨緣豁暢。其或未曉根源。切忌尋玄討妙。直饒討得。個儻子。明。敢保斯人未徹。且道作麼生。是未徹。良久云。任教滄海變。應不對君通。參。

上堂云。霧卷雲收。日上月落。林間幽鳥語呢喃。嶺上樵夫歌。詞錯。東西南北。本來人。咄。莫向外邊生。卜度參。

潭州等覺法思禪師問梵王請佛蓋爲群生。安撫請師當爲何事。師云。月映千江。白雲開萬谷。明僧曰。恁麼則一句無私。師云。古今無異路。達者共同途。問如何是佛法大意。師云。燈籠挂露柱。僧曰。學人未會。師云。佛殿對三門。僧曰。向上更有事也。無師云。大海若

知足百川。應倒流。師良久云。若也於斯薦得。上無攀仰。下絕已躬。靈光現前。羅騰今古。遇知音而隨緣。佛事在山野而別構。清規亦可竿木。隨身逢場作戲。然雖如是。且道最初一句作麼生。道願大衆云。切忌當頭。

壽州壽春廣慧法岸禪師問爲國開堂於此日。師將何法報。君恩。師云。香烟霽瑞氣。飄飄僧曰。恁麼則達磨當時花葉。而今信手重拈。師云。寒山拈掌。拾得呵呵。僧曰。學人今日小出大遇。也。師云。乞兒見小利。師云。若論法。體本絕言詮。應用無虧。威光烜赫。英靈上士。相共證明。後學初機。徒勞行思。雖然如是。事無一向。山僧今日不惜眉毛。與諸人說。破良久云。人從陳州來。不得許州信。

眞州定山眞如文彥禪師上堂云。堤邊柳綠。默演眞空。嶺上猿吟。明談法要。若向遮裡薦得。頭頭圓覺。步步道場。其或未然。且待別時。分明說破。珍重。

荊南府護國紹禪師問如何是和尙家風。師云。一鉢一鉢。僧曰。向上更有事也。無師云。有僧曰。如何則

是師云拄杖子僧曰若不上來爭知如是師便打僧曰錯師云猶自口喃喃

南京法寶德一禪師問大衆雲臻請師說法師云諦聽諦聽僧曰一回聞得一回新師云爾作麼生會僧曰諦聽諦聽師云也是殘羹餽飯問如何是睢陽境師云車馬門前有塵埃堂上無僧曰如何是境中人師云時延三島客長接五湖僧

池州乾明禪院寶慧禪師上堂拈起袈裟角示衆云此乃佛佛授手祖祖相傳今日更不覆藏普示諸人還會麼良久云若也未然且待別時重新說破

北京天鉢重元文惠禪師法嗣

衛州元豐院清滿禪師姓田氏滄州鹽山人也幼而不戲長以孝聞母喪出家剃落稟戒詣青州元禪師叢席入室咨參一日山行取葉淨手豁然契悟投機頌曰大奇本奇動用還迷更問如何薦口便提山居苦行絕粒七年太守錢公請師出世團練李公崇師道行奏賜命服遷化將臨一日辭衆弟子請頌師乃瞬之跌坐而逝問禪開創闢祖道重興千聖靈機願

行下要處
過字

師舉唱師云秋觀黃葉落僧曰千聖靈機蒙舉唱我師關振意如何師云冬見萬林枯僧曰怎麼則木馬嘶時花偏地泥牛行海雲凝師云也須會始得問如何是祖師印師云地靜天寧僧曰如何是心印師拍膝一下僧曰佛祖心印相去幾何師云言淺理深問如何是稱僧得力處師云月上青天僧曰未審有何憑驗師云莫瞌睡師喝云徒言五位三要三玄九帶唯心韶陽數句誠謂無途轍中勒成途轍無名言中強立名言如是教壞兒孫發於宗旨據遮幾箇漢若教山僧見伊先與敲了牙齒然後斬爲三段拈起拄杖云山僧過患更是彌天卓一下

上堂橫按拂子云要扣玄關須是有節操極慷慨斬得釘截得鐵剝剝地漢始得若是腰刀避箭碌碌之徒看卽有分擊禪床下座

上堂召大衆云無異思惟諦聽諦聽昨日寒今日寒抖擻精神著力看著力看看來看去轉顚顚要得不顚預看參

上堂云千家門萬家戶貧底貧富者富其或未嘗地

三塗不是苦。擊拂一下。

上堂云。人人獨耀箇箇極。則祖印如斯。說話非常有損有益。乃拈掌一下云。噫。又復引人入荆棘。喝一喝下座。

上堂云。潭中皓月嶺上白雲。達磨西來莫如此說。拈拄杖云。也大奇。拄杖解說。不思議。擊香臺下座。

上堂云。堪作梁者作梁。堪作柱底作柱。剎利剎僧。便知落處。驚拈拄杖云。還知遮箇堪作什麼。打香臺一下云。莫道無用處。復打一下參。

上堂云。看看堂裏本師伯被聖僧打一擱。走去見維那被維那打。兩擱露柱呵呵笑。打着遮師伯祖印路兒。不平與爾雪。正拈拄杖云。來來。然是聖僧也。須喫棒。擊香臺下座。

西京善勝真悟禪師問進一步則太過退一步則不及。祇如不進不退時如何。師云。謝闍梨供養。僧曰。恁麼則萬般施設不如常師云。千鄉萬里僧曰。未明佛法。千般境悟了心中萬事。無師云。勿交涉。上堂云。揚聲止響。不知聲是響。根弄影逃形。不知形爲影。本以

◆丹丹殿將

法問法不知法。本非法以心傳心。不知心本無心。心本無心。知心如幻了法。非法知法如夢。心法不實。莫讓追求夢幻空花。無煩地捉。若到遮裏三世諸佛一大藏教。祖師言句。天下老和尚路布葛藤。盡使不著。何故。太平本是將軍致。不許將軍見太平。

恩州祖印善丕禪師問。如何是佛師云。通上徹下。僧曰。如何是法師云。徹下通上。師乃云。通上徹下。徹下通上。迷有千差。悟無兩樣。咄。

廬山賢樓遷禪師法嗣

杭州南山法雨惟鎮禪師問。如何是法雨境。師云。竹寺門相並。湖山路接連。僧曰。如何是境中人。師云。芳草和花種。修篁帶雨移。師顯大眾云。還知麼。南山嶺頭白雲。丹丹西湖岸上綠柳。依依一時驗取。不用針錐。喝一喝下座。

舒州王屋山崇福燈禪師上堂云。天不能蓋地。不能載一室。無私何處不在。大眾直饒恁麼會去。也是鬼弄精魂。怎生說箇常在底道理。良久云。金風昨夜起。徧地是黃花。上堂良久云。一也不成。二也不是。張三

作群李四成隊上下混成俱爲一塊直饒龍舒把斷
要津爭柰有停不肯底任是釘嘴鐵舌也須惱裂粉
碎喝一喝

潭州東明惠遷禪師初住南源問如何是南源境師云五嶺侵霄漢三株鎖碧烟僧曰如何是境中人師云焚香聞卷霞生砌卷箔冥心月在池上堂云不可以智知不可以識識大衆且道識箇什麼良久云露柱是木頭作珍重

和州褒禪沖會圓智禪師法嗣

杭州臨安居澗禪師。問爲國開堂於此。日師將何法利人。天師云。將諸伶利僧。曰。一炷名香祝。聖恩師云。今日事作麼。生僧無語。師云。氣急殺人。問清淨本然。偏周沙界。庵內人爲什麼不見庵外事。師云。合恁麼。僧曰。特伸請益。師云。有甚相孤。上堂云。大衆但看從上古。聖挑囊負鉢。出一叢林。入一保社。若不得箇入處。晝夜不捨參問。知識築著。磕著。忽然瞥地。始知刀是鐵。作一時放下。便乃天台普請。南嶽遊山。左之右之。不居惑地。諸仁者。古人既恁麼。會今人欠少箇。

什麼良久。多虛不如少實。

台州瑞巖子鴻禪師法嗣

台州佛窟昌國可英禪師問如何是佛法大意師云
一輪纔出海萬彙盡沾恩僧曰學人不曾師云祇爲
分明極翻令所得遲問如何是佛窟境師云春歸一
徑巖前秀雪盡數峰雲外寒僧曰如何是境中人師
云錫杖夜敲霜驕月銅餅晨漱碧潭煙師乃云春風
澹蕩萬物含芳林間野老謳歌江上漁人舉棹岩花
列秀岸柳垂陰鸞轉喬林獸鳴幽谷白雲綻處千峰
而疊疊崔嵬萬派朝宗浩渺而波瀾涵月森羅普現
萬象齊觀南北東西交橫互映重重帝網百億垂形
海印發光大千普赴如斯語話無不盡知且道迷身
一句作麼生道良久云天上忽雷驚宇宙井底蝦蟇
不舉頭參

明州岳林寺曇振禪師。上堂。歛衣坐定。云。今日布袋頭開。還有買賣者麼。僧曰。有。師云。不作貴。不作賤。作麼生。釐價。僧無語。師云。山僧今日失利。問寶座。旣登於此日。箇中消息。請宣揚。師云。颯颯和風。飄飄細

兩僧曰言前超有路。句下越毗盧師云。也不消得問。知師解接無根樹。妙手能挑海底燈。學人上來請師。一接師云。堤柳乍開金眼細。嶺梅初綻玉苞香。僧曰。圓音纔剖大衆雷。恩師云。剗利人難得上堂云。若論此事。不在僧之與俗。男之與女。賢之與愚。實之與賤。悉皆具足。曾無欠少。良由根有利鈍。見有差殊。向聲色裏轉。却何以知之。豈不見道。名言滯於心。首恒爲緣慮之場。實際居於目前。翻成名相之境。且作麼生。是目前事。還知麼。良久云。眼裡無筋。一世貧。

汀州開元智潭禪師法嗣

汀州開元宗祐禪師問。如何是祖師西來意。師云。扁舟衝雪浪。僧曰。未審意旨如何。師云。一葦渡金陵。師乃云。祖師庭下水。泄不通。佛事門中。風行草偃。於斯見得。暢快平生。擬議思量。千山萬水。

虔州慈雲慶瑞禪師法嗣

虔州廣慈道傳禪師問。如何是梅川境。師云。金精嶷嶷。凌霄漢。梅水滔滔。貫巨洋。僧曰。如何是境中人。師云。閑庭子。賤鳴琴。化百里生民。歌復謠。僧曰。向上宗。

乘如何指示。師云。南斗七。北斗八。

金陵蔣山法泉佛慧禪師法嗣

滁州幽谷壽聖寺祐禪師問。如何是和尙爲人處。師云。未免拖泥帶水。僧曰。如何得不拖泥帶水去。師云。好喫棒。僧曰。學人有什麼過。師便打。

郢州太平興國法雲禪師問。如何是祖師西來意。師云。踏破草鞋。僧曰。學人未曉。師云。直下承當。

衡州九峰殊甫禪師問。靈蛇在手。一任卷舒。寶鑑當軒。是何光境。師云。一輪皎皎。萬里雷恩。僧曰。萬丈白雲。纔不得。師云。於爾分上。得箇什麼。僧曰。休將三寸舌。調弄五湖僧。師云。山僧罪過。

善果懷演庵主法嗣

潭州玉池光教寺冲儼禪師問。以心傳心。無說可說。無說卽不問。如何是可說。師云。石笋逢時。長僧曰。未審意旨如何。師云。葵花向日。開問如何是祖師的。意。師云。泥牛不喫欄邊草。僧曰。和尙向何處安身立命。師云。直向孤峰頂上眠。

廬山歸宗通禪師法嗣

襄州資福廣照素月禪師問如何是古佛心。師云不著中間去。却兩頭。僧曰如何是和尙的。爲人處。師云張公喫酒。張公醉。問如何是佛。師云頂後無圓相。僧曰未審意旨如何。師云和風發嫩葉。問如何是真常道。師云著衣喫飯。僧曰學人不曾。師云真常道。僧曰莫謾學人。師云想若不識朝官體。祇識皮鞋不識鞵。

郢州子陵辯禪師問四衆雲臻。願聞法要。師云夜雨日晴。僧曰意旨如何。師云曬僧曰一言。纔了悟千古。爲流通。師云也不消得。

廬山同安崇勝禪院慶通禪師問師唱誰家曲。宗風嗣阿誰。師云燕子不離舊窠。問世尊未成佛時如何。師云佛。僧曰成佛後如何。師云佛。僧曰畢竟如何。師云佛。

江陵福昌禪院信禪師法嗣

安州法興期禪師問學人無問。請師不答。師云鯨有吞舟騰巨浪。人無消息過滄溟。僧曰恁麼則落二落三。師云饒君解致千般問。空自言多道轉除。

建中靖國續燈錄卷第十九

〔宋銘〕

東京法雲禪寺住持傳法佛國禪師臣惟白集

對機門

南嶽懷讓禪師第十四世

廬山東林興龍寺常總照覺禪師法嗣

洪州泐潭山寶峯禪院應乾禪師姓彭氏。袁州萍鄉人也。受具之後。徧歷諸方。晚到照覺禪師法席。屢陳所見。覺未可之。乃示鳥窠吹毛。因緣初不曉解。一日因事感激。豁然大悟。乃成頌云。潦倒忘機是鳥窠。西湖湖上控煙蘿。布毛吹去無多子。鐵眼銅睛不奈何。覺乃可之。自此推爲上首。道行大播。照覺受命東林。師繼法席。

開堂日上首白。罷罷師直上覲。又直下覲云。啞好箇消息。其奈話墮了也。若有人知落處。寶峯出世事畢。其或未然。第二義中通箇消息。問一佛出世。一花開。如何是一佛出世。師云分明看取。僧曰如何是一花開。師云何處不光輝。僧曰牧童歌嶺上。林下道人權。師云禮拜著。問向上一路。千聖不傳。和尚從何而得。

人姓毛氏本州菩提寺受業懷橘之年投師出家探
李之年策試圓具賦性明敏學問精到壯齒遊方愈
益超卓所至法席諸道有儀心契開師燈續照覺一
住開先十更年月德風旣振縉素欽承官保李侯特
奏章服師號

開堂日上首白槌罷師顧視云曾麼人臂那吒鑄鐵
券須彌頂上運金槌若也不會華藏世界久萃瓊龍
幸遇風雷何妨奮躍時有僧問法筵大啓使旆光臨
祖意西來請師舉唱師云擁扇仁風蘇萬物隨車甘
雨灑千山僧曰瀑流生瑞氣漱玉起清風師云最好
書爲清浮國更堪畫作太平圖問香煙起處大衆雲
臻向上宗乘請師指示師云南山雲北山雨僧曰一
句無私師云堪笑亭前紅菟菜年年生葉不生花僧
曰煙雲出幽谷日月耀乾坤師云多遮兩句僧曰和
尚又作麼生師云退身有分僧曰何得龍頭蛇尾師
云饒人非弱問如何是道師云良田萬頃僧曰不會
師云春不耕秋無望問如何是祖師西來意師云君
山頭破洞庭心僧曰意旨如何師云白浪四邊繞紅

塵何處來問少林面壁意旨如何師云入定僧曰孤
負古人師云罕遇知音問古鏡未磨時如何師云古
鏡僧曰磨後如何師云古鏡僧曰謝師指示師云三
十年後問法輪工已畢推轉意如何師云活潑鱗
僧曰法不孤起仗境方生師云有意氣時添意氣不
風流處也風流僧畫一圓相師云爭奈諸聖眼何問
有人問我解何宗拈起拂子劈口打意旨如何師云
糊孫入布袋鐵筋擊鳥龜僧曰不觀雲中鴈爭知沙
塞寒師云千眼大悲觀不得無言童子暗嗟嗔僧曰
爲什麼如此師云祇爲如此師云談玄說妙譬如畫
餅充飢入聖超凡大似飛蛾赴火一向無事敗種蕉
芽更若馳求水中捉月乃以拂子拂一拂云適來許
多見解拂却了也作麼生是諸人透脫一句良久云
鐵牛不喫欄邊草直上須彌頂上眠緊禪床下座
上堂云和風習習白日遲遲山花灼灼欄草離離紫
鶯雙飛大野黃鸝對語高枝鶉僧到此如凝滯無限
春光付與誰咄

上堂喝一喝云三月春過強半溪山雨散雲飛庭花

自開自落。梁燕雙飛。歸復云。木中有火。不鑽不出。砂中有金。不淘不得。心中有道。不學不悟。遊方行脚。喚作道人。還曾悟道麼。良久云。白日莫空過。青春不再來。

上堂云。彎石鞏弓。架輿化箭。運那羅延力。定憐迦羅眼。不射大雄虎。不射藥山鹿。不射雲巖師。子不射象骨。獼猴且道。射箇什麼。良久云。放過一著。

上堂云。水不洗水。金不博金。獨露一心。撥開萬象。大教幾張。拭不淨故。紙從上古。佛一隊多。知解阿師。自茲截斷。衆流更不。百城遊歷。還有與麼。衲僧麼。良久云。點即不到。

上堂云。有人說得一丈一寸也行。不得有一人行得一丈一寸也。說不得有一人說得行。得有一人說不得行。不得此四人。中華藏欲覓一人爲師。明眼衲僧。試請揀看。

上堂云。登山須到頂。入海須到底。學道須到佛祖道不得處。若不如是。盡是依草附木。底精靈。喫野狐啼。睡底鬼子。華藏怎麼。道譬如良藥。然則苦口。且要治。

疾阿哪哪

上堂云。一鎚便成。鎚爲鈍鐵。千割不斷。豈是神鋒。良馬尚不待鞭影而行。上士又何假言詮。而曉悟靈龜。已涉周遮。問答一場。狼藉擊禪床一下。

廬山萬杉禪院。紹慈禪師。俗姓趙氏。桂州人也。十八受具。十九遊方。參總禪師。因侍立次。問世尊付金襴外別傳何物。總舉起拂子。師云。畢竟作麼生。總以拂子。薰口打師。擬開口。總又打師。自此有省。遂奪拂子。便禮拜。總云。汝見何道理。便禮拜。師云。拂子屬某甲。了總云。三十年老將。今日被小卒折倒。自此玄風大振。惟爲東林上首。開堂日上首白。隨罷。師顧視左右云。若向遮裏明得。去。灑水一星。金流沙混不得。其或未然。向沙水不分處。置將問來。問明主恩光重。賢侯惠澤深。既登師子座。願振海潮音。師云。木馬已嘶。秋草露鐵牛。還吼暮山雲。僧曰。怎麼則袖裏神鎚光燦爛。八方擊處響如雷。師云。神鎚在什麼處。僧舉拳云。分明在目前。師云。祇恐不是玉。是玉也大奇。問然香祝。聖人皆委擊鼓談玄意。若何。師云。一音纔剖露。

萬法自齊。彰僧曰：「若然者，山河并大地，寶印在其中。」師云：「打開戶牖，通千界百億毗盧處處。」分僧曰：「箇中千聖眼，特地好乾坤。」師云：「到頭通一路，始見本來人。」問：「解接無根樹，能挑海底燈，意旨如何？」師云：「特地光輝。」僧曰：「兔角點開千聖眼，龜毛拂盡九衢塵。」師云：「寒山拈掌。」僧曰：「好手手中呈，好手紅心心裏射。」紅心師云：「闍梨還接得也。」未僧曰：「蓮社老師親得旨，人間天上盡蒙恩。」師云：「蹉却話頭。」問：「朱明方啓候，禪子又安居未？」審九旬之內，如何履踐？師云：「松筠有高節。」僧曰：「怎麼則清音長不盡，洗却眼中塵？」師云：「還因霜雪後，始見歲寒姿。」僧曰：「靈苗有地人皆委，鐵眼無私莫點玄。」師云：「須知向上路，不許夜行人。」僧曰：「忽遇傾瀉倒，獄底又作麼生？」師云：「觀空鐵網，誰敢出頭？」問：「千聖共傳無底鉢，曹溪路上許誰同？」如何是無底鉢？師云：「千人越不出。」僧曰：「萬里遊滄海，忻逢倒嶽波。」師云：「不是弄潮人。」問：「祖師心印，狀似鐵牛之機，正當恁麼時？」印卽是不印？卽是師云：「看取爐中鐵彈子。」僧曰：「忽然打破，又作麼生？」師云：「須知痛痒。」僧曰：「今日得遇和尚師。」

云語脉裡轉却

上堂云：「先行不到，若願彌立乎巨川末後，太過猶猛，士發乎在矢，或高或下，未有準繩，以是還非，遭人點檢，且道如何得相應去？」良久云：「紅爐醖理重添火，烜赫金剛眼自開。」

上堂云：「錫鳥啼春，觀音戶啓，清泉照月，毗盧界彰，鶴鳴峯頭，聲聲不別，散珠亭上，顆顆圓成，乍隱乍彰，不獲自轉，還有取得者麼？」試呈似看，良久云：「可笑猿猴探水月，不知真箇有蟾蜍下座。」

上堂云：「我祖別行，最上機縱橫生殺，絕猜疑，雖然塞斷群狐路，返躑躅，願還師子兒，衆中還有金毛袒膊牙爪生，獐者麼？」試出哮吼一聲，看良久云：「直饒有，也不免玉溪塞主按鉤搭索參。」

上堂云：「赤水之珠，清江之月，猿猴競探，徒爾迷蹤，罔象無心，超然自得，所謂視之有餘，光攬之不盈，手世沒無窮，去來無際，然雖如是下坡不走，快便難逢，乃喝一喝，拍一拍云：「赤水之珠，清江之月，瓦解冰消，衆中還有英靈變豹者麼？」出來救取一半，良久云：「憐。」

此意無人會。却使陶潛更皺眉。

上堂云。玉溪不會禪。祇識諸方病。薰下霹靂散。轉殺也不定。左丞蔡公下。讚師真靈光。頭頭顯現。獼猴亦背一面。若人欲識師。真打破鏡來相見。

東京褒親旌德禪院佛海禪師諱有瑞。姓陳氏。興化軍仙遊縣人也。幼異塵俗。默坐終日。父母奇之。即許出家。依東京景德寺重全上人爲師。比試圖具。首造黃龍南禪師法席。南曰。汝爲人事來。爲佛法來。師云。爲佛法來。南云。若爲佛法來。即今便分付。遂打一拂。子師云。和尚也不得惱亂人。南卽器之後。依潞潭山總禪師深悟立奧。巾侍久之。衆推道首。初住安州太平觀。察李侯先奏章服。哲宗皇帝五七入。內賜大覺師名。百日入。內又賜佛海禪號。

開堂日。問不越百城之遠。肯飛一錫而來。寶座既登。竚聽法要。師云。鳥窠吹起布毛心。僧曰。謝師方便。師云。從苗辨地。因語識人。問朝賢旌旆來筵上。師將何法報。君恩師云。玉磬乍敲金殿響。紫檀煙鎖玉樓春。僧曰。市地風生。師云。特地使人觀。僧提起坐具曰。

爭奈遮箇何。師云。指南爲北。識得遮賊。問驗人端的處。下口便知音。祇如維摩一默。以何爲驗。師云。不勞再勘。僧曰。打麪還他州土。麥唱譟須是帝鄉人。師云。同道者方知。問祥煙起處。杲日當空。一句無私。請師全道。師云。拄杖橫穿日面。佛衲衣斜搭少林。風僧曰。一言勘破威音佛。千聖須教立下風。師云。玉殿光含千界。月僧曰。黃金雖至寶。點著是空花。師云。方便多門。戶心通一道。歸師云。問得亦好。不問亦強。一問若不達。翻成戲論。法問若有旨答。亦隨機爲什麼。宗乘道著。千聖退步。寶杖敲時。三乘失轍。蓋爲此事。似秦鏡當臺。千里邪心自怖。如鎧鎧在袖。百億魔軍膽碎。直得大聖不說說。迦葉絕聞。聞大底祇要諸人回光返本。斂念收心。善惡都莫思量。自然得入心體湛寂。妙用恒沙。混同直饒有人便於此承當。得又屬抱橋柱。澡洗及乎捨之。似萬里望鄉。關執之墮在魔王境界。喚作迷時人。逐法悟後法。隨人蓋無私法。要千古同規。一句當機。誰人自鑒到遮裡。若會得便見終始。一如古今齊致。至於趙州庭柏清風長在。若不會得。

便見雲門。竟子天地懸殊。於是不得已。便乃琉璃殿。上日午打更。無影林間。秋行春令。何也。妙體雖然無異。妙用蓋有多門。是故釋主能仁。應迹迦維。弘悲沙界。神通妙力。不可思議。所以蓋爲群生。日用三昧。而不覺業識茫然。而莫返。遂致前境紛紜。本源錯雜。纔是金僊久默。斯要於不二境。作大佛事。入寂光土。經營三界。道洽大千。化均百億。言滿法界。撈籠群生。敷玄籍以曉果。因垂天真。以育情性。無何。機有大小。乘分頓漸。故使資糧者。可以推微達著。尋端見緒。然後爲散亂者。誠之以定。慧著諸樂者。示之以無常。樂小法者。導之以大方。計諸見者。諭之以無動。泥名相者。開不二門。此豈不以因言入道。藉教明真。一心既皎。萬德咸著。良爲於此。末後却曰。如標月。指空拳。喻實。噫。如此與慈。大似有過。無功。未如我金色頭陀。隨身活計。瑠璃鉢。孟傳來無底。任是千眼大士。莫窺其狀。達磨所有生涯。大庾嶺頭。擲下設有萬夫之勇。提之不動。後來風幡事起。捲簾義彰。佛手難藏。驢脚自露。所以兒孫固不得已。曲順人情。放一線路。便有紹續。

門風聯輝祖。談然後佩無我。印開不二門。致有向上金雞。啣米一粒。徧濟十方。眞如廐內。夏駒獨出。踏殺群魔。所以人人盡道。摩竭令嚴。承當者少。支那玄響。應之者稀。大衆若據如斯。見識一何少哉。祇如知滋味。識痛痒。豈無一二。聆至音。決勝負。寧無一箇半箇。且道能如此者。是什麼人。良久云。禪關已得。裴公達祖意。寧無謝守評參。

上堂云。有佛世界。以一塵一毛。而作佛事。令見一法者。而具足一切法。故權爲架閣。有佛化內。以忘言寂默。爲大佛事。使其學者。雖一切相。卽名諸佛。故好與三下火抄。有佛土中。以黃花翠竹。而爲佛事。令觀相者。見色卽空。故且付與彌勒。有佛寶刹。以法空爲座。而示佛事。俾其行人。不著佛求。故勘破了勾。下有佛道場。以四事供養。而成佛事。使知足者。斷異念。故可與下載。有佛妙域。以一切語言三昧。作其佛事。令隨機入者。不捨動靜。故爲渠裝載。大衆且道。於中還有優劣也。無良久云。到者須知。是作家參。南嶽福嚴寺。惟鳳禪師。問如何是福嚴境界。師云。千里。

一堆青僧曰。如何是境中人。師云。坐斷祝融峯。師乃云。般若臺前。聊舉目。周回八百里。方圓高低層級渾無縫。出自當時磨底。輒復云。靈源一派。亘古縣。今曾無間斷。所以朝宗有據。潤物無虧。精通者。善別波瀾。泛濫者。難窮彼岸。直饒窮得別得了。了無差。敢問諸人。還有補僧巴鼻也。無若有不免和泥合水。若無不可斬頭覓活。向上一路。作者共知其或未明。逢人但怎麼舉。

南嶽衡嶽寺道辨禪師問拈匙舉拂。卽且致和尚。如何爲人。師云。客來須接。僧曰。便是爲人處也。師云。靈茶淡飯。僧禮拜。師云。須知滋味始得。

廬山圓通可僊禪師問。如何是佛。師云。騎牛覓牛。僧曰。爭奈學人不曾。師云。參取不會底。問。如何是祖。師云。西來意。師云。寸釘牛力。僧曰。向上更有事也。無。師云。有。僧曰。如何。則是。師云。向下會取上。堂良久云。怎麼散去。早是不著。便那堪。長老鼓兩片皮。搖三寸舌。說東道。西指南。言北轉。勿交涉。何故如此。說則乾坤大地。該括微塵。取則纖芥無差。絲毫不露。苟或獨超象。

外量等太虛。便乃終日說事。不爲事所礙。古今三世。儼爾目前。曲直條然。是非有辨。便能和光同塵。隨邪逐惡。怎麼說話也。大無端。忽有箇傑出叢林。粗赫禪者。爲衆竭力出來。掀倒禪牀。喝散大眾。將長老推向階下。也許他有些氣息。有麼。既無。老僧倒行此。令拄杖打禪牀下座。

臨江軍慧力院可昌禪師問。佛力法力。卽不問。如何是慧力。師云。踏倒人我山。扶起菩提樹。僧曰。菩提本無樹。向什麼處下手。師云。無下手處。正好著力。僧曰。今日得聞於未聞。師云。莫把真金。喚作銅。問。一念萬年。十方坐斷。學人特伸請益。師云。先付德山。後與臨濟。僧曰。悔伸一問。師便打。問。祖意。西來。請師舉唱。師云。達磨當年無如是。事。僧曰。和尚莫教話墮。師云。却被上人勘破。僧曰。爭奈文彩已彰。師云。向備道。問。祖意教意。是同是別。師云。一點水墨。兩處成龍。僧曰。怎麼則寒潭浪靜。蒼龍宿玉。棄婆娑。彩鳳棲。師云。先記摩騰後思盧。老問摩竭。正令此日全提。如何是摩竭。正令。師云。喝散。白雲擊破虛空。僧曰。怎麼則衝開法。

王陣打破祖師。關師云：更須著力。僧曰：若然者，讓老馬駒初出廐，存師聖箭乍離絃。師云：也不消得。僧曰：杓然水澆不著。師云：誰肯便回首。師云：法王行處，草木生輝，大海騰波，須彌峇立，纔未發，祇恐眠雲不深。大用纔影便出，白蓮社裏，所謂隨方作主，寧類守株，把住放行，自由自在。縱有連天瀑布，不來耳畔生喧。任他雙劍峯高，免向眼前爲礙。時行則行，時止則止，動靜不失其時，其道光明大矣。大衆且道：那箇是光明底事。良久云：禾山打鼓聲猶在，自此廬陵米價低。以拂子擊禪牀上堂云：菩提無相，相覆大千法，性無言，言滿天下。所以觀音從聞得道，彌勒因見悟心。祖師門下有何境界，便得動止無疑。良久云：國師不見客侍者出山門。

廬陵禾山甘露志傳禪師問一等無絃琴，請師彈一曲。師云：山僧耳聾。僧曰：學人請益。師云：去。僧曰：慈悲何在。師云：自有諸方眼。問禾山嘉境，卽不問自牧庵前事。若何。師云：豈不曾避僧。曰：怎麼則山連三峽秀，水出五峯前。師云：隨流得妙，問師子窟中豈藏頭角。

師云：特地尖新。僧曰：已泄真機。師云：傍觀者，西問師唱誰家曲，宗風嗣阿誰。師云：天上月輪非一二，水中光影任東西。僧曰：子孫盡究生緣處，祖父元來不出門。師云：何不過遮邊。

師云：牛頭沒馬頭，回劍輪飛處，絕纖埃。南北東西無異路，休言南嶽與天台。所以未離廬阜，祇見五峯勢。嶮三峽，聲雄自牧庵中，隨緣度日，便道涅槃城裏坐。致太平，解脫坑中，未可安身立命。乃到禾山，也見凌霄峯上雲自卷，舒羅漢洞前溪聲浩渺，三門佛殿無異諸方。厨庫僧堂，仍皆舊轍，便好拗折拄杖，高挂鉢囊。與諸禪德跨露地白牛遊壺中天地，物外山川唱村田樂。且恁過時，假使諸佛出興於世，地搖六震，天雨四花，終不能管得，也不疑著渠。且道：山僧有何長處，便恁麼道。良久云：白雲乍可來青嶂，明月那教下碧天。

上堂云：聖人出興，九膺嘉運，所以祥光燭地，紫霧盈庭，萬國歡呼百靈。叶慶巍巍，大寶端拱無爲。四海肅清，八紘奉化。堯年舜日，可樂太平。野老謳歌，昆蟲

受賜載天覆地咸沐君恩故我沙門仰遵佛勅精持
貝字毗贊、宸嚴祇如古人道人盡看一卷經又
須我英靈禪客豹變衲僧不落三科非關吾故若以
報恩無恩不及若以利物無物不利若是尋文究墨
之流非唯不能報恩亦乃不能自利然雖如是畢竟
是何義理良久云石人拖梵夾一字不成行

黃州栢子山棲真院靈嵩禪師問如何是顯露底法
師云著眼僧曰法不孤起師云露柱上薦取僧曰
若不得流水還應過別山師云知心有幾人上堂云
天地一指絕淨競之心萬物一馬無是非之論由是
魔羅潛迹佛祖興隆寒山拈掌欣欣拾得呵呵大笑
大眾二古聖笑箇什麼良久呵呵大笑云曇花一朶
再逢春

廬山東林思度禪師上堂云東西不辨南北不分瓊
樓玉殿照耀乾坤普賢作伴文殊作賓不徒打草祇
要蛇驚古聖尚乃如此豈況今時衲僧諸禪禪休
要擬議著眼聽聽什麼雨來山色暗雲出洞中明若
向遮裏會得便是一切現成參

蘄州白雲山廣教德方禪師問和風乍扇選佛場開
架起紅爐要分玉石師云且饒廣教僧曰早是瑕生
師云雪峯道底

泉州同安雙林道基禪師問覺花綻處正遇明時學
人上來請師速道師云雲生嶺上僧曰學人未曉師
云水出高原僧曰嘉音已播寰中去一輪明月照同
安師云好事不出門問欲明今日事識取本來人如
何是本來人師云乾坤收不得歲月豈能遷僧曰未
審此人即今在什麼處師云渠無國土處處逢渠
江州德安無相繼才禪師問欲離無垢丈室將屆無
相道場兩種是無如何是有師云孤明宇宙僧曰未
審意旨如何師云獨露乾坤上堂云禪無私授有相
皆眞諸人還見無相寶塔吞却佛殿三門麼良久嘆
是何言歟以拂子擊禪牀下座
東京褒親旌德禪院諡禪師問泥多佛大水長船高
不犯清波請師別道師云靈龜已透青霄僧曰怎麼
則不居本位別透波瀾師云四海盡爲雨僧曰踏破
澄潭月穿開碧落天師云底事更由誰問劫火洞然

起大千非究竟所有作業人如何安性命師云佛手遮不得人心似等閑僧曰怎麼則脚手忙然如落湯鼈師云喚不回頭爭奈何僧曰不唯一身塗炭亦乃萬劫塵勞師云自是時人不肯休僧曰衲僧分上又作麼生師云高揖釋迦不拜彌勒上堂云新羅打鼓大宋上堂庭前栢子問話燈籠露柱著忙香臺拄杖起作舞臥病維摩猶在牀遮老漢我也識得偏病休訝郎當咄上堂云駕鐵牛耕巨海探驪嶺之珠獲珊瑚之寶枝枝撐月光射斗牛神鬼知責而不知價謂得之於心應之於手家策國富受用無窮且道是誰良久云將軍自有嘉聲在

潭州鹿苑景深禪師上堂云和風初扇柳眼分眉黛展如屏山花似錦簷頭鵲噪鶴宿喬松澗水清冷魚龍游泳居林下者足可歡娛雖無絲管之音亦有山家之態諸仁者且道畢竟作麼生良久云一任流通咄

饒州妙果院法喜禪師問如何是佛師云一字兩頭垂僧曰學人未曉師云丁字橫挑脚僧曰如何是向

上事師云萬里無片雲問如何是祖師西來意師云風清底際栢上堂示衆云休休得抽頭處且抽頭莫莫底事難教閑定著白日常懽快活人黃金難買神仙藥參上堂云執之失度必入邪路放之自然體無去住且這是什麼良久云人平不語水平不流下座安州壽寧院成則禪師問西來密旨真消息今日當筵願舉揚師云牛頭沒馬頭回僧曰一句超三界萬彙盡霑恩師云赫日光中斗柄垂僧曰一輪明月照萬里遠山青師云且得領話師云二千年前公案今日已爲重提八萬四千法門與渠一時畫斷若向威音王已前薦得丈夫自有衝天志七佛已後明宗幾箇男兒氣宇豪若據祖師西來真箇壓良爲賤而今到此有理難伸事不獲已祇得土上如泥隨風倒垛把定放開臨機生殺若也把定祖佛出來性命不存若也放開便與諸人大家拍和舉起胡家曲共唱木人歌清風明月生遙夜玉笛關山吹薛蘿迦葉作舞鍾馗拍潮海齊生師師波龍王怒劍誰敢頭退定銀魚不敢過

明州岳林崇福院圓明禪師問爲國開堂於此日。先將何法報。君恩師云千山頂上一輪月萬里江波徹底明。僧曰怎麼則群生皆覺。日箇箇謝無私師云。吾皇自有千生化何必勞君賀。太平僧曰若然者堯舜清風萬古新。師云皇天無親唯德是輔。問利人一句請師速道。師云走馬入長安報道太平。年僧曰此猶在金峯窠裏和尚如何指南。師云鐵牛吼處千江月木馬嘶時徧地春。問如何是不動尊師云走馬趁不及。僧曰此猶是動底事如何是不動底事。師云清風拂雲飛白日不曾移。上堂云惠日騰空輝光烜赫摩尼在掌燦爛圓明。應現臨機纖毫隱衆中莫有幻麒麟角坐祖師頭者麼。出來相見良久云若無山僧今日縮却舌頭。

眞州資福懷寶禪師問如何是向上事。師云問取向下事。僧曰向下事如何。師云隨語漢問如何是佛。師云猶自不識。僧曰祇遮便是。師云錯問路逢猛獸時如何。師云似他逢備問孤峯獨宿時如何。師云高枕無憂上堂云鴈叫長空氣象清園林草木盡彫零庭

前唯有趙州栢枝葉婆娑特地榮大衆遮栢樹子在天則同天處人則同人在城郭與花柳渾居在山林與煙雲作伴祇如在資福門中又作麼生良久云一朝權在手看取令行時下座。

洪州興化院以弼禪師問近離興龍將屆歸宗龍卽不問如何是珠。師云鸞溪劈箭急。僧曰莫便是珠否。師云曉夜響潺潺。僧曰不入洪波裏爭見弄潮人。師云珠在什麼處。僧提起坐具。師云閑家具。

泉州清化院從建禪師問知師久蘊囊中寶今日當筵略借看。師云燕金趙璧。僧曰是何宗旨。師云賣金須遇買金人。僧曰怎麼則釋主瞬眸呈妙用。飲光微笑露眞機。師云依稀越國鬚髯楊州上堂云千峯積翠萬壑含煙。澗柳迎風山花嘯日可以陶情滌慮可以送日遣懷如是則高謝人寰氣衝霄漢眞所謂臥雲深處鼻孔遠天名利不干壞財帛不爲念怎麼過時且道有佛法道理也無良久云時挑野菜和根煮旋斫生柴帶葉燒。

洪州西山龍泉變禪師問如何是向上事。師云須彌

頂上擊金鍾。僧曰：洪音一振，韻出青霄。師云：作麼生聞？僧曰：聲聲無欠，少不見打。鍾人師云：大眾笑。爾上堂。衆集，定師乃云：祇恁麼便散去，不妨要妙。雖然如是，早是無風起浪，釘橛空中。豈況牽枝引蔓，說妙談玄。正是金屑眼中翳，衣珠法上塵。且道拂塵出屑，是什麼人卓拄杖一下。

襄州西禪萬壽院智圓禪師，問因緣遇會試舞一場。師云：賺却多少人。僧曰：恁麼則龍吟隨處，祥雲起也。師云：見箇什麼。僧曰：春色惹開群木秀，清風吹綻祖花新。師云：大眾一時看。師云：飲光門下妙旨奚宣，毗耶杜辭已成多事。摩竭掩室，不令而行。西天四七高僧，燈燈續燄。東土二三諸祖，印印聯芳。自古及今，祖宗傳授，所以得於無得，證於無證。應無所住而住了，無所了而了。其有達者，便能方寸之池，流出無窮之寶。潤澤生靈。皇恩佛恩，一時報足。雖然如是，莫有報不得者麼。良久云：粉骨碎身未足酬一句了然超百億。喝一喝。

建州護國禪院康禪師，問梵利纔興，十方有分。學人

還有分也。無師云：誰敢道無。僧曰：學人今日有賴。師云：登門如掛搭，入室許燒香。僧曰：功不浪施。師云：事不厭細。上堂云：護國門下豹變英靈，握驪頤之明珠。秉金剛之寶劍，九旬禁足，三月安居。外息諸緣，內弘高見。所謂十方同聚會，箇箇學無爲。此是選佛場，心空及第歸。敢問諸仁者：未審緣何道理，便乃心空及第歸。還有人道得麼。良久云：化龍三級浪，震地一聲雷。

建州景福院惟潔禪師，師於紹聖丁丑正月二十七日，請諸寺長老僧衆，遂上堂。有翠微長老問：四山相逼，和尚從什麼處去。師云：渠儂得自由。微云：竹密不妨流水過，山高豈礙白雲飛。師云：創利衲僧微云：畢竟事作麼生。師良久微便喝。師云：臨行之際，休更切切。復云：惟潔衲住當山首尾三年，若論住持，都無所補。其間好惡口議紛紛，是亦何是，非亦何非。四十二年一場妄想。近日已來，風火相違，四大分散。大丈夫漢，有何顧惜，要行便行，伏惟珍重。言畢而逝。

南康軍兜率院志恩禪師，上堂云：落落魄魄，居村居

郭莽莽。幽幽。何。何。古。不。重。已。靈。休。話。佛。祖。扭。定。釋。
迦。鼻。孔。揭。却。觀。音。耳。朶。任。他。雪。嶺。輓。毬。休。管。禾。山。打。
鼓。若。是。本。色。納。僧。終。不。守。株。待。兔。參。

福州興福院康源禪師問如何是學人底事。師云。自
家。驗。取。問。久。資。勿。絃。琴。請。師。彈。一。曲。師。拍。一。下。僧。曰。
還。許。學。人。和。也。無。師。云。不。是。知。音。者。徒。勞。話。歲。寒。師。
云。山。僧。有。一。訣。尋。常。不。漏。泄。今。日。不。要。藏。分。明。爲。君。
說。良。久。云。寒。時。寒。熱。時。熱。

泉州崇福德微禪師問如何是新年頭佛法。師云。元
正。啓。祚。萬。物。咸。新。僧。曰。謝。指。示。師。云。老。僧。失。利。上。堂。
云。煙。飛。澹。澹。柳。色。依。依。莫。將。庭。柏。作。眞。機。若。問。靈。雲。
不。疑。事。桃。花。滿。樹。正。芳。菲。

泉州開元寺眞覺大師諱志添。姓陳氏。本州人也。幼
住庵巖。依師圓具。徧參祖席。尋訪東林總禪師之堂。
一。日。室。中。示。吹。布。毛。因。緣。師。於。言。下。豁。然。開。悟。乃。呈。
頌。曰。老。師。曾。把。布。毛。吹。舉。處。分。明。第。一。機。欲。識。箇。中。
端。的。趣。嶺。頭。遙。指。白。雲。飛。至。元。祐。初。游。於。京。師。徐。
國。大。王。未。契。禪。宗。聞。師。道。風。一。日。遣。使。召。師。入。宮。小。

參。示。衆。云。毗。盧。遮。那。實。性。與。汝。等。諸。人。本。性。無。別。從。
曠。劫。來。輪。轉。法。界。於。受。生。中。無。本。無。末。無。去。無。來。無。
性。無。相。無。古。無。今。纖。塵。不。立。毫。髮。難。存。無。正。法。而。可。
分。何。像。末。之。爲。間。故。知。法。界。衆。生。無。成。無。壞。等。性。本。
源。是。佛。然。雖。如。是。若。據。納。僧。門。下。天。地。懸。殊。何。也。既。
有。生。而。有。滅。復。有。去。而。有。來。正。像。末。法。既。無。差。性。相。
照。然。而。可。觀。於。其。中。間。無。有。成。佛。無。不。成。佛。於。般。若。
藏。無。所。間。然。直。饒。三。世。諸。佛。六。大。祖。師。天。下。老。和。尙。
神。通。過。於。鷲。子。辯。智。勝。於。滿。慈。到。這。裏。也。須。結。舌。亡。
鋒。良。久。云。國。令。已。傳。清。宇。宙。人。人。各。賀。太。平。年。王。
續。問。如。何。是。佛。法。底。事。師。云。見。性。卽。是。王。曰。如。何。得。
見。性。去。師。云。不。離。十。二。時。中。行。住。坐。臥。皆。是。古。佛。道。
場。王。遂。悟。玄。旨。密。契。宗。風。卽。命。四。禪。入。宮。陞。座。復。
求。印。可。飯。千。僧。閱。大。藏。以。爲。慶。讚。及。奏。太。皇。賜。
磨。納。袈。裟。時。遇。今。上。皇。帝。御。寶。題。金。鎖。條。綱。云。賜。
眞。覺。道。者。當。來。同。成。佛。果。復。奏。佛。印。禪。號。堅。辭。不。
受。諸。宮。屢。賜。紫。衣。四。十。餘。道。迴。奏。諸。方。禪。律。神。宗。
皇。帝。上。仙。於。福。寧。殿。賜。眞。覺。大。師。

卷第十九

建中靖國續燈錄卷第二十

〔末銘〕

東京法雲禪寺住持傳法佛國禪師臣惟白集

對幾門

南嶽懷讓禪師第十四世

舒州海會守端禪師法嗣

潭州雲蓋山智本禪師姓郭氏筠州人也依本州慈雲院受具。即慕參遊。造海會端禪師法席。投機開悟。衆所推仰。初往舒州龍門。極密曾公請住南嶽法輪高臺道林。晚遷雲蓋開堂。日陞座。顧視云。會麼。南嶽山高。瀟湘水綠。千仞壁立。萬派朝宗。久參先德。相共證明。後進初機。有疑請問。問香烟馥郁。大眾臨筵。爲國開堂。如何。舉唱師云。片雲生嶽頂。僧曰。天上。有星皆拱北。人間無水不朝東。師云。孤月舊團圓。僧曰。祝延。聖筭蒙師指。向上宗乘事。若何。師拍禪牀一下。僧曰。逢人分明舉。似師云。早見。錯舉。問諸佛出世。天雨四花。和尚出世。有何祥瑞。師云。千聞不如一見。僧曰。見後如何。師云。瞎問。如何是佛。師云。釋迦彌勒。僧曰。便恁麼會時如何。師云。腦後擎拳。問如何是祖師。

西來意。師云。琉璃餅子。僧擬議。師便喝。問庭前栢樹人知有。先師無語意。如何。師云。眞鍮不換金。問異類擬生。全是兆機鋒。兼帶意。如何。師云。脫却襌衫。提席帽相逢。不說那邊來。問如何是清淨法身。師云。家無小使。不成君子。問目瞪口呿。如何話會。師云。傍觀者是。學人出身。這師云。雪峯元是嶺南人。問素面相呈時。如何。師云。一場醜拙。問起坐相隨。爲什麼不識。師云。相逢雖語笑。背后却無端。問如何是和尙家風。師云。薄刺明月。僧曰。祇遮箇別有在。師云。細切清風。問人人盡有一面古鏡。如何是學人古鏡。師云。打破來向箇道。僧曰。打破了也。師云。胡地冬生。筭問如何是。敝人師子。師云。五老峰前。僧曰。遮箇豈會。敝人師云。今日拾得性命。問古人道。說取行不得底。行取說不得底。未審行不得底。作麼生。說師云。口在脚下。僧曰。說不得底。作麼生。行師云。踏著舌頭。問如何是祖師西來意。師云。一隊衲僧。來一隊衲僧。去問知師久。蘊囊中寶。今日當場略看。師云。這來恰被人借去。問

王道與佛道相去多少。師云和尚褊衫闊措大白欄寬。

上堂云去者鼻孔。遶天來。腳踏實地。且道祖師意向什麼處。蒼良久云。長恨春歸無處覓。不知流入此中來。上堂云。後詞一訣。對面直說。若到諸方。不得漏泄。稍若商量。金剛腦裂。遂拍一下。上堂云。高臺巴鼻。開口便是。若也便是。有甚巴鼻。月冷風高。水清山翠。上堂云。以楔出楔。有甚休歇。欲得休歇。以楔出楔。喝一喝。上堂高聲喚侍者。侍者喏。師云。大眾集也未。侍者曰。大眾已集。師云。那一箇爲什麼不來赴參。侍者無語。師云。到卽不點。上堂云。滿口道不出。句句甚分明。滿目覷不見。山山疊亂青。鼓聲猶不會。何況是鐘鳴。喝一喝。上堂云。祖翁卓卓。竿竿兒孫。齷齪觀觀。有處藏頭沒處露角。借問禪僧如何摸。搽上堂云。雞作雞鳴。犬作犬吠。不用教招。自然如是。是本分禪僧。却不管地上堂云。眼若朱紅面如潑墨。婆婆娑娑。願願索索。一口敲破鐵饅頭。馨香直到新羅國。上堂橫安拄杖云。牙如刀劍。面如鐵眼。放電光。光不歇。手把蒺

藜一萬斤。等閑敲著天邊月。卓一下。

新州五祖演禪師問。攜笻頽衆。祖令當行。坐斷要津。師意如何。師云。西風吹渭水。落葉滿長安。僧曰。四面無門。山嶽秀。今朝且得主人歸。師云。路頭在什麼處。僧曰。對面踉却。師云。且喜到來。問祖意教意。是同是別。師云。人貧智短。馬瘦毛長。問如何是白雲爲人親切處。師云。裂鼻孔。僧曰。便恁麼去。時如何。師云。不知痛痒。問。透磨面壁意旨如何。師云。計校未成。僧曰。二祖立雪時如何。師云。將錯就錯。僧曰。祇如斷臂安心。又作麼生。師云。楊帝開汴河。問如何是道。師云。始平郡。僧曰。如何是道中人。師云。赤心爲主。僧云。未審道與道中人相去多少。師云。名傳天下。問如何是極則。事師云。何須特地問。百尺竿頭。如何進步。師云。快走始得。問如何是臨濟下事。師云。五逆聞雷。僧曰。如何是雲門下事。師云。紅旗閃爍。僧曰。如何是曹洞下事。師云。馳書不到家。僧云。如何是爲仰下事。師云。斷碑橫古路。僧禮拜。師云。何不問法眼。下事。僧曰。留與和尚。師云。巡入犯夜。問如何是白雲一滴水。師云。

打碓打磨僧曰。飲者如何。師云。無著麪處。問天下人。舌頭盡被白雲坐斷。白雲舌頭。甚麼人坐斷。師云。東村王大翁。問盡力撥不轉時。如何。師云。特石僧曰。一撥便轉時。如何。師云。鑿鑽。

師乃云。邇來思量得一則。因緣而今早忘了。也却是拄杖記得。乃拈拄杖云。拄杖子也忘了。遂卓一下云。同坑無異土咄。

上堂云。幸然無一事。行脚婆參禪。却被禪相惱不透。祖師闢如何。是祖師闢把火入牛欄。上堂云。怎麼怎麼。蝦跳不出不恁麼。不恁麼弄巧成拙。軟似鐵硬似泥。金剛眼睛。十二兩衲僧手裡。稱頭低有價。數勿商量。無鼻孔底。將什麼聞香。上堂云。難難。幾何般易易。沒巴鼻。好好催人老默默。從此得過遮。四重關。泗州人見大聖。上堂云。若要七縱八橫。見老和尚打鼓。陸堂七十三。八十。將拄杖。藉口便築。然雖如是。拈却門前上馬臺。剪却五色索。方始得安樂。上堂云。有一則奇特。因緣。舉似諸人。欲說又被說礙。不說又被不說礙。欲舉山河大地。又被山河大地礙。從教頭上且

安頭。真金不博鎗丈夫意。如此快樂百無憂。

潞州瑯琊山開化寺永起禪師。襄陽人也。嘗嶺巽化禪院受業。參白雲端禪師。以出世住持二十年。都尉張侯敦禮。奏以棋服。問口欲談而詞喪。心欲緣而慮忘。去此二途。請師速道。師云。一片白雲無盡處。被風吹去。又吹來。僧曰。此猶是學人問處。師云。偏問處作麼。生道。僧曰。棒頭有眼。明知日要識真金。火裡看師云。山僧罪過。僧曰。知即得。師拈掌一下云。也不得放過。問淺聞深。悟不捨一法。深聞不悟。不受一塵。上是法堂下。是堵作麼。生是迷。迷達磨師云。終日相見。何消如此。僧曰。迷達磨蒙師指迷。悟雙忘事。若何。師云。喚作露柱。僧曰。前頭底如金似玉。后頭底轉見光輝。師云。今日不著。便問年窮年盡。烹露地白牛。寸刃未施。請拈出完全底。頭角師良久。僧曰。凡聖難測。誰喚作牛。師云。錯。僧以手點云。雪落在什麼處。師云。翳自不知。僧曰。敢道諸方不到。師云。少賣弄。問千手大悲。提不起。無言童子暗嗟吁。既是千手大悲。為什麼却提不起。師云。白雲無縫罅。僧曰。仰之彌高。鑽之彌

堅師云。頭頭顯露。僧曰。爲復神通妙用。爲復法爾如然。師云。放過一著。問。菴內人爲什麼不見庵外事。師云。東家點燈。西家暗坐。僧曰。如何是庵內事。師云。眼在什麼處。僧曰。三門頭合掌。師云。有甚交涉。師乃云。五更殘月。落天曉。白雲飛。分明目前事。不是目前機。既是目前事。爲什麼不是目前機。良久云。此去西天路。迢迢十萬餘。上堂良久。拈掌一下云。阿呵呵。阿呵呵。還會麼。法法本來法。遂拈拄杖云。遮箇是山僧拄杖。那箇是本來法。還定當得麼。卓一下。

英州大溶山保福殊禪師。開堂日上首白。禪罷師顧視大眾云。會麼。皆也不會。第二杓惡水潑去也。時有僧問。萬緣俱蕩盡。一衲任逍遙。時如何。師云。嗅。嗅。嗅。古木僧曰。學人不曾。師云。寒霧鎖幽林。問如何是佛法大意。師云。清溪三日一回虛。僧曰。未審其中事。若何。師云。東頭買貴。西頭賣賤。僧曰。還當也無。師云。看物酬價。問諸佛未出世時如何。師云。山河大地。僧曰。出世後如何。師云。大地山河。僧曰。與麼則一般也。師云。敲鉢打瓦。問如何是祖師西來意。師云。一徑杉松。

滿面風。僧曰。如何曉了。師云。白楊青草雨。蒙蒙問如何是無心道人。師云。林下高眠。春秋不記。僧曰。若然者。更無蹤跡。到人間。師云。蓬茅多長雨。松竹不凋霜。問如何是和尙家風。師云。碗大碗小。僧曰。客來將何祇待。師云。一杓兩杓。僧曰。未飽者作麼。生師云。少喫。問如何是大道。師云。鬧市裡。僧云。如何是道中人。師云。一任人看。問如何是衲僧氣息。師云。熏天炙地。問如何是佛師。云。巧畫不似僧。曰。如何是法師。云。巧說不出僧。曰。如何是僧師。云。鬚頭跣足。問言語道斷時如何。師云。舌落三分。僧曰。心行處滅。時如何。師云。肚高三尺。問。孤峯獨宿時如何。師云。林下長伸兩脚。眠問如何是禪師。云。秋風臨古渡。落日不堪聞。僧曰。不問遮箇禪師。云。爾問那箇禪僧。曰。祖師禪師。云。南華塔外松陰裡。飲露吟風又更多。問如何是大道之源。師云。一路入烟草。僧曰。如何得達去。師云。千山啼子規。問。不落言詮。不落意想。閉却唇吻。請師分付。師云。拄杖不在手。僧曰。一片孤雲點太清。師云。重疊關山路。問。西風悽悽。師意如何。師云。草枯唯長菊。木

落祇留松僧曰四時心不變也師云看看又是一陽生僧曰畢竟如何師云天長地久問祖意教意是同是別師云巢知風穴知雨僧曰恁麼則同也師云食宿巢孤守塚問如何是真正路師云出門看埃子師乃云釋迦何處滅俱尸彌勒幾曾在兜率西覓普賢好慚惶北討文殊生受屈坐壓毗盧額汗流行築觀音鼻血出回頭摸著箇匾擔却道好箇木牙笏遂喝一喝

上堂云烏雞帶雪當人未決黑牛臥水是誰知委是誰知委師婆祭鬼當人未決鼻孔著楔相逢休更問如何措大襴衫千百結上堂云百草頭上薦得鈍致群芳鬧市裡識來羞慚衆面離名離相體體瘡疣無事無爲周身桎梏便脫灑去笑殺他人不與麼來孤負自己行脚本分請道將來良久云失錢遭罪擊禪牀一下上堂云杲日麗天形影相雜清風照膽朕兆交萌且道透脫一路作麼生良久云龜毛莫擬將爲拂恐動泓浪裡塵

金陵保寧仁勇禪師法嗣

鄧州月堂山壽聖智淵禪師開立雪般勤事已彰少林衣鉢付神光那時得底真消息今日如何爲舉揚師云鐵牛吼處須彌轉木馬嘶時地軸搖僧曰恁麼則古蘭臺畔揚宗旨白雪樓前萬姓歌師云相識滿天下知心有幾人問祖意西來卽不問如何是一色師云目前無闊梨此間無老僧僧曰既不如是如何曉會師云領取鉤頭意莫認定盤星問如何是月掌山師云手中擎月僧曰如何是月掌山中人師云背上負海僧曰敗闕了也師便喝問承聞和尚爲保寧燒香是否師云昨朝餽飽今日酸賺僧曰某甲不問遮箇師云無底鉢盂吞却了一生飽足永忘飢僧曰泊不問過師云今日失利師乃云凡有問答一似擊石迸火流出無盡法財三草二木普霑其潤放行也雲生谷口霧罩長空把定也碧眼胡僧亦頂罔措壽聖如新舉唱猶是化門安且未有衲僧巴鼻敢問諸人作麼生是衲僧巴鼻良久云布針開兩眼君向那頭看

湖州烏墩壽聖楚文禪師問新斲一張琴不是凡間

木匠人捧上來請師彈一曲師云無遮閑功夫僧曰空生不解巖中坐引得天花滿座前師云也知行履不易僧曰心不負人面無慚色師云莫相說致師乃云巍巍堂堂有紀有綱烜烜赫赫自明自白濟濟鏘鏘唯忠唯良慷慨慨能梗能槩如斯之者可重可貴可愛可惜莽莽鹵鹵無規無矩冒冒草草非理非道郎郎當當不隱不藏顚顚預預無識無端如斯之者遠之又遠不足可觀然雖如是也未免事屬兩宜且道如何得無彼此良久云大衆甜瓜徹蒂甜苦瓜徹蒂苦上堂拈拄杖云華藏木柳標等閑亂拈出不是不惜手山家無固必點山山動搖攪水水波溢忽然把定時事事執法律要橫不得橫要屈不得屈焉召大衆云莫謂棒頭有眼明如日上面光生盡是漆隨聲敲一下上堂云有一人滿口道不得滿眼覷不見滿耳聽不聞此人堪與祖佛爲師有一人口瘡能言眼盲能視耳聾能聽此人却與人天爲師有一人辨瀉懸河眼明掣電耳聽幽微此人自救不了大衆山僧與諸人一一注破可謂露骨傷筋且道不動毫

毛一句作麼生道乃云好彩上堂云一杖一割著骨連皮一搨一擡黏手綬脚電光石火頭垂尾垂劈箭追風半生半死撞著磕著討甚眉毛明暗暗頭是何眼目總不恁麼正在半途設使全機未至涯岸直饒淨裸裸赤灑灑勿可把尙有廉纖山僧恁麼道且道口好作什麼良久云嘻留取喫針

信州靈鷲山寶積宗映禪師問提綱舉要還他本分宗師不涉離微請師速道師云五袴歌中撻法鼓百花城外發清音僧曰恁麼則龍吟虎嘯尋常事願信壺中別有天師云未更道看僧曰漏泄機關人未識江南地暖隴西寒師云半生半熟問靈然一句超今古朝旆光臨事若何師云千里漁樵歌道泰萬家風月照樓臺僧曰若然者搞藻玉堂歸未晚百花開赴御筵時師云國清才子貴師橫按拄杖云大衆到遮裡無親無疎自然不孤無內無外縱橫自在在不孤清淨毗盧釋迦畢令彌勒分疎覷根返教更相回互看取承天拄杖子黑漆光生兩頭相副阿呵呵是何言歟良久云世事但將公道斷人心難與月輪

齊卓一下

越州寶嚴道倫禪師問如何是佛師云。臂題萬字。頂放珠光。僧曰。如何是法師。云。玉軸寶函。金書銀字。僧曰。如何是僧。師云。方袍圓頂。鶴貌雲心。僧曰。請師別道。師云。詞多無後。益語亂足。悲生。

洪州景福日餘禪師問如何是祖師。西來意。師云。九年面壁。無人會。隻履西歸。天下聞。僧曰。學人未曉。師云。要會普通年。遠事不從。葱嶺帶將來。問如何是道。師云。天共白雲。曉水和明月。流僧曰。如何是道中人。師云。先行不到末。後太過。僧出衆。畫一圓相。師以手畫一畫。僧作舞。歸衆。師云。家有白澤之圖。必無如是妖恠。師拈拄杖云。無量諸佛。向此轉大法輪。今古祖師。向此演大法義。若信得及。法法本自圓成。念念悉皆具足。若未信得及。山僧今日。因行不妨掉臂。更爲重說偈言卓一下。

湖州上方日益禪師開堂。日上首白龜罷。師云。白龜前觀一。又不成。白龜後觀二。又不是。到遮裡。任是鐵眼銅睛。也須百雜碎。莫有不避危亡底衲僧。試出來。

看時有兩僧齊出。師云。一箭落雙。鷄僧曰。某甲話猶未問。何得著忙。師云。莫是新羅僧麼。僧擬議。師云。撞露柱。漢便打。問瞎驢。滅却法眼。藏意旨。如何。師云。土廣人稀。相逢者少。僧曰。祇如今日。又作麼生。師云。捏轉鼻孔。問如何是臨濟家風。師云。電光裡走馬。僧曰。如何是雲門家風。師云。爛泥中有刺。僧曰。和尚畢竟是誰家之子。師云。一任鑽龜打瓦。問神光得隨意。旨如何。師云。徹皮徹骨。僧曰。恁麼則龍門無宿客。師云。不許夜行。問如何是未出世邊事。師云。井底蝦蟆吞却月。僧曰。如何是出世邊事。師云。鷺鷥踏折枯蘆枝。僧曰。去此二途。如何是和尙爲人處。師云。十成好箇金剛鑽。攤向街頭賣。與誰問道。吾既不道。和尚爲什麼却道。師云。有口不可啞。却問如何是多年水牯牛。師云。箇疎眼暗。問如何是露地白牛。師云。雪堆上看取。問盡力跳不出。時如何。師云。愁人莫向愁人說。僧曰。早知今日事。悔不愼當初。師云。說向愁人。愁殺人。問開市相逢。若何。師云。東行買賤。西行賣貴。僧曰。忽若不作貴。不作賤。又作麼生。師云。鎮州蘿蔔。問少林。

面壁意旨如何師云無人得相見僧曰爲復是遇賤
卽貴遇明卽暗師云惜取當門窗問毗耶杜口意旨
如何師云有理說不得問丹霞燒木佛意旨如何師
云物出急家僧曰爲什麼院主眉鬚落師云傍
觀者醜問一切含靈俱有佛性既有佛性爲什麼却
撞入驢胎馬腹師云知而故犯僧曰未審向什麼處
懺悔師打云且作死馬醫問覲面呈時如何師云
左眼半斤右眼八兩僧提起坐具云遮箇僧師云不
勞拈出師左右顧視云黃面老周行七步脚跟下正
好一錐碧眼胡兀坐九年頂門上可惜一剗當時若
有箇爲衆竭力底衲僧下得遮毒手也免得拈花微
笑空破面顏立雪齊腰翻成轍迹自此將錯就錯相
樓打樓遂有五葉芬芳千燈續燄向曲頰木裡唱二
作三於柳標杖頭指南爲北直得進前退後有問法
問心之徒倚門傍牆有覓佛覓祖底漢庭前指柏便
喚作祖意西來日裡看山更錯認學人自己殊不知
此一大事本自靈明盡未來際未嘗間斷不假修證
豈在思惟雖驚子有所不知非滿慈之所能辨不見

馬祖一喝百丈三日耳聾寶壽令行鎮州一城眼睛
大機大用如迅雷不可停一喝一提似斷崖不可履
正當恁麼時三世諸佛祇可傍觀六代祖師證明有
分大衆且道今日還有證明底麼良久云割

上堂云向黃蘗山前將下破撲頭鳳凰臺下卸却膩
脂帽將謂赤灑灑地於五湖四海作箇閑人飄然如
不繫之舟豈知被一陣業風吹到白蘋洲上進退無
門而今也不免向仙潭溪裡作箇把梢底去也若是
從南來者與伊下載若是從北來者與伊上載上載
下載猶是中流語且道到岸一句作麼生道若道不
得便請洗脚上船擲拄杖便起

上堂云拾得般柴寒山燒火雖有豐干巖中獨坐且
道豐干有什麼長處良久云家無小使不成君子

洪州黃龍山祖心寶覺禪師法嗣

洪州黃龍如曉禪師問有客遠方來示我徑寸璧如
何是徑寸璧師云千峯排翠色僧曰便恁恁時如何
師云萬卉長威稜問如何是黃龍境師云山連幕阜
秀水瀉洞庭清僧曰如何是境中人師云形容雖醜

陋。語更成章。語默涉離微。如何得不犯師云。山花開似錦。湖水湛如藍。僧曰。謝答。師云。向道莫行山下路。分明祇在路傍生。師乃云。煙雲綻處。樓殿撐天水。月松蘿交光。相映人和境。照柳眼。乍青。佛法人事無欠無少。雖然。如是不落時機。一句作麼生道。良久云。少林雖面壁。年老也心孤。上堂云。白雲風卷宇宙豁。清月印長天。形分衆水。若恁麼散去。便道山僧無折合。更或謂風詠月。又成起浪生風。正當恁麼如何。卽是。良久云。幽鳥不嫌山勢闊。魚龍爭厭碧潭深。洪州雙嶺化禪師。問急相投時。如何。師云。渴鹿趁陽燄。僧曰。恁麼則知時別宜也。師云。剎利人難得問。如何是道。師云。掘地深埋。僧曰。如何是道中人。師云。銅頭鐵額。僧曰。如何是向上事。師云。老僧舌頭短。問佛未出世時。如何。師云。雲散家家月。僧曰。出世後如何。師云。春至百花開。僧曰。未審卽今在什麼處。師使喝上堂云。翠竹黃花。并外境。白雲明月。露全身。頭頭盡是吾家物。信手拈來不是塵。遂舉拂子云。會麼。認著依前。還不是。擊禪床一下。上堂云。聞聲悟道。見色

明心。文殊普賢在鐘鼓裡。藏身釋迦彌勒。向百草頭上顯現。塞却諸人見聞覺知。向聲色外道將一句來。良久云。擬議思量。白雲萬里。

泗州龜山水陸禪院曉津禪師。問如何是賓中賓。師云。巢父飲牛。僧曰。如何是賓中主。師云。許由洗耳。僧曰。如何是主中賓。師便喝。僧曰。如何是主中主。師云。禮拜了退。

韶州雲門寶宣禪師。問雲門一曲不屬宮商。請師舉唱。師云。聽者須是其人。僧曰。恁麼則流通去也。師云。三十棒。驢爲一百五十師。乃云。陳兆未生。風恬浪靜。陳兆纔舉。文彩互陳。且道互陳底事。諸人還知落處也。無良久云。世有知音者。方當話歲寒。

澧州夾山靈泉院曉純禪師。遊方聽習經論。后至黃龍。因點燈看經。次舉洞山。麻三斤。因緣大悟。心禪師云。傳吾道者甚衆。要如純者鮮矣。出世先住洪州延恩。鄂州黃龍。澧州洛浦。次至夾山。師將木刻作一象。師子頭。牛足。馬身。每有僧至。遂指問云。喚作師子。卽是馬身。喚作馬。卽是牛足。且道畢竟喚作什麼。又

常示衆云有箇漢子病病后死死后腫脹爛壞蛆出扛去燒成灰毀却灰成空一靈性各別處受生佛說本自不生今亦不滅備作麼生會

鄂州黃龍延禧智融禪師問爲國開堂於此日師將何法報君恩師云煙雲生宇宙瑞氣滿乾坤僧曰君恩且如是祖意又如何師云六六三十六問停舟辨水通滄海不挂孤帆事若何師云南海波斯入大唐僧曰怎麼則出沒舒與師同用也師云有人別賣好商量僧曰爭奈東行不見西行利師云或時遇賤或時遇貴僧曰手執夜明符背負須彌去師喝云脫空謾語漢師云幻人說幻法幻法生山僧幻說法諸人幻來聽且道幻從何來法從何起良久云一句坐中得片心天外來

杭州顯明道昌禪師問師唱誰家曲宗風嗣阿誰師云錦袋盛簫管誰人辨正音僧曰龍峯嫡子黃蘗兒孫師云師子數人問如何是祖師西來意師云人離鄉賤物離鄉貴僧曰莫便是西來意也無師云天台南嶽僧曰將謂少林消息斷誰知今日宛然存師云

道聽途說

漳州淨衆本權禪師問萬葉同霑物外春時如何師云許闍梨具眼問寶座既登於此日宗風演唱嗣何人師云大陽正照萬物含輝僧曰若然者星郎不謾朝車至滿筵黑白盡霑恩師云風行草偃雲散月明問道無橫徑立者皆危如何是道師云海底烏龜深山大蟲僧曰莫祇遮便是麼師云見錢買賣不曾賒師云新年頭新長老說新禪新鮮言句動春喧百卉萌芽花吐蕊新鶯初轉弄吟聲頭頭泄漏真如理句句分明摩竭令諸神德且作麼生是摩竭令良久云東君已報陽春信萬物含輝謝太平

潭州南嶽雙峯景齊禪師上堂拈拄杖示衆云橫拈倒用諸方虎步龍行打狗撐門雙峯掉在無事甲裡因風吹火別是一家以拄杖靠肩顧視大衆云喚作無事得麼良久云刀尺高懸著眼看誌公不是閑和尚卓拄杖一下上堂云止動歸止止更彌動雲門一棒打殺悉達太子不是好心臨濟再思黃蘗蒿枝真箇箇箇物強大衆古人關捩今人話端前車既翻後

車改轍乃舉起拳頭云諸人不見雙峯罪過別有商量如或悄然雙峯隱身無路

杭州慈雲道清禪師示衆云箭鋒相拄底應機乃絲髮無差邊萬人語不相諳如何辨他子細又云格外明機底問南則以北爲訓飢餒人急切相投未審將何賑濟又云妙用縱橫底臨機辯若懸河毗耶城彼上人來未審若爲訓對又云寒灰枯木底到遮裡無言家中給侍之人日用如何指授

洪州景德惠英禪師上堂良久忽擲拄杖喝云大衆是什麼錦鱗赤尾尋常事莫把金鈎度與人

洪州翠巖廣化悟新禪師問如何是心師云半夜不須敲玉戶僧曰如何是法師云天明鳳子笑含華師云清珠下於濁水濁水不得不清念佛投於亂心亂心不得不佛佛既不亂濁水自清濁水既清功歸何所良久云幾度黑風翻大海未曾聞道釣舟傾

廣州集福寶嚴禪師問師唱誰家曲宗風嗣阿誰師云今日不答話僧曰爲甚麼不答師云知時別宜僧曰學人未曉師云華嶽三峯頭指天問言詮不到請

師垂示師云不從人得僧曰未審從何而得師云試道看僧擬開口師便打一拂子問從源性無二方便有多門如何是歸源底道理師云天台普請南嶽遊山僧曰還有向上事也無師云有僧曰如何則是師云拄杖子

舒州太平興國惟清禪師問靈山一會迦葉親聞今日一會學人聞不師云未是與麼人僧曰漏泄不少師云偏見箇什麼僧便喝師云不信道問雷音既震法雨願傾師云孰非霑足僧曰幾年獨滯朝宗勢今日方騰出谷聲師云何勢特地乃云知識不知智到處唯已自知因緣和合時與人共用所以把住則當機絕迹千聖難窺放行則應物現形四生可辨且道卽今把住好放行好良久云要知萬派流無盡全在靈源一脉深

鄂州黃龍延禧禪院智明禪師饒陽人也棄儒從釋經試華嚴衣披方褐具戒參遊造心禪師文室香烟起處豁然契悟淘汰古今密淵淵奧提刑胡公師文爲方外交翰林學士張公商英入請師出世尙書豐公

稷爲語錄序。灌溪寂照黃龍三利提唱宗風爲世所仰。問世尊出世。魔界傾摧。和尚開堂有何祥瑞。師云。一夜落華雨。滿城流水香。問大庾嶺頭爲什麼提不起。師云。臨崖看虎眼。特地一場愁。僧曰。恁麼則悔不愼當初也。師云。是什麼面目。居士胡公巡按過荊南之公安。問二聖寺僧云。梁武帝問達磨如何是聖諦第一義。磨云。廓然無聖。今日公安因甚却有二聖僧。無對後舉。似師云。一點黑水。兩處成龍。上堂云。向上一路。衲僧罔措。求玄。耶。耶。學步上堂。衆纔集。師云。不可更開眼說夢去也。便下座上堂云。南山一訣。斬釘截鐵。切忌商量。翻成途轍。

建中靖國續燈錄卷第二十

建中靖國續燈錄卷第二十一 〔宋鑄〕

東京法雲禪寺住持傳法佛國禪師臣惟白集

對機門

南岳懷讓禪師第十四世

雲居山元祐禪師法嗣

東京大相國寺智海禪院佛印禪師諱智清姓葉氏。泉州同安人也。賦性明敏。博學典雅。年未及冠。依鹿苑寺慧儒上人出家。一侍巾幘。五載圓具。夙機啓發。徧參知識。祐師一見。深印可之。初住五祖。名動四方。朝野欽聞。奉詔住持。哲宗皇帝百日入內。特賜佛印禪號。師於建中靖國元年二月十七日。大行皇太后五七奉聖旨就慈德殿陞座。師拈香云。此一瓣香奉爲大行皇太后。燕向金爐。大興佛事。伏願香雲芬馥。導塗山之仗。而來入道場。法雨清涼。沃文母之心。而頓登佛地。乃歛衣陞座云。古佛堂前。隨時施設。慈德殿上。今日舉揚諸人。且道是同是別。還有道得底麼。試出來道看。問。萬派殊途。同歸巨海。無邊妙德。咸出此宗。未審如何。是此宗師云。傳

來佛佛垂洪範。悟去心心徹。太虛僧曰。憑師一味清涼。雨四海爲霖。報國恩。師云。只消一滴。曹溪水洗盡群生。萬古塵。僧曰。堯風舜日。增祥瑞。樵唱漁歌。賀太平。師云。一言該至化。千聖自同歸。僧曰。若不登樓爭知海闊。便禮拜。師云。更須前進。問曹源。問大智海中。必有鎮海明珠。今日當場請師拈出。師展兩手云。看看。僧曰。昔日仰山今朝和尚。師云。罔象到時光燦爛。禽婁行處浪滔天。僧曰。與麼則釋迦頂上天然別龍女。持來更不殊。師云。團團透徹三千皎皎。含容萬有。僧曰。太后承恩超淨土。我皇聖壽萬年春。師云。唯此甚分明。曾無有移動。問佛地三千金世界。仙家十二玉樓臺。未審摩耶夫人。卽今在什麼處。師云。妙體本來無處所。通身何更有蹤由。僧曰。與麼則紫金蓮捧千輪足。白玉毫迎萬德身。師云。須知佛國三千界。祇在吾皇一化中。僧曰。祇如吾皇化內。還許學人露箇消息也。無師云。皇天不礙閑雲點。杲日何妨燭火光。僧曰。九衢百萬人煙裏。祇見燒香賀太平。師云。一氣無私。群生有賴。問法具隨身。逢場佛事不

施。三拜不唱一喏。置問得也。無師云。禮可與不可廢。僧曰。諸法寂滅相。不可以言宣。選佛場開。如何舉唱。師云。覺花綻處。千林秀。佛日圓時。萬像融。僧曰。金鷄啼子夜。獨狗吠天明。師云。偏道什麼人。知音僧合掌白。看師云。不妨惺惺。僧曰。力扶聖嗣。傳洪業。本望千秋慶。太平限盡難留。今五七請師說法悼仙靈。師云。始隨玉兔光中去。又逐金烏影裏來。僧曰。至理一言資素識。未知仙馭在何方。師云。王舍城中日。祇桓會上時。僧曰。水流元在海。月落不離天。師云。已是第二月。問華嚴教云。菩薩現身作國王。於世位中最無等。福德威光勝一切。普爲群萌興利益。且道當今皇帝是什麼菩薩。師云。蕩蕩莫能名。僧曰。大悲願力爲人主。日用佛心治萬民。師云。知恩始解報恩。問三乘十二分教。則不問如何。是聖諦第一義。師云。雲盡日月正風和。天地春。僧曰。與麼則功流萬世而長存。道通百劫而常固。師云。含容巨細。堯天闊。照燭高低。舜日長。僧曰。若然者。蕩蕩無爲元元自化。師云。威光振大千。巍巍主中主。僧曰。可謂梵天一會。

今日重新師云摩尼寶殿中千古無私照。僧曰千載一時謝師答話。師云謝子問話。

師云適來淨因禪師云最初說法者不知末後句末後說法者不知最初句。臣僧今當末後說法却奉爲大行太后演最初句。還知麼。靈源湛寂。物我皆如。佛性精真。聖凡同體。明妙彌綸。千古圓澄。廓徹十虛。本絕去來。何嘗生滅。祇爲昧之者。情存知解。見有我人。認十界爲家鄉。執一身爲自己。所以妄生憎愛。強起貪嗔。恣業識而造苦。因徇報緣而依輪轉。從此纏綿積劫。不知思返本之方。淪溺諸流。未省發還源之念。既背違真際。當困踏昏途。縱憶光明。莫能捨離。諸仁者如斯。喪誰可哀。憐還知麼。唯吾佛釋迦如來。爲此因緣。故出現。所以四十九年住世。度群生而轉根本。法輪變林樹下。真歸命高第而付毗盧密印。由是佛祖相承之後。古今授手而來。雖廣設方便化門。唯指此一心妙法。大矣哉。妙法也。非智慧辯才所能議。非神通修證所能爲。不可以有心。知不可以無心。得悟之祇消一言。洞達當處便脫死生。儻迷之縱爾。

歷位進修到底不離虛妄。祇如今日人天交接。幽顯普臨。皇風習習。以和春帝日遲遲。而育物萬乘正登於舜殿。六禪齊仰於堯天。奉爲大行太后建此法筵。須明指古佛妙心。要其開悟。乃舉起袈裟角云。遠見麼。三世如來在遮裏坐。寶蓮臺放光現瑞。諸大祖師盡在遮裏據師子座入定安禪。大行太后若於斯見得。則不離當處頓悟自己本心。不動道場坐登自己本地。便見生者滅者。未嘗有滅有生。卽此說人聽人。未嘗有聽有說。所以適來適去。宛爾全真。在昔在今。更無別體。以至朱樓玉殿。重重現清淨法身。金闕瑤池。處處露本來面目。縱有摩利神通三昧。無作而自成。河沙微妙法門。不行而自到。大行太后若如是了達。得始笑他娑竭龍少女。待往南方而成佛。未是作家。韋提希夫人願向西土而受生徒。爲妄想諸人且道。大行太后悟處如何。便得恁麼猛利。要會麼。唯佛與佛。同證同知。非彼常情所能測度。臣僧智清以此舉揚般若功德。無邊妙利。謹進莊嚴奉爲大行太后上資。仙馭恭惟。太后內政齊。

家厚德載物勤儉於中外明哲邁於古今方聖
政之惟新繁母儀而是託夫何閭閻浮報盡安養果成
拋慈德之故宮遊光嚴之淨土歎二輪迅速丁五
七斯臨聖心敬竭於孝誠佛事欽修於永日命諸
禪而陞座大敷闡於宗猷冀憑佛法之殊勳上薦
神仙之化路伏願大行太后諦聞般若解脫塵緣
深悟本心入佛知見更冀錫茲福祉佑宗社於靈
長使我國家躋民於仁壽臣道行無取名實全虛
今辰遭遇聖恩賜此舉揚祖令自惟蹇淺益負震
驚此蓋伏遇今上皇帝陛下神智淵深天慈溥博
嗣登寶位不變時雍潛通三寶之妙心密運萬機
之神政但是昆蟲草木悉沐恩波乃至蠻貊戎夷
咸歸德化實千載昌運乃一遇聖時臣傾茲方外
之誠効彼封人之祝恭願皇帝陛下南山比壽增
聖壽以無疆北海爲年資卜年而更遠金枝騰茂玉
葉彌芳覆育群生興隆正法皇太妃皇后
皇子伏願德合天地上扶君父之明壽等山河
下慰黎元之望伏念臣本山林槁木巖谷微僧忝領

智海禪徒奉事國家香火自量山野累受聖恩
斯日伏遇皇帝陛下撫念禪林特回天降令
臣等於慈德殿陞座舉揚般若禪門從此萬載光
輝念荷聖恩無以爲報臣不揆萬死敢陳佛法
數言願補陛下萬機一二所以道三界愛河浪闊
四生苦海波深要得解脫出離須是悟明佛法然而
佛法非由心外而得亦不從他傳全是陛下清淨
聖心本來佛性圓明洞徹日用全彰但一念相應則
無時不現昔西竺波羅提尊者常開示一國王佛性
云王若作用八處出現何謂八處在胎曰身處世曰
人在眼曰見在耳曰聞在鼻曰嗅在舌談論在手執
捉在足運奔遍現俱該沙界收攝在一微塵悟之者
謂之真如佛性迷之者謂之妄想精魂彼國王聞之
即時開悟今我皇帝陛下但自己回光即便同本
得所以曰應萬機而無非是陛下佛性三昧云爲
千變而無非是陛下佛性光明以至動容周旋見
聞覺知頭頭顯現一一圓明無不具足如昔仁宗
皇帝在宥四十餘年深窮禪理洞了淵源每萬機之

暇常召大覺禪師懷璉圓明禪師道隆於後苑陞堂交相問難唱和偈頌敷演宗乘流布迨今禪林敷則又元豐初年神宗皇帝爲求聖嗣乃革相藍律院分爲兩禪一曰惠林一曰智海召南方圓照禪師宗本正覺禪師本逸領徒住持開堂說法嘗從容召對問佛法宗猷而禪者聖心益深有悟達自祖師到中國而來亦未有如本朝崇重之盛遇仁宗皇帝

神宗皇帝皆肯迴聖心研機顧問建立禪林則知佛法至尊至貴至妙至神所以教云若在帝釋梵王帝釋梵王中尊而爲說法此法若在國王大臣國王大臣中尊而說此法若在皇后嬪妃皇后嬪妃中尊而說此法若在皇親太子皇親太子中尊而說此法若在內臣宰官內臣宰官中尊而說此法乃至在僧在俗在物在人悉皆等平而說此法佛法既有如是勝妙有如是尊嚴願陛下萬機之餘能留聖意一念開悟觸處現前方知本自圓成不從外得所謂一言了萬化堯舜誠無爲臣輒課山頌一章普告人天大眾使其知我皇帝陛下是現在諸佛以

大悲願力順天應人覆育蒼生護持佛法臣無任瞻天荷聖激切屏營之至頌曰佛有多身是處分人間天上化凡倫要知昔日靈山老現作中華聖末君臣舉揚荒鄙塵瀆天聰伏惟珍重

開堂日哲宗皇帝遣中使降香師謝恩畢登座拈香祝延聖壽罷乃敷坐法雲大通禪師白槌竟師左右顧視云乾坤廓落日月暉華四民子來群芳輻輳比比法門宏啓欲視之則眼病花浮重重心印炳彰擬執之則形枯臂斷諸人到此合作麼生觀還知麼除是超方上士不向眉上畫眉其如晚路初機且就水中洗水問名香天賜慈金爐爲瑞爲祥舉世無如是君恩恩最重師將何法贊皇圖師云日月光天德山河壯帝居僧曰恁麼則金枝長自秀玉乘承彌芳師云一句既流通群生皆稽首僧曰若然者堯風與祖風並扇舜日與佛日齊明師云寒山拈掌拾得謳謠問先帝首更禪苑今皇紹聖重扇宗風莫大之恩將何補報師云爐上檀煙起空中瑞氣浮僧曰恁麼則君恩師已報祖意又如何師

云長記在蓮岳多年看白雲僧曰今日得聞於未聞師云聞箇什麼僧曰九重城畔祥雲起五鳳樓前瑞氣生師云好箇真消息宜須子細看僧曰從此平分霄漢月冷然相照若圓圓師云瞻仰有分問帝業興隆睿潭潤無邊之境宗風普扇優曇開上國之春直截根源請師速語師云石渠清夢獄金殿冷吟霜僧云一言已祝南山壽八表無私賀太平師云祝壽一從曉曉太平底句又如何僧曰天上有星皆拱北人間無水不朝東師云思量塵世人幾箇知恩德僧曰若不上來焉知如是師云早回頭看師拈拂子召云大眾還見麼手中拂子層層爲諸人放百種寶光復擊禪牀云還聞麼坐下倪臺句句爲諸人演一乘了義諸人若向遮裏悟得則曠大劫來我人業識當體煙滅灰飛現前身世根境塵勞徹底冰融雪泮便是靈山正法眼藏昭溢日全影少室涅槃妙心晃晃通身獨露譬演若悟鑑中面目元來只是已頭猶力士獲額上圓珠到了不從他得如斯則無量神通三昧塵塵本爾圓成恒沙諸佛法門念

念一時具足諸仁者有能恁麼構去便謂立證無生不待僧祇卽登正覺如今要見無生麼良久云一氣不言含有象萬靈何處謝無私臣僧道無兼濟行不遠聞灰木身心分守塞巖之下鹿麋疎跡何堪輦轂之游遠承明詔下臨欲竊逃寧敢但念食國王之水乳佩至德難任受天地之生成荷大恩曷報故雲趨波涌而赴海從龍此蓋伏遇皇帝陛下以等妙覺心現爲人主揚佛祖正道丕紹先基故茲茲草之微芳叨被蓼蕭之寵渥臣敢不策勤香火警肅緇流力傳真寂之風仰贊無爲之化謹將茲辰開堂介善上祝皇帝陛下伏願德光堯舜道邁羲軒寶景運於萬年保瑞圖於百世風調雨順物阜民康臣請祝誠深言詮靡罄久立衆慈伏惟珍重廬山羅漢禪院系南禪師本汀州人俗姓張氏少依城下金泉寺出家誠性純淡志節高遠披緇受具徧歷叢林參道林祐禪師密契心地後歸廬山出世住持道譽遠播四方學者皆謂小南開堂日間師唱誰家曲宗風嗣阿誰師云後五日看僧曰恁麼則黃龍

兒孫羅漢嫡子師云錯下名言問世尊出世聖浦金蓮師今出世有何祥瑞師云鯨吞海水盡露出珊瑚枝僧曰昔日世尊今朝和尚師云氣衝牛斗問聲色不到病在見聞言詮不及遇在唇吻此一理二義請師直指師云一字不著盡僧曰古溪澄水迎新月舊嶺寒松再遇春師云二字不成雙僧曰半夜彩霞籠玉像天明峰頂五雲遮師云好箇真消息問師子兒衆隨後三年便能大哮吼未出林一句作麼生道師云頭破額裂僧曰出林後一句作麼生師云腦門著地僧曰不出入時如何師云進前退後僧曰且道落在什麼處師云大眾有眼

上堂云道應無私力不可敵如風行草偃似春至花開佛手不能遮人心寧可遇順之則物物光輝逆之則頭頭失色不逆不順任方任圓呼召隨聲高低自爾臨鏡而像彼此情忘現如幻神通成如幻正覺直得廬山萬疊共轉法輪翻水千尋同宣密義便與麼金雞啄破琉璃殿玉兔挨開碧海門擊禪牀一下上堂云畫角樓報曉春萬家齊買物咸新誰知庭

際青青栢便是當時問法人無身可身無歲可歲始終不變往復常存四時遷而不遷一氣動而非動百
年生死若浮雲十世古今如電影情超象外道契實
中不有絲毫虛空同壽但向見聞覺知識取本來面
目良久云玉兔沉西嶺金烏出海東

上堂云日輪離海月魄沉空騰輝古今盤礴西東不
覺紅顏客驪爲白頭翁靈然無改變只在語言中咄
設使大虎爛壞此喝長存若知落處一任橫行咄
上堂云不假一鎚成大寶太阿出匣冷光寒爲君截
斷羶羊角釘就虚空碧玉盤好拈掇更須看驪來覆
去黑漫漫擊禪牀一下

上堂云山堂今日已開爐點醬寒雲雪未鋪撥火任
若譚冷煖不知誰解喚司徒古聖求人向熱灰裏諸
佛行道在猛焰中便見剎剎塵塵皆同自己心心念
念盡合他宗便與麼會轉不相當何以故一句合頭
語萬劫繫驢橛

上堂云暗而忽明迸曦光於海上斷而復續奏天樂
於空中師曠聽之不聞離婁視之不見唯有無神通

菩薩拍拍相高。願得東風齊著力。一時吹入我門來。
擧禪床下座。

上堂云。天地爲爐。日月作鉗。鑪烹清風。兮成佛成。
祖鍊白雲。兮有法有。幾圓光頂佩。萬字智題。阿呵呵。
知不知。倒騎師子座。弄跳上須彌。

上堂云。一夏九十日。日日無差。一日十二時。時不
異。猶如黃金之黃。碧天之碧。其色其高。不變不壞。安

一名著一字。與吾靈覺何相似。便乃修習。空花萬行。

宴坐水月道場。降伏鏡裏魔軍。證得夢中佛果。今朝

法歲已圓。勘破了。良久云。移身搖太華。掬汗灑醍醐。

上堂云。物我兩如。是非一氣。雲無心而解。聽龍吟。充

天塞。地風無迹。而能聞虎嘯。拔木鳴條。道無根而善

應。諸緣分繇。列素忽然一念。合風雲不知誰是我。行

無所行。住本無住。大笑呵呵。希逢罕遇。

上堂云。禪不禪。道不道。三寸舌頭。胡亂掃。昨夜日輪

飄桂花。今朝月窟生芝草。阿呵呵。萬兩黃金無處討。

一句絕思量。諸法不相到。

上堂云。欲揚大法。須藉其人。借與便。感便好。揚帆舉。

棹。昔日僧問趙州學人。乍入叢林。乞師指示。州云。喫
粥了。未僧曰。喫粥了。州云。洗鉢盂去。其僧豁然大悟。
師云。今朝鳴鐘之後。陞堂已前。人人喫粥飽。即便休。
若也嚼得破。礙塞人。若也嚼不破。却許伊羅漢。今日
倒騎鐵馬。逆上須彌。踏破虛空。不留蹤迹。諸人還見。
麼。夜來風起。滿庭香。吹落桃花三五樹。師歸。万丈跌
坐示寂。

潭州慈雲彥隆禪師。上堂。舉玄沙示衆云。盡大地都
來。是一顆明珠。時有僧便問曰。既是一顆明珠。學人
爲什麼不識。沙云。全體是珠。更教誰識。僧曰。雖然全
體是。爭奈學人不識。沙云。問取欄。眼師云。諸禪德。遮
箇公案。喚作嚼飯。餒小兒。把手更與杖。遠會麼。若未
會。須是扣已。而參。直要真實。不得信口掠虛。徒自虛
生浪死。參。

鄂州子陵山自瑜禪師。問師唱誰家曲。宗風嗣阿誰。
師云。中九下七。僧曰。乞師慈悲。師云。百歲翁。翁學顧
米僧曰。未審意旨如何。師云。老作少。難問如何。是佛
法大意。師云。好事不如無。問如何。是金峰境。師云。一

重山一重雲。僧曰。如何是境中人。師云。鐵骨羅漢。問。如何是古佛心。師云。赤脚趂泥冷。似冰。僧曰。未審意旨。如何。師云。休要拖泥帶水。問。泗州大聖爲什麼。楊州出現。師云。業在其中。僧曰。意旨如何。師云。降尊就卑。僧曰。謝和尚答話。師云。賊是小人。智過君子。上堂云。大衆還會麼。祖師關捩子。都不在言詮。若更重宣。說特地隔西天。

舒州白雲山海會守從禪師問藥山一句人皆委白。雲今日事如何。師云。逼塞虛空。僧曰。誰知今日裏。明月鎖舒城。師云。祈願望扶桑。問曹溪一滴普洽大千。白雲出山如何。利物師云。橫鋪洞口。歸鳥迷巢。僧曰。指南一路。又且如何。師云。鐵蛇當大道。通身黑如煙。上堂云。指呼四聖。號令六凡。統三界作大伽藍。以十虛爲解脫門戶。山河大地是古佛之心。源爐炭鏊湯。乃衆生之覺地。於一微塵上。現恒沙諸佛之全身。於一佛心。現無邊衆生之世界。若能如是。卽心心無知。全心卽佛。全佛卽人人。佛無異始爲道矣。然雖如是不落化門一句作麼道。良久云。九年喫菜粥。此事少。

人知

洪州東山景福省悅禪師上堂云。十二時中。跛跛挈挈。且與麼過。大衆利害在什麼處。良久云。聽諸方斷看。擊禪床一下下座。

台州天台山寶相元禪師問。如何是寶相境。師云。石上無根樹。僧曰。如何是境中人。師云。心藏無價珍。僧曰。向上宗乘。若何指示。師云。文殊笑點頭。問祖意。西來卽不問。楞嚴意旨事如何。師云。七處徵心心不有。八還求見見還無。僧曰。如何領解。師云。千手大悲徒著力。却慚舜若眼。眉巖僧曰。圓覺意旨。又且如何。師云。桂輪孤朗於碧天。僧曰。只如三世諸佛。皆從此經中出。如何是此經。師云。長時誦不停。非義亦非聲。僧曰。如何受持。師云。若欲受持者。應順用眼。聽問今日月圓。請師速道。師云。碧琉璃月。僧曰。畢竟如何。師云。光照娑婆僧禮拜。師云。嘆。

泉州長興德寶禪師上堂云。天無私覆地無私載。四時無私行。日月無私照。且道。衲僧無私。還得與麼也。無若無與麼。十二時中。在甚處安身立命。若有與麼。

又祇是常徒。汝諸人到遮裏作麼生明辨。若明辨得。許汝通一線道。若明辨不得。盡被老僧勘破。

泉州南峯永程禪師上堂云。始自雞峯繼。談少室流芳。大布慈雲。宏開佛日。教分三藏。直指一心。或全提而棒喝齊施。或縱奪而主賓互設。或金剛按劍。或獅子翻身。或照用雲奔。或機鋒掣電。無非翦除邪妄。開廓玄微。直下明宗。到真實地。諸仁者。到此方可許一線道。與爾商量。苟或未然。盡是依師作解。無有是處。

福州賢沙明惠文禪師法嗣

福州廣慧果禪師住賢沙院。曰示衆云。佛爲無心悟。心因有佛迷。佛心清淨處。雲外野猿啼。問如何是佛。師云。毛頭雙尺。八僧曰。如何是心。師云。錐尾兩尋三。僧曰。佛心兩無痕也。師云。逼塞宇宙。僧曰。爲什麼如此。師云。把耳扣磬。

湖州報本元禪師法嗣

蘇州承天永安院傳燈禪師諱元正。鄆州平陰縣人。姓鄭氏。受業本州太平興國寺禮藏智爲師。比試得度。圓具後。聽習教論。徧參諸方。晚到蘇州萬壽元禪

師法席。因看庭前栢話。發明心地。有偈曰。趙州栢樹子。去處勿人知。拋却甜桃樹。尋山摘醋梨。元禪師印可。命住此寺。德行孤高。衆所欽仰。都尉張侯敦禮。奏賜師名。問我師再集人天會。願示西來掣電機。師云。煙雲霧鎖。僧曰。還有西來意也。無師云。空生懊惱。僧曰。臨濟宗風。一枝獨秀。師云。不可有兩箇也。僧曰。是處是慈氏。無門無善財。師云。都來七八年。遊遍百餘城。問桃花楊柳共談真。如何是談真。師云。嶺上梅花白。溪邊柳眼青。僧曰。未審是什麼人境界。師云。非汝境界。問實際理地。不受一塵。佛事門中。不捨一法。如何是一法。師拈拄杖一擊。僧曰。一袈裟披高座上。爐煙起處。太分明。師云。不是遮一法。僧曰。賣金願遇買金人。師云。遮箇是鍤石。

上堂云。天人羣生。類皆承此恩力。大衆有一人道。我不承佛恩力。不居三界。不屬五行。祖師不敢定。當先佛不敢安。名爾且道。是箇什麼人。良久云。倚石巖前。燒鐵鉢。就松枝上掛銅餅。問安撫台光得。得臨請師爲鼓。勿延。師云。囉哩。僧曰。遮般格調。須遇知音。

師云曲終人不見。江上數峯青。僧曰江月照時琴影現。松風吹處語聲清。師云一夜寒溪雪。到明梅花漏泄春消息。僧曰木人聞作舞。石女聽高歌。師云且道是何曲調。僧曰伯牙若在。恥見永安。師云難遇知音。僧曰只如盡乾坤大地。是一面琴。和尚如何下手。師云拍拍是令。僧曰而今台旆光臨。還許露箇消息也。無師云許僧曰莫言只有庭前柏。又得甘棠壯祖宗。師云千里同風。師乃云若於棒下論其得失。德山是明教。底罪人更去喝裏分其主賓。臨濟是法門中魔王。永安恁麼說話。若無明眼人證據。盡大地墮坑落漚。大眾且道那箇是明眼人行。則如昂如斗。坐如蹲龍。詩正有周南召南。論道乃莊子老子。恁麼說話也。未是明眼人。還識明眼人麼。永安與諸人指出良久。云巨鼇莫負三山去。留取蓬萊頂上眠。

湖州鳳凰山仁王院得亨禪師上堂。僧出衆曰還委悉麼。師云何用論心。事相呈卽便知。僧曰旣開鋪席買賣無妨。師云一任索喚。問鐘鳴鐸響。錦銹交加。文殊普賢在什麼處。師云貶上眉毛。僧曰便與麼去時。

如何。師云見箇什麼。僧曰滿日香煙真瑞氣。此時消息共誰說。師云朗月當空掛乾坤。勢自分。問學人上來請師垂示。師云紅霞飛碧漢。白日遶須彌。僧曰學人未曉。師云頭上漫漫。僧曰脚下漫漫。又作麼生。師云切忌蹈著。問向上宗乘。願聞舉唱。師云金雞抱子歸霄漢。僧曰學人不曾。師云玉兔懷胎入紫微。

楊州建隆寺昭慶禪師法嗣

荊門軍玉泉山善超禪師問去却拄杖子。語默動靜未審如何爲人師。盡一圓相。僧曰此猶是葛藤。師云了師良久。召大眾云妙性圓明。絕諸名相。縱使恒沙諸佛。逞七辯。難以談其名。今古宗師具五眼。無以窺其相心。如瓦礫牆壁。方有少分相應。諸仁者若能回光返照。照本靈源。常光現前。塵勞頓歇。歇卽菩提。聖淨明心。本周沙界。不從人得。敢問諸人。且道從什麼處得。良久云年年春柳年年綠。二月桃花二月紅。蘇州報恩泗州院用元禪師師於慶禪師會下一日請益。臨濟在黃蘗三回問佛法大意。三回被打。意旨如何。語猶未了。被打一拂子。頓領宗旨。問祖佛撈籠。

不得底人和尚如何收拾師云試呈伎倆看僧便喝師云驚殺人問不用如何若何請師直指心源師云縮却舌頭僧曰一言已出驢馬難追師云兩重公案僧曰恁麼則都不許商量也師云猶嫌少在問翦斷聖凡爲什麼落在無事甲裏師云誰不如此僧曰如何得免師云把將無事甲來僧曰却無覓處師云即此無覓處問四衆雲臻請師說法師云有眼無耳衆六月火邊坐僧曰一句截流萬機頓息師云聽事不眞喚鐘作瓮問朝參暮請成得什麼邊事師云祇要懶歇去僧曰早知燈是火飯熟也多時師云懶鼻孔因甚著拄杖子穿却僧曰拗曲作直又爭得師云且教出氣上堂云一二三四五火裏蟬螳吞却虎六七八九十水底泥牛波上立一日一夜雨霖霖無孔鐵鎚灑不入灑不入著底急百川凶涌須彌巖八臂那吒撞出案稽首讚歎道難及喼上堂橫按拄杖顧視大眾云今日平地上喫交

洪州黃龍山元肅禪師法嗣

袁州仰山清簡禪師問鉢鉢蓮花今日現願將花藥

接迷情師云但得雪消去自然春到來僧曰一聞千悟立證圓通也師云心不負人面無慚色問二十年來方外客今朝出世事如何師云雲從龍風從虎僧曰萬丈白雲藏不得一輪明月耀青天師云行到水窮處坐看雲起時問集雲峰下分明事請師分付四藤條師云趙州八十方行脚僧曰得恁不知時節師云行到南泉即便休

問風雲會合時如何師云好日多同僧曰若然者不離當處常湛然師云賺會了也

上堂云乍臨勝席實慰靈靈昔日聞說千端不如一日得到僧歸山舍人返郡城事有遷移理無改易何也湘水直連秀水出山還入一山動靜去來豈妨湛寂群峯列岫常露自己家風夾道青松直透長安大路煙雲橫野殿閣凌空不移跬步之間頓入華嚴世界入則不無還見落財麼遂垂下一足云久棲上士已自知歸乍到禪人立地一時擣取

上堂云新律纔分霞光報曉天色欲暖還冷氣候似冬忽春蓋鴻蒙之象初升乃嚴凝之寒未退時雖頃

刻已屬東君物。此爲榮共稱得歲。剛有一人不在斯限。天地無由蓋載。寒暑豈得推遷。日月莫諸照臨。陰陽卒難變易。若教此人受歲。終是不甘。時節到來。又爭諱得。且道受歲人與不受歲人。兩家相見如何。作賀良久云。寒隨一夜去。春逐五更來。

筠州百丈山維古禪師問如何是佛。師垂一足。僧曰如何是佛。向上事。師乃收足。僧曰真善知識。師云。偏作麼生。會僧禮拜。師便打。問佛未出世時如何。師云。杳無消息。僧曰出世後如何。師云。頭戴天。腳踏地。問觀面相呈。猶是鈍漢。和尚如何。爲人師云。蹉過也。不知僧曰。那裡是蹉過處。師云。瞌睡漢。上堂大衆集定。拈拄杖示衆云。多虛不如少實。卓一下。便起。上堂云。普天田地。綿綿密密。若是道中人。步步知端的。然雖如是。也不得許明。頭三十年後。一場懣懣。上堂云。祖令當行。十方坐斷。聖凡路絕。水洩不通。放一線道。有箇商量。良久云。不得相孤。

衢州石門山雅禪師法嗣

衢州瓊源山善政禪院普印禪師問學人進步向前。

願聞師子一吼。師云。木人夜半穿鞋去。石女天明戴帽歸。僧曰。今日得聞於未聞。師云。雖曰未聞。事聞來也是閑僧。曰。若然者。伯牙與子期。豈是閑相識。師云。藍田射石虎。俱殺李將軍。問。昔日須達請佛地。布黃金。分日尊官請師。有何祥瑞。師云。香煙起處。日月齊明。僧曰。恁麼則天人群生類。皆承此恩力。師云。口中雖道得。心裏黑漫漫。僧曰。今日小出大遇。師云。笑殺傍觀師。乃云。奔流度刃。不是作家。石火電光。皆爲鈍漢。撥著七穿八穴。貶向二鐵圍山。點著十字。縱橫合入無間地獄。何故。此事猶崖巖石裂相。似無提掇處。無湊泊處。良由非語默而可窮。豈計較而能及智慧。超越慧子。甚處思量。神通勝過目。連何妨。用得應須自家看取。莫向他人所求。不見道。如人上山。各自努力。如人飲水。冷暖自知。然雖如是。其奈渡河三獸。根器不同。摸象衆盲。見解差別。故不免曲施方便。廣演門庭。籠古罩今。該天括地。一切生靈。無始至今。一大事緣。何曾欠少。神通妙用。不假修成。智慧光明。本來具足。蓋由妄興一念。喚作無明。障翳靈臺。如雲蔽日。

諸法唯心所現。無法從外而來。本性皆空。妄執爲實。還顯不作而作。憎愛無生。強生交結。虛妄業因。輪回五道。生死諸佛。慈悲廣大。爲此出現。世間巧說種種法門。令其各各開悟。諸仁者。若也回光返照。直下忘懷。五道停輪。如利劍斫於枯木。四生絕迹。如猛火燎於荒山。如此則念念當處圓成。法法現前。具足如斯。言語路布教。乘出格道人。如何趣向。良久云。不如緘口過殘香。

建中靖國續燈錄卷第二十一

建中靖國續燈錄卷第二十二

〔宋碁〕

東京法雲禪寺住持傳法佛國禪師 臣惟白集

對機門

南岳懷讓禪師第十四世

潭州大瀉山密印禪院懷秀禪師法嗣

潭州大瀉山祖璿禪師。姓吳氏。福州候官人也。出家圓具。參大瀉秀禪師。契悟祖意。道行高潔。攝食。臘衣。

介性不群。處衆無撓。命住鹿苑。次遷岳麓。問如何是祖師西來意。師云。何不問此中意。僧曰。如何。是此中意。師云。處處抱孫。和淚語。晚身猶值太平年。僧曰。太平一句。請師道。師曰。風不鳴條。雨不破塊。僧曰。畢竟事作麼生。師云。南畝耕人不識名。僧曰。豈無姓字。師云。鹽菜如泥。僧曰。此是行市數。師云。爾也少喫。問如何是密印師。云。今朝漏泄。僧曰。意旨如何。師云。鳳凰展翼。地表相捨。莊田問如何。是瀉山家風。師云。竹有上下節。松無古今青。僧曰。未審其中人。飲噉何物。師云。飢飡相公玉粒飯。渴點神運倉前茶。上堂云。挿鉢爲井。今古澄清。趙州石橋往來。皆渡山頭水。拈純熟不犯靈苗。獄籬野人。剛被遷移法席。不犯靈苗。卽且致遷移底事。作麼生。良久云。猿抱子。歸青嶂。後鳥啼花落。碧岩前。上堂云。山橫碧玉地。絕紅塵。樓閣相高。松杉鬱翠。東連廬阜。西接峨嵋。耶舍普賢。共談般若。香嚴大仰。俱聽法音。聽卽不無。作麼生。是般若。良久云。無二無二分。無別無斷。故乃笑云。向下文。長上堂云。道無定亂。法離見知。言句相投。都無定義。自古龍。

門無宿客。至今鳥道絕。行蹤欲會箇中端的。意火裡
蟬螻吞大蟲。咄。上堂云。天台華頂。迺拔群峰。南岳石
橋斜飛數丈。輕行重蹈。度無疑。俯仰。瓊觀不足。且
道箇中有強弱也。無金不博金。水不洗水。良久云。切
忌當頭上堂云。昔賢示徒。曾無語。一曲臘月二十五。
叢林幾處盡商量。不離宮商角徵羽。日中絲竹應難
入。月下琵琶休巧取。要識雲門一曲。繞南山起雲北。
山雨以拂子擊繩床上堂云。雨下堦頭濕。晴乾水不
流。鳥巢滄海底。魚躍石山頭。衆中大有商量。前頭兩
句是平實語。後頭兩句格外談。若如是會。祇見石磊
磊。不見玉落落。若見玉落落。方知道寬廓。嘆。
南岳山福嚴文演禪師問。如何是佛師當面一睡師。
乃云。當面一睡。切忌蹉過。幽谷猿啼。喬林鶯噪。鬧市
紆紆。相頭買帽。白日同歸。不知幾箇。上堂云。日面佛。
月面佛。馬師一別經年。誰辨銅頭鐵額。百丈耳聾。未
爲埋沒。臨濟喫棒。莫言受屈。三聖瞎驢。能始能卒。與
化帳中拋絮。將來不是。驪龍領下之物。上根不動。干
戈自然清風。鸞鷟中下。恰恰用心。落在無生窠窟上。

堂云。野花飄盡古城根。漸漸蟬鳴湘水渡。霏梅雨。
洒高空。巾地。滿庭戶。三十三兮。老古。維象轉龍。
蟠曾頭。露曾顯。露成點。污謹白。參玄人。光陰。與虛度。
上堂云。秋聲嘹唳。暑氣未衰。群木將落。鴻鴈南飛。稼
穡似雲。南畝盛新。月如鈎。碧落垂。是何消息。切忌針
錐。上堂云。眼裡也滿。耳裏也滿。唐土不收。五天不管。
前佛後佛。猶尙難措。一詞若賢。若聖。安能是非。長短。
今朝更作死馬醫。治免便。長夜不安。看看北斗西移。
南斗東轉。上堂云。百花落盡。春光老。六合薰風來浩
浩。誰謂南能去。不還。寶林枝榦。未枯。稿咄。
南岳西林院常賢禪師問。大衆臨筵。願聞。唱師云。
滿川月色和雲白。僧云。學人未曉。師云。遙望瀟湘一
派清。問。如何是利物心。師云。因事長。智僧曰。也好消
息。師云。錯。師乃云。瀟湘江水明如鏡。數座寒星徹底
清。敢問曹溪溪上客。等閑無事出蓬瀛。還有出蓬瀛
底客麼。良久云。三入岳陽人。不識高吟飛過洞庭湖。
南岳後洞方廣寺有達禪師問。學人上來。便請相見。
師云。袖裡金鎚。腦後看僧曰。破一作三。又作麼生師。

云惜取眉毛僧便喝師云放過即不可僧曰瞎師便打上堂拈拄杖云諸禪德展無礙手和雲折取帶雪將來對衆拈出瞻之不足翫之餘遂畫一畫云早晚散爲霖草木滋天下上堂云離四句絕百非便恁麼息狂機不恁麼轉狐疑離此憑何旨趙州東院西還委悉麼頭戴天腳踏地動用之中論不二一字妙門著眼看鎮州蘿蔔知滋味咄

南岳南臺允恭禪師問如何是佛師云眼睛突出問祖意教意是同是別師云阿難合掌迦葉擎拳師乃云稀逢難遇正在此時何謂釋迦已滅彌勒未生拈拂子云正當今日佛法盡在遮箇拂子上放行把住一切臨時放行也風行草偃瓦礫生光拾得寒山點頭拈掌把住也水洩不通精金失色德山臨濟飲氣吞聲當恁麼時放行即是把住即是良久云後五日看

袁州仰山偉禪師法嗣

襄州谷隱山靜顯禪師問覲面相呈事若何師云清風來不盡僧曰通上徹下絲毫不納也師云明月照無私問又彩旛彰顯聞舉唱師云巡海夜叉頭戴角

僧曰龍吟霧起虎嘯風生師云天外那吒獨把梢僧曰祇園五葉花開處不待東君別是春師云重疊關山路問一簇破三關即不問道人相見時如何師云賊身已露師乃云三日一風五日一雨時清道泰謠謠滿路釋迦拖室謾商量淨名杜口休更學要知極則本根源識取南莊李胡子敢問諸人祇如李胡子有甚長處會麼今年必定有來年不如剩種來年粟上堂云晷運推移日長一線且道佛法長多少自云九九八十一諸人還會麼若無人會山僧爲爾重說偈言九九八十一日南長至日晷運既推移大家相委悉非爲世諦流布且要膺時納祐參上堂云今朝正月五大衆明看取火上更加熬苦中更加苦堪笑谷隱太無端空谷巖前說寐語咄上堂云語默視瞬皆說見聞覺知盡聽香積世界餐香飯悟無生極樂國中聽風柯悟般若遂拈拄杖云若將耳聽終難曉眼處聞聲方得知卓一下

潭州龍王山善隨禪師問如何是龍王境界師云水晶宮殿僧曰如何是龍王如意寶珠師云頂上髻中僧

禮拜師云。莫道不如意。上堂云。人人皆拜。巖山僧不賀。年山僧不賀。年諸人皆肯然。良久云。若是依時及節也。少他元正。啓祚萬物咸新。不得上堂云。奇哉皮鼓。響大衆盡來參。既善知時節。龍王不再三。

筠州黃蘗山祇園永泰禪師問。如何是祖師西來意。師云。鐵鑄就。僧擬議。師云。會麼。僧禮拜。師云。何不早如此。師乃云。祖師妙訣。不妨徑截。非風幡動。多少漏泄。且道甚麼處漏泄。乃云。莫是仁者心動麼。且不與錯會。

廬山慧日明禪師上堂云。不用求真。唯須息見。三祖大師雖然迴避金鈎。殊不知已吞紅線。慧日又且不然。不用求真。倒騎牛。夸入佛殿。牧笛一聲。天地寬。稽首瞿曇真箇黃面。

洪州泐潭山洪英禪師法嗣

南嶽法輪院添禪師問學人上來乞師指示。師云。適來聞鼓聲麼。僧曰。聞。師云。還我話頭來。僧禮拜。師笑云。令人疑著。上堂喝一喝。云。師子哮吼。又喝一喝。云。象王嘯吼。又喝一喝。云。狂狗趁塊。又喝一喝。云。鰕

跳不出斗。乃云。此四喝。有一喝。堪與祖佛爲師。明眼衲僧。試請揀看。若揀不出。大似日中迷路上。良久云。性靜情逸。乃喝一喝。云。心動神疲。遂顧左右云。守眞志滿。拈拄杖云。逐物意移。薦召大衆云。見怪不怪。其怪自壞。

潭州大潯山齊洵禪師問玉兔不懷胎。犢牛爲什麼却生兒。師云。著槽廠去。僧曰。牧牛坡下。師云。莫教落草。僧曰。步步踏著。師云。草裏漢。師乃云。頭角未生時。薦得早。犯山僧苗稼了也。更待擎頭戴角。異類中來生兒養犢。其何以堪。不見仰山云。一回入草去。一回把鼻牽。然雖如是不免。犯人苗稼。且道如何得不犯。良久云。鐵牛不喫欄邊草。直上須彌頂上眠。上堂云。青山疊疊。水茫茫。猿愛巖邊果熟香。更有一般堪羨處。誰知別有好思量。

袁州仰山友恩禪師上堂。以拄杖擊禪牀一下。云。佛令祖令。瓦解冰消。半字滿字。千山萬水。衲僧門下。草偃風行。然雖如是。官不容針。私通車馬。有一則奇特。因緣舉似大衆。良久云。遂磨九年空面壁。西歸羞見

洛陽人上堂云。煙雲開處。日月齊明。影落千江。光含萬象。頭頭顯燦。無非自己。家風物物。全影盡是。祖師活計。於斯明得。則點頭嚙唾。於斯未明。且擺臂搖頭。怎麼說話。大似傍若無人。若有一箇出來咳嗽一聲。山僧退身三步。

南岳方廣懷紀禪師問。如何是道。師云。有時登陌嶺。南北兩頭垂。僧曰。如何是道中人。師云。八十老翁策杖行。僧曰。未審向上更有事也。無師云。面南看北斗。月裏有麒麟。

泉州永春慧明院雲禪師問。般若海中。如何爲人。師云。雲開銀漢迴。僧曰。畢竟又如何。師云。棒頭見血。問毗婆尸。佛早留心。直至如今。不得妙意。旨如何。師云。醜拙不堪。當僧曰。忽然當又作麼。生師云。半錢也不直。僧曰。如何。卽是師云。趙州南石橋北。僧禮拜。師擊禪牀。三下上堂云。少室遺風。曹溪要旨。黃蘗收來。臨濟扶起。三玄戈甲。競頭分四揀。開遮何指。此定宗乘。立綱紀。當機驗取。廬陵米更從升。合定高低。爭似備師封白紙。象骨提心。暗喜同風。今古播叢林。切忌扣。

牙驚著齒。上堂云。雪峯鼈鼻。潯山水牯。臨濟三玄。雲門一普。勸君一一透。將來捉取大雄山下虎。潭州寶蓋山目俊禪師上堂。以拄杖卓一卓。喝一喝。云。同聲相應。同氣相求。築著鼻孔。撐著眼睛。啞却能言。響却能聽。東西不辨。南北不分。黑煖煖。倉事地鬼。惡人憎。譏笑香嚴。去年貧。未是貧。今年貧。始是貧。去年貧。無卓錫之地。今年貧。雖也無。是何言。歟。噫。好箇阿師。又怎麼去也。

南岳上封行瑜禪師問。如何是上封境界。師云。北望洞庭千里浪。南觀石廬萬波煙。僧曰。如何是境中人。師云。脚踏古壇千片石。手攀松樹萬年枝。僧曰。人境已蒙師指示。向上宗乘事。若何。師云。雖然身在青冥裏。心出青冥人不知。

東京智海禪院慕結真如禪師法嗣

潭州道吾山汝能禪師問。如何是佛。師云。毀著不壞。僧曰。如何是法師。云。讚著不喜。僧曰。如何是僧。師云。剃除鬚髮。上堂云。三轉法輪於大千。其輪本來常清淨。毗婆尸。佛早留心。直至如今。未得妙因。什麼如此。

爲在爾諸人眉毛上。轉大法輪。動地。爾諸人
不會。所以未得其妙。若一切智智清淨。又未有訥
僧氣。息山僧今日。爲衆竭力。福出私門。還會麼。牛
彈琴。不入牛耳。呼師遷住大瀉山。不經兩月。沐浴淨
髮。跌坐而逝。

興國軍永安院妙喜禪師問。如何是國師三喚侍者。
師召大德僧應喏。師云。鈍根阿。師僧曰。向上還有事
也。師云。汝看虚空。還曾開口麼。僧契悟。禮謝師。與
一。虚空開口。喚須彌聲。隱春雷。蟄者。知若不仙陀
徒。擬議負吾負。汝自風移。

潭州中峰山羅浮院希聲禪師問。國開堂於此。

日師將何法報。君恩師云。庭前瑞雪落紛紛。僧曰。

君恩祇如此。祖意又如何。師云。且領前話。僧曰。恁

麼。則金枝永茂。玉葉長芳。師云。一任衆人看。上堂云。

雲生大野。霧鎖長空。百草百木。師子吼。露滴庭莎。盡

遲無邊妙。相。緩吟鳥噪。皆談不二圓音。乃拈拄杖云。

無邊妙義。盡在山僧拄杖頭上。若也會得。可謂應時

應節。若也不會。萬年松在祝融峰卓一下。師於紹聖

四年二月八日。無疾坐終。茶毗。諸恨不壞舍利。求者
可掬。

潭州中峰山智源禪師問。如何是本來法師。云。滿目
青山。僧曰。言無展事。進步者何。師云。禮繁即亂。僧曰。
祇遮便是。爲當別有。師云。南岳石橋。問。如何是城裏
佛。師云。截耳臥街。僧曰。如何是村裡佛。師云。牽犁拽
把。僧曰。如何是山裡佛。師云。釣魚取柴。

安州大安山興教惠淳禪師開堂。日上首白。龍竟師
云。未白。龍已前。喚作什麼。白。龍已後。喚作第一義諦。
莫有不甘底。僧出來相見。問。未白。龍前。請師道。師云。
方丈裏。僧曰。白。龍後。又如何。師云。法座上。僧曰。謝師
指示。師云。勿交涉。問。如何是第一句。師云。脚下。僧曰。
如何是第二句。師云。口裏。僧曰。如何是第三句。師云。
腦上。師乃云。靈山會上。迦葉親聞。五祖堂前。老盧得
旨。至今累及兒孫。血脉不斷。豈是多學多知。負能負
勝。人人具英雄志氣。各各出自已。曾。不取他人處。
分。便可出生入死。方爲報佛恩德。如斯舉唱。取笑傍
觀。還有同死同生底。漢麼。良久云。若無山僧。今日失。

利

舒州靈泉普濟道堅禪師問如何是祖意師云金雞飛去石馬還來僧曰如何是教意師云海墨書不盡

廬陵隆慶閑禪師法嗣

潭州安化啓寧閑一禪師問意智不到處特地好商量未審是什麼人境界師云張三李四僧曰木人把板雲中拍石女嚙筌水底吹師云亂走作什麼僧曰也要和尚識得師云西天此土上堂拈花微笑虎勞力立雪齊腰枉用功爭似老盧無用處却傳衣鉢振真風大眾且道那箇是老盧傳底衣鉢莫是大庾嶺頭提不起底麼且莫錯認定盤星以拂子擊禪床

廬州開元琦禪師法嗣

饒州薦福道英禪師問佛未出世時如何師云琉璃餅貯花僧曰出世後如何師云瑪瑙鉢盛果僧曰未審和尚今日是多是別師云趨倒執拽轉鉢上堂云據道而論語也不得默也不得直饒語默兩忘亦勿交涉何故句中無路意在句中無意無不意非計校之所及若是劈頭點一點頂門豁然眼開者於此却

有速疾分若低頭向意根下尋思卒模搦不著是知萬法無根欲窮者錯一源絕跡欲返者迷看他古佛光明先德風彩一一從無欲無依中發現或時孤峻峭拔竟不可構或時含融混合了無所觀終不椿定一處亦不繫係兩頭無是無不是無非無不非得亦無所得失亦無所失不曾隔越纖毫不曾移易絲髮明明古路不屬玄微覲面擎來瞥然便過不居正位豈落邪途不踏大方那趨小徑騰騰兀兀何住何爲迴首不逢觸目無對一念普觀廓然空寂此之宗要千聖不傳直下了知當處超越是知赤洒洒處恁麼卽易明歷歷處恁麼還難不用沾黏點染直須剝脫屏除若是本分手脚放去無收不來底一一放光現瑞一一削跡絕蹤機上了不停語中無可露徹底攪不渾通身撲不碎且道畢竟是箇什麼靈通得恁麼奇特得恁麼堅確諸仁者休要議渠面孔不用安渠名字亦莫覓渠所在何故渠無所在渠無名字渠無面孔纔起一念追求如微塵許便隔十生五生更擬管帶思惟益見紛紛叢雜不如長時放教自由自在

要發便發。要住便住。即天然。非天然。即如非如。如即湛寂。非湛寂。即敗壞。非敗壞。無生。戀無死。畏無佛。求無魔。怖不與。菩提會不與。煩惱俱不受。一法不嫌。一法無在。無不在。非離。非不離。若能如是。見得。自釋迦達磨。自達磨于我。什麼。恠麼。說話。訥。僧門下。推勘。將來。布裙芒屨。不免。揀他。些些。泥水。豈況汝等。諸處。更道。遮箇。是平實語。句。遮箇。是差別門。庭。遮箇。是關板巴鼻。遮箇。是道眼根。應遞相教習。如七家村裡人。傳口令。相似。有什麼交涉。無事珍重。

黃蘗續翠永庵主法嗣

廬陵清平楚金禪師。問祖祖相傳。未審和尚傳箇什麼。師云。兩手擡不起。僧云。能有幾人知。師云。知底事。又作麼。生僧曰。放過一著。師云。還過十萬餘。問與麼不與麼。學人上來。請師與麼。師云。洪州腰帶。僧曰。請

師不與麼。師云。陝府鉄牛。僧曰。和尚與麼。學人即不然也。師云。不消拈出。上堂。以拄杖卓一下。云。祇遮是錯事。無一向。出家人當爲何事。良久云。自知較一半。乃歌曰。人悄悄。鼓鼙聲。特地陞堂話祖風。千般說萬般驗。特地翻真。却成僞。分別縞素與色空。扶籬摸壁路難通。休尋南北。與西東。山僧拄杖太無端。吞却十方刹界。中刹界中。細推窮。三十年後。幾多白頭翁。靠却拄杖云。珍重。上堂云。祖意齊彰。真機自立。分明蟾彩。彼我無差。出海紅光。老婆心切。如斯境界。悟則頭頭顯露。非取捨之功。迷則物物塵勞。難明妙理。更若卽色明空。正是敲磬打瓦。說有說無。又是夢中說夢。未免覺來一場懣懣。上堂云。明眼人前。若論斯事。如鹽在水。祇瞞得鼻孔。若是舌頭上。一點也瞞不得。何故。三世諸佛。從上祖師。出現於世。祇是狸奴白牯。一箇注脚。拈槌舉拂。下喝敲牀。盡是露柱注脚。以拄杖卓一下。云。山僧與露柱注脚。遮裡看得出。非但許爾救得兒孫。亦許爾見狸奴白牯。然後可以出生入死。若看不出。自救不了。何故。功夫不到。不方圓。言語不

通非眷屬喝一喝

南岳高臺佛印禪師法嗣

潭州龍興師定禪師問如何是瀟湘境師云猿到夜深啼岳麓僧曰如何是境中人師云相逢不下馬各自有前程問如何是道師云花街柳巷僧云如何是道中人師云語笑呵呵上堂云秋風數夜漸寒衲僧早覺身冷通宵不睡思量耐耐祖師亂走不知念念釋迦出世步步彌勒下生怎麼忽然撞著盡是自己神光怎生說得箇自己神光良久云一輪明月照瀟湘咄上堂云白雲峰頂昔年嘗到朝參暮請依師學道開市紅塵煎熬不少逐日忙忙貪生至老咄遮皮袋臭穢易壞貪欲貪樂不解厭學佛學祖總不會慚愧寒山老眠雲枕石睡思量拾得奇愛住深岩內蓑衣爲被褥筌笠作冠蓋祇如山僧怎麼舉唱還有佛法也無良久云無爲無事人逃出紅塵外咄

杭州慶善宗震禪師法嗣

杭州慶善普能禪師問祖祖相傳傳祖印師今得法嗣何人師云當官莫在前作客莫向後僧曰怎麼則

西堂嫡子臨濟兒孫師云天台柳標木師乃云事不獲已與汝諸人葛藤一切衆生只爲心塵未脫情量不除見色聞聲隨波逐浪流轉三界汨沒四生致使正見不明觸途成滯若也是非齊泯善惡都忘坐斷報化佛頭截却凡聖途路到遮裡方有少許相應直饒如是衲僧分上也未爲奇特何故如此纔有是非紛然失心咄上堂拈拄杖云未入山僧手中萬法宛然入山僧手中復有何事良久云無意氣時添意氣不風流處也風流卓一下

建中靖國續燈錄卷第二十二

建中靖國續燈錄卷第二十三

〔宋磻〕

東京法雲禪寺住持傳法佛國禪師臣惟白集

對機門

南嶽懷讓禪師第十四世

洪州泐潭山眞淨禪師法嗣

洪州分寧兜率從悅禪師姓熊氏虔州人少依普圓

院崇上人出家未冠圓具首習經論次慕參問緣契洞山眞淨禪師開堂曰白槌罷師云住住五眼難覩佛佛相傳默然自照西天諸祖謾說異端唐土宗師強生文彩英靈衲子一點難瞞直下分明臨機脫活縱橫南北出沒東西於平地上涌起波瀾向虛空中倒懸筋斗今朝座下那箇惺惺便請出來開人眼目問親聞洞裡眞消息今日新豐事若何師云山橫嶽翠溪瀉寒光僧曰不因風卷浮雲盡爭見涼天萬里秋師云不妨奇特問如何是兜率境師云一水挪藍色千峰削玉青如何是境中人師云七凹八凸無人見百手千頭祇自知師乃云溪上桃花爛熳春倚筇閑看笑雲雲抽枝抽葉尋常事有悟無疑亦強分諸禪者既疑悟之強分何立旨而可定但得凡情淨盡自然聖解都忘如此則何是非而有何得失而論何動靜而取何彼此而分到遮裏直得妙體虛明大用縱橫都無揀擇好醜一如還有人承當得麼若承當得兜率與彌柱杖子一任橫行若也未然不免自家受用去也良久云撥落葉開苔蘚色卓穿氷放野

泉聲卓拄杖一下上堂云阿呵呵底時節仲夏初殘梅雨歇寥寥物外自清涼擾擾人間方酷熱諸禪客一種含靈爲什麼世界有異良久云天闊雲無礙風高海自澄上堂云耳目一何清端居幽谷裡秋風入古松秋月生寒水衲僧於此更求真兩箇胡蝶垂四尾喝一喝上堂云龍安古路堂堂往來未嘗間隔嶺頭風動松聲岩下溪流月色上無一點紅埃內有祖師窟宅到此方得心休自解橫吹玉笛諸禪客要識不涉程途底句麼良久云直須透過遮樓關不用敲開無縫鎖咄上堂云雪意連連作春寒每放參到頭眞實處不在口喃喃上堂云兜率都無辨別却喚烏龜作鼈不能說妙談眞祇解搖唇鼓舌遂令天下諸僧覩見眼中滴血莫有翻嗔作喜笑傲烟霞者麼良久云笛中一曲昇平樂筭得生平未解愁上堂云禪僧袖裡神鋒截斷有句無句隨宜獨立眞規處處清風滿路更知結角羅紋始解針來線去上堂云始見新春又逢初夏四時若箭兩曜如梭不覺紅顏翻成白首直須努力別著精神耕取自已田園莫犯他人

苗稼。既然如是。牽犁拽把。須是雪山白牛。始得。且道鼻孔在什麼處。良久云。叱叱。

潭州報慈開福進英禪師。問遠涉長途。卽不問到家。一句事如何。師云。雪滿長空。僧曰。此猶是時人知有。轉身一路。又作麼生。師便喝上堂云。雪鋪銀世界。別是水晶宮。瑞氣紛紛動。何人住此中。拍禪牀一下云。清溪橋邊。今人勝樣報慈堂上。古佛家風。橫擔柳桺。入門來。便把草鞋跟。截斷華藏海中遊。戲會春園裡。逍遙信乎朝。入伽藍。暮成正覺。雖然如是。正令行時。猶較一著。敢問大衆。作麼生是坐致太平底事。還知麼。提起拂子云。一掉秋風。江上月。數枝春色。洞中天。擊禪牀一下。上堂云。報慈有一公案。諸方未曾結斷。幸遇改旦。拈出。各請高著眼看。遂趲下一隻鞋云。還知遮箇消息也。無達磨西歸時。提攜在身畔。上堂云。今朝四月八。我佛降生辰。頭頭金相現。處處法幢新。不洗體。不洗塵。灌沐如來妙色身。誰信二千年後事。優曇重長一枝春。擲拄杖云。釋迦老子。重下閻浮爲大事。因緣故。出現於世。開佛知見。示佛知見。悟佛知

見。入佛知見。已爲諸人說了。且作麼生入。乃拍禪牀云。不離當處。常湛然。覓卽知。君不可見。上堂云。與麼上來。猛虎出林。與麼下去。驚蛇入草。不上不下。日輪杲杲。喝一喝云。瀟湘江水。碧溶溶。出門便是長安道。上堂。擲下拄杖。却召大衆云。拄杖吞却。祖師了也。教什麼人說禪。還有救得也。無喝一喝。上堂。薦拈拄杖。示衆云。三世一切佛。同入遮窠窟。請僧喚作。遶天鵝。卓拄杖一下。上堂云。山門寂寞。無可祇待。諸禪德。夜來思量得一段因緣。奇特準擬。今日供養大衆。皮乎陞座。忽然忘却。如今卒作不辨。且望大衆。智不實。愚不爲笑。怪。

桂州壽寧寺善資禪師。問如何是廣南境界。師云。地連南嶽。千峰秀水。接西川一派。清僧曰。如何是境中人。師云。腰間曾墜石鏡。上本無塵。僧曰。人境已蒙師指示。向上宗乘。車若何。師云。一棒一痕。分痛痒。獨許泥牛。木馬。知問如何是祖師。西來意。師以手反覆。示之。僧曰。不會。師云。好箇消息。師乃云。若論此事。如鴉啄鐵牛。無下口處。無用心處。更向言中問覓。句下尋思。

縱饒卜度將來終成戲論邊事殊不知本來具足直下分明佛及衆生纖毫不立尋常向諸人道凡夫具足聖人法凡夫不知聖人具足凡夫法聖人不會聖人若會即同凡夫凡夫若知即是聖人然則凡聖一致名相互陳不識本源迷其真覺所以逐境生心徇情附物苟能一念情忘自然真常體露良久云便請薦取上堂云諸禪德釋迦老子不言以手指天指地須菩提不言帝釋動地雨花遶磨大師不言二祖乃云得髓維摩居士不言文殊讚歎不二遂拈起拄杖云拄杖子不言成得箇什麼良久云扶過斷橋水伴歸無月村上堂云諸方五旦一參壽寧日日陞座莫怪重說偈言過在西來達磨上士處處逢渠後學時時蹉過且道蹉過一著落在什麼處舉起拂子云一片月生海幾家八上樓

永州元豐太平寺安禪師問賢侯啓請願師舉唱師云陌上桃花雪裡紅僧曰一言纔舉唱四衆盡霽恩師云霽恩底事作麼生僧曰是處有芳草何山無白雲師云剎利人難得問如何是太平境師云帶郭有

山兼有水僧曰如何是境中人師云懂懂道上往來人僧曰入境已蒙師指示向上宗乘事若何師云明月清風也笑人師以拄杖卓一下云還會麼空王佛已前之事太平今日一時漏泄了也還委悉麼一大藏教未當切脚佛之一字尙汚心田豈況其餘若也未然且聽太平葛藤去也擲拄杖下座上堂云有利無利莫離行市鎮州羅蔔頭極貴廬陵米價甚賤爭以太平遮裡時豐道泰商賈駢闐白米四文一升羅蔔一文一束不用北頭買賤南頭賣貴自然物及四生自然利資王化又怎生說箇佛法道理良久云勸君不用鑄頑石路上行人人口似碑

廬山歸宗杲禪師問爲國開堂於此日師將何法案昇平師云堯風蕩蕩舜日輝輝僧曰君恩將此報祖意又何如師云雲生嶺上雨滴巖前問如何是歸宗境師云重重看不盡僧曰如何是境中人師云箇箇眼眉橫師乃云西來祖印教外別傳非大根器不能證入其證入者不被文字語言所轉聲色是非所迷亦無雲門臨濟之殊趙州德山之異所以唱道須明

有語中無語。無語中有語。若向遮裡薦得。可謂終日著衣未嘗挂。一縷絲終日喫飯未嘗噉破。一粒米直是呵佛罵祖。有什麼過。雖然如是。欲得不招無間業。莫謗如來正法輪。喝一喝。上堂拈拄杖云。歸宗會斬蛇。禾山解打鼓。萬象與森羅。皆從遮裏去。擲下拄杖云。飯堂喫茶。

南嶽祝融峰上封寺慧和禪師問師唱誰家曲。宮商何調。中師云。不落五音。僧曰。不屬韶陽調去也。師云。且喜有知音。師乃云。未陞院座已前。盡大地人成佛已畢。更有何法可說。更有何生可利。況菩提煩惱本自寂然。生死涅槃猶如春夢。門庭施設。誑謬小兒。方便門開。羅紋結角於衲僧面前。皆爲幻惑。且道衲僧有甚長處。拈起拄杖云。孤根自有擎天勢。不比尋常曲頸枝。卓一下。上堂云。祝融峰上瑞氣騰。空行道壇前祥雲拂。地林間衲子信步經行。嶺上樵夫謳歌拍手。把針巖畔。音樂鳥聲。懶瓊菴前。風生虎嘯。說甚透聲透色。休論達磨迷逢。莫是真假有無。俱不可得麼。若恁麼。會未免眼中添屑。總不恁麼。又作麼。生良久。

云。此境此時。誰得意。極目千山入望來。衢州超化院靜禪師上堂云。箇中之源。無歸者久。祇爲言泉亂派。語脉混流。一波始生。萬波隨往。生而不止。往而不休。遂使洪波浩渺。白浪滔天。今日山僧不免挽泥帶水草。拄杖一下。上堂云。聲前認得已涉塵。纔句下承當。猶爲鈍漢。電光石火。尙在遲疑。一點不來。橫屍千里。良久云。有甚用處。喝一喝。

筠州五峰淨覺院本禪師問寶座高陞。願聞舉喝。師云。雪裡梅花火裡開。僧曰。莫便是爲人處也。無師云。井底紅塵已漲天。問同聲相應時如何。師云。鶉鳩樹上啼。僧曰。同氣相求時如何。師云。猛虎巖前嘯。問一進一退時如何。師云。脚在肚下。僧曰。如何是不動尊。師云。行住坐臥。師乃云。恁麼也不得。不恁麼也不得。恁麼不恁麼。總不得。諸人作麼生會。直下會得。不妨奇特。更或針錐。西天此土。上堂云。五峰家風。南北西東。要用使用。以撥釘空咄。

新州五祖常禪師法嗣

新州月頂延福寺倫禪師問如何是新州境。師云。白

雲堆裡神仙秀僧曰如何是境中人師云紫閣筵中
鼎鼐材問如何是祖師西來意師云涼風却退簷前
暑問止宿庵中卽不問途中受用事如何師云落花
鋪地錦流水映天心僧曰忽遇向上人來又作麼生
師云劒有七星君可度琴無五線客難尋問如何是
宗乘向上事師云古符常照夜堂明師良久云舍利
塔前金藥花開吐艷昆盧藏畔綠毛龜戲池中霧卷
山堂雲藏佛閣老鶴盤空青羅翳目足可與諸人內
助其機外揚其道又何必山僧出來指點然雖如是
也須的當始得且道的當底事作麼生多謝寶陀巖
上月舒光常得到松門上堂云重陽何物助僧家羅
菊枝枝盡發花不學故侯將伴飲爲君泛出趙州茶
祇此一杯醒大夜廬全七碗謾矜誇良久云便請卓
拄杖一下上堂云時雨頻過北屋涼師田昆甲盡同
光禪家高臥無餘事贏得林梢磬韻長正當恁麼時
誰是知音者良久云子期別後空千載月上落崖流水寒

蘄州南鳥崖壽聖楚清禪師問如何是黃梅消息師

云不許夜行僧曰如何爲人師云投明須到問亡僧
遷化向什麼處去師云靈峰水急僧曰恁麼則不去
也師云蒼天蒼天師乃云見成公案已涉多岐佇思
階遲遠天迸鵲荷喪目前實爲苦屈敢問諸人且作
麼生是目前底句良久云燈籠拈掌露柱呵呵

江陵護國禪院月禪師法嗣

江陵護國惠本禪師問有物先天地無形本寂寥未
審是甚麼物師云一錠墨僧曰恁麼則耀古照今去
也師云作麼生是耀古照今底僧便喝師便打師乃
云一切法是佛法糞掃堆頭丈六金身屠肉案上十
身調御還會麼師翬象顯已多端切忌掉虛空逐塊
喝一喝下座上堂云塵劫事盡在如今滿目風光
十方無礙山遙水遠地厚天高利利見成頭頭顯著
直饒恁麼會得衲僧眼睛未曾夢見且喚什麼作衲
僧眼睛還會麼穿過須彌上堂云好箇時節誰肯承
當苟或無人不如惜取良久云彈雀夜明珠上堂云
去處與來時一般來時與去處不別有人問著點頭有
人問著不肯且道肯卽是不肯卽是也是鞞縣茶版

杭州淨土恩禪師法嗣

杭州靈鳳山萬壽法詮禪師問師唱誰家曲。宗風嗣阿誰。師云針劑不入。僧曰石照嬪子臨濟兒孫。師云錦溪一派盡向東流。問佛法流通如何。指示師云上天下地。僧曰學人也。怎麼見師。云錯問。如何是佛。師云抱橋打拍。浮僧曰如何是法師。云莫泥彈子。僧曰如何是僧。師云剗除鬚髮。僧曰三寶外還別有爲人處也。無師舉起一指。僧曰不會。師云指在唯觀月風來不動。幡師乃云靈光洞耀妙體昭然。動寂真常。隱顯無二。六凡皆覺。強自云迷。四聖還源。謾稱開悟。苟能返照一念無差。不用思量。便請搆取。還有薦得底麼。良久云靜處薩婆訶。上堂云德山棒臨濟喝。盡是無風波。師叩燈籠躡跳過青天。露柱魂驚頭腦裂。然雖如是大渴食鹽。加得渴喝一喝。

杭州慶善守隆禪師問諸佛出世爲一大事。如何是。一大事。師云不同小事。僧曰唯此一事實去也。師云棒打石人頭。問如何是祖師西來意。師云扁舟過剡溪。問知師久蘊囊中寶。今日當筵略借看。師云多少。

分明僧曰師子吼時。全露現文殊仗劍。又如何。師云驚殺老僧。問千佛出世各有奇祥。和尚今日以何爲驗。師云木人把板雲中拍。僧曰意旨如何。師云石女拈筌水底吹。師乃云問同攢花簇錦。答臺土上加泥。彼此氣宇衝衝。何須聽人處分。可謂如石含玉。不知玉之無瑕。似地擎山。不知山之孤峻。如斯舉唱。蓋爲初機明眼人前一場笑具。且道作麼生是明底眼。良久云穿過關。上堂云無手人一拳打破虛空。無舌人一喝喝翻巨海。驚起婆竭龍王。變作柳樛拄杖。爲諸人說法。乃拈起拄杖云不更指東畫西。便與直下分付。卓拄杖一下。上堂云花簇簇錦簇簇。鹽醬年來是事足。留得南泉打破鍋。分付沙彌煮晨粥。晨粥一任諸人飽喫。洗鉢盂一句作麼會。多少人疑著。

潭州石霜山琳禪師法嗣

鼎州德山靜照菴什菴主問如何是庵中主。師云從來不相許。僧擬議。師云會即便會。本來底安名著字不得。僧擬開口。師便打出師室中。常見拂子示衆云。喚作拂子。依前不喚作拂子。特地不識。汝喚作。

什麼因僧請益師頌答之我有一柄拂子用處別無調度有時挂在松枝任他頭垂脚露

建中靖國續燈錄卷第二十三

建中靖國續燈錄卷第二十四

〔宋〕

東京法雲禪寺住持傳法佛國禪師臣惟白集

對機門

南嶽懷讓禪師第十四世

南嶽福嚴慈感禪師法嗣

明州育王山廣利寺寶鑑禪師諱法達饒州浮梁人。姓余氏。少歲厭俗。剪愛離塵。嚴承師訓。長通經業。比試輩下。落髮天清。求道南遊。初歷浙右。未獲開悟。復回江西。次造南嶽福嚴法席。感師一見。觀器印心。安撫何公。嚮師名望。命居太平。少卿王公。次遷廣利。都尉郭侯。特奏章服。師名聞此事。唯已自知。爲什麼衆生隨類得解。師云。眼見耳聞。僧曰。兵隨印轉。師云。德山臨濟。問寒。凝古寺雲鎖千峯。如何是無寒暑處。師

云。爐中添硬炭。身上挂綿衣。僧曰。此猶是時節因緣。師云。何得掩耳。問僧俗交參。時如何。師云。風穴道底。僧曰。謝師答話。師云。甜瓜徹蒂甜。僧曰。學人今日虛伸此問。師云。適來道什麼。僧曰。打草蛇驚。師云。分付海山無事客。夜深相共釣鯨鰲。問如何是極則處。師云。清風生竹戶。僧曰。學人不會。師云。明月照松窓。問不落塔級處。請師道。師云。蠟人向火。僧曰。畢竟如何。師云。薄處先穿。問末後一句。今日願聞。師云。昨日有人問我。直得杜口。僧曰。爲什麼如此。師云。不於湘水捉明月。且向天童看白雲。問無根樹子。今日還解生苗也無。師云。擬待答話。又恐孤負闍梨。問作者相逢時如何。師云。平出僧曰。學人有疑在。師便打。僧曰。不伸三拜。焉得周旋。師云。別處即得。

師乃云。一法雖彰萬法無。到頭何必用工夫。目前十字縱橫也。自是時人落半途。大衆作麼生。是究竟一句。設使潛神守智。猶是止宿草菴。假饒息念觀空。亦成守株待兔。虛生浪死。祇爲懷寶迷邦。滯殼迷封。長由貪程太速。直得言語道斷。心行處滅。於前僧分上。

著什麼來由假使心法雙亡兩頭截斷亦是按牛頭
喫草爭似耳聞目覩口說心思千山萬水目前分南
北東西路頭在若也失之於旨魚魯刀刀若也得之
於心渾金璞玉流出三教皆指一心左右逢源萬物
皆備到這裏說什麼仁義禮智元亨利貞說什麼苦
提提榮常樂我淨直須拈放一邊且看山僧執金剛
王寶劍把定要津以文殊爲先鋒以普賢爲殿後觀
音勢至拖耳偷鈴彌勒釋迦吞聲飲氣直得 皇風
蕩蕩舜日明明天下衲僧誰敢向鬼窟裏作活計還
信得及麼良久云道泰不傳天子令時清休唱太平
歌

上堂云半接城隍半倚村一溪流水半山雲寂寥滋
味有誰得萬世金輪王子孫所以見聞覺知思量分
別一見便見無第二月堯天舜日誰能夜泛孤舟白
月清風何必冬行春令門當戶對極目無限青山鳥
叫猿啼縱步從佗差路栗蒲吞了更無一物礙人古
鏡重磨不離舊時光彩日日共虚空招手時時與古
佛對談堪嗟多少臥人却去飯糲裏餓殺育王怎麼

道了有三十棒本合自當顧遇衆人不知且教拄杖
子含聲飲氣

上堂云居山日少出山多惹得問若執柰何爭似白
雲深處坐野猿幽鳥任高歌大衆拈華示衆空自點
眉微笑破頭落第二月少林面壁傍若無人半夜渡
江食程太速更乃說佛說祖頭上安頭演妙談真泥
中洗土攢花簇錦口是禪門寂爾無言守株待兔總
不如是無孔鐵鎚行道之人如何即是還會麼白雲
雖是無心物到頭還是戀青山

成都府南禪光澡禪師問如何是南禪境師云一高
一低僧曰如何是境中人師云頭面相似僧云向上
宗乘事若何師云嘉州石佛陝府鐵牛僧曰如何是
成都境師云瑞氣一千里和風十萬家僧曰如何是
境中人師云賜紫金魚袋切忌犯威風

南嶽懷讓禪師第十五世

廬山羅漢寺南禪師法嗣

南岳雲峯景德惠昌禪師問高提祖印即不問覷面
相呈事若何師云不勞拈出僧曰不因漁父引爭得

見波濤師云。酌然僧曰。言前道破。無妨礙物。引全提。有象遷。師云。獨許闍梨。僧曰。橫身三界外。誰是出頭人。師云。爭不足。讓有餘。僧曰。學人東西不辨。南北不分。師云。自生退屈。問如何是雲峯境。師云。昨日午到此。僧曰。如何是境中人。師云。灰頭土面。僧曰。人境已蒙師指示。爲人一句。又如何。師云。將謂知音。却不知上堂云。禹溪流水如藍染。雲密峯巒畫不成。山色水聲全是體。不知誰解悟。無生悟無生。彼此自忘情。更擬求奇妙。笑殺嶺南能。上堂云。至道無難。唯嫌揀擇。但莫憎愛。洞然明白。雪嶺輞毬。趙州庭栢。不落見聞。亦非聲色。擬問如何。攔腰一擲。上堂云。非不非。是不是。達磨西來。惑衆顯異。梁王勘破。渡江入魏。九年面壁。向嵩丘。接得神光。轉失利大衆。欲得不失利。麼。廉纖梅雨。蔽千家。蕭灑薰風。吹萬類。若作佛法商量。墮在野狐群隊。上堂云。佛祖傳心。西天此土。得之者。如日如月。照耀乾坤。失之者。如盲如聾。不辨西東。雲峯遮裏。得失是非。一時放却。無禪可參。無道可學。猖獗狂狂。蹈乎大方。且道。佛祖傳心。傳箇什麼。良久云。窓

開雲霧。生衣上。簾捲山泉入鏡中。

舒州浮山德宣禪師問如何是佛。師云。天長地久。僧曰。學人未曉。師云。年老病生。僧曰。同生同死。事又作麼生。師云。喚闍梨作佛。得麼。上堂云。雙井峯。錦綉谷。南北東西。難圖繖。縱爾僧繇。巧筆。端爭如一。到心中。足拈起拂子云。還見麼。良久云。雲居羅漢。繫禪牀下。座上堂云。諸佛不出世。四十九年說。祖師不西來。少林有妙訣。若人識祖佛。當處便超越。遂拈拂子云。遮箇是浮渡拂子。且道。祖佛在什麼處。良久云。雖是善因而招惡果。

江陵護國慧本禪師法嗣

岳州君山崇勝普淨禪師問如何是君山境。師云。寺居煙島上。四野盡波瀾。僧曰。如何是境中人。師云。望南看北斗。僧曰。人境已蒙師指示。向上宗乘事。若何。師云。檻外清風起。湖中白浪生。僧曰。謝答話。師云。老僧罪過。上堂拈拄杖云。看看拄杖。拄杖生在懸崖石上。如今拈向人前。須是生風起浪。乃拋下。上堂云。摩竭掩室。淨名杜口。飲光微笑。達磨壁觀。雪老觀毬。禾

山打鼓。嚴一。投青平。搜石。此一隊。漢各逞伎倆。總不措一言。教後人如何。摸捺。莫怪。山僧不會說禪。祇是修造院門。一粥一飯。接待往來。若是說禪。說道。自有諸方。

洪州泐潭山乾禪師法嗣

廬州西天王興化可都禪師。同祖意西來。即不問爲人一句。請師宣師云。片雲歸後。洞隻鶴舞清虛。僧曰。與麼則興化得人。群生有賴也。師云。鳥啄古林。木山橫。今日雲師乃云。如來大法。諸佛妙道。真源湛寂了。無生滅。設使千聖出來。亦乃難尋縫罅。興雲吐霧。普偏河沙。縱橫有準。妙應無疑。把定放行。卷舒自得。起人天眼目。擴佛祖心源。諸法見前。更無欠少。所謂人。人具足。箇箇圓成。不用纖毫心力。自然壁立千仞。良久喝一喝。

潭州道吾山楚方禪師。問昔日道吾云。生也不道死。也不道。和尚今日爲什麼。却道師云。官不容針。私通車馬。僧曰。真箇泐潭無異水。清風宛爾不同常。師云。剎利剎僧。點一知。二上堂云。諸人十二時中。不要錯。

用心好。頭上是天。脚下是地。朝明夕晦。水綠山青。物象分明。亘今亘古。若也怎麼承當。去早是無事。起事那更言中求玄。句裏尋妙。正是埋沒自己。不如歸堂喫茶去。

袁州崇勝密禪師。問如何是佛。師云。莫寐。語問如何是一法師。師云。早落第二上堂。大衆集。師云。已是團團不勞雕琢。歸堂喫茶。

廬山圓通僊禪師法嗣

温州永嘉淨居了威佛日禪師。問如何是祖師西來意。師云。一宿二宿。程千山。萬山。月僧曰。意旨如何。師云。朝看東南暮看西北。僧曰。向上更有事也。無師云。人心難滿。溪壑易填。問時節。因緣。即不問。惠超佛話。事如何。師云。波斯彎弓。面轉黑。僧曰。意旨如何。師云。穿過髑髏笑。未休。僧曰。學人好好借問。師云。黃泉無邸店。今夜宿誰家。師乃云。問一答一。谷響鐘聲。隨扣隨徵。故無窮盡。本分事中。離諸同答。直下無私。昭然應物。所以道。唯一堅密身。一切塵中。現乃舉拂子云。看看拂子是塵。且這堅密身在什麼處。良久云。於斯。

見得無量神通三昧本自圓成。恒沙諸佛法門自然具足。是故吾佛大聖人便以此法付囑。國王大臣令其守護流通。不絕付囑之意。今古共聞。且道作麼生是流通底事。乃顧視左右云。爾家喜氣參差。動千里恩波。特地新。

婺州明招山文惠禪師問百尺竿頭如何進步。師云。南天台北五臺。僧曰。處處逢歸路。時達本原。師云。對面若無青白眼。相識猶如不相識。僧曰。爭奈學人有轉身一路。師云。切忌喪身失命。上堂良久云。便與麼散去。早自落七落八了也。俯爲初機。不免重重話會。今朝五月五。爲汝等諸人。舉箇父母未生底句。光明相赫耀乾坤。且是無今亦無古。三世諸佛彊猜量。六代祖師徒指注。殿上迦葉謾擎拳。門外金剛眉卓。豎師拈掌呵呵大笑云。笑箇什麼。笑燈籠入露柱。

東京親旌德有瑞佛海禪師法嗣

安州應城壽寧道完禪師。問雲從龍風從虎。未審和尚從箇什麼。師云。一字空中畫。僧曰。得恁麼奇特。師云。千手大悲提不起。問十方國土中。唯有一乘法。如

何是一乘法。師云。斗量不盡。僧曰。恁麼則動容揚古路。不墮悄然機。師云。作麼生是悄然機。僧舉頭看師。舉起拂子。僧喝一喝。師云。大好悄然。上堂云。古人見此月。今人見此月。此月鎮常存。古今人還別。若人心似月。碧潭光皎潔。決定是心源。此說更無說。咄。上堂云。覺城東畔五衆雲。臻古佛廟前人人得旨。壽寧門下草偃風行爲什麼。如此良久云。箇中須是箇中人。上堂云。諸禪德。三冬告盡。臘月將臨。三十夜作麼生吐支津。良久云。衣穿瘦骨露。屋破看星眠。

潭州雲蓋智本禪師法嗣

潭州南嶽山承天禪院自賢禪師。問大眾已集。仰聽雷音。倪座旣登。請師剖露。師云。刹竿頭上翻筋斗。僧曰。恁麼則嶽麓山前祥霧起。祝融峰下瑞雲生。師云。紫羅帳裏繫真珠。上堂拈拄杖云。不是心。不是佛。不是物。打禪牀一下云。與君打破槽。靈窟竅。土甕塵無處。尋千山萬山空。突。吼復敲禪牀一下云。歸堂參上堂云。一身高隱唯南嶽。自笑孤雲未是閑。松下水邊端坐者也。應隨例說居山。咄。上堂云。五更殘月落天

囑白雲飛分明目前事不是目前機既是目前事爲什麼不是目前機良久云欲言言不及林下好商量上堂云佛祖不能正觀天地不能蓋載且道爲什麼如此良久云人人有箇皮袋

潭州南嶽承天慧遠禪師問如何是承天境師拈起拂子僧曰如何是境中人師擊禪牀一下僧曰人境已蒙師指示向上宗乘事若何師挂拂子於舊處上堂云湖南近日稍別小雪應時及節但管積嶺堆山勿論春寒秋熱阿呵呵真可悅庭下黃柑香不徹上堂舉扇子云犀牛扇子古今揚七十峯前九夏長二六時中如可用分明頭角好商量且問諸禪德商量箇什麼良久云任爾千般巧終無兩樣風乃放下扇子上堂拈拄杖云諸供養中法供養最勝所謂法供養者山供養水供養山僧堂供養佛殿供養僧堂諸人供養老僧老僧供養諸人良久云供養已畢念普供養真言老僧忘却且教拄杖子念與諸人卓一下云靜處隣婆詞上堂云鬧市裏識取古佛百草頭上薦取老僧鬧市裏古佛且致百草頭上老僧

作麼生薦乃云不是逢人誇好手大都品格合風流
喝一喝

廬陵定香山惟德禪師問登師子座作師子吼師云退後三步僧曰忽遇文殊來又作麼生師云列在下風上堂云獨坐草菴中空生直未委天龍殊不知花雨從何墜塵榻徒掩室毗耶空目閉睡起一杯茶別是箇滋味咄上堂云難難絲毫猶隔萬重山易易剎那便到無生地堪嗟文殊與維摩兩箇紛紛談不二山僧即不然良久云難難揀擇明白君自看喝一喝南嶽草衣巖治平慶時禪師問如何是治平境師云石室夜深霜月白草衣歲久敗蒲寒僧曰如何是境中人師云攜筇尋遠水洗鉢赴朝齋僧曰人境已蒙師指示向上宗乘事若何師云水馬嘶風泥牛渡海上堂云不是心不是佛不是物與君放出遼天鵝還見麼清風月下守株人良久遙遙春草綠喝一喝上堂云終日茫茫那事無妨且道那事如何良久云落葉知流水歸雲識舊峯

洪州兜率從悅禪師法嗣

洪州龍安山兜率惠照禪師開堂日上首白槌竟師顧視云還觀得麼若觀得去便能卷舒無礙隱顯自由若觀不得第二義門出來相見問如何是第一義諦師云槌下分付僧曰第二義門請師舉唱師云千家簾幕春光在幾處園林日色明僧曰學人未曉師云勞而無功僧曰爭奈分付了也師云一人傳虛萬人傳實問法鼓纔聲大無雲集學人上來乞師指示師云天靜不知雲去處地寒留得雪多時僧曰學人未曉乞師端的師云一重山背一重人師乃云龍安山上道路縱橫兜率宮中樓臺重疊雖非天上不是人間到者心安全忘諸念善行者不移變足善入者不動雙扉自能笑傲煙蘿誰管坐消歲月既然如是向上還有事也無良久云莫教推落巖前石打破下方遮日雲以拂子擊禪牀上堂舉拂子云端午龍安亦鼓燒青山雲裏得逍遙飢餐渴飲無窮業誰愛爭光奪錦標却向乾地上划船高山頭起浪明樵玉鼓暗展鐵旗一盞菖蒲茶數箇沙糖糕且移取北鬱單越來與南閭浮提鬬額看擊禪牀一下上堂云兜率

都無伎倆也數諸方榜樣五日一度陞堂起動許多龍象禪道佛法又無到此將何供養須知達磨西來分付一條拄杖乃拈起云所以道備有拄杖子我與備拄杖子備無拄杖子我奪備拄杖子且道那箇是賓句那箇是主句若斷得去即途中受用若斷不得且世諦流布乃拋下拄杖

袁州楊岐山子圓禪師問如何是祖師西來意師云如何是上座意僧曰比爲請益師云老僧答備不少上堂云楊岐無異路到者皆省悟若也更求玄驢年得休去珍重

黃州栢子山嵩禪師法嗣

黃州東禪惟資禪師上堂云信手招來無非佛事何故頭頭顯理物物皆宗念念釋迦出世步步彌勒下生若信得及把得住便請坐斷報化佛頭高步毗盧頂上招拄杖云且道拄杖子有何長處良久畫一畫云能殺能活能縱能奪更有一般堪羨處不風流處也風流卓一下

澧州夾山純禪師法嗣

澧州欽山乾明普初禪師上堂良久云。舉揚宗旨上。祝。皇基伏願祥雲與景星俱現。醴泉與甘露雙呈。君乃堯舜之君。俗乃成康之俗。使天下野夫不覺成。太平曲。且作麼生。是太平曲。無爲而爲。神而化之。灑。德雨以霑。霑鼓仁風而雍熙。民如野鹿。上如標枝。十八子。知不知。哩哩囉囉。囉哩哩。拍一拍下座。

東京智海智清佛印禪師法嗣

新州四祖仲宣禪師。問牛頭。未見四祖時。爲甚麼。百鳥啣花獻。師云。看風使帆。僧曰。見後爲甚麼。不啣花。師云。相頭買帽。僧曰。祇如學人。今朝與和尚相見。又且如何。師云。彼一時。此一時。師乃云。諸佛出世。爲一大事。因緣。祖師西來。直指人心。是佛。凡聖本來不二。迷悟豈有殊途。非涅槃之可欣。非死生之可厭。但能一言了悟。不起坐而卽證。無生一念回光。不舉步而徧周沙界。如斯要徑。可曰宗門。山僧既到這裏。不可徒然。乃舉拂子云。看山河大地。日月星辰。若凡若聖。是人。是物。盡在拂子頭上。一毛端裏。出入遊戲。諸人還見麼。設或使向遮裏見去。個儻分明。更須知有。

向上一路。且問諸人。作麼生。是向上一路。良久云。六月長天降大雪。三冬嶺上火雲生。

泉州乾峯圓慧禪師上堂云。達磨正宗。請僧巴鼻。堪。迷者成群。開眼瞌睡。頭上是天。脚下是地。耳朵聞聲。鼻孔出氣。敢問雲堂之徒。時中甚處安置。還見麼。可憐雙林傅大士。却言祇遮語。聲是。咄。上堂云。春風蕩蕩。幽鳥關關。山青水碧。兮羅空亘野。爲報諸人。毋。慎。勿顛預。勿顛預。好自看。十方三世。遶團圓。以拄杖。擊禪牀一下。

臨江軍慧力院可昌禪師法嗣

臨江軍瑞筠山慧力洞源禪師上堂云。佛祖不立兩落街頭。自濕凡聖。何依。晴乾自是無泥。方知頭頭皆是。道法本圓成。休說趙州七斤衫。曹源一滴水。須彌頂上浪。滔天大洋海底紅塵起。咦。是何道理。參。袁州分宜福聖常極禪師上堂云。和風習習。春日遲遲。牧童拋掌石。女生兒。壠上爭先種。植田中急切扶犁。鳥窠凍鷃。石毛莫吹。天皇老漢。餠餅充飢。休言卽心卽佛。莫問得髓得皮。松窓石室。兀坐支頤。祇知今。

日明日誰顧果滿三祇以拂子擊禪牀

廬山開先行瑛禪師法嗣

廬山開先華藏海評禪師上堂云始見山前麥熟滿田又插新秧東村人帶水拖泥西家裏譟聲一片所謂苦中有樂衆生日用而不知唯有寒山呵呵大笑諸禪德且道寒山子笑箇什麼還會麼不覺日又夜爭教人少年參

洪州上監希肇禪師法嗣

洪州大寧文廣禪師問如何是大寧境界云此地更無塵一點城居宛若似山居僧曰如何是境中人師云入門便見

饒州薦福英禪師法嗣

福州等覺普明禪師開堂日上首白槌罷師良久普視大眾云奇哉妙哉是諸人還於此觀得麼若實於此觀得盡十方世界更無微毫許法可與爲見爲聞亦無纖芥許法可與爲對待可謂露裸裸赤灑灑若觀不得定是根塵結縛未解凡聖情量不脫終日只在是非得失裏轉倒有什麼用處衆中莫有超然

獨脫灑落底衲僧麼無妨出來與備證明同當年裴相參黃蘗笑指高僧問有因府帥憲車臨祖席其中消息若爲陳師云彼一時此一時僧曰可謂風清人那魚龍躍明耀千家日月心師云創利衲僧僧曰門外沙隄聞再築卽承天詔駕歸驂師云當頭道著問師唱誰家曲宗風嗣阿誰師云鄱陽湖裏白浪滔天僧曰薦福一枝今獨秀釣螺江上月分輝師云衲子難瞞僧曰向上還更有事也無師云有僧曰幸遇海衆何妨指出師云高著眼問如何是奪人不奪境師云風清月白僧曰如何是奪境不奪人師云灰頭土面僧曰如何是人境俱不奪師云海晏河清僧曰如何是人境兩俱奪師云水泄不通問如何是賓中賓師云伶俚更苦辛僧曰如何是賓中主師云問處甚分明僧曰如何是主中賓師云垂手入紅塵僧曰如何是主中主師云寶劍當眉僧曰賓主已蒙師指示向上宗乘事若何師云且待別時來師乃云休休直饒問若聯珠答如瓶瀉若也於道遠之遠矣何謂也若論此事一大藏教更不能詮三世諸佛唯是自得

輝今耀古。忘見絕知。彌滿十虛。寧有方所。祇爲情生。知隔想髮。體殊於日用。間不能自覺。所以勞他元德。迴首塵勞。開方便門。示真實相。方便門已八字打開了。也還有入得底麼。若向遮裏入得。便能持實相印。建大法幢。出沒縱橫。卷舒自在。直饒到此。猶落建化門底。未爲納僧徑要。一路作麼生。是徑要。一路良久云。肯重不得。全卸却方爲妙珍重。

建中靖國續燈錄卷第二十四

建中靖國續燈錄卷第二十五

〔宋禧〕

東京法雲禪寺住持傳法佛國禪師臣惟白集

對機門

廬陵清原山行思禪師第十四世

東京法雲禪寺善本大通禪師法嗣

婺州雲黃山寶林寺寶覺禪師諱果昌。姓時氏。安州人也。自幼出家。精通貝葉。弱冠試度。遂慕南宗。遠造寶林大通禪師。席入室。聞舉遊山。翫水。因緣豁然大

悟。乃獲印可。復遊淮甸。徧扣宗師。孤節介性。超然獨異。擔板自稱。名播叢席。緣終示疾。沐浴更衣。索筆爲頌。跌坐而逝。問朝宰臨筵。頌聞舉唱。師云。聞似不聞。僧曰。怎麼則得聞於未聞也。師云。不聞似聞。僧曰。一句流通。清風匝地。師云。一似不曾聞。問昔日保壽開堂三聖。推出一僧。保壽便打。學人今日不推自出。未審和尚如何下手。師云。尊官在此。僧曰。不干他事。師云。前令已行。僧曰。丈夫未盡平生志。特地挑燈把劍看。師云。識甚痛痒。僧曰。祇如放開捏聚。一句作麼生。道師云。猶自不甘。問如何是寶林境界。師云。雲黃山僧曰。如何是境中人。師云。傳大士偈曰。祇如向上宗乘。若何指示。師云。貪觀天上月。失却手中撈。問如何是佛。師云。堯眉八彩。僧曰。乞師再指。師云。舜目重瞳。問如何是佛法大意。師云。釘椿搖撼。僧曰。畢竟如何。師云。把纜放船。提刑楊公傑入寺。以寫七佛殿額。乃問七佛重出世時如何。師云。一回相見。一回新。又同遊山。次刑拈起太士飯石。問既是飯。爲什麼敲不破。師云。祇爲太硬。刑云。猶涉繁詞。師云。未審提刑作

麼生刑云硬師云也是第二月上堂云千般巧說不離昔日門風萬種施爲祇是舊時光彩蟬鳴高柳普應十方葉落孤峰一時可驗顧視左右云還見麼若言有見無見未出斷常若言非有非無乃存戲論喝一喝云快須薦取更若意思交馳便見白雲萬里上堂云正月孟春猶寒叉手人人舉過青山隱隱如藍誰道迷達磨參上堂云天高地厚自古及今西落東生何曾間斷清風明月地普天富塞虛空逃之無處怎麼說話且逗初機驚拈起拄杖云佛殿上鴟吻吞却雲黃山見儒諸人不會却吐在舊處了也參上堂云山僧作事無限凡百不曾預辨凌晨隨例餐糜齋時伴衆喫飯日月任渠遷四序從佗變且道爲人在什麼處良久云兩箇五百合成一貫上堂云一卽一二卽二艱著直是無香氣薰拈拄杖卓一下云識得山僧柳標條莫向南山尋鼈鼻師於紹聖二年五月十日辭世云遮箇關板非難非易四象相催吾難住世昨夜三更星斗移一片虛空撲落地杭州淨慈寶印禪師諱楚明姓張氏越州人也早窮

教旨復慕禪宗參大通禪師初住越州承天次遷淨慈左丞蒲公宗孟奏以師名問法不孤起伏境方生如何是淨慈境師云目前朶朶之山耳畔潺潺之水僧曰如何是境中人師云閑向湖邊看魚躍歸來林下纔禪衣僧曰人境已蒙師指示西來祖意又如何師云白石有消日清聲無盡年僧曰謝答話師云家賊難防問黃梅半夜心印相傳惠日峰前如何指示師云湖水連天碧山花映日紅僧曰西來密意蒙師決當機一句又如何師云回首細思量上堂云看看山花山鳥各轉無盡法輪湖水湖波共演祖佛心印塵塵互說法法同宣耳目觀聽難明情識思量莫及當須自照唯證相應上堂云祖師心印非長非短非方非圓非內非外非中間且問大衆決定是何形貌拈拄杖云還見麼古篆不成文飛帛雖同體從本自分明何須重特地擊禪牀一下上堂云出門見山水入門見佛殿靈光觸處通諸人何不薦若不薦淨慈今日不著便上堂云雲門餠餅非麤所成趙州喫茶口行人事諸人還相委麼若也委悉方信古人

是截鐵之言。如或未入玄關。且在荊棘林裏上堂云。若論此事。得之則絕毫絕釐。用之則如山如嶽。迎之則無背無面。隨之則無厚無薄。如斯語。話諸人還委悉麼。若委悉。去。方信寒暑不能遷。生滅不曾易。日月鎮長。新歷劫光一色。大衆如何。是一色底光。良久云。天下衲僧跳不出。

越州承天。滋須禪師。姓黃氏。單州人也。受業東京。恒興寺。深窮論旨。精持律行。參大通禪師。言下契悟。問太守光臨於法席。祖意西來。願舉揚師云。一人有慶。僧曰。大衆咸聞。師云。聞底事作麼生。僧曰。怪來昨夜清風起。今日靈山事。宛然。師云。瞻之仰之。問今朝朝。師光臨如何。相見。師云。此心能有幾人知。僧曰。一言歸大道。四海盡知音。師云。合師云。若論此事。體之則神敬之。則靈觀之。則眼似眉。毛聽之。則泥牛哮吼。言之則縮却舌。頭顱之則塞却鼻。孔觸之。則一棒一條痕。思之則針割不入。當此之際。謂之智不到處。心言絕處。亦謂之無事人安樂處。直饒千聖出興。當頭亦道不著。昔日淨名居士對諸菩薩。前曾露遮箇消息。

次有達磨大師於少室峰前九年爲衆說。唯有二祖親聞。自後法流沙界。承天今日。向知有底人。前有箇說處。良久云。見麼。百味盈羅。明祖意一意之下。報深恩。上堂拈拄杖云。見麼。明如鏡。平如秤。四七二三。親行此令。有眼底辨。取擊禪床一下。

蘇州吳江聖壽法晏禪師。問祖意西來。卽不問。今日開堂。若何。師云。雲生碧嶂。僧曰。學人不會。師云。月落寒潭。上堂云。山頭浪起。水底塵飛。結果空花生兒石女。如今卽不恁麼。三年一閏九月重陽。冬天日短。春天漸長。寒卽向火。熱卽取涼。良久云。且道佛法在什麼處。不離當處。當處湛然。覓則知君不可見。喝一喝。越州天衣寺惠通禪師。姓沈氏。錢塘人也。早年具戒。聽習台教。尋慕參問。詣大通禪師。席下契悟。宗猷問師子未出窟時如何。師云。藏牙伏爪。僧曰。出窟後如何。師云。群狐屏迹。僧曰。恁麼則青莎窟裏威風振。秦望山前露爪牙。師云。備試哮吼。看僧曰。放過一著。師云。吐不出。問如何。是祖師西來意。師云。青松倒影垂幽徑。僧曰。學人不會。師云。綠竹寒聲夾亂流。僧曰。學

人從此更無疑也。師云：且緩緩。師乃云：今日囊雖既露，不免帶水拖泥。顧視大眾云：有麼？然祖師心印直下圓成，怎麼會得少分相應？若以言詮取證，徒自疲勞。馳騁詞鋒，欲繼真乘，無有是處。祇如達磨未來一句作麼生道？還有人道得麼？良久云：鐵牛昨夜三更走石女溪邊，喝使回上堂云：鳴鐘一扣，響振妙峰。玉燭騰輝，大千普照。觀音菩薩到遮裏，無處藏身。更問如何？若何？鐵圍山畔更過三千。

湖州天聖齊月禪師問如何是祖師西來意。師云：胡地冬生。荀僧曰：乞師再指。師云：波斯不繫腰。僧曰：三十年後專爲流通。師云：西來意作麼生。僧拈掌一下。師云：早是亂統。僧禮拜。師便打問：師唱誰家曲？宗風嗣阿誰？師云：魚行水濁。僧曰：怎麼則淨慈一箭直射翠峯也？師云：卦是天門筭來五兆。僧曰：驗人端的處。下口便知音。師云：一任摸搦。師乃云：祖師心印迴脫根塵妙體，非形徒然測度。若乃心存知解，識滯見聞。祖師微猷如何得到今日？直須一念情盡，內外見亡。大智圓明，方能洞曉。便及隨機應用，好醜齊觀，觸處

皆渠更無別理。山河學唱，孰是知音？水鳥談真，何人善聽？然雖如是，知者方知，更若心眼未開，切忌承虛接響，以拄杖卓一下。

鄭州資福法明寶月禪師問：法身清淨，報應無垢，爲什麼香湯浴佛？師云：今朝四月八日。僧曰：既然無垢，浴箇什麼？師云：不因入水，爭見長人。僧曰：忽若撞著雲門老子，又作麼生？師云：快便難逢，便打上堂云：資福別無所補，五日一參，擊鼓何曾說妙談，玄祇是露言直。語甘草自來甜，黃連依舊苦。忽若鼻孔遼天，逢人切忌錯舉。參上堂云：風柯月渚，並可傳心。煙島雲林，咸提妙旨。現成公按，不在思量。更說碧眼西來，單傳直指，大似平地生波。而今還有相悉底麼？良久云：石頭大小連雲，翠栢短松，長帶露青，便下座上堂云：若論此事，譬如伐樹得根，灸病得穴。若也得根，豈在干枝偏斬？若也得穴，不假六分全燒，以拄杖卓一下云：遮箇是根，那箇是穴？咄！是何言歟。

杭州徑山承天禪院常悟禪師，姓李氏，本州光化寺受業。參大通禪師，發明已事，出世闡揚禪宗。宗仰初

住龍華駙馬都尉張侯敦禮奏以章服問一棒一條痕一摑一掌血有箇末後句請師分明說師云有功者賞僧曰一言金石談來重萬慮鴻毛脫去輕師云手把白玉鞭殷勤贈三百問蓬磨未來時如何師云省得草鞋錢僧曰來後如何師云重疊關山路僧曰來與未來相去多少師云伸脚在縮脚裏師良久云佛法至論非辨口利辭之所爲非神通修證之所得直饒盡乾坤大地情與非情各致百千問難抵贏得一場戲論去道轉遠何故如是靈山會上世尊拈花迦葉微笑吾有正法眼藏涅槃妙心分付於汝大衆還知釋迦老漢憐兒不覺醜麼山僧當時若見三十棒一棒也較不得爲什麼如此祖禪不了殃及子孫上堂云至道無難迷於巧會說神說通著凡著聖而今見山是山見水是水飢即餐困即睡且道將什麼消他供養良久云更請一甌茶

越州延慶可復禪師問一言道合時如何師云清風明月僧曰不假一言時如何師云南北東西僧曰直下便會時如何師云巖頭露影問如何是事不遷師

云江山不改舊風月自依然僧曰如何是理不遷師云曉月收松影春池解凍冰僧曰事理異同如何得歸一去師云浪花不待春風發雲葉寧隨秋露凋上堂云胡來胡現漢來漢現忽然胡漢俱來時如何祇準良久云落霞與孤鶩齊飛秋水共長天一色參上堂云日暖春將暮桃華落澗紅雲雲時不遇隨水自西東參

温州永嘉雙峰山普寂宗達佛海禪師問如何是永嘉境師云華蓋峰僧曰如何是境中人師云一宿覺上堂驚拈拄杖橫按膝上云苦痛深苦痛深碧潭千萬丈那箇是知音卓一下上堂衆集定喝一喝云冤有頭債有主珍重上堂云孤嶼峰前太直不費纖毫心力入門兩手分付更聽青天霹靂喝一喝下座

郴州宣章圓明希禪師上堂云天地無四壁日月有四時暑往寒來風恬浪靜古今天地古今山河情與無情皆承恩力不用南詢諸祖北見文殊古佛廟前此時參畢見箇什麼良久云也是迷逢達磨

越州五峰山子琪禪師問學人上來乞師垂示師云

華開千朵秀僧曰學人不曾師云雨後萬山青僧曰謝指示師云備作麼生會僧便喝師云未在僧又喝師云一喝兩喝後作麼生僧曰也知和尚有此機要師云適來道什麼僧無語師便喝上堂云秋風清秋月明蕭灑景稱閑情時聽斷崖流水聲

通州狼山文惠禪師問和尚未見淨慈時如何師云鐵牛生角僧曰見後如何師云石馬懷胎問如何是祖師西來意師云海雲生嶽頂僧曰學人不曾師云楊子水朝東

西京韶山雲門道信禪師問如何是祖師西來意師云千年古墓地今日頭生角僧曰莫便是和尚家風也無師云下度則喪身失命問如何是學人自己師云無人識者僧曰如何得脫灑去師云備問我答師乃云直饒言言諦當句句精通人天衆前暖熱法席即可何故是法非法離見聞緣至道非道絕諸戲論直得文殊仗劍殺活臨時秘魔擎杵事不獲已百丈竿頭進步未是全身撒手千聖那邊豈唯分外自爾泥牛入海氣似雲奔木馬嘶風聲如雷吼英靈禪德

宜自參詳妙悟不忘無有休日珍重

舒州投子山修顯證悟禪師法嗣

壽州資壽灌禪師問朝宰臨筵請師舉唱師云翠竹搖風寒松鎖月僧曰祇如威音王已前又作麼生師云無角鐵牛眠少室生兒石女老黃梅僧曰三十年後此語盛行師云切忌錯舉上堂良久云便恁麼散去已是葛藤更若喃喃有何所益以拂子擊禪牀西京白馬山崇壽寺江禪師問知師久蘊囊中寶今日開堂略借看師云不借僧曰爲什麼不借師云賣金須是買金人上堂云若言說佛說祖未斷生死根源直饒不立纖塵也是心常附物敢問諸人作麼生恰好去拈起拄杖云看看拄杖吞却虛空虛空何曾知覺

鄧州香嚴長壽知月禪師師顯視云好諸禪德霧卷長空雲收大野女郎臺下何殊雞足峰前西湖岸頭不異曹溪路上漁歌短艇驚鷗喬林野草含烟汀花泣露大衆還相委悉麼良久云頭頭垂示處子細好生觀上堂云吾家寶藏不悭惜觀面相呈人罕識輝

今耀古體圓時照地照天光赫赫荆山美玉奚爲貴
合浦明珠比不得借問誰人敢酬價波斯鼻孔長三
尺咄

潤州金山善寧法印禪師法嗣

秀州禪悅知相禪師上堂云或住城隍或住山任緣
無事可相關有時默座令人笑却是閑時又不閑且
問諸人爲什麼却成不閑大衆還會麼良久云昨朝
霜冷盡今日孟冬初參上堂云祖師心印格外清規
更問如何伏惟伏惟

婺州普濟子淳圓濟禪師問摩尼珠人不識如來藏
裏親收得如何是珠師云不撥自轉僧曰如何是藏
師云一撥便轉僧曰轉後如何師云把不住問如何
是普濟境師云任是王維手都盧畫不成僧曰如何
是境中人師云李四雖擡手張三不舉頭僧曰忽遇
客來如何祇待師云煮茶敲破石池冰僧曰向上更
有事也無師云猶自不知問如何是道師云秋收冬
藏僧曰如何是道中人師云拖泥帶水問諸佛說不
到底請師說師良久僧曰覲面無私對揚有準師云

莫將泥彈子認作夜明珠上堂云難難思量猶隔萬
重山易易利那便到無生地維摩昔曰與文殊兩箇
相逢諍不二敢問諸人作麼生說箇不二底道理良
久云有水皆含月無山不帶雲上堂云竹林飢虎猶
尙鮮血霧流靈山說法度人至今聲音嘹亮且道少
室峰前一句作麼生道良久云紅霞穿碧落白日遶
須彌上堂云曉天時靜亂雲深寂寂開軒對碧岑爲
報五湖參學者休言見色便明心上堂云雨過山青
雲開月白帶雪寒松搖風庭柏山僧恁麼說話還有
師祖意也無其或不然良久云看看

秀州鹿苑道齊禪師上堂云君論此事直下無私輝
騰今古不離當處應現無虧更逞詞鋒徒勞側耳門
庭敲磬不別千差到遮裡維摩老漢祇可傍觀達磨
九年看即有分良久云參

廬山開先心印禪師法嗣

廬州延昌寺照詠禪師問少林面壁意旨如何師云
慚惶殺人師乃云衲僧家直須橫身宇宙裂破面門
把住放行總由遮裡放行也千花競秀萬木迎春把

住也水泄不通。鐵塵不立。且道山僧爲人在什麼處。良久云。可知禮也。

金陵保寧子英禪師法嗣

廬山承天羅漢勤禪師問。今朝已受賢侯請。未審如何。顯祖機師云。甚處得此。問頭僧曰。因師置得。師云。道什麼。問學人上來合談何事。師云。水出崑崙。僧曰。意旨如何。師云。天高地厚。僧曰。畢竟如何。師云。步步向前。上堂云。羅漢有一句擬議。成露布。直下便承當。歸堂喫茶去。上堂云。月生一三世。如來跳不出。月生二直下。分明休擬議。月生三。凜凜霜風徹骨寒。遂拈拄杖子過去。不可得。現在不可得。諸仁者。作麼生會。向遮裡。辨得羅紋十字。一任橫行。苟或未然。切忌亂走。擊禪床一下。

廬山羅漢善修禪師問。直截之機。請師速道。師云。剪鐵湛盧。寒照雪。僧曰。未是直截之機。師云。目前可驗。師乃云。一氣不言。群芳競吐。烟霧羃兮。水綠山青。日遲遲兮。鶯吟鶯語。桃花依舊。笑春風。靈雲別後。知何許。蕭拈拄杖云。見麼。良久云。鼻孔眼睛。一時穿却。卓。

拄杖一下

秀州本覺法真一禪師法嗣

福州越峰粹珪妙覺禪師。閩縣人也。姓林氏。少業儒。應鄉書。不振。三十四落髮于大善寺。受具。後一年。杖錫遊方。至本覺入室。聞舉言。下合無生。遂陳悟旨。法真印之一日。告以京洛之行。法真書頌爲送。曰。騰蘭昔東來。京洛始知佛寥寥。千載餘白馬。瘞遺骨。吾祖傳佛心。九年居少室。斷臂得神光。高風在今日。之子七閩士。昔學綴文筆。厭爲章句佛。勇往事超逸。壞服從我游。出處造禪窟。遽懷西洛行。去意不可屈。丈夫宜慨然。萬事所當忽。毋爲塵跡留。君看是何物。自此京淮廬。早遍歷叢林。俄還鄉曲。會太守工部溫侯。益崇敬佛法。命師出世。開堂日。問撥草瞻風。卽不問一曲還鄉事。若何。師云。溪畔老婆呼舊字。僧曰。恁麼則。踏著本家田地穩也。師云。飛猿嶺外有知音。問擊鼓昇堂。今日事未委。宗風嗣阿誰。師云。金雞一唱千峰曉。僧曰。橋李亭前曾得意。越王峯下遇知音。師云。多少離人冒暗行。問賢侯請命。當爲何事。師云。光拭床。

淨掃地僧曰。還當佛法也。無師云。不用奴安使婢問。如何是祖師。西來意。師云。瘦田損種。僧曰。未審如何。領解。師云。刈禾鎌子曲如鉤。問機關不到時。如何。師云。抱甕灌園。僧曰。此猶是機關邊事。師云。須要雨霖頭。問祖意教意。是同是別。師云。驢著槽。馬著轡。僧曰。爭奈學人未會。何師云。蘆花翠地。白絲鞭。問寶劍未出匣時。如何。師云。豐城價重。僧曰。出匣後。如何。師云。雷煥名高。師乃云。釋迦出世。石火裡現身。四方七步。從何而起。達磨西來。雷聲中說法。一華五葉。甚處得來。邇後緣空鑿隙。逐惡隨邪。便有惠山。臨濟。獨尊。先曹。平地上撒起葛藤。寶器裏停諸餽飯。使南來北往者。牽手絆脚。倚門傍戶者。嚙唾吞精。且饒有一箇半箇。眼尾朝地。跳得出來。若到禪僧門下。不消一割。喝一喝下座。

福州壽山本明禪師開堂曰。問李相當年參藥。巖雲在靑天水在瓶。府帥請師匡上席。未知祖意若爲明。師云。今古應無墜。分明在目前。僧曰。將謂壽山無透路。元來方外有知音。師云。今之古之一句。作麼生道。

得僧曰。伯牙與子期不是閑相識。師云。又被風吹別。調中問。如何是壽山境。師云。三山長在。日一徑是杉。松。僧曰。如何是境中人。師云。閑持榔槨。木笑問往來人。僧曰。向上宗乘事。若何。師云。龍吟霧起。虎嘯風生。問知歸久。蘊吹毛劍作麼生。是吹毛劍。師云。清風八面。僧曰。中下之機。如何曉解。師云。切忌當鋒。僧曰。恁麼則。今日用去也。師云。快便難逢。師乃云。過去諸佛已過去。未來諸佛猶未來。正當空劫之際。佛法委在何人。若也一念迴光。遍照十世古今。不離於當念。豈有前後去來之際。直饒諸聖出興。如恒河沙數。未有一人半箇當頭指出。是以釋迦老子四十九年說不盡。三乘十二分教。又是黃葉止啼之說。泊乎靈山會上。不得已而拈示衆。迦葉破顏而笑。便道。吾有正法眼藏。分付摩訶大迦葉。自此之後。翻成途轍。西天此土。通相傳授。莫不以心印心。以印印定。實無一法與人。直指當人分上。真機絕朕。包千古以無窮。大智沖虛。亘十方而無盡。圓光不離於目前。法界豈從他得。舉足下足。無非眞實道場。一卷一舒。豈離繁興大。

用草木叢林皆現色身三昧山河大地盡轉根本法輪若能如是方解報恩深恩上資皇圖之永固珍重上堂云四面青山列畫屏誰知身世與雲平松風水月淡相對別占壺中一片清所以白雲影裏古佛巖前青松翠栢盡彰古佛之家風傑閣雄樓何異天宮之世界既到遮裏不用彈指樓閣門開說甚天台與南岳爲什麼如此壽嶽凌霄漢紅塵不到門

睦州廣靈希祖佛印禪師法嗣

睦州烏龍山廣堅禪師上堂良久云明珠在掌別者還稀寶鏡當臺何人委悉鋒前一路截斷衆流言下千差隨波逐浪是以道棒頭取正喝下承當擬議之間新羅國裡如斯舉唱曲爲初機若是明眼高流不在鑽龜打瓦珍重

處州縉雲仙岩懷義禪師問如何是佛師云自屈作麼僧曰如何是道師云偈道了僧曰向上更有事也無師云無僧曰恁麼則小出大遇也師云祇恐不恁麼僧曰也是師云却恁麼去也

睦州清溪西禪智誠禪師師云庭潤一葉之梧普天

秋色雲過數行之鴈巾地寒聲忽薦西風頓清野水頭頭顯露物物全彰有眼底總見有耳底總聞且道佛法在什麼處良久云多少分明

壽州資壽圓澄岩禪師法嗣

鼎州武陵彰法嵩禪師有僧脫鞋戴頭上出來師云趙州猶在僧拈下鞋呈起師云果然僧提鞋歸衆師云猶較些子上堂拈拄杖云行坐常持兎角杖應用全施龍虎狀乳峯猶許老韶攬後代商量幾般樣有方圓有拯濟打著鐵牛隨棒起須教不怯萬年藤畫斷兩頭休擬議亦不大亦不小拄地撐天常皎皎拈來卓向衆人前萬象乾坤都一照卓一下婺州寶山公遠禪師問如何是聲師云分明聽取問如何是色師云分明看取僧曰更有事也無師云言猶在耳

岳州乾明惠覺禪師法嗣

嶽州平江長慶圓禪師上堂云寒氣將殘春日到無索泥牛皆踈跳築著崑崙鼻孔頭觸倒須彌成糞掃牧童兒鞭棄了懶吹無孔笛拍手呵呵笑歸去來兮

歸去來煙霞深處和衣倒良久云切忌睡著上堂云此道徑截祇遮無別要休便休要歇便歇還歇得麼喫茶去上堂云長慶有箇消息生緣本在江國逢人不敢相謾面亦不如語直

岳州平江寶積清及禪師問如何是實際理地師良久云會麼僧曰不會師云可惜實際理地上堂云左一勝右一顧萬象森羅體全露且道露箇什麼顧視大眾下座上堂拈拄杖喝云德山臨濟不解我語諸人還會麼乃卓一下又喝一喝云昨未夢見德山臨濟在上堂云看看輝輝紅日上欄干更饒清風吹我寒咄

真定府洪濟滿禪師法嗣

相州長興宗朴禪師上堂云我有一訣逢人便說兩下天陰炎天普熱大眾還會麼爾若會得眼中著屑爾若不會今朝敗闕不見道別別韶陽老人得一概上堂云臘月正嚴寒草木盡枯乾幾多名利客見處黑漫漫咄

東京法雲惟白佛國禪師法嗣

向下一人語錄
禪學僧希式錄

潤州金山龍游寺佛鑑禪師諱惟仲汀州人也早圓戒品遊廬山淮浙徧扣宗師至龜山樞衣入室聞學庭前栢樹因緣言下契悟出世磁州慧果未幾參侍佛國禪師住東京法雲爲衆領袖元符三年春

哲宗皇帝上仙五七入內簾賜章服相國晉公布閱師道風奏以師名浙漕金部程公之元潤州州牧大監傅公燮遣使具儀請住金山師於建中靖國元年四月十一日入寺開堂中宮皇后遣中使降香恭爲今上皇帝祝延 聖壽師謝 恩畢登座祝 聖

罷乃敷坐上首白槌竟師顧左右云還會麼師子奮迅象王回旋於斯明得不妨省力其或不然有疑請問問選佛場開當此日師將何法答 皇恩師云萬年松在祝融峰僧曰若然者祇如大監臨筵如何補報師云漁樵千里樂昇平僧曰飄來新雨露洗出舊樓臺師云說道理僧曰祇如泛洪舟衝雪浪到家一句又作麼生師云三門頭合掌佛殿裏燒香師云法本無說隨事應機心本無形遇緣即現古今如是凡聖同途蓋衆生迷妄不知遂成流轉故能仁頓忘情

見了達根源不從外求亦非內得所以佛佛授手祖祖相傳道貫一乘宗分五派臨濟則賓主互換韶陽乃顧鑒全抽馮仰則父子相投曹洞乃君臣會合清涼法眼直指唯心建立門風各張鋪席包含萬象該括大千冥冥不混於色聲蕩蕩豈妨於語默把定則十方坐斷虎踞龍蟠放行則千聖出興風行草偃助堯仁政化祝 睿筭延鴻降伏衆魔普利群有然雖恁麼猶涉程途且道正令當行如何理證良久云一氣不言含有象萬靈何處謝無私 建中靖國元年四月十三日 皇后教旨遣中使降香爲 皇子韓國公頭晬之辰設齋請陞座祝延 聖筭問天香遠降慶 皇子之令辰中使臨筵願聞法要師云好風來不盡紅日照無涯僧曰一句迥超今古外松蘿不與月輪齊師云於斯如曉了不在別追求僧曰箇中奇特事鑪薰御香清師云木人吹玉笛聲入紫微宮師云妙高臺畔龍象駢闐化城閣前聖會賢合正是我皇植福之地乃爲禪流選佛之場洞啓法門廣開要路悟之者頭頭顯道物明心高蹈大方圓融

至理迷之者重重昧性句句乖宗空自精勤終無了達苟能於斯一致盡斷兩邊不離當人便同正覺真可謂金輪統御玉燭遐明萬國賓從八方寧靜虬龍出穴丹鳳來梧野老謳歌行人讓路堯風與祖風並扇舜日共佛日齊明奔波遊子徑歸家是處高人遊佛國然如是且道龍生龍子底句又作麼生良久云非但天神來密祐更資遐筭助 吾皇問如何是佛師云高聲問著僧曰如何是道師云脚下薦取僧曰如何是禪師云舌拄梵天僧云學人今日小出大遇去也師云爾遇得箇什麼僧曰不可重說偈言師云勘破了也師云如是之法亘古亘今一切現前不勞心力上至諸佛下及傍生妙湛真如恒常有異蓋羣情而棄本逐末展轉輪回苟聖種而捨妄歸真頗超彼岸所以菩提達磨遠屆此方直指人心見性成佛少林九年冷坐不措一言唯有座主神光俄然瞥地便乃求安心之旨了不可尋卽於言下承當從此紹隆祖位末後門庭大啓枝派遙分石人舞出玄關玉女吹成妙曲如斯舉唱已徇機緣後學初心直須薦

取久參高德。同爲證明。且道截斷兩頭底句。又作麼生。良久。拍禪牀下座。

上堂云。今朝二月十五。慧果陞堂。擊鼓召集四海禪人。大家商量。佛祖寒山。聞說呵呵。拾得起來。作舞直饒。碧眼胡僧也。須點頭相許。還相委麼。麼。歸堂喫茶去。上堂。顧視大衆云。春光漸老。山色方融。桃華栢上。噴馨香。楊柳岸邊。垂鬟娜。大醫嶺下水聲。終夜響潺湲。慧果門前。雲影暮天。鋪爛熳。鸞啼嶺上。蝶舞華前。法法現成。不勞心力。參上堂云。大衆盡是雲外高士。徧歷諸方。扣問宗師。求其悟解。還知人人自有一段光明。十二時中。在汝諸人。面門出入。未嘗有絲毫許欠少。未嘗有絲毫許間隔。未究得者。切須死取。比來行脚圖箇什麼。若於此見得。歷歷分明。猶是生死岸頭事。在更須知有衲僧家。超佛越祖。向上一著。敢問諸人。作麼生。是向上一著。良久。二。深夜後。緩叫亂峰前。

興元府中梁山乾明禪院永因禪師。初住法濟都。張侯敦禮。奏賜章服。問建律。無所

以學人上來乞師。便道師云。分明一句。作者猶迷。僧曰。漢水祇應流到海。月輪直上最高峰。師云。且得領話。問世尊出世。地涌金蓮。和尚出世。有何祥瑞。師云。昨日雨。今日晴。僧曰。向上更有事也。無師云。有僧曰。如何是向上事。師云。東西南北上下四維。師乃云。信哉。此事孰不承恩。大似日輪處處空界。但能反照。卽自圖明。不假多聞。本來具足。堂堂應用。歷歷見前。廓落情塵。徧周法界。虛空上下。不在思量。大地山河。誰間隔。乃拈起拂子云。前佛已滅。後佛未生。正當而今。諸人何不省悟。若能悟去。便乃不除煩惱。卽證菩提。不離死生。便成正覺。假饒碧眼胡僧也。添減絲毫不得。雖然如是。敢問諸人。作麼生是添減不得底事。良久云。斬新樓殿。佛家天律。去禪居豈偶然。底事不曾添減得。任從天下與人傳。

婺州智者山壽聖禪寺紹光禪師。潭州人也。出世楚州。勝因後遷智者山。都尉張侯敦禮。奏賜章服。問遠難楚寺來。屈金華如何。是不動尊。師云。卸帽穿雲去。披簪帶雨歸。僧曰。未審是同是別。師云。莫向意中求。

僧曰。爭奈遠涉程途。師云。有請不背。問。擊大法鼓。演大法義。學人上來。乞師垂示。師云。寒生水。而僧曰。向上還有事也。無師云。有僧曰。如何是向上事。師云。曰。上天心。上堂云。千手千眼。不礙施呈。一信不誣。玄關永隔。且道。過在什麼處。十年歸不得。忘却來時道。參上堂云。根塵同源。縛脫無二。不動絲毫。十方游戲。紫胡犬子。雖摩爭似南山鼉鼻。師高聲云。大眾看脚下。上堂云。團不聚。撥不散。日曬不乾。水浸不爛。等閑掛在太虛中。一任傍人冷看取。

泗州大聖普照禪寺法最禪師。問爲國開堂於此日。請師演法報。君恩。師云。萬里白雲。一輪紅日。僧曰。恁麼則我皇有道。曰。無私。師云。鐵樹華開。好春色。龜毛點出太平年。僧曰。祇如截斷衆流。一句作麼生。師云。板齒生。毛則向汝道。上堂云。瓦礫爭光。摩尼失色。若也承虛接響。應在聲前。設使眼見耳聞。未免盲聾。暗啞。咄。上堂云。箭過新羅。錫飛舊隱。迷逢達磨。作者方知具眼之流。應機如電。參和州靈湯惠濟禪院普虔禪師。問假大導師。傳正法。

眼祇如盡十方世界。是沙門一隻眼。未審作麼生傳。師云。痛哉。且待別時。僧曰。恁麼則鐵牛哮吼。石鼓喧轟。師云。非公境界。師云。法身無相應物。現形般若。若無知對緣。而照致使虛空霹靂旱地。爆雷南山起雲。北山下雨。且作麼生會。良久云。溪澗豈能流得住。終歸大海作波濤。

楚州勝因崇愷禪師。姓劉氏。廣州人也。依蒲澗山出家。受具遊方。參佛國禪師出世住持。都尉張侯敦禮奏。賜章服。問菩薩人見性如畫。見日聲聞人見性如夜見月。未審和尚見性如何。師云。一筆勾下。僧曰。未審意旨如何。師云。萬里無雲。千峰壁立。僧曰。謝師指示。師云。錯問。師唱誰家曲。宗風嗣阿誰。師云。雲舒北闕。月印南溟。僧曰。恁麼則佛國嫡子。師云。拋第五兆。師乃云。祖宗正令。今古全提。函蓋乾坤。把定世界。直得天輪左轉。地軸右旋。夜月流光。朝曦耀彩。四方炳煥。八顧恢張。不隱微毫。無遺纖芥。山青水碧。鵲白鳥玄。霧起郊原。龍吟城際。際風生檻外。虎嘯亭前。木童撞出。幽關石女。壁開金鎖。衝斷三重。戈甲撥散。五位槍。

旗石鞏秘。弓又放下。德山臨濟棒喝。休施何須擊鼓。般泥不用。輓毬披石。任儂道理。俱盡已鼻。全無點檢。將來直是未。在既若。如然。儂且道。超宗越祖底事。作麼生。良久云。大地載不起。乾坤藏亦難。

沂州馬鞍山福聖院仲易禪師問如何是驚人一句。師便喝。僧曰。幾年雖不言一語。便驚人。師云。道什麼。問如何是最初一句。師云。看脚下。僧曰。踏破澄潭月。衝開碧落天。師云。祇恐不恁麼。乃云。一塵纔起。大地全取。一令當行。群魔失色。一人當御。萬國來賓。一月在天。千江映徹。雖然如是。祇遮一點。諸人還知落處麼。良久云。千山攢翠色。萬古碧巖前。

磁州二祖元符禪寺璿果禪師問如何是佛師云天上天下僧曰如何是法師云海藏龍宮僧曰如何是僧師云遊山翫水僧曰三寶已蒙師指示衲僧相見又若何師云鷄子過西天問諦觀法王法法王法如是如何是法王法師云薰風來席上僧曰蟾彩乍開金殿冷法王陞座玉窓寒師云紅日正當軒僧曰斬釘截鐵須是本分鉗鎚師云法王法又作麼生僧曰

猶握金轡問歸客。夜深誰共御街行。師云不妨創剗。
師乃云一二三四五。陸堂擊法鼓。簇簇齊上來。一一
面相覩。秋色滿虛庭。秋風動寰宇。更問祖師禪。雪峰
到投子。咄。

廬陵清原山行思禪師第十五世

婺州寶林果昌寶覺禪師法嗣

袁州木平山興化德觀禪師問如何是和尙爲人處。師云月上松添影。僧曰學人未曉。師云鐘聲和白雲。問雲門直下法嗣何人。師云圓光沼畔清風起。僧曰雲黃嬈子也。師云飼虎巖前別是春。

天台護國妙機禪師問渴憶洞庭霜後橘困思天竺
雨前茶橘則不問如何是茶師云與爾一盞僧曰學
人今日已知香味師云也是畫餅充飢上堂云昨日
晴今日雨此是觀音示門戶門戶開今朝特地上高
臺敢問大衆且道觀音卽今在什麼處良久云不須
更向寶陀山上堂師乃召大衆衆舉頭復云便恁麼
去已是周遮更若遲疑白雲萬里參

杭州淨慈楚明寶印禪師法嗣

温州靈巖德宗禪師問人天列請覺樹華開。猊座既登。願師說法。師云。一葉金風。墜千巖素月。圓僧曰。非但人天有賴。湖山泉石光輝。師云。火雲風捲去。秋色雨飄來。僧曰。蛟龍不是泥中物。須向人間作雨雷。師云。謝爾證明。

建中靖國續燈錄卷第二十五

建中靖國續燈錄卷第二十六

〔宋儒〕

東京法雲禪寺住持傳法佛國禪師臣惟白集

對機門

廬陵清原山行思禪師第九世

郢州大陽山警延明安禪師法嗣

舒州投子山義青禪師姓王氏。青州人也。師始誕生。父喪母病。無以育養。遂遺之道左叢莽間。有異人過。聞其聲。乃驚歎曰。此兒他日當得道果。遂收養之。八歲。依本州妙相寺文秀上人出家。比試圓具。首聽百法諸論。次習大經。不俟終軸。洞曉其旨。緇素命講法。

侶雲臻。後聞南宗棄席。參問抵浮山圓鑑禪師。法席鑑知其法器。即許入室。示外道問佛因緣。一日巖間坐次。因舉前話。忽聞板聲豁然。開悟。歸求印證。鑑印可之。乃曰。吾昔受明安禪師真像。并直綴皮履。令求法器。以繼其宗。觀汝所解。無墜前芳。乃示識偈。題其首曰。代吾續大陽宗風。偈云。羊廣山頭草。憑若待價。純異苗。飄茂處深密。固靈根。以海會虛席。堅命主之。出揚大事。次遷投子。復應慈濟禪師。塔紅再來之記。開堂日。問和尚適來拈香祝。聖且道。當今年多少。師云。月籠丹桂。遠星拱北辰。高僧曰。南山直隸齊天。壽東海洪波北福源。師云。雙鳳朝金闕。丹松古韻高。僧曰。聖壽已蒙師指示。治化乾坤事。若何。師云。不如緘口退却是。皇家問多子。塔前預聞記。荊白雲峰下。願聽雷音。師曰。紫鳳階前舞金鷄。對日啼僧曰。若然者。五山高鎮地。百谷遠朝宗。師云。雲外千峰翠。溪聲一樣寒。僧曰。一片白雲舒世界。普天無處不垂陰。師云。龍吟碧澗。霧起霜華。問昨離舒郡太平。今到白雲海。會如何。是不動尊。師云。白雲來往青山外。

嶺上寒松帶月高。僧曰：「怎麼則不離此處偏至他方？」師云：「休問山前路。孤猿啼處深。」

師乃云：「若論此事，豈在高陞法座下？列明賢問答主賓，以爲出世。況千賢塞口，萬聖絕言。古今佛祖分雪無門，三藏五乘指論不及。然雖如是，不可一向弓折箭盡去也。所以道：千峯鎖色，萬木凝條。古巖月照風生，幽洞雲開。四面龍吟，枯木鳳轉。青霄石牛吼，斷長空木馬嘶。開金戶，靈苗競發。瑞草爭春，日月同明。千江共澍，直得如斯。猶是出世邊事，落在今時。諸仁者，如何得不落今時去？」良久云：「萬年石逕，千雲鎖一帶青煙，半夜封。」

上堂云：「魚遁深淵，必招釣客。玉埋荊谷，何逆求人。所以則足楚城，烟波渭水，蓋不守平常。致其如是，白雲滿谷，綠水浮烟。瑞鳥驚晨，山光眩目。觸事無私，有何不可。然雖如是，更須無手能遮。日釣魚不犯竿。」

上堂見大眾集定，以拄杖卓一下。良久云：「一陽生也。所以道：古佛路外，千聖不遊。今祖流芳，傳衣表信。自曹溪之後，列派分枝。承師各就於一宗，轉換共揚於。」

斯事此日一陽屆，候萬物含靈。嚴風吹綻於雞嚴，玉兔挨開於碧落。龍生鳳子，虎抱麒麟。靈苗帶雪生，瑞草和雲偏地。然雖如是，且道妙在體前一句作麼生。道良久云：「一氣纔生天地後，萬靈何處謝無私。」上堂云：「天垂彩霞，地涌祥雲。千江澄萬頃，煙波四塞。賀堯風舜化，山連碧漢。木起清風，瓊林花綻於瑤池。御柳鶯啼於玉苑。星分紫閣，辰拱天輪。千邦賀誕，聖之辰。萬國祝南山之壽。直得山川擁秀，海嶽呈輝。金雞報天外之聲，玉展受千春之實。諸仁者，正當恁麼時，且道君臣道合一句作麼生。道良久云：「道泰君臣清宇宙，時豐齊賀。」舜堯年。

上堂云：「紅爐燄裡共守寒，冰水石聲中寂寥。宴坐霜凝月色，松鎖青烟。鴈回半夜，過長空。星轉天輪正，一色諸仁者作麼生。是一色邊事。良久云：「半夜雲橫嶺，天明霜滿溪。」

上堂云：「宗乘若舉，凡聖絕蹤。樓閣門開，別戶相見。設使捲簾悟道，豈免傍觀春遇桃花，重增眼病。所以古人道向上一路，千聖不傳。諸仁者，既是不傳，因甚陝。」

府鐵牛走過新羅國裏乃喝一喝云遠者須知暗裡驚

上堂以拄杖卓一下良久云大衆還委悉麼春殘景暮氣序漸暄高低花綻於千峰遠近煙蒙於四野鶯啼谷響鶴舞鸞翔耕人賀堯舜之豐漁父樂昇平之道月生雲際日照長空金雞啼鳳子歸巢玉兔渡星河起浪靈苗競發枯木迎春白雲綻一帶青山流水貫千江合派直得如是猶是遮邊事落在今時諸仁者作麼生是那邊事良久云萬年松徑雪深處一帶峯巒雲更遮元豐五年五月初一夜索袈裟自覆援筆留偈云兩處住持無可助道珍重諸人不須尋討閻羅獲舍利鳥獸悲鳴靈應非一

西川雲頂山鵬禪師問教意與祖意是同是別師云達磨逢梁武摩騰遇漢明問如何是疑底人師云畢鉢羅巖中面面相覷僧曰如何是不疑底人師云如是我聞須彌粉碎

廬陵清原山行思禪師第十世

舒州投子山義青禪師法嗣

鄧州大陽山楷禪師問師唱誰家曲宗風嗣阿誰師云金鳳夜棲無影樹峯巖縹緲露海雲遮問寂柱峯頭一朵秀髮鉢羅花火裡開時如何師云言無展事意人迷語路中僧曰莫便是爲人處也無師云文彩未彰全體現太陽輝後却迷人僧曰喏喏師云且禮拜著問胡家曲子不墮五音韵出青霄請師吹唱師云木雞啼夜半鐵鳳叫天明僧曰恁麼則一句曲含千古韻滿堂雲水盡知音師云無舌童子能斷和僧曰作家宗師人天眼目師云禁取兩片皮問夜半正明天曉不露如何是不露底事師云滿船空載月漁父宿蘆花問如何是曹洞家風師云繩牀風雨閑方丈草萊侵問如何是直截根源師云足下已生草舉步落危坡問如何是無縫塔師云白雲籠嶺頂終不露崔嵬問如何是默時說師云幻人看月色僧曰如何是說時默師云鐵狗吠石牛僧曰不默不說時如何師云相逢不相識君東我向西問如何是透法身句師云龍門無宿客龜鶴自成仙問一色難分明如何師云易分雪裏粉難辨墨中煤問如何是大紅欄底人

師云。起身近不得。問如何是兼帶之語。師云。妙用全施。該世界。木人閑步。火中來問。如何是正位。師云。言前不布彩。一句是非。前僧曰。如何是偏位。師云。萬仞峯前。卓五彩。僧曰。如何是正中。偏師云。夜半不須開戶。闢暗中誰辨。往來源僧曰。如何是偏中。正師云。天曉便藏無影木。依稀兆象。霧雲遮。僧曰。如何是兼中。到師云。他家有通心。在曲新終不落。今時問如何。是大闢提底人。師云。佛祖盡攢眉。問如何是無底鉢。師云。漏盡無遺香。積飯塵塵剎盡。無餘問。如何是退步。就曰。師云。從來不出戶。折屋覓應難。問如何是無影樹。師云。天然無相子。不挂出塵衣。問黑白未分時。如何。師云。夜半不須敲玉戶。問如何是道。師云。勿角泥牛。犇夜欄。問如何是古鏡。師云。醜婦從來耻見明。

上堂云。晝入祇陀之苑。皓月當天。夜登靈鷲之山。太陽溢目。烏鴉似雪。孤鴈成群。鐵狗吠而凌霄。牛泥牛鬪而入海。正當恁麼時。十方共聚。彼我何分。古佛場中。祖師門下。大家出一隻手。接待往來。知識諸仁者。且

道成得箇什麼事。良久云。剎栽無影木。留與後人看。上堂云。諸禪德。直饒備肚。踏破脚。亦且向遮裏休去。好古殿風清。回廊人靜。青青庭柏。善說真如。隱隱石魚。能談法要。燈籠側耳。露挂點頭。若也於斯。薦得慶快平生。若也未明。山僧不免說破。還會麼。口似鼻孔。

上堂云。月白風清。水遙山遠。樓臺聳翠。殿閣生涼。大地山河。森羅萬象。盡與諸人說了也。切莫自生退屈。更去問佛問祖。說道說禪。却恐埋沒諸人去。還相索。悉麼。良久云。已落第二月也。

上堂云。臘月三十日。已前即不問。臘月三十日。事作麼生。諸仁者。到遮裡。佛也爲備。不得法也爲備。不得祖師也爲備。不得天下老和尚也爲備。不得山僧也爲備。不得閻羅老子也爲備。不得直須盡却。今時去。若也盡却。今時佛也不奈他。何法也不奈他。何祖師也不奈他。何天下老和尚也不奈他。何山僧也不奈他。何閻羅老師也不奈他。何諸人且道。如何是盡却。今時底道理。還會麼。明年更有新條在。惱亂春風卒。

未休

西京少林恩禪師問九鼎澄波即不問爲祥爲瑞事如何師云古今不墜僧曰遮箇且拈取一邊向上還有事也無師云太無厭生僧曰作家宗師師云也不消得問達磨九年不敢正眼觀瞻未審箇尙出世如何舉唱師云遮邊是僧那邊是俗問天不寒不暖日不長不短和尚出世當爲何事師云知時別宣僧曰若不上來伸此問焉能得見法王機師云龍頭龜尾僧曰怎麼則木人夜半穿鞋去石女天明戴帽歸師云真師子兒問久飄客路罕遇知音今日上來請師一接師云有眼無耳梁六月火邊坐僧曰頂門不具金剛眼幾逐流鶯過短牆師云白雲千里萬里問一箭一群即不問一箭一箇事如何師云中也僧曰還端的也無師云同聲相應同氣相求僧曰怎麼則石鞏猶在師云非但一箇兩箇僧曰好事不如無師云穿却了也問三玄三要即不問五位君臣事若何師云非公境界僧曰怎麼則石人拈掌木女呵呵師云杓卜聽虛聲熟睡饒嚼語僧曰若不上來伸此問焉

能得見少林機師云放過即不可隨後便打問祖師西來九年面壁最初一句請師舉唱師云面黑眼睛白僧曰三十年後專爲流通師云山僧未有語在上堂良久云若向遮裏說即心即佛大似頭上安頭若說非心非佛何異迷頭認影賞箇名安箇是立箇非向甚麼處見達磨祖師然雖如此放一線道別有商量諸仁者是復誰是非復誰非是非查絕分明萬機還會麼前是官不容針後是私通車馬於斯明得晝見日夜見星於斯不明有寒暑兮促君壽有鬼神兮鑑君福上堂云如斯話會誰是知音直饒向一句下千眼頓開端的有幾箇是迷達達磨諸人要識達磨祖師麼乃舉手作捏勢云達磨祖師鼻孔在少林手裏若放開去也從教此土西天說黃道黑欺胡謾漢若不放過不消一捏有人要與祖師作主便請出來與少林相見還有麼良久云果然果然上堂拈起拄杖云昔日德山臨濟信手拈來便能坐斷十方壁立千仞直得水河蹙起枯木花芳諸人若也善能橫擔豈容偏問諸方苟或不然少林倒此令去也擊禪

床一下上堂橫按拄杖云便與麼休去已落二三更若切切終成異見既到遮裏又不可弓折箭盡去也且謂僧家遠則能照近則能明乃拈起拄杖云穿却德山鼻孔換了臨濟眼睛掀翻大海撥轉虚空且道三千里外誰是知音於是明得大似杲日照天苟或未明不免雲騰致雨卓一下上堂良久云直下明得更不用如何若何便請休去歇去其或未然三十年後忽然於糞掃堆上斬新拾得舊時物方知少林今日已爲諸人打破盡瓶還信得及麼人人鼻孔頭豈是無消息上堂云十方共聚同此安居既在少林還委少林家風也未若委悉得去石城山下今古同風若未相委但見雲生碧嶂焉知月落寒潭君不見古人道行路難行路難時上眉毛若自看

滁州龍蟠山壽聖寺廣禪師問師唱誰家曲宗風嗣阿誰師云陽廣山頭雲霧靄月華菴畔栢青僧曰恁麼則投子嫡子大陽兒孫也師云未踏鐵牛棒如雨點僧曰今日已知端的師云一任敲顛打瓦

廬陵清原山行思禪師第十一世

鄂州大陽山楷禪師法嗣

西京龍門乾元寺南禪師問蓮華未出水時如何師云觀不見僧曰出水後如何師云清香徧界僧曰真善知識師云何必如此

雲居山道齊禪師法嗣

蘇州翠峰山洪禪師問如何是翠峰境師云祇聞鶯鳥語不見報春來問如何是祖師西來意師云堪嗟立雪僧

明州金鵝山虛白禪師問如何是直截一路師云鳥道羊腸問如何是一體師云師云駝驢猪狗僧曰恁麼則四生六道去也師云啞

洪州上藍普禪師相國夏公靖問百骸俱潰散那箇是長老主人公師云前月二十日離新陽口

杭州承天義海禪師問法性入諸法故此理如何師云汝還見香爐麼僧曰還有不入者無師云賺殺人問如何是正法眼師云觀破一切

廬山萬杉院太超廣知禪師問如何是和尚家風師云山家祇如此問如何是西來的意師云大眾總

聞問寂默爲宗時如何師云謾語問如何是徑截一路師云迂迴多少問如何是最先一句師云此問在後問世尊拈華意旨如何師云爾還薦得麼僧曰學人不曾師云多少分明問世尊三昧迦葉不知如何是世尊三昧師云何處得遮消息問瑞雲滿庭從何而降師云莫泄真機問如何是無價寶師云甚處得來問如何是祖師西來意師云盡言隻履歸西去問古人捲席意旨如何師云何不禮拜歸堂問如何是文殊門師云千聖皆從此入僧曰入後如何師云想爾不識僧禮拜師云酌然師乃云世尊良久迦葉起來白槌馬師纔陞座百丈便出來捲席可謂摩竭陀令已行不可更教山僧重下注脚然雖如此久參高士莫訝周遮後學上座也須著些精彩更若繁詞恐不及珍重

南康軍羅漢行林祖印禪師法嗣

福州古田靈峰道誠禪師問祖祖相傳傳祖印師今得法嗣何人師云那箇古人恁麼道僧曰祇知道吾有正法眼藏付囑迦葉又作麼生師云不妨具眼僧

曰千聖不傳方是的一言合道未爲真師云早是不合也

真州長蘆贊禪師問拈槌舉拂即不問如何是囑教白雲底意氣師云喫棒僧曰爭奈人天大眾何師云罪不重科問如何是佛法大意師云老僧奉聖旨開堂僧曰怎麼則天人羣生類皆承此恩力師云知恩方解報恩問一棒打破虛空時如何師云費力乎曰怎麼則百雜碎師云莫費力問終日驅驅如何得入師云祇爲終日驅驅師乃云起動大眾若於佛法中也無可得伸剖諸人盡是久參先德達佛知見不可更教遮裏談禪說道實爲舉足動步不離道場乃至林間宴坐經行無非佛事良久云參

袁州崇勝道珍禪師問如何是佛師云更向什麼處覓僧曰莫祇遮是師云勿交涉

綿州富樂山智靜禪師問如何是佛法大意師云六耳不同謀僧曰意旨如何師云逢人但恁麼舉

越州天衣山昭愛禪師問如何是佛師云牛兒不識虎問如何是和尙家風師云臂長衫袖短僧曰忽遇

客來如何師云離中虛坎中滿

袁州仰山太平興國寺擇和禪師問如何是祖師西來意師云君子不發游言問如來藏中以何爲佛事師云香風吹萎花僧曰皆因今日也師云更雨新好者問如何是佛師云眞書梵字師示衆云法本不生今則無滅無滅無生眼中金屑古佛家風青天明月

廬州棲賢澄提禪師法嗣

湖州西余山寧化體榮禪師問如何是祖師西來意師云神光曾斷臂僧曰來審還當得也無師云粉骨碎身未足酬上堂云一人把火自燼其身一人把冰橫死於路進前觸途成滯退後噎填胃不進不退直得上天無路入地無門而今不奈何也良久云待得雪消去自然春到來

南嶽福嚴省賢惠照禪師問如何是福嚴境師云畫也畫不及僧曰如何是境中人師云且子細問師唱誰家曲宗風嗣阿誰師云不因汝問我也不說僧曰怎麼則寶覺分枝去也師云莫亂道

袁州仰山智齊禪師師參提禪師提問汝是甚處人

對曰安州人提曰汝爲什麼却不安對曰今日轉見病源提曰且莫強惺惺師遂禮拜有頌云有口不能言無舌能解語惺惺猶是夢何處有佛祖

廬陵清原山行思禪師第十二世

杭州靈隱文勝禪師法嗣

杭州靈隱山蘊聰惠照禪師問如何是和尙家風師云索喚卽有僧曰未審有箇什麼師云天台柳標問古路重修時如何師云平高就下

杭州南院清禪師問西祖傳來請師通信師云汝道傳什麼來僧曰怎麼則不通信去也師云不妨剗利江寧府保寧宗禪師問如何是佛師云更問什麼僧曰莫抵遮便是也無師云且莫虛頭

江寧府清涼學內慈化禪師問一法本無萬法何有未審和尙說箇什麼師云汝說得分明僧曰怎麼則一切不存去也師云也不信汝

越州新昌石佛有邦禪師問祖祖相傳傳祖印師今得法嗣何人師云布髮掩泥人盡委僧曰怎麼則靈隱一枝南明獨秀也師云杓卜聽虛聲

杭州龍華悟乘禪師法嗣

溫州薦蕩山靈巖惠瑞宣密禪師問優鉢華拆人皆委祖令親行事若何師云識法者懼僧曰施行有據去也師云人小膽大

明州瑞巖山義海禪師法嗣

明州大梅文慧禪師問祖祖相傳傳祖印師今得法嗣何人師云少人定當得僧曰報本嫡子也師云適來向汝道什麼問如何是大梅境師云看僧曰如何是境中人師云喫茶去

明州翠巖嗣元禪師問如何是祖師西來意師云見錢賣買不曾賒僧曰向上更有事也無師云好不信人直

明州大梅保福居照禪師法嗣

婺州智者嗣如禪師問如何是佛師云量才補職僧曰補職後如何師云天台杖子問如何是真實之體師云今日好寒僧曰意旨如何師云千山萬山雪

洪州章口昭達禪師法嗣

蘇州萬壽守堅法印禪師問如何是道師云誰不履

踐僧曰如何是道中人師云來千去萬

廬陵清原山行思禪師第十三世

婺州智者山嗣如禪師法嗣

婺州浦江華藏虛外禪師問知師久蘊囊中寶今日臨筵欲借看師云別起眉毛僧曰見後如何師云多少分明辭世云少年石女握金環獨角犀牛入華山波旬撫掌呵呵笑碧眼胡兒渡鐵關言畢跌坐而逝
婺州淨土可嵩禪師辭世頌云靈木無根北斗有柄大海波瀾是余壽命八尺丈六誰凡誰聖若問去處春行秋令珍重諸賢形端表正言畢跌坐而逝
婺州承天澄月禪師問如何是道師云殘陽戀幽草問如何是佛法大意師云今年柴米貴辭世頌云去也何之住兮何所去住何從超然絕侶臨歧一句向誰舉銀漢夜白孤蟾吐

廬陵青原山行思禪師第十四世

婺州承天澄月禪師法嗣

婺州承天仲顏禪師問梵王請佛蓋為群生今日史君請師當為何事師云大家知恩僧曰恁麼則人天

交接去也。師云不妨具眼。

建中靖國續燈錄卷第二十六

建中靖國續燈錄卷第二十七

〔宋儒〕

東京法雲禪寺住持傳法佛國禪師臣惟白集

拈古門

明州雪竇山重顯明覺禪師二十則

舉德山示衆云。今夜不答話。問話者三十棒。有僧出禮拜。山便打。僧曰。某甲話也未問。山云。爾是甚麼人。僧曰。新羅人。山云。未踏船舷好。與三十棒。法眼拈云。大小德山。話作兩橛。圓明道大小德山。龍頭蛇尾。師云。二老宿。雖善裁。長補短。捨重從輕。要見德山。亦未可。何故。德山大似握閫外威權。有箇斷不斷。不招其亂底。劍諸人要識新羅僧麼。祇是撞著露柱底瞎漢。

舉百丈再參馬祖。侍立次。祖以目視禪牀角頭拂子。丈云。卽此用。離此用。祖云。爾他後開兩片皮。將何

爲人丈取拂子。舉起。祖云。卽此用。離此用。丈掛拂子於耒處。祖便喝。百丈直得三日耳。驪師云。奇怪。諸禪德。如今列其派者。甚多。究其源者。極少。總道百丈於喝下。大悟。還端的也。無然。刁刀相似。魚魯參差。若是明眼漢。瞞他一點不得。祇如馬祖道。爾他後開兩片皮。將何爲人。百丈舉起拂子。爲復如蟲藥木。爲復啐啄同時。諸人要會。三日耳。驪麼大。治精金。應無變色。

舉香嚴坐語云。如人上樹口。嚼樹枝。手不攀枝。脚不踏樹。樹下有人問。西來意。不對。則違他所問。若對。又喪身失命。當恁麼時。作麼生。卽是有虎頭上座。云上。樹卽不問。未上樹。請和尚道。嚴呵呵大笑。師云。樹上道。卽易。樹下道。卽難。老僧上樹也。致將一問來。

舉僧問雪峰。古澗寒泉時如何。峯云。瞪目不見底。僧曰。飲者如何。峯云。不從口入。僧舉問趙州。州云。不可從鼻孔裏入。僧却問趙州。古澗寒泉時如何。州云。苦。僧曰。飲者如何。州云。死。雪峰聞舉云。趙州古

佛從此不答話。師云：衆中總道雪峯不出遮僧話。所以趙州不肯如斯話。會深屈古人。雪竇即不然。斬釘截鐵。本分宗師。就下平高難爲作者。

舉欽山一日上堂。舉起拳。又開云：開卽爲拳。五指參差。復握云：如今爲拳。必無高下。還有商量也。無一僧出衆。舉起拳。山云：卽祇是箇無開合。漢師云：雪竇卽不然。乃舉拳云：握則爲拳。有高有下。復開云：開則成掌。無黨無偏。且道放開爲人。好把定爲人。好開也。造車握也。合轍。若謂閉門造車。出門合轍。我也知爾向鬼窟裡作活計。

舉洞山到雲門。門問：近離甚處。山云：查渡門。云：夏在甚處。山云：湖南報慈門。云：甚時離彼。山云：去年八月。門云：放汝三頓棒。山至來日却上。問訊。昨日蒙和尚放三頓棒。不知過在什麼處。門云：飯袋子。江湖。湖南便溜麼。去山於此大悟。師云：雲門氣宇如王。拶著便冰消瓦解。當時若據令行。子孫也未到斷絕。

舉國師三喚侍者。點卽不到。侍者三應。到卽不點。將

謂吾孤負汝。誰知汝孤負吾。瞞雪竇不得雲門道。作麼生。是國師孤負侍者處。會得也是無端。師云：元來不曾作麼生。是侍者孤負國師粉骨碎身。未報得。師云：無端無端。

舉師祖問南泉。摩尼珠人不識。如來藏裏覓。取得如何。是如來藏。云：王老師與爾往來者是。藏師云：草裡漢。祖云：不往不來者。云：亦是藏。師云：雪上加霜。祖云：如何是珠。師云：嶮百尺竿頭。作伎倆。不是好手。遮裏著得箇眼。賓主互換。便能深入虎穴。或不溜麼。縱饒師祖。悟去也是龍頭蛇尾漢。

舉馬大師令智藏。馳書上徑山。山接書。開見一圓相。於中下一點。國師聞。舉云：欽師猶被馬師惑。師云：徑山被惑。且致若將呈似國師。別作箇什麼。伎倆免致惑去。有老宿云：當時坐却。便休。亦有道。但與畫破。若與麼。祇是不識。差敢謂天下老師。各具金剛眼。晴廣作神通。變化還免得麼。雪竇見處。也要諸人共知。祇遮馬師。當時畫出。早自惑了也。

舉南泉山下有一庵。主行僧經過。謂庵主云：近日南

泉和尚出世。何不去禮拜主。非但南泉直饒千佛出。與亦不能去。泉聞令趙州去看。州見便禮拜。主亦不管。州從西過東。主亦不管。州又從東過西。主亦不管。州云。草賊大敗。拽下簾子。便行歸。舉似南泉。泉云。從來疑著遮漢。師云。大小南泉。趙州被箇擔板漢勘破了也。

舉僧問智門和尚。如何是般若體。云。蚌含明月。僧云。如何是般若用。云。兔子懷胎。師云。非唯把定世界。亦乃安貼。那家若善能參詳。便請丹霄獨步。

舉僧禮拜雪峯。峯打五棒。僧云。某甲有甚麼過峯。又打五棒。師云。雪竇不曾與人葛藤。前五棒日照天。臨後五棒。雲騰致雨。爾若辨得也。好與五棒。

舉僧問巴陵祖意教意。同別。陵云。雞寒上樹。鴨寒下水。僧問睦州。祖意教意。同別。州云。青山自青山。白雲自白雲。師云。問既一般。答亦相似。其中有利。他自利。瞞人自瞞。若點檢分明。管取解空第一。

舉睦州示衆云。我見百丈不識好惡。大衆方集。以拄杖一時打下。復召大衆。大衆回首。丈云。是什麼有。

甚麼共語處。黃蘗和尚大衆方集。以拄杖一時打下。復召大衆。衆回首。蘗云。月似彎弓。少雨多風。猶較些子。師云。說什麼。猶較。直是未在。若據雪竇。衆集一時打下。便休。或有箇無孔鐵鎚。爲衆竭力。若能擔荷。可以籠罩古今。乾坤把斷。薦拈起拄杖云。敗過一著。

舉南泉示衆云。王老師賣身去也。還有人買麼。一僧出衆云。某甲買。泉云。不作貴。不作賤。作麼生買。僧無語。臥龍代云。和尚屬專甲。禾山代云。是何道理。趙州云。明年與和尚作領布衫。師云。雖然作家踐買。要且未解輪機。且道南泉還肯麼。雪竇也擬酬箇價。直令南泉進也。無門退也。無地不作貴。不作賤。作麼生買。別處容和尚不得。

舉夾山與定山同行。言語次。定山云。生死中無佛。則無生死。夾山云。生死中有佛。則不迷。生死互相不肯。同上大梅。相見了。具說前事。夾山問。未審那箇是親。那箇是疎。梅云。一親一疎。山又問。那箇親。梅云。且去。明日來。夾山至來日。又問。未審那箇親。梅

云親者不問問者不親夾山後住云我當時在大梅失却一隻眼師云夾山不知換得一隻眼大梅老漢當時問舉若以棒一時打出豈止畫斷兩人葛藤亦乃爲天下宗匠

舉潯山問仰山甚處來云田中來潯山云田中多少人山插下鉢子叉手而立潯云南山大有人刈茆山拈得鉢子便行玄沙云我當時若見與踏倒鉢子鏡清云不柰船何打破扉斗僧問明招古人意在鉢子處叉手處招喚某專甲僧應喏招云還曾夢見仰山麼師云諸方老宿咸謂插鉢話奇特也大似隨邪逐惡若據雪竇見處仰山被潯山一問直得草繩自縛去死十分

舉雪峯示衆云望州亭與汝相見了也烏石嶺與汝相見了也僧堂前與汝相見了也保福問鵝湖僧堂前且致望州亭烏石嶺什麼處相見鵝湖驟步歸方丈保福便入僧堂師云二老宿是卽是祇知雪峯放行不見雪峯把住忽有箇納出問未審雪竇作麼生豈不是別機宜識休咎底漢還有望州

亭烏石嶺相見底衲僧麼良久云擔板禪和如麻似粟

舉德山一日飯遲自掌鉢至法堂上雪峯見云遽老漢鐘未鳴鼓未響托鉢向什麼處去德山便迴峰舉似巖頭頭云大小德山不會末後句山聞舉令侍者喚巖頭至方丈問汝不肯老僧那巖頭密書其意山至來日上堂與尋常不同巖頭到僧堂前撫手大笑云且喜得老漢會末後句他後天下人不奈何雖然如此祇得三年明招代德山云咄咄勿處去勿處去師云曾聞說箇獨眼龍元來祇具一隻眼殊不知德山是箇無齒大蟲若不是巖頭識破爭得今日與昨日不同諸人要會末後句麼祇許老胡知不許老胡會

舉古云眼裏著沙不得耳裏著水不得忽若有箇漢信得及把得住不受人瞞祖佛言教是什麼熱碗鳴鑿便請高掛鉢囊拗折拄杖管取一員無事道人又云眼裡著得須彌山耳裡著得大海水一般漢受人商量祖佛言教如龍得水似虎靠山却須

挑起鉢囊橫擔拄杖亦是一員無事道人復云。漚麼也不得不漚麼也不得然後勿交涉三員無事道人中要選一人爲師。

洪州黃龍山南禪師二則

舉臨濟問寺主什麼處去來。主云。州中糴黃米去來。臨濟以拄杖面前畫一畫云。還糴得遮箇麼。主便喝。濟便打典座。主濟乃舉前話。典座云。寺主不會。和尚意濟云。爾又作麼生。典座便禮拜。濟亦打師云。喝亦打。禮拜亦打。還有親疎也無。若無親疎。臨濟不可盲枷瞎棒去也。若是歸宗。即不然。寺主卜喝。不可放過典座禮拜。放過不可。又云。臨濟行令。歸宗放過三十年後有人說破。

舉僧問大覺和尚。忽來忽去時如何。覺云。風吹柳絮。毛毬走進云。不來不去時如何。覺云。華嶽三峯頭。指天師云。大覺祇解箭鋒相。挂理事相。投殊不知。越得老鼠打破油甕。

東京淨因懷璉大覺禪師三則

舉雲門大師有時間白鼈聲。乃云。妙喜世界百雜碎。

汝等諸人擎鉢向湖南城裏喫飯去。師云。大小雲門也似事。顛倒山僧遮裏祇是維那白鼈首座。施食山僧展鉢行者行益與麼說話。一任諸方裁斷。舉睦州有時云。忽然忽然。山僧道不然。何也。夜烏啼曉月。玉女打鞦韆。

舉肇法師云。會萬法爲已者。其唯聖人乎。石頭和尚因看到此。乃以手拈几。一下云。聖人無已。靡所不。已。師云。大小石頭祇向泥裏洗土塊。山僧即不然。良久云。常愛川原幽隱處。滿園花木撼春風。

滁州瑯琊惠覺廣照禪師四則

舉臨濟示衆云。但有問訊不虧欠。伊總識伊來處。與麼來者。恰似失却不與麼來。無繩自縛。一切時中。莫亂斟酌。會與不會。都來是錯。分明與麼道。一任天下人貶削。師拈云。作麼貶作麼削。良久云。垂釣四海爲釣轡。龍格外立談。蓋尋知己。喝一喝。

舉百丈見趙州來。參百丈云。甚麼處來。州云。南泉來。丈云。南泉近日有何言句。示徒。州云。今時人直教悄然去。百丈云。悄然且致茫然。一句作麼生。道州。

近前三步百丈岫之州作縮頭勢百丈云大好情然趙州拂袖便出去師拈云趙州老人向師子窟裏換得牙爪

舉臨濟上堂有僧出禮拜濟便喝僧云老和尚莫探頭好濟云爾道落在什麼處僧便喝又僧問如何是佛法大意濟便喝僧禮拜濟云爾道好喝也無僧云草賊大敗濟云過在什麼處僧云再犯不容臨濟乃云要會臨濟賓主句請問取適來問話二禪客師拈云真金須入火

舉水潦參馬祖師問如何是祖師西來意被馬大師一踏踏倒起來拍手呵呵大笑當下大悟便承嗣馬大師住後有僧問如何是祖師西來意水潦云自從馬師一踏後直至如今笑不休師拈云大眾爾道水潦還曾悟也未

雲居山曉舜禪師三則

舉石霜遷化衆請首座住院虔侍者曰夫續先師住持須會先師意祇如先師道休去歇去寒灰枯木去直似一條白練去未審首座作麼生會首座云

先師意明一色邊事虔侍者云與麼會又何曾夢見先師意首座乃焚香云某甲若會先師意香煙盡處脫去若不會先師意香煙盡處脫去不得良久香煙盡首座脫去虔侍者曰坐脫立化卽不無首座要且未夢見先師意師云爾等諸人且作麼生會諸人會處便道首座與麼說是說道理所以虔侍者不肯伊大愚道虔侍者盡平生見解祇具一隻眼

舉趙州問南泉云明頭合暗頭合南泉便歸方丈趙州云遮老子尋常口吧吧地被我问著杜口無詞首座云莫道和尚無語自是上座不會趙州便掌首座云遮一掌合是堂頭老子喫首座便休師云爾諸人作麼生會諸人會處便道首座落佗趙州圈橫與麼會又爭得大愚道趙州大似傍若無人舉鄧隱峯去訪丹霞山下逢見丹霞乃問丹霞山在什麼處霞云青黯黯處峯近前便扭住云莫祇遮箇便是霞云眞師子兒一撥便轉峯便休師云大愚道丹霞祇知衫穿不覺鞋綻

婺州承天簡禪師五則

舉法燈禪師問僧。禪客相逢祇彈指。此心能有幾人知。作麼生。會僧彈指一下。燈云。恁麼會。又爭得僧云。未審和尚尊意如何。燈彈指一下。師拈云。將謂衆生苦。更有苦衆生。

舉玄沙和尚到三斗菴主處。三斗乃云。住山年深。不怪無坐具。沙云。庵主來在那。後法燈別三斗語云。當時但觸禮師拈云。玄沙不解作客。勞煩主人法燈。大似將甌換玉。

舉南泉和尚有書與茱萸和尚。書中云。理隨事變。寬廓非外事。從理變寂寥。非內。茱萸看了。呈起問大衆云。誰能與山僧作得迴書。乃有僧問。如何是寬廓。非外。茱萸云。問一答百也。無妨。僧曰。如何是寂寥。非內。茱萸云。觀對顏色不好。手僧又問。長沙和尚如何是寬廓。非外。長沙閉目良久。僧曰。如何是寂寥。非內。長沙開目視之。僧又問。趙州和尚如何是寬廓。非外。趙州作喫飯勢。僧曰。如何是寂寥。非內。趙州作拭口勢。僧便舉似南泉。南泉云。此之三人不謬。

爲吾嫡子。師拈云。此三人一人得皮。一人得肉。一人秦不収。魏不管。

舉僧問大顛和尚。不昧本來人。請師高著眼。顛低頭。僧曰。大顛法道。今日親曉。未審靈山事。若何。顛舉頭。僧曰。一等勿拉琴。唯師彈得妙。顛合掌。僧展兩手。顛云。賴遇老僧。僧禮拜。顛便取方丈。僧云。弄巧成拙。師拈云。遮僧難能掉。闕不解理。兵大顛大似生錢放債。

舉有一梵僧來參仰山。仰山於地上畫一半月。相僧添成圓月。相乃以脚抹却。山展兩手。僧云。此土有小釋迦出現。師拈云。仰山大似啞子喫苦瓜。

洪州翠巖山可眞禪師一則

舉僧問巴陵。如何是道。陵云。明眼人落井。又問。寶應如何是道。應云。五鳳樓前。又問。首山如何是道。山云。脚下深三尺。師云。此三轉語。一句壁立千仞。一句陸地行船。一句賓主交參。

東京智海慕喆眞如禪師二則

舉雲巖掃地次。道吾云。何得太區區。生巖云。須知有。

不區區者。吾云。怎麼則有第二月也。嚴舉起掃帚。云。遮箇是第幾月。吾便休。後立沙云。我當時若見。向伊道。正是第二月。雲門云。奴見婢。慙慙師云。將勤補拙。此三句語。一句可以定乾坤。一句可以驗衲僧。一句可以接初機。諸人還揀辨得麼。若揀辨得出。許備親見。惠光若辨不出。莫道慧光山勢險。隔江遙望碧雲開。

舉夾山在瀉山作典座。一日瀉山問。今日喫甚麼菜。夾山云。二年共一春。瀉山云。如法修事。著山云。龍宿鳳巢。師云。夾山雖逞家風。美即美矣。善即未善。慧光即不然。尋常茶飯。隨家豐儉。或有人問。今日喫甚麼菜。向道不是茄子。便是菘菜。如法修事。著五味不少。且道夾山是慧光是。

廬山東林廣惠常總照覺禪師一則

舉汾州昭禪師僧問。如何是接初機底。句州云。汝是行脚僧。如何是辨衲僧底。句州云。西方日出。卯如何是正令行底。句州云。千里特來呈舊面。如何是立乾坤底。句州云。北俱盧洲長粳米。食者無貪亦。

無。噯。汾州復云。老僧將此四轉語。驗天下衲子。師云。驗則驗矣。爭奈有箇人不肯。寶峰今日對大眾。前敢別汾州四轉語。如何是接初機底。句師云。無底鉢。孟光袒。赫如何是辨衲僧底。句師云。天台柳。標黑鱗。皴如何是正令行底。句師云。戴盆鏤腹。三千里如何是立乾坤底。句師云。人問天。上一般春。師復云。汾州與麼驗天下衲子。寶峰與麼辨海上禪流。

南嶽雲峯文悅禪師五則

舉立沙一日見長生。乃作一圓相生云。一切人出遮箇不得。沙云。情知。偏向鬼窟裡作活計。生云。某甲祇如此。和尚又作麼。生沙云。一切人出遮箇不得。生云。某甲適來與麼道。爲甚不得。和尚怎麼道。爲甚却得。沙云。我道得。偏道不得。師云。道得道不得。總在立沙圈裏。如今還有出得底麼。

舉雪峯示衆云。盡乾坤大地。撮來如粟米粒。大地向面前。漆桶不會打鼓。普請看。師云。雖然。比上不足。翠巖更與偏葛藤。拈拄杖云。還見雪峯麼。

舉雲門示衆云佛法也大有祇是舌短師云雲門與麼道也是秦州來

舉汾州示衆識得拄杖子行脚事畢師拈起拄杖云遮箇豈不是拄杖子阿那箇是徧行脚事復云柳標橫擔不顧人直入千峯萬峰去

舉五洩初參石頭纔到門便云一言相契卽住一言不契卽去石頭踞坐洩拂袖便行頭遂召閤梨洩回首頭云從生至死祇是遮箇回頭轉腦作什麼因而有省師云石頭老人坐不定把不住似遮般擔板漢從教去便休又喚他回頭來被他茶糊一上道我向遮裏有箇悟處驢年夢見

潭州大潑懷秀禪師一則

舉仰山夢往彌勒所令居第二座有尊者白槌云今當第二座說法仰山起白槌云摩訶衍法離四句絕百非諦聽諦聽師云仰山依文解義卽不無忽然彌勒會中有箇作者纔見伊道摩訶衍法便云合取兩片皮非唯止絕仰山寐語亦免後人夢中說夢

越州天衣義懷禪師三則

舉脩山主問僧甚處來僧云翠巖來主云翠巖有甚麼言句示徒僧云和尚尋常道出門逢彌勒入門見釋迦主云恁麼道又爭得僧便問和尚又如何主云出門逢阿誰入門見什麼僧於言下有省師乃云雖得一場榮則却一雙足且道在賓家分上主家分上若定當得出憂則共感樂則同歡山僧則不然出門則吳山楚水入門則佛殿行廊或有箇衲僧出問師意如何許伊具一隻眼

舉雲門頌云上不見天下不見地塞却咽喉何處出氣笑我者多晒我者少師云雲門恁麼道不覺弄巧成拙山僧卽不然仰面看天低頭觀地口裏喫飯鼻孔出氣心不負人面無慚色

舉趙州送僧舉起拂子云有佛處不得住無佛處急走過三千里外逢人莫舉僧云恁麼則不去也州云摘楊花摘楊花師云趙州非但走得遮僧脚底皮穿亦乃啞却遮僧口口若不啞爲什麼逢人便舉

廬山開先善暹禪師二則

舉明招云。今日風頭梢硬。歸暖處說話去。來大眾隨入方丈。招云。纔到暖處。便見瞋睡。乃以拄杖一時趕散。師云。停囚長智。當時待伊道。今日風頭梢硬。歸暖處說話去。來。但拊一掌。各自歸堂。教遮老漢一場懣懣。

舉進山主問澄源云。山河大地。從何而有。源云。從想有。進云。學人擬想一鎚金。還得也。無源無語。師拈云。澄源老漢。將謂想澄成國土。殊不知問者如蟲禦木。答者偶爾成文。山僧即不然。待他道學人擬想一鎚金。得也。無但痛與三十棒。何故如此。賣金遇與買金。

湖州上方齊岳禪師二則

舉疎山示衆云。山僧咸通已前。明得法身邊事。咸通已後。明得法身向上事。雲門在衆。出問云。如何是法身邊事。疎云。枯椿如何是法身向上事。山云。非枯椿。門云。還許學人說道理也。無山云。許汝說門云。枯椿豈不是明法身邊事。山云。是門云。非枯椿。

豈不是明法身向上事。山云。是門指淨瓶云。法身邊該管麼。山云。闍梨莫向淨瓶邊會。門云。喏。師云。疎山總是戰爭。收拾得。却因歌舞。破除休雲。門舌上有龍泉。

舉雲居。瞻和尚示衆云。孤迥峭嶮。競却問僧云。會麼。僧云。不會。居云。汝面前案山子。也不會。師拈云。雲居大似按牛頭喫草。

江寧府蔣山法泉佛惠禪師三則

舉本淨和尚云。道體本無。修不修。自合。背却一真性。來入開浩。浩若逢修道人。第一莫向道師云。山僧愛與古人斯。拗若逢修道人。第一切向道。且道。向道箇什麼。陝府鐵牛。渾是鐵。隴西鸚鵡。解人言。舉脩山主云。風動心搖。樹雲生性起。塵若明。今日事。暗却本來人。師云。脩山主。雖甚奇怪。祇抱橋柱。澡洗山僧。即不然。雲生洞裏。陰風動。林間響。若明。今日事。半斤是八兩。

舉香嚴示衆云。我有一機。瞬目揚眉。有人不會。別喚沙彌。師云。香嚴雖然慈悲。廣大。豈知恩多怨深。山

僧即不然我有一機電掣猶遲有人不會腦後金鎚

雲居山了元佛印禪師一則

舉南泉歸宗麻谷三人同去禮拜國師至中路泉於地上畫一圓相云道得即去歸宗於圓相中坐麻谷作女人拜南泉云怎麼則不去歸宗云是何心行師拈云歸宗麻谷氣宇如王落在南泉圈裏當時見他畫圓相拂袖便行直饒南泉更有神通也較三千里

杭州佛日智才禪師二則

舉臨濟持鉢到一婆子門前云家常婆子開門云太無厭生濟云飯猶未曾得何責人無厭婆子閉却門師拈云婆子雖然機智縱橫也是自損臨濟出不當時過著此人露在闔外若要臨濟口閉直須將飯與伊

舉南泉垂語云喚作如如是變也今時人須向異類中行趙州云異則不問如何是類南泉兩手托地趙州便與一踏歸涅槃堂云悔悔首座問云悔

箇什麼州云悔不更與兩踏師拈云父不慈子不孝作之在前悔之在後明眼衲僧難滅其口

東京智海本逸正登禪師三則

舉僧辭歸宗宗問甚處去僧云諸方學五味禪去宗云我遮裏有一味禪爾何不學僧云如何是和尙此間一味禪宗便打良久云會麼僧云會也宗云爾試道看僧擬祇對宗又打黃蘗問舉云馬大師出八十四人善知識問著更阿鞞鞞地祇有歸宗老猶較些子師拈云黃蘗禪師也是愛忘其醜忍俊不禁歸宗老漢禪精一味不覺傷鹽傷醋適箇師僧將赤肉抵他乾棒蓋為有求皆苦更有一箇且聽諸方斷看

舉德山和尚不安有僧問還有不存病者也無山云有僧云如何是不病者山云阿耶阿耶師拈云作家宗匠語不浪施如人解射百發百中山僧即不然如何是不病者傷寒鼻涕流

舉汾州和尚以拄杖示眾識得拄杖子行脚事舉三角和尚云識得拄杖子入地獄如箭射師拈云二

老宿一出。一入。半合。半開。猶是干戈相待。山僧即不然。識得拄杖子。盡月冷光。在指雲秋片移。

杭州承天傳宗禪師二則

舉僧問南泉。百尺竿頭。如何進步。泉云。更進一步。僧復問鹽官。官云。百尺竿頭。用進作什麼。僧不肯。拂袖便出。官便打師。拈云。若參南泉。須進一步。若參鹽官。須退一步。明眼底。辨取。

舉仰山到東寺。問云。相看寺云。已相見了。也不用上來。山云。與麼相見。莫錯。麼寺便入方丈。閉却門。仰山後歸。舉似潞山。山云。是什麼心。行仰山云。若不與麼爭。識得伊師。拈云。仰山。識得東寺。強說道理。設使潞山親去。也未能與東寺相見。

東京慧林德遜佛陀禪師一則

舉百丈和尚問僧。從什麼處來。僧云。山下。來丈云。還曾逢著人麼。僧云。不曾逢著。丈云。爲甚不逢。僧云。逢著。即舉似和尚。丈云。甚麼處得遮箇消息。師拈云。山下不曾逢著。則且致山上。還曾逢著麼。若逢著。即汾陽消息。流布諸方。若不逢著。什麼處去來。

台州瑞巖子鴻禪師二則

舉曹山問僧。佛真法身。猶若虛空。應物現形。如水中月。且作麼生說箇應。僧云。如驢觀井。山云。子祇道得八成。僧云。請師全道。山云。如井觀驢。師云。遮僧始道一半。曹山方得入。或要得全道麼。如井觀井。舉陳操問書。問同參僧云。有一事。與老兄商量。得麼。僧云。合取。淘口。書自擲口。一下云。某甲罪過。僧云。知過必改。書云。恁麼乞與老兄口。喫飯師拈云。陳操却解。驢前揮劍。腦蓋後放光。遮僧入虎穴。不得虎子。

東京法雲法秀圓通禪師四則

舉茱萸示衆云。汝等諸人。莫向虛空裏釘橛。有靈虛上。啞出衆云。是虛空。是橛。茱萸便打。虎云。和尚莫打某甲。茱萸放下拄杖。便歸。方丈師拈云。茱萸祇知瞻前。遮僧不能顧後。子細檢點。將來兩箇總好。喫棒。且道。過在甚麼處。具眼者。辨取。舉藥山參石頭。問三乘十二分教。某甲粗知。承聞禪宗。直指人心。見性成佛。未曉此理。乞師指示。石頭。

云。恁麼也不得不恁麼。也不得恁麼。不恁麼。總不得。師云。石頭好箇無孔鐵鎚。大似分付不著人。藥山雖然過江。悟去爭奈平地喫交。有甚扶策處。

舉法眼云。識得凳子。周巾有餘雲門云。識得凳子。天地懸殊。天衣云。識得凳子。桮楠木作棲賢。即不然。識得凳子。四脚著地。其間一出一沒。半合半開。有得有失。有親有疎。具眼禪人。一任檢點。

舉若見諸相。非相。即見如來。師云。直饒大地普請成佛。亦未夢見。山僧脚跟。在法眼道。若見諸相。非相。即不見。如來。師云。雖然如是。未免墜根。先師云。若見諸相。非相。眼在什麼處。此語有兩負。門若檢點。得出。許備具。擇法眼。師召衆云。會麼。前面千尋古澗。後面萬仞高山。若也不見。爲備諸人。重新注破。瘦竹有高節。閑雲無定心。

衛州元豐清滿禪師二則

舉法眼問。修山主。毫釐有差。天地懸隔。子作麼生會。主云。毫釐有差。天地懸隔。法眼云。恁麼會。又爭得。主云。某甲祇恁麼。師兄作麼。生法眼云。毫釐有差。

天地懸隔。主便禮拜。師云。噫。許大修山主。被泥彈子。換了眼。睛。還知麼。復云。後面禮拜。也是停因。長智。

舉雪峯示衆云。南山有鼈鼻。蛇汝等諸人。切須好看。師乃橫按拄杖云。更看山僧爲蛇盡足。

東京淨因惟岳佛日禪師一則

舉教云。知見立知。即無明本。知見無見。斯即涅槃。山僧即不然。今日要與釋迦老子爭鋒。別爲諸人通箇消息。知見立知。即無明本。知見無見。斯即涅槃。若道雲月是同。如來禪。即許師兄會。若道溪山各異。祖師禪。未夢見在。

秀州資聖盛懃禪師二則

舉疎山到投子處。投子問。近離甚處。山云。延平。投子云。還將得劍來麼。山以手指地。投子便休。山便出去。投子至晚。令侍者請山喫茶。侍者云。早來已去。子云。三十年弄馬騎。今日被驢子撲。師拈云。此二人還有得失也。無試請斷看。良久云。得便宜。是落便宜。

舉欽山問德山。天皇也與麼道。龍潭也與麼道。未審德山作麼生。道德山云。爾試道。天皇龍潭底看欽山禮拜。德山便打。祖峯拈云。德山祇會打。死欽山不會打。活欽山資聖即不然。若據欽山合喫三頓棒。天皇也與麼道。龍潭也與麼道。未審德山作麼生。道遮裏合喫多少。爾試舉。天皇龍潭底看欽山禮拜。又亦放過。更有一頓落在甚處。良久云。遮一頓三十年後好作點眼藥。

廬山栖賢遷禪師三則

舉大禪佛到仰山。問仰山。西天二十八祖也與麼。唐土六祖也與麼。和尚也與麼。某甲也與麼。仰山下繩床打四棒。大禪佛後到諸方。自云。集雲峰下四藤條。天下大禪佛。參師云。且仰山打伊四藤條。是何道理。莫是打伊不會。莫是打伊說道理。若恁麼。會何曾夢見山僧道。若瓠連根苦甜瓜。徹蒂甜。舉維摩詰有病。世尊令文殊師利詣彼問疾。文殊云。是疾從何而起。是身病也。是心病也。於四大中。何大病也。維摩云。我此病者。亦非有也。亦非無也。非

是身病。非是心病。非四大病。不離四大。由衆生病。故而我亦病。衆生病。瘥我病。亦瘥。師云。看他維摩。如斯懊惱。作却遮病。山僧病。諸人還知麼。祇爲當初不忌口。

舉僧問曹山。抱璞投師。請師雕琢。山云。不雕琢。僧云。爲甚不雕琢。山云。須知曹山好手。師云。山僧即不然。爲甚不雕琢。淵底松寒。

江寧府清涼和禪師一則

舉舍利弗入城。見月上出城。弗問云。什麼處去。女云。如舍利弗與麼去。弗云。我入汝出。何言同去。女云。汝住何所。弗云。當住涅槃。女云。我如汝去。師拈云。一出一入。何云同去。會麼。拈起拄杖云。舍利弗。月上女盡在山僧拄杖頭上。若也會得去路。無差其。或不然。一任出入。

澧州夾山自齡禪師三則

舉天王如來會中有女子。於世尊前入定。佛勅文殊。出此女子。定。文殊遂彈指一下。乃以手托上梵天。出此女子。定。不得世尊云。下方有網明菩薩出得。

暗坐明眼禪人試請辨看

建中靖國續燈錄卷第二十七

建中靖國續燈錄卷第二十八

〔宋碻〕

東京法雲禪寺住持傳法佛國禪師臣惟白集

頌古門

明州雪竇山重顯明覺禪師二十則

舉梁武帝問達磨大師如何是聖諦第一義達磨云廓然無聖帝曰對朕者誰達磨云不識帝不契遂渡江至魏武帝舉問志公志公云陛下還識此人否帝曰不識志公云此是觀音大士傳佛心印帝悔遂遣使取志公云莫道陛下發使去取闍闍人去他亦不回

聖諦廓然何當辨的對朕者誰還云不識因茲暗渡江豈免生深棘闍闍人追不再來千古萬古空相憶休相憶清風巾地有何極師顧視左右云遮裏還有祖師麼自云有喚來與老僧洗脚

此定須更網明至彈指一下女子出定而去師云遮公案無不委知文殊爲甚出不得網明爲甚出得諸人儻具奔流度刃底眼非但見遮一隊漢敗闕乃至河沙祖佛出來也被作家觀破其或青黃不辨邪正不分祇管去覓女子出定立沙道底

舉南泉示衆云文殊普賢昨夜三更每人與二十棒趣出院了也趙州出衆云和尚棒教誰喫泉云王老師過在甚處州便禮拜師云南泉一期逞俊爭奈平地生堆趙州雖則覷面投機不免腦門著地生

舉趙州見院主送生飯與鴟子忽忽飛去州問鴟子見鴞爲甚飛去主云怕某甲州云甚是語話主云請師代語州代云爲某甲有殺心在師拈云是甚語話忽有人問山僧祇云渠却劊利

廬山開先心印禪師一則

舉僧問投子歷却來來無盡燈不曾挑剔鎮長明時如何投子云歷劫來來無盡燈不曾挑剔鎮長明師拈云問既如斯答亦相似爲甚東家點燈西家

舉趙州示衆云。至道無難。唯嫌揀擇。纔有語言。是揀擇。是明白。老僧不在明白裏。是汝諸人還護惜也。無時有僧問云。旣不在明白裏。護惜箇什麼。州云。我亦不知。僧云。和尚旣不知。爲什麼道不在明。

白裏州云。問事卽得禮拜了退。

至道無難。言端語端。一有多種。二無兩般。天際日上。月下。檻前山深水寒。觸體識盡。喜何立。枯木龍吟。消未乾難。揀擇明白。君自看。

舉雲門大師垂語云。十五日已前不問汝。十五日

已後。道將一句來。自代云。日日是好日。

去却一拈得。七上下四維無等匹。徐行踏斷流水聲。縱觀寫出飛禽跡。草茸煙霧霧空生。巖畔花狼籍。彈指堪悲舜若多。莫動著。動著三十棒。

舉肅宗帝問忠國師。百年後所須何物。國師云。與

老僧作箇無縫塔。帝曰。請師。塔樣。國師良久云。會

麼。帝曰。不會。國師云。吾有付法弟子。耽源却諳此

事。請詔問之。國師遷化後。肅宗帝詔耽源問此意

如何。源云。湘之南潭之北。師云。獨掌不浪鳴。中有黃金充。

一國山形挂。杖子。無影樹下。合同船海晏。琉璃殿上。無知識。拈了也。

無縫塔。見還難。澄潭不許蒼龍蟠。層落影團圓。千古萬古與人看。

舉龍牙問翠微。如何是祖師。西來意。微云。與我過禪板來。牙取禪板。與翠微。微接得。便打牙云。打卽任打。要且無祖師意。又問臨濟。如何是祖師。西來意。濟云。與我過蒲團來。牙取蒲團。與臨濟。濟接得。便打牙云。打卽任打。要且無祖師意。

龍牙山裏龍。無眼死水。何曾振古風。禪板蒲團。不能。用祇應分付與盧公。

復云。遮老漢。亦未勦絕在。

盧公付了。亦何憑。坐倚休將繼祖燈。堪對暮雲歸未。

合遠山無限碧。層層。

舉雪峯示衆云。南山有一條鼈鼻蛇。汝等諸人。切

須好看。長慶出云。今日堂中。大有人喪身失命。僧

舉似玄沙。沙云。須是稜兄始得。然雖如此。我卽不

與麼。僧曰。和尚作麼。生沙云。用南山作麼。雲門以。

拄杖攬會向雪峯面前作怕勢

象骨岩高人不不到者須是弄蛇手。綫師備師不奈何。喪身失命有多少。韶陽知重撥草。南北東西無處討。忽然突出拄杖頭。拋向雪峯大張口。大張口兮同閃電。剔起眉毛還不見。如今藏在乳峯前。來者一一看方便。師高聲喝云。看脚下。

舉僧問雲門。樹凋葉落時如何。門云。體露金風。

問既有宗。答亦攸同。三句可辨一鏃。遼空大野兮涼颼颼。颼長天兮疎雨濛濛。君不見少林久坐未歸客。靜依熊耳一叢叢。

舉南泉參百丈。涅槃和尚問從上諸聖還有不爲人說底。法麼。泉云。有文云。作麼生是不爲人說底。法泉云。不是心。不是佛。不是物。文云。說了也。泉云。某甲祇與麼和尚作麼生。文云。我又不是善知識。爭知有說不說。泉云。某甲不會。文云。我大殺爲汝說也。

古佛從來不爲人稱。僧今古競頭走明鏡。當臺列象殊。一一面南看北斗。斗柄垂無處。討拈得鼻孔失却。

口

舉定上座問臨濟。如何是佛法大意。濟下繩床。擒住與一掌。便托開。定佇立。傍僧云。定上座何不禮拜。定方禮拜。忽然大悟。

斷濟全機。繼後蹤持。來何必在從容。巨靈擡手無多子。分破華山千萬重。

舉鑿山垂語云。三界無法。何處求心。

三界無法。何處求心。白雲爲蓋。流泉作琴。一曲兩曲。無人會。雨過夜塘秋水深。

舉僧問雲門。如何是清淨法身。門云。花藥欄。僧云。便與麼去時如何。門云。金毛師子。

華藥欄。真顯明星在。稱兮不在盤。便與麼太無端。金毛師子大家看。

舉陸直大夫與南泉話次。云。肇法師道。天地同根。萬物一體也。甚奇怪。南泉指庭前華召大夫云。時人見此一株華。如夢相似。

聞見覺知非一一。山河不在鏡中觀。霜天月落夜將半。誰共澄潭照影寒。

舉僧問洞山和尚。寒暑到來如何回避。山云。何不向無寒暑處去。僧云。如何是無寒暑處。山云。寒時寒殺。熱時熱殺。閻梨。

垂手還同萬仞崖。正偏何必在安排。琉璃古殿照明月。忍俊韓獺空上階。

舉鏡清問僧。門外什麼聲。僧云。雨滴聲。清云。衆生顛倒迷已逐物。僧云。和尚作麼。生清云。泊不迷已。僧云。泊不迷已。意旨如何。清云。出身猶可。易脫體道應難。

虛堂雨滴聲。作者難酬對。若謂曾入流。依前還不會。曾不會。南山北山轉霧霏。

舉馬大師與百丈行次。見野鴨子飛過。大師云。是什麼。丈云。野鴨子。大師云。什麼處去也。丈云。飛過去也。大師遂扭百丈鼻頭。丈作忍痛聲。大飛云。何曾飛去。

野鴨子知何許。馬祖見來相共語。話盡山雲海月情。依前不會還飛去。欲飛去却把住。道道。舉外道問佛。不問有言。不問無言。世尊良久。外道。

讚歎云。世尊大慈大悲。開我迷雲。令我得入外道。去後阿難問佛云。外道有何所證。而言得入佛云。如世良馬。見鞭影而行。

機輪曾未轉。轉必兩頭走。明鏡忽臨臺。當下分妍醜。妍醜分兮迷雲開。慈門何所生塵埃。因思良馬窺鞭影。千里追風喚得回。喚得回。鳴指三下。

舉鹽官一日喚侍者。與我將犀牛扇子來。侍者云。扇子破也。官云。扇子既破。還我犀牛兒來。侍者無對。投子云。不辭將出。恐頭角不全。師拈云。我要不全底頭角。石霜云。若還和尚。即無也。師拈云。犀牛兒猶在。資福畫一圓相於中。書一牛字。師拈云。適來爲什麼。不將出保福云。和尚年尊。別請人好。師拈云。可惜勞而無功。

犀牛扇子用多時。問著元來總不知。無限清風與頭角。盡同雲雨去難追。師復云。若要清風再覆頭角。重生請禪客。下一轉語。問云。扇子既破。我還我犀牛兒來。時有僧出云。大衆參堂去。師云。拋鉤釣鯢鯨。釣得箇蝦蟇。

舉世尊一日陞座文殊白髓云諦觀法王法法王
法如是世尊便下座

列衆叢中作者知法王法令不如斯會中若有仙陀
客何必文殊下一髓

舉趙州示衆三轉語

泥佛不度水神光照天地立雪如未休何人不雕僞
金佛不度爐人來訪紫胡牌中數箇子清風何處無
木佛不度火常思破竈墮杖子忽擊著方知孤負我
舉肅宗帝問忠國師如何是十身調御師云檀越
踏毗盧頂上行帝云寡人不會師云莫認自己作
清淨法身

一國之師亦疆名南陽獨許振嘉聲大唐扶得眞天
子曾踏毗盧頂上行

鐵鎚擊碎黃金骨天地之間更何物三千利海夜澄
澄不知誰入蒼龍窟

潭州石霜楚圓慈明禪師三則

舉僧問雲門如何是超佛越祖之談門云餬餅

超佛越祖若何宣无齋餬餅恣情飡湖南展鉢新羅

敵大食波斯索渡船

舉僧問如何是佛明云水出高源

水出高源也大奇禪人不會眼麻彌苦也未明泥水
句燈籠露柱笑怡怡

舉僧問趙州如何是祖師西來意州云庭前栢樹
子

趙州庭前栢天下走禪客養子莫教大大了作家賊
洪州黃龍慧南禪師三則

舉臺山路上有一婆子凡有遊僧問臺山路什麼
處去婆以手指云驚直去僧方去又云好箇師僧
又恁麼去趙州問舉云來日上堂我已勘破過婆
子

傑出叢林是趙州老婆勘破有來由而今四海清如
鏡行人莫與路爲嫌

舉忠國師三喚侍者侍者三應師云將爲吾孤負
汝元來汝孤負吾

國師三喚侍者打草菹要蛇驚誰知湖底青松下有
千年茯苓

國師有語不虛施。侍者三喚無消息。平生心膽向人傾。相識不如不相識。

舉趙州問僧。曾到此間麼。僧云。曾到州云。喫茶去。

又問僧。曾到此間麼。僧云。不曾到州云。喫茶去。

趙州驗人。端的處等閑開口。便知音。覲面若無青白。

眼宗風爭得到如今。

相逢相問知來歷。不揀親疎便與茶。翻憶憧憧往來者。忙忙誰辨滿甌華。

東京智海慕喆真如禪師二則

舉瀉山和尚示衆云。老僧百年後。向山下作一頭。

水牯牛。左脇書五字云。瀉山僧某甲。此時喚作瀉。

山僧。又是水牯牛。喚作水牯牛。又云。瀉山僧喚作。

什麼。即得。

蹄角分明觸處周。不勞管帶不勞收。但知不犯他苗。

稼水草隨時得自由。

舉岩頭漢陽作渡子。江南江北各懸木板索渡者。

扣板一下。一日婆子抱一孩兒。扣板索渡。岩頭於。

草舍中舞棹而出。婆便問。呈撓舞棹。即不問婆婆。

手中一子甚處得來。岩頭以棹便打婆云。婆生七子。六箇不遇知音。祇遮一箇也不消得。遂拋向水中。

親兒棄了更無親。撒手歸家罷問津。呈撓舞棹波中。

客休向江頭覓渡人。

筠州洞山真淨文禪師一則

舉雲門大師抽顧。

雲門抽顧自有來由。不點不到。休休休休。

舒州海會守端禪師二則

舉僧問洞山。如何是佛。山云。麻三斤。

斤兩分明不負君。眼中瞳子莫生瞋。百年三萬六千。

日得欣欣處。且欣欣。

舉僧問楊岐。少林面壁。意旨如何。岐云。西天人不。

會唐言。

天高地迴人離見。水闊山重不易論。萬古八風吹不。

入西天人不會唐言。

廬山東林常總照覺禪師一則

舉船子和尚接夾山後。踏覆船。

夾山橈下。悟心休。何患身名。踏覆舟。今古華亭垂釣者。烟波江上使人愁。

江寧府保寧仁勇禪師五則

舉六祖問讓和尚。甚處來。讓云。嵩山安和尚處來。六祖云。什麼物。恁麼來。讓云。說似一物。即不中。六祖云。還假修證否。讓云。修證即不無。污染即不得。六祖云。即此不污染。是諸佛之護念。吾亦如是。汝亦如是。西天二十七祖。般若多羅。識佛法從汝邊去。已後出一馬駒。踏殺天下人去在。

戴角披毛。恁麼來。鐵圍山嶽。盡衝開。閻浮踏殺人。無數齋鼻深穿拽不回。

舉龐居士問馬祖。不昧本來身。請師高著眼。馬祖直上。覷居士云。一種勿絃琴。唯師彈得妙。馬祖直下。覷居士。禮拜。馬祖歸方丈。居士隨後云。弄巧得拙。

浩浩擎山戴岳來。撐天拄地勢崔嵬。從教弄巧翻成拙。撒手前行更不回。

舉南泉示衆云。道非物外。物外非道。趙州出問如

何是物外道。南泉便打。趙州接住云。和尚莫打某甲。已後錯打人。去在南泉。擲下拄杖云。龍蛇易辨。衲子難瞞。

輾轆藏鋒入陣來。盡時擒下眼。瞪開死生一決英雄。士文武雙行將相才。

舉石頭問長髭。甚處來。長髭云。嶺南來。石頭云。大庾嶺頭。一鋪功德成就也。未長髭云。成就久矣。祇欠點眼。石頭云。莫要點眼否。長髭云。便請石頭垂下一足長髭。便禮拜。頭云。見箇什麼。長髭云。如紅爐上一點雪。

一鋪大悲千手眼。十分圓就未開光。君看筆下神通現。更有靈蹤在上方。

舉芭蕉示衆云。爾有拄杖子。我即與爾拄杖子。爾無拄杖子。我即奪爾拄杖子。

爾有面前拈取去。爾無背后奪將來。可憐黑漆光生底。擊著千門萬戶開。

蘇州定慧超信海印禪師七則

舉石霜普會遷化。衆定首座住持。虔侍者曰。首座

若會先師意方可住此先師道休去歇去一念萬年去古廟裏香爐去如一條白練去且道先師意作麼生座曰祇是明一色邊事侍者曰首座不會先師意座曰裝香來香烟斷處我若不脫去即不會先師意香烟纔絕首座便脫去侍者於背上拊一下曰去即不無要且不會先師意

張家養得數箇兒大者數爺治家業中有一男藝最精氣字如王威猛烈別別踏翻海底不顧龍珠喝散白雪豈羨長天月

舉太原孚上座參雪峯至方丈前顧視雪峯便下看知事來曰入方丈云昨日觸忤和尚峯云知是般事便休

李廣將軍古今無對深入虜庭全身遠害不動于戈羸小捷到今邊塞嘉聲在

舉臨濟辭黃蘗蘗問什麼處去濟曰不是河南便是河北蘗便打濟約住棒遂打一掌蘗大笑喚侍者將先師禪板拂子來濟云侍者將火來蘗云雖然如此汝但將去已后坐却天下舌頭去在

師資叙別意非遙禪板持來命火燒佛祖已靈猶不重行行餘長執擎挑

舉臨濟照圓舉和尚近離甚處舉云兩浙照云船來陸來舉云船來照云船在甚處舉云胡步照云且坐喫茶舉云啗啗

漁翁蕭灑任東西蘆管橫吹和不齊夜靜月明魚不食扁舟臥入武陵溪

舉潯山示衆云有句無句如藤倚樹後疎山問云樹倒藤枯伸一問呵呵大笑有來由癡羊掛角無尋處直到如今笑未休

舉僧問舉和尚如何是佛舉云蘆芽穿膝

信手拈來如掣電全機大用疾如風放行一句通消息後夜猿啼在亂峯

舉耽源辭國師曰某甲往南方忽有人問極則事如何祇對師云幸自可憐生須要箇護身符子作什麼

不重已靈猶未可護身符子更那堪爲君旨外通消

息秋月無雲落碧潭

東京慧林德遜佛陀禪師二則

舉趙州問僧喫粥了也未僧云了也州云洗鉢盂去

粥了令教洗鉢盂初心往往更心竊直饒到此分明
了已是平生不丈夫

舉僧問雲門不起一念還有過也無門云須彌山
間答隨機或淺深雲門終是飽叢林如今競逐須彌
走無限平人被陸沉

舒州投子山義青禪師四則

舉僧問洞山如何是祖師西來意山云待洞水逆
卽向汝道

古源無水有何聲滿岸西風一派新葱嶺罷詢熊耳
夢雪庭休說少林春

舉僧問石霜如何是石霜深深所霜云無鑄銷子
兩頭搖

三更月落兩山明古道程遙苔蘚生金鎖搖時無手
把碧波心月兔常行

舉僧問夾山如何是夾山境山云猿抱子歸青嶂
後鳥銜華落碧岩前

月皎青松鶴夢長碧雲丹柱挂羶羊高岩壁以千峯
雪石笋生條半夜霜

舉僧問曹山佛未出世時如何山云曹山不如僧
曰出世後如何山云不如曹山

月隱青山瑞氣高梧藏丹鳳觀無遠無端石馬潭中
過驚怒泥龍翻海潮

東京智海本逸正覺禪師六則

舉雲門一日僧堂前見直歲喫餠餅次乃問喫得
幾箇餠餅歲云五箇門云露柱喫得幾箇歲云請
和尚茶堂裏喫茶門便歸方丈

韶陽門下足英明直歲之才又哲英雲華堂前凹凸
處不勞心力一齊平

舉外道問佛今日說何法佛云說定法來日又問
今日說何法佛云說不定法外道云昨日定今日
爲什麼不定佛云昨日定今日不定

靈山會上如來禪問答何曾別是立今日不定昨日

定借婆裙子拜婆年

舉昔日有老宿。經夏不爲師僧說話。有一僧歎云。我祇麼空過一夏。不敢望和尚說佛法。得聞正因兩字也。得老宿聊問告云。閤梨莫斯速。若論正因一字也。無潛麼道了。自扣齒云。適來無端潛麼道。隣壁老宿聞之云。好一釜羹。被兩顆鼠糞汚却也。一夏調和一釜羹。傳嚴猶未許爭衡。莫言汚了無人見。鄰壁禪翁隻眼明。

舉二祖于少林立雪。斷臂而同諸佛法印。可得聞手林云。諸佛法印。匪從人得。祖云。我心未寧。乞師與安。林云。將心來。與汝安。祖云。覓心了不可得。林云。爲汝安心竟。

斷臂難於立雪。難覓心無處。始心安。誰知萬頃蘆華境。一一漁翁把釣竿。

舉僧問香林。如何是衲衣下事。林云。臘月火燒山。僧問衣下事。師云。火燒山。佛手遮不得。人心似等閑。舉僧問佛岩。如何佛向上事。岩云。螺是髻子。如何是佛向下事。岩云。蓮華座。

螺紋頂髻蓮華座。香象嘯呻獅子吼。流落人間三百。年塞斷天下衲僧口。

太平州隱靜山守嚴禪師二則

舉藥山和尚初參石頭。密領玄旨。一日座次。石頭見汝在遽裏作什麼。山云。一切不爲。頭云。恁麼。閑座也。山云。閑座卽爲。頭云。汝道不爲。不爲箇什麼。山云。千聖亦不識。

石頭打草要蛇驚。密護玄機絕業情。迅句追風須辨的。報云。千聖不知名。

舉鴻山一日坐次。仰山與香嚴侍立。鴻山云。如今總恁麼者。少不恁麼者。多香嚴從東過。西仰山從西過。東鴻山云。遮箇因緣。三十年後。如金鄉地。相似。仰云。也須和尚提唱始得。香嚴云。卽今亦不少。鴻山云。合取口。

鴻山垂語辨龍蛇。一對驪珠絕點瑕。師子窟中無異獸。嘉聲動地徧天涯。

雲居山了元佛印禪師四則

舉僧問六祖黃梅意旨。什麼人得。祖云。會佛法人。

得僧云師還得也無祖云我不得僧云和尚爲甚

不得祖云我不會佛法

當日黃梅傳意旨會佛法人如竹葦麟龍頭角盡成
空盧老無能較些子

舉思禪師問六祖當何所務得不落階級祖云會
作什麼思云聖諦亦不爲祖云落何階級思云聖
諦尙不爲何處有階級祖云如是如是汝善護
持

聖諦從來尙不爲更無階級可修持至今盧大猶春
米和穀和糠付與誰

舉僧問南泉和尚百年后遷化向什麼處去泉云
山前檀越家作一頭水牯牛去僧曰學人隨去得
也無泉云儻若來嚼一枝草來

行履從來異類中不知頭角與誰同若嚼水草來相
見擺尾搖頭四野風

舉僧問龍牙和尚十二時中如何著力牙云如無
手人行拳始得

無手人拳力最多龍牙曾打杜禪和直饒用得工夫

盡不似陶家壁上梭

虔州慈雲圓照禪師二則

舉白馬和尚尋常叫快活臨終時叫苦苦院主問
和尚尋常叫快活如今何得如此和尚拈起枕頭
云汝道當時是如今是院主無語

甜甜徹帶甜苦苦連根苦拈起枕頭時新羅夜打鼓
舉僧問趙州如何是祖師西來意州云欄中失却
牛

欄中失却牛有問卽有謂更若求玄妙胡獼氣毬
東京淨因惟岳佛曰禪師二則

舉僧問投子如何是第一月子云孟春猶寒如何
是第二月子云仲春漸暄

孟春猶寒第一月仲春漸暄第二月若無閑事掛心
頭便是人間好時節好時節江南并兩浙春寒又秋
熱

舉僧問雲門如何是祖師西來意門云日裏看山
日裏看山好清風掃白雲夜來何處火燒出古人墳

福州大中智德禪師四則

舉僧問岩頭孤帆不掛時如何頭云後園驢喫草孤帆不掛事如何後園驢兒喫草多直至如今閑放下誰知平地有段訛

舉僧問雲門如何是大修行底人門云一棹在手中一棹絕痕瑕道聽途傳轉見賒作者至今拈不起依前獨自挈歸家

舉僧問報慈情生智隔想變體殊情未生時如何慈云隔僧曰祇如情未生隔箇什麼慈云梢子偏未遇人在

隔青天無雲羃露臺叢林衲子如稻麻不知幾箇仙陀客

舉僧問玄沙如何是學人自己沙云是汝自己是汝自己莫相鈍置衲子兩兩三三祇道早眠晏起

岳陽乾明慧覺禪師二則

舉僧問鴈過長空影沉寒水水無沈影之心鴈無遺蹤之意意旨如何師云事向無心得鴈過長空豈遺影影沉寒水水無心但能體得無心處不用無心自道深

舉僧問投子如何是露地白牛子云叱叱僧曰飲一噉何物子云喫喫

露地白牛起問端隨機叱叱齒牙寒不知飲噉是何物喫喫直教滄海乾

越州天章元善禪師一則

舉雲居和尚問僧誦維摩經問云念什麼經僧曰維摩經師云不問爾維摩經念底是什麼其僧有省

問經不問念維摩念底分明見也麼欲入塵沙法門海一言演出不須多

湖州上方日登禪師三則

舉楊岐在九峯受請陞座罷九峯動和尚把住云今日喜得箇同參岐云同參底事作麼生峯云九峰牽犁楊岐拽把岐云正當恁麼時楊岐在前九峯在前峯擬議岐拓開云將謂同參元來不是一拽杷一牽犁平田淺地且相隨恰倒飢時無草料放開頭角便東西老楊岐老楊岐盡道從來解弄蹄舉大隨菴前有一龜僧指問一切衆生皮裹骨遮

箇衆生爲什麼骨裹皮大隨脫一隻鞋安龜背上
骨在外皮在裏靈於人兮不靈已直饒背上卦分明
九九翻成八十二

舉僧問忠國師如何是本身盧舍那國師云與老
僧過淨鉢來僧將鉢來國師云安舊處著僧復問
如何是本身盧舍那國師云古佛過去久矣

兩手分明過淨瓶不知身已在隍城直饒便具金剛
眼也較瀉山半月程

建中靖國續燈錄卷第二十八

建中靖國續燈錄卷第二十九

〔宋碁〕

東京法雲禪寺住持傳法佛國禪師臣惟白集

偈頌門

蔣山法泉佛惠禪師三十四首

釋迦牟尼佛

四顧無人法不傳鹿園鶴樹兩茫然朝朝大士生浮
世處處明星現碧天迦葉捧衣眉已皺金棺將火足

猶懸誰知摩竭當年事落日雙林噪暮蟬

一祖大迦葉尊者

曾把珠金結淨因九十一劫異常身涅槃會上仙陀
客糞掃衣中無事人妙舞憑誰知此意綠巖孤坐自
移春世尊無說聲聞處千古金園躍瑞麟

二祖阿難尊者

娑羅林下涅槃門獨授金襴衆處尊寶蓋摧時先有
約刹竿倒處舊無根羣仙請證巖山麓二主哀號露
血痕誰謂真身已圓寂常河風急浪華奔

三祖商那和修尊者

非法非心會得麼六年身後出娑婆先生受記青林
在弟子投機白髮多胎久膺香草服瑞梵宮高占火
龍窠方今徒與還橋慢好向南山更一過

四祖優波鞠多尊者

化行無間復無親攝彼唯將定力熏籌室晚拋逢的
子花鬘重獻怖魔軍不依佛法非常道若著身心未
出群付却本來無底物舊山歸去臥閑云

五祖提多迦尊者

摩迦當夕誕神軀異夢曾將昔識符。杲日升騰開黑
暗。王泉噴涌救焦枯。八千修習因非正。六劫分攜事
豈虛。今日班茶山頂上。牛車鶴駕盡同途。

六祖彌遮迦尊者

勤求祖裔惜年光。雄傑金雲燭燭翔。觸負淨時猶旅
舍。識非我處近家鄉。傳燈預記百年後。舊姓纔呼遠
事彰。從此五天不歸去。火中遊戲類金剛。

七祖婆須密尊者

汗衣纓食念遊行。甘露常擎一點清。強謂傳心心豈
有欲。求論義義難成。慈緣現相雲無著。陋巷狂歌月
自明。翻憶山中來客少。一壺春酒爲誰傾。

八祖佛陀難提尊者

頂珠高聳自欣然。滿寺清風壯祖垣。接引勞生春力
重。對酬雄辯海濤翻。喻徒無說知眞器。向已求心賴
至言。老老門生人不識。白光盡處笑騰軒。

九祖伏獸蜜多尊者

閱却年光半百春。可憐嫌富不嫌貧。祖佛非道求何
道。父母不親誰更親。七步豈勞蓮捧足。無言須信鑑

生。塵禪門自古牢關漏。漏洩家風是此人。

十祖脇尊者

身非凡器預聞仙。獨號難生豈偶然。苦海浪停全象
在。昏衢光散一珠圓。言宣非佛幽人悟。地變黃金大
法傳。脇席遺風千古在。今人多向日高眠。

十一祖富那夜奢尊者

莫訝從前得法稀。寥寥立路絕離微。悟迷不有晦明
盡。隱顯元無一二非。問佛不知非別道。還家無住是
眞歸。徒言弟子縱橫無。木義纔標盡息機。

十二祖馬鳴尊者

功成高度死生流。有作無爲已共修。極物形分羣馬
戀。歸雲路斷小蟲憂。金龍過雨危山動。性海無風駭
浪休。唯有日輪垂滅相。至今猶掛亂峯頭。

十三祖迦毗摩羅尊者

遺文不許王宮住。掛錫還忻石窟深。寒岫孤征雲撲
撲。毒龍將近樹森森。寧知枉足相逢地。便是拈華付
觸心。老嫗何期千載後。塵緣脫盡震雷音。

十四祖龍樹尊者

◆這一作是

悲深曾解誓中珠。我慢先摧祖業徒。但得死生常了。都來聲色盡如如。幻師已類春冰散。佛性還同海月孤。欲識涅槃無住相。大千沙界一毗盧。

十五祖迦那提婆尊者

休言無路出樊籠。迷即山河悟即空。報施園林生木耳。投機天地共針鋒。八光盡處瀛歸海。異論興時雪灑松。巴弗城邊人去後。赤幡依舊起清風。

十六祖羅巖羅多尊者

運應千年豈謬悠。光連五佛助勸求。井金鍛去絕纖鑛。河水乘來徹上流。無我爲師明了義。肇孟分坐示同修。門人不信曾三果。香飯空持過幾州。

十七祖僧伽難提尊者

生已能言。少悟空背。將寶位苦羈籠。不知祖域當傳道。護如禪多。擯出宮。悲世幾憐紅日。落開懷因望白雲。自從來嗣法人難得。何惜攜筇過一峯。

十八祖伽耶舍多尊者

七日經胎卽誕神。肌膚淨照雪山春。月氏已悟千年事。童子何驚百歲身。聽去風鈴非別物。攜來寶鑑自

無塵區區曾入寬閑舍。喚出三天舊主人。

十九祖鳩摩羅多尊者

路在諸天孰可攀。祇緣悲重入塵寰。一靈寂寂死生外。三界悠悠夢幻間。容易豈教忘妙偈。慙慙更爲倒懸山。重門自昔敲門後。直至如今不著關。

二十祖闍夜多尊者

垂手因傷失道真。象王縱步有誰憐。祇將言下無生義。喚起林間長坐人。至道不求非散亂。急絃將斷爲悲辛。當時不覲羅城會。勤苦徒勞數劫塵。

二十一祖婆修槃頭尊者

念昔拳拳扣德音。幻泡無礙旨還深。雙珠夢去忘明晦。一法傳來非古今。失果寧知月淨記。在胎因得衆賢歎。臨行踏破虛空處。不是男兒豈易尋。

二十二祖摩拏羅尊者

愚智皆因辯塔分出塵。岐路感時君施檀。引喻人多劫聽偈。飛鳴鶴一群。性溜呼讀切山河。但官官心生毒芥。盡紛紛誰知異域香焚日。曾把青烟破白雲。

二十三祖鵠勒那尊者

鄉落皆呼聖子賢。擢顏廟貌未童年。罹憂虹貫乾坤外。問法人歸日月邊。無我無爲非是道。有功有作未忘筌。身分舍利重來後。奇特還如火裏蓮。

二十四祖師子尊者

卽心知見絕消詳。五衆何人敢校量。童子有緣驚展手。觀珠無類惜潛光。蘊空已得身如幻。臂斷徒誇劍似霜。光首何須憂法墜。翠堵波上有斜陽。

二十五祖婆舍斯多尊者

道塗多難意潛宣。無我先摧印帝前。神劍夢符塵網斷。祖衣焚驗法幢堅。食來毒藥曾無著。諫去因人亦可憐。三昧火中何處有一輪。明月在青天。

二十六祖不如蜜多尊者

祖堂冥合繼清芬。儲貳摧邪駭衆聞。長爪豈能爲巨憲。化山空欲礙高雲。東王超悟終何得。聖嗣重歸豈易群。付囑強名心地藏。更無頭尾可呈君。

二十七祖般若多羅尊者

應變乘時善舉揚。問珠求裔旨何長。三春果滿菩提樹。一夜華開世界香。但切傳燈悲物化。寧憂仙水走

年光。翻嗟未見蜜多日。幾度行吟效建旌。

二十八祖菩提達磨大師

運智隨緣肯自安。遊梁涉魏幾何般。穿雲錫掛草堂靜。爲法人忘雪夜寒。開葉開華皆不實。得皮得髓謾多端。空留隻履嵩陽寺。後代兒孫著脚難。

二十九祖慧可禪師

峯前孤坐眼慵開。佛祖非遙偶自諧。頂骨換來山忽變。風柯攢去露先摧。潛與訕謗真堪惜。晚遇屠沽更莫猜。回首鄴都城下路。春風無限長蒼苔。

三十祖僧璨禪師

嘗因吾道苦陵遲。十載藏珠臥翠微。華地無生聊密付。法門求解使知非。羅浮海近凭欄久。山谷雲深振錫歸。名氏不言休更問。手攜席帽舊麻衣。

三十一祖道信禪師

勤苦遺風邁昔賢。沙彌開法尙髫年。重城解盜神兵至。古路求人佛性圓。白氣已膺分派後。紫雲猶記破頭邊。槍開眞相堂堂處。留與禪家萬古傳。

三十二祖弘忍禪師

誰言相關紫金身。盡性高談絕四隣。聖果高推僧上座。衣盂自與嶺南人。三更已付何曾付。七百相親豈易親。堪嘆當年奔逐者。至今猶拂鏡臺塵。

三十三祖慧能禪師

今古曹谿一派寒。師來因爲起波瀾。攜囊庾嶺人空逐。負石黃梅衆識難。頓悟心田華馥郁。欲歸鄉社葉凋殘。風幡辨的真猷在。試向利竿頭上看。

越州天衣義懷禪師三首

投機

一二三四五六七。萬仞峯前獨足立。驪龍領下奪明珠。一言勘破維摩詰。

色空

色空空色色。色空閤却潼關路。不通劫火洞然毫末。盡青山依舊白雲中。

東西南北十萬八千空。生罔措火裏生蓮。

東京淨因淨照臻福師十五首

百丈再參

一喝分明守死灰。青天赫日起風雷。傍人撫掌呵呵。

笑唯有知音吐舌來。

百丈卷席

高登宛座已圓成。大智仙陀卷便行。師子顛呻猶似可。象王回首更堪驚。

外道問佛

特地慙慙問有無。因風應不費工夫。迷雲縱得開令入。未免區區在半途。

靈雲悟桃華

春暖桃花帶露開。靈雲一見悟靈臺。玄沙謫贊傳千古。誰解離黃息衆猜。

趙州勘婆

趙州勘破老婆禪。語脉分明在目前。近日五湖參學者。剛於岐路走如煙。

不見一法是大過患

不見一法是過患。雨餘郊野雲收漢。中秋午夜月輪高。幾處人登樓上看。

不見一法卽如來

不見一法卽如來。卽如來南有天台北。五臺江上雪消春已。

暖岩華凌曉露中開

百丈野狐

問來答去盡因緣。流落寰區數百年。自古自今諸衲子。一人傳了一人傳。

四賓主

賓中賓寥寥。度日好愁人。捨父佗方空。役役平生受盡苦衆辛。

賓中主。攜筇入市無儔侶。縱然覲面便相呈。爭奈自家不能覩。

主中賓。權掛垢衣。混俗塵頭。頭頭應接殊無倦。悲智雙嚴最上人。

主中主。獨坐巍巍金殿宇。五湖四海樂昇平。處處修文盡偃武。

因僧請益三訣以示之

第一訣。衲僧猶未瞥。更擬問如何。棒頭須見血。

第二訣。南北行人絕。非但迦葉兄。文殊也結舌。

第三訣。祖令隨機設。臘月嶺頭梅。滿枝香吐雪。

舒州浮山法遠圓鑑禪師一首

禪將交鋒歌

禪將交鋒看作家。還同敵德遇金牙。機鋒迅速人難辨。縱橫擒縱智徒誇。善藏鋒巧回互。把斷要津誰敢指。香象咆哮海嶽摧。師子嘯呻凡聖懼。或探竿或把火。照耀乾坤驗作者。擬議之時賓主分。閃電之間換甲馬。勢如龍健如虎。左旋右轉奪旗鼓。臨機照破鐵門關。決烈衝開金鎖戶。文彩彰風骨露。設使全提未爲據。撒星佩印落荒郊。點的囉蹉涉西土。看作家終不悞。任是鈍刀解遮護。吹毛晃耀七星分。金鏡光霞八方顧。影草中藏部隊。而地風雲迷向背。單刀透出萬機前。雙明送入千峯會。載轡踰重管帶。疋馬單槍呈作解。雖然帶甲上橋來。早被定唐批急。裘按鎮露全學。令照用同時誰敢並。忿怒那吒失却威。奮獸住羅口目。瞪立股肱贊元首。解定乾坤平萬有。盡鼓連捷兩陣收。拍馬將軍唱好手。

福州地藏顯端禪師十首

立唱

地藏一琴誰是知音。岩松百尺瀑布千尋。是何之琴。

虎嘯龍吟

地藏一箭本非磨鍊射偏十方群魔膽戰是何之箭
風和柳綻

地藏一句禪徒罔措不墮聖凡豈沉迷悟是何之句
清平過渡

地藏一訣隨宜施設擬問如何頭破額裂是何之訣
春寒秋熱

地藏一道經行坐臥有意難尋無心易到是何之道
松風浩浩

地藏一拂打祖打佛暑往寒來天晴日出是何之拂
蕭何定律

地藏一錫敲空擊色勦絕三賢屏除六賊是何之錫
曲不藏直

地藏一機細雨霏霏揚眉瞬目涉水拖泥是何之機
禮別尊卑

地藏一山峻不可攀華浮水滌石鎖苔斑是何之山
形直影端

地藏一水清冷甘美汪洋大千魚龍任止是何之水

許由洗耳

東京法雲法秀圓通禪師六首

祖意

涉獵登山得得來少林不意口難開任是虛空須喫
棒當鋒誰敢振雲雷

凜凜清風何處來誰云枯樹却華開岩松自有凌雲
勢不藉陽春二月雷

幻身

千頭百頭祇一頭天生肌體飽脂膏眠雲臥水人休
覓不在貧家與富豪

幻本元真不用逃願緣水草育脂膏六凡四聖皆同
體頭角何須競富豪

心印

祖祖從來不識心森羅萬象此中沉崑崙鼻孔長三
尺南海波斯莫亂斟

成塊成團亘古今五湖四海盡浮沉鐵牛鎖斷黃河
水聽審之流莫亂斟

江寧府蔣山贊元覺海禪師三首

三要

第一要當鋒。誰敢道千聖一時。與那能窮此妙。
第二要明鏡。當臺照胡漢。盡皆沉透。匣青蛇斗。
第三要須知。遮一竅。進步問如何。拊掌呵呵笑。

東京法雲善本大通禪師五首

述旨

學道道無得。修心心本空。本空無得處。勿謂出樊籠。
言中無異路。妙旨若爲尋。海底紅塵起。山頭白浪深。
佛魔不到處。今古有誰知。霧卷千峯出。雲收片月移。
掣電機輪轉。當風不立塵。欲尋言下旨。一箭過西秦。
不是無言說。言多轉見猜。九年雖兀坐。聲震五天雷。

南岳谷泉大道禪師八首

大道歌

狂僧性本落魄。到處隨緣棲泊。都來些子行裝。棹下
誰能管著。曲竹杖。凹木杓。獨行獨坐。還獨酌。時人不
會狂僧意。將謂狂僧虛造。作布直裰。紙衲被。破綻誰
能管得。伊禪客相逢。皆哂笑。律師遇著。大不喜。迎風
坐向日睡。也勝時人蓋錦被。騰騰兀兀。且延時。落落

魄魄長如醉。面懶洗頭懶。剃行住更無些濟濟。不但
千峰與萬峰。恣意縱橫去還止。或姪妨或酒肆。拍手
高歌更無慮。人人咄罵遮狂顛。莫怪顛狂祇如是。遶
方廣入聖寺。半千小兒皆罔措。祇解觀空臥白雲。爭
似狂僧豁神思。時人更問有也無。低頭拈箇山菓子。
頌曰

落落魄魄。居山居郭。莽莽鹵鹵。是今是古。拍手大奇。
顏回彭祖。

落魄歌

狂僧性且無拘束。落魄縱橫隨處宿。有時狂歌歌一
場。驚地起來舞一曲。禪子云甚奇特。到了依前六十
六。阿呵呵。爲君述。豐干老漢騎虎出。路逢拾得笑哈
哈。却被寒山咄咄咄。

巴鼻頌六首

禪師巴鼻。有利無利。碧岳崔嵬。龍行虎勢。
衲僧巴鼻。坐具尺二。休問短長。風高雲起。
座主巴鼻。懸河無滯。地涌金蓮。手擎如意。
大道巴鼻。問著瞋瞋。背負葫蘆。狂歌遊戲。

山童巴鼻煮茶鼎沸客問如何遠來不易
散聖巴鼻逢場作戲東涌西沒南州北地

東京智海本逸正覺禪師祖室聯芳十二首

雞峰至曹谿

吾道提綱者東西三十三別傳一句子突出少人諳

靖居思

吾道提綱者廬陵米價奇年年田大熟行市莫嫌遲

石頭遷

吾道提綱者衡山踞石頭光陰莫虛度恩大固難酬

天皇悟

吾道提綱者天皇廕子孫一枚餠餅子千載耀吾門

龍潭信

吾道提綱者師資會遇難龍潭滅燭夜德嶠觸骸乾

德山鑑

吾道提綱者常思古德山一尋鉄作棒坐斷武陵關

雪峯存

吾道提綱者難忘是雪峯望州烏石嶺無處不相逢

雲門偃

吾道提綱者無私是至談充齋餠餅子佛祖未相諳

雙泉郁

吾道提綱者韶陽好子孫雙泉分一派疊疊出雲門

德山遠

吾道提綱者鐵門路嶮巖少林人過後南北自多岐

開先暹

吾道提綱者開先古佛先宗風誰的嗣一月在長天

總頌

吾道正提綱令行誰敢當龍泉橫智海三尺刃如霜

潭州道林智本禪師一首

快活歌

山僧山裡得優游衲衣餅鉢外無求閑來縱步時迷

經倦卽和雲倚石頭快活歌歌快活松韻簫簫泉聒

聒野花芳草不知名岩上落花紅一抹任疎慵忘禮節

時就潺湲弄明月箇中消息若爲傳回頭笑共青山說

潭州石霜楚圓慈明禪師六首

三訣

第一訣大地山河泄維摩纒點頭文殊便饒舌

第二訣展拓著時節。語默豈相干。夜半秋天月。
第三訣山遠路難涉。陸地弄舟船。眼中挑日月。

三句

第一句天上他方皆罔措。俱輪顛倒論多端。巍巍未到尼拘樹。

第二句臨濟德山涉路布。未過新羅棒便揮。達者途中亂指注。

第三句維摩示疾文殊去。對談一默震乾坤。直至而今作笑具。

新州白雲山廣教景雲禪師二首

曹洞玄旨

然燈那畔祖師行。信是無功道自呈。石女拈華千界動。木童汲水萬波傾。金田有樹雲生葉。玉洞無燈日照明。善化羣機偏得妙。龜毛拂子掌中擎。

閑將芥子納三千。古聖神通任自然。每使牧童來座畔。時教石女去岩前。玉輪碾破珊瑚殿。金杖敲開礪磻船。曹洞家風誰得旨。青山脚下向陽眠。

北禪慧雲昇禪師八首

嘉禾一竅把定三要。臨濟德山呵呵大笑。是何之竅。雲生巖嶠。

嘉禾一宗。萬象該通。釋迦慈氏齊立下風。是何之宗。黃昏打鐘。

嘉禾一言。千聖共傳。不存意思。切忌聲前。是何之言。天晴道乾。

嘉禾一路。行人無數。踏着超然。西天此土。是何之路。虔州麻布。

嘉禾一脉。休問寬窄。地獄天堂。絲毫不隔。是何之脉。青黃赤白。

嘉禾一曲。五音具足。格調難陳。知音共續。是何之曲。二八十六。

嘉禾一門。凡聖齊奔。難無關鎖。包裹乾坤。是何之門。水出崑崙。

嘉禾一印。大千普振。舉措施爲。且無鄙倍。是何之印。誰敢通信。

洪州龍安山兜率從悅禪師六首

歸根

笑把寒山手相將過野橋水邊同坐石林下各攀條
日到天心盛雲歸谷口消寥寥人界外何處不逍遙

得旨

寓跡千峰裡閑心絕萬緣短筇橫膝坐塊石枕頭眠
就火烹新茗臨溪汲冷泉幽林華又發渾不計流年

冥契

寂寂浮埃外溪山相稱深水流元有勢雲萃本無心
翠鳥溪邊立青猿洞口吟倚筇回望處紅葉下霜林

寂照

二六時中事何嘗不一如雲收青漢迴月落碧潭虛
崔瀑聲無盡春山翠有餘誰能忘世累向此樂閑居

應機

高着何曾筭誰爲畝手人神仙看有分黑白闢無因
緊向當頭捺寬從四角伸若於盤上覓猶未出常倫

設變

握土成金法非因巧口傳水中元有火妙外更無玄
海上遊三島松間會八仙幾回明月夜長嘯亂峰前

廬山萬杉紹慈禪師六首

通玄頌

祖意無方莫問西曠然那許定交知更來石火光中
覓瞭却當門一聚眉

至理無私不用猜豈從天竺付將來塵中有路君須
辨頂上金剛鉄眼開

靈苗無影勿云高尋葉尋枝轉更勞若蹈箇中根蒂
穩大千沙界一絲毫

法戰從來兩不傷應機隨順入疆場金刀纔舉魔軍
伏統得群原共一鄉

大道淵玄絕謂稱暫將譬喻一提評君看枝上紅桃
子顆顆元來祇混成

透出玄關遮不得却來深處泛漁船竿頭不掛多般
餌接得盲龜是有緣

廬山興化仁岳禪師十首

深岩藏白額

白額從來出獸群且藏威勢向崑崙夜深嘯對岩前
月無限風光清膽魂

五天銀燭輝

銀燭舒光燄熾然。五天交照一何鮮。明月透映未爲
妙轉却輝華始透玄。

金針去復來

密用金針不出頭。往來無問若還流。繡衣不假虛玄
手爭得條條線路周。

妙談不干舌

口口稱揚舌本無。無中演妙作明謨。君臣唱和通玄
旨。天下同歸絕異途。

秦宮映膽輝

圓明照膽徹心寒。好醜纔分足異端。碧眼臨臺須撲
破。免他光境兩俱完。

鐵鋸吹三臺

萬象森羅本祖心。頭頭無不演圓音。鑿斷下三臺
唱。絲竹笙簧和此吟。

死蛇驚出草

荒草深藏不記時。一朝新活動聞知。吐無噴霧仍收
卷。那叱南山鼉鼻兒。

錦帳無夜衾

明月堂前錦帳垂。無衾覆蓋有誰知。撥開合縫華光
裏。全露非因造化爲。

解針枯骨吟

垢衣披掛入鄺中。應病施方助道風。枯骨一吟音韻
發。聲聲無處不圓通。

袖裏青蛇吼

袖裏青蛇本自藏。偶然哮吼揭眞常。門前驚散三千
客。那有莊生恃已長。

饒州薦福承古禪師一首

知見謠

莫莫莫大丈夫。何大錯無端咀嚼野狐涎。滿肚知音
無處著。縱然成現夢還家。物外超然謾斟酌。重玄權
要。騎縱橫逆順。機鋒過電。燦恰如狂鬼亂心神。又似
良人中毒藥。審須聽急吐却。熱病覺來方索索。不論
日本與西天。說甚須彌頭倒卓。徒將管見自欺謾。枉
把禪流眼睛。戳忠言逆耳爲童蒙。作者聞之任貶剝。
莫莫莫。開口向君早是錯。又更問莫莫莫。瑠璃餅貯
穢惡甘馨味。變毒藥莫莫莫。荆棘林裏野狐狸。走出

荒郊又被縛淨地上死屍橫路著邪魔外道頭卓朝
莫莫莫三世諸佛鼻孔長六代祖師眼皮薄屎上加
尖尖更尖一任嘍囉空戲謔十萬八千踰躐那爭似
儂家莫莫莫

東京淨因惟嶽佛日禪師四首

古劍

倚天靈刃自吹毛非假耶溪更淬磨生殺交馳機若
電八方從此偃干戈

古琴

亦無微軫亦無絃一弄宮商徧大千旦暮水聲長在
耳古今山色自橫天

古鏡

本自圓成鑄必難靈光千古逼人寒胡來漢現雖無
隱誰敢當前正眼看

古潭

一片寒光鑒一團萬重山脚管秋天波心得此澄清
後曾印銀蟾幾度圓

饒州薦福道英禪師十首

十要頌

談迷說悟竟如何迷豈無人悟頗多迷去固非新世
界悟來還是舊山河根門賊黨皆歸歟陰界魔軍盡
倒戈從此晏然居我國謂言堯舜亦如它

佛性圓融處處談就中端的少人諳應機岐路分千
萬造到根源絕二三棄落亂蟬鳴遠樹雲收孤月印
澄潭尋枝逐派堪憐慙特地斯言爲指南

豁然言下忽逢伊頗類真金出鑛時入冶更須精鍛
鍊上砧方耐重錘錘得皮得髓終由已傳法傳衣亦
是誰管見庸聞何足道謾增人我長愚癡

漸遠家鄉轉不如勸君早早慕歸歟遨遊平地無高
下運動玄機有卷舒妙矣三平胸著箭奇哉萬卷腹
藏書不能了了明根蒂畢竟還同死水魚

道眼分明真可難法身埋沒轉堪哀衣衫脫去全身
露枕簟離來兩眼開開處更無魔境界露時那有佛
形骸文殊一念纔差互也到鐵圍山下來

投師不正亦徒勞去就吾今勸爾曹但取道純象德
懿休論名重與年高直須下意求心要莫祇虛頭事

氣豪無事身緣兩浮脆。擬憑何法作堅牢。

見成公案莫疑猜。先覺分明點破來。便可學能無伎倆。不勝如秀拂塵埃。親疎休苦窮它語。與奪仍須運已財。大底欲歸何處去。石橋巖巖在天台。

就中尋覓知偏遠。向外馳求轉覺賒。柳絲華紅全漏泄。鴉鳴雀噪已周遮。何須得得論心境。不用噉噉辨正邪。生死涅槃知夢幻。莫將夢幻強分拏。

無相無名亘古今。豈教寒暑浪吞侵。到頭不許稱爲佛。垂手何妨指作心。卽見卽聞非易覓。離聲離色轉難尋。可憐認得昭昭底。也道傳衣繼少林。

弊垢衣纏小化身。了無一法爲君陳。衣中有寶年年。在眼裏無筋世世貧。芻狗生成金翡翠。木鷄陷破玉麒麟。盡言玄妙如坑塹。過得豁然有幾人。

秀州資聖盛懃禪師五首

西來意

君問西來意。春深雨水多。熊山藏隻履。赤腳過流沙。君問西來意。春風依舊寒。欲行千界外。舉步細須看。君問西來意。雲深差路多。暖風吹曉谷。明月照烟蘿。

君問西來意。巧會隔新羅。直饒便恁麼。鶴人鳳凰窠。君問西來意。迢迢十萬程。舉頭看北斗。磊磊一天星。

潤州金山曇頌達觀禪師五首

宗門五派

法眼一宗枝。玄沙是祖師。直須明自己。不可關修持。問裏分賓主。言中絕路歧。若論端的事。打瓦了鑽龜。雲門嗣雪峯。機與睦州同。理出千差外。言歸一句中。九秋殘葉雨。三月落花風。常見波斯說。蝦蟇敲大蟲。偏正互縱橫。迢然忌十成。龍門須要透。鳥道不堪行。石女霜中織。泥牛火裏耕。兩頭如脫得。枯木一枝榮。鴻山與仰山。機暗獨言難。飛鳥開雙翼。明珠轉一盤。方圓雖可並。起坐不相干。手舞暨足踏。徒勞逞舌端。臨濟好兒孫。多將棒喝論。不能明妙用。祇是學空言。欲動先攜杖。臨行又撲盆。便超斯見解。野鴨裏餛飩。

荊門軍玉泉山承皓禪師一首

布袋歌

布袋生來落魄蹤。縱性受居城郭笠。如秋後蓮荷。荷似多年盤絡草。鞋不見成雙。囊中唯留線索。有時若醉。

如癡有時露胸袒。膊飢來信手拈。食困即街心伸脚。
天晴穿履荒忙。頃刻雲生碧落。春霖洗足奔走須臾。
日輝山閣生涯。祇箇布袋盛貯。不拘好弱。驚然抖擻。
向人中下。安能湊泊。鐵銚便言鐵銚。木杓直言木杓。
低頭不覺呵呵。懺懺一時放却。或乃拊背求知。轉腦。
張眸驚愕。展手乞我一錢。何啻膏盲覓藥。彼此失利。
重重未審。阿誰大錯。不知入水入泥。盡謂風狂戲謔。
有時喜怒縱橫。不選言詞。好惡訶罵。十聖三賢。大罵。
忘公婁約。誰言斷妄。趣真誰言棄苦。求樂更言不生。
不滅平地。強生溝壑。智者反自籌量。愚者從他卜度。
耐耐李老莊。周剛把虎空捫摸。更有呂望黃公。謾說。
六韜三略。被人拶問。元由不免低頭。喏喏白雲堂下。
漁人望風亭上仙鶴。

婺州寶林果昌寶覺禪師一首

擔板庵歌

此箇茆蓬外。實內空。恒沙妙用盡在其中。背靠青山。
淥水面。觀翠竹長松。任你風寒霜雪。幾經春夏秋冬。
指天罩地。爲法界宗。禪人遊賞。默默相逢。看取題目。

水洩不通

建中靖國續燈錄卷第二十九

建中靖國續燈錄卷第三十

〔宋碻〕

東京法雲禪寺住持傳法佛國禪師臣惟白集

偈頌門

明州雪竇山重顯明覺禪師十首

讚佛

甘蔗流苗應剎塵。覺場高發利生因。紫金蓮捧千輪。
足白玉毫飛萬德。身孤立大方資。定慧等觀含頽捨。
怨親挨星相好中。天主市地名聞出世人。螺髮右旋。
仙島碧眉月斜印。海門新鸞翔鳳舞。非殊品象轉龍。
蟠絕比倫。瓔珞聚中。騰瑞色華髮影裡。奪芳春。慈儀。
戀望知何極。梵德言辭莫可陳。胷字杳分無量義。頂。
珠常照百由旬。雙林孰謂歸圓寂。坐斷乾坤日見真。
讚法

後得智生功德聚。大悲留演潤禽魚。貫華雖自科千

品標月遷歸理一如過量劫應期廣布刹那心合未
忘書四衢道內拋紅燄五欲波中綻白蘂排斥衆魔
登壽域引携諸子上安車義天星象熒熒也辭海波
瀾浩浩歟違背此恩難拯拔遭逢末世豈躊躇聞來
半偈須相數惜去金身莫共居飛辯恨曾虧激問曠
幽欣且免長嘯生生頂奉輝心鏡廓照塵勞信有餘

方袍圓頂義何宣。續燄千燈豈小緣。華雨座前猶灑灑。
相虎馴庵畔尙稽。詮岩栖冢宿難依。望鶴貌雲心迥。
灑然寶杖夜鳴寒。嶠月銅瓶秋漱碧。潭烟名標練若。
澄誼猶迹念昏衢。警睡眠林下雅爲方外客。人間堪。
作火中蓮。情高不是超三際。道在非同入四禪。浮世。
勉誰知逝水深峯甘自聽飛泉。苾芻藹草馥僧祇後。**珉**
瑄孟傳古佛先珍重。覺皇有眞子坤維高步列金田。

少室傳來兎角杖。千聖護持爲頂相。虎踞龍蟠勢未休。雲影山形冷相向。有時閑倚在虛堂。寥寥市地凝秋霜。有時大作師子吼。德嶠臨濟何茫茫。今日提來

還不惜分明普示諸知識。拈天下任橫行高振風
規有何極。

玉轉珠迴祖佛言精通。猶是汚心田。老盧祇解長春米。何得黃梅萬古傳。

義列綠生笑未聞。孰呈布鼓向富門。金剛鐵券諸方問。報道三千海岳昏。

雨過雲凝曉。半開數峯如畫。碧嶺空生，不解岩中坐。惹得天花動地來。

牛頭峯頂鎖重雲。獨座寥寥寄此身。百鳥不來春又過。不知誰是到庵人。

誰當機學不賺亦還稀摧殘峭峻銷燦玄微重關曾
巨關作者未同歸玉兔乍圓乍缺金烏似飛不飛塵
老不知何處去白雲流水共依依

爲道日損

三分光陰二早過。靈臺一點不搭磨。貪生逐日區區去。喚不迴頭爭奈何。

廬山東林常總照覺禪師八首

文殊妙智門

文殊何處不文殊。豈止清涼山頂居。今古未嘗時隱顯。聖凡何必論親疎。非言七佛爲師祖。是與群生作楷模。直下若能明妙得。般柴運水現毗盧。

普賢妙德門

普賢亞聖實稱賢。銀色光中照大千。法法現成何過惡。塵塵具足或方圓。善財一念全軀露。普眼慇懃歎體偏。好行本來無處所。峨嵋權且示人天。

觀音妙力門

觀音妙力處煩籠。動靜融融法界中。萬籟未鳴嘗演暢。一聲纔剖理何窮。陳那有聽翻成礙。賢喜無聞遠近通。好是文殊能妙揀。圓通從此勿西東。

都頌

妙智妙行與圓音。共顯毗盧古佛心。一旨得來無異

趣三門從此見。幽深清涼海岸休。佗覓華藏峨嵋莫外尋。彈指圓成猶特地。那堪擬議隔千峰。

理眞事妄

理無動轉事有去來。一念二種永劫輪迴。輪迴既息。理事平懷。法爾何爾。途轍安排。

違佗認已

實悟無心。有心有以。叱古存今。非佗是已。法本圓明。道何彼此。更若雕鑄。遠之遠矣。

內心外境

內心外境迷頭認影。摘果空華。充飢畫餅。三界茫茫。四生衮衮。心境頓忘。萬法根本。

心生滅見

祖道東流。枝分派列。要旨千途。群機萬轍。萬轍本虛。千途由設。不統宗源。紛紜生滅。

東京惠林德遜佛陀禪師七首

物不遷旨

物物本無遷。年來復一年。人從山北去。鷺到還南邊。春樹生還謝。銀蟾缺復圓。未明肇公意。對北盡忙然。

不真空觀

不真方謂真。年年二月春。桃花開綠野。柳絮送行人。
物物殊非物。塵塵不是塵。了然亡所得。迢遞隔西秦。
般若無知

船若號無知。相逢話所之。去年初夏月。今日暮春時。
臨水精神健。登山氣力衰。慇懃話消息。眉上更生眉。
涅槃無名

涅槃絕名稱。如來悲願深。何嘗生覺樹。豈是滅雙林。
慧澤無高下。曇華亘古今。岩間宴坐者。終日漫沉吟。
真空妙境

真空本不空。日日生東流。水隨方異。青山到處同。
雨滋芳草秀。烟淡野華紅。觸目毗盧境。門門道路通。
理事無礙

理事各無礙。南州又北州。蹄輪非紫陌。歌筵動青樓。
行客忙應甚。遊人醉未休。牧童笑歸去。吹笛倒騎牛。
周徧含容

周徧曰含容。頭頭法界重。誰言德雲老。不下妙高峰。
靜坐嵩陽石。閑聽岳寺鐘。善財迴首處。塵外絕行蹤。

泉州資壽捷禪師十首

華嚴頌

華嚴真境統三千。香社隨方種白蓮。松徑雪消泉韵
遠。石樓風靜磬聲圓。雲凝古殿爐烟澹。日轉幽庭樹
影偏。翻憶五臺多秀麗。吳華鋪地軟如綿。
華嚴真境極寬區。雲散長空雨點無。千器碧淵雖等
降。一輪明月豈差殊。青山綠竹輪僧舍。瓊苑瑤華屬
帝都。劫劫波波迷已土。漂沉六趣卽須臾。
華嚴真境豈勞尋。萬彙紛紛孰不任。彩鳳夜寒歸畫
閣。黃鶯春暖轉芳林。須知古佛唯心造。自是當人本
性沉。盡日倚欄細思審。等閑持論亦幽深。
華嚴真境廣通津。萬戶千門處處親。一坐化城彌勒
閣。四方瞻仰善財身。雲收日現誰無分。虎嘯風生自
有因。轉大法輪人罔測。區區屈已坐微塵。
華嚴真境顯群機。雨漲江湖浪渺瀾。匪進匪修超十
地。無聞無得越三祇。中秋玉兔團圓盛。半夜圭桐旋
旋。漸入海波斯食不已。擬將瓷器換摩尼。
華嚴真境絕枯榮。觸處堂堂耀眼睛。紅燄欄中秋藕

折碧波潭底夜燈明。照飛寥廓。雙排直。雪布長空。一樣平。可笑世間迷路者。墮坑落壑。祇橫行。

華嚴真境。海雲開。船子何因戀釣臺。上接下流。偏屈曲。東遊西岸。轉迂迴。漸離有相。雖憑教。頓悟無生。豈用媒。不得毗盧真旨。趣枉參知識。去空來。

華嚴真境。普形彰。識得西來路。不長合進趣。時宜進。趣非思量處。勿思量。默然未必降金粟。微笑何須讚。飲光爲報。下湖諸上德。休馳言句。錯傳揚。

華嚴真境。祇雷同。擬道無功。却有功。入聖道。支難易。顯萬波羅蜜。卽難窮。危簷冷拂微。微雨幽室涼。生凜凜。風深欲善財投猛。猷妙哉。猶且樂其中。

華嚴真境。四時周。殘臘水河凍。不流石虎有牙。非可懼。鐵牛無鼻。豈能收金園。柳暗春將暮。玉井桐疎景乍秋。遶座奇峰觀不足。徘徊猶止水邊樓。

潤州金山曇顯達觀禪師四首

佛教

始從鹿苑亦拘尸。四十九年垂軌儀。迦葉撞鐘招結集。阿難陞座示傳持。金言已是煎殘藥。藏教空排著。

了。若若論諦當。一句子。三更打鼓弄波斯。

經

西天貝葉。貫華編。梵語傳來。此土翻十二部。中非易演。五千卷裏。固難言。說三未免行斜道。第一何曾契上根。信受奉行。如了得。生生不墮葛藤村。

律

世尊律藏。付波羅。滅向尸羅。慎所護。身口意根。須善護。貪瞋痴。亦在防。微祇容朝夕。唯持鉢。不許經遊。暫失衣。未達導師方便旨。猶如鳥欲避空飛。

論

迦旃延以論。標空經。意論量盡得通。翼引千龍。歸大海。不留百鳥。滯虛空。依佗作解。非爲上本。自圓成未得。中起信。瑜伽唯識。外曹溪。誰有馬鳴功。

黃龍山祖心寶覺禪師三首

大藏經

傳燈錄

一毫穿衆穴。衆穴一毫收。雲自帝鄉去。水歸江漢流。九十芳春日。遊蜂競採華。香歸蜜房盡。殘葉落誰家。

信心銘

縱饒窮到底還是涉風波自古貧堪笑一身猶恨多

廬州四祖山演禪師四首

四時般若

三月花開笑暖天浮雲飄颺自牽連無端下取經句
雨引得青苔到座前

夏日輝輝燦太虛當斯誰敢上擡眸涼風偏善時人
意襲襲輕飄出玉壺

秋來何事得人憐海月騰騰上碧天無限清光耀心
目與誰相共話團圓

朔風和雪振溪林萬物潛藏恨不深唯有嶺梅多意
氣臘前吐出歲寒心

蘇州崑山元禪師四首

般若四題

般若劍不露鋒鉞何所驗太平天子坐寰中邊方永
息狼烟燄

般若山遊人終日競躋攀須超絕頂通玄處切莫栖
蹤半壑間

般若體恢廓十方須見底却於觸處現全身免使伊
人遙頂禮

般若用閑把勿絃琴品弄擬操一曲達知音清淨自
有松風送

東京智海清佛印禪師五首

華嚴合論

金色分明世界寬箇中誰謂始心安園林秋晚葉爭
墜雨雪夜深天帶寒佛刹不須論遠近行花何處有
彫殘欲知無限重重境但向毛頭國土看

覺城東際起初因南去詢求五十人行海幽深雖徧
涉義天空闊不容塵寒松帶雪影長在脩竹含風韻
轉新若向此中能擺脫也應閑却主城神

華嚴真境本來周譬比滄溟納衆流六道四生纖芥
攝十方三世利塵收頭頭盡是妙峯頂步步無非慈
氏樓堪笑善財多費力區區南去更何求
利海滔滔莫問津十方何處有纖塵曾經塞北三冬
雪却憶江南二月春河洛到來成底事刀山投去謾
勞神如今老向千峯下誰是當年主隊神

華嚴眞境絕纖埃。老去那能學善財。鳥外烟霞長自在。海邊樓閣爲誰開。等閑坐石看流水。無事携筇遶綠苔。寄與寒岩舊知己。相逢休作象王迴。

益州甘露舒禪師八首

覺樹

雲根不植凡間玉。秀實全資眞界風。秋雨秋露零萬物。森森獨茂法王宮。

覺花

惠澤眞覺習習回。春生覺樹覺花開。芬芳性地誰能識。郁郁香飄徧九垓。

法鼓

一擊隆隆徧九垓。雲奔雨驟盡趨來。須知不是尋常韻。惺得人天醉眼開。

法幢

眞界巍然匠莫窮。指佗迷者出樊籠。幾多邪黨思殘毀。爭那金人不朽功。

忍草

眞覺惠澤沃情田。和氣融融忍草鮮。雪壓霜凌終不

變。青青莫問植何年。

心珠

無象無思無物同。圓明廓照不空空。離婁喫語無因得。如信徒云耳目聰。

定沼

無象非因疏鑿成。境風不起自澄清。虛涵皎皎覺天月。照破群迷大夜明。

慈航

愛水堤邊盡日橫。帆開忽喜惠風生。滔滔無限迷津者。渡去寧辭浩渺程。

雲居山了元佛印禪師四首

牧牛

初學看牛日。人牛盡力爭。愛從荒草去。不向坦途行。轉鼻繩難拽。加鞭眼轉生。勿教犯苗稼。猶貴及時耕。驚地轉頭來。冒腰黑漸開。出欄羌笛引。歸晚野歌催。見翻情猶憤。逢羣目尚擡。良由鞭索在。心地漸成灰。且喜全軀白。安眠露地中。身心如土木。閒見似盲聾。一朶雲生谷。成團雪墮空。皎然無異色。翻與衆牛同。

已白仍迴黑。還君自在牛。亂山閑放去。千古更無憂。
赫赫當中日。騰騰不繫舟。超然凡聖外。誰敢向前收。

安州圓明寺著禪師四首

廣照空有

廣照雙非妙。體融百千沙。界一心中有情。有取真還。
滯無念無求。事未通。遠嶠青松音歷歷。長天白日印。
空空分明獨露如何說。春至桃花依舊紅。

離微體淨

離微體淨妙。心宗此體凝然。窅莫窮絕。相絕名三界。
外同塵同境。四生中。堂堂真有元。非有蕩蕩玄。空本。
不空一點靈源何所。示夜來夜檜起清風。

本際虛玄

本際虛玄妙。絕倫無方應用。體全真。圓明似日。周沙。
界清淨如空。偏色塵。鶴唳岩松迎暖日。鶯鳴谷口送。
殘春。遊人到此堪回首。休更尋源去問津。

宗本義旨

宗本兼條玄義。除朔風吹斷暮烟霞。祇因五性窮無。
異。致使三乘見有差。迷去盡同雲裡月。悟來方信眼。

中花雖然語路分迷悟。法界明明共一家。

潤州金山瑞新禪師四首

從真起妄

法身三際不留蹤。三際還將實相同。一念忽生真性。
內片雲來點太虛中。

滅妄歸真

從真起妄有三緣。緣境門門本寂然。雲滅推尋無內。
外。豈言風雨暗山川。

真妄不二

大千國土一漚中。漚體觀來與水同。水若真空無真。
法。須知萬法是真空。

真妄不存

病在咸希藥有靈。病消休詫藥如神。德天黑暗同魔。
佛。真妄寧存有智人。

劍門關慈雲重證禪師一首

衣中寶

衣中寶衣中寶。歷劫隨我是處到。今日輝光出衣中。
烱烱分明當古道。真空藏光杲杲。此寶居中絕世好。

三賢十聖盡同途。拊掌齊聲相告報。窮子曉珠在醉。
衣龍女成佛年不老。應受用得自在。大千沙界常不。
昧十字街頭婆子家。光明迸出破布袋。

福州法海明慧禪師十首

迷

底事朝朝宛似癡。鏡中眉面却生疑。長衢走偏狂初。
歇門掩春風不語時。

妄

勞生擾擾汨天真。終日忙忙趣妄因。流浪此時遮海。
水更疑東海起紅塵。

意

意存諸見理還迷。滿眼空花不露枝。空果未成心未。
息一狐疑了一狐疑。

識

根根分別衆塵蒙。暗逐光陰去莫同。好箇頂門無入。
處。青山流水謾相通。

情

去去來來渾未知。幾番迴首忍分離。長橋野店殘啼。

後一過秋風一雨時

想

日夜猜疑暗動時。百年行處爾曾知。春花未折香猶。
在。蝴蝶雙雙遶舊枝。

智

智明千古號靈通。日日都忘決斷功。天壤水雲俱是。
眼。四圍松竹起清風。

慧

慧光臨照勿高低。向此都無一法迷。多謝東君瀟灑。
息。滿園春色鷓鴣啼。

覺

根境識三都了了。了空空外亦無非。滄江萬里山重。
疊。一片孤雲自在飛。

悟

悟盡凡心截衆疑。此心能有幾人知。當時祇道花拈。
去。今日依前紅滿枝。

隨州大洪山恩禪師四首

聲

枯木龍吟大地秋。最初一句謾輕調。少林山叟笑無語。靜聽松風暗點頭。

色

極目寥寥絕謂情。十方塵刹共澄明。石城山下無根草。一度春來一度青。

無價香歌

我祖無價香調和。匪今日萬種同收。蘄蔔林九煉須是波羅蜜。名兮實兮絕真妄。知兮見兮何得失。說牛頭言象藏。優曇末利多般狀。天人善應獲圓通。鬼神正受成無上。奇哉戒定燒塗丸。利樂群生法界寬。爲雲爲臺相可擬。應根應器誰能觀。此歌妙通香積國。端的開重須斷惑。德藏門開慧炬然。清風散去有何極。

還鄉謠

任落魄任落魄。生老病死已是錯。五常三寶使精魄。一性六根弄輕薄。遇緣生欲若縛盡。是無名不著度。祇知烟帶繫虚空。不覺光明出樓閣。休已休作無作。祇麼隨緣心已樂。還鄉一路報人知。獨駕白牛離繩。

索廓然無限清風生。不勞天地爲棺槨。

建中靖國續燈錄卷第三十終

上書劄子付受節次附于卷後

參學賜紫僧

希式 錄

上

皇帝書

七月十五日法雲寺住持傳法佛國禪師臣惟白謹昧死上書。皇帝陛下臣聞天地崇高博厚所以覆載萬物也。日月麗明而騰照所以輝華萬方也。孔孟本仁而祖義所以教養萬俗也。佛祖運智而含悲所以開覺萬有也。若此四者古今罕有齊其功者也。恭惟皇帝陛下德普天地。明逾日月。道超孔孟。性侔佛祖。自丕承大業一日而天下歸仁。儒釋道俗草木禽魚濡然霑其大恩大澤。古古抵今未有如陛下能齊其功也。臣繙林一草芥耳。兩歲中三遇

陛下詔闡宗風實千載一時之幸會臣所以捫膺付
心將何以報臣定外竊觀眞宗皇帝踐祚改元景
德吳中僧道原集禪門宗師心要語句三十卷進上
蒙詔翰林學士楊億爲序是曰景德傳燈錄仁
宗皇帝踐祚改元天聖詔馬都尉李遵勗不棄禪門
宗師心要語句三十卷進上蒙

御製序文是曰天聖廣燈錄皆勅隨大藏傳布天
下開悟機器者數如河沙然妙道雖不以言須假言
而顯於妙道也自天聖至今將八十年未有集錄者
臣今遇

陛下踐祚改元謹集禪門宗師心要語句三十卷目
爲建中靖國續燈錄昧死上

進伏望陛下特降朝廷依傳燈廣燈錄例賜
序文下印經院編入大藏目錄隨藏流行使佛燄祖
燄光明而無盡則陛下聖祚國祚綿遠而何窮也
臣管忠元豐五年歲在壬戌朝廷無事瑞應有感
海宇肅清邊陲靜息是時神宗皇帝宴然無爲
留神禪悅建法雲禪宇詔圓通禪師法秀開闡宗

風招延禪衆實陛下誕聖之年若此興崇良有
以也臣今所以區區集斯語要少贊陛下金輪垂
裳徧行仁慈之化而報神宗皇帝創禪林莫大之
恩也臣竊原國朝祖宗已來以聖繼聖未
嘗不以佛祖妙道實以周孔仁義而化成天下也所
以聖人之事必待聖人而後可行無上法印今日
正賴陛下不忘佛囑以永傳布則臣死生之大幸
天下禪門之大幸所有建中靖國續燈錄三十卷目
錄三卷隨書昧死上進千竊冕旒臣無任瞻天
望聖激切屏營之至臣淮白誠惶誠恐昧死謹言

上

皇帝劄子

臣今有法雲寺住持傳法佛國禪師惟白投書於臣
乞臣繳進所集建中靖國續燈錄三十卷并上
皇帝書一封臣竊考惟白所集其例甚著其名甚美
其利甚博其說尤深例之著引眞宗踐祚改元而有
景德傳燈錄仁宗踐祚改元而有天聖廣燈錄皆熙

朝盛典例之著也。名之美者。夫燈續則傳。燈續則廣。傳之與廣。具在續燈相續。無盡名之美也。利之博者。凡四十八世千七百餘人。使悟機器者。當數如河沙。天下受其賜利之博也。報之深者。其大意。舉以密嚴。睿筭幽贊。皇圖追報。先帝爲本。潛心爲國。報之深也。臣亦自念。元豐初年。寢被先帝道德之澤。所創禪林于輦下。時歲在壬戌。適丁上聖挺生之期。先帝留神曲成。賜法雲之名。有請皆從。至於詔選傳法名僧。來學者。常逾數百。上資寶祚。代不乏人。今惟白之住持。次當第三。而際會風雲。翱翔宮禁。獨陞猊座。三對龍顏。海潮之音。師子之吼。人天響震。佛祖光生。且謂知恩報恩。莫如佛法。佛法之要。其在祖燈。佛燄祖燈。既光明而無盡。則帝齡國祚。將綿遠而何窮。欲報之心。大率類此。臣又恭觀仁宗皇帝御製廣燈錄序。有云。法雲滋蔭。又云。續千燈而罔窮。豈非先有所開。矚有所在。乃至以神功而暢真諦。眞宗皇帝以稽古而繹宗風。神宗皇帝閱意最深。儲精益專。以大明而研性。

理此蓋國家以聖繼聖。兼資妙道。化成天下之遺則也。恭惟

陛下道自生知。性由天縱。聰文日益。聖學淵深。孝述祖宗。必留宸念。臣儒術之暇。粗探禪詮。惟最上乘。乃第一義。不立文字。豈踐階梯。直拄箭鋒。旁加鞭影。投針非妙。掣電猶遲。道固無言。因言顯道。道既顯矣。悟之者多。今惟白所集之文。蓋教外別傳之旨。近標契理之句。廣引發光之機。詳其筆削之公。審其論議之密。包舉八十年之知識。緝熙千萬偈之因緣。苟非其人。孰能與此。何但有大功。闕典誠爲豈小補於明時。其所集錄并所上書。臣今未敢便行繳進。欲望聖慈特賜宣取。恭願陛下時忘萬機。游意法樂。暫垂聖覽。如有可采。乞降朝廷。依傳燈錄等例。賜序入藏。流布天下。取進止。七月十五日。集慶軍節度觀察留後。駙馬都尉臣張敦禮。劄子。

付受次第

七月十五日通進司投進劄子當日蒙差闍子下楊太保日言傳聖旨就寺宣取建中靖國續燈錄并上皇帝書佛國禪師望闍跪進續蒙差闍子下黃太保勉傳聖旨承入內上進御前至八月二十六日蒙聖恩差降中使闍子下李太保敏奉聖旨就張敦禮宅詔法雲寺住持佛國禪師惟白賜建中靖國續燈錄三十卷目錄三卷仍賜御製御書序一軸銷金複帕等公主望闍受賜仍與闍寺大眾等迎引入寺就法堂供養奉安訖即時陞座舉揚般若稱謝聖恩祀嚴聖壽尋具語續并謝恩表附中使李太保賁入內進呈是日佛國禪師陞堂語錄師登座拈香云佛祖相傳經無量劫龍天護祐遂有今時若也聖賢嗅著品類聞知三十四心斷結五分法身頓圓如今拈出焚向鑪中伏願

皇帝陛下道高堯舜德邁羲軒七十二峯爲壽獄百千巨海流貫福河次拈香云伏願中宮皇后

今作上應有師云二字

皇太妃兩宮皇后皇太子諸王天眷懋肅宮闈聲高啓頌崇顯三寶永贊萬機便敷坐問帝澤霧流御製文顯揚祖道賜禪門續燈從此傳千古師將何法報皇恩師云高提法印歸皇化大續真燈助帝明僧曰若然者今佛一言光古佛開發九州禪悅心也師云祇將一滴曹溪水四海爲霖報我皇僧曰可謂是字字燕金滿目言言趙璧盈山師云祇道得一半僧曰遮一半請禪師道師云龍章并鳳藻玉畫與金鈎僧曰箭鋒拄禪家用鞭影齊施又若何師云皇帝道了僧曰恁麼則少室因茲增道價法雲堂上轉光輝師云知恩報恩問承師有言唯憑一滴曹溪水四海爲霖報我皇祇如帝恩已降祖道重彰如何即是師云三十年來罕逢此問僧曰過去燈明佛本光瑞如此師云龍出洞時雲片片鳳栖梧處葉青青問承皇帝序云直指性宗單傳心印可得於眉睫可薦於言前如何是直指性宗底句作家君王方恁麼道僧曰廓然全露真消息恭覽今朝御製文師云一言妙契寰中旨千古

淳風特地清。問四海禪宗。今朝光顯。學人上來請師。舉唱師云。靜爲天地本。動合聖賢心。僧曰。雷音一剖。乾坤肅。御筆纔揮萬象明。師云。五雲生巖頂。一氣鎮寰中。僧曰。寒松露滴澄潭月。秋菊新開萬葉香。師云。知時別宜。問。御書新降。帝澤初霑。正當此時。請師說法。師云。聖文輕世寶。宸筆帶天香。僧曰。祖燄續時光。燦燦覺花開。處處葉重重。師云。不妨道著。問。清楚一炷玉。鑪烟上祝。吾皇壽萬千。佛燄祖燈從。此盛請師高唱。太平年。師云。禪林生瑞氣。梵刹起祥雲。僧曰。祝聖一句。又作麼。生師云。近聞南岳僧來說。融頂萬年松。倍高。師乃云。佛心量廓明。明洞照於十方。祖意淵冲。杳杳冥通於三際。少室而花開。萬朵驚峰而燄列。千燈芬馥。滿於寰區。光華徹於沙界。或調根而授法。或疏派以鑿源。綽綽垂枝。騰光潛耀。統歸於一致。分立於五宗。所以天台智者。指以一心。通乎三觀。蓮華談於一妙。薰風盡於九旬。文句交雜。法性澄湛。作兩朝之師表。爲千古之規模。賢首國師。趣舉一毫七處九會齊彰。剖折一塵百門。

萬行備足。圓融具德。相包容。啓頓初心。便成正覺。起恩法主寶劍。垂袖悟徹於一心。援筆臨文。疏成於百本。六釋義而廣明。三無性以澄辯。橐籥人天。笙簧宗教。南山律師。具三千威儀。持八萬細行。演十誦妙旨。唱五分律文。洞曉開遮。深明軌範。布三番之羯磨。作四果之初因。王臣瞻依。天人侍衛。達磨祖師。單傳佛印。直指人心。自悟自明。自通自證。潛光資於實行。密旨契於宗風。十聖那知。三賢罔測。若臨機而大用。固不拘於小慈。擡眸則青嶂千重。擬思則白雲萬頃。全體分付。覲面相呈。德山一棒。則血濺星飛。臨濟一喝。則風生霞散。雲門顧鑒分明。函蓋乾坤。雪嶺提撕。便見光輝日月。趙州栢翠。靈雲桃花。拂握龜毛。頭頭指示。杖橫兎角。物物全提。輪動般若。神鋒八萬。寧靜磨礱。智慧寶劍。四海宴清。迴超心識之端。透出語言之表。由斯性海明珠。流光而滿目。形山大寶。涌涌而現前。放去全機。拈來受用。然雖如是。正當今日。如是話會。竊思佛法付授。國王囑以威惠。護持使之流布。沙界恭惟。皇帝陛下。聰明文思。爲三千大千之

尊。睿哲英謀。作百億四洲之主。是真菩薩。現爲明君。故能頓悟佛心。頓明祖意。頓圓知見。頓徹性源。運大等慈。不忘授記。降聖文於覺苑。灑宸翰於禪河。詔行續燈。助明國祚。非謂釋門一時之幸。實爲禪宗萬古之光。瞻望天庭。不勝感荷。以此舉揚上延。睿筭伏願。皇帝陛下。智若日月。燈佛洞照。大千壽如山海。慧王永延長劫。師復云。恭承聖序。云箭鋒相拄。鞭影齊施。直指性宗。單傳心印。可得於眉睫。可薦於言前。諸禪德若此消息。出在威音王佛已前。超過釋迦老子一著。明眼高人。同爲證明。伏惟珍重。

恭發願文

越國大長公主。妾集慶軍節度觀察留後上柱國駙馬都尉臣張敦禮。偕發虔誠。嚴備已俸。謹就杭州選工。鏤板摹印。建中靖國續燈錄三十卷。目錄三卷。以御製序冠其首。以臣惟白上皇帝書。臣敦禮上皇帝劄子并蒙

恩付受節次錄附于後。流布天下。所集勝利。並爲上贊。皇圖祝嚴。聖壽永永萬年。無窮無盡。法界有情。同霑般若。若正因共。獲金剛種智。

建中靖國元年十月。天寧節日。臣張敦禮恭題。

都勾當藏主沙門靈鑒

同勾當住聖泉寺傳法沙門紹登

都勸首住持傳法沙門普明

前都勸首住持傳法惠空大師冲真

勸首應賢食方正能直言極諫科陳闕

朝請大夫知福州軍州兼管內勸農事

充福建路兵馬鈴轄柱國偕紫

請主參知政事元綽

證會靈應侯王

禪林僧寶傳

宋・釋惠洪

撰

重刊禪林僧寶傳序

禪林僧寶傳者宋宣和初新昌覺範禪師之所譏次也覺範嘗讀唐宋高僧傳以道宣精於律而文非所長贊寧博於學而識幾于暗其於爲書往往如戶昏按檢不可以屬讀乃慨然有志於論述凡經行諸方見夫博大秀傑之禪能袒肩以荷大法者必手錄而藏之後居湘西之谷山遂盡發所藏依倣司馬遷史傳各爲贊辭合八十有一人分爲三十卷而題以今名亦既鐫梓以傳積有歲月二十年來南北兵興在在焚燬是書之存十不一二南宗禪師定公時住大慈名利慨念末學晚輩不見至道之大全古人之大體因取其書重刊而廣布之且以序文屬予俾書始末傳之永久古者左史記言右史記事而言爲尚書事爲春秋遷蓋因之以作史記而言與事具焉覺範是書既編五宗之訓言復著諸老之行事而於世系入道之由臨終明驗之際無不謹書而備錄蓋聽言以事觀既書其所言固當兼錄其行事覺範可謂得遷之矩度矣而或者則曰遷蓋世間之言而覺範則

出世間者也出世間之道以心而傳心彼言語文字非道之至也於此而不能以無滯則自心光明且因之而壅蔽其於道乎何有是大不然爲佛氏之學者固非卽言語文字以爲道而亦非離言語文字以入道觀夫從上西竺東震諸師固有兼通三藏力弘心宗者矣若馬鳴龍樹永嘉圭峯是也學者苟不致力於斯而徒以撥去言語文字爲禪冥心默照爲妙則先佛之微言宗師之規範或幾乎熄矣覺範爲是懼而譏此書南宗亦爲是懼而刊布之欲使天下禪林咸法前輩之宗綱而所言所履與傳八十一人者同歸於一道則是書之流傳豈曰小補之哉傳曰雖無老成人尙有典刑又曰君子多識前言往行以蓄其德後之覽者勉之哉洪武六年臘月八日九靈山人戴良序

重刻禪林僧寶傳序

摩竭掩室毗耶杜口以真寔際離文字故自曹溪滴水派別五家建立綱宗開示方便法源一濬波流益

之一作出

洪同歸薩婆若海然欲識佛性義當觀時節因緣從古明大法人莫非瑰璋傑特之材不受世間繩束是以披緇祝髮周游參請必至於發明已事而後已蓋有或因言而悟入或目擊而道存一刹那間轉凡成聖時節因緣各自不同苟非具載本末則後學無所考證此僧寶傳之所由作也是書之傳有年矣白璧纈藉見之愛慕舊藏在廬阜後失於回祿錢塘風篁山之僧廣遇慮其湮沒即舊本校讎鏤梓以與諸方共之十餘年而書始成其用心亦勤矣魏亭趙元藻一見遇於湖山之上慧炬相燭袖其書以歸歸予爲一轉語予與遇未覲面今披是書知其志趣千里同風且見遇與覺範與八十一人者把臂並行若有因書省發得意忘言即同入此道場則靈山一會儼然未散不爲分外寶慶丁亥中春上澣臨川張宏敬書

禪林僧寶傳引

覺範謂余曰自達磨之來六傳至大鑒鑒之後析爲

二宗其一爲石頭雲門曹洞法眼宗之其一爲馬祖臨濟爲仰宗之是爲五家宗派嘉祐中達觀曇穎禪師嘗爲之傳載其機緣語句而略其始終行事之迹德洪以謂影由形生響逐聲起既載其言則入道之緣臨終之効有不可唐捐者遂盡擷遺編別記直以諸方宿衲之傳又自嘉祐至政和取雲門臨濟兩家之裔嶄然絕出者合八十有一人各爲傳而繫之以贊分爲三十卷書成於湘西之南臺目之曰禪林僧寶傳幸爲我作文以弁其首余索其書而觀之其識達其學詣其言恢而正其事簡而完其辭精微而華暢其旨廣大空寂窅然而深矣其才則宗門之遷固也使八十一人者布在方冊芒寒色正燁如五緯之麗天人皆仰之或由此書也夫覺範初閱汾陽昭語脫然有省而印可於雲庵眞淨嘗涉患難瀕九死口絕怨言面無不足之色其發爲文章者蓋其緒餘土苴云宣和六年三月甲子長沙侯延慶引

禪林僧寶傳目錄

卷一

撫州曹山本寂禪師

卷二

韶州雲門匡真大師

卷三

汝州風穴昭禪師

或作昭

首山念禪師

汾州太子昭禪師

卷四

福州玄沙備禪師

漳州羅漢琛禪師

地藏

金陵清涼益禪師

法眼

卷五

潭州石霜諸禪師

邵武龍湖閑禪師

筠州九峯虔禪師

吉州禾山殷禪師

卷六

雲居宏覺禪師

洛浦安禪師

卷七

天台韶國師

九峯玄禪師

雲居齊禪師

瑞鹿先禪師

卷八

圓通道濟德禪師

南塔光湧禪師

洞山守初禪師

南安嚴殿禪師

卷九

龍牙居遜禪師

永明智覺禪師

雲居簡禪師

卷十

重雲暉禪師

瑞龍志德璋禪師

林陽端禪師

雙峯欽禪師

九峯詮禪師

龜洋忠禪師

卷十一

洞山聰禪師

雪竇顯禪師

天衣懷禪師

卷十二

薦福古禪師

卷十三

福唱善禪師

大陽延禪師

卷十四

神鼎謬禪師

谷山崇禪師

圓照本禪師

卷二十三

黃龍南禪師

雲峯悅禪師

卷十五

衡嶽泉禪師

法華舉禪師

卷二十四

黃龍實覺心禪師

泐潭眞淨文禪師

卷十六

廣慧璉禪師

翠岩芝禪師

卷二十五

仰山偉禪師

東林照覺總禪師

卷十七

浮山遠禪師

投子青禪師

大瀉眞如詰禪師

雲居祐禪師

天甯楷禪師

卷二十六

隆慶閑禪師

雲蓋智禪師

卷十八

大覺璉禪師

興化銑禪師

圓通訥禪師

淨因臻禪師

卷十九

餘杭政禪師

西余端禪師

卷二十七

法雲圓通秀禪師

延恩安禪師

卷二十

言法華

華嚴隆禪師

金山達觀禪師

蔣山元禪師

卷二十一

法昌遇禪師

楊岐會禪師

白雲端禪師

卷二十九

大通本禪師

禾山普禪師

卷三十

寶峯英禪師

黃龍佛壽清禪師

續補

五祖演禪師

南嶽石頭志庵主

報本元禪師

雲居佛印元禪師

保甯瑗禪師

雲岩新禪師

禪林僧寶傳卷第一

宋明白庵居沙門 惠洪 撰

撫州曹山本寂禪師青原六世

禪師諱就章泉州莆田黃氏子幼而奇逸爲書生不甘處俗年十九棄家入福州靈石山六年乃剃髮受具咸通初至高安謁悟本禪師份公依止十餘年份以爲類已堪任大法於是名冠叢林將辭去份曰三更當來授汝曲折時矮師叔者知之蒲伏繩床下份不知也中夜授章先雲巖所付寶鏡三昧五位顯訣三種滲漏畢再拜趨出矮師叔引頸呼曰洞山禪入我手矣份大驚曰盜法倒屣無及矣後皆如所言寶鏡三昧其詞曰如是之法佛祖密付汝今得之其善保護銀盃盛雪明月藏鷺類之弗齊混則知處意不在言來機亦赴動成窠臼差落顧佇背觸俱非如大火聚但形文彩卽屬染汙夜半正明天曉不露爲物作則用拔諸苦雖非有爲不是無語如臨寶鏡形影相覩汝不是渠渠正是汝如世嬰兒五相完具不去不來不起不住婆婆和和有句無句終必得物語未

其一作宜

必一作不

正故重離六爻偏正回互疊而爲三變盡成五如莖草味如金剛杵正中妙夾敲唱雙舉通宗通塗挾帶挾路錯然則吉不可犯忤天真而妙不屬迷悟因緣時節寂然昭著細入無間大絕万所毫忽之差不應律呂今有頓漸緣立宗趣宗趣分矣卽是規矩宗通趣極眞常流注外寂中搖係駒伏鼠先聖悲之爲法檀度隨其顛倒以縑爲素顛倒想滅肯心自許要合古轍請觀前古佛道垂成十劫觀樹如虎之缺如馬之鼻以有下劣寶几珍御以有驚異驚奴白牯梨以巧力射中百步箭鋒相直巧力何預木人方歌石兒起舞非情識到窠容思慮臣奉於君子順於父不順非孝不奉非輔潛行密用如愚若魯但能相續名主中主五位君臣偈其詞曰正中偏三更初夜月明前莫恠相逢不相識隱隱猶懷昔日嫌偏中正失曉老婆逢古鏡分明觀面更無眞休更迷頭猶認影正中來無中有路出塵埃但能不觸當今諱也勝前朝斷舌才偏中至兩刃交鋒要回避好手還同火裏蓮宛然自有冲天氣象中到不落有無誰敢和人人盡欲

一作他

一作女

出常流折合終歸炭裏坐三種滲漏其詞曰一見滲漏謂機不隨位墮在毒海二情滲漏謂智常向背見處偏枯三語滲漏謂體妙失宗機昧終始學者濁智流轉不出此三種綱要偈三首其一各敲倡俱行偈曰金銀雙鑲備挾路隱全該寶印當空妙重重錦縫開其二各金鎖玄路偈曰交互明中暗功齊轉覺難力窮尋進退金鑲網觀觀其三名理事不涉偈曰理事俱不涉回照絕幽微背風無巧拙電火爍難追黎明章出山造曹溪禮祖塔自螺川還止臨川有佳山水因定居焉以志慕六祖乃名山爲曹示衆曰僧家在此等衣線下理須會通向上事莫作等閑若也承當處分明卽轉他諸聖向自己背後方得自由若也轉不得直饒學得十成却須向他背後又手說什麼大話若轉得自己則一切粗重境來皆作得主宰假如泥裏倒地亦作得主宰如有僧問藥山曰三乘教中還有祖意也無答曰有曰既有達磨又來作麼答曰只爲有所以來豈非作得主宰轉得歸自己乎如經曰大通智勝佛十劫坐道場佛法不現前不得成

佛道言劫者滯也謂之十成亦曰斷滲漏也只是十道頭絕矣不忘大果故云守住就著名爲取次承當不分貴賤我常見叢林好論一般兩般還能成立得事麼此等但是說向去事路布汝不見南泉曰饒汝十成猶較王老師一線道也大難事到此直須子細始得明白自在不論天堂地獄餓鬼畜生但是一切處不移易元是舊時人只是不行舊時路若有忻心還成滯著若脫得揀什麼古德云只恐不得輪迴汝道作麼生只如今人說箇淨潔處愛說向去事此病最難治若是世間粗重事却是輕淨潔病爲重只知佛味祖味盡爲滯著先師曰擬心是犯戒若也得味是破齋且喚什麼作味只是佛味祖味纔有忻心便是犯戒若也如今說破齋破戒卽今三羯磨時早破了也若是粗重貪瞋癡難斷却是輕若也無爲無事淨潔此乃重無以加也祖師出世亦只爲這箇亦不獨爲汝今時莫作等閑齧奴白牯修行却快不是有禪有道如汝種種馳求覓佛覓祖乃至菩提涅槃幾時休歇成辦乎皆是生滅心所以不如齧奴白牯

心慢二作慢

兀兀無知不知佛不知祖乃至菩提涅槃及以善惡因果但饑來喫草渴來飲水若能恁麼不愁不成辦不見道計較不成是以知有乃能披毛戴角牽犁拽耒得此便宜始較些子不見彌勒阿闍及諸妙喜等世界被他向上人喚作無慚愧懈怠菩薩亦曰變易生死尙恐是小懈怠在本分事合作麼生大須子細始得人人有一坐具地佛出世慢他不得恁麼體會修行莫趕快利欲知此事饒今成佛成祖去也只這是便墮三塗地獄六道去也只這是雖然沒用處要且離他不得須與他作主宰始得若作得主宰卽是不變易若作主宰不得便是變易也不見永嘉云莽莽蕩蕩招殃禍問如何是莽莽蕩蕩招殃禍曰只這個總是問曰如何免得曰知有卽得用免得麼但是菩提涅槃煩惱無明等總是不免乃至世間粗重之事但知有便得不要免卽同變易去也乃至成佛成祖菩提涅槃此等殃禍爲不小因什麼如此只爲變易若不變易直須觸處自由始得香嚴閑禪師會中有僧問如何是道閑曰枯木裏龍吟又問如何

是道中人。閑曰：「髑髏裏眼睛，其僧不領辭。」至石霜，問諸禪師曰：「如何是枯木裏龍吟？」諸曰：「猶帶喜。」在又問：「如何是髑髏裏眼睛？」諸曰：「猶帶識。」在又不領。乃問章曰：「如何是枯木裏龍吟？」章曰：「血脉不斷。」又問：「如何是髑髏裏眼睛？」章曰：「乾不盡。」又問：「有得聞者否？」章曰：「盡大地未有一人不聞。」又問：「未審是何章句？」章曰：「不知。」是何章句？聞者皆喪。乃作偈曰：「枯木龍吟，真見道。髑髏無識，眼初明。喜識盡時，消息盡。當人那辨濁中清？」有僧以紙爲衣號爲「紙衣道者」。自洞山來，章問：「如何是紙衣下事？」僧曰：「一裘才掛，體萬事悉皆如。」又問：「如何是紙衣下用？」其僧前而拱立曰：「諾。」卽脫去，章笑曰：「汝但解怎麼去，不解怎麼來。」僧忽開眼曰：「一靈真性，不假胞胎。」時如何章曰：「未是妙。」僧曰：「如何是妙？」章曰：「不借借其僧。」退坐於堂中，而化。章作偈曰：「覺性圓明，無相身莫將。知見妄疎，親念異便於玄。體昧心差不與道爲鄰。情分萬法沉前境，識鑒多端喪本真。若向句中全曉會，了然無事昔時人。」僧問五位君臣旨，訣章曰：「正位卽空界，本來無物偏位卽色界。有萬形像，

偏中至者捨事入理，正中來者背理就事。兼帶者冥應衆緣，不隨諸有，非染非淨，非正非偏。故曰：「虛玄大道無著真宗。」從上先德推此一位，最妙最玄。要當審詳，辨明君爲正位，臣是偏位。臣向君是偏中正，君視臣是正中。偏君臣道合是兼帶語。問：「如何是君曰妙德尊寰宇，高明朗太虛？」問：「如何是臣曰靈機宏聖道？」眞智利群生。問：「如何是臣向君曰不墮諸異趣，凝情望聖容？」問：「如何是君視臣曰妙容雖不動，光燭不無偏？」問：「如何是君臣道合曰混然無內外，和融上下平？」又曰：「以君臣偏正言者，不欲犯中。故臣稱君不敢斥言是也。此吾法之宗要。」作偈曰：「學者先須識自宗，莫將眞際雜頑空。妙明體盡知傷觸，力在逢緣不借中。」出語直教燒不著，潛行須與古人同。無身有事超岐路，無事無身落始終。又曰：「凡情聖見是金鎖，玄路直須回互。」夫取正命食者，須具三種墮：一者披毛戴角，二者不斷聲色，三者不受食。有稠布衲者，問曰：「披毛戴角是什麼墮？」章曰：「是類墮。」問：「不斷聲色是什麼墮？」章曰：「是墮墮。」問：「不受食是什麼墮？」章曰：「是尊貴墮。」夫冥合

初心而知有是類墮知有而不礙六塵是隨墮維摩
曰外道六師是汝之師彼師所墮汝亦隨墮乃可取
食食者正命食也食者亦是就六根門頭見覺聞知
只不被他染汙將爲墮且不是同也章讀杜順傳大
士所作法身偈曰我意不欲與麼道門弟子請別作
之既作偈又注釋之其詞曰渠本不是我非我不
是渠非渠無我即死即汝取活我無渠即余不別渠如我
是佛要且不我如渠即驢二俱不食空王俸若遇御
吐何假鴈傳書不通我說橫身唱爲信君看背上毛
不與你乍如謠白雪將謂是猶恐是巴歌南州帥南
平鍾王雅聞章有道盡禮致之不赴但書偈付使者
曰摧殘枯木倚寒林幾度逢春不變心樵客見之猶
不採郢人何事苦搜尋天復辛酉夏夜問知事今日
是幾何日月對曰六月十五章曰曹山平生行脚到
處只管九十日爲一夏明日辰時吾行脚去及時焚
香宴坐而化閱世六十有二坐三十有七夏門弟子
葬全身於山之西阿塔曰福圓
贊曰寶鏡三昧其詞要妙雲巖以受洞山疑藥山所

作也先德懼屬流布多珍秘之但五位偈三種滲漏
之語見於禪書大觀二年冬顯謨閣待制朱彥世英
赴官錢塘過信州白華巖得於老僧明年持其先公
服子往慰之出以授予曰子當爲發揚之因疏其溝
封以付同學使法中龍象神而明之盡微細法執興
洞上之宗亦世英護法之志也

禪林僧寶傳卷第一

禪林僧寶傳卷第二

宋明白庵居沙門 惠洪 撰

韶州雲門大慈雲弘明禪師

禪師名文偃姑蘇嘉興人也少依兜率院得度性豪
爽骨面豐頰精銳絕倫目纖長瞳子如點漆眉秀近
睫視物凝遠博通大小乘乘之游方初至睦州聞有
老宿飽參古寺掩門織蒲屨養母往謁之方扣門老
宿堪之曰道道偃驚不暇答乃推出曰秦時轆轤鑽
隨掩其扉損偃右足老宿名道蹤嗣黃蘗斷際禪師

住高安米山寺以母老東歸叢林號陳尊宿偃得旨辭去謁雪峯存存方堆枕坐爲衆說法偃犯衆出熟視曰頂上三百斤鐵枷何不脫却存曰因甚到與麼偃以手自拭其目趨去存心異之明日陞座曰南山有鼈鼻蛇諸人出入好看偃以拄杖擲出又自驚慄自是輩流改觀又訪乾峯峯示衆曰法身有三種病二種光須是一一透得更有照用同時向上一竅偃乃出衆曰庵內人爲什麼不見庵外事於是乾峯大笑曰猶是學人疑處在乾峯曰子是什麼心行曰也要和尚相委乾峯曰直須恁麼始得穩坐偃應喏喏又訪曹山章公問如何是沙門行章曰喫常住苗稼者曰便與麼去時如何章曰汝還畱得麼曰學人畱得章曰汝作麼語曰著衣喫飯有什麼難章曰何不道披毛戴角偃卽禮謝又訪疎山仁仁問得力處道將一句來曰請高聲問仁卽高聲問偃笑曰今早喫粥麼仁曰喫粥曰亂叫喚作麼仁公駭之又過九江有陳尙書飯偃而問曰儒書卽不問三乘十二分教自有講師如何是衲僧行脚事曰曾問幾人來曰卽

今問上座偃曰卽今且置作麼生是教意曰黃卷赤軸偃曰此是文字語言作麼生是教意曰口欲談而辭喪心欲緣而慮忘偃曰口欲談而辭喪爲對有言心欲緣而慮忘爲對妄想作麼生是教意尙書無以訓之偃曰聞公常看法華經是否曰不敢曰經曰治生產業皆與實相不相違背且道非非想天有幾人退位又無以訓之偃呵譏之而去造曹溪禮塔訪靈樹敏公爲第一座先是敏不請第一座有勸請者敏曰吾首座已出家久之又請敏曰吾首座已行脚悟道久之又請敏曰吾首座已度嶺矣姑待之少日偃至敏迎笑曰奉遲甚久何來暮耶卽命之偃不辭而就職俄廣王劉王將與兵就敏決可否敏前知之手封匱子語侍者曰王來出以似之於是怡然坐而歿王果至問敏已化大驚問何時有疾而遽亡如是耶侍者乃出匱子如敏所誠呈之王發匱得簡曰人天眼目堂中上座劉王命州牧何承範請偃繼其法席又迎至府開法餞遷止雲門光泰寺天下學者望風而至示衆曰江西卽說君臣父子湖南卽說他不與

麼我此間卽不如此良久曰汝還見壁麼又曰後來且是箇什麼事如今抑不得已且向諸人道盡大地有什麼物與汝爲緣爲對若有針鋒許與汝爲隔爲礙與我拈將來喚什麼作佛喚什麼作祖喚什麼作山河大地日月星辰將什麼爲四大五蘊我與麼道喚作三家村裏老婆說話忽然遇著本色行脚漢問與麼道把脚拽向階下有什麼罪過雖然如是據箇什麼道理便與麼莫越口快向這裏亂道須是箇漢始得忽然被老漢腳跟下尋著沒去處打脚折有什麼罪過卽與麼如今還有問宗乘中話者麼待老漢答一轉了東行西行又曰盡乾坤一時將來著汝眼睫上汝諸人問怎麼道不敢望汝出來性燥把老僧打一擱且緩緩子細看是有是無是箇什麼道理直饒汝向這裏明得若遇衲僧門下好腿脚折又曰三乘十二分教橫說豎說天下老和尚縱橫十字說與我拈鍼鋒許說底道理來看與麼道早是作死馬醫雖然如此且有幾箇到此境界不敢望汝言中有響句裏藏鋒瞬目千差風恬浪靜又曰我事不獲已

向汝道直下無事。早是相埋沒也。更欲踏步向前尋言逐句求覓解會。千差萬別。廣設問難。贏得一場口滑。去道轉遠。有什麼歇時。此箇事。若在言語上。三乘十二分教。豈是無言。因什麼道。教外別傳。若從學解機智得。只如十地聖人說法。如雲如雨。猶被佛呵。謂見性如隔羅縠。以此故知。一切有心天地懸殊。雖然如是。若是得底人。道火何曾燒口。終日說事。何曾掛著牙齒。何曾道著一字。終日著衣喫飯。何曾觸一粒米。掛一縷絲。然猶是門庭之說。須是實得與麼。始得若約衲僧門下句裏。呈機。徒勞。好思。直饒一句下承當得。猶是瞌睡漢。偃以足跛。管把拄杖行。見衆方普請。舉拄杖曰。看看北鬱單越人。見汝般柴。不易在中庭裏。相撲供養。汝更爲汝念般若經曰。一切智智清淨無二。無二分。無別無斷。故衆環擁之久不散。乃曰。汝諸人無端走來這裏。覓什麼。老僧只管喫飯。屙屎別解作什麼。汝諸方行脚參禪。問道我且問汝諸方參得底事作麼生。試舉看。於是不得已。自誦三平偈曰。卽此見聞非見聞。回視僧曰。喚什麼作見聞。又曰。

心無成作何

無餘聲色可呈君謂僧曰有什麼口頭聲色又曰箇中若了全無事謂僧曰有什麼事又曰體用無妨分不分乃曰語是體體是語舉拄杖曰拄杖是體燈籠是用是分不分不見道一切智智清淨又至僧堂中僧爭起迎偃立而語曰石頭道回互不回互僧便問作麼生是不回互偃以手指曰這箇是板頭又問作麼生是回互曰汝喚什麼作板頭永嘉云如我身空法亦空千品萬類悉皆同汝立不見立行不見行四大五蘊不可得何處見有山河大地來是汝每日把鉢盂噉飯喚什麼作飯何處更有粒米來僧問生法師曰敲空作響擊木無聲如何偃以拄杖空中敲曰阿耶阿耶又擊板頭曰作聲麼僧曰作聲曰這俗漢又擊板頭曰喚什麼作聲偃以乾祐元年七月十五日赴廣主詔至府留止供養九月甲子乃還山謂衆曰我離山得六十七日且問汝六十七日事作麼生衆莫能對偃曰何不道和尚京中喫麪多聞擊齋鼓曰鼓聲咬破我七條乃指僧曰抱取貓兒來良久曰且道鼓因甚置得衆無對者乃曰因皮置得我尋常

力下二有口字

道一切聲是佛聲一切色是佛色盡大地是箇法身枉作箇佛法知見如今拄杖但喚作拄杖見屋但喚作屋又曰諸法不異者不可續是截鶴夷獄盈壑然後爲無異者哉但長者長法身短者短法身是法住法位世間相常住舉拄杖曰拄杖子不是常住忽起立以拄杖繫繩床曰適來許多葛藤貶向什麼處去也靈利底見不靈利底著我熱謾偃契悟廣大其游戲三昧乃如此而作爲偈句尤不能測如其綱宗偈曰康氏圓形滯不明魔深虛襲擊寒冰鳳羽展時超碧漢晉鋒八博擬何憑又曰是機是對對機迷闢機塵遠遠塵棲久日月中誰有掛因底底事隔塵迷又曰喪時光藤林荒徒人意滯肌疔又曰咄咄咄力因希禪子訝中眉垂又曰上不見天下不見地塞却咽喉何處出氣笑我者多晒我者少每頭見僧即曰鑒咦而錄之者曰頭鑒咦德山密禪師刪去頭字但曰鑒咦叢林目以爲抽頭頌北塔祥禪師作偈曰雲門頭鑑笑嘻嘻擬議遭渠頭鑒咦任是張良多智巧到頭於是也難施偃以南漢乾和七年四月十日坐化

而示卽大漢乾祐二年也以全體葬之 本朝太祖
乾德元年雄武軍節度推官阮紹莊夢偃以拂子招
曰寄語秀華宮使特進李托我在塔久可開塔乎托
時奉使韶州監修營諸寺院因得紹莊之語奏聞奉
聖旨同韶州牧梁延鄂至雲門山啓塔見偃顏貌如
昔髭髮猶生具表以聞有 旨李托迎至京師供養
月餘送還山仍改爲大覺禪寺謚大慈雲匡眞弘明
大師

贊曰余讀雲門語句驚其辯慧渦旋波險如河漢之
無極也想見其人奇偉傑茂如慈恩大達輩及見其
像顏然偃坐胡牀廣額平頂類宣律師奇智盛德果
不可以相貌得耶公之全機大用如月臨衆水波波
頓見而月不分如春行萬國處處同至而春無迹蓋
其妙處不可得而名狀所可知而言者春容月影耳
嗚呼豈所謂命世亞聖大人者乎

禪林僧寶傳卷第二

禪林僧寶傳卷第三

宋明白庵居沙門 惠洪 撰

汝州風穴沼禪師

師諱延沼以僞唐乾寧三年十二月生於餘杭劉氏
少魁畧有英氣於書無所不觀然無經世意父兄強
之仕一至京師卽東歸從開元寺智恭律師剃髮受
具游講肆玩法華立義修止觀定慧宿師爭下之棄
去遊名山謁越州鏡清怱禪師機語不契北遊襄河
間寓止華嚴時僧守廓者自南院願公所來華嚴陞
座曰若是臨濟德山高亭大愚鳥窠船子下兒孫不
用如何若何便請單刀直入廓出衆便喝華嚴亦喝
廓又喝華嚴亦喝廓禮拜起指以顧衆曰這老漢一
場敗缺喝一喝歸衆風穴心奇之因結爲友遂默悟
三玄旨要嘆曰臨濟用處如是耶廓使更見南院問
曰入門須辨主端的請師分南院左拈其膝風穴便
喝南院右拈其膝風穴亦喝南院曰左邊一拍且止
右邊一拍作麼生風穴曰瞎南院反取拄杖風穴笑
曰盲枷瞎棒倒奪打和尚去南院倚拄杖曰今日被

黃面浙子鈍置風穴曰大似持鉢不得詐言不饑南院曰予到此間乎曰是何言歟南院曰好問汝曰亦不可放過便禮拜南院喜賜之坐問所與遊者何人對曰襄州與廓侍者同夏南院曰親見作家風穴於是俯就弟子之列從容承稟曰聞智證南院曰汝乘願力來荷大法非偶然也問曰汝聞臨濟將終時語不曰聞之曰臨濟曰誰知吾正法眼藏向這瞎驢邊滅却渠平生如師子見即殺人及其將死何故屈膝爰尾如此對曰密付將終全主即滅又問三聖如何亦無語乎對曰親承入室之真子不同門外之遊人南院領之又問汝道四種料簡語料簡何法對曰凡語不滯凡情即墮聖解學者大病先聖哀之爲施方便如楔出楔曰如何是奪人不奪境曰新出紅爐金彈子筵破閣梨鐵面門又問如何是奪境不奪人曰芻草乍分頭腦裂亂雲初綻影猶存又問如何是人境俱奪曰躡足進前須急急促鞭當鞅莫遲遲又問如何是人境俱不奪曰常憶江南三月裏鷓鴣啼處百花香又問曰臨濟有三句當日有問如何是第一

句臨濟曰三要印開朱點窄未容擬議主賓存風穴隨聲便喝又曰如何是第二句臨濟曰妙解豈容無著問溫和尚爭赴截流機風穴曰未問已前錯又問曰如何是第三句臨濟曰但看棚頭弄傀儡抽牽全藉裏頭人風穴曰明破即不堪於是南院以爲可以支臨濟幸不辜負興化先師所以付託之意風穴依止六年辭去後唐長興二年至汝水見草屋數椽依山如逃亡人家問田父此何所田父曰古風穴寺世以律居僧物故又歲饑衆棄之而去餘佛像鼓鐘耳風穴曰我居之可乎田父曰可風穴入留止日乞村落夜燃松脂單丁者七年檀信爲新之成叢林僞晉天福二年州牧聞其風盡禮致之上元日開法嗣南院僞漢乾祐二年牧移守郢州風穴之避寇往依之牧館于郡齋寇平汝州有宋太師者施第爲寶坊號新寺迎風穴居焉法席冠天下學者自遠而至陞座曰先師曰欲得親切莫將問來問會麼問在答處答在問處雖然如有時問不在答處答不在問處汝若擬議老僧在汝脚跟底太凡參學眼目直須臨機大

用現前勿自拘於小節設使言前薦得猶爲滯礙迷封句下精通未免觸途狂見應是向來依他作解明昧兩歧與汝一切掃却直教箇箇如師子兒吒呀地對衆證據哮吼一聲壁立千仞誰敢正眼覷著覷著卽瞎却渠眼又曰若立一塵家國興盛野老羣類不立一塵家國喪亡野老安貼於此明得闍梨無分全是老僧於此不明老僧卽是闍梨闍梨與老僧亦能悟却天下人亦能瞎却天下人欲識闍梨麼拈其左膝曰這裏是欲識老僧麼拈其右膝曰這裏是於時莫有善其機者僞周廣順元年賜寺名廣慧二十有二年以宋開寶六年癸酉八月旦日登座說偈曰道在乘時須濟物遠方來慕自騰騰他年有叟情相似日日香煙夜夜燈至十五日跏趺而化前一日手書別檀越閱世七十有八坐五十有九夏有得法上首住汝州首山念禪師

汝州首山念禪師

禪師諱省念生秋氏萊州人也幼棄家得度於南禪寺爲人簡重有精誠專修頭陀行誦法華經叢林畏

敬之目以爲念法華至風穴隨衆作止無所參扣然終疑教外有別傳之法不言也風穴每念大仰有識臨濟一宗至風而止懼當之熟視座下堪任法道無如念者一日陞座曰世尊以青蓮目顧迦葉正當是時且道箇什麼若言不說而說又成埋沒先聖語未卒念便下去侍者進曰念法華無所言而去何也風穴曰渠會也明日念與眞上座俱詣方丈風穴問眞曰如何是世尊不說說對曰勃姑樹頭鳴風穴曰汝作許多癡福何用乃顧念曰何如對曰動容揚古路不墮悄然機風穴謂眞曰何不看渠語又一日陞座顧視大衆念便下去風穴卽歸方丈自是聲名重諸方首山在汝城之外荒遠處而念居之將終身焉登其門者皆叢林精練衲子念必勘驗之留者纔二十餘輩然天下稱法席之冠必指首山嘗問僧不從人薦得底事試道看僧便喝曰好好相借問惡發作麼僧又喝念曰今日放過卽不可僧擬議念喝之又問僧近離何處曰襄州曰夏在何處曰洞山念曰還我洞山鼻孔來僧曰不會念曰却是老僧罪過又問僧

近離何處對曰廣慧曰穿雲不渡水渡水不穿雲離此二途速道曰昨夜宿長橋念曰與麼則合喫首山棒也曰尚未參堂曰兩重公案僧曰恰是念曰耶耶又問僧近離何處對曰襄州曰有事相借問得麼對曰便請念曰鷄子過新羅僧入室念便喝其僧禮拜便打之僧曰如何是不生不滅法曰新羅人喫冷淘夜有僧入室念曰誰僧不對曰識得汝也僧笑念曰更莫是別人麼因作偈曰輕輕踏地恐人知語笑分明更莫疑知者只今猛提取莫待天明失却鷄鶩謂衆曰佛法無多子只是汝輩自信不及若能自信干聖出頭來無奈汝何何故如此爲向汝面前無開口處祇爲汝自信不及向外馳求所以到這裏假如便是釋迦佛也與汝三十棒然難如是初機後學憑箇什麼道理且問汝輩還得與麼也未良久曰若得與麼方名無事又曰諸上座不得胡喝亂喝尋常向汝道賓卽始終賓主卽始終主賓無二賓主無二主若有一賓二主卽是兩箇瞎漢又曰我若立汝須坐我若坐汝須立坐卽共汝坐立卽共汝立雖然如是到

這裏著眼始得若也定動中間卽千里萬里何故如此如隔窻見馬騎相似既然如此直須子細不得掠虛好他時後日賺著汝有事近前無事珍重因舉臨濟曰今日更不用如何若何便須單刀直入還有出來對衆證據者麼時有僧出禮拜起便喝臨濟亦喝僧又喝臨濟亦喝僧禮拜臨濟曰須是這僧卽得若是別人三十棒一棒校不得爲這僧會賓主句他一喝不作一喝用且道前一喝是後一喝是那箇是賓那箇是主所以老僧尋常向汝道這裏一喝不作一喝用有時以喝作問行有時作探竿影草有時作踞地師子有時作金剛王寶劍若作問行來時須急著眼始得若作探竿影草時你諸人合作麼生若作踞地師子時野干須屎尿出始得若作金剛王寶劍用時天王也須腦裂只與麼橫喝豎喝總喚作好道理商量却既知如此也須親近上流博問先知自己親證始得莫與麼掠虛過却平生他時後日因果歷然僧問學人乍入叢林乞師指示曰閤梨在老僧會多少時對曰已經冬夏曰莫錯舉似人乃曰若論此事

寔不掛一元字脚便下座嘗作綱宗偈曰咄哉拙郎

君汾陽注曰巧妙無人識運機非打破鳳林關蕩盡

性素潔條然著靴水上立聖泥咄哉巧女兒汾陽曰妙擲梭不

解無間功看他鬪鷄人旁觀審騰距水牛也不識

全力能負念道被天下移寶安山廣教院衆不過四

十輩老於寶應淳化三年十二月初四日留僧過歲

作偈曰吾今年邁六十七老病相依且過日今年記

取明年事明年記著今年日至明年十二月初四日

陞座辭衆曰諸子謾波波過却幾恒河觀音指彌勒

文殊不奈何良久曰白銀世界金色身情與無情共

一眞明暗盡時都不照日輪午後示全身午後泊然

而化闍維得五色舍利塔于首山嫡嗣昭禪師

汾州太子昭禪師

禪師諱善昭生俞氏太原人也器識沉鬱少緣飾有

大智於一切文字不由師訓自然通曉年十四父母

相繼而亡孤苦厭世相剃髮受具杖策游方所至少

留不喜觀覽或譏其不韻昭嘆之曰是何言之陋哉

從上先德行脚正以聖心未通驅馳決擇耳不緣山

水也昭歷諸方見老宿者七十有一人皆妙得其家

風尤喜論曹洞石門微禪師者蓋其派之魁奇者昭

作五位偈示之曰五位參尋切要知纖毫纔動即差

違金剛透匣誰能曉唯有那吒第一機舉目便令三

界靜振鈴還使九天歸正中妙挾通回互擬議鋒鈍

失却威微措手稱善然昭終疑臨濟兒孫別有奇處

最後至首山問百丈卷簾意旨如何曰龍袖拂開全

體現昭曰師意如何曰象王行處絕狐蹤於是大悟

言下拜起而曰萬古碧潭空界月再三撈攬始應知

有問者曰見何道理便爾自肯曰正是我放身命處

服勤甚久辭去遊湘衡間長沙太守張公茂宗以四

名利請昭擇之而居昭笑一夕遯去北抵襄沔寓止

白馬太守劉公昌言聞之造謁以見晚爲嘆時洞山

公隱皆虎席衆議歸昭太守請擇之昭以手耶揅曰

我長行粥飯僧傳佛心宗非細職也前後八請堅臥

不答淳化四年首山歿西河道俗千餘人協心創贖

遣沙門契聰迎請住持汾州太平寺太子院昭閉關

高枕聰排闥而入讓之曰佛法大事靜退小節風穴

懼應議憂宗旨墜滅幸而有先師先師已棄世汝有

力荷擔如來大法者今何時而欲安眠哉昭矍起握

聰手曰非公不聞此語趨辦嚴吾行矣既至宴坐一

榻足不越閭者三十年天下道俗慕仰不敢名同曰

汾州并汾地苦寒昭罷夜參有異比丘振錫而至謂

昭曰會中有大士六人奈何不說法言訖陞空而去

昭密記以偈曰胡僧金錫光請法到汾陽六人成大

器勸請爲敷揚時楚圓守芝號上首叢林知名龍德

府尹李侯與昭有舊虛承天寺致之使三反不赴使

者受罰復至曰必欲得師俱往不然有死而已昭笑

曰老病業已不出院借往當先後之何必俱耶使者

曰師諾則先後唯所擇昭令饌設且假裝曰吾先行

矣停箸而化閱世七十有八坐六十五夏

贊曰風穴倦游見草屋單丁止住者七年首山精嚴

不出山者二十年汾州嚴臨人天不越閭者三十年

是皆哲人事業之見於微細者也然猶卓絕如此況

其大者乎吾何足以知之然觀其死生之際如賈胡

傳吏留卽留去卽去嗚呼是其所以起臨濟也

禪林僧寶傳第四

宋明白庵居沙門 惠洪 撰

福州玄沙備禪師

禪師名師備福州閩縣謝氏子少漁於南臺江上及

壯忽棄舟從芙蓉山靈訓禪師斷髮詣南昌開元道

玄律師所受具足戒芒屨布衲食糲接氣宴坐終日

衆異之兄視雪峰而師承之雪峰呼爲頭陀每見之

曰再來人也何不徧參去對曰達磨不來東土二祖

不往西天雪峰然之備結屋玄沙衆相尋而至遂成

叢林說法與契經冥合諸方有未明要義皆從決之

備曰佛道閑曠無有塗程無門爲解脫之門無見作

道人之見不在三際豈有昇沉建立乖真不屬造作

動卽涉塵勞之境靜則沉昏醉之鄉動靜雙泯卽落

空亡動靜雙收卽漫汗佛性必須對其塵境如枯木

寒灰但臨時應用不失其宜如鏡照像不亂光輝如

鳥飛空不雜空色所以十方無影像三界絕行蹤不

墮往來機不住中間相鐘中無鼓響鼓中無鐘聲鐘

鼓不交參句句無前後如壯士展臂不借他力如師

子游行豈求伴侶九霄絕翳何用穿通一段光明未
曾昏昧到這裏體寂寂常皎皎赤赫燄無邊表圓覺
空中不動搖吞燦乾坤迥然照出世者元無出入蓋
名相無體道本如如法爾天真不因修證只要虛閑
不昧作用不涉塵泥若纖毫不盡卽落魔界且句前
句後是學人難處所以云一句當機八萬法門生死
路絕直似秋潭月影靜夜鐘聲隨扣擊以無虧觸波
瀾而不散猶是生死岸頭事道人行處如火銷冰箭
旣離弦無反回勢所以牢籠不肯住呼喚不迴頭古
聖不安排至今無處所步步登立不屬邪正識不能
識智不能知動便失宗覺卽迷旨二乘膽戰十地魂
驚語路處絕心行處滅直得釋迦掩室於摩竭淨名
杜口於毗耶須菩提唱無說而顯道釋梵絕視聽而
雨花與麼現行無疑此外更疑何事勿棲泊處離去
來今限約不得尋思路絕不因莊嚴本來清淨動用
語笑隨處明了更無少欠時人不悟妄自涉塵處處
染著頭頭繫絆縱悟則塵境紛紛名相不實更擬凝
心斂念攝事歸空隨有念起旋旋破除細想纔生卽

◆似一作是

便遏捺如此見解卽是落空亡底外道魂不散底死
人冥冥冥冥無覺無知塞耳偷鈴徒自欺誑我這裏
則不然也更不限門旁戶分明句句現前不屬商量
不涉文字權名出家兒畢竟無蹤迹眞如凡聖地獄
天堂皆是癡狂子之方都無實事虛空尙無改變大
道豈有昇沉悟則縱橫不離本際到這裏凡聖也無
立處若向句中作意則沒溺汝學人若向外馳求又
屬魔王眷屬如如不動沒可安排恰似鐵鑪不藏蚊
蚋本來平坦何用剷除動轉施爲是眞解脫纖毫不
受措意便差借使千聖出頭來也安排他一字不得
又曰仁者如今事不獲已教我抑下多少威光苦口
相勸百千方便道如此如彼共相知聞盡成顛倒知
見將此喉咽唇吻祇成得箇野狐精業謾汝我還肯
麼只如今有過無過唯我自知汝又爭得會若是恁
麼人出頭來甘伏呵責夫爲人師匠大不容易須是
善知識始得我如今恁麼道方便助汝猶尙不能觀
得可中渾學宗乘是汝向什麼處措手還會麼四十
九年是方便祇如靈山會有百千衆唯有迦葉一

人親聞餘皆不聞汝道聞底事作麼生不可道如來無說說迦葉不聞聞便當得否不可是汝修因成果福智莊嚴底事知麼且道吾有正法眼藏付囑大迦葉我道猶如話月曹谿豎拂還同指月所以道大唐國內宗乘未有一人舉唱設有一人舉唱盡大地人失却性命無孔鐵鎚相似一時亡鋒結舌去汝諸人賴我不惜身命共汝顛倒知見隨汝狂意方有申問處我若不共汝與麼知聞去汝向什麼處得見我會麼大難大難備疾大法難舉罕遇上根學者依語生解隨照失宗乃示綱宗三句曰第一句且自承當現成具足盡十方世界更無他故祇是仁者更教誰見誰聞都來是汝心王所爲全成不動智只欠自承當換作開方便門使汝信有一分眞常流注亘古亘今未有不是未有不非者然此句只成平等法何以故但是以言遣言以理逐理平常性相接物利生耳且於宗旨猶是明前不明後號爲一味平實分證法身之量未有出格之句死在句下未有自由分若知出格量不被心魔所使入到手中便轉換落落地面言通

至通致

大道不墮平懷之見是謂第一句綱宗也第二句迴因就果不著平常一如之理方便喚作轉位投機生殺自在縱奪隨宜出生入死廣利一切迴脫色欲愛見之境方便喚作頓超三界之佛性此名二理雙明二義齊照不被二邊之所動妙用現前是謂第二句綱宗也第三句知有大智性相之本通其過量之見明陰洞陽廓周沙界一眞體性大用現前應化無方全用全不用全生全不生方便喚作慈定之門是謂第三句綱宗也因見亡僧謂衆曰亡僧面前正是觸目菩提萬里神光頂後相學者多溟滓其語梁開平二年戊辰十二月二十七日示疾而化閱世七十有四坐四十四夏備狀短小然精神可掬與闍帥王審知爲內外護審知盡禮延至安國禪院衆盈七百石頭之宗至是遂中興之有得法上首羅漢琛禪師

漳州羅漢琛禪師

禪師名桂琛生李氏常山人也幼卓越絕酒戲見萬壽寺無相律師卽前作禮無相拊其首曰若從我手乃欣然依隨之父母不逆也年二十餘卽剃髮爲大

時一作是

僧無相使習毗尼一日爲衆陞堂宣戒本布薩已乃
曰持犯但律身而已非眞解脫也依文作解豈發聖
手一衆愕然琛顧笑爲無相作禮辭去無相不強初
謁雪峯存公不大發明又事玄沙遂臻其奧與慧球
者齊名號二大士琛能秘重大法痛自韜晦然叢林
指目以爲雪峯法道之所寄也漳州牧王公請住城
西石山十餘年遷止羅漢破垣敗簣人不堪其憂非
忘身爲法者不至僧問如何是羅漢一句曰我若向
汝道却成兩句又問以字不成八字不是是甚字琛
曰汝不識此字耶曰不識琛曰看取其下注脚琛嘗
垂頭頽然坐折木床見僧來卽舉拂子曰會麼對曰
謝和尚指示學人琛曰見我豎起拂子便道指示學
人汝每日見山見水可不指示汝耶又見僧來舉拂
子其僧禮拜稱贊琛曰見我豎起拂子便禮拜贊嘆
那裏掃地豎起掃帚爲甚不贊嘆有僧來報保福遷
化也琛曰保福遷化地藏入塔琛時住地藏乃石山
也于時學者莫測其旨琛憫之爲作明道偈其詞曰
至道淵曠勿以言宣言宣非指執云有是觸處皆渠

一作舌

豈喻眞虛眞虛設辨如鏡中現有無難彰在處無傷
無傷無在何拘何礙不假功成將何法爾法爾不爾
俱爲屑齒若以斯陳埋沒宗旨宗非意陳無以見聞
見聞不脫如水月中於此不明翻成剎法一法有形
翳汝眼睛眼睛不明世界崢嶸我宗奇特當陽顯赫
佛及衆生皆承恩力不在低頭思量難得拶破面門
蓋覆乾坤快須薦取脫却根塵其如不曉謾說而今
後唐天成三年戊子秋琛復至閩城舊止徧游近城
諸刹乃還示微疾沐浴安坐而化閱世六十有二坐
四十二夏闍維收舍利建塔有得法上首清涼益禪
師

金陵清涼益禪師法眼

禪師諱文益餘杭魯氏子七齡秀發依新定全偉律
師落髮詣越州開元希覺律師受具足戒及覺公盛
化四明益往習毗尼工文章覺大奇之俄辭去初謁
長慶稜道者無所契悟與善脩洪進自漳州抵湖外
將發而雨豁壯不可濟顧城隅有古寺解包休于門
下雨不止入堂有老僧坐地鑑見益而曰此行何之

日行脚去又問如何是行脚事對曰不知曰不知最
親益疑之三人者附火舉鑒公語至天地與我同根
處老僧又曰山河大地與自己是同是別益曰同琛
豎兩指熟視曰兩箇即起去益大驚周行廊廡讀字
額曰石山地藏顧語脩輩曰此老琛禪師也意欲留
止語未卒琛又至雨已止業已成行琛送之問曰上
座尋常說三界唯心乃指庭下石曰此石在心內在
心外益曰在心內琛笑曰行脚人著甚來由安塊石
在心頭耶益無以對之乃俱求決擇尋皆出世益住
臨川崇壽僧子方者問曰公久親長慶乃嗣地藏何
意哉益曰以不解長慶說萬象之中獨露身故子方
舉拂子示之益曰撥萬象不撥萬象子方曰不撥萬
象益曰獨露身囑子方曰撥萬象益云萬象之中咏
子方於是悟旨歎曰我幾枉度此生益謂門弟子曰
趙州曰莫費力也大好言語何不仍舊去世間法尚
有門佛法豈無門自是不仍舊故諸佛諸祖祇於仍
舊中得如初夜鐘不見有絲毫異得與麼恰好聞時
無一聲子聞何以故爲及時節無心曰死且不是死

止於一切祇爲不仍舊忽然非次聞時諸人盡驚愕
道鍾子恠鳴也且如今日道孟夏漸熱則不可方隔
一日能校多少向五月一日道便成賺須知校絲髮
不得於方便中向上座道不是時蓋爲賺所以不仍
舊寶公曰暫時自肯不追尋歷劫何曾異今日還會
麼今日只是塵劫但著衣喫飯行住坐臥晨參暮請
一切仍舊便爲無事人也又曰見道爲本明道爲功
便能得大智慧力若未得如此三界可愛底事直教
去盡纔有纖毫還應未可祇如汝輩睡時不瞋便喜
此是三界昏亂習熟境界不惺惺便昏亂蓋緣汝輩
雜亂所致古人謂之夾幻金卽是真其如鑽何若觀
得徹骨徹髓是汝輩力脫未能如是觀察他什麼樓
臺殿閣諸聖未必長把却汝手汝未必依而行之古
今如此也又曰出家兒但隨時及節便得寒卽寒熱
卽熱欲識佛性義當觀時節因緣古今方便不少石
頭初看壁論至會萬物爲已者其唯聖人乎則曰聖
人無已靡所不已乃作參同契首言竺土大仙心無
過此語也中間亦只尋常說話夫欲會萬物爲自己

去蓋盡大地無一法可見已而又囑曰光陰莫虛度所以告汝輩但隨時及節便得若也移時失候即虛度光陰於非色中作色解於非色作色解即是移時失候且道色作非色解還當得否若與麼會便是沒交涉正是癡狂兩頭走有什麼用處但守分過時好管指竹問僧曰還見麼曰見益曰竹來眼裏眼到竹邊曰總不與麼益笑曰死急作麼有偈曰三界唯心萬法唯識唯識唯心眼聲耳色色不到耳聲何觸眼眼色耳聲萬法成辦萬法匪緣豈觀如幻大地山河誰堅誰變周顯德五年戊午七月十七日示疾李國主駕至慰問甚勤閏月望剃髮沐浴辭衆訖跏趺而化顏貌久而如生閱世七十有四坐五十有四夏公卿李建勳已下素服奉全身于江寧丹陽鄉建塔諡大法眼禪師

贊曰立沙論三句初無金銀銅輪之語不然殆與教乘何異哉琛公精深廣大唯以直下便見擬成剩法爲要非三句所能管攝也益以仍舊自處以絕滲漏句爲物煩事邊幅而永明乃其的孫豈所謂深山大

◆席一作習

澤龍蛇所由生者耶

禪林僧寶傳卷第四

禪林僧寶傳卷第五

宋明白庵居沙門 惠洪 撰

潭州石霜諸禪師

禪師名慶諸廬陵新淦陳氏子也生而神俊標致閑暇年十三獨游南昌愛西山往游覽忘返沙門紹鑾與語奇之謂人曰此兒自奮如此他日未易量也容納之諸事之十年如一日乃剃髮詣嵩嶽受具時洛下毗尼之學盛諸睨視講席良久而去有勸之者諸不答聞湘中有南宗法道往造大瀉時祐禪師席下萬指諸願籍名役作勤勞杵臼間甚久祐見之簞處曰檀信物不可拋撒曰不敢祐俯拾得一粒曰此非拋撒者耶諸擬對之祐曰勿輕此一粒百千粒從此粒生曰卽如是此粒從何生乎祐爲大笑明日陞座曰大衆米裏有蟲然諸疑終不決至道吾智禪師所

依止問曰和尚百年後有人問極則事如何向伊道
智喚沙彌沙彌至智曰添淨鉢水著却問諸曰汝適
何所問諸理前語智即起去諸於是悟其旨時方爲
二夏僧去隱於瀏陽之陶家坊人無知者有僧自洞
山來諸問价公比有何言句曰洞山曰初秋夏末直
須向萬里無寸草處去然對之者多不契諸曰何不
道出門便是草洞山旋聞其語驚曰瀏陽乃有古佛
耶自是僧多往依之乃住成法席號霜華山山去道
吾密邇智公將化以諸爲正傳棄其衆從諸諸迎居
正寢智行必掖坐必侍智歿時衆已輻湊如雲謂衆
曰一代時教整理時人手脚凡有其由皆落在今時
直至法身非身名爲極致而我輩沙門全無肯路若
分即差不分即坐著泥水但由心意妄說見聞僧問
如何是西來意曰空中一片石僧禮拜曰會麼曰不
會諸曰賴汝不會汝若會打破汝頭諸坐室中僧窓
外問咫尺之間爲什麼不見師顏諸曰我道徧界不
曾藏僧至雪峯舉似存禪師而曰石霜意旨如何存
公曰什麼處不是石霜後傳此語至諸諸笑曰老漢

有什麼死急諸不出霜華二十年學者刻意師慕至
堂中有不臥屹然枯株者天下謂之枯木衆唐僖宗
聞其名遣使齎賜紫伽梨諸不受光啓四年戊申二
月二十日巳亥安坐而化閱世八十有二坐五十有
九夏葬全身於寺之西北隅證普會塔曰無相有得
法上首兩人龍湖聞禪師九峯乾禪師

邵武龍湖聞禪師

禪師名普聞唐僖宗太子生而吉祥眉目風骨清眞
如畫不茹葷信宗鍾愛之然以其無經世意百計陶
寫之終不回聞霜華之風夢寐想見中和元年天下
大亂僖宗幸蜀親王宗室皆逃亡不相保守聞斷髮
逸游人無知者造石霜諸與語嘆異曰汝乘願力而
來乃生帝王家脫身從我火中芙蓉罷聞夜入室懇
曰祖師別傳事肯以相付乎諸曰勿謗祖師曰天下
宗旨盛大豈妄爲之耶諸曰是實事曰師意如何諸
曰待案山點頭卽向汝說破聞俯而惟曰大奇汗下
再拜卽日辭去至邵武城外見山鬱然深秀問父老
彼有居者否曰有一苦行隱其中聞撥草望煙起處

獨進苦行見至欣然讓其廬曰上人當與此長揖而去不知所之聞飯木實飲谷而住十餘年一日有老人來拜謁問曰丈夫家何許至此何求老人曰我家此山有求於師然我非人龍也以疲墮行雨不職上天有罰當死賴道力可脫聞曰汝得罪上帝我何能致力雖然汝當易形來俄失老人所在視座榻旁有小蛇尺許延緣入袖中屈蟠暮夜風雷挾坐榻電砰雨射山岳爲搖振而聞危坐不傾達旦晴霽垂袖蛇墮地而去頃有老人至泣淚曰自非大士之力爲血腥穢此山矣念何以報厚德即穴巖下爲泉曰他日衆多無水何以成叢林此泉所以延師也泉今爲湖在半山號龍湖邦人聞其事富者施財貧者施力翕然而成樓觀游僧至如歸湖之側有神極靈禍福此邦民俗畏敬之四時以牲饗祭間杖策至廟與之約曰能食素持不殺戒乃可爲鄰不然道不同不相爲謀何山不可居乎是夕邦之父老夢神告語曰聞禪師爲我受戒我不復血食祭我當如此丘飯足矣自是神顯異迹護持此山聞將化令擊鐘集衆跏趺而

坐說偈我逃世難來出家宗師指示箇歇處住山聚衆三十年對人不欲輕分付今日分明說似君我斂目時齊聽取於是斂目安坐寂然良久撼之已化矣塔于本山謚圓覺禪師史不書名但書僖宗二子建王宸益王陞然亦失其母氏位及薨年月傳不書聞受業受具所讀偈曰我逃世難來出家疑石霜亦其落髮師歟

筠州九峯虔禪師

禪師名道虔劉氏福州侯官人也容姿閑豁明濟氣壓叢林至霜華諸禪師見之謂人曰此道人從上宗門爪牙也諸歿時虔作侍者衆請堂中第一座嗣諸住持方議次虔犯衆曰未可須明先師意旨乃可耳衆曰先師何意虔曰只如道古廟香鑪一條白練如何會第一座曰是明一色邊事虔曰果不會先師意於是第一座者起炷香誓曰我若會先師意香煙滅則我脫去不然煙滅不能脫言卒而脫去虔拊其背曰坐脫立亡不無首座會先師意即永也廬于普會塔之旁三年而去經行於末山之下住崇福寺僧問

無間中人行什麼行曰畜生行曰畜生復行什麼行
曰無間行曰此猶是長生路上人曰汝須知有不共
命者曰不共什麼命曰長生氣不常復曰大眾還得
命麼欲知命流泉是命湛寂是身千波競起是文殊
境界一亘晴空是普賢床榻其次借一句子是指月
於中事是話月從上宗門中事如節度使符信且如
諸先德未建許多名目指陳已前諸人約什麼體格
商量這裏不假三寸試話會看不假耳根試探聽看
不假兩眼試辨白看所以道聲前拋不出句後不藏
形盡乾坤都來是汝當人箇自體向什麼處安眼耳
鼻舌莫向意根下圖度作解盡未來際亦未有休歇
分所以古人道擬將心意學玄宗大似西行却向東
先是馬大師歿於豫章開元寺門弟子懷海智藏輩
塋舍利於海昏石門海亦廬塔十餘年乃沿馮川上
車輪峯逢司馬頭陀勸海留止因不復還石門虔自
九峯往游焉遂成法席爲勸潭第一世繼海遺蹤也
吳願義初告衆安坐而化塔于寺之西號圓寂諡大
覺禪師得法上首殷禪師

吉州禾山殷禪師

禪師名無殷生吳氏福州人也七齡雪峯存禪師見
之愛其純粹化其親令出家年二十乃剃落受具辭
游乃至九峯虔公問汝遠來何所見當由何路出生
死對曰重昏廓闕盲者自盲虔笑以手揮之曰佛法
不如是殷不懌請曰豈無方便曰汝問我殷理前語
問之曰奴見婢慙慙殷於是依止十餘年虔移居石
門亦從之及虔歿去游廬陵至永新見東南山奇勝
乃尋水而往有故寺基蓋文德中異僧達奚道場遂
定居學者雲集唐後主聞其名詔至金陵問佛法大
意久之有旨延居揚州祥光寺懇辭歸西山詔住翠
巖又住上藍寺賜號澄源禪師建隆元年庚申二月
示有微疾三月二日令侍者開方丈集大眾曰後來
學者未識禾山即今識取於是泊然而化閱世七十
坐夏五十諡法性禪師塔曰妙相
贊曰石霜言徧界不曾藏而其子聞公臨化曰今日
分明說似君我斂目時齊聽取九峯言盡乾坤是汝
當人自體何處安眼耳鼻舌而其子殷公臨化曰後

來學者未識禾山卽今識取子觀其父子兄弟語言行履如形著影出聲呼谷應而近世禪者尙佇思可悲憐也

禪林僧寶傳卷第五

禪林僧寶傳卷第六

宋明白庵居沙門 惠洪 撰

雲居宏覺禪師

禪師名道膺幽州玉田人也生于王氏兒稚中骨氣深穩言少理多十歲出家於范陽延壽寺又十五年乃成大僧其師使習毗尼非其好棄之游方至翠微會有僧自豫章來夜語及洞上法席於是一鉢南來造新豐謁悟本价禪師价問汝名什麼對曰道膺价曰何不向上更道對曰向上卽不名道膺价喜以謂類其初見雲巖時祇對容以爲入室膺深入留雲峯之後結庵而居月一來謁价价問其未忘情於道爲維乃焚其庵去海昏登歐阜歐阜廬山西北崦冠世

絕境也就樹縛屋而居號雲居衲子亦追求而集散處山間樹下久成苦架說法其下曰佛法有什麼多事行得卽是但知心是佛莫愁佛不解語欲得如是事還須如是人若是如是人愁箇什麼若云如是事卽難自古先德淳素任真元來無巧設有人問如何是道或時答顛顛木頭作麼皆重元來他根本脚下實有力卽是不思議人握土成金若無如是事饒汝說得簇花簇錦相似直道我放光動地世間更無過也盡說了合殺頭人總不信受元來自家脚下虛無力汝等譬如獵狗但尋得有蹤跡底若遇羚羊掛角時非但不見蹤迹氣息也不識僧便問羚羊掛角時如何答曰六六三十六曰會麼僧曰不會曰不見道無蹤迹又問世尊有密語迦葉不覆藏如何是世尊密語膺呼問者名曰會麼曰不會曰汝若不會世尊有密語汝若會迦葉不覆藏乃曰僧家發言吐氣須有來由莫當等閑這裏是什麼所在爭受容易凡問箇事也須識好惡若不識尊卑長賤不知觸犯信口亂道也無利益旁音家行脚到處竟相似語所以尋

常向兄弟道莫怪不相似恐怕同學多去第一莫將來將來不相似言語也須看他前頭八十老人出場屋不是小兒戲不是因循底事一言參差即千里萬里難爲收攝蓋爲學處容易不著力敲骨打髓須有來由言語如鉗如夾如鉤如鑊須教相續不斷始得頭頭上具物物上明豈不是得妙底事一種學大須子細研窮直須諦當的無差到這裏有什麼踈踈處有什麼擬議處向去底人須常慘悚戰翼始得若是知有底人自解護惜終不取次十度發言九度休去爲什麼如此恐怕無利益體得底人心若蠟月扇口邊直得醖出不是強爲任運如此欲得與麼事須是與麼人既是與麼人不愁恁麼事恁麼事即難得又曰汝等直饒學得佛邊事早是錯用心了也不見古人講得天花落石點頭尚不干自己事自餘是什麼閑如今擬將有限身心向無限中用有什麼交涉如將方木逗圓孔中多少聲訛若無與麼事饒汝說得簇花簇錦也無用處未離情識在若一切事須向這裏及盡始得無過方得出身若有一毫髮去不盡

即被塵累豈況便多差之毫釐過犯山岳不見古人道學處不立盡是流俗閨閣中物捨不得俱爲滲漏直須向這裏及取去及去及來併盡一切事始得無過如人頭頭上了物物上通祇喚作了事人終不喚作尊貴將知尊貴一路自別便是世間極重極貴物不得將來向尊貴邊須知不可思議不當好心所以古人道猶如雙鏡光光相對光明相照更無虧盈豈不是一般猶喚作影像邊事如日出時光照世間明朗是一半那一半喚作什麼如今人未認得光影門頭戶底粗淺底事將作屋裏事又爭得又曰得者不輕微明者不賤用識者不咨嗟解者無厭惡從天降下即貧窮從地湧出即富貴門裏出身則易身裏出門則難動則埋身千尺不動則當處生苗一言過脫獨拔當時語言不要多多則無用處僧問如何是從天降下即貧窮曰不貴得又問如何是從地湧出即富貴曰無中或有又曰了無所有得無所圖言無所是行無所依心無所託及盡始得無過在衆如無衆無衆如在衆在身如無身處世如無世豈不是無燒

其德超於萬類脫一切羈鎖千人萬人得尙道不當
自已如今若得共起初一般古人曰體得那邊事却
來這邊行李那邊有什麼事這邊又作麼生行李所
以道有也莫將來無也莫將去現在底是誰家事又
曰欲體此事直似一息不來底人方與那箇人相應
若體得這箇人意方有少許說話分方有少許行李
分暫時不在如同死人豈況如今論年論月不在如
人長在愁什麼家事不辦欲知久遠事祇在如今如
今若得久遠亦得如人千鄉萬里歸家行到即是是
卽一切總是不是卽一切總不是直得頂上光燄生
亦不是能爲一切一切不爲道終日貪前頭事失却
背後事若見背後事失却前頭事如人不前後有什
麼事僧問有人衣錦繡入來見和尚後爲甚寸絲不
掛曰直得琉璃殿上行撲倒也須粉碎乃曰若有一
毫許去及不盡卽被塵累豈況更多不見尋常道升
天底事須對衆掉却十成底事須對衆去却擲地作
金聲不須回頭顧著自餘有什麼用處不見二祖當
時詩書博覽三藏聖教如觀掌中因什麼更求達磨

安心將知此門中事不是等閑所以道智人不向言
中取得人豈向說中求不是異於常徒息一切萬累
道暫時不在塗路便有來由非但惡眷屬善眷屬也
覓不得甚處去通身去歸家去省覲去始脫得諸有
門去去得牢籠脫險難異常徒又曰如掌中觀物決
定決定方可隨緣若一如此千萬亦然千萬之中難
爲一二一二不可得不見道顯照底人卽易得顯已
底人卽難得不道全無卽是希有若未得如此不受
強爲強爲卽生惱生惱卽退道退道則罪來加身卽
見不得說什麼大話汝旣出家如囚犯獄少欲知足
莫貪世榮忍饑忍渴志存無爲得在佛法中十生九
死也莫相拋出生入死莫違佛法斬釘截鐵莫負如
來事宜無多各自了取有事近前無事莫立膺住持
三十年道徧天下衆至千五百人南昌鍾王師尊之
願以爲世世師唐天復元年秋示微疾十二月二十
八日爲大衆開最後方便叙出世始卒之意衆皆愴
然越明年正月三日問侍者今日是幾對云初二師
云三十年後但云祇這是乃端然告寂

◆一作談

澧州洛浦安禪師

禪師名元安。生淡氏。鳳翔南游人也。幼依懷恩寺祐律師剃髮。受具。既長。通經論。初造翠微。無所契悟。北至臨濟。臨濟稱其俊爽。可教。安自負辭去。至夾山。庵于豕巔。夾山訝之。以書抵安。誠使者曰。此僧得書。不發明。日當來發之。不來也。安得書。果置之。不答。使者具以告。夾山。夾山曰。且暮必至矣。俄報安至。夾山望見。呵曰。雞栖鳳巢。非其同類。出去。安乃問曰。自遠趨風。請師一接。夾山曰。目前無閣梨。此間無老僧。安曰。錯。夾山曰。住住。且莫草草。忽忽。雲月是同。谿山各異。截斷天下人舌頭。則不無閣梨。爭教無舌人解語乎。安茫然不知答。夾山以杖擊之。夾山歿。衆以安次補住持。久移居洛浦。謂衆曰。末後一句。始到牢關。把斷要津。不通凡聖。欲知上流之士。不將佛祖言教。貼在額上。如龜負圖。自取喪身之禍。指南一路。智者知疏。學道先須識得自己。宗旨方可臨機。不失其宜。祇如鋒銳未兆。已前都無是箇。非箇。暫起見聞。便有張三李四。胡來漢去。四姓雜居。不親而親。是非互起。

致使玄關固閉。識鑊難開。疑網羅籠。智刀劣剪。若不當陽。曉示迷子。何以知歸。欲得大用現前。但可頓忘。諸見諸見。若盡昏霧。不生智照。洞然更無他物。以今學人。觸目有滯。蓋爲因他數量。作解被他數量。該括方寸。不能移易。所以聽不出聲。見不超色。假饒併當門頭。淨潔自己。未能通明。還同不了。若也單明自己。法眼未明。此人祇具一隻眼。所以是非欣厭。貫系不得。脫垢自由。謂之深可。慙傷各自。努力。唐光化元年戊午秋八月。誡門弟子曰。出家之法。長物不留。況其他哉。切須在念時。不待人至。十二月一日。又曰。吾旦夕行矣。有問問諸人。若對得分付鉢袋子。曰。若道這箇是。即是頭上安頭。若道不是。卽斬頭覓活。堂中第一座對曰。青山不舉足。日下不挑燈。安曰。去汝扶吾宗。不起有彥從。上座曰。去此二途。請和尚不問安曰。未。在更道。彥從曰。彥從道不盡。安曰。我不管汝道不盡。曰。彥從無侍者。祇對和尚。安乃歸。方文中夜喚彥從。至曰。汝今日祇對老僧。甚有道理。據汝合體得先師意旨。先師道目前無法意。在目前。不是目前法。非

耳目所到且道那句是賓那句是主彥從茫然不知安曰苦苦二更時衆請安代答安曰慈舟不泛滄波上劍峽徒勞放木鷄泊然而化閱世六十有五坐四十六夏

贊曰洞山份夾山會皆藥山的骨孫其鍛鍊鉗錘可謂妙密然份之宗至膺纔有同安察後雲居簡而已會之宗遂止於洛浦安公莊子曰北溟有魚其名曰鯤化而爲鵬九萬里風斯在下然聽其自化也使之化則非能鵬也膺安似之其絕也理之固然

禪林僧寶傳卷第六

禪林僧寶傳卷第七

宋明白庵居沙門 惠洪 撰

天台韶國師

天台國師名德韶處州龍泉人生陳氏母葉夢白光觸體覺而娠生而傑異年十五有梵僧見之拊其背曰汝當出家塵中無置汝所也乃往依龍歸寺剃髮

十八詣信州開元寺受滿分戒後唐同光中謁舒州投子庵主不契造龍牙遯禪師問雄雄之尊因什麼親近不得遯曰如火與火曰忽遇水來又作麼生遯曰汝不會我語又問天不蓋地不載此理如何遯曰合如是韶惘然固要爲說遯曰道者汝向後自會去時疎山有矮師叔者精峭號能齧鐵機韶問百市千重是何人境界矮曰左搓芒繩縛鬼子曰不落古今請師說矮曰不說曰爲什麼不說矮曰箇中不辨有無韶曰師今善說矮駭之久而辭去所至少留見知識五十四人括磨搜剝窮極隱秘不知端倪心志俱疲至曹山但隨衆而已無所咨參有僧問法眼禪師曰十二時中如何得頓息萬緣去法眼曰空與汝爲緣耶色與汝爲緣耶言空爲緣則空本無緣言色爲緣則色心不二日用果何物爲汝緣乎韶聞悚然異之又有問者曰如何是曹源一滴水法眼曰是曹源一滴水於是韶大悟於座下平生凝滯渙若冰釋感涕沾衣法眼曰汝當大宏吾宗行矣無自滯於是游天台觀智顗禪師遺蹤如故居晻然有終焉之心初

寓止白沙時吳越忠懿王以國子刺台州雅聞詔名遣使迎之申弟子之禮日夕問道詔曰他日爲霸王無忘佛恩漢乾祐元年戊申王嗣國位遣使迎至尊事之以爲國師焉詔說法簡而要撥去枝葉曰古聖方便猶如河沙六祖曰非風幡動仁者心動是爲無上心印至妙法門我輩稱祖師門下士何以解之若言風幡不動汝心安動若言不撥風幡就風幡處通取若言風幡動處是什麼若言附物明心不須認物若言色卽是空若言非風幡動應須妙會與祖師意旨了沒交涉既非種種解會合如何知悉若眞見去何法門不明雖百千諸佛方便一時洞了或問如何是古佛心答曰此問不弱又問亡僧遷化向何處去曰終不向汝道曰爲什麼不道曰恐汝不會問那吒太子析肉還母析骨還父然後化生於蓮花之上爲父母說法未審如何是太子身曰大家見上座問故每曰大凡言句應須絕滲漏乃可僧隨問如何是絕滲漏句曰汝口似鼻孔又曰眼中無色識色中無眼識眼識二俱空何能令見色是眼則不能自見其已

體若不能自見云何見餘物古聖方便皆爲說破若於此明得寂靜法不寂靜法也收盡門得遠離法不遠離法亦收盡未來現在亦無遺餘名一法界何有遮障各自信取僧義寂寂者謂詔曰智者之教年紀淺遠必多散失唯新羅國有善本願藉禪師慈力致之使再開東土人天眼目於是詔以聞忠懿王遣使航海傳寫以還而詔適與智者同姓疑其後身也開寶四年辛未華頂西峯忽摧聲震山谷六月有星隕于峯頂林木皆白二十八日集衆告別而化閱世八十有二坐六十有五夏

贊曰聞僧問法眼如何是曹源一滴水而法眼但曰是曹源一滴水詔乃開悟夫問詞答語無所增損所謂悟者何自而發之及觀詔所對問者如問古佛心對曰此問不弱如問如何是太子身對曰大家見上座問則問答之間不令意根棒立蓋嘗曰大凡言句須絕滲漏而學者方爭趨微妙之域欲見祖師之心譬如趨越而首燕也歟

筠州九峯玄禪師

禪師名通玄生程氏其先郢州長壽人也幼依郢之
仁王寺沙門惠超超陰察之外純深中穎悟超奇之
爲落髮受具卽游洛中聽毗尼部棄去至武陵謁德
山鑒禪師鑒時已臘高門風益峻門下未有違之者
而鑒獨以玄爲奇然玄不大徹透辭去至高安謁份
禪師份與語喜撫之曰掌有神珠白晝示人人且按
劍況玄夜乎子可貴也玄曰但不識珠者耳倘識之
亦無晝夜价稱之以爲俊士份歿廬于塔旁三年而
學者來依從日盛玄曰大平時世饑饉困臥復有何
事吾本無事汝與麼來相尋是無事生事無事生事
道人所忌何不各自歇去中和初拜辭其塔北游久
之南還寓止豫章南平鍾王執弟子禮北面而師事
之玄厭城居思超放山林王爲買末山建精舍號隆
濟以延之學者風靡而至或問自心他心得相見否
玄曰自己尙不見他人何可觀又問罪福之性如何
了達得無同異玄曰絺綌不禦寒又嘗問僧近自何
處來曰閩嶺玄曰遠涉不易曰不難動步便到玄曰
有不動步者麼僧云有玄曰爭得到此間其僧不能

對玄以杖逐之玄謂門弟子曰佛意祖意如手展握
先師安立五位發明雲巖宗旨譬如神醫治病其藥
只是尋常用者語忌十成不欲斷絕機忌觸犯不欲
染汙但學者機思不妙唯尋九轉靈丹云能起死是
大不然法華經有化城一品佛祖密說熟讀分明大
通智勝佛壽五百四十萬億那由他劫其坐道場破
魔軍已垂得阿耨多羅三藐三菩提而諸佛法不現
在前如是一小劫乃至十小劫結跏趺坐身心不動
而諸佛法猶不在前言垂成者言一小劫言十小劫
者是染汙是斷絕又曰爾時忉利諸天先爲彼佛於
菩提樹下敷師子座高一由旬佛於此座當得阿耨
多羅三藐三菩提適坐此座時諸梵天王雨衆天花
面百由旬香風時來吹去萎花更雨新者如是不絕
滿十小劫供養於佛常擊天鼓其餘諸天作伎樂
常雨此華四王諸天爲供養佛常擊天鼓其餘諸天
作伎樂滿十小劫至於滅度亦復如是諸比丘大
通智勝佛過十小劫諸佛之法乃現在前成阿耨多
羅三藐三菩提言過十小劫者偏正回互之旨也祖

師曰藉教悟宗者夫豈不然哉僞唐乾寧三年二月十七日晨輿誠其徒曰無虛度光陰無虛消信施既已出家唯道是履名大丈夫於是寂然在定至三月二十日乃化閱世六十有三坐四十有二夏

贊曰巖頭曰但識綱宗本無寔法玄言語忌十成不欲斷絕機忌觸犯不欲染汙者綱宗也至引法華以證成明佛祖之密說泮然無疑藉教以悟宗夫豈虛語哉余至九峯拜其塔碑已斷壞不可識有木碑書其略如此耳今其宗枝皆不及玄所示綱宗何也

南康雲居齊禪師

禪師名道齊生金氏南昌人也幼依百丈明照禪師得度種性猛利經行燕坐以未明已事爲憂持一鉢徧歷叢林學心不息時法燈禪師住南昌上藍齊往依之法燈使知藏司法燈偶見齊呼曰每見舉祖師西來意話藏主如何商略齊曰不東不西法燈曰若與麼會了無交涉曰未審尊意如何法燈良久曰西來有甚意便去齊於是頓悟其旨初住高安大愚有搜立拈古代別之語盛行諸方號東禪嘗謂門弟子

曰達磨言此方經唯楞伽可以印心吾讀此經偈曰諸法無法體而說唯是心不見於自心而起於分別可謂大慈悲父如實極談我輩自不領受背負恩德如恒河沙或問曰然則見自心遂斷分別乎齊曰非然也譬如調馬馬自見其影而不驚何以故以自知其影從自身出故吾以是知不斷分別亦捨心相也祇今目前如實而觀不見纖毫祖師曰若見現在過去未來亦應見若不見過去未來現在亦不應見此語分明人自迷昧或又問龍濟曰一切鐘鼓本無聲如何信之無聲齊曰祖師曰如鼓聲無有作者無有住處畢竟空故但誑凡夫耳若鼓聲是實有鐘聲俱擊應不相參所以玄沙曰鐘中無鼓響鼓中無鐘聲鐘鼓不交參句句無前後若不當體寂滅如何得句句無前後耶後移住幽谷山雙林禪院又遷住雲居凡二十年至道三年丁酉九月示疾八日申時令擊鐘集衆維那白衆已集齊笑叙出家本末揖謝輔弼叢席者曰今日老僧以風火相逼特與諸人相見且向什麼處見向四大五陰處見耶六入十二處見耶

是種種處不可見則只今相問者是誰若真見得可謂後學有賴良久曰吾化後當以院事累契瓊乃化閱世六十有九坐四十有八夏

贊曰余讀大愚東禪碑載齊悟契之緣法燈曰西來有甚意以校傳燈曰他家自有兒孫在之語誤也昔有僧問趙州如何是祖師西來意答曰庭前柏樹子又隨而誡之曰汝若肯我與麼道我則辜負汝汝若不肯我與麼道我則不辜負汝而昧者勸之使古人之意不完爲害甚矣故併錄之

瑞鹿先禪師

祖師名本先生鄭氏温州永嘉人也兒稚不甘處俗去依集慶院沙門某年二十五爲沙彌詣天台國清寺受滿分戒卽造韶國師服勤十年住瑞鹿寺足不歷城邑手不度財帛不設臥具不衣繭絲卯齋終日宴坐申旦誨誘門弟子踰三十年其志彌厲謂衆曰吾初見天台言下便薦然千日之內四威儀之中似物礙膺如讎同處一日忽然猛省譬如洗面摸著鼻孔作偈三首曰非風幡動仁心動自古相傳直至今

今後水雲人欲曉祖師真是好知音又曰若是見色便見心人來問著方難答若求道理說多般辜負平生三事衲又曰曠大劫來只如是如是同天亦同地同地同天作麼形作麼形兮無不是乃又曰華嚴稱佛身充滿於法界是真箇也無且如佛身既已充滿法界菩薩界緣覺聲聞界人天修羅界餓鬼畜生地獄界應無處躡如是理論太煞聲訛尋常說諸法所生唯心所現且道卽今五根所對六境與汝是同耶是別耶同則何不作一塊別則如何說唯是一心大須著精彩佛法不是等閑大中祥符元年二月謂門弟子如畫曰爲我造箇卵塔塔成我行矣八月望日畢工遠近道俗造山唯恐其後是日如平居至午時安坐方丈手結寶印謂如畫曰古人曰騎虎頭揀虎尾中央事作麼生如畫曰也祇是如畫先曰汝聞我如畫乃問騎虎頭揀虎尾中央事作麼生先曰我也弄不出於是奄然開一目微視而寂閱世六十有七坐四十有二夏長吏以其事聞有詔本州常加檢視如畫乃奉其平生所著竹林集十卷詩辭千餘首詣

關上進詔藏秘閣如畫特賜紫衣

贊曰讀先傳校傳燈語句詳略少異耳夫自心非外有妄盡而自返則於生死之際超然自得如此然余每怪前聖平日機辯皆不可犯至臨終之日皆弭光混氣洞山曰吾閑名已謝臨濟曰誰知吾正法眼藏向這瞎驢邊滅今先又曰我也弄不出嗚呼其有旨要乎

禪林僧寶傳卷第七

禪林僧寶傳卷第八

宋明白庵居沙門 惠洪 撰

圓通緣德禪師

禪師名緣德生杭州臨安黃氏年十七師事東山老宿勤公剃髮受具神觀靖深中空外夷以精進爲佛事年二十四徧游諸方爛熳叢席至襄州清谿謁進禪師接遲不去久之江南李氏有國日德混跡南昌之上藍寺楚國宋公齊丘至於經堂僧衆趨迎德閱

經自若宋公傍立脫之德不甚顧答宋公問上座看甚經德舉示之宋公異焉力請住舍利幽谷雙嶺諸刹德無所事去留所至頽然默坐而已而學徒自成規矩平生著一衲裙以繩貫其褶處夜申其裙以當被後主聞其名致至金陵問佛法大意留禁中又創寺以居之昭惠后以其子宣城公薨施錢建寺於廬山之陰石耳峯之下開基日得金像觀世音於地中賜名圓通焉 本朝遣使問罪江南後主納土矣而胡則者據守九江不降大將軍曹翰部曲渡江入寺禪者驚走德淡坐如平日翰至不起不揖翰怒呵曰長老不聞殺人不眨眼將軍乎德熟視曰汝安知有不懼生死和尙耶翰大奇增敬而已曰禪者何爲而散德曰擊鼓自集翰遣裨校擊之禪無至者翰曰不至何也德曰公有殺心故爾德自起擊之禪者乃集翰再拜問決勝之策德曰非禪者所知也太平興國二年十月七日升堂曰脫離世緣乃在今日以衲衣并所著木屐留付山中使門人累青石爲塔曰他日塔作紅色吾再至也乃化閱世八十坐六十有三夏

證曰道濟禪師

南塔光湧禪師

禪師名光湧豫章豐城章氏子母乳之夕神光照庭
厩馬皆驚因以光湧名之七歲誦詩禮曉大義十三
學經論輒能講解開元寺有尊宿史忘其名有異能
解見湧嘆曰法中俊人也以維摩經旨決授之時仰
山寂禪師住南昌之石亭寺湧父事之得度十九詣
襄州壽山寺載律師受滿分戒北游謁臨濟臨濟曰
汝師明眼乃不事之遠游何爲湧因南歸執勤累歲
先是石亭見來參者必問曰來作麼曰禮覲和尚又
問還見和尚麼曰見又問和尚何似驢參者無能對
脫對亦不契忽問湧湧對曰光湧見和尚亦不似佛
石亭曰若不似佛似箇什麼湧曰若更有所以與驢
何別石亭大驚曰凡聖兩忘情盡體露吾以此語驗
人已二十年無決了者噫子真利根當自保任吾不
能盡子異日當自知耳指以謂人曰此子肉佛可以
化人也石亭歿湧然第二指以報法又然第二指以
報親僞唐天祐元年南昌帥南平王鍾傳盡禮迎至

府使至不起於是州牧縣尹至不起道俗頓集亦不
起乃共訴之曰師不起貽郡縣之咎於是不得已從
之遂嗣石亭法席學者歸之如雲十四年秋還仰山
僞唐昇元二年夏無疾而化閱世八十有九坐七十
夏

洞山守初禪師

禪師名守初出於傅氏鳳翔長原人也兒時聞鐘梵
聲輒不食危坐終日母呂試之不餵亦不索年十六
跪白求出家呂許之依渭州崆峒沙門志諗剃髮詣
涇州舍利律師淨圓受具足戒始游律肆執卷坐睡
棄去歷咸秦自襄漢南至長沙坐夏夏休詣雲門偃
禪師偃問近離何處對曰查渡又問夏在何處對曰
湖南報慈又問幾時離對曰八月二十五偃曰放汝
三頓棒初罔然良久又申問曰適來祇對不見有過
乃蒙賜棒實所不曉偃呵曰飯袋子江西湖南便爾
商略初默悟其旨曰他日正當於無人煙處不畜粒
米飯十方僧即日辭去北抵襄漢僞漢乾祐元年衆
請住洞山禪其律居謂學者曰語中有語名爲死句

語中無語名爲活句。諸方只具啐啄同時。眼不具啐啄同時。用到此實難得人。但愛不動一塵不撥一境見事。便道若此輩。東西南北不知其數。要得脫略窠臼。活人眼目。不道都無。但可言少。皆坐不達根原。落在陰界。妄以爲安。下知陷在死水。弄箇無尾胡孫。臘月三十日鼓已打破。胡孫走却。手脚忙亂。悔無所及。若是衲僧。凍殺饑殺。終不著渠。楊臭布衫。本朝大平興國六年。尚書石公襄帥趙公。交章奏初有道行化于此邦。補助聖化。有旨賜徽號紫伽梨旌異之。住山四十年。道徧天下。淳化元年秋七月。無疾跏趺而化。閱世八十有一。坐六十有五夏。

南安嚴嚴尊者

禪師諱自嚴。生鄭氏泉州同安人也。年十一棄家依建興臥像寺沙門契緣爲童子。十七爲大僧。游方至廬陵。謁西峯耆宿雲豁。豁者清涼智明禪師高弟。雲門嫡孫也。太宗皇帝嘗詔至闕。館於北御園舍中。習定久之。懇之還山。公依止五年。密契心法。辭去渡懷仁江。有蛟每爲行人害。公爲說偈誡之。而蛟輒去。

過黃楊峽。渴欲飲。會溪涸。公以杖撻之。而水得。父老來聚觀。合爪以爲神。公遯去。武平南黃石巖多蛇虎。公止住。而蛇虎可使令。四遠聞之大驚。爭敬事之。民以兩陽男女禱者。隨其欲。應念而獲。家盡其像。飲食必祭。鄰寺僧死。公不知法。當告官。便自焚之。吏追捕坐庭中。問狀不答。索紙作偈曰。雲外野僧死。雲夜野僧燒。二法無差互。菩提路不遙。而字畫險勁如擘窠。大篆。吏大怒。以爲狂且慢。已去。僧伽黎曝日中。旣得釋。因以布帽其首。而衣以白服。公恨所說法聽者疑信半。因不語者六年。嚴寺當輸布。而民歲代輸之。公不忍折簡置布束中。祈免吏張曄歐陽程者相顧怒甚。追至問狀。不答。以爲妖火。所著帽明鮮。又索紙作偈曰。一切慈忍力。皆吾心。所生王官苦拘束。佛法不流行。自是時亦語去。游南康槃古山。先是西竺波利尊者經始識曰。却後當有白衣菩薩來。與此山公住三年。而成叢林。乃還南安江南眠棧。爲行舟礙。公舟過焉。摩挲之曰。去去莫與人爲家。棧一夕蕩除之。有僧自惠州來曰。河源有巨舟。著沙萬牛。挽不可動。願

得以載輶建塔于南海爲衆生福田公曰此陰府之物然付汝偈取之偈曰天零瀾水生陰府船王移莫立沙中久納福修菩提僧卽舟倡偈而舟爲動萬衆權呼至五羊有巨商從借以載僧許之方解纜俄風作失舟所在有沙彌無多聞性而事公謹愿公憐之作偈使誦久當聰明偈曰大智發於心於心何處尋成就一切義無古亦無今於是世間章句吾伊上口公示人多以偈然題贈以之中四字於其後莫有識其旨者異跡甚著所屬狀以聞詔佳之宰相王欽若大參趙安仁已下皆獻詩公未嘗視置承塵上而已淳化乙卯正月初六日集衆曰吾此日生今正是時遂右脇臥而化閱世八十有二坐六十有五夏諡曰定光圓應禪師

贊曰圓通誦曹將軍而不屈問軍旅事而不答此其識能知宗也南塔初不受南平王之請及聞移福及人因屑就之此其行高一世也學者囿於法愛故初公語分生死所以發其機至於定應則全提大用於其化時曰吾此日生於化時而曰生最後之訓也臨

禍福死生之際能如彼四老人則正宗已墜之綱尙可理也

禪林僧寶傳卷第八

禪林僧寶傳卷第九

宋明白庵居沙門 惠洪 撰

龍牙居遜禪師

禪師名居遜生於郭氏撫州南城人也年十四依吉州滿田寺剃落又六年詣嵩嶽受具遜風骨癯甚視瞻凝遠性夷粹語論英發初謁翠微不契至臨濟亦不契乃造洞山悟本份禪師問如何是祖師西來意份曰待洞水逆流卽告汝道遜豁然大悟研味其旨悲欣交集服勤八年日增智證份稱其能馬氏方據有長沙興崇梵坊聞遜名請說法于龍牙法濟禪寺僧問如何是道遜曰無異人心又曰夫言修道者此是勸諭之詞接引之語從上已來無法與人只是相承種種方便爲說出意旨令識自心究竟無法可得

無道可修故云菩提道自然今言法者是軌持之名道是衆生體性未有世界早有此性世界壞時此性不滅喚作續流之性常無變易作麼生可持以與人又可作意而修得哉僧又問如何是祖師西來意遜曰待石鳥龜解語卽向汝道進曰石龜語也曰向汝道什麼其僧亦悟又僧問大庾嶺提不起時如何遜曰六祖爲什麼將得去又問維摩掌擎世界未審維摩在什麼處立遜曰汝道維摩掌擎世界其對機峻峭無滲漏類如此僞梁龍德五年癸未八月示疾九月十三日夜半有大星殞于方丈前詰旦加趺而化閱世八十有九坐六十有九夏

贊曰予觀龍牙偈曰學道先須有悟由還如曾關快龍舟雖然舊閣閑田地一度贏來方始休君若隨緣得似風吹沙走石不勞功但於事上通無事見色聞聲不用聾皆清深精密如其爲人疑問翠微臨濟祖意度禪板蒲團機語在已見洞山之後雪竇以瞎龍死水罪之龍牙聞之必大笑

永明智覺禪師

智覺禪師者諱延壽餘杭王氏子自其兒稚知敬佛乘及冠日一食誦法華經五行俱下誦六十日而畢有羊群跪而聽年二十八爲華亭鎮將嘗舟而歸錢塘見漁船萬尾戢戢惻然意折以錢易之放于江裂縫掖投翠崑永明禪師岑公學出世法會岑遽止龍冊寺吳越文穆王聞其風悅慕聽其棄家爲剃髮自受具衣不緇纈食無重味持頭陀行嘗習定天台天柱峯之下有鳥類尺鷃巢衣襦中時詔國師眼目出閭北面而師事之詔曰汝與元帥有緣它日大作佛事惜吾不及見耳初說法於雪竇山建隆元年忠懿王移之于靈隱新寺爲第一世明年又移之于永明寺爲第二世衆至二千人時號慈氏下生指法以佛祖之語爲銓準曰迦葉波初聞偈曰諸法從緣生諸法從緣滅我師大沙門嘗作如是說此佛祖骨髓也龍勝曰無物從緣生無物從緣滅起唯諸緣起滅唯諸緣滅乃知色生時但是空生色滅時但是空滅譬如風性本不動以緣起故動儻風本性動則寧有靜時哉密室中若有風風何不動若無風遇緣卽起非

特風爲然一切法皆然維摩謂文殊師利曰不來相而來不見相而見文殊乃曰如是居士若來已更不來若去已更不去所以者何來者無所從來去者無所至所可見者更不可見此緣起無生之旨也僧問長沙偈曰學道之人未識真只爲從來認識神無始時來生死本癡人喚作本來人豈離識性別有真心耶智覺曰如來世尊於首楞嚴會上爲阿難揀別詳矣而汝猶故不信阿難以推窮尋逐者爲心遭佛呵之推窮尋逐者識也若以識法隨相行則煩惱名識不名心也意者憶也憶想前境起於妄並是妄識不干心事心非有無有不染心非垢淨垢淨不汙乃至迷悟凡聖行住坐臥並是妄識非心也心本不生今亦不滅若知自心如此於諸佛亦然故維摩曰直心是道場無虛假故智覺以一代時教流傳此土不見大全而天台賢首慈恩性相三宗又互相矛盾乃爲重閣館三宗知法比丘更相設難至波險處以心宗旨要折中之因集方等秘經六十部西天此土聖賢之語三百家以佐三宗之義爲一百卷號宗鏡錄

天下學者傳誦焉僧問如和尚所論宗鏡唯立一心之旨能攝無量法門此心含一切法耶生一切法耶若生者是自生歟從他而生歟共生無因而生歟答曰此心不縱不橫非他非自何以知之若言含一切法卽是橫若言生一切法卽是縱若言自生則心豈復生心乎若言他生卽不得自矧曰有他乎若言共生則自他尙無有以何爲共哉若言無因而生者當思有因尙不許言生況曰無因哉僧曰審非因性所生則世尊云何說意根生意識心如世盡師無不從心造然則豈非自生乎又說心不孤起必藉緣而起有緣思生無緣思不生則豈非他生乎又說所言六觸因緣生六受得一切法然則豈非共生乎又說十二因緣非佛天人修羅作性自爾故然則豈非無因而生乎智覺笑曰諸佛隨緣差別俯應群機生善破惡令人第一義諦是四種悉檀方便之語如以空拳示小兒耳豈有實法哉僧曰然則一切法是心否曰若是卽成二僧曰審爾則一切不立俱非耶曰非亦成二汝豈不聞首楞嚴曰我真文殊無是文殊若有

是者則二文殊然我今日非無文殊於中實無是非
二相僧曰既無二相宗一可乎曰是非既乖大旨一
二還背圓宗僧曰如何用心方稱此旨曰境智俱亡
云何說契僧曰如是則言思道斷心智路絕矣曰此
亦強言隨他意轉雖欲隱形而未忘跡僧曰如何得
形迹俱忘曰本無朕跡云何說忘僧曰我知之矣要
當如人飲水冷暖自知當大悟時節神而明之曰我
此門中亦無迷悟明與不明之理撒手似君無一物
徒勞辛苦說千般此事非上根大器莫能荷擔先德
曰盡十方世界竟一人爲伴無有也又曰止是一人
承紹祖位終無第二人若未親到護疲神思借曰玄
之又玄妙之又妙但是方便門中旁贊助入之語於
自己分上親照之時反視之皆爲魔說虛妄浮心多
諸巧見不能成就圓覺但以形言迹文彩生時皆是
執方便門迷真實道要須如百尺竿頭放身乃可耳
僧曰願乞最後一言曰化人問幻士谷響答泉聲欲
達吾宗旨泥牛水上行又嘗謂門弟子曰夫佛祖正
宗則真唯識纔有信處皆可爲人若論修證之門則

諸方皆云功未齊於諸聖且教中所許初心菩薩皆
可比知亦許約教而會先以聞解信入後以無思契
同若入信門便登祖位且約現今世間之事衆世界
中第一比知第二現知第三約教而知第一比知者
且如卽今有漏之身夜皆有夢夢中所見好惡境界
憂喜宛然覺來牀上安眠何曾是實並是夢中意識
思想所爲則可比知覺時之事皆如夢中無實夫過
去未來現在三世境界元是第八阿賴耶識親相分
唯是本識所變若現在之境是明了意識分別若過
去未來之境是獨散意識思惟夢覺之境雖殊俱不
出於意識則唯心之旨比況昭然第二現知者卽是
對事分明不待立況且如現見青白等物時物本自
虛不言我青我白皆是眼識分與同時意識計度分
別爲青爲白以意辨爲色以言說爲青皆是意言自
妄安置以六塵鈍故體不自立名不自呼一色既然
萬法咸爾皆無自性悉是意言故曰萬法本閑而人
自關是以若有心起時萬境皆有若空心起處萬境
皆空則空不自空因心故空有自不有因心故有既

雲居簡禪師

非空非有則唯識唯心若無於心萬法安寄又如過去之境何曾是有隨念起處忽然現前若想不生境亦不現此皆是衆生日用可以現知不待功成豈假修得凡有心者並可證知故先德曰如大根人知唯識者恒觀自心意言爲境此初觀時雖未成聖分知意言則是菩薩第三約教而知者大經云三界唯心萬法唯識此是所現本理能證正宗也智覺乘大願力爲震旦法施主聲被異國高麗遣僧航海問道其國王投書叙門弟子之禮奉金絲織成伽黎水精數珠金澡餅等并僧三十六人親承印記相繼歸本國各化一方以開寶八年乙亥十二月示疾二十六日辰時焚香告衆跏趺而化明年正月六日塔于大慈山閱世七十有二坐四十有二夏

贊曰予初讀自行錄錄其行事日百八件計其貌狀必枯悴廋劣及見其畫像凜然豐碩眉目秀拔氣和如春味其平生如千江之月研其說法如禹之治水孔子之聞韶舜之射王良之御孫子之用兵左丘明太史公之文章嗚呼眞乘悲願而至者也

禪師名道簡其先范陽人史失其氏天姿粹美閑靜寡言童子剃落受滿分戒徧游叢席造雲居謁膺禪師膺與語連三日大奇之而誠令刻苦事衆於是簡躬探井臼司樵爨徧掌寺務不妨商略古今衆莫有知者以臘高爲堂中第一座先是高安洞山有神靈甚膺公住三峰時受服役既來雲居神亦從至舍於枯樹之下而樹茂號安樂樹神屬膺將順寂主事僧白日和尙卽不諱誰可繼者曰堂中簡主事僧意不在簡謂令揀選可當說法者僉曰第二座可然且攝禮先請簡簡豈敢當也旣申請簡無所辭讓卽自持道具入方丈攝衆演法自如主事僧大沮簡知之一夕遁去安樂樹神者號泣詰旦衆追至麥莊悔過迎歸聞空中連呼曰和尙來也僧問如何是和尙家風曰隨處得自在問維摩豈不是金粟如來曰是曰爲什麼却在釋迦會下聽法曰他不爭人我問如何是朱頂王菩薩曰問這赤頭漢作麼問橫身蓋覆時如何曰還蓋得麼問蚰子爲什麼吞却蚰師曰在理何

傷問諸佛道不得處和尚還道得麼曰汝道什麼處諸聖道不得問路逢猛虎時如何曰千人萬人不逢偏汝便逢問獨宿孤峰時如何曰閑著七間僧堂不宿阿誰教汝孤峰獨宿問古人云若欲保任此事直須向高高山頂立深深海裏行意旨如何曰高峰深海迥絕孤危似汝閨閣中軟暖麼又問叢林多好論尊貴邊事如何曰要汝知大唐天子不書斷會麼簡契悟精深履踐明驗而對機應物度越格量天下宗之師壽八十餘無疾而化廬州帥張崇爲建塔于本山

贊曰大陽明安嘗疏藥山之語曰高高山頂上標不出深深海底藏不沒其兒孫遵承之以爲妙得其旨及聞雲居之言則如真虎踞地而吼百獸震恐乃悟明安所示蓋裴旻之虎也予爲作偈曰高高山頂上立深深海底道人行立處塵世有誰爭無間功不立渠儂尊貴生訓君顛倒欲枯木一枝榮

禪林僧寶傳卷第九

禪林僧寶傳卷第十

宋明白庵居沙門 惠洪 撰

重雲暉禪師

禪師名智暉咸秦人生高氏童稚時至精舍輒留止如家圭峯溫禪師見而異之爲剃髮年二十受滿足戒師事高安白水本仁禪師十年而還洛京愛中灘佳山水創屋以居號溫室院日以施水給藥爲事人莫能淺深之梁開平五年忽欲還圭峯山行惴然深往坐巖石間如常寢處顧見磨礱數珠銅餅椶笠藏石壁間觸之卽懷斂目良久曰此吾前身道具也因就其處建寺以醺夙心方薤草有祥雲出衆峯間遂名曰重雲虎豹引去有龍湫險惡不可犯暉督役夷塞之以爲路龍亦移他處但見雲雷隨之後唐明宗聞而佳之賜額曰長興住持餘四十年節度使王彥超徵時嘗從暉游欲爲沙門暉熟視曰汝世緣深當爲我家垣牆彥超後果鎮永興申弟子之禮周顯德三年夏詣永興與彥超別囑以護法彥超泣曰公遂忍棄弟子乎暉笑曰借千年亦一別耳七月二十四

曰書偈一首曰我有一間舍父母爲修蓋往來八十年近來覺損壞早擬移別處事涉有憎愛待他摧毀時彼此無妨礙乃跏趺而化閱世八十有四坐六十有四夏初暉居中灘有病比丘爲衆惡棄之比丘哀曰我以夙業白癩師能爲我洗摩暉爲之無難色俄有神光異香方訝之忽失所在歸視瘡痂亦皆異香也

瑞龍璋禪師

禪師名幼璋唐相國夏侯孜之猶子也大中初伯父司空出鎮廣陵璋方七歲游慧照寺聞誦妙法蓮華經於是跪伯父前求出家伯父難之璋因不飲食不得已許之依慧遠禪師剃髮又十年受具足戒年二十五游方至高安見白水又謁署山二大老皆器許焉咸通十三年見騰騰和尚者於江陵騰騰囑曰汝往天台尋靜而居遇安卽止已而又見憨憨和尚者憨拊之曰汝却後四十年有巾子山下菩薩王於江南于時我法乃昌遂去璋至天台山於靜安鄉建福唐院已符騰騰之言又住隱龍院中和四年浙東饑

疫璋於溫台明三郡收瘞遺骸數千時謂悲增大士乾寧中雪峯嘗見之以櫻欄拂子授璋而去天祐三年錢尙父遣使童建齋衣服香藥入山致請至府署志德大師館于功臣院日夕問道辭還山尙父不可乃建瑞龍寺於城中以延之禪者雲趨而集又契憨愁之語嘗謂門弟子曰老僧頃年游歷江外嶺南荆湖但有知識叢林無不參問來蓋爲今日與諸人聚會各要知箇去處然諸方終無異說只教諸人歇却狂心休從他覓但隨方任真亦無真可任隨時受用亦無時可用設垂慈苦口且不可呼畫作夜更饒善巧終不能指東爲西脫或能爾自是神通作怪非干我事若是學語之流不自省已知非直欲向空裏採花波中取月還著得心力麼汝今日各自退思忽然肯去始知瑞龍老漢事不獲已迂迴太甚還肯麼天成二年丁亥四月璋從尙父乞墳尙父笑曰師便爾乎遣陸仁璋者擇地於西關建塔塔畢璋往辭尙父囑以護法卹民還安坐而化閱世八十有七坐七十七夏詔改天台隱龍爲隱迹云

林陽端禪師

禪師名志端福州俞氏子受業於南澗寺年二十四謁安國弘瑫禪師有僧問萬象之中如何獨露身瑫舉一指其僧惘然而退端忽契悟至夜啓瑫曰今日見和尚一指乃知和尚用處瑫曰汝見何道理端亦舉一指瑫笑令去尋住林陽問如何是祖師西來意曰木馬走似煙石人越不及問如何是佛法大意曰竹箸一文一雙有僧夜至方文端以衲蒙首僧忽牽衲問誰僧曰某乙端曰泉州沙糖船上檣榔僧不解端瞠目曰會麼曰不會曰汝若會即廓清五蘊吞盡十方又謂門弟子曰佛法無許多般但凡聖一真猶存見隔見存卽凡情忘卽佛教中謂之稱性緣起則俯仰進止屈申謙敬無一法可轉變有生住異滅相況我祖師門下合作何理論開寶元年八月作偈曰來年二月二與汝暫相棄蘇灰散長江勿占檀那地道俗皆寫記之越明年正月二十八日郡人竟入山二月一日太守亦至從官騶史偵伺信宿如市二日飯罷端升座叙行脚本末辭衆有長老應圓者出衆問

日雲愁霧慘大衆嗚咽未當告別願賜一言端垂一足進曰法鏡不臨於此土寶月又照於何方端曰非汝境界曰恁麼則漚生漚滅還歸水師去師來是本常端作噓聲復與數僧齏答罷歸方丈至亥時問衆曰世尊滅度時節是何日對曰二月十五日子時端曰吾今日子前於是泊然而化閱世七十八坐六十夏

雙峯欽禪師

禪師名竟欽益州人生鄭氏少爲大僧於峨眉谿山黑水寺出蜀南抵韶石雲門得心法卽就雙峯之下創精舍以居號興福開堂之日匡眞禪師躬臨證明僧問賓頭盧應供四天下還徧也無欽曰如月入水又問如何是用而不雜欽曰明月堂前垂玉露水精殿裏撒眞珠於是匡眞以謂類已加敬焉太平興國二年三月謂門弟子曰吾不久去汝矣可砌箇卵塔五月二十三日工畢欽曰後日子時行矣及期適雲門爽禪師溫門舜峯諸老夜話侍者報三更欽索香焚之合掌而化閱世六十有八坐四十有八夏

九峯詮禪師

禪師名道詮生劉氏吉州安福人也童子便棄家師事思禪師思爲剃落受具足戒聞長沙慧輪禪師道價思一見之時馬氏竊據荆楚與建康接壤詮年二十餘結友冒險造焉會馬氏滅劉言有其地以王逵代劉言領其事逵見詮輩疑以爲江表讎者捕縛欲投江中詮怡然無怖逵異之以問輪曰此道人視死如見鼻端何種人乃能爾輪曰彼蓋爲法忘軀之人聞老僧虛名故來決擇耳逵釋之加敬詮傲然而去依延壽十年輪歿詮還廬山乾德初庵於東南牛首峯之下開寶五年洪帥林仁肇請住九峯賜大沙門僧問承聞和尚親見延壽來是否詮曰山前麥熟也未問九峯山中還有佛法也無詮曰有曰如何是九峯山中佛法詮曰石頭大底大小底小問如何是學人自己詮曰牀窄先臥粥稀後坐問古人云不是風動不是幡動如何詮曰明日路口有市太平興國元年南康牧張南金遷以居歸宗雍熙二年十一月二十八日中夜跏趺辭衆而化闍世五十有六坐三十

夏

龜洋忠禪師

禪師名慧忠泉州人生陳氏幼依龜洋山得度游方至華州謁草庵法義道人留十餘年南還舊山痛自韜晦會昌初詔天下廢釋氏教及宣宗卽位詔重興之而忠笑曰仙去者未必受錄成佛者未必須僧遂過中不食不宇而禪迹不出山者三十年以三偈自見曰雪後始知松栢操雲收方見濟淮分不因世主令還俗那辨雞群與鶴群多年塵土自騰騰雖著伽黎未是僧今日歸來釀本志不妨留髮候然燈形容雖變道常存混俗心源亦不昏試讀善財巡禮偈當時豈例是沙門謂門弟子曰衆生不能解脫者情累耳悟道易明道難問如何得明道去忠曰但脫情見其道自明矣夫明之爲言信也如禁地人信其呪力藥力以地縮弄揣懷袖中無難未知呪藥等力者怖駭棄去但諦見自心情見便破今千疑萬慮不得用者是未見自心者也忽索香焚罷安坐而化全身葬於無了禪師塔之東後數年塔忽自圻裂連階

丈餘寺將發僧視之是夜宴寂中見無了禪師曰不必更發也今爲沈陳二眞身無了生沈氏見馬祖云贊曰近世以身徇法如此數老者鮮矣予觀其言皆約而明校其履踐誠而不雜故能於死生之際明驗昭著然初不聞儼臨萬衆四事供養者也

禪林僧寶傳卷第十

禪林僧寶傳卷第十一

宋明白庵居沙門 慧洪 撰

洞山聰禪師

禪師名曉聰生杜氏韶州曲江人少依雲門寺得度頭骨嶮然一幘閱寒暑周游荆楚飫厭保社與衆作息無有識之者在雲居時傳僧伽在維揚於是禪者立問曰既是泗州僧伽因什麼揚州出現聰婆娑從旁來衆戲使對之聰曰君子愛財取之有道衆目笑之蓮花峯祥庵主聞此語驚曰雲門兒孫猶在耶夜敷坐具望雲居拜之叢林遂知名至洞山依詮禪師

一 無天字

大中祥符二年詮移住栖賢以聰繼席果嗣文殊應天眞禪師眞見圓明密雲門四世孫也聰見僧來有所問輒瞋目視之曰我擊虎術汝不會去一日自荷柴登山僧逆之問曰山上住爲什麼山下擔柴答曰山上也要柴燒雲居舜老夫時年少聰使乞食郭渚有居士問古鏡未磨時如何曰黑如漆曰磨後如何曰照天照地居士笑曰道人不自洞山來耶舜默慙聰歸舉似聰聰代前語曰此去漢陽不遠代後語曰黃鶴樓前鸚鵡洲舜因悟其旨聰示衆曰一大藏教是箇之字祖師西來是右字或作手作麼生是正義良久曰天晴蓋却屋趙閑打却禾輪納王租了鼓腹自高歌手植萬松於東嶺而誦金剛般若經山人名其嶺曰金剛方植松而寶禪師至時親自五祖來聰問上嶺一句作麼生道實曰氣急殺人聰挂鑊呵曰從何得此隨語生解阿師見問上嶺便言氣急佛法却成流布寶請代語聰曰何不道氣喘殺人逍遙問嶺在此金剛在什麼處聰指曰此一株松是老僧親栽初比部郎中許公式出守南昌過蓮花峯聞祥公

曰聰道者在江西試尋訪之此僧人天眼目也許公
既至聞聰住山家風作詩寄之曰語言渾不滯高躡
祖師蹤夜坐連雲石春栽帶雨松鏡分金殿燭山答
月樓鐘有問西來意虛堂對遠峯天聖八年六月八
日示疾持不食七日集道俗曰法席當令自賢住持
因與門人叙透法身說偈曰參禪學道莫忙忙問透
法身北斗藏余今老倒庭廡甚見人無力得商量唯
有鋤頭知我道種松時復上金剛言卒而化又七日
闍維得五色舍利塔於西阿

贊曰聰答所問兩句耳而蓮華祥公便知是雲門兒
孫古人驗人何其明也如此子留洞山最久藏中有
聰語要一卷載雲水僧楚圓請益楊億大年百問語
皆赴來機而意在句語之外圓即慈明也初受汾陽
祝令更見聰故慈明參扣餘論尙獲見之嗚呼聰爲
蓮華峰汾陽所知則其人品要當從玄沙稜道者輩
中求也

雪竇顯禪師

禪師名重顯字隱之遂州人太平興國五年四月入

◆解后通選

日生於李氏幼精銳讀書知要下筆敏速然雅志丘
壑父母不能奪竟依益州普安院沙門仁銑爲師落
髮受具出蜀浮沈荊渚間歷年嘗典客大陽與客論
趙州宗旨客曰法眼禪師昔解后覺鍊臂者於金陵
覺趙州侍者也號稱明眼問曰趙州柏樹子因緣記
得否覺曰先師無此語莫謗先師好法眼拊手曰真
自師子窟中來覺公言無此語而法眼肯之其旨安
在顯曰宗門抑揚那有規轍乎時有苦行名韓大伯
者貌寒癯侍其旁輒匿笑而去客退顯數之曰我偶
客語爾乃敢慢笑笑何事對曰笑知客智眼未正擇
法不明顯曰豈有說乎對以偈曰一兔橫身當古路
蒼鷹才見便生擒後來獵犬無靈性空向枯椿舊處
尋顯陰異之結以爲友顯盛年工翰墨作爲法句追
慕禪月休公嘗游廬山棲賢時謁禪師居焉簡嚴少
接納顯磊直不合作師子峯詩譏之師子峯在棲賢之後曰踞
地盤空勢未休爪牙安肯混常流天教生在千峯上
不得雲攀也出頭顯與齊岳者爲侶同謁五祖戒禪
師顯休於山前莊遺岳先往機語不契顯亦竟不見

北游至復州北塔祚禪師者香林遠公嫡子雲門之孫也祚遠皆蜀人知見高學者莫能觀其機顯俊邁祚愛之遂留止五年盡得其道顯與學士曾公會厚善相值淮上問顯何之曰將遊錢塘絕西興登天台鴈蕩曾公曰靈隱天下勝處禪師吾故人以書薦顯顯至靈隱三年陸沈衆中俄曾公奉使浙西訪顯於靈隱無識之者時堂中僧千餘使吏檢牀曆物色求之乃至曾公問向所附書顯袖納之曰公意勤然行脚人非督郵也一本曰然行脚人於世無求致希薦達哉曾公大笑珊公以是奇之吳江翠峯虎席舉顯出世開法日顧視大衆曰若論本分相見不必高陞此座乃以手指曰諸人隨山僧手看無量佛土一時現前各各子細觀瞻其或涯際未知不免拖泥帶水於是登坐又環顧大衆曰人天普集合發明何事豈可互分賓主馳騁問答便當宗乘去廣大門風威德自在輝騰今古把定乾坤千聖只言自知五乘莫能建立所以聲前悟旨猶迷顧鑒之端言下知歸尚昧識情之表諸人要識真實相爲麼但以上無攀仰下絕已躬自然常光

現前箇箇壁立千仞還辯明得也無未辯辯取未明明取既辯明得便能截生死流踞佛祖位妙圓超悟正在茲時堪報不報之恩以助無爲之化後住明州雪竇宗風大振天下龍蟠鳳逸衲子爭集座下號雲門中興顯嘗經行植杖衆衲環之忽問曰有尚雲門樹凋葉落時如何曰體露金風雲門答遮僧耶爲解說耶有宗上座曰待老漢有悟處卽說顯熟視驚曰非韓大伯乎曰老漢嘗地也於是令搥鼓衆集顯曰大衆今日雪竇宗上座乃是昔年大陽韓大伯具大知見晦迹韜光欲得發揚宗風幸願特升此座宗遂升座僧問寶劍未出匣時如何曰神光射斗牛又問出匣後如何曰千兵易得一將難求僧退宗乃曰寶劍未出匣神光射斗牛千兵雖易得一將實難求便下座一衆大驚暮年悲學者尋流失源作爲道日損偈曰三分光陰二早過靈臺一點不措磨貪生逐日區區去喚不回頭爭奈何餘敷揚宗旨妙語徧叢林皇祐四年六月十日沐浴罷整衣側臥而化閱世七十三坐五十夏建塔山中得法上首天衣義懷禪師

天衣懷禪師

◆宿下一有
青宿二字

◆學下一有
翠峯二字

禪師名義懷生陳氏温州樂清人也世以漁爲業母夢星殞於屋除而光照戶已而娠及生尤多吉祥兒稚坐父船尾漁得魚付懷懷不忍串之私投江中父怒咎詬甘甜之不以介意長遊京師依景德寺天聖中試經得度懷清癯行步遲緩衆中望見如鶴在雞群時有言法華者不測人也行市井拊懷背曰臨濟德山去懷初未喻問耆宿曰汝其當宏禪宗乎行矣勿滯於此懷初謁荊州金鑾善禪師不契後謁葉縣省禪師又不契東游至翠峯衆盛懷當營炊自汲澗折擔悟旨顯公印可以爲奇辭去久無耗有僧自淮上來曰懷出世鍊佛矣顯使誦提倡之語曰譬如雁過長空影沈寒水雁無遺蹤之意水無留影之心顯激賞以爲類已先使慰撫之懷乃敢通門人之禮然諸方服其精識自鍊佛至天衣五遷法席皆荒涼處懷至必幻出樓觀四事成就晚以疾居池州杉山庵門弟子智才住杭州佛日山迎歸養侍劑藥才如姑蘇未還懷促其歸至門而懷已別衆才問卵塔已畢

如何是畢竟事懷豎拳示之遂倒臥推枕而化閱世七十二坐四十六夏葬佛日崇寧中

勅諡振宗大師

贊曰予觀雪竇天衣父子提唱之語其指示心法廣大分曉如雲廓天布而後之學者失其旨的爭以識情數量義學品目緇穢之譬如燧人氏鑽火將以烹飪饗上帝而秦始皇用之以烹儒焚書豈不誤哉然余聞菩薩宏法爲內外護皆本願力故曾集賢之知雪竇言法華之識天衣疑非苟然者耶

禪林僧寶傳卷第十一

禪林僧寶傳卷第十二

宋明白庵居沙門 惠洪 撰

薦福古禪師

禪師名承古西州人傳失其氏少爲書生博學有聲及壯以鄉選至禮部議論不合有司怒裂其冠從山水中來客潭州丫山見敬玄禪師斷髮從之游已而

●已下一有
自己二字

●風上一有
破知解三字

又謁南嶽雅禪師雅洞山之子知見甚高容以入室
後游廬山經歐峯愛宏覺塔院閑寂求居之清規凜
然過者肅恭時叢林號古塔主初說法於芝山嗣雲
門景祐初范文正公仲淹守饒四年十月迎以住薦
福示衆曰衆生久流轉者爲不明自己欲出苦源但
明取自己者有空劫時自己_意有今時日用自己空劫
自己是根蒂今時日用自己是枝葉又曰一夏將末
空劫已前事還得相應也未若未得相應爭奈永劫
輪迴有何什麼心情學佛法廣求知解風吹入生死
海若是知解諸人過去生中總會學來多知多解說
得慧辯過人機鋒迅疾只是心不息與空劫已前事
不相應因茲惡道輪迴動經塵劫不復人身如今生
出頭來得箇人身在袈裟之下依前廣求知解不能
息心未免六趣輪迴何不歇心去如癡如迷去不語
五七年去已後佛也不奈汝何古德云一句語之中
須得具三玄故知此三玄法門是佛知見諸佛以此
法門度脫法界衆生皆令成佛今人却言三玄是臨
濟門風誤矣汾州偈曰三玄三要事難分古注曰此

句總頌三玄也下三句別列三玄也得意忘言道易
親古注曰此玄_意或作中玄也一句明明該萬象古注
曰此體中玄重陽九日菊花新古注曰此句中玄也
僧問三玄三要之名願爲各各標出古曰三玄者一
體中玄二句中玄三玄中玄此三玄門是佛祖正見
學道人但隨入得一玄已具正見入得諸佛闍域僧
問依何聖教參詳悟得體中玄古曰如肇法師云會
萬物爲自己者其唯聖人乎又曰三界唯心萬法唯
識又曰諸法所生唯心所現一切世間因果世界微
塵因心成體六祖云汝等諸人自心是佛更莫狐疑
外無一法而能建立皆是自心生萬種法又云於一
毫端現寶王刹坐微塵裏轉大法輪如此等方是正
見纔缺纖毫卽成邪見便有剩法不了唯心僧又問
如何等語句及時節因緣是體中玄古曰佛以手指
地曰此處宜建梵刹天帝釋將一莖草插其處曰建
梵刹竟佛乃微笑水潦被馬祖一踏踏倒起曰萬象
森羅百千妙義只向一毫上便識得根源僧問趙州
如何是學人自己州對曰山河大地此等所謂合頭

語直明體中玄正是潑惡水自無出身之路所以雲門誠曰大凡下語如當門劒一句之下須有出身之路若不如是死在句下又南院云諸方只具啐啄同時眼不具啐啄同時用僧進曰有何言句明出身之路古曰如杏山問石室曾到五臺不對曰曾到曰見文殊不對曰見又問文殊向汝道什麼對曰道和尚父母拋在荒艸裏僧問甘泉維摩以手擲三千大千世界於他方意旨如何答曰填溝塞壑僧曰一句道盡時如何答曰百雜碎雲門問僧甚處來曰南嶽來又問讓和尚爲甚入洞庭湖裏僧無對雲門代云謝和尚降尊就卑此等語雖赴來機亦自有出身之路要且未得脫灑潔淨更須知有句中玄僧曰既悟體中玄凡有言句事理俱備何須句中玄古曰體中玄臨機須看時節分賓主又認法身法性能卷舒萬象縱奪聖凡被此解見所纏不得脫灑所以須明句中玄若明得謂之透脫一路向上關捩又謂之本分事祇對更不答話僧曰何等語句是句中玄古曰如此丘問佛說甚法佛云說定法又問明日說甚法佛云

念一無大悲
二字

不定法曰今日爲甚定明日爲甚不定佛曰今日定明日不定僧問思和尚如何是佛法大意答曰廬陵米作麼價又僧問趙州承聞和尚親見南泉來是否答曰鎮州出大蘿蔔頭又問雲門如何是超佛越祖之談答曰餬餅如何是向上關捩曰東山西嶺青又問洞山如何是佛答曰麻三斤若於此等言句中悟入一句一切總通所以體中玄見解一時淨盡從此已後總無佛法知見便能與人去釘楔脫籠頭更不依倚一物然但脫得知見見解猶在於生死不得自在何以故爲未悟道故於他分上所有言句謂之不定答話今世以此爲極則天下大行祖風歇滅爲有言句在若要涉言句須明玄中玄僧曰何等語句時節因緣是玄中玄古曰如外道問佛不問有言不問無言世尊良久外道曰世尊大慈大悲開我迷雲令我得入又僧問馬大師離四句絕百非請師直指西來意答曰我今日無心情但問取智藏僧問智藏曰我今日頭痛問取海兄又問海海曰我到遮裏却不會又臨濟問黃檗如何是佛法的大意三問三被打

●備下一有
若見未圓備
五字

●見下一有
知見二字

此等因緣方便門中以為玄極唯悟者方知若望上
祖初宗即未可也僧曰三玄須得一時圓備有何過
古曰但得體中玄未了句中玄此人常有佛法知見
所出言語一一要合三乘對答句中須依時節具理
事分賓主方謂之圓不然謂之偏枯此人以不忘知
見故道眼未明如眼中有金屑須更悟句中玄乃可
也若但悟句中玄即透得法身然返為此知見奴使
並無實行有憎愛人我以心外有境未明體中玄也
雲門臨濟下兒孫多如此凡學道人縱悟得一種玄
門又須明取玄中玄方能不坐在脫灑路上始得平
穩腳踏實地僧曰既云於祖佛言句棒喝中學何故
有盡善不盡善者古曰一切言句棒喝以悟為則但
學者下劣不悟但得知見是學成非悟也所以認
言句作無事作點語作縱語作奪語作照作用作同
時不同時語此皆邪師過謬非衆生答學者本意只
欲悟道見性為其師不達道祇將知見教渠故曰我
眼本正因師故邪僧曰師論三玄法門名既有三法
門亦有三而語句各各不同如何又言一句之中須

具三玄三要古曰空空法界本自無為隨緣應現無
所不為所以虛空世界萬象森羅四時陰陽否泰八
節草木榮枯人天七趣聖賢諸佛五教三乘外道典
籍世出世間皆從此出故云無不從此法界流究竟
還歸此法界經云一切諸佛及諸佛阿耨多羅三藐
三菩提法皆從此經出楞嚴曰於一毫端現寶王刹
坐微塵裏轉大法輪維摩曰或為日月天梵王世界
主或時作地水或時作火風李長者云於法界海之
智水示作魚龍處涅槃之大宅現陰陽而化物質覺
云一月普現一切水一切水月一月攝三祖云一即
一切一切即一故曰萬法本無攬真成立真性無量
理不可分故知無邊法界之理全體偏在一法一塵
之中華嚴曰法性徧在一切處一切衆生及國土三
世悉在無有餘亦無形相而可得到此境者一法一
塵一色一聲皆具周徧含容四義理性無邊事相
無邊參而不雜混而不一何疑一語之中不具三玄
三要耶僧又進曰古人何故須要一語之中具三玄
三要其意安在哉古曰蓋緣三世諸佛所有言句教

●四一作日

法出自體中玄三世祖師所有言句并教法出自句中玄十方三世佛之與祖所有心法出自玄中玄故祖道門中沒量大人容易領解且如親見雲門尊宿具大聲價如德山密洞山初智門寬巴陵鑒只悟得言教要且未悟道見性何以知之如僧問巴陵提婆宗答曰銀碗裏盛雪問吹毛劍答曰珊瑚枝枝撐著月問佛教祖意是同別答曰雞寒上樹鴨寒下水云我此三轉語足報雲門恩了也更不爲作忌齋大衆雲門道此事若在言句一大藏教豈無言句豈可以三轉語便報師恩乎古臨終寫偈辭衆曰天地本同根鳥飛空無跡雪伴老僧行須彌撼金錫乙酉冬至四靈光一點赤珍重會中人般若波羅蜜

贊曰古說法有三失其一判三玄三要爲玄沙所立三句其二罪巴陵三語不識活句其三分兩種自己不知聖人立言之難何謂三玄三要爲玄沙所立三句耶曰所言一句中具三玄一玄中具三要有玄有要者臨濟所立之宗也在百丈黃蘗但名大機大用在巖頭雪峯但名陷虎却物譬如火聚觸之爲燒青

之非火古謂非是臨濟門風則必有據而言有據何不明書以絕學者之疑不然則是臆說肆爲臆說則非天下之達道也見立三玄則分以爲體中爲句中爲玄中至言三要則獨不分辯乎方議阿學者溺於知見不能悟道及釋一句之中具三要則反引金剛首楞嚴維摩等義證成曰性理無邊事相無邊參而不雜混而不一何疑一語之中不具三玄三要夫叙理叙事豈非知見乎且教乘既具此意則安用復立宗門古以氣蓋人則毀教乘爲知見自宗不通則又引知見以爲證此一失也何謂罪巴陵三語不識活句耶曰巴陵真得雲門之旨夫語中有語名爲死句語中無語名爲活句使問提婆宗答曰外道是問吹毛劍答曰利刃是問祖教同異答曰不同則鑒作死語墮言句中今觀所答三語謂之語則無理謂之非語則皆赴來機活句也古非毀之過矣二失也何謂分二種自己不知聖人立言之難耶曰世尊偈曰陀那微細識習氣如瀑流真非眞恐迷我常不開演以第八識言其爲眞也耶則慮迷無自性言其非眞也

耶則慮迷爲斷滅故曰我常不開演立言之難也爲阿難指示即妄即眞之旨但曰二種錯亂修習一者用攀緣心爲自性者二者識精圓明能生諸緣緣所遺者然猶不欲間隔其辭慮於一法中生二解故古剏建兩種自已疑誤後學二失也

禪林僧寶傳卷第十二

禪林僧寶傳卷第十三

宋明白庵居沙門 惠洪 撰

福昌善禪師

禪師名惟善不知何許人住荊南福昌寺嗣明教寬禪師爲人敬嚴秘重法道初住持時屋廬十餘間殘僧數輩善晨香夕燈陞座說法如臨千衆禪林受用所宜有者咸修備之客至肅然加敬十餘年而衲子方集至百許人善見來者必勘驗之有僧纔入方丈畫有圓相呈善善喝曰遮野狐精其僧便作擻勢以脚拶之三善曰蒿箭子其僧禮拜善便打又問僧近

離甚麼處對曰大別曰在大別多少時對曰三年曰水牯使什麼人作對曰不曾觸他一粒米曰二時喫箇什麼僧無語善便打又問僧近離甚麼處對曰安州曰什麼物與麼來也對曰請師辯著曰驢前馬後漢僧喝之曰驢前馬後漢又惡發作麼僧又喝善便打僧無語善喝云遮瞎驢打殺一萬箇有甚罪過參堂去有僧自號映達磨纔入方丈提起坐具曰展即徧周法界不展即賓主不分展即是不展即是善曰汝平地喫交了也映曰明眼尊宿果然有在善便打映曰奪拄杖打倒和尚莫言不道善曰棺木裏瞠眼漢且坐喫茶茶罷映前白曰適來容易觸忤和尚善曰兩重公案罪不重科便喝去之又問僧近離什麼處對曰承天曰不涉途程道將一句來僧喝之善使打僧以坐具作擻勢善笑曰喪車後掉藥囊又問俗士年多少曰四十四善曰添一減一是多少其人無對善便打乃自代云適來猶記得問超山主名什麼對曰與和尚同名善曰回互不回互對曰不回互善便打又問僧什麼處來對曰遠離兩浙近離鼎州曰夏

在什麼處曰德山曰武陵溪畔道將一句來僧無語乃自代曰水到渠成又問僧什麼處來對曰復州曰什麼物與麼來對曰請和尚試辯看曰禮拜著僧曰喏善曰自領出去三門外與汝二十棒善機鋒峻不可嬰諸方畏服法席追還雲門之風南禪師嘗曰我與翠巖悅在福昌時適病寒服藥出汗悅從禪侶徧借被咸無焉有紙衾者皆以衰老亦可數悅太息曰善公本色作家也

贊曰明教在雲門一日聞白毳曰請師寬充典座明教翻筋斗出衆曰雲門禪屬我矣及住持嘗自外歸首座問曰游山不易明教舉拄杖曰全得渠力首座奪之卽隨倒臥首座掖起度與拄杖明教便打曰向道全得渠力余嘗想見其人今觀善公施爲眞克家子也

大陽延禪師

禪師名警玄祥符中避國諱易爲警延江夏張氏子也其先蓋金陵人仲父爲沙門號智通住持金陵崇孝寺延往依以爲師年十九爲大僧聽圓覺了義經

問講者何名圓覺講者曰圓以圓融有漏爲義覺以覺盡無餘爲義延笑曰空諸有無何名圓覺講者嘆曰是兒齒少而識卓如此我所有何足以益之政如以穢食置寶器其可哉通知之使令游方初謁鼎州梁山觀禪師問如何是無相道場觀指壁間觀音像曰此是吳處士畫延擬進語觀急索曰遮箇是有相如何是無相底於是延悟旨於言下拜起而侍觀曰何不道取一句子延曰道卽不辭恐上紙墨觀笑曰他日此語上碑去在延獻偈曰我昔初機學道迷萬水千山覓見知明今辯古終難會直說無心轉更疑蒙師點出秦時鏡照見父母未生時如今覺了何所得夜放烏雞帶雪飛觀稱以爲洞上之宗可倚延亦自負儕輩莫敢攀奉一時聲價藉甚觀歿辭塔出山至大陽謁堅禪師堅欣然讓法席使主之退處偏室延乃受之咸平庚子歲也謂衆曰廓然去肯重去無所得心去平常心去離彼我心去然後方可所以古德道牽牛向溪東放不免納官家徭稅牽牛向溪西放不免納官家徭稅不如隨分納些些渠總不妨免

致撈擾作麼生是隨分納些些底道理但截斷兩頭有無諸法凡聖情盡體露眞常事理不二卽如佛若能如此者法法無依平等大道萬有不繫隨處轉轆轤地更有何事僧問亡僧遷化向什麼處去延曰亡僧幾時遷化僧曰爭奈相送何延曰紅鑪燄上條絲縷飄飄雲中不點頭見僧種瓜問曰甜瓜何時可熟對曰卽今熟爛也曰揀甜底摘來對曰什麼人喫曰不入園者對曰未審不入園者還喫也無曰汝還識麼對曰雖然不識不得不與延笑曰去其僧後病延入延壽堂看之問曰是身如泡泡幻中成辦若無箇泡泡幻大事無因辦若要大事辦識取箇泡泡幻作麼生對曰遮箇猶是遮邊事延曰那邊事作麼生對曰市地紅輪秀海底不栽花延笑曰乃爾惺惺耶僧喝曰這老漢將謂我志卽興陽剖禪師延神觀奇偉有威重從兒穉中卽日一食自以先德付受之重足不越限脇不至席者五十年年八十坐六十一夏嘆無可以繼其法者以洞上旨訣寄葉縣省公之子法遠使爲求法器傳續之延嘗注釋曹山三種語須明得

轉位始得一日作水牯牛是隨類墮注曰是沙門轉身語是異類中事若不曉此意卽有所滯直是要伊一念無私卽有出身之路二曰不受食是尊貴墮注曰須知那邊了却來遮邊行李若不虛此位卽坐在尊貴三曰不斷聲色是隨處墮注曰以不明聲色故隨處墮須向聲色裏有出身之路作麼生是聲色外一句答曰聲不自聲色不自色故云不斷指掌當指何掌也予嘗作隨類墮偈曰紛然作息同銀碗裏盛雪若欲異牯牛與牯牛何別作尊貴墮偈曰生在帝王家那復有尊貴自應著珍御顧見何驚異作隨處墮偈曰有聞皆無聞有見元無物若斷聲色求木偶當成佛今併系於此延以天聖五年七月十六日陞座辭衆又三日以偈寄王曙侍郎其略曰吾年八十五修因至於此問我歸何處頂相終難觀停筆而化贊曰延嗣梁山觀觀嗣同安志志嗣光同安丕丕嗣雲居膺膺於洞山之門爲高弟也余觀大陽盛時有承嗣兩衲子號稱奇傑卒至於不振惜哉微遠錄公則洞上正脉幾於不續矣嗚呼延之知人可以無愧

也

禪林僧寶傳卷第十三

禪林僧寶傳卷第十四

宋明白庵居沙門 惠洪 撰

神鼎謹禪師

禪師洪謹者襄水人也傳失其氏或云生隱于衡嶽於屈氏之三生藏有湘陰男子邦稱右族來游福嚴即謹室見謹氣貌閑靖一鉢掛壁莫能親疎之傾愛之忘去謂曰師寧甘長客于人亦欲住山乎我家神鼎之下鄰寺吾世植福之地久無住持者可俱往謹笑曰諾乃以已馬馱謹還謹至設魚鼓粥飯如諸方一年而成叢席十年而有衆三十輩僧契嵩少時游焉謹坐堂上受其展指庭下兩小甕咤曰汝來乃其時寺今年始有醬食矣明日將粥一力挾筐取物投僧鉢中嵩晚上下有即咀嚼者有置之自若者嵩袖之下堂出以觀皆碎餅餌問諸耆老曰此寺自來不煮粥脫

有檀越請應供謹次第撥僧赴之祝令攜乾殘者歸納庫下碎焙之均而分俵以當麪也堂頭言汝來適丁其時良然嵩大驚有木牀一夜則謹坐其上三十輩者環之聽其誨語謹曰洞山頌曰貪瞋癡太無知果賴今朝捉得伊行即打坐即毘分付心王子細推無量劫來不解脫問汝三人知不知古人與麼道神鼎即不然貪瞋癡實無知十二時中任從伊行即往坐即隨分付心王無可爲無量劫來元解脫何須更問知不知又嘗曰無量劫來賃屋住至今不識主人公借問諸人還識主人公也未良久云若有人問神鼎向伊道作麼作麼又云不得作主人公話會參智度寺沙門本延謁謹夜語還謂郡將曰謹公所謂本色老宿惜陸沈山中郡以禮請開法謹辭免不得已曰山僧年十八游方亦無正意參禪只欲往東京聽一兩本經論以答平生何期行到汝州忽值風發吹上首山見箇老和尚劈頭槌一槌當時浹背汗流禮却三拜如今思量悔不當初束縛送去首山後却歸鄉井古寺閑房任運過時豈不快哉雖然如是官不容

賊私通車馬。今日有一炷香。也要對衆燒。却供養此老。只是汝州土宜。乃升座問答罷。又曰。齋會已具。僧俗已集。問答已畢。佛法成辦。只將此善上祝。今上皇帝聖壽無疆。便下座。道俗懽呼。以爲未始見也。於是謔聲名普聞。僧問鳥窠侍者。欲往諸方學習佛法。去鳥窠。但吹布毛。便悟去。如何。謔曰。此事卽知此人。久積淨業。曠劫修行。方能了解。乃拈布毛。舉似復吹之曰。會麼。不得辜負老僧良久。曰。我在首山。與汾陽師兄。曾如此說。汾陽作偈曰。侍者初心慕勝緣。辭師擬去學參禪。鳥窠知是根機熟。吹毛當下得心安。看他吐露終是作家。又曾同作拄杖子。偈昭曰。一條拄杖刺蝸頸。直螺紋。爆節尋常。肩上橫擔大地乾坤挑。幹。敲開。槽。鈍。頑。痴。打破。劍。俐。尖。點。如今卓在面前。諸方作麼。拈掇我。卽不與麼。道僧曰。願聞和尚偈。偈曰。得處不在高峯。亦非淺谿深壑。如今幸得扶持老病。是爲依托。僧問。有問首山。如何是佛法大意。答曰。我不將小意對闍梨。謔曰。若有問神鼎。但向道。此一問。豈是小意。會麼。首山大似擔水河頭賣神鼎。只解就

窩裏打。良久。曰。相見不揚眉。君東我亦西。有時示衆曰。雨下階頭濕。晴乾又沒泥。姨姨姊妹嫂嫂阿哥妻。若與麼會得。猶是長連牀上粥飯僧。作麼生道得。一句作箇出格道人。有麼。良久。云。適來有一人爲蛇盡足。踣跳上梵天。壓著帝釋鼻。孔帝釋惡發。雨似盆傾。諸人還覺袈裟濕麼。有僧自汾州來。傳是舉道者謔倚拄杖曰。一朵峯巒上。獨樹不成林。時如何。僧曰。水分江樹淺。遠澗碧泉深。又問作麼生。是回互之機。僧曰。盲人無眼。又問曰。我在衆時。不會汾陽一偈。上座久在法席。必然明了。僧曰。請和尚舉看。謔曰。鷄王飛鳥去。馬頭嶺上住。天高蓋不得。大家總上路。作麼僧舉起坐具。曰。萬年松在祝融峯。謔曰。不要上座答話。試說看。僧曰。忽憶少年曾覽照。十分光彩臉邊紅。卽拂衣去。謔曰。弄巧成拙。僧請益。首山答佛話。謔作偈曰。新婦騎驢阿家牽。誰後復誰先。張三與李四拱手賀。堯年從上諸聖總。皆然起坐。恁恁沒兩般。有問。又須向伊道。新婦騎驢阿家牽。乃又曰。雖然如此。猶未盡首山大意。進曰。如何。盡首山大意。謔曰。天長地久日

月齊明又作偈曰長安甚樂到人稀千聖同源到者方知不是歸方可較直道迥超凡聖外有人不肯在猶是曹谿第二機青霄有路郴州道俗卽山迎謂住王莽山不赴僧問佛不違衆生之願爲甚有請不赴謹曰莫錯怪老僧好有偈曰一月普現一切水一切水月一月攝若人解了如斯意大地衆生無不徹謹德臘俱高叢林尊仰之如古趙州同曰神鼎閑書壁作偈曰壽報七十六千足與萬足若問西來意彼此莫相觸何付囑報你張三李四叔山又青水又綠歿時年八十餘謹少年時與耆宿數人游湘中一僧舉論宗乘頗博敏會野飯山店供辦而僧論說不已謹曰上人言二界惟心萬法惟識惟識惟心眼聲耳色何人之語僧曰法眼大師偈也謹曰其義如何對曰惟心故根境不相到惟識故聲色縱然謹曰舌味是根境否對曰是謹以箸挾菜置口中含胡而言曰何謂相入耶坐者相顧大驚莫能加答謹曰路塗之樂終未到家見解入微不名見道參須實參悟須實悟閻羅大王不怕多語

贊曰不欲爭虛氣於形迹之間唯務收實効於言意之表者愈叟論也予觀神鼎殆庶幾無媿此言得道時未壯隱于南嶽二十年乃領住持事又二十年方開堂說法然皆緣起於他寔非已意譬如夜月行空任運而去至於甘枯淡以遂夙志依林樾以終天年可以追媲其師也

谷山崇禪師

禪師名行崇不知何許人也初住福州報恩寺後住潭州谷山寺嗣保福展禪師雪峯之的孫也崇謂門弟子曰吾雖不在未嘗不爲諸兄弟若委悉報恩嘗爲人處許汝出意想知解五陰身田若委不得猶待報恩開兩片皮方是爲人保汝未出得意想知解所以古人喚作鬼家活計蝦蟆衣下客欲得速疾相應卽如今立地便證驗取識取有什麼罪過不然根思遲回且以日及夜究尋將去忽然一日覩見更莫以少爲足更能研窮究竟乃至姪坊酒肆若觸若淨若好若惡以汝所見事觀教盡是此境界入如入律若更見一法如絲髮許不見此箇事我說爲無明翳障

直須不見有法是別底法方得圓備到遮裏更能翻
 擲自由開合不成痕縫如水入水如火入火如風入
 風如空入空若能如是直下提一口劍刺斷天下人
 疑網一如不作相似所以古人道繁興大用舉必全
 眞若有箇漢到與麼境界誰敢向前說是說非何以
 故此人是箇漢超語限量透出因果一切處管束此
 人不得兄弟若能如是即可若未得如此且直須好
 與莫取次發言吐氣沉墜却汝無量劫莫到與麼時
 便道報恩不道

贊曰洞山清稟禪師作澄心堂錄錄崇語句細味之
 骨氣不減巖頭恨不能多見崇寧之初衝虎至谷山
 塔塚莫辦事迹零落不可考究坐而太息作偈曰行
 盡湘西十里松到門却立數諸峯崇公事迹無尋處
 庭下春泥見虎蹤

慧林圓照本禪師

圓照禪師諱宗本出於管氏常州無錫人也性質直
 少緣飾貌豐碩言無枝葉年十九師事蘇州承天永
 安道昇方道價重叢林歸之者如雲本弊衣垢面操

井白典炊爨以供給之夜則入室參道昇曰頭陀荷
 衆良苦亦疲勞乎對曰若捨一法不名滿足菩提實
 欲此生身證其敢言勞昇陰奇之又十年剃髮受具
 服勤三年乃辭昇游方徧參初至池州景德謁義懷
 禪師言下契悟衆未有知者嘗爲侍者而喜寢鼻息
 齟齬聞者厭之言於懷懷笑曰此子吾家精進幢也
 汝輩他日當依賴之無多談衆乃驚及懷公徙住越
 之天衣常之薦福本皆從之治平初懷公退居吳江
 之聖壽院部使者李公復圭過懷公夜語曰瑞光法
 席虛願得有道衲子主之懷指本曰無踰此道人者
 耳既至瑞光集衆擊鼓鼓輒墮圓轉震響衆驚却有
 僧出呼曰此和尚法雷震地之祥也俄失僧所在自
 是法席日盛衆至五百人杭州太守陳公襄以承天
 興教二刹堅請欲往而蘇人留之益甚又以淨慈懇
 請之曰借師三年爲此邦植福不敢久占本噴噴曰
 誰不欲作福蘇人識其意聽赴之學者又倍於瑞光
 既而蘇人以萬壽龍華二刹請擇居之迎者千餘人
 日始借吾師三年今九載矣義當見還欲奪以歸杭

州守使縣尉持卒徒護之乃不敢奪元豐五年以道場付其門人善本而居於瑞峯庵蘇人聞之謀奪之懼力不勝欲發而未敢也時會待制曾公孝序適在蘇蓋嘗問道於本而得其至要因謁之庵中具舟江津既辭去本送之登舟語笑中載而歸以慰蘇人之思於是歸本於穹窿山福臻院時年六十三矣未幾

神宗皇帝闢相國寺六十有四院爲八禪二律六以中賁人梁從政董其事驛召本主慧林既至遣使問勞三日詔演法於寺之門萬衆拜瞻法會殊勝以爲彌勒從天而降人間也翌日召對延和殿有司使習儀而後引既對山呼罷登殿賜坐卽就坐盤足踟躕侍衛驚相顧本自若也賜茶至舉盞長吸又瀟灑之上問受業何寺對曰承天永安上喜其真險以方與禪宗宜善開導之旨既退上目送之謂左右曰眞禪慧僧也及上元日車駕幸相國寺止禪衆無出迎師奉承睿獎闡揚佛事都邑四方人以大信神宗登遐召本入福寧殿說法左右以本嘗爲先帝所禮敬見之嗚咽不自勝哲宗加

號禪師皇叔荆王親賢勅授之元祐元年以老求歸

朝廷從其請勅任便雲游所至不得抑令住持因欣然升座辭衆曰本是無家客那堪任便遊順風加櫓擢船子下揚州既出都城王公貴人送者車騎相屬本誨之曰歲月不可把玩老病不與人期唯勤修勿怠是眞相爲聞者莫不流涕其眞慈善導感人如此非特然也其住瑞光民有屠牛者牛逸赴本跪若自訴遂買而畜之其住淨慈歲大旱湖井皆竭寺之西隅有甘泉自湧得金鰻魚因浚爲井投魚其間寺衆千餘人汲以不竭民張氏有女子死夢其母曰我以罪爲蛇既覺得蛇於棺下持以詣本乃爲說法復置故處俄有黑蟬翔棺上而蛇失所在母祝曰若我女當入籠中當持汝再詣淨慈如其祝本復爲說法是夕夢女曰二報已解脫矣其顯化異類又如此本平居恂恂未嘗以辯博爲事至其說法則雖盛名隆勢無所少假高麗僧統義天以王子奉國命使於我朝聞本名請以弟子禮見問其所得以華嚴經對師曰華嚴經三身佛報身說耶化身說耶法身說耶義

天曰法身說本曰法身徧周沙界當時聽衆何處蹲
立義天茫然自失欽服益加太子少保李公端愿世
以佛學自名本曰十方同聚會箇箇學無爲既曰
無爲作麼生學李公不能答雪竇道法至本大盛老
居靈巖閉門頽然而四方從者相望於道不釋也元
符二年十二月甲子將入滅沐浴而臥門弟子環擁
請曰和尚道徧天下或一本云今日不可無偈幸強
名滿天下起安座本熟視曰癡子我尋常尙懶作偈今日特地
闢箇什麼尋常要臥便臥不可今日特地坐也素筆
大書五字曰後事付守榮擲筆臥若熟睡然據之
已去矣門弟子塔師全身於靈巖山閱世八十坐五
十二夏

贊曰富鄭公居洛中見顒華嚴誦本之語作偈寄之
曰或一本云富鄭公獨得心
要於願華嚴有偈寄本曰因見顒師悟入深寅緣
傳得老師心東南謾說江山遠目對靈光與妙音王
顯謨漢之初見本登座以目四顧乃證本心余聞馬
鳴云如來在世衆生色心殊勝圓音一演隨類得解
今去佛之世二千餘年而能使王公貴人聞風而悟

瞻顏而證則常隨而親炙之者可知矣故江西八十
餘人而本則倍之近代授法之盛無能加者非願宏
法道行契佛心何以臻此哉一本云自瞻顏而證之
下但云則其大願真慈
之力無愧紹
隆之職者也

禪林僧寶傳卷第十四

禪林僧寶傳卷第十五

宋明白庵居沙門 惠洪 撰

衡嶽泉禪師

禪師名谷泉泉南人也少聰敏性耐垢汙大言不遜
流俗憎之去爲沙門撥置戒律任心而行眼蓋衲子
所至叢林輒刪去泉不以介意造汾陽謁昭禪師昭
奇之密受記別南歸放浪湘中聞慈明住道吾往省
觀慈明問曰白雲橫谷口道人何處來泉左右顧曰
夜來何處火燒出古人墳慈明呵曰未在更道看泉
乃作虎聲慈明以坐具撼之泉接住推置繩床上慈
明亦作虎聲泉大笑山有湫毒龍所蟄墜葉觸波必

雷雨連日過者不敢喘泉慈明暮歸時秋暑捉其衣
日可同浴慈明掣肘徑去於是泉解衣躍入霹靂隨
至腥風吹雨林木振搖慈明躡草中意泉死矣須臾
晴霽忽引頸出波間曰因後登衡嶽之頂靈峯寺云或
雲峰住懶瓚巖又移住芭蕉將移居保真大書壁曰
予此芭蕉庵幽占堆雲處般般異境未暇數先看矮
松三四樹寒來燒枯杉饑餐大紫芋而今棄之去不
知誰來住住保真庵蓋衡湘至險絕處夜地坐祝融
峯下有大蟒盤繞之泉解衣帶縛其腰中夜不見明
日杖策徧山尋之衣帶纏枯松上蓋松妖也又自後
洞負一石像至南臺像無慮數百斤衆僧驚駭莫知
其來後洞僧亦莫知其去遂相傳爲飛來羅漢嘗過
衡山縣見屠者斫肉立其旁作可憐態指其肉又指
其口屠問曰汝啞耶卽肯首屠憐之割巨臠置鉢中
泉喜出望外發謝而去一市大笑而泉自若以杖荷
大酒瓢往來山中人問瓢中何物曰大道漿也自作
偈曰我又誰管你天誰管你地著箇破紙襖一味工
打睡一任金烏東上玉兔西墜榮辱何預我興亡不

相關一條拄杖一葫蘆閑走南山與北山醉臥山路
間大雪起作偈曰今朝甚好雪紛紛如秋月文殊不
出頭普賢呈醜拙畜一奴名調古日令拾薪汲澗或
呼對坐巖石間贈之以偈曰我有山童名調古不誦
經不禮祖解般棹禦冬寒隨分衣裳破不補會栽
蔬能種芋千山萬山去無懼阿呵呵有甚討處慈明
遷住福嚴泉又往省之少留而還作偈寄之曰相別
而今又半年不知誰共對談禪一般秀色湘山裏汝
自匡徒我自眠慈明笑而已乃令南公更謁泉泉與
語驚曰五州管內乃有此匾頭道人耶南公夏於法
輪泉因寫偈招之曰一自與師論大道別來罕有同
人到如今拋却老狂僧却去崎嶇峰頭坐大雪漫漫
猿聲寂寂獨吟咏自歌曲奇哉大道知音難得孤雲
何日却歸山共坐庵前盤陀石南公議其坦率戲酬
以偈曰飲光論劫坐禪布袋經年落魄疥狗不願生
天却笑雲中白鶴雲峯悅公訪之泉以偈贈之曰高
才悅禪者心如孩兒貌山野特特扶筇遠謁予二年
見之如初也不參禪不問道尋常只倡漁家傲禪人

見渠冷如灰渠見禪人淡如阜有結伴詣常寧拜阿育王所藏舍利塔者以偈贈之曰諸禪結伴游玉塔靈蹤勝境將心割歸來舉似看如何何似狂僧無縫塔無縫塔最難遊豈同白玉受人踏五湖四海盡雲華踏破幾多鞋共鞞無縫塔甚匝若遇同人方始答忽然展手借樣看便與攔腮鼓一搭嘉祐中男子冷清妖言誅泉坐清曾經由庵中決杖配彬州牢城盛暑負土經通衢施擔說偈曰今朝六月六谷泉被氣壅不是上天堂便是入地獄言訖微笑泊然如蟬蛻闍維舍利不可勝數邨人塔之至今祠焉

法華舉禪師

禪師名全舉汾陽昭公之嗣也初住龍舒之法華寺後移居白雲之海會寺爲人精嚴諒直飽參汾陽特稱之自出并汾徧詣名山初謁荆南福昌善禪師善問曰回互不回互對曰總不與麼曰爲什麼已喫福昌棒對曰一家有事百家忙曰脫空漫語對曰調琴澄太古琢句體全真又謁公安遠禪師遠問作麼生是伽藍對曰深山藏獨虎淺草露群蛇曰作麼生是

伽藍中人對曰青松蓋不巾黃葉豈能遮曰道什麼對曰少年曾決龍蛇陣老倒還聽稚子歌曰一句兩句雲開月露作麼生對曰照破祖師關又謁延壽賢禪師賢問海竭人亡作麼生對曰毒蛇不咬人曰爲何如此對曰風引谿雲斷泉衝石徑斜又謁夾山真首座真曰還見麼對曰萬事全無曰還不見麼對曰千般皆在手舉曰首座未見澄散聖時如何曰湖南江西又問見後如何曰江西湖南舉曰却共首座一般耶曰打草蛇驚對曰終不捏怪又謁福嚴承禪師承問作麼生是圓融之相對曰木人嶺上休相覷石女谿邊更不迷舉却問如何是福嚴圓融之相曰老病尋常事龍鍾沒好時又問融卽不問如何是圓曰法界廣無邊承曰不圓不融時如何對曰虛空無對面鳥道絕東西又問狸奴白牯却知有三世諸佛爲什麼不知有如何是三世諸佛不知有曰只爲太惺惺進曰如何是狸奴白牯却知有曰爭怪得伊又謁石霜慈明禪師慈明問作麼生是向上一竅對曰二竅俱明曰還見七十二峯麼對曰有甚掩處曰道什

麼對曰今日觸忤和尚慈明便打舉曰作什麼曰將謂是收番猛將元來是行間小卒對曰雅淡呈秋色馨香噴月華又謁大愚芝禪師芝問古人見桃花意作麼生對曰曲不藏直曰那箇且從這箇作麼生對曰市中拾得寶比鄰那得知曰上座還知麼對曰路逢劍客須呈劍不是詩人不獻詩曰作家詩客對曰一條紅線兩人牽曰玄沙道諦當又作麼生對曰海枯終見底人死不知心曰恰是對曰樓閣凌雲勢峰巒疊翠層又謁玉澗林禪師林曰北斗藏身事已彰法身從此露堂堂雲門賺殺他家子直至而今亂度量曰我作此偈天下人不肯上座肯麼對曰爭敢曰作麼生對曰清晨升寶座應不讓南能又謁棲賢禪師問如何是佛曰張三李四進曰意旨如何曰胡餅有甚汁又謁五祖戒禪師戒問作麼生是絕羈絆底人對曰反手把龍頭曰却是作家對曰背轆打不著曰爲什麼上來下去對曰甚處見上來下去戒便打舉曰一言無別路千里不逢人又謁翠峯素禪師素曰風穴道嘶風木馬緣無絆背角泥牛痛下鞭如

何對曰翻身師子生憐甚誰敢當頭露爪牙曰放汝一線道對曰七顛八倒曰收對曰了又謁雪竇顯禪師顯問牛吃草草吃牛對曰回頭欲就尾已隔萬重關曰應知無背面要須常現前對曰驗在目前曰自領出去又謁西湖西峯庵主主曰絕頂西峯路峻機誰敢攀超然凡聖外警隔兩重關舉便問如何是兩重關曰月從東出日向西沒對曰庵主未見明招時如何曰滿蓋油難盡進曰見後如何曰多心易得乾舉機辯如電碎雷射不可把玩諸方畏服號舉道者自住持多夜參曰諸上座吾門之事多少奇特擁之不聚推之不散可謂活潑潑地只欠承當在雖然如此有一人不肯在且道不肯底人具什麼眼目若於漚裏甄別得出山僧讓禪牀與上座若也甄別不出擲拄杖云看取又曰僧家以寂住爲本豈可觀州獵縣看山門境致過時蓋爲生死事大所以古人到一處所見箇村院主也須問過如今兄弟往往踉蹌不肯遞相博問昔龍牙問德山鑒公仗劍取師頭時如何鑒便引頸龍牙曰頭落也鑒便休去莫是德山無

機鋒麼爲當別有道理良久曰德山引頸龍牙獻劍
舉歿時七十餘塔於海會

贊曰無爲子曰生者人之所貴死者人之所畏恥者
人之所避而泉不貴其貴不畏其畏不避其避此其
所以如是吾不知其真吾不知其僞將質之於天地
方是時叢林以肅嚴相尙沙門以修潔相高一有指
目重爲媿恥故泉有以矯之耳其號泉大道若非苟
然舉公名著叢林如薛仁貴著白袍西平王著錦帽
眞勇於道者也

禪林僧寶傳卷第十五

禪林僧寶傳卷第十六

宋明白庵居沙門 惠洪 撰

廣慧禪師

禪師名元璉者閩人也得法於首山念禪師住汝州
廣慧寺璉福顧廣顧瞻視凝遠望見令人意消管謂
衆曰我在先師會中見舉竹篋子問省驢漢曰喚作

篋子卽觸不喚作篋子卽背作麼生省近前掣得擲
地上云是什麼先師云瞎省從此悟入我道省驢漢
悟卽大殺悟要且未盡先師意旨遮箇說話須是到
此田地地方相委悉情見未忘者豈免疑謗又見智門
綱宗歌曰胡蜂不戀舊時窠猛將那肯家中死曰祚
兄消許多氣力作麼我尋常說禪如手中扇子舉起
便有風不舉一點也無旣稱宗師却以實法與人好
將一把火照看與麼開口面皮厚多少嚴頭云若以
實法與人士也消不得知麼究取好莫面面相覷在
此作麼內翰秘書監知郡楊億大年問曰承云一切
罪業皆因財寶所生勸人疎於財利況南園衆生以
財爲命邦國以財聚人教中有財法二施何得勸人
疎財乎璉曰幡竿尖上鐵籠頭大年曰海壇馬子似
驢大璉曰楚雞不是丹山鳳大年曰佛滅二千年比
丘少慙媿大年嘗書寄內翰李公維叙師承本末其
詞曰病夫夙以頑瘥獲受獎顧預聞南宗之旨久陪
上國之游動靜咨詢周旋策發俾之剗心之有詣牆
面之無慙者誠出席間床下矣矧又故安公大師每

垂誘導自雙林影滅隻履西歸中心浩然罔知所旨
仍歲沈痼神慮迷恍殆及小間再辯方位又得雲門
諒公大士見顧蒿蓬諒之旨趣正與安公同轍竝自
廬山歸宗雲居而來皆是法眼之流裔去年假守茲
郡適會廣慧禪伯實嗣南院念念嗣風穴風穴嗣先
南院南院嗣興化興化嗣臨濟臨濟嗣黃蘗黃蘗嗣
先百丈海海嗣馬祖馬祖嗣讓和尚即曹谿之長嫡
也齋中務簡退食多暇或坐邀而至或命駕從之請
叩無方蒙滯俱釋半歲之後曠然弗疑如忘忽記如
睡忽覺平昔礙膺之物曝然自落積劫未明之事廓
爾現前固亦決擇之洞分應接之無蹇矣重念先德
率多參尋如雪峰九度上洞山三度上投子遂嗣德
山臨濟得法於大愚終承黃蘗雲岩蒙道吾訓誘乃
爲藥山之子丹霞承馬祖印可而作石頭之裔在古
多有于理無嫌病夫今繼紹之緣實屬於廣慧而提
激之自良出於鼇峯也忻幸忻幸大年所叙詳悉如
此豈欲自著於禪林乎予恨其手編傳燈錄至首山
之嗣獨載汾陽而不錄廣慧機語何也

贊曰廣慧機緣語句雖不多見然嘗一贊知鼎味大
率如刀斫水不見痕縫真可謂作家宗師也平生說
法如雲雨暮年止得一楊大年魯國儒生何其少哉
翠巖芝禪師

禪師名守芝太原王氏子也少棄家依或作潞州承
天寺試法華經得度爲大僧講金剛般若經名滿三
河學者追崇之時昭禪師出世汾水芝疑之往觀焉
投誠入室特受印可南游住高安大愚升座揭香合
子曰明頭來明頭合暗頭來暗頭合若道得天下橫
行道不得且合却僧問一切有爲法如夢幻泡影眞
實事請師舉芝曰兩段不同向下文長又問滿身是
眼口在什麼處芝曰三跳進曰不會芝曰章底詞秋
罷歌頌向春生大衆僧俗中皆有奇人且如本朝楊
大年偈曰八角磨盤空裏走金毛師子變作狗擬欲
藏身北斗中應須合掌南辰後要會麼一偈播諸方
塞斷衲僧口又曰魯祖見僧來便面壁南泉曰我尋
常向師僧道未具胞胎已前會取尙不得一箇半箇
大愚卽不然未具胞胎前會得打折你腰密諫李公

守南昌請住西山翠岩開堂祝聖曰春算增延法輪常轉且道法輪如何轉會麼須彌頂上笑翻身却來堂中疊足坐阿呵呵是什麼飯籬裏坐却受餓和泥合水且與麼過上士聞之熙熙下士聞之肯可思量却成口過要會麼一六三四二直言曲七一桃李火中開黃昏後日出芝譏阿學者寡聞得少爲足曰汾陽有十智同真法門綴佛祖鉗鎚今時禪者姿質不妙莫有成器者僧問如何是十智同真芝曰先師言夫說法者須具十智同真若不具十智同真邪正不辨縑素不分不能與人爲眼目決斷是非如鳥飛空而折翼如箭射的而斷弦弦斷故射的不中翼折故空不可飛弦壯翼牢空的俱微作麼生是十智同真如今一切點出一同一質二同大事三總同參四同眞智或云五同徧普六同具足七同得失八同生殺九同音吼十同得入先師又曰與什麼人同得入與誰同音吼作麼生是同生殺什麼物同得失阿那箇同具足是什麼同徧普何人同眞智或作孰能總同參那箇同大事何物同一質有點得出底麼點得出

◆心下一有我心二字

者不悵慈悲點不出者未有參學眼在切須辯取要識是非面目見在芝曰先師曰要識是非面目見在大省力後生晚學刺頭向言句裏貪着義味如驢舐屎處棒打不回蓋爲不廣求知識徧歷門風多是得一言半句便點頭咽唾道已了辨上座大有未穩當處在先師有十五家宗風歌號曰廣智其詞曰大道不說有高低眞空那肯涉離微大海吞流同增減妙峯高聳總擎持萬派千谿皆渤澥七金五嶽盡須彌玉毫金色傳燈後二三四七普聞知信衣息廣開機諸方老宿任施爲識心是本從頭說迷心逐物却生疑芝曰此叙宗旨也或直指或巧施解道前綱出後機旨趣分明明似鏡盲無慧目不能窺明眼士見精微不言勝負墜愚癡物物會同流智水門風逐便示宗枝卽心佛非心佛歷世明明無別物卽此眞心是我心猶是機權出芝曰此叙馬祖宗派也或五位或三路施設隨根巧回互不觸當今是本宗展手通玄無佛祖芝曰此叙洞上宗派也或君臣或父子量器方圓無彼此士庶公侯一道平愚智賢豪明漸次

芝曰此叙石霜宗派也有時敲有時唱隨根問答談諦當應接何曾失禮儀淺解之流却生謗或雙明或單說只要當鋒利禪悅開權不爲關聰明舒光只要辯賢哲有圓相有默論千里持來目視瞬萬般巧妙一圓空爍迦羅眼通的信芝曰此叙瀉仰宗派也或全提或全用萬象森羅實不共青山不礙白雲飛隱隱當臺透金鳳芝曰此叙石頭藥山宗派也象骨鏡地藏月立沙崇壽照無闕因公致同指歸源旨趣來人明皎潔芝曰此叙雪峯地藏宗派也或稱提或拈撥本色衲僧長擊發句裏明人事最精好手還同楔出楔或擡薦或垂手切要心空易開口不識先人出大悲管燭之徒照街走芝曰此叙雲門宗派也德山棒臨濟喝獨出乾坤解橫抹從頭誰管亂區分多口阿師不能說臨機縱臨機奪迅速機鋒如電掣乾坤只在掌中持竹木精靈腦劈裂或賓主或料揀大展禪宗辯正眼三玄三要當機四句百非一齊鏟勸同袍莫強會少俊依前或望礙不知宗脈莫漫汗永劫長沈生死海難逢難遇又難聞猛烈身心快通泰芝

曰此叙德山臨濟宗派也慈明有善侍者號稱明眼悅聞芝之風自石霜至大愚入室芝趨出履一隻善退身而立芝俯取履善輒踏倒芝起面壁以手點津連畫其壁三善瞠立其後芝旋轉以履打至法堂善曰與麼爲人睹却一城人眼在又有僧稱講金剛經問曰如是信解不生法相如何時有狗臥繩牀前芝趨之狗起去問僧解麼僧曰不解芝曰若解卽成法相作偈曰沙裏無油事可哀翠岩嚼飯餵嬰孩一朝好惡知端的始覺從前滿面灰嘉祐之初示寂塔于西山

贊曰大愚翠岩皆余故園少時往來兩山之間有老衲大父友也言芝無恙時事曰衆未嘗登三十輩屋老常以木拄將傾處過者疑將壓焉芝提笠日走城郭卽落寺如傳舍粥飯亦有不繼時追繹其高韻作偈曰廬山殿閣如生成食堂處處禪牀折我此三門如冷灰盡日長廊卷風葉

禪林僧寶傳卷第十六

禪林僧寶傳卷第十七

宋明白庵居沙門 惠洪 撰

浮山遠禪師

禪師名法遠，鄭圃田人也。出于王氏，年十九游并州，見二交嵩禪師，求出世法。嵩曰：「汝當剃落，墮三寶數，乃可受法。」遠曰：「法有僧俗乎？」嵩曰：「與其爲俗，曷若爲僧？」僧則能續佛壽命，故也。於是斷髮，受具足戒。謁汾州昭公，又謁汝海省公，皆受記。到天禧中，游襄漢，隨郢至大陽，機語與明安延公相契。延嘆曰：「吾老矣，洞上一宗遂竟無人耶！」以平生所著直裰皮履示之，遠曰：「當爲持此衣履求人，付之如何？」延許之。曰：「他日果得人出吾偈爲證。」偈曰：「楊廣山前草憑君待價，惇異苗翻茂處深密固靈根。其尾云：得法者潛衆十年，方可闡揚。遠拜受，辭去。依滁州瑯琊覺禪師，應舒州太平興國寺，請說法爲省公之嗣。次住姑蘇天平山，又住浮山。旣老，退休於會聖岩，因閱班固九流遂擬之作九帶敘佛祖教義，博採先德機語，參同印證，其一曰：佛正法眼帶其二曰：佛法藏帶其三曰：理貫帶其

四曰：事實帶其五曰：理事縱橫帶其六曰：屈曲帶其七曰：妙挾兼帶其八曰：金鍼雙鑲帶其九曰：平懷常實帶學者旣已傳誦，遠曰：「若據圓極法門，本具十數，今此九帶已爲諸人說了，更有一帶還見得麼？」若也見得親切分明，却請出來說看。說得分明許，汝通前九帶圓明道眼，若見不親切，說不相應，唯依吾語而爲已解，則名謗法大衆到此如何？衆無語。遠叱去之。舉僧問夾山：「如何是夾山境？」答曰：「猿抱子歸青嶂後，鳥啣花落碧岩前。」法眼曰：「我二十年來將作境語會，遠曰：『不作境會，作麼生會？』」僧曰：「師意如何？」曰：「犀因玩月，文生角，被雷驚花入牙。」或遠云：直饒不作境語，犀因玩月，文生角，象遠玉骨插額，日光外射，狀如王被雷驚花入牙也。遠玉骨插額，日光外射，狀如王孫凜然可畏。初歐陽文忠公聞遠奇逸，造其室，未有以異之。與客基遠坐，其旁文忠収局請遠因基說法，乃鳴鼓升座曰：「若論此事，如兩家著碁相似，何謂也？」敵手知音，當機不讓。若是綴五饒三，又通一路，始得有一般底只解閉門作活，不會奪角冲關硬節與虎口齊，彰局破後徒勞遑幹，所以道肥邊易得瘦肚難。

求思行則往往失黏心組而時時頭撞休誇國手謾說神仙羸局輸籌即不問且道黑白未分時一著落在什麼處良久曰從前十九路迷悟幾多人文忠嘉歎久之遠偈語妙密諸方服其工作三交嵩公贊曰黃金打作鑰石箸白玉碾成象牙梳千手大悲拈不動無言童子暗嗟吁又作明安延公贊曰黑狗爛銀蹄白象崑崙騎於斯二無礙木馬火中嘶遠雅自稱柴石野人歿時已七十餘少時與達觀頴公薛大頭七八輩游蜀幾遭橫逆遠以智脫之衆以其曉吏事號遠錄公

投子青禪師

禪師名義青本青杜人李氏子也七齡穎異去妙相寺出家十五試法華經得度爲大僧其師使習百法論歎曰三祇塗遠自困何益哉入洛中聽華嚴五年反觀文字一切如肉受串處處同其義味嘗講至諸林或作林菩薩偈曰卽心自性忽猛省曰法融文字寧可講乎卽棄去游方至浮山時圓鑒遠禪師退席居會聖岩遠夢得俊鷹畜之既覺而青適至遠以爲吉

徵加意延禮之留止三年遠問曰外道問佛不問有言不問無言時如何世尊默然汝如何會青擬進語遠驚以手掩其口於是青開悟拜起遠曰汝妙悟元機耶對曰設有妙悟也須吐却時有資侍者在旁曰青華嚴今日如病得汗青回顧曰合取狗口汝更切切我即便嘔服勤又三年圓鑒以大陽皮履布直褻付之曰代吾續洞上之風吾住世非久善自護持無留此間青遂辭出山閱大藏於廬山慧日寺熙甯六年還龍舒道俗請住白雲山海會寺計其得法之歲至此適幾十年又八年移住投子山道望曰遠禪者日增潛通暗證者比比有之異苗翻茂果符前識青平生不畜長物弊衲楮衾而已初開山慈濟有記曰吾塔若紅是吾再來邦人偶修飾其塔作瑪瑙色未幾而青領院事山中素無水衆每以爲病忽有泉出山石間甘涼清潔郡守賀公名爲再來泉元豐六年四月末示微疾以書辭郡官諸檀越五月四日盥沐升座別衆罷寫偈曰兩處住持無可助道珍重諸人不須尋討遂泊然而化闍維取舍利靈骨以閏六月

塔于寺之西北三峯庵之後閱世五十有二坐三十有七夏無爲子楊傑爲贊其像曰一隻履兩牛皮金烏啼處木雞飛半夜賣油翁發笑白頭生得黑頭兒

一本云黑頭有得法上首一名道楷禪師生得白頭兒

天寧楷禪師

禪師名道楷沂州沂水人生崔氏爲人剛勁孤硬自其少時卽能辟穀學道隱伊陽山中後游京師籍名術臺寺試所習得度具戒謁青華嚴於淮山海會問佛祖言句如家常茶飯離此之外別有爲人言句也無青曰汝道寰中天子勅還假禹湯堯舜也無楷擬謂之青以拂子撼之曰汝發意來早有二十棒也於是楷悟旨於言下再拜卽去青呼曰且來楷亦不顧青曰汝到不疑之地耶楷以手掩耳後掌衆食青問廚務勾當良苦對曰不敢曰汝炊飯耶羹粥耶對曰人工淘米著火行者羹粥炊飯曰汝作什麼對曰和尚慈悲放他閑去又嘗從青游園青以拄杖付楷曰理合與麼對曰與和尚提鞋挈杖不爲分外曰有同行在對曰那一人不受教青遂休去至晚青謂曰早

來說話未盡對曰更請舉看青曰卯生日戌生月楷卽點燈來曰上來下去總不空然對曰在左右理合如此曰奴兒婢子誰家屋裏無對曰和尚尊年關他不可曰與麼殷勤對曰報恩有分元豐五年北還沂閑居馬鞍山遂出世說法初住沂州之仙洞後遷西洛之招提龍門又遷住郢州之大陽隋州之大洪皆一時名公卿爲之勸請洞上之風大震西北崇寧三年有詔住東京十方淨因禪院大觀元年冬移住天寧差中使押入不許辭免俄開封尹李孝壽奏楷道行卓冠叢林宜有以褒顯之卽賜紫伽黎號定照禪師楷焚香謝恩罷上表辭之曰伏蒙聖慈特差彰善閣祇候譚禪賜臣定照禪師號及紫衣牒一道臣感戴睿恩已卽時焚香升座仰祝聖壽訖伏念臣行業迂疎道力綿薄常發誓願不受利名堅持此意積有歲年庶幾如此傳道後來使人專意佛法今雖蒙異恩若遂忝冒則臣自違素願何以教人豈能仰稱陛下所以命臣住持之意所有前件恩牒不敢祇受伏望聖慈察臣微悃非敢飾詞特賜俞允臣

沒齒行道上報 天恩 上聞之以付李孝壽躬往
諭 朝廷旌善之意而楷確然不回開封尹具以聞
上怒收付有司有司知楷忠誠一本知楷疎恚而適犯天威
問曰長老枯瘁有疾乎楷曰平日有疾今實無又曰
言有疾即於法免罪譴楷曰豈敢僥倖稱疾而求脫
罪譴乎吏太息於是受罰著縫掖編管緇州都城道
俗見者流涕楷氣色閑暇至緇州僦屋而居學者益
親明年冬勅放令自便庵于芙蓉湖中數百人環繞
坐臥楷慮或作慮之乃日各食粥一杯不堪者稍稍去
在者猶百許人政和七年冬 勅賜所居庵額華嚴
禪寺明年五月十四日無疾而歿先寫偈付侍者曰
吾年七十六世緣今已足生不愛天堂死不怕地獄
撒手橫身三界外騰騰任運何拘束初楷在大陽青
華嚴遣果侍者以大陽皮履直褻付之楷以付襄州
洞山道徽徽退罷還浙東歿於雙林小寺今取以還
鹿門山建閣藏之曰藏衣楷偈句精深有旨法作五
偈述其門風一曰妙唱不干舌偈曰刹刹塵塵處處
譚不勞彈子善財參空生也解通消息花雨殿前鳥

不啻二曰死蛇驚出草偈曰日炙風吹草裡埋獨他
毒氣又還乖暗地苦教開死口長安依舊絕人來三
日解鍼枯骨吟偈曰死中活得是非常密用他家別
有長半夜觸骸吟一曲冰河紅燄却清涼四曰鐵鋸
和三臺偈曰不是宮商調誰人和一場伯牙何所措
此曲舊來長五曰古今無間偈曰一法元無萬法空
箇中那許悟圓通將謂少林消息斷桃花依舊笑春
風楷舊隱與虎爲鄰虎嘗乳四子月餘楷闕其出往
視之腥臭不可言竊攜其一還虎得彘曳至弄穴前
伏地喜見脊尾但見三子怒以足跑地吼群鳥皆鳴
翔其上楷即放還之其寄伊陽宰韓承議偈曰老愛
依山人事稀虎馴庵畔怪來遲寥寥石室塵埃滿不
知何日是歸期又曰數里無人到山黃始覺秋崑間
一覺睡忘却百年憂
贊曰宗門尙繼嗣則若依彷彿世典禮爲之後者爲之
子遠使青續洞上已墜之綱是也然青楷父子任重
道遠皆能刻苦生死以之卒勃然而興賢矣哉
禪林僧寶傳卷第十七

禪林僧寶傳卷第十八

宋明白庵居沙門 惠洪 撰

大覺璉禪師

禪師名懷璉字器之漳州陳氏子也初其母禱於泗州僧伽像求得之故其小字泗州幼有遠韻聰慧絕人長爲沙門工翰墨聲稱甚著游方愛衡嶽勝絕館于三生藏有年叢林號璉三生聞南昌石門澄禪師者五祖戒公之嫡子也往拜謁師事之十餘年去游廬山圓通又掌書記於訥禪師所皇祐二年正月有詔住京師十方淨因禪院二月十九日召對化成殿問佛法大意奏對稱旨賜號大覺禪師齋畢傳宣效南方禪林儀範開堂演法又宣左街副僧錄慈雲大師滿啓白倡曰帝苑春迴皇家會啓萬乘既臨於舜殿兩街獲奉於堯眉爰當和煦之辰正是闡揚之日宣談祖道上副宸衷問答罷乃曰古佛堂中曾無異說流通句內誠有多談得之者妙用無虧失之者獨途成滯所以谿山雲月處處同風水鳥樹林頭頭顯道若向迦葉門下直得堯風蕩蕩舜日高明野老

謳譟漁人鼓舞當此之時純樂無爲之化焉知有怎麼事皇情大悅與璉問答詩頌書以賜之凡十有七篇至和中上書獻偈乞歸老山中偈曰千簇雲山萬壑流歸心終老此峯頭餘生願祝無疆壽一炷清香滿石樓上曰山卽如如體也將安歸乎不許修撰孫覺莘老書問宗教璉答之書其略曰妙道之意聖人嘗寓之於易至周衰先王之法壞禮義亡然後奇言異術間出而亂俗迨我釋迦入中土醇以第一義示人而始末設爲慈悲以化衆生亦所以趣時也自生民以來淳樸未散則三皇之教簡而素春也及情竇日鑿則五帝之教詳而文夏也時與世異情隨日遷故三王之教密而嚴秋也昔商周之誥誓後世學者有所難曉彼當時人民聽之而不違則俗與今如何也及其弊而爲秦漢也則無所不至而天下有不忍願聞者於是我佛如來一推之以性命之理教之以慈悲之行冬也天有四時循環以生成萬物而聖人之教迭相扶持以化成天下亦猶是而已矣至其極也皆不能無弊弊迹也道則一耳要富有聖賢者

世起而救之也。自秦漢至今千有餘歲，風俗靡靡，愈薄。聖人之教裂而鼎立，互相詆訾，不知所從。大道寥寥，莫知返良可歎也。璉雖以出世法度人，而持律嚴甚。上嘗賜以龍腦鉢，璉對使者焚之，曰：「吾法以壞色衣，以瓦鉢食。此鉢非法，使者歸奏。」上嘉歎久之。

璉居虔服玩，可以化寶坊也。而皆不爲獨於都城之西爲精舍，容百許人而已。有曉舜禪師住棲資爲郡吏，臨以事民，其衣走依璉。璉館于正寢，而處偏室，執弟子禮甚恭。王公貴人來候者，皆怪之。璉具以實對，曰：「吾少嘗問道於舜，今其不幸，其可以像服。」吾心哉聞者歎服。仁廟知之，賜舜再落髮，仍居棲賢寺。治平中，璉再乞還山，堅甚。英宗皇帝留之，不可。詔許自便。璉既渡江，少留于金山，西湖遂歸老於四明之育王山廣利寺。四明之人相與出力，建大閣藏所賜詩頌榜之。曰宸奎。命翰林學士兼侍讀端明殿學士蘇軾爲之記。時京師始建寶文閣，詔取其副本藏焉。璉歸山二十餘年，年八十二，無疾而化。贊曰：璉公生長於寒鄉，棲遲於荒遠，鉢飯布衲，若將

終身一日道契。主上名落天下，而能焚龍腦，讓正寢，非其素所畜養大過於人者，何以至是哉？至於與士大夫論宗教，則指物連類，折之以至理，使其泮然無疑，則亦知爲比丘之大體者歟。

興化銑禪師

禪師名紹銑，泉州人也。住潭州興化禪寺，開法嗣。北禪賢禪師銑有度量，牧千衆如數一二。三、四、長沙俗樸質，初未知飯僧供佛之利。銑作大會以誘之，恣道俗赴，謂之結緣齋。其後効而作者，月有之。殆今不絕。荆湖之民向仰之，篤波及蠻俗。章丞相惇奉使荆湖，開梅山與銑偕往。蠻父老聞銑名，欽重愛戀，人人合爪聽其約束，不敢違。梅山平，銑有力焉。湘南八州之境，歲度僧數百，開壇俱集，以未爲大僧。禪林皆推擠銑，榜其門曰應沙彌，皆得赴飯。自其始至，以及其終三十餘年，不易人，以爲難。時南禪師道價方增，荆湖衲子奔趨入江南者，出長沙百里，無託宿所，多爲盜劫掠路，因不通銑。半五十爲館，請僧主之以接納，使得宿食而去。諸方高其爲人，晚得風痺疾，左手不

仁然猶領住持事日同僧衆會粥食不憚銑以精進
爲佛事公卿禮敬以爲古佛元豐三年辛酉九月二
十一日右脇累足以手屈枕而化闍維收舍利兩目
睛不壞腸二亦不壞益以油火焚之如鐵帶屈折色
鮮明併塔之閱世七十二坐六十四夏號崇辯大師
贊曰雲門臨濟兩宗特盛于天下而湖湘尤多雲門
之裔皆以宗旨自封互相詆訾北禪賢公銑之師也
賢於雲門爲四世孫而銑獨能以公爲心中塗設
館以待求道他宗之輩非特矚理甚明亦抑其中有
異於人故其火化之日二腸雙睛皆不壞此其驗
也

禪林僧寶傳卷第十八

禪林僧寶傳卷第十九

宋明白庵居沙門 惠洪 撰

餘杭政禪師

政黃牛者錢塘人住餘杭功臣山幼孤爲童子有卓

識詞語皆出人意表其師稱於人大檀越奇之以
度牒施之跪奉謝而不受其師問故曰恩不可輕受
彼非知我者特以師之言施百千於一童子保其終
身能施物不責報乎如來世尊大願度生則有慈蔭
今妙法蓮華經是也當折節誦持恩併歸一於義爲
安其師自是益奇之年十八果以其志爲大僧游方
問道三十年乃罷其居功臣山嘗跨一黃犢蔣侍郎
堂出守杭州與政爲方外友每來謁必巾持掛角上
市人爭觀之政自若也至郡庭下犢而談笑終日而
去一日郡有貴客至蔣公留政曰明日府有燕飲師
固奉律能爲我少留一日因欸清話政諾之明日使
人要之留一偈而去矣曰昨日曾將今日期出門倚
杖又思惟爲僧只合居崑谷國土筵中甚不宜坐客
皆仰其標致又作山中偈曰橋上山萬層橋下水千
里唯有白鷺鷥見我嘗來此又作送僧偈曰山中何
所有嶺上多白雲祇可自怡悅不堪持贈君冬不擁
爐以荻花作毬納足其中客至共之夏秋好翫月盤
膝大盆中浮池上自旋其盆吟笑達旦率以爲常工

書筆法勝絕如晉宋間風流人嘗笑學者臨法帖曰
彼皆知翰墨爲貴者其工皆有意今童子書畫多純
筆可法也秦少游見政字畫必收畜之有問者曰師
以禪師名乃不談禪何也曰徒費言語吾懶寧假曲
折但日夜煩萬象爲敷演耳言語有間而此法無盡
所謂造物無盡藏也九峯鑒韶禪師嘗客政詔坦率
不事事每竊笑之一夕將臥政使人呼韶不得已輦
輿而至政曰月色如此勞生擾擾對之者能幾人韶
唯唯而已呼童子使熟炙韶方饑意作藥石久之乃
橘皮湯一盃韶匿笑去曰無乃太清乎政風調高老
益清癯嘗自贊其像曰貌古形疎倚杖黎分明畫出
須菩提解空不許離聲色似聽孤猿月下啼

西余端禪師

端師子者吳興人也始見弄師子者發明心要則以
綵帛像其皮時時著之因以爲號住西余山嗣姑蘇
翠峯月禪師西余去湖州密邇每雪朝著綵衣入城
小兒爭譁逐之從人乞錢得卽以散饑寒者錢穆父
赴官浙東見之約明日飯端黎明獨往避雨入道旁

人家幼婦出迎俄其夫至詬逐竟爲邏卒所收穆父
吏速客見之問故曰煩寄聲錢公本來赴齋中途奸
情事發請自飯穆父聞之驚且笑顧客曰此僧胃中
無一點疑事又嘗見持死雞疾行者挽衣問何之曰
雞爲狸害法不可食將棄水中端苦求之道路聚觀
諷曰當得偈乃可與端跪作祭文曰維靈生有鷹鴉
之厄死有湯鑊之災生時要汝報曉死後無人收埋
奉爲轉化檀施施肚爲汝作棺材一本云樹梨無可布施施肚爲汝作棺材
言卒携雞去以施饑者能誦法華經湖人爭延之必
得錢五百乃開秩目誦數句卽持錢地坐去缺薄者
易之而去好歌漁父詞月夕必歌之達旦有狂僧號
回頭和尚以左道鼓動流俗士大夫亦安其妄方對
丹陽守呂公肉食端竟至指曰正當與麼時如何是
佛回頭不能遽對端捶其頭推倒行又有妖人號
不托掘秀州城外地有佛像建塔其上傾城信敬端
見堪住曰如何是佛不托擬議端趨之而去章丞相
子厚請升座使俞秀老撰疏叙其事曰推倒回頭趨
翻不托七軸之蓮經未誦一聲之漁父先聞端聽僧

官宣至此以手耶揄曰止乃坐引聲吟曰本是瀟湘一釣客自東自西自南北大衆雜然稱善端顧笑曰我觀法王法法王法如是下座子厚留飯端瞋說偈曰章惇章惇請我看墳我却喫素汝却喫葷子厚爲大笑時呂太尉吉甫亦留丹陽三人者日過從吉甫誦禪定功德諸般若中第一曰惠卿修之十年子厚獨稱鍛可忘憂稽康得僊竟作劍解端說偈曰章公好學仙呂公好坐禪徐六喻擔板各自見一邊聞者傳以爲笑樂元祐初圓照禪師自京師慧林退歸姑蘇見端於甘露曰汝非端師子乎曰是圓照戲之曰村裏師子耳端應聲曰村裏師子村裏弄眉毛與眼一齊動開却口肚裏直籠侗不愛人取奉直饒弄到帝王宮也是一場乾打圓照粹美不悟其譏也端客無錫欲歸湖且行江上問有湖秀便舡乎篙師曰我行常潤舡也端欣然曰亦可乃附船尾高郵秦觀少游聞其高道請升座於廣慧端以手自指曰天上無雙月人間只一僧一堂風冷淡千古意分明少游首肯之端高自稱譽吐語奇怪逸人也病牙久不愈

謂衆曰明日遷化去衆以爲戲語請說偈端索筆大書曰端師子太慵懶未死牙齒先壞爛二時伴衆赴堂粥飯都趕不辦如今得死是便宜長眠百事皆不管第一不著看官第二不著喫粥飯五更遂化閱世七十二東吳祠之以爲散聖

贊曰子竄海外三年而還叢林頓衰耆年物故無餘所至鷄道人成阡陌皆飽食游談無根而已喟然長想如政黃牛端師子輩皆三十年前少叢林者然高風逸韻且爾況其傳法度生者乎因載兩士平生大槩使後之俊流得以覽觀焉

禪林僧寶傳卷第十九

禪林僧寶傳卷第二十

宋明白庵居沙門 惠洪 撰

言法華

言法華者莫知其所從來初見之於景德寺七俱胝院梵相奇古直視不瞬口吻褒褒不可識相傳言誦

法華經故以爲名時獨語笑多行市里褻裳而趨或舉手畫空佇立良久從屠沽游飲啖無所擇道俗共目爲狂僧丞相呂許公問佛法大意對曰本來無一物一味總成真僧問世有佛否對曰寺裏文殊有問師凡耶聖耶舉手曰我不在此住至和三年仁宗始不豫國嗣未立天下寒心諫官范鎮首發大義乞擇宗室之賢者使攝儲貳以待皇嗣之生退居藩服不然典宿衛尹京邑以係天下之望并州通判司馬光亦以爲言凡三上疏一留中二付中書上夜焚香

默禱曰翌日化成殿具齋虔請法華太士俯臨無却清旦上道衣凝立以待俄馳奏言法華自右掖門徑趨將至寢殿侍衛呵止不可上笑曰朕請而來也有頃至輒升御榻跣趺而坐受供訖將去上曰朕以儲嗣未立大臣咸以爲言侵尋晚暮嗣息有無法華其一決之師索筆引紙連書曰十三十三凡數十行擲筆無他語皆莫測其意其後英宗登極乃濮安懿王第十三子万駿前言也慶曆戊子十一月二十三日將化謂人曰我從無量劫來成就逝多國

土分身揚化今南歸矣語畢右脇而寂贊曰如來世尊曰我滅度後勅諸菩薩及阿羅漢應身生彼末法之中作種種形度諸輪轉或作沙門白衣居士人王宰官童男童女如是乃至姪女寡歸奸偷屠販與其同事稱讚佛乘令其身心入三摩地終不自言我真菩薩真阿羅漢泄佛密因輕言末學唯除命終陰有遺付言法華臨終乃曰我從無量劫來成就逝多國土分身揚化是也

華嚴隆禪師

禪師名道隆不知何許人至和初游京師客景德寺日縱觀都市歸嘗二鼓謹門者呵之不悛一夕還不得入臥門之下仁宗夢至景德寺門見龍蟠地驚覺中夜遣中使往視之乃一僧熟睡已再鼾撼之驚覺問名字歸奏上聞名道隆乃喜曰吉徵也明日召至便殿問宗旨隆奏對詳允上大悅有旨館于大相國寺燒朱院王公貴人爭先願見隆未湫壘戶外之屢滿矣上以偈句相酬唱絡繹于道或入對留宿禁中禮遇特厚賜號應制明悟禪師隆少時師

事石門徹禪師嘗問曰古人云但得隨處安閑自然合他古轍雖有此語疑心未歇如何徹曰知有乃可隨處安閑如人在州縣住或聞或見千奇百怪他總將作尋常不知有而安閑如人在村落住有少聲色則驚怪傳說先洞山示衆曰欲知此事如人家養三兒以一著州中一著村中一著縣中其一用家中財物其一用外處錢物有一人不得家中錢物用亦不得外處錢物用且道那一箇合在州中那一箇合在縣中那一箇合在村中有僧便問三箇莫明輕重否曰是僧曰如何是此人出身處曰知有却不知有是此人出身處僧曰未審此人從今日去也無曰亦從今日去僧曰恁麼則屬功也曰是僧曰喚作恁麼功曰喚作功就之功僧曰此人還知有州中人否曰知有始解奉重矣僧曰恁麼則邨中人全明過也曰是僧曰如何是此人過處曰不知有喚作閑人是此人過處不見先師道今時學道人須知有轉身處始得隆曰古人知有便能如州裏人耶亦須因奉重而至耶徹曰洞山曰向時作麼生奉時作麼生功時作麼

生共功時作麼生功功時作麼生時有僧便問如何是向曰喫飯時作麼生又問如何是奉曰背時作麼生又問如何是功曰放下饅頭時作麼生又問如何是共功曰不得色又問如何是功功曰不共此名功勳五位也譬如初生鳩兒毛羽可憐生久久自能高飛遠蕩隆親受洞上旨訣後謁廣慧禪師遂爲廣慧之嗣皇祐二年詔廬山僧懷璉至闕演法於浚苑化成殿上召隆問話機鋒迅捷上悅侍衛皆山呼隆卽奏疏曰臣本凡庸混跡市里資緣佛法依近天顏出入禁廷恩渥至厚荐更歲籥衰病相仍未甘退於山林坐食蒙於雨露因循至此愧負在顏恭惟皇帝陛下天縱聖神生知妙道染爲詞翰如日昭回下飾萬物而臣蒙許廣和似霧領略纔見一班人雖不言臣豈無作伏見僧懷璉比自林數召至京都議論得其淵源詞句持出流輩禁林侍問秘殿談禪臣所不如舉以自代伏望聖慈許臣於廬山一小剎養病待盡不勝犬馬戀軒之情取進止疏奏不詳有旨於曹門外護國寺北建精舍以居號華嚴禪院隆

既得謝事喜見言色閑居奇衲名緇多過從有乘侍者來自大陽乘後住謁嚴隆問在大陽得力句對曰明安嘗問曰有一人偏身紅爛臥在荊棘林中火繞周巾若親近得此人禪門大啓若親近不得佛法無靈驗時對曰六根不具七識不全者親近得此人明安曰令渠出來我要相見時又答曰適來無左右祇對和尚安曰相隨來也卽禮拜退隆曰若果如此冷如毛粟細如冰雪乘曰禪師親見石門如何却嗣廣慧隆曰我初見廣慧渠方欲剃髮使我擎橙子來廣慧曰道者我有橙子詩聽取詩曰放下便平穩我時便肯伊後因叙陳在石門所悟公案廣慧曰石門所示如百味珍羞只是飽人不得後來有一炷香不欲兩頭三緒爲伊燒却乘曰藝不辜人有僧誦璉公詩上問佛偈曰有節非干竹三星偃月宮一人居日下弗與衆人同隆曰諸佛說心爲破心相璉作此偈虛空釘櫬也乃曰虛空釘鍊櫬平地起骨堆莫將閑學解安著佛階梯又見達觀禪師戲作偈曰解答諸方語能吟五字詩二般俱好藝只是見錢遲隆曰

佛法却成戲論後生無識遞相效學不可長也但曰二般雖雜道也勝別施爲有僧曰洞山寶公譏五祖戒禪師行藏落人疑似其至洞山乃上堂說偈曰嗟見世聲訛言清行濁多若無閻老子誰人奈你何隆曰寶塵行不遜賣師取名不可取也曹谿曰眞實修道人不見世間過來說他人短自短先在我寶暴其師之失教誰檢點凡沙門釋子寂默爲要華嚴論曰唯寂唯默是心造如來之樣不著不戀是路入法界之轍寶賣洞山臺鋤雙峯地已爲道取笑也隆爲人寬厚不矜伐以眞慈普敬行心歿時年八十餘盛暑安坐七日手足柔和全身建塔于寺之東贊曰隆夜臥寺閭之外朝登秘殿之上揖讓人主談出世法有補宗教蓋所謂有異能解一世奇禪衲也歿未五十年叢林且不聞其名況機緣語句乎可爲太息予少時客華嚴及見其檀越岑氏之子孫家藏隆偈藁并被遇之迹甚詳今追繹十編得其二二著于此以俟知者耳

禪林僧寶傳卷第二十

禪林僧寶傳卷第二十一

宋明白庵居沙門 惠洪 撰

慈明禪師

慈明禪師出全州清湘李氏諱楚圖少爲書生年二十二依城南湘山隱靜寺或云依金地寺得度其母有賢行使之游方公連眉秀目傾然豐碩然忽繩墨所至爲老宿所呵以爲少叢林公柴崖而笑曰龍象蹴踏非驢所堪管豪骨董箱以竹杖荷之游襄沔間與守芝谷泉俱結伴入洛中聞汾陽昭禪師道望爲天下第一決志親依時朝廷方問罪河東潞澤皆屯重兵多勸其無行公不顧渡大河登太行易衣類斯養鼠名火隊中露眠草宿至龍州遂造汾陽昭公壯之經二年未許入室公詣昭昭揣其志必罵詆使令者或毀詆諸方及有所訓皆流俗鄙事一夕訴曰自至法席已再夏不蒙指示但增世俗塵勞念歲月飄忽已事不明失出家之利語未卒昭公熟視罵曰是惡知識敢裨販我怒舉杖逐之公擬伸救昭公掩其口公大悟曰乃知臨濟道出常情服役七年辭去依唐明嵩

禪師嵩謂公曰楊大年內翰知見高入道穩實子不可不見公乃往見大年大年問曰對面不相識千里却同風公曰近奉山門請大年曰眞箇脫空公曰前月離唐明大年曰適來梅相問公曰作家大年喝之公曰恰是大年復喝公以手劃一劃大年吐舌曰眞是龍象公曰是何言歟大年顧令別點茶曰元來是家裡人公曰也不消得良久又問如何是圓上座爲人句公曰切大年曰作家作家公曰放內翰二十拄杖大年拊膝曰這裏是什麼處所公拍掌曰不得放過大年大笑又問記得唐明悟時因緣否公曰唐明聞僧問首山佛法大意首山曰楚王城畔或有汝汝水東流大年曰只如此語意如何公曰水上掛燈毬大年曰與麼則辜負古人去公曰內翰疑則別參大年曰三脚蝦蟇跳上天公曰一任踔跳大年乃又笑館于齋中日夕質疑智證因聞前言往行恨見之晚朝中見駙馬都尉李公曰近得一道人眞西河師子李公曰我以拘文不能就謁奈何大年默然歸語公曰李公佛法中人聞道風遠至有願見之心政以法不得

與侍從過從公黎明謁李公李公閱謁使童子問道得卽與上座相見公曰今日特來相看又令童子曰碑文刊白字當道種青松公曰不因今日節餘日定難逢童子又出曰都尉言與麼則與上座相見去也公曰脚頭脚底李公乃出坐定問曰我聞西河有金毛師子是否公曰什麼處得此消息李公喝之公曰野犴鳴李公又喝公曰恰是李公大笑旣辭去問臨行一句公曰好將息李公曰何異諸方公曰都尉又作麼生曰放上座二十拄杖公曰專爲流通李公又喝公曰瞎李公曰好去公曰諸諾自是往來楊李之門以法爲友久之辭還河東大年曰有一語寄唐明公曰明月照見夜行人大年曰却不相當公曰更深猶自可午後更愁人大年曰開寶寺前金剛近日因什麼汗出公曰知大年曰上座臨行豈無爲人句公曰重疊關山路大年曰與麼則隨上座去也公作嘯聲大年曰眞師子兒公還唐明李公遣兩僧訊公公於書尾畫雙足寫來僧名以寄之李公作偈曰黑毫千里餘金梯示雙趺人天渾莫測珍重赤鬚胡公以

母老南歸至筠州首衆僧於洞山時聰禪師居焉先是汾陽謂公曰我偏參雲門尊宿兒孫特以未見聰爲恨故公依止又三年乃游仰山楊大年以書抵宜春太守黃宗旦使請公出世說法守虛南原致公公不赴旋特謁候守願行守問其故對曰始爲讓今偶欲之耳守大賢之住三年棄去省母以白金爲壽母詬曰汝定累我入泥犁中攝諸地公色不怍收之辭去謁神鼎謹禪師謹首山高弟望尊一時衲子非人類精奇無敢登其門者住山三十年門弟子氣吞諸方公髮長不剪弊衣楚音通謁稱法姪一衆大笑謹遣童子問長老誰之嗣公仰視屋曰覩見汾陽來謹杖而出顧見頑然問曰汾州有西河師子是否公指其後絕叫曰屋倒矣童子返走謹回顧相鬻鏢公地坐脫隻履而視之謹老忘所問又失公所在公徐起整衣且行且語曰見面不如聞名遂去謹遣人追之不可嘆曰汾州乃有此兒耶公自是名增重叢林定林沙門本延有道行雅爲士大夫所信敬謹見延稱公知見可與臨濟會道吾席虛延白郡請以公主之

法令整肅亡軀爲法者集焉示衆曰先寶應曰第一句薦得堪與祖佛爲師第二句薦得堪與人天爲師第三句薦得自救不了道吾則不然第一句薦得和泥合水第二句薦得無繩自縛第三句薦得四稜著地所以道起也海晏河清行人避路住也乾坤失色日月無光汝輩向什麼處出氣良久曰道吾爲汝出氣乃噓一聲卓拄杖而起又曰道吾打鼓四大部州同參拄杖橫也挑掛乾坤大地鉢盂覆也蓋却恒沙世界且問汝輩向何處安身立命若也知之北俱盧州喫粥喫飯若也不知長連床上喫粥喫飯後住石霜當解夏謂衆曰昨日作嬰孩今朝年已老未明三八九難踏古皇道手鐐黃河乾脚踢須彌倒浮生夢幻身人命久難保天堂并地獄皆由心所造南山北嶺松北嶺南山草一雨潤無邊根苗壯枯槁五湖參學人但問虛空討死脫夏天衫生著冬月襖分明無事人特地生煩惱喝一喝時真點胷者爲善作者折難自金鑾還公呵曰解夏未一月乃已至此破壞叢林有何忙事眞曰大事未透脫故耳公曰汝以何爲佛

法要切眞曰無雲生嶺上有月落波心公語曰面斂齒豁猶作此見解眞不敢仰視曰願爲決之公曰汝問我答眞理前語而問之公曰無雲生嶺上有月落波心眞遂契悟住南岳福嚴以大法授南禪師語在南傳僧問臨濟兩堂首座一日相見同時喝臨濟聞之陞座曰大衆要會臨濟賓主句問取堂中二禪客此意如何公作偈曰啐啄之機箭柱鋒瞥然賓主當時分宗師憫物明縑素北地黃河徹底渾又問趙州勘婆子師意如何公亦作偈曰趙州勘破婆子葉落便合知秋天幾多禪客五湖四海悠悠明日陞座曰一喝分賓主照用一時行要會箇中意日午打三更遂一喝云且道是賓是主還有分得者麼若也分得朝行三千暮行八百若也未能老僧失利移住興化康定戊寅李都尉遣使邀公曰海內法友唯師與楊大年耳大年棄我而先僕年來頓覺衰落忍死以一見公仍以書抵潭帥敦遣之公惻然與侍者舟而東下舟中作偈曰長江行不盡帝里到何時既得涼風便休將櫓櫂施道過瑯琊覺禪師出迎大喜曰有

衆之累不得躬造受曲折而惠然辱而臨之天賜我也公爲逗留夜語及并汾舊游覺曰近有一老衲至問其離何所曰楊州問船來陸來白船來問船在何處曰岸下問不涉程途一句如何道其僧恚曰杜撰長老如麻似粟遣人追不及云是舉道者頃在汾州時尙少舉陸沉衆中不及識之公笑曰舉見處纔能自了而汝墮負何以爲人覺屏息汗下公爲作牧童歌其略曰回首看平田闊四方放去休攔遏一切無物任意游要收只把索頭撥小牛兒順毛捋恐上高坡四蹄脫曰已高休餵草捏定鼻頭無少老一時牽向闌中眠和泥看渠東西倒覺默得其遊戲三昧至京師與李公會月餘而李公果歿臨終畫一圓相文作偈獻公偈曰世界無依山河匪礙大海微塵須彌納芥拈起幘頭解下腰帶若覓死生問取皮袋公曰如何是本來佛性李公曰今日熱如昨日隨聲便問公臨行一句作麼生公曰本來無罣礙隨處任方圓李公曰晚來困倦更不答話公曰無佛處作佛李公於是泊然而逝 仁宗皇帝尤留神空宗聞李公之

化與圓問答加歎久之公哭之慟臨壙而別之有詔賜官舟南歸中途謂侍者曰我忽得風痺疾視之口吻已喎斜侍者以足頓地曰當奈何平生呵佛罵祖今乃爾公曰無憂爲汝正之以手整之如故曰而今而後不鈍置汝遂以明年至興化正月初五日沐浴辭衆跣趺而逝閱世三十有四坐夏三十有二李公之子銘誌其行於興化而藏全身於石霜公平生以事事無礙行心凡聖所不能測室中宴坐橫刀水盆之上旁置草鞋使來參扣者下語無有契其機者又作示徒偈曰黑黑黑道道明明明明得得又冬日勝僧堂作此字三三三三三其下注云若人識得不離四威儀中有首座者見之謂曰和尚今日放參慈明聞而笑之云

贊曰有際天之雲濤乃可容吞舟之魚有九萬里之風乃可負乖天之翼三世如來之法印重任也豈尋常之材可荷檐乎余觀慈明以英偉絕人之姿行不羈凡聖之事談笑而起臨濟于將仆叱咤而死黃龍之偷心視其施爲不見轍迹未三世而死爲繩墨諺

曰字經三寫焉焉成焉此言雖小可以喻大

禪林僧寶傳卷第二十一

禪林僧寶傳卷第二十二

宋明白庵居沙門 惠洪 撰

黃龍南禪師

禪師章氏諱惠南其先信州玉山人也童髫深沉有大人相不苟輩不嬉戲年十一棄家師事懷玉定水院智鑾管隨鑾出道上見祠廡輒杖擊火毀之而去十九落髮受具足戒遠游至廬山歸宗老宿自寶集衆坐而公却倚實時時晦之公自是坐必跏趺行必直視至棲賢依謁禪師謁蒞衆進止有律度公規模之三季辭渡淮依三角澄禪師澄有時名一見器許之及澄移居泐潭公又與俱澄使分座接納矣而南昌文悅見之每歸臥歎曰南有道之器也惜未受本色鉗錘耳會同游西山夜語及雲門法道悅曰澄公雖雲門之後然法道異耳公問所以異悅曰雲門如

九轉丹砂點鍊作金澄公藥汞銀徒可玩入鍛即不去公怒以枕投之明日悅謝過又曰雲門氣宇如王甘死語下乎澄公有法受人死語也死語其能活人哉即背去公挽之曰卽如是誰可汝意者悅曰石霜楚圓手段出諸方子欲見之不宜後也公默計之曰此行脚大事也悅師翠峯而使見石霜見之有得於悅何有哉卽日辨裝中途聞慈明不事事慢侮少叢林乃悔欲無行留萍鄉累日結伴自收縣登衡岳寓止福嚴老宿號賢叉手者大陽明安之嗣命公掌書記泐潭法侶聞公不入石霜遣使來訊俄賢卒郡以慈明領福嚴公心喜之且欲觀其人以驗悅之言慈明旣至公望見之心容俱肅聞其論多貶剝諸方而件件數以爲邪解者皆泐潭密付旨決氣索而歸念悅平日之語翻然改曰大丈夫心膂之間其可自爲疑礙乎趨詣慈明之室曰惠南以闇短望道未見此間夜參如迷行得指南之車然唯大慈更施法施使盡餘疑慈明笑曰書記已領徒游方名聞叢林借有疑不以衰陋鄙棄坐而商略顧不可哉呼侍者進

榻且使坐公固辭哀懇愈切慈明日書記學雲門禪必善其旨如曰放洞山三頓棒洞山于時應打不應打公曰應打慈明色莊而言聞三頓棒聲便是喫棒則汝自旦及暮聞鷄鳴鵲噪鐘魚鼓板之聲亦應喫棒喫棒何時當已哉公瞠而却慈明云吾始疑不堪汝師今可矣即使拜公拜起慈明理前語曰脫如汝會雲門意旨則趙州嘗言臺山婆子被我勘破試指其可勘處公面熱汗下不知答趨出明日詣之又遭詬罵公慙見左右卽曰政以未解求決耳罵豈慈悲法施之式慈明笑曰是罵耶公於是默悟其旨失聲曰勸潭果是死語默偈曰傑出叢林是趙州老婆勘破沒來由而今四海清如鏡行人莫以路爲嫌慈明以手點沒字顧公公卽易之而心服其妙密留月餘辭去時季三十五游方廣後洞識泉大道又同夏泉凡聖不測而機辯逸羣捐公背曰汝脫類汾州厚自愛明季游荊州乃與悅會于金鑾相視一咲曰我不得友兄及谷泉安識慈明是秋北還獨入勸潭澄公舊好盡矣自雲居游同安老宿號神立者蔡公倦行

役謂曰吾住山久無補宗教敢以院事累子而郡將雅知公名從立之請不得已受之勸潭遣僧來審提唱之語有曰智海無性因覺妄以成凡覺妄元虛卽凡心而見佛便爾休去謂同安無折合隨汝顛倒所欲南斗七北斗八僧歸舉似澄澄爲不憚俄聞銅石霜勸潭法侶多棄去住歸宗火一夕而燼坐抵獄爲吏者百端求其隙公怡然引咎不以累人唯不食而已久而後釋吏之橫逆公沒齒未嘗言住黃檗結菴於溪上名曰積翠旣而退居曰吾將老焉方是時江湖閩粵之人聞其風而有在於是者相與交武謁暨于道唯恐其后雖優游厭厭固以爲有餘者至則憮然自失就弟子之列南州高士潘輿嗣延之嘗問其故公曰父嚴則子孝今來之訓後日之範也譬諸地爾隆者下之窪者平之彼將登于千仞之上吾亦與之俱困而極于九困之下吾亦與之俱伎之窮則妄盡而自釋也又曰物之軀之春夏之所以生育也霜之雪之秋冬之所以成熟也吾欲無言得手以佛手臚脚生緣三語問學者莫能契其旨天下叢林目爲

三關脫有誦者公無可否歛目危坐人莫涯其意延之又問其故公曰已過關者掉臂徑去安知有關吏從吏問可否此未透關者也住黃龍法席之盛追婉泐潭馬祖百丈大智熙寧二年三月十七日饌四祖惠日兩專使會罷越跣趺寢室前大衆環擁良久而化前一日說偈又七日闍維得五色舍利塔于山之前嶂閱世六十有八坐五十夏或云閱世六十有大觀四年春

勅謚普覺

贊曰山谷論臨濟宗旨曰如漢高之收韓信附耳語而封王卽臥內而奪印僞游雲夢而縛以力士給賀陳豨而斬之鍾室蓋漢高無殺人劍韓信心亦不死宗師接人病多如此臨濟宗旨止要直下分明鉗鎚付在嫡子親孫予觀黃龍以三關語鍛盡聖凡蓋所謂嫡子親孫本色鉗鎚者也

雲峰悅禪師

禪師生徐氏名文悅南昌人也七歲剃髮於龍興寺短小粹美有精識年十九杖策徧游江淮常默坐下

板念耆宿之語疑之曰吾聞臨濟在黃檗三年黃檗不識也陳尊宿者教之令問佛法大意三問而三被打未聞諄諄授之也至大愚而悟則爲江西宗耆宿教我意非徒然我所欲聞者異耳斯時荊州金鑾有善筠州大愚有芝悅默欲先往造芝或不契則詣荊州至大愚見屋老僧殘荒涼如傳舍芝自提笠日走市井暮歸閉關高枕悅無留意欲裝包發去將發而雨雨止而芝陞座曰大家相聚喫葷齋若喚作一葷壘入地獄如箭射下座無他語悅大駭夜造丈室芝曰來何所求曰求佛心法芝曰法輪未轉食輪先轉后生趁有色力何不爲衆乞飯去我忍飢不暇暇爲汝說法乎悅不敢違卽請行及還自馮川芝移住西山翠巖悅又往從之夜詣丈室芝曰又欲求佛心法乎汝不念乍住屋壁疎漏又寒雪我日夜望汝來爲衆營炭我忍寒不能能爲汝說法乎悅又不敢違入城營炭還時維那缺悅夜造丈室芝曰佛法不怕爛却堂司一職今以煩汝悅不得語而出明日鳴鍵椎堅請悅有難色拜起欲棄去業已勤勞久因中止然

恨芝不去心地坐後架架下束破桶盆自架而墮忽開悟頓見芝從前用處走搭伽梨上寢堂芝迎咲曰維那且喜大事了畢悅再拜汗下不及吐一詞而去服勤八季而芝沒東游三吳所至叢林改觀雪竇顯禪師尤敬畏之每集衆茶橫設特榻示禮異之聞南禪師住同安自三衢入鄱陽來歸謁古塔主遂首衆僧於芝山南禪師遣使迎之又首衆僧於同安久之南昌移文請住翠嵐方至首座出迎問曰德山宗乘卽不問如何是臨濟大用悅厲語曰汝甚處去來首座擬對悅掌之又擬申語悅喝曰領衆歸去於是一衆畏仰示衆曰昔季曾到今日復來非惟人事重榮抑亦林泉增悉且道如何是不傷物義一句良久曰天高東南地傾西北問僧曰汾州言識得拄杖子行脚事畢舉杖曰此是拄杖子阿那箇是行脚事僧無對悅荷之曰直入千峯萬峰去又問僧盤山言似地擎山不知山之孤峻如石含玉不知玉之無瑕如何僧無對悅曰似地擎山如石含玉從何得此消息耶住山儉約躬自力田夫夜穴墜竊水悅遣兩力邏

得之田夫窘推甲墮水視之已死乙走白縣吏來驗則甲蓋詐也抵獄坐使之當著縫掖龍輿一老僧以醫出入府中夜間往懇白府坐曰如悅者佛法龍象也豈宜使出叢林耶府坐曰法如是奈何以度牒付之悅得以夜馳依吉州禾山山中有忌之者將不利于悅悅又造南嶽依承天勤禪師十季不出戶道遂大顯著學者歸心焉乃出住法輪給春監刈皆白董之見挾懷負包而至者則容喜之見荷擔者輦頰曰未也更三十年跨馬行脚也悅與潭州興化銑禪師友善銑住持久老於迎送悅屢勸其棄之歸林下銑不果一日送客墮馬損臂以書訴於悅悅以偈答之曰大悲菩薩有千手大丈夫兒誰不有與化和尙折一枝只得九百九十九銑咲曰負負無可言俄遷住雲峰嘉祐七年七月八日陞座辭衆說偈曰住世六十六年爲僧五十九夏禪流若問旨皈鼻孔大頭向下遂泊然而化闍維得五色舍利塔于禹溪之北贊曰黃檗大用如塗毒鼓管絃之而死臨濟置之二百年矣芝公又一過之而死雲峰余讀其語句如青

山白雲開遮自在碧潭明月撈漉方知至其發積翠以見慈明發晦堂以見積翠至公法道則有大愚陳睦州之韻嗚呼叢林方嘆其不肯低手故嗣之者無間是何足以知悅哉

禪林僧寶傳卷第二十二

禪林僧寶傳卷第二十三

宋明白庵居沙門 惠洪 撰

黃龍寶覺心禪師

禪師出於鄔氏諱祖心南雄始興人也少爲書生有聲年十九而目盲父母許以出家輒復見物乃往依龍山寺沙門惠全明年試經業而公獨獻詩得奏名剃髮繼住受業院不奉戒律且逢橫逆於是棄之入叢林謁雲峯悅禪師留止三年難其孤硬告悅將去悅曰必往依黃蘗南公至黃蘗四年知有而機不發又辭而上雲峯會悅謝世因就止石霜無所參決試閱傳燈至僧問多福禪師曰如何是多福一叢竹

福曰一莖兩莖斜僧曰不會福曰三莖四莖曲此時頓覺親見二師徑歸黃蘗方展坐具南公日子入吾室矣公亦踴躍自喜即應曰大事本來如是和尚何用教人看話下語百計搜尋南公曰若不令汝如此究尋到無用心處自見自肯吾即埋沒汝也公從容游泳陸沉衆中時時往決雲門語句南公曰知是般事便休汝用許多工夫作麼公曰不然但有纖疑在不到無學安能七縱八橫天迴地轉哉南公肯之已而往翠巖真禪師真與語大奇之依止二年而真歿乃還黃蘗南公使分座令接納後來南公遷住黃龍公往謁渤潭月禪師月以經論精義入神聞諸方同列笑之以謂政不自歇去耳乃下喬木入幽谷手公曰彼以有得之得護前遮後我以無學之學朝宗百川中以小疾醫寓漳江轉運判官夏倚公立雅意禪學見楊傑次公而歎曰吾至江西恨未識南公次公曰有心上座在漳江公能自屈不待見南也公立見公劇談神思傾豁至論肇論會萬物爲自己者及情與無情共一體時有狗臥香卓下公以壓尺擊狗又

擊香卓曰：狗有情，即去香卓無情；自住情與無情，如何得成一體？公立不能對公曰：纔入思惟，便成剎法。何曾會萬物爲自己哉？又嘗與僧論維摩，曰：三萬二千師子寶座，入毗耶小室，何故不礙？爲是維摩所現神力耶？爲別假異術耶？夫難信之法，故現此瑞有能信者，始知本來自有之物，何故復令更信？曰：若無信入，小必妨大。雖然，既有信法，從何而起耶？又作偈曰：樓閣門前纔歛念，不須彈指早開扉。善財一去無消息，門外春來草自青。其指法親切，方便妙密，多類此。南公入滅，公繼住持，十有二年，然性真率，不樂從事於務，五求解去，乃得謝事閑居。而學者益親，謝景溫師直守潭州，虛大瀉，以致公三辭不往。又囑江西轉運判官彭汝礪，器資請所以不赴長沙之意。公曰：願見謝公，不願領大瀉也。馬祖百丈已前，無住持事道人，相尋于空閑寂寞之濱而已。其後雖有住持王臣尊禮爲天人師，今則不然，掛名官府，如有戶籍之民，直遣伍伯追呼之耳。此豈可復爲也？師直聞之，不敢以院事屈願。一見之公，至長沙，師直願受法訓，公

爲舉其綱，其言光明廣大，如青天白日之易識，其略曰：三乘十二分教，還同說食，示人食味。旣因他說其食，要在自己親嘗。旣自親嘗，便了知其味是甘是辛，是鹹是淡，達磨西來，直指人心，見性成佛，亦復如是。眞性旣因文字而顯，要在自己親見。若能親見，便能了知。目前是眞是妄，是生是死，旣能了知，眞妄生死，返觀一切語言文字，皆是表顯之說，都無實義。如今不了病在甚處，病在見聞覺知爲不如實，知眞際所詣，認此見聞覺知爲自所見，殊不知此見聞覺知皆因前塵而有分別。若無前塵境界，卽此見聞覺知還同龜毛兔角，並無所歸。師直聞所未聞，又答韓侍郎宗古問曰：承諭昔時開悟，曠然無疑，但無始已來習氣未能頓盡，然心外無剎法者，不知煩惱習氣是何物而欲盡之？若起此心，翻成認賊爲子也。從上來，但有言說，乃至隨病設藥，縱有煩惱習氣，但以如來知見治之，皆是善權方便，誘引之說。若是定有習氣可治，却是心外有法，而可盡之，譬如靈龜曳尾于塗，拂迹迹生，可謂將心用心，轉見病深，苟能明心，心

外無法法外無心心法既無更欲教誰願盡耶公以生長極南少以宏法棲息山林方太平時代欲觀光京師以餞餘年乃至京師駙馬都尉王誥晉卿盡禮迎之庵于國門之外久之南還再游廬山彭器資之守九江公見之器資從容問公人臨命終時有旨決乎公曰有之曰願聞其說公曰待器資死卽說器資起增敬曰此事須是和尙始得蓋於四方公卿合則千里應之不合則數舍亦不往有偈曰不住唐朝寺閑爲宋地僧生涯三事納故舊一枝藤乞食隨緣去逢山任意登相逢莫相笑不是嶺南能可以想見公人物黃龍南公道貌德威極難親附雖老于叢林者見之汗下公之造前意甚閑暇終日語笑師資相忘四十年間士大夫聞其風而開發者衆矣惟其善巧無方普慈不問人未之見或慢謗承顏接辭無不服膺公既臘高益移庵深入棧絕學者又二十餘年以元符三年十一月十六日中夜而歿閱世七十有六坐五十有五夏賜號寶覺葬於南公塔之東號雙塔有得法上首惟清自有傳

贊曰公於南公圓寂之日作偈曰昔人去時是今日今日依前人前人不來今既不來昔不往曰雲流水空裴回誰云秤尺平直中還有曲誰云物理齊種麻還得粟可憐馳逐天下人六六元來三十六追玩南公曰隨汝顛倒所欲南斗七北斗八之語此老爲克家之子嗚呼隕此偉人世間眼滅惟此未嘗不心折讀其陳迹尙若雨霽之夕望東南之月皎然萬星之中忘其身在此霧間也

渤潭眞淨文禪師

眞淨和尙出於陝府閿鄉鄭氏鄭族世多名卿師生而傑異幼孤事後母至孝失愛于母數困辱之父老悲之使游學四方至復州北塔聞耆宿廣公說法感泣裂縫掖而師事之故北塔以克文名之年二十五試所習剃髮受具足戒學經論無不臻妙奪京洛講席自爲主客而發奧義者數矣經行龍門殿廡間見塑比丘像冥目如在定師幡然自失謂其伴曰我所負者如吳道子畫人物雖盡妙然非活者於是棄去曰吾將南游觀道焉所至辯論傾其坐人指目以爲

飽參治平二年夏坐於大瀉夜聞僧誦雲門語曰佛法如水中月是否曰清波無透路豁然大悟時南禪師在積翠師造焉南公問從什麼處來對曰瀉山南曰恰值老僧不在進曰未審向什麼處去南曰天台普請南嶽雲遊曰若然者學人亦得自在去也南公曰脚下蹊是何處得來曰廬山七百錢唱得南公曰何曾自在師指曰何曾不自在耶南公駭異之于時洪英首座機鋒不可觸與師齊名英邵武人衆中號英邵武文關西久之辭去寓止翠巖順禪師順日子種性邁往而契悟廣大臨濟欲仆子力能支之厚自愛南公住黃龍師復往焉南公曰適令侍者捲簾問渠捲起簾時如何曰照見天下放下簾時如何曰水泄不通不卷不放時如何侍者無語汝作麼生師曰和尚替侍者下涅槃堂始得南公厲曰關西人果無頭腦乃顧旁僧師指之曰只這僧也未夢見南公大笑自是門下號偉異博大者見之響縮南公入滅南游衡嶽還首衆僧於仰山熙寧五年至高安太守錢公弋先候之師復謁有笑逸出屏間師方趨逆之少

避乃進錢公嘲曰禪者固能教誨蛇虎乃畏狗乎師曰易伏隈常虎難降護宅龍錢公嘆曰人不可虛有名住洞山聖壽兩刹十有二年謝事東游三吳至金陵時舒王食官使祿居定林聞師至倒屣出迎王問諸經皆首標時處圓覺經獨不然何也師曰頓乘所演直示衆生日用現前不屬今古只今老僧與相公同入大光明藏游戲三昧互爲賓主非干時處又問經曰一切衆生皆證圓覺而圭峯以證爲具謂譯者之訛如何對曰圓覺如可改維摩亦可改也維摩豈不曰亦不滅受而取證夫不滅受蘊而取證者與皆證圓覺之意同蓋衆生現行無明卽是如來根本大智圭峯之言非是舒王大悅稱賞者累日施其第爲寺以延師爲開山第一祖舒王以師道行聞神考詔賜號眞淨未幾厭煩闌還高安庵於九峯之下名曰投老學者自遠而至六年而移住歸宗又二年張丞相時由左司謫金陵酒官起帥南昌過廬山見師康強盡體力致之以居渤潭俄退居雲庵以崇寧元年十月日日示疾十五日疾愈料理平生玩好道具

件件疏之散諸門弟子十六日中夜沐浴更衣跏趺衆請說法師笑曰今年七十八四大相離別火風既分散臨行休更說遺誠皆宗門大事不及其私言卒而寂又七日闍維五色成燄白光上騰煙所及皆成舍利道俗千餘人皆得之分建塔於渤潭寶蓮峯之下洞山留雲洞之北

贊曰雲庵以天縱之姿不由師訓自然得道特定宗旨於黃龍而已其沮壞義學剖發幽翳以樂說之辨洗光佛日使舒王敬誠心服至獻名于天子施第爲寶坊道顯著矣然猶掉頭不顧甘自放於萬壑千巖之間究觀施設其心不肯後濫山曹谿蓋一代宗師之典型後來衲子模楷也

禪林僧寶傳卷第二十三

禪林僧寶傳卷第二十四

宋明白庵居 沙門 洪惠 撰

仰山偉禪師

禪師名行偉生于氏大名人也幼寡笑語頽然地坐終日伏犀插額眉目疎秀人皆異之年十九遊京師聞寶相寺大乘師方益有鑒裁謁之益曰君風神不凡然非淩煙麒麟所宜置正當袒肩荷擔如來乃稱耳偉欣然曰此吾心也願執役掃除益以講學聚徒偉甘勤力挽車運粟破薪佐炊無所不爲者十三年乃剃落受具辭益經行諸方益令入洛遂受賢首教於太三藏成名繼其席常千人講無定居南游門弟子有願隨者偉不却至淮上所至禪林盛藉藉聞宗師名心怪之館淮山古寺見昔同學法亮黻衲勃窣高其衣裙布纏兩脛驚曰亮亦逃矣呼俱行者聚觀太息亮笑叙寒溫而已偉問曰汝今稱禪者禪宗奧義語我來亮曰待我死後爲汝敷說偉曰狂耶亮曰我狂已息汝今方熾即趨去偉請其屬曰亮聞見淹博知法解義倍我今甘爾禪家必有長處乃獨行詣

黃蘗謁南禪師依止二年每造室南公必斂目良久乃語偉曰和尚見行偉必合眼何耶曰麻谷見良遂來荷鋤草良遂有悟處我見汝來但閑閉目汝雖無悟然且有疑尙亦可在偉滋不曉時勸潭月禪師與南公同坐夏積翠月以經論有聲偉嘗侍座聽其談論因讀小釋迦傳曰韋尙書問仰山寂公禪師尋常如何接人寂曰僧來必問來爲何事曰來親覲又問還見老僧否曰見又問老僧何似驢僧未有酬者韋曰若言見爭奈驢若言不見今禮覲誰以此故難答寂曰無人如尙書辯析者耳月公稱善偉亦以爲然南公獨曰爲仰宗枝不到今者病在此耳偉日夜究思不悟其意將治行而西卜庵嵩少之下爲粥飯僧夜與一僧同侍座僧問法華經言得解一切衆生語言陀羅尼何等語是陀羅尼南公顧香鑪僧即引手候火有無無火又就添以炷香仍依位而立南公笑曰是此陀羅尼偉驚喜進曰如何解南公令僧且去僧揭簾趨出南公曰若不解爭能與麼偉方有省偉律身甚嚴燕坐忘夜且占一室謝絕交游有過偉

者虛已座以延之躬起炷香叉手而立南公聞之以爲大絕物非和光同塵之義面誠之對曰道業未辨歲月如流大根器如雲門趙州猶曰我惟粥飯二時是雜用心又曰我豈有工夫閑處用矧行偉根性日劫相倍者甯暇固世情事清談諛悅人增我相乎南公賢之熙寧二年南公歿于黃龍江西使者檄宜春厚禮致以居仰山未暮年法席冠江淮平昔同參知名者皆集道俗尊事之謂之後身通智性剛蒞事有法度俾某人職某事莫敢違者嘗遣化十二輩偉以其名付維那使明日俱來受曲折及會茶輒失一人偉問爲誰曰隨州永泰偉方經營中首座曰泰游山去請以他僧備員偉然之俄有告者曰泰寔在首座匿之以欺衆耳偉色莊使搜得之泰自陳怯弱懼失所受事首座寔不知也偉令擊鐘集衆白曰首座已分座授道又老師所賞識昧心罔衆他人猶不可爲乃甘自破壞乎首座屏息受罰俱承泰者出院諸方伏其公泰後嗣其法住黃蘗山首座住潯山嗣黃龍偉夏夜坐深林祖以食蚊蚋會腸毒作十日不愈以

刀絕之尺許血流不止門人泣曰師獨奈何不少忍
日爲其障我行道蒲伏牀上無所利於物得死不愈
于生乎元豐三年十一月二十六日說偈而化後三
日闍維得五色舍利骨石栓索勾連塔于寺之東閱
世六十三坐三十三夏

贊曰法句經言若起精進心是妄非精進觀偉施爲
宜若起心者何哉永嘉曰晝夜精勤恐緣差故不惜
身命以知恩故偉方畏緣差負法道之恩引雲門趙
州以自較渠慚是真是妄哉非志列秋霜何以若此
耶

東林照覺總禪師

禪師名常生劍州允谿施氏母夢男子頎然色如金
握白芙蓉三柄以授之但一柄得餘委地覺而娠後
誕三子伯仲皆不育總其季也年十一依寶雲寺文
兆法師出家又八年落髮詣建州大中寺契思律師
受具神觀秀異鸞翔虎視威掩萬僧偉如也初至吉
州禾山依禪智材公材有人望厚禮延之不留聞南
禪師之風辭材至歸宗久之無所得而去歸宗寺火

南公遷石門南塔又往從之及南公自石門而遷黃
藥積翠自積翠而遷黃龍總皆在焉二十年之間凡
七往返南公佳其勤勞稱于衆總自負密受大法旨
決志將大掖臨濟之宗名聲益遠叢林爭追崇之南
公歿哭之不成聲戀戀不忍去明年洪州太守榮公
修撰請住泐潭其徒相語曰馬祖再來也道俗爭先
願見元豐三年詔革江州東林律居爲禪席觀文
殿學士王公詔出守南昌欲延寶覺禪師心公寶覺
舉總自代總知宵遁去千餘里王公檄諸郡期必得
之竟得之新淦殊山窮谷中遂應命其徒又相語曰
遠公嘗有識記曰吾滅七百年後有肉身大士革吾
道場今符其語矣總之名遂聞天子有詔住相國智
海禪院總固稱山野老病不能奉詔然州郡敦遣急
於星火其徒又相語曰聰明泉者適自涸遠公所酌之泉在方西也
丈之凡兩月而得旨如所乞就賜紫伽梨號廣惠其
徒又相語曰聰明泉復湧沸矣元祐三年徐國王奏
號照覺禪師總於衲子有大緣槌拂之下衆盈七百
總嘗燕坐私相告曰方丈夜有白光天香郁然其得

衆心如此山門遣化多邊微瘴霧處有死於其所者
總必泣設位祭奠盡禮薦拔以故人人感動羅漢系
南禪師祐公之子有禪學未爲叢林所信至東林總
大鐘橫撞萬指出迎於清谿之上於是諸方傳之號
小南其成就後學又如此總住持十二年厦屋崇成
金碧照煙雲如夜摩觀史之宮從天而墮天下學者
從風而靡叢席之盛近世所未有也六年八月示疾
九月二十九日浴罷安坐泊然而寂十月八日全身
葬於鴈門塔之東閱世六十七坐四十九夏
贊曰予嘗游東林覽觀太息念其_{御名}之功叢林之
盛非願力大士莫能爲之也東坡詞曰堂堂總公僧
中之龍呼吸爲雲噫欠爲風是事且止聊觀其一戲
蓋將談笑不起于座而化廬山之下爲梵釋龍天之
宮渠不信夫

禪林僧寶傳卷第二十四

禪林僧寶傳卷第二十五

宋明白庵居沙門 惠洪 撰

大滙眞如詰禪師

禪師名慕詰出于臨川聞氏聞族寒詰又幼孤去依
建昌永安圓覺律師爲童子試所習得度具戒爲人
剛簡有高議以荷法爲志以精嚴律身翠巖眞禪師
游方時詰能識之眞好暴所長以蓋人號眞點胷所
至犯衆怒非笑之詰與之周旋二十年雖群居不敢
失禮眞住兩刹詰陰相之成法席有來學者且令見
詰侍者謂人曰三十年後詰其大作佛事眞歿塔於
西山心喪三年乃去依止黃蘗遂游湘中一鉢雲行
鳥飛去留爲叢林重輕謝師直守潭州聞其風而悅
之不可致會獄籠法席虛盡禮迎以爲出世累日而
後就俄遷住大滙衆二千指爲所約束人人自律唯
粥罷受門弟子問道謂之入室齋罷必會大衆茶諸
方纔月一再而詰講之無虛日放參罷詰自役作使
令者在側如路人晨香夕燈十有四年夜禮拜持茅
視殿廡燈火倦則以帔蒙首假寐三聖堂初猶浴至

老不浴者十餘年紹聖元年有詔住大相國寺智海禪院京師士大夫想見風裁叢林以詰靜退以畏煩闕不敢必其來詰受詔欣然俱數衲子至解包之日傾都來觀至謂一佛出世院窄而僧日增無以容則相枕地臥有請限之者詰曰僧佛祖所自出厭僧厭佛祖也安有名爲傳法而厭佛祖乎汝安得不祥之言哉詰愛人以德事不合必面折之說法少緣飾貴賤一日問學者趙州洗鉢話上人如何會僧擬對詰以手托之曰歇去自其分座接納至終未嘗換機明年十月初八日無疾說偈與衆別良久遂化闍維得舍利大如豆光潔明徹目睛齒爪皆不壞門弟子分塔瀉山京師兩處

贊曰眞如平生以身爲舌說比丘事及其霜露果熟則衆聖推出予觀其潛行密用于山間樹下至於死生之際奇瑞之驗乃在或天子之都其亦乘願力而至者耶

雲居祐禪師

禪師名元祐王氏信州上饒人也年十三師事博山

承天沙門齊最二十四得度具戒時南禪師在黃檗卽往依之十餘年智辯自將氣出流衆以是悅之少然祐不郵也南公歿去游湘中廬於衡嶽馬祖故基納子追隨聲重荆楚問謝師直守潭州欲禪道林之律居盡禮致祐爲第一世祐欣然肯來道林蜂房蟻穴間見層出像設之多冠於湘西祐夷廊之爲虛堂爲禪室以會四海之學者役夫不敢壞像設祐自勦棄諸江曰昔本不成今安得壞吾法尙無凡情存聖解乎六年而殿閣崇成棄之去游廬山南康太守陸公時請住玉澗寺徐王聞其名奏賜紫方袍祐作偈辭之曰爲僧六十髮先華無補空門愧出家願乞封迴禮部牒免辜廬老衲袈裟人問其故祐曰人主之恩而王者之施非敢辭以近名也但以法未等耳昔惠滿不受宿請曰天下無僧乃受汝供滿何人哉王安上者舒王之弟問法於祐以雲居延之祐曰爲攜此骨歸塋峯頂耳登輿而去疾諸方死必塔者曰山川有限僧死無窮它日塔將無所容於是於開山宏覺塔之東作卵塔曰凡住持者非生身不壞

火浴雨舍利者皆以骨石填于此其西又作卵塔曰凡僧化皆以骨石填于此謂之三塔紹聖二年七月七日夜集衆說偈而化時秋暑方熾而顏如生闍維得五色舍利有光吞飲暎奪久乃滅山林忽皆華白閱世六十有六坐四十有二夏祐清癯髮白不剪風度英特說法好譏呵諸方雅自稱王祐上座云

贊曰余少時遊廬山謁公于玉澗道林堂是時公方病起扶杖出依繩牀瘦骨盡露神觀超詣如世所畫須菩提所示數語皆可誦嗚呼今無復見此老矣其所施爲補叢林甚多特載其一二編蔽彰著者以激後學云

隆慶閑禪師

禪師名慶閑福州古田卓氏子也母夢胡僧授以明珠吞之而娠及生白光照室幼不近酒戲年十一事建州昇山沙門德圓十七得度二十遽游性純至無所嗜好唯道是究貌豐碩寡言語所至自處罕與人接有卽之者一舉手而去以父事南禪師南公鍾愛之時與翠巖順公同在黃檗順時時詰問閑閑橫機

無所讓順訴于南公曰閑輕易且語未觸淨南公曰法如是以情求閑乃成是非其可哉閑嘗問南公文首座即雲庵也何如在黃檗時南公曰渠在黃檗時如人暴富用錢如糞土爾來如數世富人一錢不虛用南公嘗以事至雙嶺閑自翠巖來上謁南公問什麼處來對曰百丈來又問幾時離對曰正月十三日南公曰脚跟好痛與三十棒對曰非但三十棒南公喝曰許多時行脚無點氣息對曰百千諸佛亦乃如是曰汝與麼來何曾有纖毫到諸佛境界對曰諸佛未必到慶閑境界又問如何是汝生緣處對曰早晨喫白粥至今又覺飢又問我手何似佛手對曰月下弄琵琶又問我脚何似驢脚對曰驚鷺立雪非同色南公咨嗟而視曰汝剃除鬚髮當爲何事耶對曰只要無事曰與麼則數聲清磬是非外一箇閑人天地間也閑曰是何言歟曰伶俐衲子閑曰也不消得南公曰此間有辯上座者汝著精彩對曰他有什麼長處曰他拈汝背一下又如何閑曰作什麼曰也展兩手閑曰甚處學得這虛頭來南公大笑閑却展兩手南公

喝之又問懽懽鬆鬆兩人共一碗作麼生會對曰百
雜碎曰盡大地是箇須彌山提來掌中汝又作麼生
會對曰兩重公案南公曰這裏從汝胡言漢語若到
同安如何過時英邵武在同安作首座開欲往見之對曰渠也須到
這箇田地始得曰忽被渠指火鑪曰這箇是黑漆火
鑪那箇是黑漆香卓甚處是不到處對曰慶閑面前
且從恁麼說話若是別人笑和尚去南公拍一拍閑
便喝明日同看僧堂曰好僧堂對曰極好工夫曰好
在甚處對曰一梁柱一柱曰此未是好處閑曰和尚
又作麼生南公以手指曰這柱得與麼圓那枋得與
麼圓對曰入天大善知識須是和尙始得即趨去明
日侍立乃問得坐披衣向後如何施設閑曰遇方即
方遇圓即圓曰汝與麼說話猶帶唇麼在對曰慶閑
即與麼和尚又作麼生曰近前來爲汝說閑撫掌云
三十年用底今朝捉敗南公大笑云一等是精靈南
公在時學者已爭歸之及歿廬陵太守張公鑒請居
隆慶末期年鍾陵太守王公韶請居龍泉不逾年以
病求去廬陵道俗聞其棄龍泉也舟載而歸居隆慶

之西堂事之益篤元豐四年三月七日告衆將入滅
說偈乃入浴浴出裸坐方以巾搭膝而化神色不變
爲著衣手足和柔髮剃而復出太守來觀願留全身
而僧利儼曰遺言令化闍維薪盡火滅跏趺不散以
油沃薪益之乃化是日雲起風作飛瓦折木煙氣所
至東西南北四十里凡草木沙礫之間皆得舍利如
金色碎之如金沙道俗購以金錢細民拾而鬻之數
日不絕計其所獲幾數斛閱世五十有五坐三十有
六夏初蘇轍子由欲爲作記而疑其事方臥店夢有
呵者曰閑師事何疑哉疑即病矣子由夢中作數百
言甚雋偉而其銘略曰稽首三界尊閑師不止此愍
世狹劣故聊示其小者子由知其言哉
贊曰潛庵爲余言閑爲人氣剛而語急嘗同宿見其
坐而假寐夢語寢寢而頌略識之皆古禪機緣初以
爲適然已而每每連榻莫不爾蓋其款誠於道精一
如此唐道宣譏明皇襲於般若聞薰不一而沉佗想
自起現行閑之去留踐履之驗非聞熏不一者也

雲蓋智禪師

禪師名守智生於劍州龍津陳氏幼依劍浦林重院沙門某爲童子年二十三得度受具於建州開元寺初出嶺至豫章謁大寧寬禪師時法昌遇公方韜藏西山智聞其飽參詣之至雙嶺寺寺屋多僧少草棘滿庭山雪未消智見一室邃僻試揭簾聞叱詬曰誰故出我煙蓋遇方附濕薪火藉煙爲暖耳智反走遇呼曰來汝何所來對曰大寧又問三門夜來倒知否智愕曰不知遇曰吳中石佛大有人不曾得見智不敢犯其詞知其爲遇也乃敷坐具願親炙之遇使往謁眞點臂久之無大省發然勤苦不費剪爪之功及謁南禪師於積翠依止五年又見英邵武於同安南公歿南遊首衆僧於石霜謝師直聞其名以書抵智曰果游嶽道由長沙幸屈臨庶款晤師當恕其方以官守不當罪其坐致也智過師直師直問曰龐居士問馬大師無弦琴因緣記得否智曰記得師直曰龐公曰弄巧成拙是賓家是主家智笑指師直曰弄巧成拙師直喜之出世住道吾俄遷住雲蓋十年疾禪林便軟暖道心澹泊來參者掉頭不納元祐六年退

居西堂閉戶三十年湘中衲子聞其接納容入室則堂室爲滿智爲人耐枯淡日猶荷鋤理蔬圃至老不衰政和四年年九十矣潭師周穉仁熟遣長沙令佐詣山請供智以老辭令佐固邀曰太守以職事不得入山遣屬吏來迎意勤乃不往貽山門之咎智登輿而至入開福齋罷鳴鼓智問其故曰請師住持此院智心知墮其計不得辭乃受之明年三月七日或云七月七陞座說偈曰未出世頭似馬杓出世後口如驢觜百年終須自壞一任天下卜度歸方丈安坐良久乃化闍維得五色舍利經旬細民發灰燼中猶得之坐六十六夏

贊曰余至雲蓋依止之二年詳聞黃蘗翠巖故時事曰南公住黃龍天下有志學道者皆集南公視之猶不憚從容問其意曰我見慈明時座下雖衆不多然皆堂堂龍象今例寒酸不上人眼佛法盛衰自今日始也雲蓋今又老矣叢林去南公已五十年當時號寒酸者亦不可見余因傳其平生感之遂併記

禪林僧寶傳卷第二十五

禪林僧寶傳卷第二十六

宋明白庵居沙門 惠洪 撰

圓通訥禪師

禪師名居訥字中敏出于蹇氏梓州中江人生而英特讀書過目成誦年十一去依漢州什邡竹林寺元昉十七試法華得度受具於穎真律師以講學冠兩川耆年多下之會有禪者自南方還稱祖道被天下罵大師什邡人應般若多羅議蜀之豪俊以經論聞者如亮公而亮棄徒隱西山如鑒公而鑒焚疏鈔稱滴水莫敵巨海訥憮然良久曰汝知其說乎禪者曰我不能知也子欲知之何惜一往訥於是出蜀放浪荆楚屢閱寒暑迄無所得西至襄州洞山留止十年讀華嚴論至曰須彌在大海中高八萬四千由旬非手足攀攬可及以明八萬四千塵勞山住煩惱大海衆生有能於一切法無思無爲卽煩惱自然枯竭塵勞成一切智之山煩惱成一切智之海若更起心思慮卽有攀緣卽塵勞愈高煩惱愈深不能以至諸佛智頂也三復之嘆曰石鞏云無下手處而馬祖曰曠

劫無明今日一切消滅非虛語也後游廬山道價曰增南康太守程師孟請住飯宗遂嗣榮禪師又住圓通仁宗皇帝聞其名皇祐初詔住十方淨因禪院訥稱目疾不能奉詔有旨令舉自代遂舉僧懷璉禪學精深在居訥之右于是詔璉璉至引對問佛法大意稱旨天下賢訥知人訥臨衆簡嚴不妄言笑嘗習定初叉手目如中夜漸升至膺侍者每視以候鵲鳴其精進如此住持二十年移住四祖開元兩刹所至叢林號稱第一既老休居於寶積岩熙寧四年三月十六日無疾而化閱世六十有二坐四十有五夏歐陽文忠公貶異立教者獨尊敬訥與賢良蘇洵明允游相好云

贊曰法道陵遲沙門交士大夫未嘗得預下士之禮津津喜見眉目訥却萬乘之詔而以弟子行其尊法有體超越兩遠觀其標致可諷後學至于臨衆造次不忘自治在易家人上九有孚威如終吉象曰威如之吉反身之謂也

淨因臻禪師

禪師名道臻字伯祥福州古田戴氏子也幼不如輩十四歲去上生院持頭陀行又六年爲大小經論置不讀曰此方便說耳即持一鉢走江淮所參知識甚多而得旨決於浮山遠禪師江州承天虛席致臻非所欲而游丹陽寓止因聖一日行江上顧舟默計曰當隨所往信吾緣也問舟師曰載我船尾可乎舟師笑曰師欲何之我入汴船也臻云吾行游京師因載之而北謁淨因大覺璉禪師璉使首衆僧於座下及璉歸吳衆請以臻嗣焉開法之日英宗遣中使降香賜紫方袍徽號京師四方都會有萬好惡貴人達官日填門而臻一目之慈聖上仙神宗詔至慶壽宮賜對甚喜詔設高廣座恣人問答左右上下得未曾有權聲動宮殿賜與甚厚神宗悼佛法之微愍名相之弊始即相國爲慧林智海二刹其命主僧必自臻擇之宿老皆從風而靡高麗使三僧來就學臻隨根開悟神宗上仙被詔至福寧殿說法詔道臻素有德行可賜號淨照禪師臻爲人渠渠靜退似不能言者所居都城西隅衲子四十餘輩頽然不出

戶三十年如一日元祐八年八月十七日歿前嘗語門弟淨圓曰吾更三日行矣及期沐浴更衣說偈已跏趺而化閱世八十坐六十有一夏臻性慈祥純至奉身至約一布裙二十年不易用五幅纈掩脛不多爲叢褶曰徒費耳無所嗜好乃能雪方丈之西壁請文與可掃墨竹謂人曰吾使游人見之心目清涼此君蓋替我說法也初說法于慶壽宮僧問慈聖仙游定皈何所臻曰水流元在海月落不離天上悅以爲能加敬焉

贊曰余至京師尙及見之時年已八十編首婆娑面有孺子之色取次伽梨曳履送客可畫也黃魯直題其像曰老虎無齒臥龍不吟千林月黑六合雲陰遠山作眉紅杏腮嫁與春風不用媒老婆三五少年日也解東塗西抹來

法雲圓通秀禪師

禪師名法秀秦州隴城人生辛氏母夢有僧癭甚鬚髮盡白託宿曰我夢積山僧也覺而有娠先是夢積山有僧亡其名曰誦法華與應乾寺魯和尚者善嘗

欲從魯游方魯老之既去緒語曰他日當尋我竹鋪坡前鐵疆嶺下俄有兒生其所魯聞之往觀焉兒爲一笑三歲隨魯販遂冒魯姓十九通經爲大僧天骨峻拔軒昂萬僧中凜然如畫講大經章分句折旁穿直貫機鋒不可觸聲著京洛倚圭峯鈔以詮量衆義然恨圭峯學禪唯敬北京元華嚴然恨元非講曰教盡佛意則如元公者不應非教禪非佛意則如圭峯者不應學禪然吾不信世尊教外別以法私大迦葉乃罷講南游謂同學曰吾將窮其窟穴搜取其種類抹殺之以報佛恩乃已耳初至隨州護國讀淨果禪師碑曰僧問報慈如何是佛性慈曰誰無又問淨果果曰誰有其僧因有悟秀大笑曰豈佛性敢有無之一本云豈佛法有無之矧又曰因以有悟哉其氣拂膺去至無爲鐵佛謁懷禪師懷貌寒危坐涕垂沾衣秀易之懷取涕問座主講何經秀曰華嚴又問此經以何爲宗秀曰以心爲宗又問心以何爲宗秀不能對懷曰毫釐有差天地懸隔秀退自失悚然乃敬服願留日夕受法懷公移池入吳秀皆從之十年初說法於淮

四面山杖笠之包具而已衲子追逐不厭飢寒秀哀祖道不振叢林凋落以身任之住棲賢有僧文慶寒陋不上眼秀遣督割稻石橋莊旣辭去有識者曰慶出世湘鄉寺十餘年雲蓋願禪師嗣也秀遣侍者追謝之且迎以還山慶曰疾稻入困乃還秀心奇之稱於衆後住棲賢二十年秀寔使之也蔣山元禪師歿舒王以禮致秀嗣其席秀至山王先候謁而秀方理叢林事不時見王以爲慢已遂不合棄去住眞州長蘆衆千人有全椒長老至登座衆目笑之無出問者於是秀出拜趨問如何是法秀自已全椒笑曰秀鐵面乃不識自已乎叢林號秀爲鐵面秀曰當局者迷然一衆服其荷法心也冀國大長公主造法雲寺成有詔秀爲開山第一祖開堂之日神宗皇帝遣中使降香并磨納仍傳聖語表朕親至之禮皇弟荆王致敬座下雲門宗風自是興於西北士大夫日夕問道時司馬溫公方登庸以吾法太盛方經營之秀曰相公聰明人類英傑非因佛法不能爾遠忘願力乎溫公不以介意元祐五年八月臥疾詔翰林醫官視

之醫請候脉秀仰視曰汝何爲者也吾有疾當死耳求治之是以生爲可戀也平生生死夢三者無所揀揮去之呼侍者更衣安坐說偈三句而化閱世六十有四坐四十五夏李公麟伯時工畫馬不減韓幹秀呵之曰汝士大夫以畫名矧又畫馬期人誇以爲得妙妙入馬腹中亦足懼伯時絲是絕筆秀勸畫觀音像以贖其過黃庭堅魯直作艷語人爭傳之秀呵曰翰墨之妙甘施於此乎魯直笑曰又當置我於馬腹中耶秀曰汝以艷語動天下人姦心不止馬腹正恐生泥犁中耳駙馬都尉王誥晉卿候秀秀方饌客晉卿爲掃墨竹於西軒以遲之秀來未及揖顧見不憚晉卿去卽漫之

贊曰余至京師秀化去已踰月觀法雲叢林其遺風餘烈尙可想見及拜瞻其像面目嚴冷怒氣逼人平生以罵爲佛事又自謂叢林一害非虛言哉

延恩安禪師

禪師名法安生許氏臨川人也幼事承天沙門慕開年二十以通經得度游方謁雪竇顯禪師顯歿依天

衣懷禪師衆推其知見又徧歷諸家耆宿指目爲飽參來飯臨川見黃山如意院敗屋破垣無以蔽風雨安求居之十年大廈如化成乃棄去下江漢航二潮上天台拆淮汶而還所至接物利生未嘗失言亦未嘗失人白首懷道翩然無侶倚杖于南昌上藍又住武寧之延恩寺寺以父子傳器貧不能守易以爲十方草屋數楹敗床不簣安安樂之令尹糾豪右謀爲一新安笑曰檀法本以度人今非其發心而強之是名作業不名佛事也棲止十年而叢林成僧至如飯安與法雲秀公昆弟且相得秀所居莊嚴妙天下而說法如雲雨其威光可以爲弟兄接羽翼而天飛也秀以書招安云云安讀之一笑而已問其故曰吾始見秀有英氣謂可語乃今而後知其癡癡人正不可與語也問者瞋視久之曰何哉安曰比丘法當一鉢行四方秀旣不能爾又於入達衢頭架大屋從人乞飯以養數百閑漢非癡乎安每謂人曰萬事隨緣是安樂法元豐甲子七月命弟子取方文文書聚火之以院事付一僧八月辛未歿閱世六十有一坐四十

有一夏

贊曰懷禪師五坐道場皆衰陋處而能使之成寶坊安員能世其家者也安笑秀公架大屋養閑漢爲癡正當以漫晉卿墨戲併按也

禪林僧寶傳卷第二十六

禪林僧寶傳卷第二十七

宋明白庵居沙門 惠洪 撰

明教嵩禪師

禪師名契嵩字仲靈自號潛子生藤州鍾津李氏七歲母鍾施以事東山沙門某十三得度受具十九游方時寧風有異女子姚精巖而住山時年百餘歷面如處子嵩造焉女子留之信宿中夜聞池中有如憂銅器聲以問女子女子曰噫此龍吟也聞者瑞徵子當有大名於世行矣無滯於是下沅湘陟衡嶽謁神鼎謹禪師謹與語奇之然無所契悟游袁筠間受記蒞於洞山聰公嵩夜則頂戴觀世音菩薩之像而誦

其號必滿十萬乃寢以爲常自是世間經書章句不學而能是時天下之士學古文慕韓愈拒我以遵孔子東南有章表民黃聲隅李太伯尤雄傑者學者宗之嵩作原教論十餘萬言明儒釋之道一貫以抗其說讀之者畏服未幾復游衡嶽罷歸著禪宗定祖圖傳法正宗記其志蓋憫道法陵遲博攷經典以佛後摩訶迦葉獨得大法眼藏爲初祖推之下至于達磨多羅爲二十八祖密相付囑不立文字謂之教外別傳書成游京師知開封府龍圖王公素奏之 仁宗皇帝覽之加嘆付傳法院編次入藏下詔褒寵賜紫方袍號明教嵩再奏辭讓不許宰相韓琦大參歐陽脩皆延見而尊禮之留居閔賢寺不受再請東還于是律學者憎疾相與造說以非之嵩益著書援引古今左證甚明幾數萬言禪者增氣而天下公議翕然歸之熙寧五年六月四日晨興寫偈曰後夜月初明吾今獨自行不學大梅老貪聞颺鼠聲至中夜而化闍維斂六根之不壞者三頂骨出舍利紅白晶潔狀如大菽常所持數珠亦不壞道俗合諸不壞葬于故

居永安院之左閱世六十有六坐五十有三夏有文集總百餘卷六十萬言其甥法澄克奉藏之以信後世嵩居錢塘佛日禪院或云惠應密學蔡公襄所請也東坡曰吾入吳尚及見嵩其爲人常瞋蓋嵩以瞋爲佛事云

贊曰是身聚沫耳特苦業所持寔本一念首楞嚴曰由汝念慮使汝色身身非念倫汝身何因隨念所使然但名爲融通妄想念常清淨正信堅固則名善根功德之力嵩生而多聞好辯而常瞋死而火之目舌耳毫爲不壞非正信堅固功德力乎余嘗論人之精誠不可見及其化也多兩舍利譬如太平無象而蒸枯朽爲菌芝嵩其尤著聞者聰公可謂有子矣

蔣山元禪師

禪師名贊元字萬宗婺州義烏人雙林傳大士之遠孫也三歲出家七歲爲大僧性重遲閑靖寡言視之如鄙樸人然於傳記無所不窺吐爲詞語多絕塵之韻特罕作耳年十五游方至石霜謁慈明禪師助春破薪泯泯混十年慈明移南嶽又與俱及歿葬骨石

於石霜植種八年乃去兄事蔣山心禪師心歿以元繼其席舒王初丁太夫人憂讀經山中與元游如昆弟問祖師意旨元不答王益扣之元曰公般若有障三有近道之質一更一兩生來恐純熟王曰願聞其說元曰公受氣剛大世緣深以剛大氣遺深世緣必以身任天下之重懷經濟之志用舍不能必則心未平以未平之心持經世之志何時能一念萬年哉又多怒而學問尙理於道爲所知愚此其三也特視名利如脫髮甘澹泊如頭陀此爲近道且當以教乘滋茂之可也王再拜受教自熙寧之初王入對遂大用至眞拜貴震天下無月無耗元未嘗發視客來無貴賤寒溫外無別語即斂目如入定客即去嘗饌僧俄報火厨庫且及潮音堂衆吐飯蒼黃蟻窘蜂鬧而元啜啖自若高視屋梁食畢無所問又嘗出郭有狂人入寺手刃一僧卽自殺尸相枕左右走報交武于道自白下門群從而歸元過尸處未嘗視登寢堂危坐職事者側立冀元有以處之而斂目如平日於是稍隱去卒不問王弟平甫豪縱於人物慎許可見元

卽悚然加敬問佛法大意元復有難色平甫固請爲說元曰佛祖無所異于人所以異者能自護心念耳岑樓之木必有本本於毫末滔天之水必有原原於濫觴清淨心中無故動念危乎岌哉甚於岑樓浩然橫肆甚于滔天其可動耶佛祖更相付授必丁寧之曰善自護持平甫曰佛法止于此乎元曰至美不華至言不煩夫華與煩去道遠甚而流俗以之申公論治世之法猶謂爲治者不至多言顧力行如何耳況出世間法乎元豐之初王罷政府舟至石頭夜造山拜墳士大夫車騎填山谷王入寺已二鼓元出迎一揖而退王坐東偏從官賓客滿坐王環視問元所在侍者對曰已寢久矣王笑之王結屋定林往來山中又十年稍覺煩動卽造元相向默坐終日而去有詩贈之其略曰不與物違真道廣每隨緣起自禪深舌根已淨誰能壞足跡如空我得尋人以爲實錄元祐之初曰吾欲還東吳促辦嚴俄化王哭之慟塔於蔣陵之東平甫狀其行碑山中

贊曰舒王管手題其像曰賢哉人也行厲而容寂知

言而能默譽榮弗喜辱毀弗戚弗矜弗克人自稱德有緇有白來自南北弗順弗逆弗抗弗抑弗觀汝華唯食已實執其詞之我有遺則予讀此詞知其爲本色住山人也

金山達觀顥禪師

禪師名曇顥生錢塘丘氏年十三依龍興寺爲大僧神情秀特於書無所不觀爲詞章多出塵語十八九游京師時歐陽文忠公在場屋顥識之游相樂也初謁大陽明安禪師問洞上特設偏正君臣意明何事明安曰父母未生時事又問如何體會明安曰夜半正明天曉不露顥惘然棄去至石門謁聰禪師理明安之語曰師意如何聰曰大陽不道不是但口門窄滿口說未盡老僧卽不與麼顥曰如何是父母未生事聰曰糞壺子又問如何是夜半正明天曉不露聰曰牡丹叢下睡貓兒顥愈疑駭日扣之竟無得益自奮曰吾要以死究之不解終不出山聰一日見普請問曰今日運薪乎顥曰然運薪聰曰雲門嘗問人般柴柴般人如何會顥不能對聰因植杖石坐笑曰此

事如人學書點畫可倣者工否者拙何故如此未忘法耳如有法執故自爲斷續當筆忘手手忘心乃可也。顯於是默契其旨良久曰如石頭曰執事元是迷契理亦非悟既曰契理何謂非悟聰曰汝以此句爲藥語爲病語顯曰是藥語聰呵曰汝乃以病爲藥又可哉顯曰事如函得蓋理如箭直鋒妙寧有加者而猶以爲病茲寔未論聰曰借其妙至是亦止明理事而已祖師意旨智識所不能到矧事理能盡乎故世尊曰理障礙正知見事障能續生死顯恍如夢覺曰如何受用聰曰語不離窠曰安能出蓋纏顯嘆曰纔涉脣吻便落意思皆是死門終非活路卽日辭去過京師寓止駙馬都尉李端願之園曰夕問道一時公卿多就見聞其議論隨機開悟李公問曰人死識歸何所答曰未知生焉知死李公曰生則端願已知曰生從何來李公擬議顯據其臂曰祇在這裏思量箇什麼對曰會也只知貪程不覺蹉路顯拓開曰百年一夢又問地獄畢竟是有是無答曰諸佛向無中說有眼見空華大尉就有中覓無手搯水月堪笑眼前

見牢獄不避心外見天堂欲生殊不知欣怖在心善惡成境大尉但了自心自然無惑進曰心如何了答曰善惡多莫思量又問不思量後心歸何所顯曰且請太尉游宅顯東游初住舒州香鑪峰移住潤州因聖太平隱靜明雪竇又移住金山龍游寺嘉祐四年除夕遣侍者持書別揚州刁景純學士曰明日當行不暇相見厚自愛景純開書大驚曰當奈何復書決別而已中夜候吏報揚州馳書船將及岸顯欣然道過鼓陸座叙出世本末謝裨贊叢林者勸修勿怠曰吾化當以賢監寺次補下座讀景純書畢大衆擁步上方丈顯跣趺揮令各遠立良久乃化五年元日也閱世七十有二坐五十有三夏顯英氣壓諸方薦福懷禪師誦十玄談至祖意顯曰當曰十聖未明此旨特以聲律不協故耳三賢十聖序不如是懷曰宗門無許事顯熟視以手畫按作十字曰汝識此字乎汝以謂餌算耳懷無能言顯拂衣去曰我要與汝鬪死生吾不敵汝也贊曰東坡曰佛法浸遠真僞相半寓言指法大率相

似至于二乘禪定外道神通非我肉眼所能勘驗然臨死生禍福之際不容僞矣吾視顯之謝世無以異人適城市之易然真大丈夫也哉

禪林僧寶傳卷第二十七

禪林僧寶傳卷第二十八

宋明白庵居沙門 惠洪 撰

法昌遇禪師

禪師名倚遇漳州林氏子也爲人奇逸有大志自剃髮受具卽杖策游方名著叢林浮山遠禪師嘗指以謂人曰後學行腳樣子也辭遠謁南嶽芭蕉庵主谷泉三至三遭逐猶謁之泉甚之曰我此間虎狼縱橫尿牀鬼子三回五度來覓底物遇曰人言庵主見汾州泉乃解衣抖擻曰汝謂我見汾州有多少奇特遇卽禮拜問曰審如菴主語客來將何祇待泉曰雲門胡餅趙州茶遇曰謝供養泉曰我火種也未有早言謝謝什麼遇乃去至北禪賢禪師問曰近離什麼處

遇曰福嚴曰思大鼻孔長多少遇曰與和尚當時見底一般曰且道老僧見時長多少遇曰和尚大似不曾到福嚴賢笑曰學語之流又問來時馬大師健否遇曰健曰向汝道什麼遇曰令北禪莫亂統賢曰念汝新到不欲打汝遇曰倚遇亦放過和尚乃罷遇因倒心師事之時慈明禪師住興化過賢公室遇待立看其談笑賢曰汾陽師子可殺威憚慈明曰不見道來者咬殺賢曰審如此汾陽門下道絕人荒耶慈明舉拂子曰這箇因甚到今日賢未及對遇從旁曰養子不及父家門一世衰賢呵曰汝具什麼眼目乃敢爾遇曰若是咬人師子終不與麼慈明將去至龍牙像前指以問遇曰誰像遇曰龍牙慈明曰既是龍牙像何乃在北禪遇曰一彩兩賽慈明曰像在此龍牙在什麼處遇擬對慈明掌之曰莫道不能咬人遇曰乞兒見小利慈明呵逐之賢公除夕謂門弟子曰今夕無可分歲共烹露地白牛大家圍鑪向槽枥火唱郵田樂何也免更倚他門戶旁宅牆乃下座有僧從後大呼曰縣有吏至賢反顧問所以對曰和尚殺牛

未納皮角耳賢笑嚙暖帽與之僧就拾得跪進曰天寒還和尚帽子賢問遇曰如何遇曰近日城中紙貴一狀領過後還江南再游廬山寓止圓通時大覺蓮公方赴詔辭衆曰此事分明須薦取莫教累劫受輪迴遇問曰如何是此事曰薦取遇曰頭上是天脚下是地薦箇什麼曰不是知音者徒勞話歲寒遇曰豈無方便曰胡人飲乳反怪良醫遇曰暴虎憑河徒誇好手拍一拍飯衆後游西山瞻雙嶺深遽栖息三年與英邵武勝上座游應法昌請決別曰三年聚首無事不知檢點將來不無滲漏以拄杖劃一劃曰這箇且止宗門事作麼生英曰須彌安鼻孔遇曰臨崖看潑眼特地一場愁英曰深沙努眼睛遇曰爭奈聖凡無異路方便有多門英曰鐵蛇鑽不入遇曰有甚共語處英曰自緣根力淺莫怨太陽春却劃一劃宗門且止這箇事作麼生遇欲掌之英約住曰這漳州子莫無去就然也是我致得法昌在分寧之北千峯萬壑古屋數間遇至止安樂之火種刀耕耨子時有至者皆不堪其枯淡坐此成單丁開鑪日瓢以一力

錫鼓陞座曰法昌今日開鑪行脚僧無一箇惟有十八高人緘口圍鑪打坐不是規矩嚴難免見諸人話墮直饒口似秤鎚未免燈籠勘破不知道絕功勳安用修因證果喝一喝云但能一念回心卽脫二乘羈縻大寧竟禪師至遇畫地作此④相便曳纒出翌日未陞座謂寬曰昨日公按如何寬畫此④相卽抹撒之遇曰寬禪頭名下無虛人乃陞座曰忽地晴天霹靂聲禹門三級浪靜嶽幾多頭角爲龍去蝦蟇依前努眼睛南禪師至遇方植松南公曰小院子栽許多松作麼遇曰臨濟道底曰栽得多少遇曰但見猿啼鶴宿從漢侵雲南公指石曰這裏何不栽遇曰功不浪施曰也知無下手處遇却指石上松曰從什麼處得此來南公大笑曰蒼天蒼天乃作偈曰頭戴華巾離少室所攜席帽出長安驚峰峰下重相見鼻孔元來總一般又畫此④相示之遇和曰葫蘆棚上掛冬瓜麥浪堆中釣得鰕雖在畫樓沽酒處相邀來吃趙州茶又畫此④相答之南公曰鐵牛對對黃金角木馬雙雙白玉蹄爲愛雪山香草細夜深乘月過前溪

又畫此○相示之遇曰玉麟帶月離霄漢金鳳銜花
下綵樓野老不嫌公子醉相將攜手御街遊又畫此
○答之時南公道被天下叢林宗之而遇與之酬唱
如交友一時豪俊多歸之寶覺心禪師問曰不是風
兮不是幡黑花猫子面門斑夜行人只貪明月不覺
和衣渡水寒豈不是和尚偈耶遇曰然有是語寶覺
曰也太奇特遇曰汝道祖師前段爲人後段爲人對
曰祖師終不妄語遇曰意作麼生對曰豈不見道不
是風動不是幡動遇曰如狐渡水有甚快活曰師意
如何遇以拂子搖之對曰也是爲蛇畫足遇曰亂統
作麼對曰須是和尙始得徐德占布衣時未爲人知
遇特先識之山中往來爲法喜之游及其將化前一
日作偈別德占德占時方丁太夫人憂居家偈曰今
年七十七出行須擇日昨夜問龜哥報道明朝吉德
占大驚呼靈源叟俱馳往遇方坐寢室以院務什物
付監寺曰吾自住此山今三十年以護惜常住故每
自莅之今行矣汝輩著精彩言畢舉手中杖子曰且
道這箇付與阿誰德占靈源屏息無答者擲于地投

牀枕臂而化

贊曰予觀法昌契悟穩實宗趣淹博荷擔雲門氣無
叢林其應機施設鋒不可犯殆亦明招獨眼龍之流
亞歟然所居荒邨破院方其以力撾鼓爲十八泥
像設禪雖不及真單徒之有衆亦差勝生法師之聚
石味其平生未嘗不失將頓足想見標致也

楊岐會禪師

禪師名方會生冷氏袁州宜春人也少警敏滑稽談
劇有味及冠不喜從事筆硯竄名商稅務掌課最坐
不職當罰笞遂去游筠州九峯或云潭州恍然如昔經
行處眷不忍去遂落髮爲大僧閱經聞法心融神會
能痛自折節依參老宿慈明禪師住南原會輔佐之
安樂勤苦及慈明遷道吾石霜會俱自請領監院事
非慈明之意而衆論難然稱善挾緒衾入典金穀時
時煮語摩拂慈明諸方傳以爲當慈明飯罷必山行
禪者問道多失所在會闕其出未遠即撾鼓集衆慈
明遽還怒數曰少叢林暮而陞座何從得此規繩會
徐對曰汾州晚參也何爲非規繩乎慈明無知之何

今叢林三八念誦罷猶參者此其原也慈明遷與化
因辭之還九峯萍實道俗詣山請住楊岐時九峯長老
勤公不知會驚曰會監寺亦能禪乎會受帖問答
罷乃口更有問話者麼試出相見楊岐今日性命在
汝諸人手裏一任橫拖倒拽爲什麼如此大丈夫兒
須是當衆決擇莫背地裏似水底按葫蘆相似當衆
勘驗看有麼若無楊岐失利下座勤把住曰今日且
喜得箇同參曰同參底事作麼生勤曰楊岐率九
峯拽耙曰正當與麼時楊岐在前九峯在前勤無語
會托開曰將會同參元來不是自是名聞諸方會謂
衆曰不見一法是大過患拈拄杖云穿過釋迦老子
鼻孔作麼生道得脫身一句向水不洗水處道將一
句來良久曰向道莫行山下路果聞猿叫斷腸聲又
曰一切智通無障礙拈起拄杖云拄杖子向汝諸人
面前逞神通去也擲下云直得乾坤震裂山嶽搖動
會麼不見道一切智智清淨拍繩床曰三十年後莫
道楊岐龍頭蛇尾其提綱振領大類雲門又問來僧
曰雲深路僻高駕何來對曰天無四壁曰踏破多少

草鞋僧便喝會曰一喝兩喝後作麼生曰看這老和尚
尚著忙會曰拄杖不在且坐喫茶又問來僧曰敗葉
堆雲朝離何處對曰觀音曰觀音脚跟下一句作麼
生道對曰適來相見了也曰相見底事作麼生其僧
無對會曰第二上座代參頭道看亦無對會曰彼此
相鈍置其驗勘鋒機又類南院慶歷六年移住潭州
雲蓋山以臨濟正脉付守端

白雲端禪師

禪師名守端生衡州葛氏或云周氏幼工翰墨不喜處俗
依茶陵郁公荊髮年二十餘參顓禪師或顓顓歿會
公嗣居焉一見端奇之每與語終夕一日忽問上人
受業師端曰茶陵郁和尚曰吾聞其過谿有省作偈
甚奇能記之否端即誦曰我有神珠一顆日夜被塵
羈或云常被塵勞羈繫今朝塵盡光生照破青山萬朵會大
笑起去端愕視左右通夕不寐明日求入室咨詢其
事時方歲旦會曰汝見昨日作夜狐者乎端曰見之
會曰汝一籌不及渠端又大駭曰何謂也會曰渠愛
人笑汝怕人笑端于是大悟於言下辭去徧遊廬山

圓通訥禪師見之自以爲不及舉住江州承天名聲
爆耀又讓圓通以居之而自處東堂端時年二十八
自以前輩讓善叢林責已甚重故敬嚴臨衆以公滅
私於是宗風大振未幾訥公厭閑寂郡守至自陳客
情太守惻然目端端笑唯唯而已明日陞座曰昔法
眼禪師有偈曰難難難是遣情難情盡圓明一顆寒
方便遣情猶不是更除方便太無端大衆且道情作
麼生遣喝一喝下座負包去一衆大驚挽之不可遂
渡江夏於五祖之閑房舒州小利號法華住持者如
籠中鳥不忘飛去舒守聞端高風欲以觀其人移文
請以居之端欣然杖策來衲子至無所容士大夫賢
之遷居白雲海會陞座顧視曰鼓聲未擊已前山僧
未登座之際好箇占佛樣子若人向此薦得可謂古
釋迦不前今彌勒不後更聽三寸舌頭上帶出來底
早已參差須有辯參差眼方教得完全有麼乃曰更
與汝老婆開口時末上一句正道著舉步時末上一
步正踏著爲什麼鼻孔不正爲尋常見鼻孔頭了所
以不肯發心今日勸諸人發却去良久曰一便下座

其門風峻拔如此僧請問慧超問法眼如何是佛曰
汝是慧超端作偈示之曰一文大光錢買得箇油糍
喫放肚裏了當下便不饑又問僧問雲門如何是透
法身句曰北斗裏藏身端又作偈曰九衢公子游花
慣未第貧儒感慨多冷地看他人富貴等閑無耐喫
頭何

贊曰楊岐天縱神悟善人游戲三昧喜勘驗衲子有
古尊宿之遺風慶歷以來號稱宗師而白雲妙年俊
辯膽氣精銳克肖前懿至于應世則唾涕名位說法
則蕩除知見乃又逸格如大鴻之有寂子玄沙之有
琛公臨濟法道未甚寂寥也

禪林僧寶傳卷第二十八

禪林僧寶傳卷第二十九

宋明白庵居沙門 惠洪 撰

大通本禪師

禪師名善本生董氏漢仲舒之後也其先家太康仲舒村大父琪父溫皆官于潁遂爲潁人初母無子禱於佛像前誓曰得子必以事佛卽蔬食俄娠及生本骨相秀異方晬而孤母育于叔祖玠之家旣長博學操履清修母亡哀毀過禮無仕宦意辟穀學道隱于筆工然氣剛不屈沈默白眼公卿嘉祐八年與弟善思俱至京師藉名顯聖地藏院試所習爲大僧其師圓成律師惠揖者謂人曰本它日當有海內名乃生我法中乎圓成使聽習毗尼隨喜雜華夜夢見童子如世所畫善財合掌導而南旣覺曰諸佛菩薩加被我矣其欲我南詢諸友乎時圓照禪師道振吳中本徑造姑蘇謁於瑞光圓照坐定特顧之本默契宗旨服勤五年盡得其要其整頓提撕之綱研鍊差別之智縱橫舒卷度越前規一時輩流無出其右圓照倚之以大其家以季父事圓通秀公秀住廬山棲賢出

入臥內如寂子之於東寺元豐七年春絕九江游淮山徧禮祖塔眷浮山巖叢之勝有終焉志遂居太守嚴久之出世住婺州雙林六年浙東道俗追崇至謂傳大士復生移住錢塘淨慈繼圓照之後食堂日千餘口仰給於檀施而供養莊嚴之盛游者疑在諸天或云時號大小本 神考或作哲宗聞其名有詔住上智法雲寺賜號大通禪師又繼圓通之後本玉立孤峻儼臨清或云衆如萬山環天柱讓其高寒然精廬與衆共未嘗以言徇物以色假人王公貴人施捨日填門厦屋萬礎塗金鏤碧如地湧寶坊住八年請于朝願歸老於西湖之上詔可遂東還庵龍山崇德杜門却掃與世相忘又十年天下願見而不可得獨與法子思睿俱睿與余善爲予言其平生曰臨衆三十年未嘗笑及閑居時抵掌笑語問其故曰不莊敬何以率衆吾昔爲叢林故強行之非性實然也至見諸佛菩薩行立之像不敢坐伊蒲塞饌以魚葷名者不食其真誠敬事防心離過類如此大觀三年十二月甲子屈三指謂左右曰止有三日已而果歿有異禽

翔鳴于庭而去塔全身於上方閱世七十有五或坐四十有五夏

贊曰日本出雲門之後望雪竇爲四世嫡孫平居作止直視不瞬及其陞堂演唱則左右顧如象王回旋學者多自此悟入方其將終之夕越僧夢本歸兜率天味其爲人居處服玩行已利物日新其德不置之諸天尙何之哉

報本元禪師

禪師名慧元生倪氏潮陽人也垂髫嶷然群兒劇于前袖手跌坐而已父母商略曰兒材地如此寧堪世用意事佛僧可耳元聞之卽前拜辭依城南精舍誦法華經年十九剃落受具遊方至京師華嚴圓明法師者見而異之曰上人齒少自何至此所求何事曰慧元南海來無他來唯求佛法圓明笑曰王城利聲捷徑酒色樊籠橫目爭奪日有萬緒昔大通智勝佛十劫坐道場佛法猶不現前此中寧有佛法乎佛法俱在南方也元乃自洛京游襄漢徧歷名山所至親近知識然俱無所解悟治平三年春至黃龍時南禪

師來自積翠龍衆如蟻慕而集元每坐下板輒自引手反覆視之曰寧有道理而云似佛手知吾家揭陽而乃復問生緣何處乎久而頓釋其疑卽日發去熙寧元年入吳住吳江壽聖寺遣僧造黃龍投嗣法書南公視其款識未發謂來僧曰汝亟還令元自來僧反命元輟住持事策杖而來次南昌見寶覺禪師出世說法知南公已化逾月乃復還吳中道俗師尊之又延住崑山慧嚴院十年嘗夜舟歸自雪川寇劫舟舟人驚怖不知所出元安坐徐曰錢帛皆施汝人命不可枉用寇因背去元祐四年住承天萬壽寺衆益盛躬自持鉢至湖湖人曰師到處爲家何苦獨愛姑蘇乎固留不使還蘇人間之爭持極杖譁入湖曰何爲奪我邦善知識政當見還否則有死而已元怡然不恠情去留曰吾任緣耳相守彌月蘇人食盡乃去竟爲湖人所有住報本禪院六年十一月十六日陞座說偈曰五十五年夢幻身東西南北孰爲親白雲散盡千山外萬里秋空片月新言訖而化時右司陳公瓘瑩中在湖親見其事元脇不至席三十年平生

規法南禪師作止者唯元克肖之遺言葬于峴山之陽門弟子元正有才辯問何獨念峴山乎元曰他日可建寺後三十年元道契太師楚國公公爲請于朝詔諡證悟禪師塔曰定應有旨特建顯化寺歲度僧以嚴香火云

禾山普禪師

禪師名德普緣州蒲氏子少尙氣節博觀有卓識見富樂山靜禪師合爪作禮曰此吾師也靜與語奇之攜歸山中陰察之其作止類老頭陀靜曰此子賦性豪縱不受控御而能折節杵臼炊爨間以事衆爲務是爲希有年十八得度受具秀出講席解唯識起信論兩川無敢難詰者號義虎罪圭峯疏義多臆識擯其失處誠學者不可信老師皆數之曰圭峯清涼國師所印可汝敢雌黃蚍蜉撼樹之論汝今是矣普嘆曰學者以名位惑久矣清涼圭峯非有四目八臂也奈何甘自退屈乎佛法其微矣此其兆也時惟勝禪師還自江兩呂大防微仲由龍圖閣直學士出鎮成都執弟子禮日夕造謁或普衣禪者衣竊聽其議終

日一不能曉歸臥看屋梁曰勝昔嘗業講有聲呂公世所謂賢者相與酬酢敬信如此而吾乃不信可乎然所疑未解坐寡聞也乃出蜀至荊州金鑾夜與一衲偶忘其名衲見了山情庵主普聞其餉參問之曰經論何負禪宗而長老多譏呵之耶衲曰以其是識情義理思想邊量非能發聖得道脫有得道發聖者皆藉之以爲緣耳儼不因自悟唯經論是仗則能讀能知能見解者皆證聖成道去矣寧尙與僕輩俯仰耶唯以死語是所知障故祖師西來也一本云放明祖師西來之意如經言一切衆生本來成佛汝信之手對曰世尊之語豈敢不信衲曰既信矣則尙何區區遠來乎對曰吾聞禪宗有別傳法故來耳衲笑曰是則未信非能信也普曰其病安在衲曰稽翠南禪師出世久子見之不宜後見則當使汝疾有廖矣普卽日遂行以熙寧元年至黃龍問阿難問迦葉世尊付金襴外傳何法迦葉呼阿難阿難應諾迦葉曰倒却門前刹竿著意旨如何南公曰上人出蜀曾到玉泉否曰曾到又問曾掛搭否曰一夕便發南公曰智者道場關將

軍打供與結緣幾時何妨普默然良久理前問南公
俛首普趨出大驚曰兩川義虎不消此老一睡八年
秋遊螺川待制劉公沆請住慧雲禪院七年遷住禾
山十有二年元祐五年十二月二十五日謂左右曰
諸方尊宿死叢林必祭吾以爲徒虛設吾若死汝曹
當先祭乃令從今辦祭衆以其老又好戲語復曰和
尙幾時遷化曰汝輩祭絕卽行於是韓寢堂坐普其
中置祭讀文跪揖上食普飲餐白如自門弟子下及
莊力日次爲之至明年元日祭絕曰明日雪晴乃行
至時晴忽雪雪止普安坐焚香而化閱世六十有七
坐四十九夏全身塔于寺之左

贊曰初雲庵自九峯至廬山諸方禪者畢集門下雜
還多英俊而雲庵嘗斂眉曰法道乃今而後未可知
也有問其意曰先師在黃檗衆不滿百而明眼輩幾
半今雖三倍當時然纔一兩人耳余時年少心非其
論觀元普兩禪師皆南公晚子也而其行已卓絕且
如此則雲庵之言如百衲被天寒歲晚乃見效哉

雲居佛印元禪師

禪師名了元字覺老生饒州浮梁林氏世業儒父祖
皆不仕元生三歲琅琅誦語諸家詩五歲誦三千
首既長從師授五經略通大義去讀首楞嚴經于竹
林寺愛之盡捐舊學白父母求出家度生死禮寶積
寺沙門日用試法華受具足戒遊廬山謁開先遁道
者還自負其號海上橫行俯視後進元與問答捷給
暹大稱賞以爲眞英靈衲子也時年十九已而又謁
圓通訥禪師訥驚其翰墨曰骨格已似雪竇後來之
俊也時書記懷璉方應詔而西訥以元嗣璉之職
江州承天法席虛訥又以元當遷郡將見而少之訥
曰元齒少而德壯雖萬耆禪不可折也於是說法爲
開先之嗣時年二十八自其始住承天移淮山之斗
方廬山之開先歸宗丹陽之金山焦山江西之大仰
又四住雲居凡四十年之間德化縉白名聞幼稚縉
紳之賢者多與之遊蘇東坡謫黃州廬山對岸元居
歸宗酬酢妙句與煙雲爭麗及其在金山則東坡得
釋還吳中次丹陽以書抵元曰不必出山當學趙州
上等接人元得書徑來東坡迎笑問之元以偈爲獻

或作曰趙州當日少謙光不出三門見趙王爭似金

山無量相大千都是一禪床東坡撫掌稱善東坡嘗訪弟子由于高安將至之夕子由與洞山眞淨文禪師聖壽聰禪師連牀夜語三鼓矣眞淨忽驚覺曰偶夢吾等謁五祖戒禪師不思而夢何祥耶子由撼聰公聰曰吾方夢見戒禪師於是起品坐笑曰夢乃有同者乎俄報東坡已至奉新子由攜兩衲候於城南建山寺有頃東坡至理夢事問戒公生何所曰陝右東坡曰軾十餘歲時夢身是僧往來陝西又問戒狀奚若曰戒失一目東坡曰先妣方娠夢僧至門瘠而眇又問戒終何所曰高安大愚今五十年而東坡時年四十九後與眞淨書其略曰戒和尚不識人嫌強顏復出亦可笑矣既是法契或云法器願痛加磨勵使還舊觀自是常著衲衣故元以裙贈之而東坡酬以玉帶有偈曰病骨難堪玉帶圍鈍根仍落箭鋒機會當乞食歌姬院奪得雲山舊衲衣又曰此帶閱人如傳舍流傳到我亦悠哉錦袍錯落尤相稱乞與伴狂老萬回元所居方丈特高名妙高臺東坡又作詩曰

我欲乘飛車東訪赤松子蓬萊不可到弱水三萬里不如金山去清風半帆耳中有妙高臺雲峯自孤起仰觀初無路誰信平如砥臺中老比丘碧眼照窓几巉巖玉爲骨凜凜霜入齒機鋒不可觸千偈如翻水何須尋德雲只此比丘是長生未暇學請學長不死太子少保張公方平安道爲滁州日遊瑯琊山藏院呼梯梯梁得木匣發之忽悟前身蓋知藏僧也寫楞伽經未終而化安道續書殘軸筆蹟宛然如昔號二生經安道欲刻以印施四方東坡曰此經在他人猶爲希世之瑞況於公乎請家藏爲子孫無窮之福元請東坡代書之鏤板金山時士大夫師歐陽文忠公爲古文公佐韓子詆我以原性性者與生俱生之論爲銓量元故以是勸之又嘗謂衆曰昔雲門說法如雲雨絕不喜人記錄其語見必罵逐曰汝口不用反記吾語異時裨販我去今室中對機錄皆香林明教以紙爲衣隨所聞卽書之後世學者漁獵文字語言正如吹網欲滿非愚卽狂時江浙叢林尙以文字爲禪謂之請益故元以是諷之高麗僧統義天航海至

明州傳云義天棄王者位出家上疏乞偏歷叢林間
法受道有詔朝奉郎楊傑次公館伴所經吳中諸刹
皆迎餞如王臣禮至金山元牀坐納其大展次公驚
問故元曰義天亦異國僧耳僧主叢林規繩如是不
可易也衆姓出家同名釋子自非買崔盧以門閥相
高安問貴種次公曰卑之少徇時宜求異諸方亦豈
覺老心哉元曰不然屈道隨俗諸方先失一隻眼何
以示華夏師法乎朝廷聞之以元爲知大體觀文殿
學士王公韶子淳出守南昌自以久帥西塞濫殺爵
留神空宗祈妙語以藻雪之而元適王子淳請說法
於上蓋元炷香曰此香爲殺人不眨眼上將軍立地
成佛大居士一衆譁曰善子淳亦悠然意消靈源清
禪師在衆時側雲居法席痛自韜晦而聲名自然在
人口元陞座舉以爲堂中第一座叢林服其公非特
清公如感鐵面詰眞如百丈肅仰山簡皆元所賞識
也李公麟伯時爲元寫照元曰必爲我作笑狀自爲
贊曰李公天上石麒麟傳得雲居道者眞不爲拈花
明大事等閑開口笑何人泥牛漫向風前驢枯木無

端雪裏春對現堂堂俱不識太平時代自由身元符
元年正月初四日聽客語有會其心者軒渠一笑而
化其令盡笑狀而贊之非苟然也閱世六十有七坐
五十有二夏元骨面而秀清臨事無凝滯過眼水流
雲散其爲人服義疾惡初舉感鐵面嗣承天感曰使
與粥飯供十方僧可也如欲繼嗣則慈感已有師元
奇之又舉宣長老住甘露宣後賣元元白于官曰宣
演法未有宗旨乞改正宣竟以是遭逐楊次公曰牽
牛蹊人之田而奪之牛也元不卹元嘗游京師謁曹
王王以其名奏之神者賜磨衲號佛印東坡滑稽於
翰墨戲爲之贊世喜傳故併記之
贊曰佛印種性從橫慧辨敏速如新生駒不受控勒
蓋其材足以御侮觀其臨事護法之心深矣

禪林僧寶卷第二十九

禪林僧寶傳卷第三十

宋明白庵居沙門 惠洪 撰

寶峯英禪師

禪師名洪英出於陳氏邵武人色幼警敏讀書五行俱下父母鍾愛之使爲書生英不食自誓懇求出家及成大僧卽行訪道東游至曹山依止耆年雅公久之辭去登雲居眷巖壑勝絕爲終焉之計閱華嚴十明論至爲眞智慧無體性不能自知無性故爲無性之性不能自知無性故名曰無明華嚴第六地曰不了第一義故號曰無明將知眞智慧本無性故不能自了若遇了緣而了則無明滅矣是謂成佛要門願以此法紹隆佛種然今諸方誰可語此良久喜曰有積翠老在卽日造黃檗謁南禪師于積翠夜語達旦南公加敬而已時座下龍象雜還而英議論嘗傾四座聲名籍甚嘗遊西山遇南昌潘居士同宿雙嶺居士曰龍潭見天皇時節冥合孔子英驚問何以驗之曰孔子曰二三子以我爲隱乎吾無隱乎爾吾無行而不與二三子者是丘也師以爲如何英笑曰楚人

以山雞爲鳳世傳以爲笑不意居士此語相類汝擎茶來我爲汝接汝行益來我爲汝受汝問訊我起手若言是說說箇什麼若言不說龍潭何以便悟此所謂無法可說是名說法以世尊之辯亦不能加此兩句耳學者但求解會譬如以五色圖畫虎空鳥窠無佛法可傳授不可默坐閑拈布毛吹之侍者便悟學者乃曰拈起布毛全體發露似此見未出教乘其可稱祖師門下客哉九峯被人問深山裏有佛法之無不得已曰有及被窮詰無可有乃曰石頭大者大小者小學者卜度曰剎說衆生說三世熾然說審如是教乘自足何必更問祖師意旨耶要得脫體明去譬如眼病人求醫治之醫者但能去翳膜不曾以光明與之居士推床驚曰吾憂積翠法道未有繼者今知盡在子躬厚自愛雙嶺順禪師問庵中老師好問學者併却咽喉唇吻道取一句首座曾道得麼英乾笑已而有偈曰阿家嘗醋三赤喙新婦洗面摸著鼻道吾答話得腰視玄沙開書是白紙於是願公屈服以爲名下無虛士有同參在石門分座接納英作偈

寄之曰萬鍛爐中鐵藥直須高價莫饒伊橫來豎去呵呵笑一任傍人說是非熙寧元年首衆僧于廬山圓通寺學者歸之如南公明年春南公下世冬十月英開法於石門又明年六月知事紛爭止之不可初九日謂衆曰領衆不肅正坐無慮吾有媿黃龍呼維那鳴鐘衆集叙行脚始末曰吾滅後火化以骨石藏普通塔明生死不離清衆也言卒而逝閱世五十有九坐四十三夏

贊曰英厭紛爭之衆而趨死又誠以骨石藏普通塔其以死生爲兒戲乎晉魏舒喪其室一慟而止曰吾不及莊周遠甚桓溫殷浩兒時戲溫弃鞭而浩取之溫後喜曰吾固知浩出吾下古人哭泣戲劇之間自驗其材如此英嘆領衆不肅而媿黃龍自鞭不赦可以爲法哉

保寧璣禪師

禪師名圓璣福州林氏子生方晬而孤舅收毓之年十六視瞻精彩福清應天僧傳捧見之異焉曰若從我遊乎璣仰視欣然爲負杖笠去歸俄試所習得度

游東吳依天衣懷懷歿師事黃檗南禪師密授記荊璣天姿精勤荷擔叢林不知寒暑墾荒地爲良田蒔松杉爲美幹守一職十年不易南公稱以爲本色出家兒及遷黃龍携璣與俱熙寧二年南公歿建塔畢辭去東林總公命爲堂中第一座人望益峻信之龜峯潭之大瀉爭迎致而璣堅臥不答寶覺禪師欲以繼黃龍法席璣掉頭掣肘徑去寶覺不強也人問其故對曰先師誠我未登五十不可爲人璣客於歸宗時年四十八矣佛印元公勸之以應翠巖之命從南昌帥謝景溫師直請也又十年移住圓通從金陵帥朱彥世英請也崇寧二年世英復守金陵會保寧虛席移璣自近江淮縉紳都會休沐車騎填門奕碁煮茗如蘭叢如玉樹而璣俎豆其中兀如枯株然談劇有味睢陽許顗璣周銳於參道見璣作禮璣曰莫將閑事掛心頭彥周曰如何是閑事答曰參禪學道是於是彥周開悟良久曰大道甚坦夷何用許多言句葛藤乎璣呼侍者理前語問之侍者瞠而却璣謂彥周曰言句葛藤又不可廢也疾學者昧著文字作偈

曰不學文章不讀書頽然終日自如愚雖然百事不通曉是馬何曾喚作驢政和五年易保寧爲神霄即日退庵於南八年九月示微病二十二日浴罷說偈而逝閱世八十有三坐六十三夏闍維有終不壞者二而糝以五色舍利塔于雨華臺之左

贊曰璣雅自號無學老而書偈於所居之壁曰無學庵中老平生百不能忖思多幸處至老得爲僧宣和元年正月

詔下髮天下僧尼爲德士女德而璣化去已逾年矣夫豈苟然哉

黃龍佛壽清禪師

禪師名惟清字覺天號靈源叟生南州武寧陳氏方垂髻上學日誦數千言吾伊上口有異比丘過書肆見之引手熟視之大驚曰菰蒲中有此兒耶告其父母聽出家建之師事戒律師年十七爲大僧聞延恩院耆宿法安見本色人上謁願留就學安曰汝苦海法船也我尋常溝壑耳豈能藏哉黃龍寶覺心禪師是汝之師亟行毋後時公至黃龍泯泯與衆作息問

答茫然不知端倪夜誓諸佛前曰倘有省發願盡形壽以法爲檀世世力弘大法初閱玄沙語倦而倚壁起經行步促遺履俯取之乃大悟以所悟告寶覺寶覺曰從緣入者永無退失然新得法空者多喜悅致散亂令就侍者房熟寐公風神洞冰雪而超識卓絕流輩龍圖徐禧德占太史黃庭堅魯直皆師友之其見寶覺得記荊乃公爲之地寶覺鍾愛至忘其爲師議論商略如交友諸方號清侍者如趙州文遠南院守廓張丞相商英始奉使江西高其爲人厚禮致以居洪州觀音不赴又十年淮南使者朱京世昌請住舒州太平乃赴請子爭趨之其盛不減圓通在法雲長蘆時寶覺春秋高江西使者王桓遷公居黃龍不辭而往未幾寶覺歿即移疾居昭默堂頽然坐一室天下想其標致摩雲昂霄余時以法門昆弟預聞其論曰今之學者未脫生死病在什麼處在偷心未死耳然非其罪爲師者之罪也如漢高帝紿韓信而殺之信雖曰死其心果死乎古之學者言下脫生死效在什麼處在偷心已死然非學者自能證實爲師者

鉗鎚妙密也如梁武帝御大殿見侯景不動聲色而景之心已枯竭無餘矣諸方所說非不美麗要之如趙昌畫花逼真非真花也其指法巧譬類如此閑居十五年天下禪學者知而親依之可也公卿大夫何自而知亦爭親近之乎非雷非霆而聲名常在人耳何修而臻此哉平生至誠惻怛于道而已政和七年九月十八日食罷掩房遣呼以棲首座至叙說決別乃起浴更衣以手指頂侍者爲淨髮訖安坐而寂前十日自作無生常住真歸告銘曰賢劫第四尊釋迦文佛直下第四十八世孫惟清雖從本覺應緣出生而了緣即空初無自性氏族親里莫得而詳但以正因一念爲所宗承是則釋迦之遠孫其號靈源叟據自了因所了妙性無名字中示稱謂耳亦臨濟無位真人傳大士之心王類矣亦正法眼藏涅槃妙心唯證乃知餘莫能測者歟所以六祖問讓和尚什麼處來曰嵩山來祖曰什麼物恁麼來曰說似一物即不中祖曰還假修證否曰修證即不無污染即不得祖曰卽此不污染是諸佛之護念汝旣如是吾亦如是

茲蓋獨標清淨法身以遵教外別傳之宗而揀云報化非真佛亦非說法者然非無報化大功大用謂若解通報化而不顯見法身則滯污染緣乖護念旨理必警省耳夫少室道行光騰後裔則有雲門偃奮雄音絕唱于國中臨濟玄振大用大機於天下皆得正傳世咸宗奉惟清望臨濟九世祖也今宗教衰喪其未盡絕滅者唯二家微派斑斑有焉然名多媿實顧適當危寄而朝露身緣勢迫晞墜因力病釋俗從真叙如上事以授二三子吾委息後當用依稟觀究卽不違先聖法門而自見深益慎勿隨末法所尙乞空文於有位求爲銘誌張飾說以挽吾至囑至囑因自所叙曰無生常住真歸詰且鑿之以銘銘曰無涯湛海警起一漚亘乎百年曷浮曷休廣莫清漢緣生片雲有無起滅隱顯何分了茲二者卽見實相十世古今始終現量吾銘此旨昭示汝曹泥多佛大水長船高公遺言藏骨石於海會示生死不與衆隔也門弟子確誠克奉藏之而增修其舊不敢違其誠公賜號佛壽從極密鄧公洵武請也

費曰初靈源訃至讀其自作誌銘嘆曰何疾世或云何疾法之自珍其道之深乎收涕爲之詞曰今年九月十有八清淨淨身忽衰殞生死鷄鶩誰勞破披露夢中根境法無生塔成自作銘人言無虧寧有成一切法空尙曰座此塔安得離色聲障雲方增佛日晚長蹉更失人天眼但餘荷負大法心乞與叢林照古今

禪林僧寶傳卷第二十終

11. 11. 11.

補禪林僧寶傳

宋・慶老
撰

補禪林僧寶傳

舟峰庵沙門 慶老 撰

五祖演禪師

禪師諱法演綿州巴西鄧氏少落髮受具預城都講席習百法唯識論窺其奧置之曰膠柱安能鼓瑟乎卽行游方所至無足當其意者抵浮山謁遠錄公久之無所發明遠曰吾老矣白雲端爐鞴不可失也演唯諾徑造白雲端曰川蕞苴汝來耶演拜而就列一日舉僧問南泉摩尼珠語以問端端叱之演領悟汗

流被體乃獻投機頌曰山前一片閑田地叉手叮嚀問祖翁幾度賣來還自買爲憐松竹引清風端頌之曰栗棘蓬禪子矣演掌磨石僧視磨急轉指以問演此神通耶法爾耶演褰衣旋磨一市端嘗示衆云古人道如鏡鑄像像成後鏡在什麼處衆下語不契演作街坊自外來端舉示演演前問訊曰也不爭多端笑曰須是道者始得初住四面還白雲上堂云汝等諸人見老和尚鼓動唇舌豎起拂子便作勝解及乎山禽聚集牛動尾巴却將作等閑殊不知鶯聲不斷前旬雨電影還連後夜雷又云悟了同未悟歸家尋舊路一字是一字一句是一句自小不脫空兩歲學移步湛水生蓮華一年生一度又云賤賣擔板漢貼秤麻三斤百千年滯貨何處善渾身張丞相謂其應機接物孤峭徑直不犯刊削其知言耶演出世四十餘年晚住太平移東山崇寧三年六月二十五日上堂辭衆時山門有土木之工演躬自督役誡曰汝等好作息吾不復來矣歸方丈淨髮澡浴旦日吉祥而逝闍維得舍利甚夥塔于東山之南蓋年八十餘

先是五祖遺記曰吾滅後可留真身吾手啓而舉吾再出矣演住山時塑手泥洟音來中裂相去容七衆咸異之演嘗拜塔以手指云當時與麼全身去今日重來記得無復云以何爲驗以此爲驗遂作禮及其將亡也山摧石隕四十里內巖谷震吼得法子曰惠勤曰克勤曰清遠皆知名當世云

贊曰臨濟七傳而得石霜圓圓之子一爲積翠南一爲楊歧會南之設施如坐四達之衢聚珍怪百物而驚之遺簪墮珥隨所揆焉駸駸末流冒其氏者未可以一二數也會乃如玉人之治璠璣瓊玖廢矣故其子孫皆光明照人克世其家蓋碧落碑無贗本也

雲巖新禪師

禪師諱悟新王氏韶州曲江人魁岸黑面如梵僧壯依佛陀院落髮以氣節蓋衆好面折人初謁棲賢秀鐵面秀問上座甚處人對曰廣南韶州又問曾到雲門否對曰曾到又問曾到靈樹否對曰曾到秀曰如何是靈樹枝條對曰長底自長短底自短秀曰廣南蠻莫亂說新曰向北驢只恁麼拂袖而出秀器之而

新無留意乃之黃龍謁寶覺禪師談辯無所抵牾寶覺曰若之技上此耶是固說食耳渠能飽人乎新窘無以進從容白曰悟新到此弓折箭盡願和尚慈悲指箇安樂處寶覺曰一塵飛而翳天一芥墮而覆地安樂處政忌上座許多骨董直須死却無量劫來偷心乃可耳新趨出一日默坐下飯會知事捶行者新聞杖聲忽大悟奮起志納其屢趨方丈見寶覺自譽曰天下人總是學得底某甲是悟得底寶覺笑曰選佛得甲科何可當也新自是號爲死心叟榜其居曰死心室蓋識悟也久之去游湘西是時詰禪師領獄麓新往造焉詰問是凡是聖對曰非凡非聖詰曰是什麼對曰高著眼詰曰恁麼則南山起雲北山下雨對曰且道是凡是聖詰曰爭奈頭上漫漫脚下漫漫新仰屋作嘯聲詰曰氣急殺人對曰恰是拂袖使出謁法昌遇禪師遇問近離甚處對曰某甲自黃龍來遇云還見心禪師麼對曰見遇曰什麼處見對曰吃粥吃飯處見遇挿火箸於爐中云這箇又作麼生新拽脫火箸便行新初住雲巖已而遷翠巖翠巖舊有

淫祠鄉人釀醢酒載汪濊無虐日新誠知事毀之知
事辭以不敢撥禍新怒曰使能作禍吾自當之乃躬
自毀拆俄有巨蟒盤臥內引首作吞噬之狀新叱之
而遯新安寢無他未幾再領雲巖建經藏太史黃公
庭堅爲作記有以其親墓誌錢于碑陰者新恚罵曰
陵侮不避禍若是語未卒電光翻屋雷擊自戶入折
其碑陰中分之視之已成灰燼而藏記安然無損晚
遷住黃龍學其雲委屬疾退居晦堂夜參豎起拂子
云看看拂子病死心病拂子安死心安拂子穿却死
心死心穿却拂子正當恁麼時喚作拂子又是死心
喚作死心又是拂子畢竟喚作什麼良久云莫把是
非來辯我浮生穿鑿不相干有乞末後句者新與偈
云末後一句子直須心路絕六根門既空萬法無生
滅于此徹其源不須求解脫生平愛罵人只爲長快
活政和五年十二月十三日晚小參說偈十五日泊
然坐逝訃聞諸方衲子爲之嗚咽流涕茶毗得舍利
五色閱世七十二坐四十五夏塔于晦堂之後
贊曰餘閱死心悟門政所謂渴驢奔泉怒猊抉石者

也當其凡聖情盡佛祖在所詆訶況餘子乎山谷謂
其雍雍肅肅觀者拱手此老蓋亦憚之矣

南嶽石頭志庵主

公諱懷志出于婺州金華吳氏性夷粹聰警絕人年
十四去依智慧院實偶爲童子二十二試所習落髮
預講肆十二年宿學爭下之嘗欲會通諸宗異義爲
書傳世以端正一代時教之本意有禪者問曰杜順
乃賢首宗祖師也而談法身則曰懷州牛喫禾益州
馬腹脹此偈合歸天台何義耶志不能對即行游方
晚至洞山謁眞淨文禪師問古人一喝不作一喝用
意旨如何文公呵叱之志趨出文笑呼曰嗣子齋後
游山好志領悟久之辭去眞淨曰子禪雖逸格惜緣
不勝耳志識其意拜賜而行至袁州州人請居楊岐
挽留之掣肘而去游湘上潭牧聞其名請居上封北
禪皆不受庵於衡嶽二十餘年士大夫經由造其居
不甚顧答人問其故曰彼富貴人辯博多聞我粥飯
僧耳口吻遲鈍無可說自然愁癡去有偈曰萬機俱
能付癡癡蹤跡時容野鹿參不脫麻衣拳作枕幾生

夢在綠蘿庵又問曰師住山多年有何旨趣對曰山中住獨掩柴門無別趣三塊柴頭品字煨不用援毫文彩露崇寧元年冬徧辭山中之人曳杖徑去留之不可曰龍安照禪師吾友也偶念見之耳龍安聞其肯來使人自長沙迎之居于最樂堂明年六月晦問侍者曰早莫曰已夕矣笑曰夢境相逢我睡已覺汝但莫負叢林卽是報佛恩德言訖而寂茶毗收骨石塔于乳峰之下閱世六十四年坐四十三夏

贊曰石頭道人以夷粹之資入道穩實其去新豐而游湘西也以水聲林影自娛謹守其師之言不爲世用譬之雲行鳥飛初無留礙故當時公卿貴人莫能親疎之豈常人哉彼視呬嘔取容賣佛祖以漁利者顧不太息耶甘露滅旣論譏其出處之詳又列之林間錄中蓋有所激云耳

補禪林僧寶傳終

嘗觀八十餘員老惡跡那堪向外揚
底事傳爲希世寶重新拈出在樽桑
義心禪者募緣將唐本僧寶傳抄寫重新鐫梓巨廣
其傳貴後之覽者如獲司南之車可以追配古人之
萬一班真風之不墜也

皆永仁乙未孟秋蜀苾芻鏡堂叟覺圓書

僧寶人人滄海珠寂音已是強名模

覺庵父子訛傳處狼藉謬方掩得無

遇時甫板行寂音尊者所著僧瑤意歸北山未幾
時偶墮他人之手甫且死弟子守淨行人尋訪得之
遂了其師初心住靈隱廣聞因出此帙乃爲之書瑤
卯嘉平

尊者存心不易論要教舊話得新聞

非惟特地酌先志且願流通此法門

淨老宿以令師昔所刊僧瑤傳板捨歸靈隱旃檀林
使佛祖慧命流通柱香求語以此證之虛堂老衲
智愚書

僧寶正續傳

宋・祖琇
撰

僧寶正續傳目錄

第一卷

羅漢南禪師

圓通旻禪師

兜率照禪師

潛庵源禪師

泐潭照禪師

第二卷

寶峰準禪師

花藥英禪師

明白洪禪師

開福寧禪師

智海懃禪師

第三卷

龍門遠禪師

禾山方禪師

文殊道禪師

法輪端禪師

黃龍逢禪師

第四卷

圓悟勤禪師

寶峰祥禪師

雲居悟禪師

白楊順禪師

第五卷

草堂清禪師

大滄果禪師

護國元禪師

雲居如禪師

眞牧賢禪師

第六卷

鼓山珪禪師

徑山杲禪師

福嚴演禪師

黃龍震禪師

第七卷

德山木上座

臨濟金剛王

代古禪師與洪覺範書駁僧寶傳

僧寶正續傳卷第一

隆興府沙門 祖琇 撰

羅漢南禪師

禪師諱系南生汀州張氏少出家依金泉寺得度具戒性純淡志節高遠涉歷叢林參雲居祐禪師發明心地既膺最後付囑將復遍扣諸方時祐同門法昆照覺禪師宏法東林宗風特盛師往謁之照覺預知其來撞巨鑪聚徒五千指出迎於虎溪之外師繇是名稱蔚然增重于世未幾南康守命出世羅漢嗣法雲居道價普于天下學者謂之小南僧問聲色不到病在見聞言詮不及過在唇吻此一理二義請師直指師云一字不著畫曰古溪澄水迎新月舊嶺寒梅再遇春師云二字不雙曰半夜彩霞籠玉象天明峰頂在雲遮師云好箇真消息問師子兒隨衆後三歲便能大哮吼未出林一句作麼生師云頭破額裂曰出林後一句作麼生師云腦門著地曰出不入時如何師云進前退後曰且道落在什麼處師云大眾有眼乃云道隱無私力不可敵如風行草偃似春

至花開佛手不能遮人心寧可退順之則物物光輝逆之則頭頭失色不逆不順任器方圓呼召隨聲高低自爾臨鏡而像彼此情忘現如幻神通成如幻正覺直得廬山萬疊共轉法輪鄱水千尋同宣密義便與麼金鷄啄破琉璃殼玉兔挨開碧海門又曰畫角紅樓報曉春萬家齊賀物咸新誰知庭際青青栢便是當年問法人無身可身無歲可歲始終無變往復常存四時遷而不遷一氣動而非動百年生死若浮雲十世古今如電影情超象外道契環中不有絲毫虛空同壽但向見聞覺知識取本來面目還見麼玉兔沉西嶺金烏出海東又曰不假一鎚成大寶太阿出匣冷光寒爲君截斷羶羊角打就虛空碧玉盤好拈撥更須看翻來覆去黑漫漫以拂擊禪牀下座又曰山堂今日已開爐點淡寒雲雪未鋪撥火任君談冷暖不知誰解喚司徒古聖求人向熱灰裏諸佛行道火焰中便見利利塵塵皆同自己心心念念盡合他宗便與麼會轉不相當何故一句合頭語萬劫繫驢橛又曰天地爲爐韞日月作鉗鎚烹清風方成佛

成祖煉白雲。有法有儀。圓光頂佩。卽字曾題。阿呵
呵。知不知。倒騎獅子座。蹀跳上須彌。又曰。一夏九十
日日無差。一日十二時。時時不異。猶如黃金之黃。
碧天之碧。其色其高。不變不壞。安一名著一字。與吾
靈覺何相似。便乃修習空花。萬行宴坐。水月道場。降
伏鏡裏魔軍。成就夢中佛果。今朝法歲已圓。勘破了
還知麼。移身搖太華。掬汗洒醍醐。又曰。物我兩如是。
非一氣。雲無心而解。聽龍吟。无天塞地。風無迹而能
聞。虎嘯拔木鳴條。道無根而善應。諸緣分繇。列素忽
然一念合風雲。不知誰是我。行無所行。住無所住。大
笑呵呵。希逢罕遇。又曰。禪不禪。道不道。三寸舌頭。胡
亂掃。昨夜日輪飄桂香。今朝月窟生芝草。阿呵呵。萬
兩黃金無處討。一句絕思量。諸法不相到。師臨遷化
日。舉二禪者立。僧上堂云。欲揚大法。須籍其人。借與
便風。便好揚帆。學棹昔日僧。問趙州某甲。乍入叢林。
乞師指示。你喫粥了也。未僧云。喫粥了。州云。洗鉢盂
去。其僧豁然大悟。只如今日。鳴鐘之後。陞堂已前。人
人喫粥飽。即便休。若也嚼得破。礙塞人嚼不破。却許

伊羅漢。今日倒騎鐵馬。逆上須彌。踏破虛空。不留朕
迹。諸人還見麼。夜來風起。蒲庭香吹。落桃花三五樹。
下座。歸方丈。跏趺而逝。

圓通旻禪師

禪師名道旻。興化仙游蔡氏子。其母夢吞摩尼珠。已
而孕生。五歲足不能履。口不能言。母抱游西明寺。見
佛像。遽履地合掌。稱南無佛。因作禮。人大異之。及官
學大梁。忽厭塵俗。去依景德寺。得祥律師。以誦經得
度。具戒。遍參宗匠。從真如詰公最久。晚聞泐潭乾禪
師。道望往依焉。一見。知其在大潯。衆稱旻古佛者。深
器之。師以力參所得。舉以似乾。乾未之許。一夕侍立。
次乾。舉世尊拈花因緣。令下語。益不契。絲是盡弃其
所聞。久之。隨經行。次乾以拄杖加肩。長嘯云。曾麼。師
擬對。乾卽打之。有頃。拈一枝花。示云。是什麼。師擬對。
又喝之。師豁然大悟。卽作拈花勢云。此去更不疑。老漢
舌頭也。乾挽住云。更道。更道。師云。南山起雲。北山下
雨。鼻孔解語。無討處。卽禮拜。乾可之。他日謂曰。廬山
勝絕。汝緣熟在。彼遂辭焉。建中靖國元年。出世。江夏

之灌溪遷廬山圓通初道濟禪師規革圓通臨終囑曰吾塔以青石爲之他日塔紅即吾再來及師主之夕塔爲之紅遐邇驚歎知師蓋道濟後身也由是宗風鼎盛衲子雲奔輻湊師孤節苦行終其身僧問如何是佛法向上事師曰劈箭溪頭水倒流進云藏頭露影時如何師便打進云謝師答話師云瞎問十二時中如何履踐師云風不來樹不動僧於言下有省政和初蔡太師京奏賜槌服圓機師名范左丞致虛初自內翰出師豫章過圓通語次歎曰行老矣墮在金紫囊中去此事稍遠師亟呼內翰翰應諾師曰也不遠翰云好更望指示師曰此去豫章有四程翰佇思師曰見即便見擬議即差翰領之而喜樞密吳公居厚擁節歸鍾陵見師曰頃赴省試過圓通趙州關因問訥老透關底事如何訥云且去做官今五十餘年師曰曾明得透關底事麼密云八次經過常存念然未脫洒在師舉扇云請使扇密揮扇師曰有甚不脫洒處密大喜云更請末後句師搖扇兩下密云親切親切師曰吃嚙舌頭諫議彭公汝霖手寫觀音經

可是不

施師師拈起云遮箇是觀音經那箇是諫議經彭云此是某親寫師云寫底是字那箇是經彭笑云却了不得也師云即現宰官身而爲說法彭云人人有分師曰莫謗經好彭云如何即是師舉經示之彭撫掌大笑云噯好師曰又道了不得相國安公南遷見師曰一生做官今日被謫覺見從前但一夢耳師曰相公覺耶公曰此皆本有但未甚明了師召相公公舉首師云了也公曰猶被事礙師云離京幾程到此公曰四十二日師云甚處被礙來公笑曰極得力師云直下受用去公云如何受用合掌欽喜師曰但空諸有勿實所無公云幸遭遇不敢忘左司都貺問曰是法非思量分別之所能解如何湊泊師云全身入火聚都云畢竟如何師云驚直去都沉吟師曰可更喫茶都云不消得師曰何不恁麼會都忽有省笑曰太近邪師云十萬八千都即有偈曰可思議是大火聚便恁麼去不離當處師曰猶有遮箇在都云便請直指師云便恁麼去鐘是鐵鑄都云盡善盡善九江守李端夫問曰識心虛凝忽然諸境現前時如何師

云石火燒身。守豁然省曰。打破虚空也。師云。什麼處下手。守鳴指一下。師云。不恁麼。却恁麼。守叩曲折而去。師之全機得大自在。開發尤多。三年冬。以院事卑。得法弟子守惠。請老于朝。朝廷從之。有旨令守惠次補寺任。明年冬十月九日。集衆說偈曰。泥牛昨夜大哮吼。驚得須彌藏。北斗南北東西沒處尋。拈得鼻孔失却口。復云。至道虛寂。迥脫根塵。光境俱亡。靈機絕待。真常任運。寧屬去來。應局無方。不存格則。牢關敲磕。掣電難通。直須千眼頓開。可以死生無間。自茲決別。可葬全身。三百年後。當與佛事。臨行一著。不審見知。折半破三。好生薦取。隨聲撫膝一下。泊然而逝。閱世六十八。坐五十夏。門人奉遺命。塔其全身。唯取平時所聚鬚髮火之悉爲舍利。州上其事。賜號妙空之塔。師居圓通十有二年。隨機接物。力法匪躬。然絕不許記其語句。其徒有不忍弃之者。相與私綴之。師廉知。誠曰。爾必欲墜吾素志。却後三十年。乃可拈出。及通惠禪師如其約而出之。左司陳公瓊覽小參語云。若有一疑。如芥子許。是汝善知識。卽尊重讚歎。行以

爲之序。既而樞密張公德遠侍郎。馮公濟川皆違其言。

贊曰。圓通來應塔紅可也。歟。謂三百年後。當與佛事。或身後好事者爲之辭。何則。旻固嘗悟徹者也。徹則萬化同功。群機普赴。奚適而非旻邪。先佛云。吾無生不生。無在不在。如是則聖賢撫會塵塵。刻念念衛奚。三百年之局。乎果去矣。必三百年而復來。則營營形數之間。無乃小乘乎。且無邊利海。不隔毫端。十世古今。不移當念之旨。安在哉。李君商老狀其事而暴美之。不究宗門撫會之妙。當併按也。

兜率照禪師

禪師諱惠照。南安軍郭氏子。依了山院出家。得度具受。游方與從悅禪師游。悅參真淨。頗稱有得。師預聞其旨。遂卓庵於石頭。其後悅見石霜。素侍者復得石霜末後句。以書抵師曰。曇參未善。猶有末後句。在師以偈答曰。參禪只要心安樂。了得心安萬事休。況是禪心猶假立。誰論末後與當頭。竟不往及悅出世。兜率迎致居第一座。元祐中。無盡張公轉江西漕。謀入

黃龍見晦堂心禪師暮宿兜率與悅夜語因及石霜末後大事無盡豁然有省遂以出世因緣向悅稱法嗣悅去世無盡命師繼其席師曰先師有末後句運使得之照未嘗得豈可嗣法邪無盡曰汝尋常滿口道得却會不得師忽然悟乃曰敢不奉命遂開悅公法門問如何是第一義諦師曰鎚下分付曰第二義門請師舉唱師曰千家簾幕春光在幾處園林秀色新曰學人未曉師曰勞而無功曰爭奈分付了也師曰一人傳虛萬人傳實曰法鼓纔聲大眾雲集學人上來乞師指示師云天靜不知雲去處地寒留得雪多時學人未曉乞師端的師云一重山背一重人乃曰龍溪山上道路縱橫兜率宮中樓閣重疊雖非天上不是人間到者心安全忘諸念善行者不移雙足善入者不動雙扉自能笑徹煙蘿誰管坐消歲月既然如是向上還有事也無良久云莫教推落巖前石打破下方遮曰雲又曰請僧袖裏神鋒截斷有句無句隨宜獨立真規處處清風滿路更知結角羅紋始解針來線去師性方嚴有操守居兜率二十有七年

做像天宮內院作新一刹冠絕人世安衆不過四十遇缺員則補之供饌珍麗率衆力道彌謹無盡每以古佛稱之宣和元年休夏日沐浴更衣禮觀音大士三拜退居丈室端然而逝壽七十一歲四十七闍維煙所及處悉有舍利多琥珀色靈骨瑩如冰玉眼睛與舌不燼無盡爲之贊曰兜率照老沒可把七月十五日解長夏禮却觀音三拜竟退歸方丈嗒然化也無遺書切切怛怛也無偈頌之乎者也無衣鉢俵散大眾也無病痛呻吟阿耶卒死丹方傳與人禾山鼓向別處打

潛庵源禪師

禪師名清源豫章新建鄧氏子依洪巖僧處信得度具戒參武泉常雲居舜泐潭月三大士頗見咨揖然疑未決晚依積翠南禪師一日聞學河山初見雲門因緣不覺失笑南問何爲而笑師曰笑黃面浙子儼兒不覺醜耳自是容爲侍者閱七年咨參決擇道眼高妙絕出人表叢林稱之以比南院守廓南公去世師開法西山惠嚴遷南康清隱力法自將不與諸方

開鋪席。訥子以枯淡多望崖而去之。坐是單丁住山。十餘年。初南州高士潘延之問道於積翠。與師定交。爲方外友。至是迎歸西山。未幾洪帥命居大寧。一時訥子賢士夫從之問道。坐集其室。師說法簡易。期人於悟。而後已。嘗示衆曰。寒風激水成冰。杲日照冰成水。冰水本自無情。各各應時而至。世間萬物皆然。不用強生擬議。又曰。先師初事栖賢。寔泐潭澄歷二十年。宗門奇奧。經論要妙。莫不貫穿。及因雲峰以見慈明。則一字無用。遂設三關語。以驗天下禪者。而禪者如葉公畫龍。龍現卽怖。或問三關語。學者每難透。何也。師曰。衆生爲解礙。菩薩未離覺。大智如文殊。師利欲問空。三佛義卽遭擯出。以其自墮艱難。故起現行耳。尋以高年不任主事。退閑自號潛庵。諸利爭迎致供養。且依以爲重。故居無定。方建炎三年八月五日。示寂于城陰之章江。住世九十有八。安居七十八。夏方未寂時。齒墮而復生。髮薙而燭之。悉爲舍利。及是燼餘。尤不勝數。塔于惠嚴之東。阿師莫年德高望重。以深誠勉人以善從之化者甚盛。有僧執侍十有二

年。於道未有所契。及將出世。師曰。汝侍吾徒。費歲月。儻嗣法不應。以世情自昧。其人遂嗣翠巖機焉。其主法有體類如此。

泐潭照禪師

禪師諱惟照。簡州陽安李氏子。母方孕。夢異僧持應器踵門。若將寄食者。一夕有光發其室。廬里人相驚。且有育師兒時趣尙超卓。稍長。泊然不旨。從俗屈首受書。至性相近。習相遠。遽曰。凡聖一體。以習故差別。如是我知之矣。去家走成都。依鹿苑寺。青泰爲童子。乞名惟照。志始生之異焉。十九得度。具戒。泰嘗使之受起信論于大慈寺中。講輒歸臥。泰詰之。對曰。旣稱正信大乘。夫豈言說所能了邪。於是盡弃所聞。虛心游方。時楷禪師居大洪山。名震天下。往依之一見。以爲俊朗。委曲容接。師亦奮勵。急於透脫。嘗夜坐閣道間。徼巡者傳呼過之。隨聲有省。卽趨丈室。吐所悟。楷擲揄之。師疑焉。復將徹究源底。於是遍參宗師。往來楷所。是後歷三吳。聞楷以罪爲民。居沂水之芙蓉庵。趣往唁之。未至間。僕夫被酒迷失道。師却行及之。舉

放奮擊忽大悟及見楷望而喜曰今日相見庸非鼇山耶因留佐耕湖上服役累年盡得芙蓉之道致政王少宰有子亡且有年矣忽夢其歸整日而師至問其生年適與其子亡日合因抱持泣以爲後身也遂命出世洛陽之招提遷舒州甘露再遷三祖宣和初道行聞于朝有旨移廬山之圓通先是住持守惠以事罷去復自訴于有司閱三年得旨還舊住信至師怡然拽杖出門與二三禪客徜徉山谷間未幾勸潭虎席江西師盡禮致請遂補處焉師姿容豐碩音聲朗潤身荷大法名尊諸方自號闡提管示衆曰坐禪好諸禪德不用胡思亂想坐教悟去你若悟去十二時中便有自由分佛也不奈你何祖也不奈你何你也自不奈何豈更聽別人指揮所以達磨大師西來直指人心見性成佛何曾有許多屈曲言句教你思量生受今時諸方叢林未嘗有一箇善知識不教你參禪學道修行乃至禪頭首座同行道伴亦皆教你參學更看話下語商量因緣研窮今古你輩更不識好惡甘作衆生就人學去更向案子頭大冊小冊錄

將去採拾言句攢花簇錦記憶築向肚皮裏爲禪爲道苦哉通相壞了也不是遮箇道理你諸人本無許多事只爲始行脚時撞著一箇沒見識長老教你許較勞攘打頭便參得箇庭前栢樹子話又參得斬貓兒話洗鉢盂話野狐話勸婆話參得一肚皮禪道便掉腰擺膀稱我是方外高人面前說得恰似真箇背地裏千般亂做次第一文也不直纔有些子違順風起便見手忙脚亂爲什麼如此只是學得來奉勸莫學須是自辦取始得你不見祖師少林九年面壁二祖立雪齊腰黃梅聚七百高僧衣鉢後來獨付廬老於是時也看那箇因緣淘汰那箇古今曾下得什麼語既不是因緣你輩又苦死瞞生學圖箇什麼別無人向你恁麼道只是寶峰貳煞老婆教你莫參禪莫學道莫看經莫念佛以至禮拜燒香種種勞攘你須道十二時中畢竟如何度時寶峰只教你如大死人你若真箇如大死人有什麼閑工夫去參禪學道禮拜燒香許多費力山僧五處住院凡教徒不出此如大死人四箇字直是我悟得底且不在一大藏教裏

傳燈錄五家宗派古今言句裏是平生所證底法所行底法你若直下會去且不會教壞你邇來有一兄弟入室問莫是如大死人却活麼禪客莫問活你但死了更死你又不曾死只管要活作什麼而今聽普說了下去堂中或堂前後架試坐看有時被你久久坐忽然死得也不定建炎改元北人南渡潞潭日不下千鉢坐食師超搖法樂略不以介意而檀施四來齊厨濟足人到于今稱頌之二年正月辛丑夜參因叙洞下宗旨不斷如綫而名世續慧命者零落無幾因歎歎江下霑襟明日閉方丈不出又明日手寫數語遍與山中耆宿辭訣衆大駭至有哭之慟者師皆拒而不與之接至中夕遽命燭集執事者囑以後事語終泊然而逝閱歲四十有五坐二十五夏時御史中丞陸德先西京宗正趙公士陳尙書鄭方公昭通議大夫馮公溫舒微猷閣待制宋公曉秀州刺史韓公昭同會潞潭頗問道於師見其脫去之狀益歡慕焉火餘五色舍利爛如珠玉齒舌不燼塔于寺之西峰師初在西京漕使徐公閣中有子冠且婚矣見師

說法次忻然慕之即棄榮剔髮具戒名曰德止以夙悟才辯有名于世

贊曰教中以七地已前菩薩福智爲修生八地已去福智爲報得若闍提年二十有人出世五遷巨利所至勃興龍拂之下動如阡陌初未嘗遣化而供饌珍麗服用完新庸非報得者歟方是時叢林以侈靡相尙照因其時闍達大度順學者之欲而嫚罵諸方特以如大死人爲教然託其身後竟未有繼其風者嗚呼異哉

僧寶正續傳卷第一

僧寶正續傳卷第二

隆興府沙門 祖琇 撰

寶峰準禪師

禪師諱文準興元府唐固梁氏子生始幼見佛像輒笑童牙不喜聞酒戲金仙寺沙門虛普乞食至其家師膺門酬酢始老成時年八歲即辭父母願從普歸

授以法華經。伊吾卽上口。元豐僧檢童子較所習。以
籍名失後度。師藝精坐年少不得奏名。陝西經略范
公過普應。普應高應對。領略師侍其傍。伸辯詳明。進
止可喜。范公欲携與俱。西師辭曰。登山求玉入海求
珠。人各有志。本行學道。世好非素心。范公陰奇其語。
度以爲僧。剔髮。既往。依梁山乘禪師。呵曰。驅鳥未受
戒。敢學佛。乘乎。師捧手曰。壇場是戒。邪。三羯磨梵行。
阿闍黎是戒。邪。乘大驚。師笑曰。雖然。敢不受教。遂受
具足戒於唐安律師。徧游成都。講肆唱。諸部綱目。卽
棄去曰。吾不求甚解。去師。曇演佳其英特。撫之曰。汝
法船也。南方有大開士。若瀉山真如九峰真淨者。可
往求之。師拜受教。與同學志恭詣大瀉久之不契。乃
造九峰見真淨。問曰。甚處來。曰。興元府。問近離甚處。
曰。大仰。問夏在甚處。曰。瀉山。真淨展手曰。我手何似。
佛手師罔然。真淨呵曰。適來句句無絲毫差錯。靈明
天真才說箇佛手。便成隔礙。病在什麼處。師曰。不會。
淨曰。一切見成。更教誰會。師服膺就弟子之列。餘十
年所至。必隨真淨。晚居泐潭。師一日舉杖決渠水。澣

衣。因大悟。走叙其事。真淨罵曰。此中乃敢用蓋。直邪。
自是迹愈晦。而名愈著。待制李景直守豫章。仰其風。
請開法於雲巖。未幾。殿中監范公師南昌。移居泐潭。
師辭。辭注射迅。機電掃帚。子畏而慕之。槌拂之下。常
數千指。自號湛堂。每日。我只畜一條拄杖。佛來也。打。
祖來也。打。不將元字脚。浣汝枯腸。如此。臨濟一宗。不
致冷落。一日。新到相看。展坐具。師云。未得人事。上座
近離甚處。曰。廬山。歸宗師云。宗歸何處。僧曰。叟。師云。
蝦蟆窟裏作活計。僧云。和尚何不領話。師曰。是你豈
不是從歸宗來。僧云。是。師曰。驢前馬後。漢問第二上
座。近離甚處。僧曰。袁州。師云。夏在甚處。曰。仰山。師曰。
還見小祥迦麼。僧云。見。師曰。鼻孔長多少。僧擬議。師
云。話墮。阿師問。僧你來作麼。曰。特來問訊。和尚。師云。
雲在嶺頭。閑不徹。水流澗下太忙。生僧云。和尚莫瞞
人。好師曰。馬大師爲什麼從闍黎脚跟下。走過僧無
語。師云。却是闍梨謾老僧。僧云。有口道不得時。如何。
師云。洞庭湖裏倒撐船。雲居先馳到。師問。未離歐阜。
文彩已彰。既到寶峰。如何。吐露。馳云。目前有路。師舉

起書云。既是雲居底爲甚。在寶峰手中。馳云。兵隨印轉。將逐符行。師云。下坡不走。拍一拍。馳擬議。師曰。想先馳只有先鋒。且無殿後。一日。法堂上。逢首座便問。自甚麼處去。座云。擬與和尚商量一事。師云。便請座。曰。東家杯柄。長西家杓柄。短師云。爲甚拈起鞏縣茶瓶。却是饒州囊碗。座云。臨崖看潄眼。特地一場愁。師云。達磨大師叶屈。座吐舌而退。師在分寧遇死心和尙。問你。此回到山裏麼。師云。須去禮拜師兄。心云。你來時。善看方便。師曰。何故。心云。我黃龍路滑。師云。曾躑躅幾人來。心云。你未到黃龍。早脚澁也。師云。和尚何得閉門相待。死心又問。準老。你安許多僧。只是聚頭打悶了。噯飯。你畢竟將何爲人。師云。因風吹火。心云。亂札作麼。師云。從來有些子。師却問和尚。山中安多少衆心。云。四百人盡是精峭。禪子。師云。師子窟中無異獸。心云。你來時也須照顧。師云。也待臨時。心云。臨時作麼。生。師云。喚來洗脚。心云。你川僧家開許大口。師云。準上座從來如此。心云。三十年弄馬騎。問僧鄉里甚處。云。青州。師云。近離甚處。云。雲居。師云。安樂。

○興慶典

樹下道將一句來。僧無語。師却問傍僧云。你道得麼。僧云。某甲道不得。却請和尚道。師云。向北驢似馬大。僧云。與麼。那云。你鼻孔爲甚在寶峰手裏。僧便喝。師云。水裏火發。見僧看經。問看什麼經。曰。金剛經。師云。經中道是法平等。無有高下。是否。僧云。是。師云。爲什麼雲居山高。寶峰山低。僧云。是法平等。無有高下。師曰。你却做得箇座主。使下僧云。和尚又作麼。生。師云。且放你鼻孔出氣。一日。廊下見僧。問你還會也。未。僧云。不會。師曰。左青龍。右白虎。僧云。久嚮寶峰元來只是箇賣卜巡官。師乃點指云上座。今日不好。僧云。老漢敗闕也。師云。路逢劍客須呈劍。師問僧安樂麼。僧云。無事。師云。你大有事在。曰。未審某甲有甚事。師云。近日上藍金剛。與天寧土地相打。僧無語。師云。元來無事。問僧如何。是上座得力處。僧便喝。師云。好好相借問。何得惡發。僧又喝。師云。元來是作家僧。以坐具便打。師低頭。噯一聲。僧云。放過一著。師云。遮裏不可放過。隨後便打。師普說。次衆欲散。忽問僧。明來明打暗來暗打。你作麼。生。會僧便喝。師云。點卽不到。僧又。

喝師云到卽不點僧云忽遇不明不暗來時又作麼生師云今日天寒且歸堂向火隨後喝一喝便起一日上堂云寶峰一夜睡不著計較今日上堂揣腹搜胃總思量不就而今臨時逗節事出急家門遂拈起拂子云準上座近日作得一柄子且權將供養大眾乃擲下云竹根椶葉麻繩擊樣度天然別一家政和五年夏六月寢疾首座問和尚近日尊位如何師云跛驢上壁座云和尚也好喫一服藥師云朽木搭橋座云也知和尚不解忌口師云你作麼生座擬進語師云你也好喫一服藥以七月二十二日更衣說偈而化閱世五十五坐三十五夏靈骨舍利塔于石門之南原丞相張無盡製其碑諫議洪駒父叙語錄名士李商老撰次逸事同門弟德洪覺範紀師行實其高道碩德可想見矣

贊曰雲居真牧和尚謂人曰出關走江淮閱三十年參一十八人善知識於中無出佛果佛眼死心靈源湛堂五大士而已誠哉斯言蓋真正宗師攷其全才如此之難若佛果佛眼死心靈源之嗣固已光明于

世獨湛堂開法日淺未有繼其高闕者然覽其遺編想其胷次信餘子未易跂及也覺範稱準於真淨之門所謂家名辯才氣宇逸群者抑知言哉

花藥英禪師

禪師名進英出於羅氏其先吉州太和人少孤性敏慧韶亂中日誦千餘言通詩書大義與群兒嬉游侮玩之氣出其上親舊愛敬之使著逢掖爲書生輒病至與死隣母泣曰吾始娠夢有乘空語曰兒出家則病有瘳矣於是擊鍾梵放誓於佛前使依集善寺洞隆爲童子年十八試所習得度具戒卽欲游方參道母有難色於是庵於母室之外名曰精進諦味宗師之語而勵精于道君子稱孝悌焉母歿心喪三年去游江淮一時大宗師多所參扣晚見真淨禪師聞其夜參貶剝諸方以黃蘗接臨濟雲門接洞山機緣爲入道之要撻其疑處以啓問師恍然大悟真淨密可之時佛印禪師名重一時尤重許可獨以師爲俊彥嘗以鐵臂呼之自是叢林想聞其風彩元祐中出世長沙之開福閱十年殿閣崇成宗風鼎盛又五年弃

之北游五臺。徧覽聖迹。復還庵于梁山。請子益森。趨之政和甲午。衡陽道俗。迎居花藥之天寧。師於眞淨之道力行。而博施之得。語言三昧。嘗示衆曰。報慈有一公案。諸方未曾結斷。幸遇改旦。拈出各請高著眼看。遂趨下一隻鞋云。還知遮箇消息麼。達磨西歸時。携提在身畔。又曰。與麼上來。猛虎出林。與麼下去。驚蛇入草。不上不下。日輪杲杲。喝一喝云。瀟湘江上碧溶溶。出門便是長安道。又曰。山門寂寞。無可祇待。諸禪德夜來思量得一段因緣奇特。準擬今日供養大衆。及乎陞座。忽然忘却。而今卒作不辨。且望大衆智不實。愚不爲恠。笑宣和三年。退歸舊庵。雖窗高而精進不替。常中夜禮佛作息。飲食不肯與衆。背叢林信其誠。民俗化其教。一節三十年終。始不淪四年十二月。減于梁山。

明白洪禪師

禪師諱德洪字覺範筠州新昌喻氏子年十四父母
併月而歿去依三峰覲禪師爲童子十九試經東都
假天王寺舊籍惠洪名爲大僧依宣祕律師受唯識

●非疑先

論臻其奧博觀子史有異才以詩鳴京華搢紳間久之南歸依歸宗眞淨禪師研究心法隨遷泐潭凡七年得眞淨之道辭之東吳歷沉湘一日閱汾陽語重有發藥於是胷次洗然辨博無礙崇寧中顯謨朱世英請出世臨川之北禪先是寺有古畫應眞十六軸久亡其一師至以詩嘲之未淹辰而應眞見夢所匿之家丐歸寺中因得之世以謂尊者猶畏其嘲而歸焉越明年以事退游金陵漕使吳正仲請居清涼未閱月爲狂僧誣以度牒冒名旁連訕謗事入制獄鍛鍊久之坐冒名著逢掖走京師見丞相張無盡特奏得度改今名太尉郭天民奏錫棋服號寶覺圓明自稱寂音尊者未幾坐交張郭厚善張罷政事時左司陳瑩中撰尊堯錄將進御當軸者嫉之謂師頗助其筆削政和元年十月禪僧伽黎配海外三年春遇赦歸于江西是冬復證獄于并州明年得還往來九峰洞山野服蕭散以文章自娛將自西安入衡湘依法屬以老復爲狂道士執以爲張懷素黨下南昌獄治百餘日非是會赦免歸湘西之南臺仍治所居榜曰

明白庵自爲之銘其叙曰予世緣深重夙習羈縻好論古今治亂是非成敗交游多譏訶之獨陳瑩中曰於道初不相妨譬如山川之有煙雲草木之有華滋所謂秀媚精進予心知其戲然爲之不已大觀元年春結茅于臨川名曰明白欲痛自治也瑩中聞之以偈見寄曰庵中不著毗耶座亦許靈山聞法人便謂世間憎愛盡攢眉出社有誰嗔於有隄岸輒決又復寥寥多言然竟坐此得罪出九死而僅生恨識不知微道不勝習乃收召魂魄料理初心而爲之銘曰雷霆發聲萬國春曉聞者不言心得意了木落霜清水歸汰在忽然震驚聞者駭怪合妙日用如春雷霆背覺合塵如冬震驚萬機休罷隨緣放曠尙無了知安有倒想永惟此恩研味其旨一庵收身以時臥起語默不昧絲毫弗差蒙雜而著隨字于嘉於是賈思經論著義疏發揮聖賢之秘奧及解易作僧寶傳成撫而歎曰冒障海極并門間關萬死而不斃天其或者遲以卒此乎世有賢者當知我矣將負之入京抵襄陽會難淵聖登極大逐宣和用事者詔贈丞相商英

司徒賜師重削髮還舊師名未幾國步多艱退游廬阜建炎二年夏五月示寂于同安閱世五十有八門人建塔于鳳棲山師之才章蓋天稟然幼覽書籍一過目畢世不忘落筆萬言了無停思其造端用意大抵規模東坡而借潤山谷至於出入禪教議論精博其才實高園悟禪師以爲筆端具大辯才不可及也與士大夫游議論衰衰雖稠人廣座至必奮席初在湘西見山谷與語終日不容去因有詩贈之略曰不肯低頭拾卿相又能落筆生雲煙其後山谷過宜春見其竹尊者詩咨賞以爲妙入作者之域頗恨東坡不及見之著林間錄二卷僧寶傳三十卷高僧傳十二卷智證傳十卷志林十卷冷齋夜話十卷天厨禁轡一卷石門文字禪三十卷語錄偈頌一編法華合論七卷楞嚴尊頂義十卷圓覺皆證義二卷金剛法源論一卷起信論解義二卷並行于世贊曰丞相張無盡稱覺範蓋天下之英物聖宋之異人然古之高僧以才學名世殆與覺範並驅者多矣必以清標懿範相資而後美也覺範少歸釋氏長而

博極群書。觀其發揮經論。光輔叢林。孜孜焉。手不停綴。而言滿天下。及陷于難。著逢掖出。九死而僅生。垂二十年。重削髮。無一辭叛佛。而改圖。此其爲賢者也。然工呵古人。而拙於用。已不能全身。遠害峻戒。節以自高。數陷無辜之罪。抑其特才。暴耀太過。而自取之。邪。譬自謂識不知。微道不勝習者。不獨爲洪實錄亦以見其自欺焉。惜哉。

開福寧禪師

禪師名道寧。歙州注氏。子篤志于道。以頭陀入禪林。故舉世人以寧道者。呼之初。參蔣山泉禪師。閱十年。泉知其爲法器。俾乞供五羊。遇居士顯施。資爲祝髮者。師以乞供畏嫌。疑固辭不可。因歸供鍾山。再入嶺。得度具戒。遍參宗師。嘗居崇果山。爲衆辨浴。日誦金剛般若爲常課。一日將濯足。誦至應生信心。以此爲實內足湯器中。豁有省。卽趨海會。見演道者吐所悟。演領之。容入其室。他日聞舉狗子無佛性話。於是大徹。演喜以爲類已。大觀中。潭帥席公震請出世。開福唱演公之道。湘潭之人敬慕之。師性簡約。服用朴素。

非叢林弘法之務。未嘗以之介懷。頗提笠走街市。躬自乞食。以養衆。諸子爭歸之。法席遂爲湖湘之冠。僧問。唯一堅密身。一切塵中現。提起坐具云。遮箇塵那箇是堅密身。師云。放下著。進云。猶是學人疑處。師云。你疑處作麼生。進云。適來問底。師云。不堪爲種。草政和三年十一月四日。沐浴淨髮。五日。小參。別衆。叙平生。參學始末。期以七日。示寂。祝依常僧例。茶毗。以火餘盛之。瓦碗撒湘江水中。乃曰。出家佛子。徹骨髓。華藏海中游戲。自在。死生界內。任性浮沈。是以俱尸城畔。擲示雙趺。熊耳峰前。親遺隻履。祖禪不了。殃及兒孫。盡樣起模。到于今日。又道吾紫磨全身。今日卽有明日。卽無若道。吾入涅槃。非吾弟子。若道吾不入涅槃。亦非吾弟子。管此之際。若相委悉。不唯穿却釋迦老子鼻孔。亦乃知得山僧落處。其或未然。報慈恁麼來。舉世無相識。水月與空花。誰堅復誰實。住院經五年。都盧如頃刻。瑞雲散盡春風生。走却文殊遇彌勒。喝一喝下座。持壺尾圍視久之。曰。誰堪付此者。旣而曰。無。如果藏主遂以畀之。至七日。長沙之人無幼

艾相與責持香。化側塞于寺。師應接教誡遣之而來者無已。及日暮。踟躕然而逝。閱歲六十一。坐二十一夏。火除舍利。弟子不忍弃塔。于開福又二十年。嗣法果禪師。徙塔福嚴之朱原。師出世才五年。而名滿天下。叢林仰之。雖不克盡行其道。然宗風宏遠云。

智海懃禪師

禪師諱惠懃。舒州銅城人。出家試所習得度。具戒參太平演禪師。發明大事時。太平法窟龍象最盛。師與闍悟佛眼。嶄然露其頭角。衆望翕然推重。及演遷五祖靈源禪師。繼主太平。登師第一座。以法施學者。靈源退席。舒守雅聞譽望。命出世太平。開五祖法要。僧問。萬法本來歸一。一法了無蹤跡。白蓮峰下傳來。未審以何爲的。師舉拂子云。用遮箇爲的。曰。與麼則兵隨印轉。將逐奉行。師云上座見箇什麼。曰。驗人端的。處下口。便知音。師云。不妨具眼。曰。此日一會超越靈山。師云。那箇是超越底事。僧提起坐具云。三世諸佛盡向遮裏納敗闕。師云。三十棒。且待別時。乃云。祖師心印。狀似鐵牛之機。去即印住。住即印破。不去不住。

白隱自

聖嚴堅次

妙嚴如

坐斷要津。凡聖路絕。當是之時。不見有衆生可度。不見有佛果可成。亦無煩惱可除。亦無菩提可證。唯彰本體。應用堂堂。出沒等閒。舒得大自在。天堂地獄虎穴魔宮。處處道場。頭頭佛事。然雖如是。也須到遮田地。始得此事。不從脩證。不陟言詮。莫非妙智發明。超然獨脫。或末至此。當宜忘情絕慮。深切諦觀。久久之間。自然雲霞消散。孤月白圓。砂磔盡時。真全始見。又曰。至道無難。唯嫌揀擇。桃花紅。李花白。誰道融融只一色。鶯子語黃鸝。鳴誰道關關只一聲。不透祖師關。振子空認山河是眼睛。又曰。日出卯用處。不須生善巧。拈起拄杖云。拄杖橫山河大地。一時橫拄杖。堅山河大地。一時堅。十方如來所說法。不能與此爲譬喻。絕聲訛無巧妙。灸瘡癰上著艾。焦若能於此究根源。方透衲僧向上竅。如何是衲僧向上竅。擊禪牀下座。又曰。昔日僧問趙州。如何是不遷義州。以手作流水勢。其僧有省。復有僧問法眼云。不取於相。如始不動。如何不取於相。見於不動。法眼云。日出東方。夜落西。其僧亦有省。若於斯明得。便見道旋嵐偃岳而常靜。江

河競注而不流其或未然更爲饒舌天左旋地右轉古往今來經幾徧金鳥飛玉兔走才方出海門又落青山後江河波渺渺淮濟浪悠悠直入滄溟晝夜流遂高聲云諸禪德還見如如不動底麼以拂子擊禪牀下座又曰乍語鶯喉澁初來鶯語新莫驚雙鬢白又是一年春林上花鋪錦堤邊草織茵誰知造化體元是法王身舉起拂子云看看若也識得海印發光苟或未然塵勞先起擊禪牀下座師居太平八年宗風大震政和二年有詔請住東都智海十月九日就大相國寺三門開堂遣中便降香鴻臚少卿賁疏兼撥賜金寶充辦齋筵師謝恩祝聖罷僧問才陞兜座便爇天香祝聖之言請師速道師云祥雲籠殿閣瑞氣滿乾坤進云一朵曇花開上國聲香從此播人間師云別是一家春日靈山一會儼然猶在師云作麼生是靈山會上事曰明朝自有明君鑑學人三拜謝師恩師云一任流通問太平古曲久播徽音學人上來乞師垂示師云尺頭有寸秤尾無星曰與麼則智海洪波普施餘潤師云真不掩僞曲不藏直曰只如

失字更動

無陰陽地上生箇什麼師云喚什麼作無陰陽地曰靈苗瑞草尋常事優鉢羅花物外春師云謝子供養乃云問話且止不見道窮諸玄辯若一毫置於太虛竭世樞機似一滴投於巨浸況祖師心印諸佛本源蠢動含靈無增無減唯聖與聖即能知之恭聞失聖仁宗皇帝有修心詩云初祖安禪在少林不傳經教但傳心後人若悟真如性密印從來妙理深敢問諸人如何是真如之性如何是密印妙理假使目連鷲子智慧神通到此也須亡鋒結舌山僧今日幸逢快便爲國開堂得路便行豈畏傍觀恠笑乃舉拂子云看看豈不是諸人真如之性豈不是諸人密印妙理於斯見得共報國恩其或未然別容理論中謝復云適來所舉初祖安禪在少林不傳經教但傳心且道心作麼生傳我仁宗皇帝在位四十餘年萬機之暇留心此道既得之於心乃形之於言流布無窮後人取則吾祖達磨初至少林二祖侍立次遂問我心未寧乞師與安達磨云將心來與汝安二祖云覓心了不可得達磨云與汝安心竟二祖於是豁然大悟自

此傳衣付法繼襲祖位。且道二祖當時悟得箇什麼。英靈之者。舉著便知影響之流。卒難領會。聊成鄙頌。少助發揮。覓心無得。乃安心悟了。爭如未悟深。萬丈碧潭秋月白。一聲雲外老猿吟。積塵成岳。削鐵爲針。少室山前無異路。遊人來往自崎嶇。樞密鄧公子。常奏賜棋服。佛鑑師名留智海。三年累表懇辭歸。山尋得旨住江寧府。蔣山政和七年十月八日沐浴更衣。端居丈室。手寫別故舊書數幅。停筆而化。靈骨舍利塔于本山。師法才富。贍道學淵。源履踐高妙。當時天下叢林推仰。以爲深得東山真機。大用三昧。初受太平日。卽具儀扣靈源之室。請曰。住院董衆。宜何所先。靈源曰。此無他。當以杖笠包具。置方丈壁間。去住如衲子之輕。則至矣。師終身奉行之。遂爲一代宗師。典刑云。

贊曰。常聞慈受禪師。初出世。眞州資福。嗣法淨照禪師。俄退席。寓蔣山。佛鑑會中。聆其夜參。所舉皆平昔未論心。因異之。忽一夕於佛鑑言下。大悟。卽欲炷香。改嗣佛鑑。佛鑑深却之。不許於戲。曷有末代欺世負。

官以院易。嗣奉金請拂者。曾佛鑑奴之。非若也。

僧寶正續傳卷第二

僧寶正續傳卷第三

隆興府沙門 祖琇 撰

龍門遠禪師

禪師諱清遠。生李氏。蜀之臨邛人。出家十四具戒。嘗依毗尼師。究其說。因讀法華經。至是法非思量分別之所能解。持以問講師。莫能對。乃曰。義學名相。非所以了生死大事。遂捐舊習。南游江淮。間遍歷叢席。聞舒州太平演道者。爲宗師第一流。往造其室。演一見深奇之語。可以弘持法忍。壁立不少假翼。其深造師。棲遲七年。未嘗妄發一語。一日因撥火。忽有省。卽說偈曰。深深撥有些子。平生事只如此。由是洞徹超詣。機辯峻捷。莫敢當鋒。衲子爭歸之。師益靜默自晦。不自爲得。隱居四面山大中庵。屬天下新崇寧寺。方擇人以處。舒守王渙之迎師住持。未幾引去。會龍門虛。

席遂補焉。示衆曰：學道之士有二種病。一騎驢覓驢，二騎却驢了不肯下。且如騎却驢了，更覓驢可殺，是大病。龍門向道不要覓靈利人，當下識得，除却覓底病，狂心遂息。既識得驢了，騎却不肯下，此一病最難。醫龍門向道不要騎，你便是驢。盡大地是箇驢，且作麼生騎？你若騎，管取病不去；若不騎，十方世界廓落地。此二病一時去，心下無事，名爲道人。所以趙州問南泉：「如何是道？」泉云：「平常心是道。」州從此頓息馳求，識得祖病。佛病無不透得，後來遍到諸方，莫有出其右者。蓋緣他識病，又曰：釋迦老子在什麼處？自云：作麼復云：達磨大師在什麼處？自云：只在且作麼生說。箇只在底道理，也不妨難明。若於斯明得，始知正法常住。禪僧家多分只道那舉處便是你，若身壞命終時，若病說不得時，又作麼生？須是證入，始得不見僧問德山：「從上諸聖向甚麼處去？」山云：「作麼作麼？莫是作麼便是諸聖麼？」你諸人若不將言語會，便落他聲響流布，縱饒不落聲響，言句便落他無言，無說處。此事實無你意解卜度，若存一絲毫，便成趣向。於已疎

也。直饒你將玄機妙義去合他，決定合不著。若總不思量，亦不可須是親證始得。明見無疑，又曰：有般宗師向人道，莫作計較道理。開口便沒交涉，與他不相應也。去空劫已前，認取都無言說。又有一般宗師向人道，癡漢你這一段因何不？先將自心做箇窠臼，然後將心去取證，喚作釘樁了，繞樁走便。怎麼流傳將去，便怎麼承當去。敲床豎拂，用將去，喚作將心用心。一似坐箇氣毬相，似有甚安樂處，又似蝦蟇努氣相似。你怎麼見解面前一似黑霧罩定了也。師居龍門十有二年，道風大振。四方學者皆曰：吾必師龍門。由是雲集座下，居無所容。師應機酬酢，未嘗有勑色。示曲折數篇，學者聚而編之，名曰：心要。其略曰：不應於無際中立分限，若立分限，是無際空，乃自隨。所以解空者，無空想。若人以言語名狀，心終不得心，不以言語名狀，心亦不得心。言語本是心，名狀之故，不得也。無言語本是心，不名狀之故，不得也。種種會當，皆不與自心契。上祖曰：默契而已。爲若此，又曰：道若爲達，但無妄念耳。若人知是妄念，作意止之者，見有妄

念故也。見有妄念作意觀照。令是正理。亦見有妄念也。知妄元是道。乃無妄焉。故達道乃無所得也。又曰。證者絕能所也。非別有玄理在尋常日用處。如見色時是證。時聞聲時是證。時飲水食粥時是證。時一一絕能所。此非久習不假薰煉。蓋見成之事。世人不識。名曰流浪。故云唯證乃知難。可測。又曰。學道者明知有是事。何故不得旨。而長疑。蓋信未極。疑未深也。唯深與極。若信與疑。真是事也。不解如此。返照遂迷。亂不知由緒。困躓中途。能自返省。更無第二人也。既曰此事。又豈更知耶。知是妄慮。此事則不失也。又曰。道不止說與示。而後顯。蓋體自常露。說示者方便道用耳。省悟者亦暫時岐路也。或因說而證。或因示而入。或自覺觸以知歸。終無異事。別得至心源而止也。又曰。人言悟了方修。此屬對治門。雖禪門亦許以正知見治之。若論當人。即不須若是也。又曰。人不識問。遂依來問而答。不知乃自問耳。欲答誰邪。人不識答。遂依言起見。不知乃自答耳。何有旨趣邪。故曰。總是你好看好看。又曰。從上來有二種方便。有真實方便。所謂

◆求離水

說無有間。有善巧方便。所謂妙應群機。若從真實方便。得入不假思量。性自神解。求無有退。妙用河沙也。若從善巧方便。得入得坐披衣。向後自看。始得未可將為究竟。此二種方便。皆一法也。不可須臾有失。學者思之。又曰。悟心見性。當如雪峰。玄沙。履實。踐真。當如南泉。趙州。今時學者。但以古人方便為禪道。不知與古人同參也。十二時中學道。無頃刻棄捨此人。縱未得入。念念已是修行也。尋常說修行。不過三業六根。清淨禪門。更不必如是。何故。禪定之門。念念與智波羅蜜平等。一切處自無過患也。久久心地通明之日。從前並得滿足。名一行三昧。今時人全無定力。復不開智眼。所以機緣語句。只成諍論。生滅心行。夫禪學不是小小。未用超佛越祖。得了要超。亦不難也。政和末道行。聞于朝。有旨移和州褒禪山。歲餘以疾辭。時園悟禪師住蔣山。與師友愛素善。因往依之。嘗著三自省察叢林共高仰之。復以近世問話者。不知伸問致疑。咨請之意。後生相承。多用祝贊語。或奉在座官員。或莊嚴修設。檀信俱無。衲子氣味。師深惡之。誠

曰夫閑話者激揚玄極不在多進語三兩轉足矣貴得生人信不致流蕩取笑俗子又曰諸方老宿臨終必留偈辭世世可辭耶且將安之宣和二年冬至前一日飯食訖整衣跌坐合掌怡然而逝春秋五十四坐四十夏門人奉靈骨舍利葬龍門之靈光塔師風儀秀異操守嚴正性淡泊寡言笑動有規則學者瞻形儀而服膺其爲教疎通廣大剴切禪病中禪子之心至入室提綱則絕蹊徑離文字亦不滯乎空荒漫誕之說其徒非大有契證不妄許可平居以道自任不從事於務嘗曰長老端居丈室傳道而已與士大夫游不爲利屈道合則忻然造之不爾雖過門或不得見君子以是高之樞密鄧公洵武奏錫命服佛眼之號左司陳公瓘見師法語歎曰諸佛心宗衆生性海遠公涵泳深矣與靈源禪師少友善其趣尙施設略相似焉有三會廣語偈頌數萬言行于世贊曰圓悟佛眼同出東山之門爲臨濟十世孫圓悟固已名蓋天下佛眼則精深醇粹克荷正傳殆與圓悟連衡而並驅學者疑其旋設異乎圓悟或謂龍門

妙語

嘗與靈源處而漸習使然嗚呼是何言之陋哉蓋嘗三復龍門之錄觀其指示心法辯如百丈黃蘗作爲偈句詞如汾陽雪竇悟門超極不愧雪峰玄妙履踐明驗端如南泉趙州真一代之大宗師也彼以頰舌爲禪而欺世每生者烏足與識龍門靈源相契者哉要其所以不爲圓悟者譬如韓柳文章世之悅韓者固多然子厚非深識博雅之士則不能窺其繆奧此所以萬世之下不擬並驅而爲韓柳也由是而觀二公之後抑可見矣

禾山方禪師

待賢

禪師名惠方道號超宗臨江贛氏子出家禪居寺年十九試經得度具戒遍參知識晚入黃龍見死心禪師機緣有契遂留執侍閱十有四年于時死心高視諸方以壁立險絕爲方便學者莫可近傍鮮有投其機者獨於廣衆中稱師堪任正續以最後大事畀託之師膺記剏隱迹叢林而聲價益高宣和中出世螺川之隆慶遷禾山宗風大震僧問如何是一印印空答曰想你摸索不著問如何是一印印水師曰湛湛

地問如何是一印。印泥師云：前後相應。問如何是死。中活答曰：照中有用。問如何是活。中死答曰：用中有照。問如何是死。中恒死。答曰：照用臨時。問如何是活。中恒活。師曰：平出死心。和尚忌曰：僧問：死心每舉隻履西歸。意旨如何。師云：還見麼。進曰：即此見聞。非見聞未審。作麼生見。師曰：若非見聞。猶滯迹在。問報德慇懃未審。死心還赴也無。師云：言中有響。僧云：若然者。頂門拶出金剛眼。照破凌霄千萬峰。師云：你且道隻履西歸。作麼生進。云：葉落歸根。來時無口。師云：只得一愛。乃曰：死心先師。每好舉隻履西歸。話問。諸子且巴陵和尚。於得法師忌日。以三轉話為報。禾山今日因行不妨掉臂。只以明隻履西歸。話用報先師之德。況此話古今難明。諸方或謂之隱顯。或謂不可兩箇。或謂唯此一事。實若也。如是殊未識祖師意旨。諸人要見麼。濁中清。清中濁。勿謂麒麟生隻角。西行東向。路不差。大用頭頭如啐。啄莫莫玄要靈機。休卜度。樞密徐公。師川管致三問。師各以偈答之。問曰：洞山云：擬將心意學玄宗。大似西行却向東。十二時中動

轉施為莫非擬底心。到此作麼生別辨。答曰：擬將心意學玄宗。妙用縱橫觸處。師撰轉箇中關。板子休論南北。與西東。問維摩經云：佛以一音演說法。或有怖畏。或斷疑者。答曰：或有怖畏。或斷疑。雙明一句。絕針錐於斯切。莫生忻厭。觀面還須眼。似眉間維摩經云：衆生病故我病。即今他人病時。為什麼自己却不病。答曰：衆生病故。維摩病妙見全提。越我人既了病源。無箇事何如。出現宰官身。龍圖蔣公宣卿亦從之。問道師居禾山十年。遷豫章雲巖。建炎三年三月己酉。示寂。壽五十有七。臘三十八。火餘齒舌不燼。舍利五色。塔于寺之南天臺。師兒清悴而悟。門超徹踐履高妙。圓悟禪師稱其縱談雷震波駭。辨才出沒電閃星飛。而性理淵源。極為奧妙。真全才也。世以為確論云。

文殊道禪師

禪師諱心道。眉州丹稜徐氏子。出家三十得度。游成都。從師受唯識論。研覃者十年。自以為至一日。同門者詰之曰：三界唯心。萬法唯識。今日前森然心識安

布師茫然不知所對。盡弃所學去。而之襄陽。依谷隱顯禪師。參扣者又十年。亦自以爲至。周流江淮間。抵舒州太平。夜聽佛鑒勲禪師小參。舉趙州庭栢話。至覺鐵臂云。先師無此語。莫謗先師好。大疑之又盡弃其所學。專以禪寂爲事。一夕料理前語。豁如夢覺。亟趨丈室。勲望而可之。卽分半座。命以法施來者。政和二年。襄陽守游定夫以禮致師。開法天寧。萬壽遷大別山。宣和初。徙鼎州文殊。會有詔。更釋氏名。上堂曰。祖意西來事。今朝特地新。昔時比丘相。今作老君形。鶴擎披銀褐。頭包蕉葉巾。林泉無事客。兩度受君恩。所以欲識佛性義。當觀時節因緣。且道卽今是什麼時節。毗盧遮那頂戴花冠爲顯真。中有俗文殊老叟。身披鶴氅。且要俯循時儀。一人旣爾。衆人亦然。大家成立。叢林喜得群仙聚會。共酌迷仙。耐同唱步虛詞。或看靈寶度人經。或說長生不死樂。琴彈月下。指端發太古之音。碁布軒前。妙著出神機之外。進一步便到大羅天上。退一步却入九幽城中。且道不進不退。又作麼生。直饒羽化三清路。終是輪迴一幻身。越明

◆樂疑案

年有旨復僧上堂曰。不掛田衣。著羽衣。老君形相。頗相宜。一年半內。閑思想。大抵興衰各有時。我佛預識法。當有難較量。年代適在此時。僧改俗形。佛更名字。妄生邪解。刪削教乘。鐫鉞停音。鉢盂添足。賴我皇帝。陛下聖德欽明。不忘佛囑。邇乃特頒明詔。賜僧尼重新創髮。實謂寒灰再焰。枯木重榮。不離俗形。而作僧形。不出魔界。而入佛界。重鳴法鼓。再整頹綱。迷仙酌化。爲甘露瓊漿。步虛詞。翻作還鄉曲子。放下銀木簡。拈起尼師壇。昨朝稽首擎拳。今日和南問訊。只改舊時相。不改舊時人。且道舊時人與今時人。是一是二。良久云。春風也解嫌狼籍。吹盡當年道教灰。師於偈頌尤爲精粹。裊子雅傳之。其趙州勘婆因緣頌曰。三月春光上國游。祥雲瑞氣瑣龍樓。親從宣德門前過。更問行人覓汴州。疎山咸通已前法。身因緣頌曰。咸通已後咸通前。法身上法身邊。一對枯椿門外立。千古萬古摩青。天法身該一切。莫向淨瓶邊。若不同牀睡。焉知被底穿。建炎三年春。頌臨濟入滅。燭三聖正法眼。因緣示其徒曰。正法眼。藏睹臘滅。臨濟何曾

有是說。今古時人皆忘傳不信。但看後三月時。逆賊鍾相作難。其徒欲奉師南奔者。師曰。學道所以了生死也。何死之避。以是春三月三日。遇害。壽七十有二。鵬四十二塔于文殊之五髻峰。師之接物。機用得大自在。雖老且病。退處東堂。有問道者。臥而與之言。曾無勦色。三坐道場。皆小刹老屋。數楹。僅庇風雨。土爐紙帳。四壁蕭然。處之裕如也。其徒不過數十輩。然皆一時祖室棟幹者。以故師之名稱焯焯爲佛鑑克家子云。

法輪端禪師

禪師諱應端。南昌余氏子。依化度寺善月落髮爲大僧。初游廬山。圓通以般若夙熏。談禪衰老。衲多敬異之。頗自以爲至。及會宗叔僧智嶼者。折困之。俾令實參。緣是走歸宗。依眞淨禪師。未幾眞淨遷泐。潭而羅漢小南禪師道價鼎盛。往從之。俄而南公化去。師方銳意於道。遽失所從。聞老演大本靈源之道。欲見之。而未能。決卽炷臂香。禱于像前。誌三老之名。而探之。得靈源時。靈源首衆僧于雲居。於是造焉。傾心奉

衲疑在

事。雖咨參決擇無間。而義象纏心。未能脫洒。靈源嘗痛割之。師必引援馬祖百丈機緣。及華嚴宗旨爲表佐。靈源笑曰。馬祖百丈固錯矣。而華嚴宗旨與箇事喜沒交涉。師憤欲他往。因造室請辭。比至門方揭簾。忽大悟。遍體汗下。靈源見而喜曰。是子識好惡矣。馬祖百丈文殊普賢。幾被汝帶累也。自是投機契會。擊節賞音。若合符契。迨死心禪師出世。雲巖靈源遣二三子往佐之。死心迅機逸辯。雷轟電掃。學者莫敢嬰其鋒。師爲侍者。每當機不少讓。至差別因緣洞下語。句靡不迎刃而解。死心撫愛之。異乎等輩。及靈源出世。太平遷黃龍。師皆枉焉。去游京浙。歷講肆。學首楞嚴法界觀圓覺肇論。尤邃於金剛般若。崇寧中。省親南昌。厥父素誦此經。而未喻其旨。因以精義直注經文之下。俾讀之易曉。學者爭傳之。目爲金剛直解。死心知之。罵曰。我欲此子荷大法。今乃在三家村裏說義學邪。師聞而笑曰。以法報親。庸何傷乎。顯謨朱世英守臨川。剏昭默堂。將迎致靈源。靈源辭以疾。舉師代行。朱亦雅聞師名。虛明水以遲其來。師廉知謝曰。

若以道相期則可。今爾乃世諦求我矣。請從此辭。世英欽歎不已。大觀中。洪師范伯履請任雙嶺師。宵遁他境。久之歸雲巖。首衆分座。以法施學。者政和末。大師張司成請出世。百丈嗣法。靈源僧問如何。是賓中賓。師云。芒鞋竹杖。走紅塵。問如何。是賓中主。師云。十字街頭逢上祖。問如何。是主中賓。師云。御馬金鞭混。四民問如何。是主中主。師云。金門誰敢擡眸覷。問賓主。既蒙師指示。向上宗乘事。若何。師云。昨夜霜風刮地寒。老猿嶺上啼殘月。僧請益大。隨劫火。洞然因緣。師以頌答曰。六合傾翻劈面來。暫披麻縷混塵埃。因風吹火渾閑事。引得游人不肯回。壞不壞。隨不隨。徒將聞見強針錐。太湖三萬六千頃。月在波心說向誰。閱六年。退居西庵。宣和中。樞密郭公三益帥豫章。與徐公師川合謀。欲師促席論道。以觀音致請。師力辭。至三返不得已。赴之。州人以二公之意。盛飾香輿。鏡鼓汀津。候迎。師聞之。卽由間道入。據丈室。而人輿知者。衲子翔集。至數千。指二公每過。從必以微言相滯。彌日稍遷上藍。建炎初。郭鎮長沙。再遷南嶽之法輪。

三年六月十一日。檀越至。陞座。食罷。曾大衆茶客退。徐入。方丈令侍者徧告有衆。吾且遊矣。侍者承命。衆未及至。師聳身趺坐。湛然而化。幻住六十有一僧。膺四十二師性。和易以慈攝物。不事邊幅。得樂說無礙辯才。每患學者不善致問。必自激以啓疑。至會心處。疊疊多忘。寢食不畜餘貲。寺任一昇執事者。每得人則歲粗給。否則米鹽屢空。人或以是少之。師曰。我之所任佛祖任也。彼屑屑然錙銖是計。顧與流俗何異哉。後二年。門弟子奉靈骨舍利塔于百丈之大雄峰。贊曰。昔張司成師豫章。命秀峰出世。渤潭草堂開法。黃龍端公出世。百丈是三人。蓋一時衆中。嶮巖露頭角者也。及司成歸。見廟堂諸公。首言出補獲三大士出世。或問三大士謂誰。張以其名答之。厥後諸公求外補。必以南州爲請。蓋欲面見所謂三大士者。故徐郭二樞相於百丈也。睠睠如此。嗚呼。賢者不出世。抑可謂無賢哉。蓋知賢而後爲賢。吾道茲叔世。釋子不勵行外護。不卹賢世與道交相喪矣。悲夫。

黃龍逢禪師

禪師名德逢豫章靖安胡氏子生而庵眉穎異不爲童戲不肯混俗去依上藍晉禪師十七得度受滿分戒晉名重當世學兼內外師奉巾匳頗領其要辭之勑潭見乾禪師參扣久之游吳中歷講肆博貫諸部宿師爭下之嘗竊歎曰出家當究竟死生大事奚空言之滯哉時靈源禪師出世龍舒名壓叢林趨往依之師特慧辯與之爭鋒不少下靈源曰禪止於口吻邪師默而負墮痛自輟晦久之發明已見於是不動神色而鯁化鵬博蓋天匝地靈源深可之英聲藉藉著叢林間及靈源遷席黃龍師侍行因與死心禪師激昂游戲死心稱之以爲類已其後楷禪師弘法東都天寧適師至命居第一座分席接納未幾楷得罪投臨淄臨淄守虐天寧以致師楷亦以偈招之略曰勿謂皇都留便住也應飛錫向東來將命者至師宵遁南歸庵新吳山中政和初出世雲巖唱靈源之道宗風盛行六年有旨移餘杭中天竺以疾固辭宣和初江西帥徐任遣請居天寧閱三年尙書胡少汲遷任黃龍時黃龍自老南海堂靈源死心三世授道天

下目爲法窟師以曾孫繼席叢林至今稱之以爲能世其家者僧問人天普集龍象交參學人上來請師說法師曰枯木無橫枝鳥來難措足進云一音纔剖人皆委五湖衲子盡沾恩師云一句截流萬機寢削進云錦上添花卽不問毛吞巨海事如何師云閣黎在裏許進云信手拈來總是禪鐵牛路破趙州關師云且緩緩進云古德道二破不成一一法鎮長存如何二破不成一師云逢上座到這裏却不知進云如何一法鎮長存師云三世諸佛舌上生草進云承聞和尚親見靈源是否師云誰向你道進云且道靈源鼻孔重多少師云也知你摸索不着進云六六三十六碧眼胡僧數不足便禮拜師云何不早恁麼法輪實禪師圓寂師上堂曰緬想當年皖水濱師門同叩幾經春分燈各副全提令荷衆俱爲第一人寶月俄驚收慧焰曇花何處現迷津遙知白塔藏雲際千古遺蹤孰與隣大衆起滅全身去來何有切忌情中作解須知淨地無塵諸人還識法輪禪師麼堅起拂子云八字眉分新月樣霜髯白髮健精神實蓋南昌人

於靈源之道最先悟入生平苦節力道叢林以頭陀名之六年有詔移東都報恩皇叔祖仲榮奏賜命服通照師名時康建元乞身南歸樞密郭公三益帥長沙請居開福久之得風痺病益狀紛華遷小廬山時兵戈擾攘師瑟縮以病臥建炎四年十月己卯力疾說偈辭衆囑以火餘藏本山之海會塔言訖而逝春秋五十有八。鴈四十有一師嚴重有威以弘法爲已任所至叢林勃興臨事剛決不少假雖常所疑密者亦敬憚之深達教乘而提綱訓徒未嘗及經論一字特以孤峻門庭期學者悟徹而後已初在黃龍入死心室靈源以諸子優秀爲問死心曰前逢後才才卽佛心曉乃震耀師則早負英望靈源實倚之興黃龍宗旨不幸疾病而早世云

僧寶正續傳卷三

僧寶正續傳卷第四

隆興府沙門 祖琇 撰

圓悟勤禪師

禪師諱克勤字無著彭州崇寧駱氏子依妙寂院自省落髮受滿分戒游成都從圓明敏行大師學經論窺其奧以爲不足特謁昭覺勝禪師問心法久之法關見真如詰公頗有省時慶藏主衆推飽參尤善洞下宗旨師從之游往往盡其要嘗謁東林照覺頃之謂慶曰東林平實而已往見太平演道者師恃豪辯與之爭鋒演不懌曰是可以敵生死乎他日涅槃堂孤燈獨照時自驗看以不合辭去抵蘇州定慧疾病幾死因念曠昔所參俱無驗獨老演不吾欺會病間卽日束包而返演喜其再來容爲侍者值漕使陳君入山問法演誦小艷詩云頻呼小玉元無事只要檀郎認得聲師侍側忽大悟卽以告演演語之師曰今日眞喪目前機也演喜曰吾宗有汝自茲高枕矣師因以是事語佛鑑懃懃未之信師曰昔云高麗打鐵火星爆吾指頭初謂建立語今乃果然懃愕然無以

對時佛眼禪師尙少師每事必旁發之二公後皆大徹由是演門二勤一遠聲價藉甚叢林之謂三傑演遷五祖師執寺務方建東廚當庭有嘉樹演曰樹子縱礙不可伐師伐之演震舉杖逐師師走避忽猛省曰此臨濟用處耳遂接其杖曰老賊我識得你也演大笑而去自爾命分座說法崇寧初以母老歸蜀出世昭覺久之謝去於荊州見丞相張無盡談華嚴要妙逞辭婉雅立旨通貫無盡不覺前席師曰此真境與宗門旨趣何如無盡曰當不別師曰有甚交涉無盡意不平師徐曰古云不見色始是半提更須知有全提時節若透徹方見德山臨濟用處無盡豁然悟曰固嘗疑雪竇大泐精金之語今方知渠無摸索處師曰頃有頌云頂門直下轟霹靂針出膏盲必死疾偶與丞相意會無盡喜曰每懼祖道寢微今所謂見方袍管夷吾也澧州刺史請住夾山未幾遷湘西道林初潭師周公因提舉劉直孺願見師至是皮相之不甚爲禮及見開堂提唱妙絕意表始增敬焉政和末有旨移金陵蔣山法道大振僧問如何是實際理

地曰何不向未問已前薦取僧曰未問已前如何薦師曰相隨來也進云快便難逢更借一問曰忘前失後進云若論此事如擊石火只如未相見時如何師曰三千里外亦逢渠曰恁麼則聲色外與師相見答曰穿却鼻孔問忠臣不畏死故能立天下之大名勇士不顧生故能立天下之大事未審衲僧家又作麼生師曰威震寰區未爲分外曰恁麼則坐斷十方壁立千仞師曰看箭問不落因果不昧因果是同是別師曰兩箇金剛圈曰瀉山撼門扇三下又作麼生師云不是同途者智音不舉來曰恁麼則打鼓弄琵琶相逢兩會家師曰名邈得不□多曰不得壓良爲賤師曰實處道將一句來曰自從事得潘郎後也解人前不識羞師曰速禮三拜僧曰昔人問投子如何是十身調御投子下禪牀立意旨如何師云生鐵鑄就曰爲什麼貪觀白浪失却手撓師云自領出去問只如道明頭合暗頭合古德便歸方丈作麼生師拈起拄杖子進云學人擬欲放出和尚如何抵礙師曰這野狐精問選佛場開上根圓證不昧當機如何指示

◆無字圖刺

◆麼字疑刺

◆麼下疑脫
變字

◆麼字更動

師云。一超直入如來地。曰。不昧本來人。請師高着眼。馬大師爲什麼直下覲師。云。頂門上有眼。問。一種無絃琴。唯師彈得妙。馬大師爲什麼直上覲師。云。暗裏能抽骨。曰。未審直上覲得。是直下覲。底是師。云。莫謗馬大師。好。曰。爭奈龍袖拂開全體現象。王行處絕狐蹤。師云。賴有龐居士證明。問。句中有眼。作家知。向上人來。向上提。直下全行。麼。竭令願垂方便。接群機。師云。不如一箇百不知。曰。無無孔鐵鎚。有甚用處。師曰。果然。怎麼去。曰。雖是本分事。未是向上機。師曰。撒星火。迸獨光輝。曰。爭奈腦後一箭。師救不着。師云。又是拖泥帶水。嘗示衆曰。怎麼。怎麼。變明不。怎麼。麼。不。怎麼。暗不。怎麼。中。却。怎麼。暗裏隱明。怎麼。中。却不。怎麼。明中隱暗。只如和座子。撥却許多。建立總麼。犯手傷鋒。且道。喚作什麼。到遮裏高。而無上深。而無底。旁盡虛空際中。極隣虛塵。淨裸裸。赤洒洒。是箇無底鉢。孟無影杖子。熊耳山前。少林峰下。老胡九年。冷湫湫地。守這閑家具。深雪之中。直得情忘意遣。理盡見徐。方有一箇承當。且道。雙明。雙暗。雙放。雙收。是建立。是平

常總不與麼也。未是極則處。且作麼生。是極則處。譬開華嶽連天。透放出黃河。觀底流宣和中。遊近東都。天寧太上在康邸。屢請宣揚。有偈云。至簡至易至尊。至貴往來千聖頂。賴頭世出世間不思議。然是時欽宗在東宮。師對太上預有至尊之議。建炎改元。寧相李伯紀表住金山。駕幸維揚。有詔徵見。顧問西竺道要。對曰。陛下以孝心理天下。西竺法以一心統萬殊。眞俗雖異。一心初無間然。太上大悅。賜號圓悟禪師。乞雲居山。歸老朝廷。厚驢其行。至雲居之明年。復歸于蜀。大師王伯紹迎居昭覺。紹興五年八月五日。示疾。將終。侍者持筆求頌書。曰。已徹無功。不必留頌。聊爾應緣。珍重珍重。擲筆而化。春秋七十有三。坐五十五夏。謚眞覺禪師。塔曰寂照初庵密鄧子常奏賜命服。佛果師號所至。士夫過從。問道無虛日。師悟門廣大。說法辯博。縱橫無礙。莫不人人畏服。以爲未嘗有也。凡應接。雖至深夜。客退必秉炬開卷於宗教之書。無所不讀。初在金陵。大師王彥昭嘗請益雪竇所謂三員無事道人。執勝師曰。正爾皆須喫棒始得。師

意未喻。師詰之。師以手拍膝。時衲子環擁。師就指曰。此輩倒作此見解。焉能透徹。古人知見。師不憚而去。尋遣之。詩令刻石。師置之。他日彥昭入山問詩所在。師曰。昔人贈遺。所以昭德也。今大師特譏刺而已。某敢以非所宜而宜之哉。師翻照霽威而去。既而給事廬賢元代府事入山題詩。有菖蒲海之句。然東漢志有蒲菖海。師就質之。廬頗知悞。或勸不應。與師臣爭詩。恐致禍。師笑曰。吾豈得已哉。前既却王公詩。今新帥雖美句。亦莫敢刻之。故發其悞。貴不主意上石耳。其臨機有斷如此。性和易。不事事。晚節道愈尊。而風度無改。或謂當加威重者。師曰。吾佛以慈攝物。等觀一切。每任真若此。猶恐失之。況以顯晦易其心。而刻薄荏衆。豈沙門所爲邪。其雅量廓廓常退。已以讓人。故出世主法垂四十年。未始有一犯其規繩者云。贊曰。吾祖從上來。事以妙悟通宗。然世迫遲暮。邪徑日滋。自非龍蟠鳳逸之士。極深而研幾。則頓轡化城者。皆是也。闡悟其至矣乎。道德備而學不厭。名位崇而志益謙。真一代之典刑也。初黃龍楊岐兩宗學者。

曠有各私其勝而不相厭。於是靈源大士作五祖演公正續碑。所以推之爲正續也。至闡悟復能峻其門庭。觀其對御。則混真俗於一心。接士大夫游。則罄竭款誠。俾於祖道染指涉流。而人人得其懷心焉。此所以致盛名于天下也。美哉。

寶峰祥禪師

禪師名景祥。建昌南豐傅氏子。父翼終信州永豐令。母上官夢入王室。方暑得壺漿飲之。如甘露。已而孕。又諸父夢絳幡皂纛。擁一偉丈夫至其家。稱塞上將軍。翌日而育。師因以塞上翁名之。少警敏。嗜學。務記覽。於書無所不窺。永豐公亡。追悼罔極。非出世間法。無以報。卽志捨家。會沙門有琦。說法于靈鷲。往聽之。豁有省。遂依之。落髮具受。遍參知識。最後見大潯。詰禪師資緣契會。遂執侍焉。隨入京師。詰公去世。負其骨歸葬。潯山夜夢梵僧丈餘。授以法句義甚微妙。師得之。研味心法。益明。歸臨川。得古屋數楹。於人境之外。閉影不交人事者十年。大觀中。同參自遵住東林。厚禮致之。命居第一座。分席接衲。未幾。泐潭虎席南。

昌守張司成雅聞師高道。懇請至。使者四往返。師堅臥不答。因屬九江守津遣乃始赴。命初大瀉囑。師年五十乃可。師人至是五十有四矣。及居潞潭。宗風大振。弟子常五千。指規度嚴。明禮數。雍穆四方。翕然推重。至稟承之以爲叢林華彩焉。示衆曰。凡爲善知識。應機利物。須具十智。同真若不具十智。同真則縹素不分。邪正不辨。不堪與人天爲眼目。不能決斷是非。如車單輪。如鳥隻翼。不能高飛致遠。何謂十智。同真。一同一質。二同大事。三總同參。四同眞智。五同遍普。六同是非。七同得失。八同生殺。九同音吼。十同得入。諸禪老祖師言句。橫且十方。天下老僧。機緣不少。那一句語。是同一質。同大事。什麼處是同生殺。乃至同得入。於此揀辨得出。方有衲子本色。公驗不爲流俗。阿師於此未明。無辨驗諸方眼目。不識學者病源。病源不識。則不斷疑根。疑根不斷。是謂生死根本。放曠不著處。不遇咬猪狗手脚。便將尋常知解。劈頭單却劈脚擊住。謂祖佛出來。無過於此。久參高士。相共證明。晚學初機。無待臈歲窮年。却顧已躬。一無所是。則

追悔不及也。師居潞潭垂十年。道望聞于京師。宣和中有旨。移金陵之蔣山。未幾遷九江。圓通歲餘。江西帥將奪之。主黃蘗。師知之。遁入同安山中。二利迹至其所。爭迎致。竟爲黃蘗得之。建炎末。退歸潞潭。庵于秀峰。因以爲號。卜終焉。計會期馬南渡。避地天台。紹興二年。從闔帥大吉山之請。行未越境。爲范丞相挽留。奏居鴻福。先是高庵禪師受鴻福命。未及入寺。而化。師與高庵素厚。善追繼其後。居浮山。相距未閱月。卽示疾。出古衲并書付其嗣法德昇。十月七日。跌坐告衆而逝。壽七十一。臘五十二。閏維日。晴及數珠不盡。舍利葬本山。分其半塔于秀峰。初眞點臂以邁往不羈之度。超放自如。及其嗣法眞如。則玉立峭峙。行深履高。生未嘗以帛爲衣。脇不至席者逾四十年。師繼其道。律已尤嚴。凡叢林規範。諸方所不能行者。師優爲之。生不積餘長。歿無完衣。或欲爲求章服名號者。則謝絕之曰。借使持來。政堪天明作枕耳。其法語偈句。辭致渾厚。奄有作者之風焉。贊曰。初秀峰在靈鷲爲童子時。聞二老宿夜語。舉古

德偈云。征輪輒輒過江南。暫把微軀寄勸潭。秦嶺煙沙猶未息。月明空鎖定僧庵。卽感悟泣下。老宿問故。答曰。比夢中得此偈。當是前身所爲者。老宿曰。審爾他日。必爲勸潭主人。其後秀峰由勸潭避地天台。終于韶國師庵。果如其言。教稱凡報土皆宿習。願力所現。舉有定分。豈不然哉。世以庸妄相乘。區區苟合於聲利之末。雖者且死而莫之安分者。其聞秀峰之風。益可愧矣。

雲居悟禪師

禪師名善悟。生李氏。洋州興道人。也。捨家誦經得度。具戒夙慧。警敏初聞。冲禪師舉達磨廓然無聖之語。卽曰。我既廓然。何聖之有。冲奇其語。發之南詢。周流舒暢。間參叩宗匠。抵龍門。見佛眼禪師。聞舉雲門語。云。直得山河大地。無纖毫過患。猶是轉句。不見一色。始是半提。更知有全提。始得師心。有契。遂依止焉。一夕。佛眼謂曰。汝聞孤鸞對舞乎。昔有二鸞。每對舞。嘗喪其一。止不復舞。智者以鑑向之。孤鸞顧見自影。輒舞。師豁然悟。一日。貓執鼠過前。佛眼指以示師。師曰。

皖公山倒佛眼喜之。因命分座說法。嘗舉德山夜參因緣。曰。悟上座。今夜亦不答話。或有僧出。只問道你許多時。向甚處去。來。佛眼動容曰。吾高枕矣。自是道聲四馳。宣和初。出世吉州天寧。明年徙南康之雲居。宗風大振。師性方嚴。語不妄發。以身循衆。雖祁寒酷暑。必伴衆夜臥。三椽下有怠墮。起不時者。必扣枕以警之。凡方丈服用之具。皆虛設而未嘗御也。自號高庵。時勸潭祥禪師。雅自標置。大抵與師德望相埒。而苦節堪忍。得衆則師過之。閱七年。圓悟禪師得旨住雲居。有勅移師金山。以疾固辭。明年。圓悟歸蜀。南康守復師雲居。尋以兵亂。謝去。避地天台。寓居韶國師庵。紹興二年。台州得旨。革浮山鴻福寺爲禪居。遴選大有道者。畀之郡守。以屈師。師固辭。卽請于朝。六月。命下。師不獲已。諾之。時參徒裹糧而從者。尙以百數。一日。舉世尊垂入滅示智前卮字因緣。乃披襟謂衆。瞻仰取足。無令後悔。旣而曰。吾衰矣。蓋歸故山之三塔手。僧曰。方願浮山。奈何。師曰。死可以住持。而留邪。僧曰。幾時可去。師曰。俟有人提草鞋卽去。曰。某甲去。

得否。師曰：解插臂，卽得。僧曰：諾。諸師笑而止。七月一日，侍者趣辦行。師不堪，明日晝寢，起語如平時。遽揮侍僧曰：去。僧退少選，候之，則已跌坐而逝。住世五十有九。安居四十一夏。靈骨舍利一歸雲居之三塔。一葬浮山，祀爲始祖焉。

白楊順禪師

禪師諱法順，綿州魏城文氏子。七八歲時，於夜暗中視物如晝。父母知其異，因令出家，依香林院奉和。得度，游成都，從大慈寺冲悟法師受圓覺起信。至若離於念，名爲得入。研覃久之，持以問悟。悟慮胡不能決，卽勉之游方。參谷隱靜覺禪師，大觀中，佛眼居龍門道風簷，甚往依之。謁誠累年，備歷遮務，未嘗有怠色。一夕聞舉水中鹽味，色裏膠青，決定是有不見其形。忽有省，於是離念得入之旨，豁然立契。明日入室，龍門問真佛在什麼處。師曰：在什麼處？曰：既是眞佛，爲甚不定？師云：若定，卽非眞佛。龍門異之，因問何以及。此師告以實，門詰之曰：水中鹽味，色裏膠青，直下作麼會？師曰：不用更會。龍門可之，自是酬酢雷動，雨泣。

衆目駭觀龍門去世，奉舍利入塔，卽首衆僧于雲居分座接，袈拂未授手，而戶外之屢滿矣。建炎初，有旨應寺院之爲神霄者，悉還舊貫。於是漕使張公琮首闢臨川之廣壽，迎師開法，紹興改元，太守蔣公宣卿徙住白楊，唯老屋數楹，不庇風雨。前此住僧侈廬祠，以仰給師，至首擊去之，乃大自激，昂多所樹立，未基年而四方浩然歸重。禪子竭蹶而趨之，來者雲湧，師不起于座，化卑陋而爲寶坊，平居汲汲於接人，垂示勘辨，雖造次不間也。性鯁介，不苟循時俗，談道之際，譏訶無所避。或問東山門下佛果孤峭，佛眼慈軟，二人所得麤細何如？師正色曰：法順於關市中親見爺來汝，以軟峭麤細爲問，無乃謬乎？其析疑破妄，類如此。嘗示衆曰：山僧從旦至暮，手脚不曾停住，東廊走過西廊，佛殿又穿廚庫三箇和尚，般柴兩個匠人牽鋸佛也，理會不得，教我如何來？注露出達磨眼睛，打開白楊門戶，大衆不須更著趙州衫，其下脫却娘生袴。江西帥李伯紀慕其道，欲一奉見，以黃龍致請，將命者再至，師堅臥不起。九年五月一日，集衆告別。

侍者持紙求頌師曰吾平日語固多矣茲尙何言因誠左右今夕鷄鳴卽報我已而忽自聞靜鐘遂大喝一聲左右驚視之則已踣跌而逝閱世六十四坐四十六夏火餘目睛齒舌頂骨及所持數珠不燼舍利五色塔于寺之西隅師退然才中人而神觀爽邁操守堅正善爲偈句肆筆立成旣卓有聲譽道方盛行而未艾遽爾去世四方衲子識與不識靡不傷感至泣下其得人心如此

贊曰樞密徐公師川曰善哉道師明眼而安步方號足目俱到則高庵之所以爲兄白楊之所以爲弟也誠哉斯言詳觀高庵儼臨巨刹率躬力道唯衆是親白楊荒村廢寺激昂崛起而名跨一時然二公弘法俱不滿十載而風教言言雖百世尙可想見其眉宇嗚呼蓋循道而亡私之効也此夫異時怙勢肆姦刻衆奉已者何殊糞壤哉

僧寶正續傳卷第四

僧寶正續傳卷第五

隆興府沙門 祖琇 撰

寶峰清禪師

禪師諱善清生何氏南雄保昌人也依香林寺法恩試所習得度具戒年三十始游方依黃龍晦堂禪師久之有悟獻頌晦堂曰得道易守道難守道猶在已說法爲人難吾宗一句中具三玄一玄中具三要有一玄有要向後自看師復立成一頌有利刹塵塵奉此身之句晦堂可之去游江浙遍叩宗匠退歸廬山見眞淨禪師問甚處來曰下江淨曰將得什麼來曰和尚要什麼淨曰一切要師提起坐具淨曰閑家具曰莫要急切底麼淨曰試拈出看師撼一坐具淨駭異之會死心出世靈源走書招之俾輔佐死心師奇厯福艾剛嚴有識度凡死心由翠巖再住雲巖遷黃龍師皆在焉率居第一座分席接衲與死心周旋垂二十年間見淹博機辯絕倫政和五年死心去世大師張司成請師繼席開法唱晦堂之道時黃龍號稱法窟多奇傑之士師上堂曰昨日林間爲野客今朝堂

上住持人放開捏聚全由我萬像之中獨露身越明年謝院事結茅寺側自號草堂久之再住上堂曰掩息茅堂過六冬心忘境寂萬緣空不知幻業從何起依舊令教振祖風建炎末避地臨川太守蔣宣卿請居曹山遷疎山紹興五年以院事畀得法弟子了如禪師乃遂閑居然接物無勦學者奔趨之唯恐後道價遂爲天下第一南昌帥張參政聞風而悅思不能致會樞密徐山過洪相與虛渤潭以起師時年八十有三辭避甚力而敦請之禮有加不獲已而赴大師就請說法于州之東山傾城擁觀歎未曾有及居渤潭學者不約而自治不化而自行未朞年而雁鴻絕特之士至自遠方者五千指軍興之後叢林未有若此之盛十二年正月晦日出衣盂唱之付以後事明日端坐而化住世八十有六坐六十夏燼餘目睛不壞靈骨舍利塔于黃龍每對重客或語以世故則張目直視久乃厲聲曰老僧耳重及受參入室應機酬酢電擊星馳雖初機學者且莫咨扣未始有厭色猶日誦般若心經一藏其弘道力法老而益懃如此

大瀉果禪師

禪師諱善果信州鉛山余氏子依七寶院元浹得度具戒梵相奇古廣額隆準少慕祖道初至鵝湖宴坐禪堂聞二童子戲爭蒲團其一舉起云你道不見遮箇是什麼師恍然有省及游雲居偶禪者自黃龍來因問死心老每以何等語接人禪者曰常舉雲門問僧光明寂照遍河沙豈不是張拙秀才語僧云是門云話墮也何者是話墮處師聞之豁然大悟卽趨黃龍門可屬死心謝事指見開福寧道者師至開福師資契會寧深奇之延入藏于時開福禪子五千指寧垂入滅獨以塵尾授師語在寧傳師膺最後付託隱迹道林會園悟禪師來主席頗聞師名一夕分半座俾說法師舉乾峰法身話剖絕出意表園悟嗟賞久之自是道價益著宣和初潭師曾孝序命出世上封開寧公法雲時龍牙才禪師法席頗盛每答話多稱蘇嚕一日同諸老會于府帥曾公之席公曰龍牙答話每稱蘇嚕意旨如何諸老相視莫有對者師越席而前曰某適有語公叩之師曰龍牙答話只蘇嚕

爲問諸人會也。無昨夜虛空開口笑。祝融吞却洞庭湖。曾公大悅。一座盡傾。遷道林道吾。福嚴宗風鼎盛。法席常冠。諸方室中妙於接人。每舉雲門。張拙秀才。話勘驗學者。臨機與奪。莫測端倪。天下共高之。自號月庵。湘中士大夫多從之。問道紹興九年。樞密張公德遠撫七閩。請住鼓山。未至。改黃蘗。遷東西二禪。閱十年。頗厭閭俗雅意。江外多衲子。會台之。萬年婺之雙林。潭之大瀉。皆虛席。三郡爭致請。而長沙尤力。師曰。潭吾舊游也。吾樂之。遂赴命。太瀉二十二年正月十八日出衣。孟卓執事者製五百應真像。明日沐浴更衣。集衆告別。手書伽陀曰。要行便行。要去便去。撞破天關。掀翻地軸。停筆而化。閱世七十四。坐五十一夏。塔全身于瀉源之西峰。師性剛直。處已簡約。律衆嚴明。凡遷巨刹。皆當世賢公卿屈禮。致請叢林。服其得人之盛。

贊曰。草堂得死心作用。而不忘晦堂月庵。聞死心語發明。而造寧公之室。死心宗胤。遂不續惜哉。然草堂初出龍山。遷白雲。遭世多艱。未有成績。及晚居泐潭。

之錦羅結

道大盛而去世。遂振宗風於天下。則晦堂弘道之囑驗矣。月庵出世。逾三十年。入遷巨刹。未嘗一日退居。搥拂之下。圍遶常數千指。則開福麈尾之授。何其効歟。易曰。視履考祥。予於二老父子授受之際。得之矣。

護國元禪師

禪師名景元。永嘉楠溪張氏子。依靈山院希拱。年十八剃度。爲大僧。習天台教。通其說。弃之。游方參蔣山圓悟禪師。一日聞傍僧舉死心小參語云。既迷須得箇悟。既悟須識悟中。迷迷中悟。迷悟兩忘。却從無迷悟處。建立一切法。諦味久之。因起行次。豁然有悟。卽以告圓悟。圓悟喜之。繇是容爲侍者。閱十四年。咨參決擇洞然。無間而機鋒卓絕。衆以擎頭目之。圓悟將歸蜀。遽問曰。向後有人問你作麼生。道師撫傍僧背曰。和尚問你何不祇對圓悟大笑已。而袖木錦僧伽黎授之。而別紹興。初歸隱舊邦。括倉守龍學耿延禧命出世。仁壽遷連雲。晚住真如。徙護國。衲子擁隨。法席日盛。師說法超格。量絕蹊徑。問學人上來請師相見。師曰。割問如何。是相見底事。師曰。你眼在左邊。右

邊進曰。恁麼則萬機休罷。正眼頃開。師曰。杲日當天。盲人摸地。問相見與未相見時如何。師云。一時穿却。問忽遇上上人來。又作麼生。師云。列向三椽下。問還許學人承當也無。師云。兵隨印轉。問如何是臨濟宗。

師云。殺人活人不眨眼。曰。如何是雲門宗。師云。頂門三眼耀乾坤。曰。如何是潯仰宗。師云。推不向前。約不向後。曰。如何是法眼宗。師云。箭鋒相拄。不相饒。曰。如何是曹洞宗。師云。手執夜明符。幾箇知天曉。曰。向上還有路也無。師云。有。曰。如何是向上路。師云。黑漫漫地。問高揖釋迦不拜彌勒時如何。師云。三十棒且待別時。僧禮拜師。乃云。釋迦彌勒。尙是他奴。且道他是阿誰。是則是護國。則不然。坐立儼然。頂天履地。十二時中。壑著磕著。復是阿誰。還知麼。著力今生須了却。莫教累劫受沉淪。題如是軒。頌曰。拈却瞿曇閑露布。掀翻諸祖葛藤窠。只將如是當軒掛。鐵額銅頭不奈何。示禪者頌曰。棒頭取證。猶努力。喝下承當。未足奇。撥轉頂門宗。正眼須教佛祖淚。頭低十六年正月九日被微病而逝。塔于本山壽五十有三。臘三十有五。

師資度豐碩。如世所畫布袋和尚者。故人以之爲稱。深得圓悟機用。而力行之。天下方想聞其風彩。不幸早世。議者惜之。

雲居如禪師

禪師名法如。台州臨海胡氏子。依護國瑞禪師祝髮受具。遍參兩浙宗匠。聞佛眼禪師居龍門道場。甚重不遠千里造焉。以力參所得。質之佛眼曰。此皆學解。非究竟事。欲了生死。當求妙悟。師駭然諦信其語。居一日。命爲典座。師固辭。以道業未辦。佛眼勉之曰。姑就職。是中大人爲汝說法。未幾晨興。開厨門望見聖僧。豁然有省。入見佛眼曰。遮裏還見聖僧麼。師於其前問訊。叉手立。佛眼肯首曰。向汝道。大人爲汝說法。又嘗問曰。天台石橋夜來倒了也。師遽捉住佛眼。佛眼曰。作麼。師曰。又道石橋倒。佛眼深可之後。造圓悟禪師室。問汝只參佛眼爲復別見人來。師曰。亦曾見一人來。曰。是什麼人。師以手指臂曰。法如。圓悟曰。汝所見只一星許。師曰。已是多也。高庵悟禪師與圓悟相繼主雲居。皆推師爲第一座。分席接納學者。

親之建炎初上藍虎席洪帥胡直孺命出世唱佛眼之道未幾虜騎傳城隱于白水庵會雲居燼於劫火紹興初四易主者皆以艱難遁去漕使曾公紆乃以屬師繇是宗風大振師識量冲廓機變如神見者靡不聳伏至於說法在衆辭氣粹溫旌禮賢者奄有古尊宿之體閱十餘年幻出寶坊靖深壯麗冠絕江表師益謙損不自以爲功識者以此高之且以爲弘覺再來也十六年三月十五日示疾陞座別衆又十日沐浴更衣手寫法偈端坐而化世壽六十七僧臘四十二火滅得舍利合靈骨瘞于三塔

雲居真牧禪師

師諱正賢潼川郫縣陳氏子本朝三陳之後依三聖院海澄得度具戒游成都大慈寺從重透法師聽經論般若夙悟凡典籍無巨細過目成誦義亦頓曉每有詰難宿師高坐皆莫能答謁正覺顯禪師一見知爲衆稱經藏子者大喜之囑令負荷正法眼會園悟禪師出世昭覺造其室聞舉洞山麻三斤話言下有省園悟勉之南詢卽出關氏黃龍參死心時靈源居

昭默堂往來咨扣久之趨寶峰見湛堂深蒙肯可而疑未決遂造龍門佛眼一日室中舉殷勤抱得旃檀樹師豁然大悟佛眼可之曰經藏子漏逗了也自是間與師商略法藏淵奧至會心要處疊疊無盡佛眼必稱善手書真牧授以爲號其後再見園悟嘉其大成或曰拖犁拽把去師內負多聞外峻戒節洎發明大事愈益韜晦紹興初妙喜以所居雲門庵委師繼踵雲門迴絕人境之外衲子裹糧從之師每說法之暇躬自荷鋤播殖清規凜然紫微韓公駒欽重風道贈以詩略曰上人一口吞諸佛肯顧世上群兒愚又曰不須領衆強自苦一庵高臥眞良圖珪竹庵每稱必曰龍門一麟耳十九年南康歸宗虎席太守以禮致請師堅臥不應寶文李公公懋嘗問道於師因就見同邑官協誠敦勉不得已赴之嗣法佛眼僧問選佛場開願聞法要師云三通鼓罷一炷沉煙與麼口則皇恩佛恩一時普報師云脚跟下事作麼生云學人禮謝師云十萬八千未是遠問久默斯要已泄真機學人上來請師開示師云耳朵在什麼處曰一句

分明該萬像師云。分明底事作麼生。曰。台星臨照枯林。曰。春師云。換却你眼睛了也。曰。法燈和尚道。本欲深藏巖穴。隱遁過時。蓋爲清涼。有未了公案。出來爲他了。却此意如何。師云。鐵額銅頭。未透關。曰。果然作家師云。放你三十棒。曰。當時有僧出云。如何是清涼未了底公案。法燈云。祖禪不了殃及兒孫。諸訛在什麼處。師云。一言截斷千差路。曰。佛眼和尚道。本欲拋擲巖阿混。同沙磔。苦爲諸人敦逼。不免細說來。由且道與法燈是同是別。師云。你向什麼處見佛眼。曰。千聖同歸一路行。師云。退步翻身。子細看。曰。既到遮裏。如何是佛眼。未了底公案。師云。腦後看。取僧禮拜。師乃云。若向這裏承當得。徹有什麼事。看他玄沙不出巖竇。壽不渡河。得箇什麼。便千休萬歇。去雲巖在百丈二十年。長慶在雪峰二十年。失箇什麼。便爾千辛萬苦。難會去。須知得無所得。失無所失。釋迦老子也只道我於然燈佛所。實無一法可得。然燈佛即與我授記。遂舉拂子云。無量諸佛。盡在拂子頭上。爲大衆證明成佛了也。若喚作拂子。即被拂子礙。若不喚

作拂子。亦被拂子礙。還透得麼。如今有異方便。令大衆普皆成佛去。乃云。若喚作拂子。於法得自在。若不喚作拂子。亦於法得自在。還承當得麼。良久云。彈指圓成八萬門。一超直入如來地。又曰。第一句如何道。汝等諸人。若向世界未成時。父母未生時。佛未出世。祖師未來時。道得已是第二句。第一句如何道。直饒你十成道得。未免左之右之。所以萬法本閑。而人自鬧。文殊堂裏。萬菩薩。卽不問你。且道東海波斯鼻孔長多少。上堂橫拄杖云。拄杖子。橫也。橫亘十虛。包裹六趣。復豎拄杖子。豎也。上窮碧落下透風輪。良久云。不如休去。便休去。欲覓了時。無了時。擲拄杖下座。上堂良久云。大衆作麼生。若也擬議。賢上座。瞞諸人去也。打地和尙。瞋他秘魔巖主。擎箇叉兒。胡說亂說。遂將一捆成蘆粉。散在十方世界。還知麼。舉拂子云。而今却在拂子頭上。說一切智智。清淨無二。無二分。無別無斷。故還問麼。闍老子知得。遂云。賢上座。你若相當去。不妨奇特。或不相當。總在我手裏。只向他道。闍老子。你也退步。摸索鼻孔。看以拂子擊禪牀下座。

下堂。噓兩聲。却大笑。又噓一聲。乃云。笑復噓。復笑。清談。啞子高聲。叫噓。復笑笑。復虛。蠅螟眼裏馬拖車。拈拄杖云。只遮從來無影杖。不相於處也。相於大衆。如何良久云。直須師子吼。莫作野干鳴。閱五年。遷雲居法席之盛。卓冠諸方。衲子爭爲宣力。作新棟宇。一時賢士。夫質疑問道。而參政張公。壽法偈往還倡和。相得尤深。二十九年七月五日。陞座辭衆。明日唱衣。置供。又明日就浴更衣。遍訪諸徒。勉以道。九日齋畢。集主事垂誡。末後跏趺而寂。壽七十六。藕五十七。闍維舍利五色。合靈骨藏雲居之東塔雲門之湯源師。兒古而氣剛。志大而心慈。平居若不能言者。至排邪破妄。決擇宗乘。得樂說無礙辯才。浩然不見其涯涘。初居雲門峰頂。高寒草廬穿穴。雪霜滿牀。處之垂二十年。裕如也。晚移雲居法席。日盛。遮務繁劇。師提綱振領。應機酌酢。迎刃而解。至於常住之物。豪髮不用。雖自所得。利猶以三分之一歸之常住。以補陪涉之費。出則芒鞋竹杖。居則弊衣糲食。其孤節苦行。以身律衆。大抵與高庵相埒。而精嚴奉法。卑躬下人。

畢世不易其度。著華嚴指南寶藏論發隱補僧史八書筆論一編語錄偈頌一卷行于世。贊曰。愚初著佛運通鑑二書。成即以呈師。答曰。此覽佛運甚詳。通鑑亦有史牀承論。有勸吾兄將爲三教統紀。鄙意輒究之。雖及年代治亂遷革。以至儒宗道教賢哲出沒之迹。然非紀二教。但約其時。以明佛運耳。拙意欲吾兄去却圖字。標爲佛運統紀。以對釋氏通鑑。不亦宜乎。又曰。深喜吾兄此段有補于宗教。至矣。大率佛祖閑邪禦侮。不必與之竟。但伸自理。彼自破矣。昔鴈門法師超悟高忘。如此。及正續傳復以寄答曰。辱寄僧寶正續。卽勉病披味。足見吾兄孜孜于此道。前傳所遺。而能拾以補之。亦法門之大者。更俟參味其間妙處。當以爲師也。嗚呼。師之言論風旨。筆墨具在其宏範真風。昭融法通。雖片言隻字之間。而脉致如此。輒擊之于篇。遮幾具眼者。知所爲書。無欺於神明焉。噫。師之亡也。正法眼藏不在茲矣夫。

僧寶正續傳卷第六

隆興府沙門 祖琇 撰

鼓山珪禪師

師名士珪。成都史氏子。世業儒。師幼而明敏。年十三。依大慈寺宗雅首座落髮。具授大慈號。四川學海師。執經講筵。志在楞嚴。閱五祀。伯父持一居士勉之。南詢。卽出關。謁玉泉勤雲蓋智百丈。肅靈源清所至。參承皆蒙咨揖。晚依百丈。歸正首座。正博貫內外典籍。一日正語以龍門佛眼道德師聞而悅之。卽自百丈歷東吳。觀光保社。尋抵龍門。以咨參所得。扣之佛眼。曰。汝解心已極。只欠著力。開眼耳。令主堂司。一日問曰。絕對待時如何。佛眼曰。如汝僧堂中白槌相似。師罔措。至晚復舉前問。佛眼曰。閑言語。師於言下頓釋疑情。曰。東山鐵酸餡。今而後不復疑也。自是師資緣契決擇。日臻玄奧。政和末。佛眼被旨遷褒禪山。師佐其行。和守錢公請開法天寧。唱佛眼之道。佛眼謝褒禪。錢復請于朝。以師繼其席。閱七稔。九江守趙公移師東林。未幾。胡馬南渡。退居分寧之西峰。結茅于寺。

旁竹間號竹庵。有偈曰。種竹百餘箇。結茅三兩間。才通溪上路。不礙屋頭山。黃葉水去住。白雲風往還。平生只如此。道者少機關。及園悟禪師歸蜀。送別次園悟劇稱杲妙喜。師恨未之識。俄避地造仰山。適妙喜亦至。遂相與定臨濟宗旨。偕還南康之雲門庵。妙喜曰。昔白雲端師公謝事。開通約保寧。勇禪師夏居白蓮峰。作頌古一百一十篇。有提盡古人未到處。從頭一一加針錐之語。吾二人同夏于此。雖効顰無愧也。遂取古人公案一百一十則。各爲之頌。發明蘊奧。不開知見戶。不涉言語蹊徑。其頌女子出定話曰。不假文殊神通。不用罔明彈指。爾時靈山會中女子從定而起。臨濟見僧入門。便喝。頌曰。一喝喝上四禪天。臨濟元來不會禪。盡道朝陽生戶外。不知夜月落塔前。德山見僧入門。便棒。頌曰。棒下真鍮不博金。德山徹底老婆心。後人只看波濤湧。不見龍王宮殿深。芭蕉拄杖子話頌曰。綿州附子。漢州薑。最好沉梨出。麝香魯子。師僧才一嗅。鼻頭裂破眼睛黃。若此類皆奇作也。已而入閩。閩帥參政張公宋以聖泉處師稍遷。

乾元俄給事張公致遠移師鼓山授道元餘。新棟宇。嘗示衆曰。巧說說不到。心思思不及。命斷眼豁開。半錢也不直。又曰。不擁其前。不遮其後。上下四維。七通八透。正當恁麼時。如何八十翁翁行不得。又曰。目擊道存。已涉文彩。執鞭回首。未免途程。直向混沌未分時。明白父母未生時。現成。倏然不落。陰界自由。自在。當恁麼時。如何踏著關。樞子處處得逢渠。又曰。正當明時。如王寶劍。卓拄杖。下座。又曰。立路絕如解。開口說話。聖量盡。方得不受人瞞。立路不絕。只是說道。聖量不盡。依前落路。岐丞相張公德遠出師七閩。一日。謂僚屬曰。越山當福城三山之中。院獨廢絕。非老禪不能辦。即以屬師。不數月。殿閣崇成。他日丞相游鼓山。目其成績。遂迎師復歸鼓山。是時閩中法道最盛。蓋自師與真歇淨照數。公振發紹興甲子。有旨移鴈山。能仁爲第一代。乙丑蒙恩住龍翔新寺。丙寅秋七月十八日。得旨謝院事。明日湯浴更衣。聲鐘集衆。師步至衆集處。方趺座。泊然而逝。壽六十有四。臘五十。有一火餘舌如紅蓮色。并二牙不燼。舍利不勝。

數門人奉遺命歸之鼓山壽塔。師風姿奇。鴈朗潤。聲如鐘。學兼內外。談論資。安。操持宗柄。斷斷然。久益嚴。嚴與賢士大夫游。幾半天下。皆一時宗奉。祖道外護。佛乘者。晚居鼓山。自號老禪。書措道媚尺牘。所傳人以爲寶。其所爲禪家四六及五字句。皆精絕。自成一體。世多傳誦。有語錄行于世。贊曰。大慧禪師嘗題師畫像曰。讚歎竹庵也是妙喜。罵詈竹庵也是妙喜。讚之罵之。各有所以。讚之者爲渠具衲僧正眼。罵之者爲渠浸在醋甕裏。或曰。如竹庵之爲宗師也。不可讚。不可罵。精金美玉。自有定價。讚之罵之。徒增話。欄。妙喜聞之。笑而不答。但拊掌叩齒三下。從渠鑽龜打瓦。世以爲確論。予謂近代宗師涉世交公卿大夫。言行相副。全節自高。宏法有鉢。由靈源佛鑑而後。竹庵其賢哉。

徑山杲禪師

禪師諱宗杲。宣州寧國奚氏子。幼警敏。有英氣。年十三。始入鄉校。一日與同窓戲。謾以硯投之。悞中先生帽。償金而去。乃曰。讀世書。曷若究出世法乎。卽詣東

山慧雲院出家先是元豐戊午院塑釋迦像有異人
丁生者語寺僧曰立像一紀當生一導師大興宗教
若像有難是人方來像毀則是人亦有難崇寧甲申
有盜穴像腹取其所藏師以是歲適主事慧齊爲師
明年落髮受具繇是智辯自將凌跨流輩閱古雲門
錄恍若舊習聞老宿紹理久依天衣懷公亟往上謁
與聞雪竇奧旨趨寶峰湛堂準禪師見師風神爽邁
特加器重使之執侍指以入道捷徑師橫機無所讓
準呵之曰汝未曾悟病在意識殢解則爲所知障時
李彭商老參道於準師適有語曰道須神悟妙在心
空體之不假於聰明得之頓超於聞見李歎賞曰何
必讀四庫書然後爲學哉因結爲方外交準將入滅
師問孰可依從準以圓悟勤公語之已而重趼荊渚
謁無盡居士張公請銘準塔公道望傾天下師登其
門承顏接辭綽有餘裕公稱譽之爲名庵曰妙喜字
以曇晦歸寶峰訖其事復見無盡從容問曰居士謂
我禪何如公曰子禪逸格矣師曰宗杲實未自肯在
公曰行見川勤可也於是佩服其言放浪襄漢會大

陽微禪師密授曹洞宗旨尋游東都宣和六年圓悟
禪師被旨都下天寧師自慶曰天賜我得見此老不
孤湛堂張公指南之意遂迨天寧及聆其陞堂法要
迥異平日所聞卽傾心依附閱四旬圓悟舉僧問雲
門如何是諸佛出身處門云東山水上行若有人問
天寧只向道薰風自南來殿閣生微涼於言下豁然
頓悟圓悟大喜遷師擇木堂以古今差別因緣密加
研練一日圓悟飯超然居士趙公師預坐忽忘舉筋
圓悟顧師而語超然曰是子參得黃楊木禪也師旣
爲所激乘間扣曰聞和尚嘗問五祖話不知記其答
否圓悟曰向問有句無句如藤倚樹作麼生五祖云
描也描不成畫也畫不就又問樹倒藤枯時如何五
祖云相隨來也師廓然脫去知見玄妙圓悟深可之
使掌記室著臨濟正宗記畀焉分座令接衲繇是以
竹篋應機施設電閃星飛不容擬議叢林活然歸重
右丞呂公舜徒奏錫佛日之號虜人犯順欲名僧十
數比去師爲所挾會天竺密三藏日與論義密尤敬
服尋得自便趨吳門虎丘聞圓悟遷雲居欲往省覲

道金陵待制韓公子蒼與語喜之以書聞樞密徐公師川曰頃見妙喜辯慧出流輩又能道諸公之事業衰衰不勸實僧中杞梓也抵雲居爲衆第一座譏訶佛祖辯博無礙圓悟亦讓其雄會世擾攘入雲居之西結庵于古雲門寺基因以爲名閱二年避却湖湘轉仰山邂逅竹庵珪禪師相與還雲門著頌古百餘篇久之游七閩居海上洋嶼師閱諸方學者困於默照作辨邪正說以救其弊泉南給事江公創庵小溪延請師居繩素篤於道者畢集未半年發明大事者數十人鼎需思岳彌光道謙遵環悟本等皆在焉一日參政李公漢老聞舉庭栢話有省師可之及公疾革作偈寄彌光有深將法力荷雲門之句師平居絕無應世意圓悟在蜀聞之囑丞相張公德遠曰果首座不出無可支臨濟法道者公尋還朝適徑山虛席必欲致師師幡然起赴開法于臨安府治唱圓悟之道說法竟侍郎馮公濟川問曰師嘗言不作這虫豸今日爲什麼敗闕師曰盡大地是箇杲上座你作麼生見公無語及居徑山四方佳衲子靡然全集至一

千七百師無他約束容其自律發明已見率常有之上堂僧問逼塞虛空時如何師便喝進云文殊普賢來也師云逼塞虛空甚麼處與徑山相見僧亦喝師云文殊普賢爲甚在你腳跟下過僧擬議師便打問高揖釋迦不拜彌勒時如何答曰夢裏惺惺進云將謂和尚忘却師云你記得試道看進云雖道不得要且不失師云元來不會進云從上來事分付阿誰答曰分付瞎漢進云臨濟一宗全憑其力師云且喜不干你事問與萬法爲侶者是什麼人答是天上天下奈何不得底人進云爲什麼在徑山下答曰家無小使不成君子問一夏百念日已滿出門或有人問如何是徑山道底且作麼生答他師云徑山曾說甚麼來進云爭奈喚作竹筴則觸不喚作竹筴則背師云你作麼生會僧便喝云三十年後大有人笑在師云何必三十年後只今大有人笑你乃示衆曰尋常向諸人道喚作竹筴則觸不喚作竹筴則背不得向舉起處承當不得向意根下卜度不得下語不得良久或有人問畢竟如何卽向他道也無畢竟也無如

何正當。怎麼時四楞場地。擲在諸人面前。眼辨手親。底一連連得去。便能羅籠三界。提拔四生。其或未然。自是你諸人根性遲鈍。且莫錯恠徑山好。師居數年。法席日盛。宗風大振。號臨濟中興焉。張侍郎子韶從師之。游灑然脫去玄解。遂尊以師禮。時慧雲院忘丁生之讖。毀釋迦故像而新之。實紹興辛酉夏五月也。師於是月坐與張厚善。著逢掖。編置衡州。廖通直李釋爲結茅圃中。師旣拘文不與衆。俱率令散處花藥。開福伊山時容。其受道門庭益峻。乃哀先德機緣。問與拈提離爲三帙。目曰正法眼藏。前參政李公太發時居鐸。津翰林汪公彥章稅駕零陵。數通書問道。富軸者滋不悅。移師梅州。其地荒僻。瘴癘藥物不具。學徒百餘。羸糧從之。閱六稔。斃者過半。師以道處之。怡然。由是居民向化。至繪師像。飲食必祀焉者有之。乙亥冬。蒙恩北還。明年春。復僧伽黎。尋領朝命。往明州育王山。逾年有旨。改住徑山。天下宿衲復集如初。時上潛濟雅聞師名。遣內都監詣山問佛法大意。師陞堂有偈云。豁開頂門眼。照徹大千界。旣爲法中王。於

法得自在。仍作頌獻曰。大根大器。大力量荷擔大事。不尋常一毛頭上。通消息。徧界明明不覆藏。上嘉美久之建邸立。復遣內知客入山供養。五百應真請師說法。親書妙喜庵大字。并製贊寵寄曰。生滅不滅。常住不住。圓覺空明。隨物現處。師陞堂有偈曰。十方法界至人口。法界所有卽其舌。只憑此口與舌。頭祝吾君壽。無間歇。億萬斯年注福源。如海混漾永不竭。師子窟內產狻猊。驚定出丹山。穴爲瑞雲祥。遍九垓草木昆虫皆懽悅。稽首不可思議事。喻如衆星拱明。月故今宣揚妙伽陀。第一義中眞實說。師春秋高求解寺任。辛巳春得旨。退居院之明月堂。然宏法爲人老而不勒。上卽位特賜號大慧禪師。隆興建元自恣。前一夕有星殞于院之西。流光赫然有聲如雷。師示微疾。八月九日。學徒問候。師勉以宏道徐遣之曰。吾翌日始行至五鼓。親書遺奏。侍僧固請留頌爲寫四句。擲筆就寢。湛然而逝。壽七十有五。塔全身於堂之後。尋詔所居爲妙喜庵。諡曰普覺塔曰寶光師。荷佛祖正續全體作用。掃除知見。無法與人。雖古宗師無

以加之殆其縱無礙融通宗教則奄有園悟之風。是以高峻門庭容攝多衆若海涵地負綽綽有餘至於棒喝譏訶戲笑怒罵無非全提向上接人第學者難於湊泊耳其闊略宏度脫去繩檢所至學徒趨事雖嶄嶄露頭角號稱諸方領袖者師目使曠令如侍執然所爲偈贊頌古絕妙古今與賢士大夫往復論道書并上堂普說法語凡五帙行于世。贊曰近世呂公居仁嘗謂趙州說禪如項羽用兵直行徑前無復轍迹所當者破所摧者服非如他人銖稱寸度較量輕重然後以爲得也予觀大慧說禪抑居仁稱趙州者是矣凡中夏有祖以來徹法源具總持比肩列祖世不乏人至於悟門廣大肆樂說無礙辯才浩乎沛然如大慧禪師得非間世者歟盛矣哉其應機作略能奢能儉能峻能易能縱能奪機機盡善局局皆新此所以風流天下名動九重號稱中興臨濟不是過也迨其去世未幾道價愈光法嗣日盛天下學禪者仰之如泰山北斗云

福嚴演禪師

師諱文演成都新都縣楊氏子年十八依廣壽院子安得度具戒游大慈寺習經論久之謁正法明禪師聞舉雲門糊餅話有省見雅首座雅有道行指見昭覺圓悟禪師機緣密契了徹末後大事圓悟去世師出關首謁徑山妙喜相得允深次游南嶽首衆僧于福嚴會勾龍漕使攝潭師命出世智度唱圓悟之道僧問一喝分賓主照用一時行語未終師便喝僧亦喝師連兩喝僧作掀倒禪牀勢師拈拄杖僧歸衆師云叢休答問如何是定林正主答坐斷天下人舌頭曰未審如何親近答云觀著則睹僧禮拜師云放你三十棒問學人上來請師相見師云三要印開進云功不浪施去也答見什麼箇進云賓主儼然答未是向上行履問如何是向上行履答千聖立在下風進云向上向下豈不是建立門庭答云喚鐘作響進曰作麼生是建立底道理答我不見我心不見心進曰得恁麼那答真的始得又增禮拜起云請師答話師云一念不生全體現進云達磨面壁太分明答曰望空啓告進云何得壓良爲賤答權衡在手進曰作家

宗師答曰。何必嘗示衆。曰。明眼漢沒窠臼。辨風雲。識
休咎。破關擊節。電轉星飛。直截當場。劈面快與便。恁
麼稍稱臨濟兒孫。不負方來扣擊。到遮裏拈出。便刺
卽心非心。不將實法。擊綴人盡情。與伊割斷。却所以
道達磨不來東土。二祖不往西天。圓同太虛。無欠無
餘。當恁麼時。如何衲衣無蓋。覆回顏滿面。慚又曰。心
不可思。思之則七顛八倒。道不可學。學之則千差萬
別。到遮裏若湛寂凝然。去一向打在無爲無事處。擡
身不起。何故衲僧家直須奮大志。鐵脊梁。同時人行
不得處。行向古人學不到處。學行至無可行。學至無
可學。虛心久久。地不覺不知。本地風光。現前照用。著
著歷落。不滯聲香味觸。正恁麼時。猶是脫透邊事。只
如朕兆未分時。如何澄天魄。淨又曰。當陽坐斷。凡聖
迹絕。隨手放開。天地回轉。直得日月交互。虎嘯龍吟。
頭頭物物。耳聞目視。安立諦上是箇什麼。還委恁麼。
阿師吒喝一喝。下座又曰。等閑地。明白不思量。現成。
前佛後佛。於此指注不及。天下衲僧。計較不就。制遏
不住。迥脫情塵。唯自肯方。親全機放下一向。靠將去。

上無佛祖可依。下無自己可據。如太虛空。更無窒礙。
直是烜赫地。不昧一切。得遮巴鼻子。應用無窮。亦隨
手捏破。何故太紅爐中。不容點雪。又曰。只守無生國。
裏未是安居。直須萬仞懸崖。放身捨命。正當恁麼時。
試露消息。著到遮裏。須是箇人。始得還委恁麼。計較
尋不得。有時還自來。云。因下座。師居智度十有二年。
遷福嚴衲子。奔趨法席之盛。卓冠湖湘。右丞張魏公。
嘗曰。演公眞實無華。心口如一道行純。固老而益勵。
蓋衲子之矩範。乃吾鄉之舊識也。紹興丙子十一月。
二十有六日。端居丈室。集耆舊。囑以後事。手寫偈曰。
養得純熟。不費氣力。當鋒歷落。誰敢擬議。聖凡染淨。
眼中花。地獄天堂。得自在。喝一喝。擲筆而逝。世壽六
十五。僧臘四十八。闍維。五色舍利。靈骨藏院之三。生
塔。師性和易。任眞朴素。世以演道者稱之。於圓悟之
道。提唱作略。能世其家。而安分自將。不苟竊聲勢。議
者尤以此重之。

黃龍震禪師

師諱道震。金陵趙氏子。少依保寧覺印禪師爲童子。

覺印住泗洲普照遇淑妃閣擇童行守戒律者施度
 賺師在選中得度具戒久之辭覺印謁丹霞淨禪師
 與聞曹洞宗旨因有頌曰白雲深覆古寒巖異草靈
 花彩鳳啼夜半天明日當午騎牛背面著靴衫淳見
 而異之游湖湘抵大瀉作插鉢井頌曰盡道瀉山父
 子和插鉢猶自帶干戈至今一井如明鏡時有無風
 匝匝波最後至黃龍草堂清禪師一見契合紀意他
 往日取藏教讀之一夕聞晚參鼓步出經堂舉頭見
 月忽有省亟趨方丈陳所悟草堂深可之自此履踐
 獲大通微紹興初草堂避地曹山遷疎山師皆在焉
 居第一座分座接納五年臨川守給事程公命出世
 曹山唱草堂之道僧問如何是奪人不奪境師云黑
 漆崐崘穿市過進云如何是奪境不奪人答云賣扇
 婆子手遮曰如何是人境俱奪答曰灰飛煙滅後怕
 你絕音容問如何是人境俱不奪答曰當年獨坐雄
 峰事今日分明說向君進云只如向上宗乘又作麼
 生師以拂子擊禪牀僧云烹凡煉聖有立功萬古叢
 林作標格便禮拜嘗示衆曰曹山門下有鵝王擇乳

句若人會得凡聖染淨迷悟生死無二無別若也不
 會則凡聖染淨迷悟生死覆他一點不得久之退隱
 疎山之山堂郡守葉公夢齡請居廣壽未幾洪帥李
 公迨移居百丈師力叢林矩範僧到必勸辯一日僧
 展坐具禮拜師轉身背却僧收坐具便去師乃喚回
 僧進前師便歸方丈明日僧問訊云某甲昨蒙和尚
 慈悲有箇省處師云作麼生僧近師邊作聽勢師取
 拂子打之僧大笑而去若此類甚多衲子翕然推服
 晚遷黃龍是爲積翠直下子孫授道之處院燼于兵
 火師慨然有興復之志閱數年堂殿廊廡迄抵于成
 三十一年七月二十八日示微疾集衆告曰老僧參
 見海內有名尊宿十有七人泊見草堂始到不疑之
 地汝等當究本法儼透脫無滯礙隨力量興作利益
 衆生無虛弃光陰左右固請留頌命筆書曰吾年八
 十三隨順世言談不落思量句誰人共我參翌日聞
 鐘聲奄然而寂端坐三日支體柔和顏兒如生闍維
 日雲慘風悲草木變色煙焰所及悉綴舍利道俗取
 之旬日不竭塔于寺之西庵師爲人剛正強力甘枯

淡務精進。迹未嘗造檀越之門。近代宏法唯師有古尊宿風韻。議者比之常庵崇禪師云。

贊曰。演出關棲。遲妙喜之門。久甚。及開法出世。不忘圓悟。有道者。固應如此。震天資耿介。草堂晚居。勸潭道大盛時。有厚奉香信。請法語法衣者。草堂將與之。震驟諫以爲不可。草堂不允。震遂拂衣遁。他境嗚呼。使異時主法宗師之門。震之志得行焉。其規正竊昌陰翊化權。豈淺淺哉。

僧寶正續傳卷第六

僧寶正續傳卷第七

隆興府沙門 祖秀 撰

德山木上座

師出於木氏。因以名之。其遠祖曰重。是爲少昊之叔也。重見左傳絕有德于民。帝嘉之以爲勾芒。使居于窮桑。爵青陽侯。自是子孫蕃衍。凡日月霜露所至。必與焉。唯窮壤之北。與大瀛之間。無有也。自重生椿椿以積。

慶致長壽。或云椿以八千歲爲一春。椿生甘棠。甘棠美姿容。有幹局。召康公倚之聽政。士民便之。戒以勿剪。勿伐。甘棠之子曰嘉嘉。遷于魯。主于季氏。晉韓宣子見而譽之。嘉生椿。椿生櫟。二子復以朴厚致壽。櫟生楠。楠生杞。楠杞俱以美材。稱杞生豫章。豫章天下奇材也。登于廟堂。任重不阿。上喜之。進爵郡公。師即豫章公之子也。少而喬楚。平居正容。不與凡品爭高。雅有四方之志。銅郡鍼侯見而奇之。曰。是子挺秀如此。其可蒙難于衆而不自競乎。師曰。吾祖才德之劭。稱於天下。子雖荏苒。實懼厥世。弗敢失墜。其無辱子。憂鍼侯喜曰。豫章公於是乎有子矣。鄧人玉斧遇而歎曰。美哉。請早爲之所。不然難且及矣。師從而問。故玉斧曰。而君雖任棟梁之寄。然於身何益哉。易大過曰。棟撓凶。象曰。棟撓凶。不足以有輔也。而君殆撓矣。曷若避世之士哉。今子春和尙富。若遇楚靈王。剝圭寵之。不過以爲鍼秘而已。子盛德之後。其肯入之人之手乎。不然。雖與魯仲尼同載以游。脫逢原壤夷筮。必命子辱之子。其甘爲人使乎。師遽改容曰。若是吾。

將安歸玉斧曰子聞桑門氏有德山者天下之大道者也姑弃而族直而躬駢乃服盡鋤其癰腫疣贅予爲子先子從而見師稟其教就見德山德山大悅使立於前爲說最上乘未幾忽悟向上一句隱密全該雖七縱八橫了無滯礙卽以告德山山曰嘻子正墮吾掌握中矣自是命師出則偕行坐則並榻凡天下參徒來見德山必先見師師可之然後入德山室山一日晚參示衆云今夜不答話問話者三十棒時有僧出禮拜山使師驗之僧云某甲話也未問在山云汝甚處人曰新羅山云未踏船舷時木上座與你相見了也巖頭初見德山入方丈側身問是凡是聖山以師擊之巖頭便禮拜繇是全提大用莫敢當鋒所謂把斷要津不通凡聖者也時雪峰亦在德山因與巖頭歎曰此子不遇德山不能荷擔大事德山不得此子不能鍛煉學者是子與德山其一體乎旣而雪峰宏道于闍師往見之復於雪峰言下發明自己化爲龍吞却乾坤山河大地豁然不現雪峰上堂曰南山有條鼉鼻蛇汝等諸人切須好看雲門舉師擲

師疑拄杖

師疑拂拭拄杖

在衆前作怕勢保福出云今日堂中大人喪身失命泊佛日師往見夾山拉師偕行比至未陞塔便問甚處來曰雲居山云卽今在什麼處曰夾山頂上山云老僧行年在坎五鬼臨身佛日遂上塔作禮山問闍黎與甚人同行曰木上座山云他何不來看相和尙看他分山云在什麼處曰在堂中山卽同下堂中佛日引師於夾山面前山云莫從天台得來否曰非五嶽之所生山云莫從須彌山得來否曰月宮亦不逢山云與麼則從人得也曰自己尙是怨家從人得堪作什麼山云冷灰裏忽有粒豆爆喚維那來安排向明窓下著其後雲門闡化于韶陽而蹙其足倚師尤恭方是時雲門眼空寰海每舉宗乘定誦訛必以師爲準的嘗一日上堂曰我共你平展遇人識人與麼老婆說話尙自不會每日飽喫飯了上來下去覓什麼碗遮野狐隊仗向遮裏作什麼命師一時趣下又嘗示衆曰大用現前不存軌則有僧便問如何是大用現前雲門舉師當面曰釋迦老子你來也其爲當時諸老奉重如此及雲門去世師知天下學

者不能盡其大用。遂潛光匿曜。與世推移。莫有識師者。流及末代。釋德下衰。學者以聲利爲懷。蔽於浮境。至有陷于非道。主者必命師以辱之。先是師在德山。時與臨濟金剛王齊名。厥後復有楊岐栗棘蒲白雲鐵酸餽說者。以謂卽師之異名。及比年海上二三道士。亦有彷彿見師爲拳頭爲竹篋爲木劍者。惜其介特寡徒云。

贊曰。古德有言。出家蓋大丈夫事。非公侯將相所能爲。誠哉斯言也。予觀豫章公之世。固榮達矣。然側身從事。朽蠹以之。及其子裂去巾冠。躍出牢俗。致身青雲。荷擔列祖之道。萬世仰其風規。可不謂之大丈夫也乎。

臨濟金剛王

王諱喝。生聲氏。世居性海之濱。偶事激徒于劍門。幼而孤。長有氣岸。戚人威音王嘗薦之。帝堯堯任爲諫官。于時浩浩懷山襄陵。洪水致害。堯患之。與四嶽謀治。四嶽亟舉。繇繇治水亡効。帝乃震怒。王於帝前。磨退四嶽。四嶽悚惕。不敢仰視。雖未有以獻替百官。憚

△長壽寺

王猶雷霆也。俄辭爵之崆峒之墟。見混元子。得長生久視之術。自是夷猶海岱。世莫得而見之。雖春秋左氏所寄聲。伯恐亦其族氏也。漢初高帝與項羽爭天下。王在齊海。聞之喜曰。此吾有爲時也。遂自齊求見羽於關中。羽見而悅之。未及官。適高帝逼羽。羽返旆與高帝接戰于廣武。高帝使婁將軍挑戰。且辰羽怒甚。乃亟用王。於是婁煩弓矢。不知墮地。人馬皆辟易。是日項羽喜劇。顧謂王曰。天下事稍定。吾以夏口處子王。輒然而笑曰。夫高世之士。爲人排患釋難。解紛亂而亡所取也。設有取者是商賈之事。喝不爲矣。遂拂衣復歸于海上。厥後霸王不覺於漢。及罹困阨。中思欲復用王而不可得。因歎歔泣下。霑襟。李唐有天下。浮圖教聿盛于世。自天子公侯。靡不宗奉。王聞而喜曰。吾聞釋氏禪門。直指人心。見性成佛。可絕無始生死根本。於是出訪其道。遇江西馬祖大師。祖授以向上綱宗。立地成佛之旨。王大悅。頗覺平昔所用粥飯氣廓如也。祖復遷之特室。以正法眼藏畀之。王再拜辭曰。是非喝所敢當也。祖慰勉之。會百丈再參。

祖豎起拂子。丈曰。卽此用離。此用祖掛拂子舊處。丈擬議。祖遂以王用事。丈震聒三日。乃大悟。王名聲由此振于世。黃蘗運公初見百丈。丈舉前掛拂話。次偶及王。黃蘗不覺吐舌。未幾臨濟於大愚。言下發明。黃蘗大機之用。遂忽見王。於是氣增十倍。自此臨濟奉王從事。出沒卷舒。互相顯發。如雷如霆。四方震駭。學者自遠而歸之。凡三聖興化。大覺之流。其大機大用。皆自王而啓之。故當時畏懼。莫有膺其鋒者。因目之曰金剛王寶劔。或曰踞地師子。或曰探竿影草。其威譽功烈如此。此時無位真人與王同輔臨濟覺者多。昵無位真人。濟廉知給曰。無位真人是甚乾屎橛。厥後學者方一意宗王。及濟將終。謂衆曰。吾滅後不得滅却吾正法眼。三聖曰。爭敢滅却。濟曰。向後有人問汝作麼生。三聖亟以王爲對。濟曰。誰知吾正法眼向遮瞎驢邊滅却。洎濟示寂。王慨然歎曰。性海吾鄉也。法界吾宇也。威音王吾戚也。吾受知於堯。成名於項羽。自吾捨俗歸釋。晚得臨濟。全提大用之人云。亡吾已矣。乎後五百歲。必假吾以禦葛藤。而出乎凡夫曰。

矣。遂不知終。既而果然泛泛者。皆竊王聲勢用事。其邪正真僞。竟莫之辨。獨汾陽偈曰。一喝分賓主。照用一時行要會。箇中意。日午打三更。英靈衲子。由是想見王之風乎。焉其府。屬曰。賓曰主。日照曰用。皆有功於宗門云。

贊曰。予於無盡藏得異書焉。若世所謂金剛圈栗棘蒲木上座及王之機緣。皆見其始末根緒。非若近世泛泛語之。而不雅馴。故特撰次之。然春秋左氏談王道者也。至於神降于莘。石言于魏。榆猶詳著之高僧贊寧增修僧傳。號稱閱覽博識。而王親見馬祖。陶鑄百丈。夾輔黃檗。而建立臨濟之宗。其全機大用。獨冠古今。光明碩大如此。而不見書於傳。豈寧輩蔽于俗學。違無盡藏。覓異書。不得王之始末乎。

代古塔主與洪覺範書

洪罪古禪師說法有三失。謂一句中具三玄。一玄中具三要。有玄有要是臨濟所立。在百丈黃檗名大機大用。在巖頭雪峰。名陷虎却物。古以爲從上佛祖法門。非臨濟所立。一失也。巴陵真得雲門之

旨凡語中有語名死句語中無語爲活句也巴陵三語謂之語則無理謂之非語則起來機活句也古非毀之二失也兩種自己世尊偈曰陀那微細識習氣如暴流真非真恐迷我常不開演以第八識爲真則慮迷無自性非真則慮迷爲斷滅故曰不開演立言之難也古叔建兩種自己三失也因代古書以正洪之悞

承古和南上書覺範禪師足下某老且憊謬與傳燈之齒側承足下環偉奇傑之風未卽摳衣然伏膺微聞佇悅之勤良益深矣每謂佛運演茲叔世釋德下衰不有卓絕之士興頽禦侮障堤末流則林間抱道之士安能寂住無爲而不虞魔事哉往見足下紀述林間錄才運精緻衍繹孰復異不之排怨不之誹使古人殘膏賸馥霑丐後來自非閱覽洽聞孰能爾耶某頃隸進士時頗知讀書自以不至舐滯及剔髮游方密探佛祖之妙則知所以履實踐真緬悟前習特塵垢粃糠耳方刮摩鏟除若不暇豈復有意於人事哉嘗聞足下有撰次僧傳之志某喜爲之折屣蓋一

△已巳巴

代至教所以震於天下者由近古宗匠維持之力也足下誠能手發其樞使彼典刑事業光明爲弈傳之不朽實莫大之幸及足下成書獲閱之方一過目爛然華麗若雲翔電發遇之駭然及再三伸卷攷覈事實則知足下樹志淺矣夫文所以紀實也苟忽事實而高下其心唯騁歆艶之文此楊子所謂從而繡其盤悅君子所以不取也其裁剗八十一人諒希九九之數亦吾宗偉人能事備于此矣若某無似之迹弃之可也特蒙記著而罪以說法之失者三其一曰判三玄三要爲玄妙三句其二曰罪已陵語不識活句其三曰開兩種自己不知聖人立言之難誠足下明鑒若此然某說法絕不喜人傳之往往誤爲靈源禪師見賞以謂有補於學者不意返獲罪於足下且靈源蓋宗門一代典刑足下既以某說法有過能不波及靈源乎孔子曰是而可忍孰不可忍請試辨之夫開三玄者蓋一期善巧方便簡別機緣以啓大道之深致非私設偏見而苟異於佛祖也固嘗謂三玄法門是佛祖正見雖臨濟獨標三玄以立宗旨蓋亦同

歸佛祖之極。豈別私有一法附耳而密傳。若果私有。則爲纖兒。佞夫。獻姦納賄。而私取之矣。曷得爲天下公傳之大道乎。是之臨濟之道。卽佛祖之道。佛祖之道。卽天下之大道也。且分三玄。而三要不分者。蓋玄既分。則要在其中矣。汾陽偈云。三玄三要事難分。誠使不分。則不應言難。既曰難分。則是可分。而但難之之謂也。今予分難分之法。以激學者。專門黨宗之弊。直指妙悟爲極。則於何而不可乎。足下謂三玄在百丈黃檗。但名大機大用。在雪峰巖頭。則名陷虎之機。某謂三玄是佛祖正見。然則古今稱謂雖異。其實則一也。某與足下之論。殆冥合矣。何必以人情相訾乎。復謂愚以氣槩人。則毀教。乘以爲知見。及自宗不通。則又引知見以爲證。噫。斯言過矣。夫具眼宗師。道性如故。法性亦如法性。如故。豈有聽說自他之異。要在臨機抑揚。縱奪爲人去釘楔。脫籠頭而已。此從上宗門說法之儀式也。奈何謂之以氣槩人乎。足下爲書。必欲扶持宗教。既有是志。而不探佛祖之心。則雖舞等奮辭。愈疎脫矣。然則開三玄之失。非也。罪巴陵語。

不識活句者。此足下讀愚書未審耳。夫巴陵親見雲門者也。方雲門在世。氣宇如王。其肯以語句爲事。嘗曰。此事若在言句上。三藏十二分教。豈是無言句。奈何巴陵未旋踵而違戾。師教。矜能暴美。求信於人。以謂將三轉語。足以報答雲門。更不爲其作忌。予故鄙其自屈宗風。以爲語句。便後世泛爾之徒。矜馳言語。喪失道源。自巴陵始也。又曷嘗謂其語非活句乎。蒙示教曰。有問提婆宗答曰。外道是可以鑑作死語。然則僧問德山。如何是佛。山云。佛是西天老比丘。亦應鑑作死句也。夫豈然哉。宗師臨機大用。要在悟物而已。詎若搜章摘句之學。以工拙較耶。果以工爲活句。拙爲死句。則鳥窠吹布毛。亦拙矣。侍者何由悟去哉。承論巴陵三語。曰。謂之語。則無理。謂之非語。則赴來機活句也。嗚呼。此失之遠矣。夫死句活句。雖分語中有語。語中無語之異。然在真實人分上。棒喝譏呵。戲笑怒罵。以至風聲雨滴。朝明夕昏。無非活句也。豈唯玄言妙句而已哉。必如足下。以無理而赴來機爲活句。標爲宗門絕唱。則從上宗師答話。俱無準的。第臨

時亂道使人謂之語則無理謂之非語則赴來機會胡模稜而已於戲其以宗門事當兒戲乎且吾教經論大義粲然史氏猶以爲華人好譎者攘莊列之語佐其高層累駕騰直出其表而不信況足下自判宗門旨趣如此使彼見之能不重增輕薄足下略不念此何耶然則予所以罪巴陵者以其術語句慢師資而昧大體也足下則愛珊瑚枝枝撐著月之句夫罪爲當乎然則不識活句之失非也開兩種自己不知聖人立言之難者某所以開之之意於答施秘丞二篇中備言之矣蓋稟佛祖懿範爲末代學者明示根本使捨日用光影直了空劫已前本來自己也由今時多以機辯玄妙爲極則故說二種以驗淺深然如來以三身設化儀少林以皮髓別親疎洞山以偏正立宗旨至於馬鳴則以一心開真如生滅二門予故駕此之說以救末代學者弃本之弊非不知聖人立言之難也足下所舉首楞嚴偈蓋解深密經偈耳且教乘五時之異學者不得不明如深密經卽第三時

靈隱

教說不空不有破第二時之空教也若首楞嚴卽第五時說了義教當是時大機可發故爲阿難開示成佛法門其曰眞非眞恐迷我常不開演者蓋聖人重學解深密經以謂往昔根未熟時常不開演非謂說首楞嚴時也足下不究前後五時之異妄謂聖人恐懼立言之難且世尊曰我爲法王於法自在詎有自在法王不敢決斷眞妄椰榆其事首鼠兩端而貽惑後人乎又諸經標列法門千修萬件曷嘗以之爲難而置不辨耶承高論曰以第八識言其爲眞耶則慮無自性言其非眞耶則慮迷爲斷滅故曰我常不開演噫予每讀至此未嘗不廢卷而痛惜也何則世尊云性識眞空性空眞識清淨本然周遍法界湛然常住足下則謂聖人亦不敢以爲眞又不敢以爲非眞使世尊果顚預如此則三界群生安所歸仰乎足下平生蹈僞至此敗靈盡矣夫首楞嚴者決定直指一心本來是佛不同他教足下又謂二種錯亂修習亦不敢間隔其辭廬於一法中生二解然世尊非懷多慮者也經云如我按指海印發光汝暫舉心塵勞先

起是則聖人種智妙圓無施而不妙慮也者卽衆生攀緣妄心也。予稟種智說法足下一以妄慮沮毀之及引經又非允當然則不知聖人立言之失非也。夫言迹之興異端所由生自非明哲稟正義辭而闢之則生生趨競而宗塗替矣。予聞之昔吾宗盛時人人以道德實行光明於世未始責於立言及德之衰於是始立僧傳今足下復出新意迹贊辭行褒貶是爲作者職也。於何不探春秋之旨乎。春秋正一王之法以權輔用以誠斷禮以忠道原情從宜抹亂因時黜陟此其大略也。某開二種自己憲章佛祖懿範俾學者黜立解而究本所謂以權輔用者也。譏巴陵溥師資珍語句所謂以誠斷禮者也。分三立啓大道深致而矯弊所譏從宜抹亂因時黜陟者也。凡此蓋乃心弘道以敦出家大節足下一切毀之則失所謂以忠道原情者也。凡足下之書既謬聖人道又乖世典安狂行褒貶乎。至於譏訾照覺不取死心亦失體之甚。雖陳壽求采班固受金亦不爾也。自述寶鏡三昧則託言朱世英得於老僧自解法華輔成寶鏡之辭置

之九峰傳則曰石碑斷壞有木碑書其略如此。噫茲可與合眼擎金而謂市人不見者併按也。夫寶鏡三昧洞山雖云受之雲巖蓋驗人親切之旨未應作爲文具而傳之也。又佛祖之法等心普施雖異類不問詎有同門學者竊聽之而呪令倒柯賢聖之心果匾曲爾乎。又其辭曰重离六交偏正回互疊而爲三變盡爲五夫洞山傳達磨宗旨者也。重离卦則伏羲文王之書。果若此言則是洞山□□林宗旨而傳伏羲宗師也。文王之書依仿離卦而建立五位然洞山大肯綮哉。足下公然鑿空締立而誣罔之其罪宜何誅焉。大抵事有味於實害於教人雖不我以其如神明何足下譏揣古人固不少矣。返更冒榮致譴昔許敬宗面與修晉史晚陷佞臣之名後世遂以晉史非出正人之手而弗重切幸懲艾前失深探道源履以中正然後從容致思揖讓鈎深著爲法度之典貽之後世規得失定正邪而斷以列聖大中之道使萬古莫敢擬議若達磨辨六宗則予亦甘心受誅於足下夫何言哉。既不能爾予是以強顏一起與足下審訂僞妄使吾門來者無蹈足下之覆車亦某終始盡忠

於佛而行傳道關邪之志氣也。于冒慈嚴伏幸恕罪
不宣

僧寶正續傳卷第七